


四庫禁燬書叢刊編纂委員會

北京出版社

四庫禁燬書叢刊



集部第五九冊目次

顧文康公續稿六卷

〔明〕顧鼎臣撰
明崇禎十六年刻本

..... 一

陳太史無夢園初集三十四卷（一）

〔明〕陳仁錫撰
明崇禎六年張一鳴刻本

..... 八九

顧文康公續稿六卷

〔明〕顧鼎臣撰

明崇禎十六年刻本

中國科學院圖書館藏

顧文康公續稿目錄

卷之一

廷試策 續輯

卷之二

經筵講章 續輯

洪範全

中庸首章

卷之三

樂章 續輯

顧文康公續稿目錄

太社太稷祈報樂章

大祀殿祈穀樂章

太廟歲暮祫祭樂章

九廟時祫樂章

九廟特饗樂章

九廟通用樂章

郊祀慶成樂歌

卷之四

誥勅 補遺

光祿寺良醢署署丞方策并妻

方策父母

刑部山西司員外郎張寰

賦 補遺

七陵謁祀禮成賦

恭和 聖製福瑞賦

恭和 聖製初夏西遊奉 聖母舟行賦

恭和 聖製五月九日視工遇雨賦

頌 續輯

顧文康公續稿目錄

瑞雲頌

景雲頌

卷之五

表 前刻有闕今蒐全首

重書 實訓 實錄 錫宴及 賜白金衣

馬 手勅加官謝表嘉靖十五年

賜貂鼠封領及金餅謝表嘉靖十七年

致語 續輯

端午日西海泛龍舟並宴 兩宮致語

記 補遺

霽雨堂記

高玄嘉慶堂記

墓誌 補遺

贈南京太常寺卿思菴王公墓誌銘

醫學正科王君配盧碩人合葬墓誌銘

東園盛君配陶氏合葬墓誌銘

銘 續輯

郭武定侯藏 賜扇珍筭銘

像贊 續輯

朱英齋先生像贊

朱德溫先生像贊

朱丹石像贊

跋 續輯

跋鄒山人詩表後

書牘 補遺

與張碧崖僉憲書

卷之六

詩 補遺

高雲篇 已下五言古詩

題周氏世壽堂

送銅仁府推諸孫文郁之任

和孔昭侄苦熱長句

賀錦衣陳君葵軒生子週歲

贈秋官孫從龍謫懷遠

題菊 已下七言古詩

王母篇

玉泉山觀泉源 已下五言律詩

送周侍御

水村太宰宅壽筵觀燈 已下七言律詩

卽席詠燈

階盧侍御遊西山和韵

望湖亭

出功德寺至香山

文華夜講和元人韵

初見白髮

南郊視牲馬上口占

黃丹岩冒雪行戲贈

幽花

和中秋聯句韻呈荅東孤卿

謝汝湖太宰席上口占

南山孫丈人席賦祝用少陵韻

九日暢飲至醉用周少宰白川韻呈笑

登玉峯

辛酉二月

鹿鳴宴

辛酉

入官

贈楊玄隱道會還崑

壽玄隱楊鍊師七十

乙未春正二月三旬內連得二會孫志喜

丙申秋冬又連誕二會孫用前韻

題夜合花

題顧山山茶

恭和 聖製魚入舟詩

已下七言絕句

荆婦朱辛預 太廟陪祀口號志喜

西山

題錢舜舉西旅貢葵圖

二首

戲寫三圖自題

三首

詞 補遺

恭和 御製西湖詞

二副

和桂洲相公黃河詞

二首

桂洲閣前紅芍藥盛開用韻紀勝

壽周泉坡少司寇六十

和桂洲相公見賀麟袍之 賜

賀桂洲相公卜居兼祝克閭之慶

賀序菴相公遷居兼祝難老

間前蓮子遺桂洲相公致祝

題梅附

顧文康公續稿卷之一
廷試策

臣 顧鼎臣

臣對 臣聞帝王有治天下之大體有治天下之大用體者何道是也用者何法是也道根於心法之所繇立也法施於政道之所繇行也法而非法則所以主張之者無其本道而非法則所以經綸之者無其具皆非所以治天下也然有是道則其法可立未有善立是法而不本於道者也有是法則其道可行未有能行其道而不知守乎法者也道行而無弊法立而能守則推之無不準動之無不化外無不攘內無不安遠無不至邇無不服端拱於九重之上而操縱翕張所向如意運用於四海之間而渾融貫徹所在歸極尚何治之不古哉帝之所以帝王之所以王我皇祖之所以創造

列聖之所以繼述皆不外此彼漢唐宋者道非其道法非其法又何怪乎治效之不能比於唐虞三代也哉欽惟

皇帝陛下天啓

聖神日新

德學大化神明洽於遠邇至治馨香徹於上

所謂學於古訓而有獲監於成憲而無

益卓卓乎足以先而裕後矣茲者開

擢多士御大廷降

顧文康公續稿卷之一

明詔徇謂治效未臻其極而拳拳以行道守

法爲問 臣雖至陋寧不鼓舞感動思整愚

衷以對揚

休命乎竊惟天生萬物不能自理而命之聖

人故曰天佑下民作之君作之師惟其克

相上帝寵綏四方夫以一人之身加於兆

民之上而付之以君師治教之責亦大且

難矣求盡是責以無負乎天之所命令道

與法二者其奚以哉是故修身齊家治國

平天下治之道也道者治之體也建立紀綱分正百職順天揆事創制立度以盡天下之務治之法也法者道之用也嘗考朱熹之訓曰道猶路也法法度也董仲舒亦曰道者所繇適於治之路也謂之路則可見其爲人之所當守是二者理與事有精粗之異而本與末亦若二致焉豈可以無別乎

聖策所謂名義之攸在者蓋如此然孟子曰徒

善不足以爲政徒法不能以自行程顥曰

三

必有關雎麟趾之意然後可以行周官之法度胡宏又曰道德者法制之隱法制者道德之顯有道德以結民而無法制者爲無用無用者亡有法制以繫民而無道德者爲無體無體者滅是其本末雖有先後之殊而顯微則無彼此之間也豈可以偏廢乎

聖策所謂序之相須者蓋如此古者聖人迭興

皆天所命帝莫過於堯舜王莫過於禹湯文武其道與法垂之古今如日中天而昭示無極如水行地而澤潤不窮功化之美又孰有加於是乎

聖策首詢乎此臣有以知

陛下嘉堯舜禹湯文武之治而能自得師矣臣請稽諸經傳而陳其大可乎堯之明峻德以至於和萬邦舜之徽五典以至於叙百揆禹之敷命率常湯之綏猷修紀文武之

禮樂教建皇極至若精一執中之授受典

四

禮損益之因革此帝王之道也是道也大公而至正盡善而盡美不徇於功利之好不牽於詐力之私小自於一身而冒於六合之大近自於日用而放乎四海之遠造端於愚夫愚婦之所能而極於天地化育之所不能盡實行之萬世而無弊者也堯之曆象授時垂衣制器舜之封山濬川頒瑞考績禹之慎財賦詒典則湯之懋功賞

制官刑文武之貧麗陳教列爵分土至若
封建井田之制學較征伐之典此帝王之
法也是法也詳爲之慮曲爲之防本諸身
徵諸庶民法乎天時因乎地利合乎人情
宜於土俗當百世守之而勿失者也道以
立其體而法以善其用致治之盛萬世如
見有繇然矣自是以降若漢唐宋賢明之
君創業於前守成於後其道與法固皆出
於帝王然徒竊夫糠粃之似而無其實得
夫糟粕之淺而失其真雖有事功不過小
補其孰能與於古哉
聖策繼及乎此臣有以知
陛下陋漢唐宋於下風而有所不爲矣臣請據
諸史冊而陳其策可乎漢高祖之豁達大
度孝文之清淨玄默唐太宗之聰明英武
玄宗之好賢樂善宋藝祖之嚴重孝友仁
宗之溫恭節儉於道似有得矣然而維霸
術尚黃老大綱不正閨門慝德仁厚有餘

剛明不足非帝王之所謂道也漢之著律
令定稅賦唐之租庸調府衛兵宋之序資
格嚴科禁其法似亦善矣然而不事詩書
禮文多闕聘矜大之心極奢侈之欲聲容
盛而武備衰議論多而成功少非帝王之
所謂法也蓋斯道既微法亦隨變治效之
成終不古若何足疑乎恭惟我
太祖高皇帝誕膺
天命掃除胡元立帝王自立之中國傳帝王相
傳之正統建極垂憲詒謀萬世臣沐浴膏
澤嘗竊窺一二敢拜手稽首爲
陛下陳之敬天勤民防非窒慾身之脩也官房
無私愛左右無偏恩家之齊也君臣同
遊之盛朝野畫一政國之治也武功以戡
禍亂文德以興太平天下之平也我
祖宗之道非即帝王之道乎六卿分治庶僚承
服百職舉矣臺諫以糾正於內憲司以廉
察於外紀綱肅矣車旗服物之有章官室

器用之有等制度一矣學較選舉之有條

兵刑財賦之有制庶事康矣我

祖宗之法非即帝王之法乎自是以來

聖子神孫善繼善述不愆不忘治化之成益遠

過於漢唐宋矣而

聖策復以治效未臻其極夙夜兢兢圖光

先烈爲言者此

陛下聖不自聖務欲福躋皇極化協泰和超千

古而特出跨百王而獨盛也臣愚何足以

顧文康公續稿

卷之十

七

知之臣竊以爲欲師帝王先師

祖宗能行

祖宗之道則帝王之道在是矣能守

祖宗之法則帝王之法在是矣

陛下大孝格

天至仁育物謙恭逮下明智燭微日

御經筵講求治理數

召大臣咨詢時政所以行

祖宗之道而守

祖宗之法蓋無可訾議者但近歲以來災異迭

見水旱相仍而時雍風動之休未洽黎民

阻饑赤子弄兵而鼓腹擊壤之謠未聞夷

虜跳梁而軍政未可謂修府庫告竭而蓄

積未可謂富內外臣工率多因循苟且取

辦簿書廉靖之節日蹙革競之風日長而

文武未可謂盡得其人則

聖策所謂行道守法未盡若古者臣不敢謂其

不然也臣愚以爲

顧文康公續稿

卷之十

八

陛下之德如是學如是虛懷望治之誠如是以

陛下而慮此宜無足爲者但恐不加之意耳夫

道雖不一其要在於脩身身有不修而妄

意於職等之爲謂之能行道不可也法雖

至繁其要在於紀綱紀綱不振而疲神於

不急之務謂之能守法不可也然修身不

外於威儀言動而紀綱不外於舉措刑賞

陛下誠能左之右之周旋乎規矩準繩之中一

言一動從容乎仁義禮樂之蘊則道成於

上而身修矣身既修則家可齊國可治而天下可平尚何

祖宗之道有不行乎舉直措枉必協乎天下之公論賞善刑惡不徇乎褻近之私情法行自近紀綱振矣紀綱既振則百職可舉制度可一天下之事可興尚何

祖宗之法有不守乎如是則俊良登崇而讒邪遠出入有度而財用足武備修而蠻夷懾服刑罰威而姦宄銷亡災異息靈瑞臻而

顧文康公續稿

卷之二

九

百姓之寧萬物順遂治效之隆豈不足以並美於唐虞三代也哉雖然此

陛下所以策臣者而言之爾猶未要其極而舉

其全也臣請究極本原探索精微爲終篇

獻焉蓋心之主宰一身無事不體而天之主

宰萬物亦無往不在天者理之所從以出

者天之心與吾心之天一也是以帝王之

道雖要於修身而欲脩其身必先於正心

帝王之法雖要於紀綱而欲振紀綱惟在

於順天不正其心不順乎天則雖宵旰憂

勤思以行道守法亦苟焉而已爾何謂正

心致知以明此心誠意以實此心聲色貨

利之欲此心之鴆毒則遠之車馬宮室之

樂此心之斧斤則禁之諂諛邪佞足以移

此心則斥之便嬖近幸足以撓此心則絕

之凡吾威儀言動之發莫非自然必使吾

心泰而百體從令也吾心大而萬物咸備

也是之謂正心何謂順天無貳無虞曰上

顧文康公續稿

卷之二

十

帝臨女也有嚴有翼曰鬼神在旁也匹夫

匹婦勿謂可下曰此天民也一命一秩勿

謂可忽曰此天職也剝制立度恐其悖天

揆事成務恐其違天凡吾舉措刑賞之施

不敢自專曰天命有德也天討有罪也是

之謂順天能順天則天與吾心爲一而吾

心自無不正能正心則吾心與天無間而

於天自無不順以是行

祖宗之道則道爲無弊足以主張乎法以是守

祖宗之法則法焉弗失足以經綸乎道體無不

立用無不行所謂光

先烈而臻至治者惟

陛下所欲而致之無難矣如是則君師治教之

責以盡上天寵綏之命以凝而磐石之宗

苞桑之業豈不可以永保於億萬年而無

虞也哉臣竊伏海濱荷

生成作養之德有年矣平居所學固不出乎

道法之間每念異日幸望

顧文康公續稿

七

清光奉

大對期有所論列敷啓以盡責難之恭而今

也實其時也顧草茅迂疎不知忌諱敢直

述所見聞者如此伏願

陛下留神澄省果切於萬分有一之用

俯賜采行不勝幸甚臣干冒

天威無任隕越之至臣謹對

顧文康公續稿卷之一終

聖諭

嘉靖七年戊子八月三十日

上諭輔臣曰朕爲洪範一書於帝王爲治之大經大法實爲親切講解須委一人庶得接續貫通欲令鼎臣通篇進講分段計日從容講解務使盡其所言以爲朕爲學求治之助是年九月八日

顧文康公續稿

卷之二

一

上又諭曰鼎臣所講洪範盡心指解復慮詞語長多恐溫書之日有所失記少爲刪去幾句從容講說以發明朕心使有所得直解揭帖內可撰寫精全朕得覽閱以求旨義爲爲治之助

是年閏十月二十日

上又諭曰今已寒月例免經筵日講朕以洪範未終篇故未循例又曰爲學貴終始亦在乎篤行不在急迫與徒知也鼎臣暫免朝叅止

入講殿庶得從容進講朕亦安聽或得于領會矣

是年十一月二十一日

上又諭曰鼎臣進講洪範終篇盡心指陳陞詹事府詹事仍兼翰林院學士賜白金文綺

謹按府君在講筵最久受知

世廟最深溫旨褒嘉不一而足敬就闡發洪

範者首錄于此以見一時

君臣相得寔跡

顧文康公續稿

卷之二

二

肅皇帝遜志時敏而府君微誠有以上格也外

此

聖諭雖眷切而不關洪範者不敢載

孫晉璠謹識

經筵講章

洪範

洪是大範是法洪範書篇名言其爲治天下之大法也本大禹則洛書以序疇而箕子推衍增益以成此篇因武王訪道而告焉者也惟十有三祀王訪于箕子

這是史臣記事之辭十有三祀卽泰誓之十有三年商曰祀周曰年因箕子商家舊臣所以不曰年而曰祀訪是就而問之史臣記武

顧文康公續稿

卷之十

三

王十有三年旣勝商而有天下乃釋箕子之囚往就其居而問之以大道也

王乃言曰嗚呼箕子惟天陰隲下民相協厥居我不知其彝倫攸叙

乃言者難辭重其問也隲是定相是助協是合彝倫是人倫日用之常理叙是各得其道之謂武王乃嘆息呼箕子而問之說道惟上天於冥冥之中安定下民輔相保合其所居然教而化之使率其彛彛之性盡夫人倫之

道是乃爲君師者之責我不知彛倫之所以叙者何如也夫武王旣爲天子而卑辭屈體於箕子亡國之臣蓋重其道焉爾此聖人所以爲不可及與

箕子乃言曰我聞在昔鯀墮洪水汨陳其五行帝乃震怒不畀洪範九疇彛倫攸叙鯀則殛死禹乃嗣興天乃錫禹洪範九疇彛倫攸叙

乃言是重其荅墮是塞汨是亂陳是列畀是與疇字解做類字數是敗錫賜與也箕子迺

顧文康公續稿

卷之十

四

告武王說道我聞在昔帝堯之時使鯀治水鯀逆水之性而墮塞之使五行皆汨亂不順其生成之序所以上帝震怒不將洪範九疇與他彛倫於是敗壞鯀乃爲舜所殛而苑其後大禹繼鯀治水能順水之性使地平天成天乃賜以神龜載書出于洛水禹因則之以爲洪範九疇鯀是二才之道盡在其中而禹推之以治天下此彛倫所以叙也

初一日五行次二曰敬用五事次三曰農用八

政次四曰協用五紀次五曰建用皇極次六曰
又用三德次七曰明用稽疑次八曰念用庶徵
次九曰嚮用五福威用六極

這便是大禹所序九疇之綱蓋洛書之數戴
九履一左三右七二四爲肩六八爲足五居
其中是以大禹序疇曰初曰次起于一而終
于九也天道不外于五行事物莫有先於此
者所以初一日五行人道不外於五事能敬
則五事得所以次二曰敬用五事八政乃爲

顧文康公續稿

卷之三

五

治之大經不曰民而曰農力本厚生政無有
不資于農者所以次三曰農用八政五紀者
因天道而制節之以示人欲其合乎自然之
運所以次四曰協用五紀五爲中數人君居
中以御四方欲其立人道之標準以爲四方
取則故次五曰建用皇極三德者君之所以
治民矯其偏以防其過故次六曰又用三德
稽疑者人有所惑而質之於鬼神以取決焉
故次七曰明用稽疑庶徵者因天時之休咎

徵人事之得失欲其省驗而不忘故次八曰
念用庶徵五福者人之所欲可以勸六極者
人之所畏可以懲故次九曰嚮用五福威用
六極五行不言用無適而非用也皇極不言
數非可以數明也本之以五行敬之以五事
厚之以八政協之以五紀皇極之所以建也
又之以三德明之以稽疑驗之以庶徵勸懲
之以福極皇極之所以行也人君治天下之
大法豈復有加于此哉

顧文康公續稿

卷之三

六

一五行一曰水二曰火三曰木四曰金五曰土
水曰潤下火曰炎上木曰曲直金曰從革土爰
稼穡潤下作鹹炎上作苦曲直作酸從革作辛
稼穡作甘

上言九疇之綱自此以下列九疇之目也一
五行這句與初一日五行不同初一的一字
是洛書之數這箇一字衍九疇之標目也後
皆倣此天地之初陰陽二氣而已陽變陰合
乃生五行五者質具于地而氣行于天生

不已循環無窮故曰五行一二三四五者天
 一生水地二生火天三生木地四生金天五
 生土五行生出之序本如此也水曰潤下水
 之爲物滋潤而又就下也火曰炎上火之爲
 用炎煥而又騰上也木之體不一旣曲而又
 直也金之體不常旣從而又革也從隨也革
 變革也土爰稼穡爰於也下種曰稼收成曰
 穡土爲冲氣五穀得天地之中和土尤宜於
 稼穡也此五行自然之性也水煮海可以爲
 鹽故曰潤下作鹹火炕物久則苦故曰炎上
 作苦木之實多酸故酸本于曲直金之氣皆
 辛故辛本于從革土之稼穡爲甘觀之糗餌
 飴糖可知此五行自然之味也不言聲色與
 氣而獨言味者以其切於民用故也臣按五
 行之在地曰水火木金土其成象于天則爲
 五星迭運于四時則爲五氣稟于物形則爲
 五臟賦于人性則爲五嘗盈天地之間皆五
 者而已是宜大禹叙之於九疇之首也與

二五事一曰貌二曰言三曰視四曰聽五曰思
 貌曰恭言曰從視曰明聽曰聰思曰睿恭作肅
 從作乂明作哲聰作謀睿作聖
 這第二條衍五事之疇也貌是容貌從是順
 睿者通乎微也肅是嚴整乂是有條理的意
 思哲是智謀是度聖者無不通也五事貌言
 視聽思是也容貌屬腎水之潤澤也言出于
 心火之發揚也目之視屬肝散木也耳之聽
 屬肺收金也天下之物惟金最有聲色思屬
 於脾不思則不能通思通土也人初生而形
 色具矣旣生而聲音發矣漸長而後能視而
 後能聽而後能思此一二三四五之序也容
 貌貴乎恭敬言語貴乎順理視欲其明無不
 見聽欲其聰無不聞思欲其通乎幽微恭從
 明聰睿五事之德也貌恭則自然嚴整有威
 可畏有儀可象故曰作肅言從則自有條理
 不傷于誕不傷于支故曰作乂視而明者非
 但視以一已之目也推而明四目則明無不

炤智識可以周乎萬物矣聽而聰者非但聰
 以一已之耳也推而達四聰則聰無不聞謀
 慮可以及乎天下矣思而睿則精義體道窮
 神知化可以作聖而無不通矣肅又哲謀聖
 五德之用也臣按五事皆切於人然五者之
 中以思爲要人患不能思是以昏昧放逸五
 事皆廢思而至於通微則志氣清明又理昭
 著自能敬用五事而皇極之建亦基于此矣
 三八政一曰食二曰貨三曰祀四曰司空五曰
顧文康公續稿卷之十
 司徒六曰司寇七曰賓八曰師

九

這是第三條衍八政之疇也一曰食者民以
 食爲天無食則民饑而死故食居其首也二
 曰貨者民資財以爲用無財則民貧而爲盜
 故貨居其二也萬物本乎天人本乎祖祭祀
 所以報本也故祀居其三司空掌邦土所以
 安民之居司徒掌邦教所以成民之性司寇
 掌邦禁所以治民之姦故四曰司空五曰司
 徒六曰司寇也賓是賓旅禮有往來交際所

謂柔遠人懷諸侯是也師是兵師所以除殘
 去暴用兵非聖人之得已故賓居其七而師
 居其末也臣按此八者特舉其條目而已未
 言其作爲如何也古先聖王所以足民之食
 阜民之財安民之居與夫格神人和上下治
 內外使善者勸而惡者戒近者說而遠者來
 莫不有紀綱法度之施焉其本在於人君修
 身取人得賢臣以任之爾

四五紀一曰歲二曰月三曰日四曰星辰五曰

曆數

這是第四條衍五紀之疇也一曰歲者天一
 日遠地一周凡三百六十日而與日會是爲
 春夏秋冬以成一歲歲統十二月故居一也
 二曰月者月之行凡二十九日有奇而與日
 會爲晦朔弦望以成一月月統三十日故居
 二也三曰日者日每日行一周天四晨昏出
 沒以定晝夜長短一日統十二時故居三也
 四曰星辰二十八宿爲經金木水火土五星

爲緯日月所會十二次爲辰其成象因乎日月者也故居四正曰曆數曆數者占步之法閏餘之數所以紀日月星辰之節度者也故居五正按天地之化渾淪磅礴其消息盈虛爲晝夜爲寒暑爲生長收藏以成歲功者皆日月之所爲也故醫經云天明則日月不明此雖以喻人身造化而人君爲治之要不越乎此也然日月星辰天道之常也曆數乃聖人所以裁成輔相而敬授人時者尤人君所當重也

十二

五皇極皇建其有極欽時五福用敷錫厥庶民惟時厥庶民於汝極錫汝保極
這是第五條衍皇極之疇也皇是君建者樹立之意極是大中至正標準之名欽者自我而求之敷者散而布之於下也這兩箇錫字雖有上下之分皆賜予之意重之也人君中天下而立爲四方所取正故必大中至正聲爲律身爲度體天德盡人倫行王道樹立箇

標準以爲天下臣民以則如天之北極在中央最高處日月星辰四面旋繞而歸向之斟酌元氣運行四時生長萬物皆從此出也謂之曰有極者本之吾心固有之理非駕空鑿虛爲之也君能建極則五福咸萃于身若有以收而欽之是即詩之所謂永言配命自求多福者也然不但獲福於己又推之以敷錫於庶民蓋庶民皆感發興起於維皇之極則保佑自天五福之來寔吾君之所賜也當時之民亦皆於君所建之極與之保守使久安長治不至廢墜是乃民之所以報其上而錫之者也上有感化之本下有丕應之休始焉建極固賴於君終焉保極又資于民庶民有相感之機上下有相須之勢蓋如此
凡厥庶民無有淫朋人無有比德惟皇作極淫是邪朋是黨人指在位之人比附也作是鼓舞作興的意思無道之世民多罔上行私各相朋比天下之亂率繇於此是以箕子

於皇極之疇特揭此一條以告武王欲其盡極以率下也其意說道凡彼天下庶民皆守法奉公不立淫邪之黨在位之人皆同寅協恭不以私相比附爲德如是者豈刑威所能禁制智術所能防閑惟是人君建極于上大中至正以天下爲公則自然有以鼓舞臣民使皆興起於善而不敢爲惡爾於此見皇極之不容以不建而上文所謂欽福敷錫者亦不外於此矣

顧文康公續稿八卷之三

三

凡厥庶民有猷有爲有守汝則念之不協于極不罹於咎皇則受之而康而色曰予攸好德汝則錫之福時人斯其惟皇之極

念是懷念受是容納福者爵祿之謂箕子言人君固當建極以作民然庶民之材質不齊又須因人以成就之故於那有知慮能謀事的有作爲能幹事的有操守不爲事物所撓奪的這三樣人都是可用之才汝則愛而念之不可忽忘又有一等人雖不合於皇極亦

顧文康公續稿八卷之三

四

未嘗陷於罪戾這是可與爲善可與爲惡的人皇則容而受之不可便棄絕他若其體貌安舒顏色嚴整中心好德自其口出這是上等好人汝則予之以爵祿使居位以治民是人斯其歸于皇極而無不協者矣詳觀這一節書曰汝則念之曰汝則錫之福是固擇其賢者能者而用之矣如何於那不協于極不罹于咎的却說皇則受之想這皇字甚有意義蓋皇本訓做大天以包含徧覆爲德故稱皇天人君所以稱皇亦言其大耳大抵庶民之中不上不下的人最多人君容而養之皆可使進于善若因其不協于極而遂棄絕之便都流於惡矣所以曰皇曰受之者明人君當大其德亦如天之包含徧覆而無棄物也念之受之錫之福則相感發相勸勉皆歸于皇極矣

無虐憊獨而畏高明

這一節是結上章以起下章之意憊獨是庶

顧文康公續稿入卷之二十一

五

民中至困極的高明是庶位中至尊顯的各舉甚者而言也虐是凌虐畏是畏憚箕子之意蓋謂人君不務修德以建極多有肆暴於小民而受制於世臣大家者故特舉以告武王說道庶民之中有那顛連孤寡的所謂焚獨也他雖是微賤皆吾之赤子毋謂其可侮而凌虐之恤其饑寒救其疾苦務使澤究于下可也庶位之中有那富貴尊顯的所謂高明也他雖有權力皆吾之臣子勿以其可畏而姑息之善其善惡其惡務使法行自近可也臣按這節書雖是一句然其所包甚廣蓋高明者焚獨之反上自高明下至焚獨則天下臣民皆在其中矣而是承上起下之辭夫焚獨之民其勢弱弱者易忽高明之人其勢強強者難制固未有畏高明而不虐焚獨亦未有虐焚獨而不畏高明者又況天下之患嘗不在於其所難制而多生於其所易忽所以中間下簡而字說無虐焚獨而畏高明以

顧文康公續稿入卷之二十一

六

深戒武王也人君欲從事於此亦曰建其有極而已能建極則此心之義推之可以正百官此心之仁廓之可以有萬民而治天下猶運之掌矣人之有能為使羞其行而邦其昌凡厥正人既富方穀汝弗能使有好於而家時人斯其辜于其無好德汝雖錫之福其作汝用咎這一節是專說有位之人羞是進正人是在官的人穀是善辜是罪也箕子說凡人之在位者既有材智有施為人君須是鼓舞作興他使進修其行做才德兼全的君子錄是任而用之則治化日隆邦家其昌盛矣大凡在官的人又必厚之以祿使仰足以事父母俯足以畜妻子然後可責其為善若是俸祿貧薄不免於俯仰之累父母妻子必然抱怨他是汝不能使和好於其家也如是之人必將黷貨玩法而陷於罪矣若於其不好德之人而予之以爵祿則為汝用過惡之人而善者

皆不知勸矣此又申言祿以予賢不可濫及於惡德也已上三節言所以待臣民之道至詳且盡尤萬世人君所當究心者也

無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極

這一節箕子推衍皇極之理爲敷言以教武王之體也偏是不中陂是不平遵是循

補文

卷之三

七

的意思路即道也黨是私比蕩蕩是

康遠平平是坦夷格嘗謂之反不正謂之側會是會合而來歸者來而至其所也這幾箇無字都是禁戒之辭這兩箇有極即上文所謂建其有極者也箕子之意說道人心本無偏陂只爲私意蔽固便至於偏而不中陂而不平人君有義以正萬民須要錚之而勿失故曰無偏無陂遵王之義人不能無好惡但作箇意見便或好其所不當好惡其所不當

惡人君有道以率天下須要循之而弗違故

曰無有作好遵王之道無有作惡遵王之路人若偏倚而行私比周以爲黨便狹隘不廣遠險阻不坦夷王道豈容有此故曰無偏無黨王道蕩蕩又反之曰無黨無偏王道平平人若倍其常道逆其正理便頗僻不端方邪曲不洞達王道豈容有此故曰無反無側王道平平夫遵義遵道遵路則會合于極而不違平正直則歸縮于極而無不至矣

補文

卷之三

本

極之敷言所以使人吟詠而得其性情者也夫和協以諧其音反覆以致其意戒之以私以懲創其邪思訓之以極以感發其善性諷誅之間恍然而悟愍然而得則人欲淨盡天理流行而會歸于皇極有不知其所以然而然者矣

曰皇極之敷言是彝是訓于帝其訓

曰是起語辭敷言即上文之言彝是常帝者天之主宰也箕子又說已上數衍皇極之言

是古今不易之常理亦是古今不刊之大訓
 然却非吾人駕空撰得出來乃惟皇上帝所
 以訓於天下萬世者特假人以言爾蓋理出
 乎天言本乎理是非帝之訓而何哉敷言之
 大一至於此夫以身教者從以言教者訟箕
 子迺諄諄於敷言之訓何也蓋人君建其有
 極則以身教者固無不盡矣苟非敷言以感
 發而興起之則民未必便化正如天之生物
 以已流行若無那雷霆風雨鼓動
 終未暢達敷言之不可已也如
 身若漢唐宋英君諠辟非無化民之心敷言
 之訓但已身不正而徒托諸空言彌文則亦
 何補於治哉
 凡厥庶民極之敷言是訓是行以近天子之光
 曰天子作民父母以為天下王
 光者道德之光華曰者庶民之辭也箕子說
 凡厥庶民於皇極之敷言施之於教訓見之
 於躬行則將為上所舉用而近天子道德之

光華矣蓋天子與庶民雖有高下貴賤之不
 同然其性一而已矣庶民既協於皇極而近
 天子之光故其言曰天子作民父母以為天
 下王曰父母親之也曰王尊之也蓋樂其養
 育之恩感其君長之德而愛戴歸往之誠發
 於中心自不能已爾中庸謂天之所覆地之
 所載日月所照霜露所降凡有血氣者莫不
 覩觀意蓋如此
 疇不客輕易看過蓋人君所居
 天下之極也若
 身之極在於其身之極又在於心所謂
 一物各具一太極是也能正其心則身修而
 極建矣是以大學一書既詳正心修身之條
 目而於平天下章特發明絜矩之道蓋絜矩
 皆自吾心推之即皇極之運用居中以節四
 方者也若克舜之執中孔子之一貫指示尤
 為親切先聖後聖其揆一也人君有志於建

極於是是三者可不講究而體行之哉

六三德一曰正直二曰剛克三曰柔克平康正直疆弗友剛克變友柔克沉潛剛克高明柔克這是第六條衍三德之疇也克是治友是順變是調和的意思正直剛柔三德也剛克柔克德之用也箕子說人君又用三德者其一曰正直無有邪曲廻經嘗之道也其二曰剛柔克因夫習俗之偏氣稟之過而及者也世治而民和是曰平康則

剛或以柔克柔或以剛克柔或以柔克剛聖人撫世酬物因時制宜威福予奪抑揚進退所以納天下臣民於皇極之中也

惟辟作福惟辟作威惟辟王食臣無有作福作威王食

辟是大君福是爵祿之類威是刑罰之類王食珍奇之品貴重之物也威福上之所以御乎下王食下之所以奉乎上者也箕子說爵祿予人而錫之以福刑罰加人而董之用威

威與福惟大君得以作之羅四方珍異之物供九重膳羞之用這王食惟大君得以享之若人臣雖有大勛勞大名位無有作福作威王食之事蓋非其分之所宜有故也非其分而有之則其凶與害將如下文所云矣臣之有作福作威王食其害于而家凶于而國

人用側頗僻民用僭忒頗是不平僻是邪僻僭喻越過差也箕子又說為人臣者不守其當然之分作福作威

以竊大君生殺予奪之柄王食以享大君珍
奇貴重之奉則爲大夫者必害於而家不能
有其家矣爲諸侯者必凶於而國不能有其
國矣凡在位之人固將反側頗僻而不安其
分雖庶民之微亦必陵僭差忒而不守其嘗
矣蓋諸侯僭天子則大夫僭諸侯士庶人僭
大夫上行下效勢所必至無足怪者上一節
是戒人君攬其權不可使下移這一節是戒
人臣守其分不可以上僭也

主

國貴乎達時措之宜而紀綱法度又貴乎嚴
一定之分二者闕其一焉則疆侵萌衆暴寡
下陵上替而禍亂作矣

七稽疑擇建立卜筮人乃命卜筮

這是第七條衍稽疑之疇也灼龜曰卜揲著
曰筮箕子說道人君之御天下一日二日萬
幾未免有疑惑而不能決者既謀之於人又
須質之於鬼神上古聖人聰明睿智曉得著

龜是天地間靈物能前知吉凶之事故制而
用之以立卜筮之法矣然非得人以專治其
事則無以傳鬼神之意而明吉凶之報故必
擇大衆人之中有那精一無私可以交於鬼
神的建立以爲卜筮之人而命之以卜筮凡
事有疑小則筮大則卜其又大則先筮而後
卜於是可以用斷天下之疑以成天下之務故
曰明用稽疑也

曰雨曰霽曰蒙曰驛曰克

曰克觀夫兆之所應以斷夫事之吉凶也臣
按洪範註疏驛原作團謂兆氣落驛不連屬
也又洪武正韻解團爲回行又引逸書文云
團團升雲則非不連屬也蔡傳泥於五行生
出之序以蒙兆爲木驛兆爲金克兆爲土且
訓驛爲絡驛不屬似皆未安故臣愚竊敢因
夫字義而講解若此然亦未知其是否也

曰貞曰悔

此筮之卦也伏羲初畫奇偶三畫以成八卦於八卦之上各加八卦以成六十四卦自下而上故以下卦爲貞貞者正也卦之體也上卦爲悔悔者動則有悔卦之用也若卦有變動之爻則以本卦爲貞變卦爲悔凡所占之事考夫貞悔二卦或得或失以斷吉凶也凡七卜五占用二衍忒

衍是推衍忒蔡傳訓作過朱熹訓作變蓋卜是推衍忒蔡傳訓作過朱熹訓作變蓋卜朱熹爲優這一節是總言著龜之用凡七事上有雨霽蒙驛克五兆占用貞悔二卦合而爲七也蓋著龜之變無窮參伍不齊有似於差錯所以曰忒故卜筮之道不過因陰陽五行之理以推衍事物無窮之變而已

立時人作卜筮三人占則從二人之言

承上文而言建立是人使之專理卜筮凡事有疑或筮或卜必用三人以相參考其曰吉

曰凶二人之言相同則從之也若三人之言皆同則從之無疑固不待說矣

汝則有大疑謀及乃心謀及卿士謀及庶人謀及卜筮汝則從龜從筮從卿士從庶人從是之謂大同身其康疆子孫其逢吉

六疑是大有有所疑惑非尋常之事謀是思慮商確之謂從是順而不違的意思箕子告武王說道汝既建立卜筮之人矣那時有大事欲待行又待不行疑而未決者必先謀及於

卿士庶民無有不從幽明交贊天人協應如此是之謂大同矣然後施之於政事見之於作爲則自天祐之已身康疆而出入無疾子

子孫孫皆遠吉慶衍天祚於無疆矣

則從之

逆者從之

又說謀之於

筮也

民逆而不從

鄉士

鄉士既從

雖汝心與

庶民從龜從筮從汝則逆鄉士逆吉

若世及庶民謀及龜筮皆從而逆雖汝心

不從

從筮逆鄉士逆庶民逆

心既從龜則從筮

皆逆而不從須要審夫所行之事是近而在

內如祭祝鬼神修築城池之類則吉若遠而

在外如征伐建置之事則凶

龜筮共違於人用靜吉用作凶

若謀之於人雖從謀之於鬼神龜也不從筮

也不從是龜筮共違於人矣靜而守嘗則吉

動而用作則凶蓋人謀雖成終不若鬼神之

明於吉凶之故也

筮上然必先謀之於心

之度者盡人謀而後決之於心也古之

聖人其心而不自用如此然則其推之無

不準動之無不化上焉而天意得下焉而民

心和致盛治而享諸福有繇然矣

八庶徵曰雨曰暘曰燠曰寒曰風曰時五者來

備各以其叙庶草蕃廡

這是八條衍庶徵之時也徵驗也

是陽是暘日煥兼春暖與夏暑而言樂秋

涼與冬寒而言風者天地之氣迭疾飄蕩則

成風也蕃是繁多廡是豐茂箕子說所謂庶

徵者曰雨曰暘曰燠曰寒曰風是也五者貴

乎得其時故又曰時也一歲之中五者無所

不備其來也各應節候常雨而雨當暘而暘當燠而燠當寒而寒當風而風各以其時則庶草蕃多而豐茂矣草爲物之至微庶草且蕃庶則百穀成果蔬熟胎不殯卵不殯物阜凡殷固不待言矣

一極偏凶一極無凶

極偏是過於多極無是過於少凶是凶歉蓋雨水以潤萬物暘日以暘萬物春煖夏暑以生萬物秋涼冬寒以成萬物風有大小遠近

顧文康公續稿卷之二

五

吹噓鼓動以遂物之生成這五件都要恰好一不可過於多一不可過於少若過多過少則萬物反被其侵害而歲功凶歉矣

曰休徵曰肅時雨若曰又時暘若曰哲又燠若曰謀時寒若曰聖時風若曰咎徵曰狂恒雨若曰僭恒暘若曰豫恒燠若曰急恒寒若曰蒙恒風若

休是休美咎是凶咎時者應其節恒者過其度也若訓做順箕子又說這麼徵之應有休

徵有咎徵何謂休徵人君貌恭而肅有凝重

潤澤之意則時雨順而應之言從而又有條

理開明之意則時暘順而應之視明作哲哲

有昭融之意則時燠順而應之聰聰作謀謀

有嚴密之意則時寒順而應之思睿作聖聖

通而化物則時風順而應之五者時著休美

之徵也何謂咎徵肅之反曰狂狂者泛濫則

恒雨爲之順應又之反曰僭僭者驕亢則恒

暘爲之順應豫者哲之反冥豫而急緩則恒

顧文康公續稿卷之二

三

煥爲之順應急者謀之反寡謀而急切則恒寒爲之順應蒙者聖之反蒙昧而不通則恒風爲之順應五者恒若凶咎之徵也夫庶徵之休咎本於五事之得失如此天人感應之際亦嚴矣爲皇極大君者可不以時而省驗之哉

曰王省惟歲卿士惟月師尹惟日

省是省察歲月日以尊卑爲徵也箕子又說王者天地之主關係最大其得失之徵以歲

故王所省者一歲之休咎也鄉士列職於朝
關係差小得失之徵以月其所省者一月之
休咎也師尹分職以治民關係尤小得失之
徵以日其所省者一日之休咎也蓋雨暘燠
寒風五者之休咎有係一歲之利害有係一
月之利害有係一日之利害自天子以至於
庶官皆當省察而不可忽非但建用皇極之
君所當念而已也

歲月日時無易百穀用成又用明俊民用章家
顧文康公續稿 卷之二

川平康

這箇時字即庶徵之時易是變易又是政治
俊民俊傑之民家是邦家天子以天下爲一
家也箕子又說歲月日之中雨暘燠寒風五
者各以時至無有變易則凡百穀之可爲民
食者罔不成熟歲豐人和政治休明俊傑之
民皆章顯在位邦家繇是平定而康安矣人
君敬用五事而休徵應之其效如此先言百
穀者蓋食足而民富然後禮義興禮義興然

後政教行賢才出而天下平也

日月歲時既易百穀用不成又用昏不明俊民
用徵家用不寧

日月歲之中庶徵變易而失其時則百穀荒
蕪民窮盜起政教昏亂而不明俊民隱微而
弗章邦家繇是無平康之望矣五事失而咎
徵應其患必至於此也上一節言歲月日者
以大而統其小這一節言日月歲者繇小以
著其大蓋休徵一歲不可無咎徵一日不可
有也

顧文康公續稿 卷之二

三

庶民唯星星有好風星有好雨日月之行則有
冬有夏月之從星則以風雨
此承上章而言庶民微賤不若鄉士師尹有
所關係其生聚於下土精神之感召唯星耳
自天子以下皆有省於庶徵庶民獨不言省
者下之休咎係乎上人之得失爾然民生有
欲寒者欲衣饑者欲食鰥寡孤獨欲得其養
此王政之所先而鄉士師尹之責也故星亦

各有所好有舒風者如箕宿之類是也有好雨者如畢宿之類是也卿士惟月師尹惟日則日月之行固卿士師尹之職也日行黃道極南至牽牛則爲冬至極北至東井則爲夏至南北之中東至角西至婁則爲春秋分月有九行立春春分從青道立秋秋分從白道立冬冬至從黑道立夏夏至從赤道皆出入乎黃道之內外此日月行度之常猶卿士師尹之有常職也月東北入於箕則其時多風西南入於畢則其時多雨此以月之常行而或從星之異好亦猶卿士師尹從民之欲而與之聚之也言月而不言日者從星惟月爲可見爾日之從星不可得而見也言月日而不言歲者日月運則四時行而歲功成矣臣按大禹叙疇曰念用庶徵特指君身而言箕子推而衍之及於卿士師尹而終之以庶民所以明君臣之道雖勢位有尊卑職任有大小然所當敬身畏天進賢才養庶民以寧邪

家者同一體耳此固大禹未發之意也九五福一曰壽二曰富三曰康寧四曰攸好德五曰考終命這是第九條衍福極之疇也歲年長未謂之壽財祿充裕謂之富身無疾病心無憂患謂之康寧嘉善樂道謂之攸好德考是成命是天命終者終其事也箕子說所謂嚮用五福者其一曰壽人之所欲莫先於此有壽而後能享諸福也其二曰富有財祿然後得以利用厚生壽而不富非福也其三曰康寧人有疾與憂則身不安心不寧雖壽而富何益故康寧乃所以爲福也其四曰攸好德不好德則悖人理而逆天道罔之生也幸而免爾何足貴哉故好德則自求多福矣其五曰考終命命稟於天身體受之父母順受其正全而歸之君子所以成其終也福豈有大於此者哉是蓋以民心所嚮之先後緩急爲次第焉爾

六極一曰凶短折二曰疾三曰憂四曰貧五曰惡六曰弱

極者福之反困窮之謂也箕子又說所謂威用六極者其一曰凶短折橫夭而非其正命考終與壽之反也其二曰疾三曰憂者氣失其平則身有疾事或生患則心有憂康寧之反也四曰貧者資財不充則無以聊其生富之反也五曰惡六曰弱者剛之過而陷於不道柔之過而不能自立好德之反也此六者

顧文康公積稿

八卷之二

重

以民心所畏之先後緩急爲次第焉耳按五福六極一疇固因民之所畏慕而爲之勸懲但下愚之人徒知慕五福而不知所以求之之道畏六極而不知所以去之之方惟在上之人開導誘掖措之於平康之地而納之於仁壽之域爾此歛福敷錫之言所以互見於皇極一疇也抑此特爲庶民言爾其卿士師尹與夫在位之人好德羞行固自然而獲福矣若夫大君建其有極則皇天之所眷命

臣民之所頌禱萬壽無疆而百福咸萃是蓋理之必然又何待於言哉

顧文康公積稿

八卷之二

重

嘉靖八年己丑十二月二十一日

上奉安

先聖先師神位於文華殿之東室行釋菜禮
特命輔臣及府君等十人瞻拜復召至西室
親承

天語期勉 賜茶而退繼又頒

聖諭令十臣各敷陳經義關切於君德治道者
以獻府君撰述中庸首章講義一篇進呈

謹按府君自

顧文康公續稿

八卷之二

主

世廟龍飛開文華講讀即充經筵日講官首尾

十餘年撰次講章積累成帙不能悉載是

篇奉

特旨敷陳比尋常講義不同因表而出之

孫晉鑒謹識

經筵講章

中庸天命之謂性一章

子思子憂道學之失其傳故作中庸以詔後
世此其第一章也命猶令率是循修品節之
也理界於有生之物而具於心曰性理行於
事而爲人物所共繇曰道聖人因人物所當
行而裁制之以垂訓作則曰教須臾是少頃
戒愼恐懼是敬畏不敢放肆驕惰的意思隱
暗處微細事獨者人所不知而已獨知之地

顧文康公續稿

八卷之三

主

也致是推而極之位者安其所有者者遂其生
也子思之意說道天以陰陽五行之氣化生
萬物而健順五常之德亦隨以賦焉古今聖
愚均稟而弗違如命令一般是之謂性人物
各循其性之自然而於日用事物之間各行
其所當行是之謂道聖人繼天立極因人物
之所當行者而品節之以爲法於天下後世
是之謂教夫是道也乃性之德具於心而形
諸應事接物之間非自外至故雖須臾之頃

顧文康公續稿 卷之二

堯

不可得而暫離也若使可離於須臾則爲外物而非道矣是以繇教入道之君子戒慎於目所不及睹恐懼乎耳所不及聞不待聞見而後敬畏所以存天理之本然而不使離於須臾之頃也然幽暗得肆之中似乎隱矣乃大著見而不可掩事幾方萌之始似乎微矣乃甚明顯而不可匿是以君子既常戒慎而於此隱微獨知之地尤加謹焉所以過人欲于將萌而不使離道之遠也果何以見道之不可離夫人喜怒哀樂未發之時所性渾然無所偏倚這箇便謂之中及夫物感而應喜怒哀樂發皆中節無所乖戾這箇便謂之和這箇中便是天命之性事物之理皆繇此出乃天下之大本道之體也這箇和便是率性之謂往古求今所共繇之路乃天下之達道道之用也夫道之體用不外于吾身性情之德可見其不可須臾離矣君子戒慎慎獨之功無所不至性之所存極其中而大本立情

顧文康公續稿 卷之二

四

之所發極其和而達道行則自然天位乎上兩陽時若七政順度而妖沴不生矣地位乎下山川以寧九壤靜謐而災變不作矣百穀登庶類蕃胎不殯卵不殯人民生息賢哲並興中夏夷狄各得其理而萬物育矣此學問之極功聖人之能事而所謂修道之教亦豈外于此哉臣愚謹按精一執中堯舜禹三聖心傳口授開萬世道學之源自時厥後禹以是傳之湯湯以是傳之文武周公文武周公以是傳之孔子孔子傳之曾子曾子傳之子思雖聖不嘗有而代產英賢識其大者君臣父子師弟之間更相授受統紀甚明時更春秋戰國世道日降去聖愈遠異端起而大義乖矣子思懼夫愈久而愈失其真也是以遠宗堯舜之旨近述父師之言以作中庸提挈綱維開示蘊奧其繼往聖開來學之功足以方駕六經而首章又一書之體要也自今言之性曰仁義禮智信道曰君臣父子夫婦昆

弟朋友教曰禮樂刑政之屬人人能知之能言之至於即性情以致中和則非世儒所易知也夫人之喜怒哀樂何關於天地萬物而能使之位且有也蓋人身虛靈之府寄於五臟六腑四肢百骸之正中其大不過方寸而可以彌綸天地宰制萬化主張萬類者也聖人生知安行下學上達故能窮神知化盡性至命以極夫參贊位育之功其工夫次第則戒懼謹獨以致中和是即所謂惟精惟一允

康公續稿八卷之二

聖

執厥中者也仰惟

皇上聰明睿知稟聖人之資溥博淵泉備聖人之德遜志勵精不遑暇逸十年於茲宜乎登世道於雍熙躋

聖功於三五矣然而教化未盡乎災殄未盡息百官未盡承式兆民未盡敏德群生之物未盡得所者何哉意者求道於外而或遺其內徒博焉而未約於要之故與抑大臣庶職不能同心僇力而昧於承弼贊襄之過也夫四

海之廣兆民之衆百務之繁斷非一人之耳目所能及心思所能過故人君之體在用人用人之道在修身修身之要在正心心既正而天下可運之掌矣何謂正心致中和是也何謂致中自其性之本體而不汨于外物外物非必聲色貨利凡有所執著皆是也何謂致和謹其情之所發而不涉于私意私意非必比昵阿徇凡有所激抗皆是也二者言之甚易而至之寔甚難

康公續稿八卷之二

聖

皇上試體驗省察夫一日之間萬幾之暇

聖心曾有思慮莫起寂然不動之時乎是即道之中也若雖淵默端居不接一物而未免私慮纏擾不可祛除則性爲物汨容或有所偏倚而不中矣喜怒哀樂果皆隨感而應發皆中節乎是即道之和也若曰本無私繫而事緒紛擾毫釐有差則情與理違容或有所乖戾而不和矣偏倚乖戾有一焉皆所謂離道于須臾也臣愚伏願

皇上謙抑自勵戒愼不忘當其靜也則使此心
 之有至虛至明不留一物五性在中渾然至
 善無少偏倚則極其中而有以立天下之大
 本矣當其動也必使政令之行至精至當四
 情所發皆中其節無少乖戾則極其和而有
 以行天下之達道矣蓋必體既立而後用以
 行則一以貫之自然而然不待勉強斯爲致
 中和之全功而心正矣心正則身無不修身
 修則賢臣可得繇是政善而民安化行而俗
 頤文康公續稿八卷之三 聖

美綏之斯來動之斯和以馴致乎位天地育
 萬物有不難矣伏望

皇上細繹此書講求子思引而未發之旨洞然
 無疑然後身體而力行之勇往直前上接周
 孔以來二千餘年不傳之道統則天下幸甚
 萬世幸甚

頤文康公續稿卷之二 終

傾文康公續稿卷之三

太社太稷祈報樂章 嘉靖十年

迎神 特和之曲

東風兮 地脉以融首務萬寶以充忻成 兮稼穡之工祀神於

此兮苑中願來格兮慰予衷

初獻 壽和之曲

神兮臨止禮薦清醇菲幣在筭初獻式遵神

其鑒茲享斯藻蘋我祀伊何祈報是因神兮

錫祉財阜吾民

亞獻 雍和之曲

二觴再舉申此懇懇神悅兮以納祥霽兮氣

氤

終獻 寧和之曲

禮終兮酒三行喜茂寔兮稷黍梁農事待兮

豐康予稽首兮以望

徹饌 保和之曲

祀事告終三獻既周徹之岡遲惠注山瞻迓

以休貺庇茲有秋

送神 廣和之曲 望瘞同

耕耨 伊首告就 力事豆邊染盛賴之於此大田子

將以祀神其少延願留嘉祉副我繁虔肅駕

兮雲旋普予兮有年

大祀殿祈穀樂章 嘉靖十年

迎帝神 中和之曲

臣惟穹昊兮民物之初為民請命兮祀禮昭

諸修筵率職兮祈洪庥臣秉微眇兮惻懇誠

攄遙瞻駕降兮霽色輝歡迎鼓舞兮迓龍輿

臣愧非才兮后斯民願福斯民兮聖恩渠

奠玉帛 肅和之曲

烝民勤職兮農事顯蠶工亦慎兮固桑肝玉

帛祇奉兮豎豆邊仰祈大化兮錫以豐年

進俎 咸和之曲

鼎烹兮氣馨香羞兮旨醴 帝垂享兮以歆

烝民蒙福兮以寧

初獻 壽和之曲

禮嚴兮初獻行百職趨踰兮珮瑱鳴臣謹進

兮玉觥 帝心歆鑒兮歲豐亨

景和之曲

亞獻

二觴舉兮致虔清醴載斟兮奉前仰音容兮

忻穆臣感聖恩定拳拳

終獻

永和之曲

三獻兮一誠微禮告成兮 帝鑒是依烝

民沐德兮歲豐機臣拜首兮竭誠祈

徹饌

寧和之曲

衡文康公續稿 八卷之三

三

三獻周兮肅乃儀俎豆敬徹兮弗遲願留福

兮丕而曰雨曰暘兮若時

送帝神

清和之曲

祀禮告備兮 帝鑒彰臣情上達兮感昊蒼

雲程肅駕兮返 帝鄉臣荷恩眷兮何以忘

祥風瑞靄兮彌壇壝烝民率土兮悉獲豐康

望燎

太和之曲

遙睹兮天衢長遐彼寥廓兮去上方東帛薦

火兮希昇聞悃幅已通兮沛澤長樂終九奏

今神人以和臣同率土兮感荷恩光

太廟歲暮拾祭樂章

嘉靖十五年

迎神

太和之曲

仰慶源兮大發祥惟世德兮深長時惟歲殘

大拾洪張

祖宗聖神明明皇皇逢瞻兮頓首世德兮何以

忘

初獻

壽和之曲

衡文康公續稿 八卷之三

四

神之格兮慰我思慰我思兮捧玉卮捧來前

兮慄慄仰歆納兮是幸已而

亞獻

豫和之曲

再舉瑤漿樂舞群張小孫在位陪助賢良百

工羅從大禮肅將惟我

祖宗顯錫恩光

終獻

寧和之曲

思

祖功兮深長景

宗德兮馨香報歲事之既成兮典則先王惟功德之莫報今何以量

徹饌 雍和之曲

三酌既終一誠感通仰聖靈兮居歆萬禩是舉兮庶乎酬報之衷

還宮 安和之曲

顯兮幽兮神運無跡神運無跡兮化無方靈返天兮主返室願神功聖德兮啓佑無終玄孫拜送兮以謝以祈

前文康公續稿 卷之三 五

九廟時杙樂章 嘉靖十五年

孟夏

迎神 太和之曲

序屆夏首兮風氣薰禮嚴時杙兮憂擊鍾鼓

迎群主來合享交欣於皇

列聖正南面以申崇報皇勲

初獻 雍和之曲

瞻曙色方昕仰

列聖在上奠金觥而捧幣紋小孫執盈兮敢不懼慙

亞獻 雍和之曲

思

皇祖仰聖神來列主會太宸時杙修循古倫惟聖鑒歆愚孫忱恂

終獻 寧和之曲

齊醴清兮麥熟新邊豆潔兮孝念申仰

祖功兮宗德願降佑兮後人

前文康公續稿 卷之三 六

徹饌 雍和之曲

樂終兮禮成告玉振兮訖金聲徹之弗違以

肅精誠

還宮 安和之曲

三獻就兮

祖宗鑒享一誠露兮念惟長思弗盡兮思弗忘

深荷德澤之啓佑小孫惟賴以餘光神返宮

求安保家國益昌

孟秋

迎神

太和之曲

時兮孟秋火西流感時必祀兮爽氣回喜金
風兮飄來仰

祖宗兮永慕哉秋杳是舉兮希鑒歆小孫躬迓
兮捧素裁

初獻

齊和之曲

皇祖降筵

列聖靈聰執事恐蹟樂舞踰躡小孫捧盈兮敢
弗虔

顧文康公續稿
卷之三

齊和之曲

七

亞獻

齊和之曲

再酌兮玉漿潔淨兮馨香

祖宗垂享兮錫胤昌萬歲兮此禮行

終獻

齊和之曲

進酒三觥歌舞雍猷鍾鼓轟錚

皇祖 列聖永享愚誠

徹饌

雍和之曲

秋嘗是舉稌黍豐農三獻既周

聖靈顯容小孫時思恩德兮惟懼

還宮

安和之曲

仰

皇祖兮聖神功祀典陳兮報莫窮嘗杳告竣鸞
馭旋宮

皇靈在天主在室萬禩陟降何有終

孟冬

迎神

太和之曲

時兮孟冬凜以凄感時必祀兮氣潛回迥朔
風兮北來仰

顧文康公續稿
卷之三

八

祖宗兮永慕哉冬杳是舉兮希鑒歆小孫恭迓
兮捧素裁

初獻亞獻終獻

俱同立秋

徹饌

雍和之曲

冬烝是舉俎豆維豐三獻既周 聖靈顯容

小孫時思恩德兮惟懼

還宮

同立秋但改
嘗杳爲烝杳

九廟特享樂章 嘉靖十五年

太廟

迎神

太和之曲

於皇於皇兮仰我

聖祖乃武乃文攘夷正華爲天下大君粵比隆
於古越彼放勛肇造王業佑啟予小孫功德
超邁太室攸尊首稱春祀誠敬用申維神格
思萬世如存

初獻

壽和之曲

薦帛於篚絜牲於俎嘉我稷黍酌我清醑愚

頤文康公續稿

卷之三

九

孫志祀真獻初舉翼翼精誠對越我

皇祖居然顧歆永錫純祐

亞獻

豫和之曲

籥舞既遷八音洋洋工歌喤喤醇醴載羞齊
明其將之永祐于子孫歲事其承之俾嗣續
克承百世其保之

終獻

寧和之曲

三爵既崇禮秩有終盈溢乎順顯相肅雍維
皇祖格哉以繹以融申錫無窮登於臣民萬福

攸同

徹饌

豫和之曲

禮畢樂成神悅人宜遵豆靜嘉敬徹不遲穆
穆有容秩秩其儀益祇以嚴矧敢歎於斯

還宮

安和之曲

於皇我

祖陟降在天清廟翼翼極祀首虔明神既留寢
柘靜淵介福綏祿錫胤綿綿以惠我家邦億
萬斯年

頤文康公續稿

卷之三

十

太宗廟

迎神

太和之曲

於維

文皇重光宣克戡內難旋坤轉乾外讐百蠻
威行八埏詒典則於子孫不忘不愆聖德神
功格於

皇天作廟奕奕百世不遷祀事孔明億萬斯年

初獻

亞獻終獻徹饌還宮

與太廟同

仁廟

迎神

太和之曲

明明我

祖盛德天成至治訐謨適駿有聲專真致享維
古經是程春祀有嚴以迓

聖靈維陟降在庭以賚我思成

初獻

壽和之曲

幣牲載陳金石在懸清酒方獻百執事有虔

明神洋洋降歆自天俾我季孫德音孔宣

亞獻

豫和之曲

衡文康公續稿八卷之三

二

中誠方殷明神如存醢齊孔醇再舉疊尊福
祿穰穰攸介攸臻追遠報酬罔極之恩

終獻

寧和之曲

樂比聲歌佾舞婆娑稱彼王爵酒旨且多獻

享維終神聽以和季孫在位受福不那

徹饌

雍和之曲

牲牲在俎穆黍在簠孝享多儀格我

皇祖稱歆進徹髦士騰騰孝孫受福以敷錫於

下土

還宮

安和之曲

植享孔明物備禮成於昭在天以莫不聽明
神即安維華寢是憑肇祀迄今百世祇承

宣廟

英廟

憲廟

俱與仁廟同

孝廟

迎神

太和之曲

列祖垂統景運重熙於維

衡文康公續稿八卷之三

三

孝皇敬德允持用光於大烈化被烝黎專廟以
享經禮攸宜俎豆式陳庶幾來思

初獻

壽和之曲

案盛孔蠲脂肥牲牲考鼓齎齎萬舞蹶蹶清

醑初酌對越在天明神居歆式昭厥虔

亞獻

豫和之曲

祀事孔勤精意未分樂感鳳儀禮虔駿奔醢

齊挹清載奠瑤尊神其格思福祿來臻

終獻

寧和之曲

樂舞既成獻享維終明明對越彌篤其恭篤
恭維何明德是崇神之聽之萬福來同

徹饌

雍和之曲

牲牢醴陳我享我將黍稷蘋藻潔白馨香徹
以告成降禧穰穰神錫無疆祐我萬方

還宮

安和之曲

禮享既洽神御聿興廟寢煌煌以憑以寧維
神匪遐上下在庭於寢孔安未底我烝民之
生

禋廟

顧文康公續稿 卷三

三

迎神

太和之曲

於穆

神皇秉德凝道仁厚積累配於穹昊流慶顯休
萃於眇躬施於無窮以似以續以光紹我
皇宗維茲氣始俎豆是共循厥典禮式敬式崇
神其至止以暨愚叟

初獻

壽和之曲

制帛牲牢庶羞芬腍玉戚朱干協於韶蕭清

酌在筵中情纏綿神之格思儀刑儉然

亞獻

豫和之曲

瑤爵再陳侑以工歌齋舞踴踴八音諧和孝
思肫肫感格

聖靈致懇則存如聞其聲

終獻

寧和之曲

儀式弗踰奠爵維三樂舞雍容以雅以南仰
仁源德澤嶽崇海淵願啓我子孫緝熙光明
維兩儀是參

顧文康公續稿

卷三

丙

徹饌

雍和之曲

嘉饌其只亦既歆只登歌迅徹敬終維始維
神孔昭賚永成於孝矣

還宮

安和之曲

幽顯莫測神之無方祀事既成神返諸
帝鄉申發休祥俾胤嗣蕃昌宜君今宜王歷世
無疆

武廟

迎神

太和之曲

列祖垂統景運重熙於惟

武皇昭德勅威用剪除姦兇大業弗隳專廟以

享經禮攸宜俎豆式陳庶幾來思

初獻亞獻終獻徹饌還宮俱與孝廟同

九廟通用樂章

迎神中和之曲

慶源發祥世德惟崇致我眇躬開基建功京

都之內

顧文康公續稿入卷之三 主

親廟在東維我子孫永懷

祖宗氣體則同呼吸相通來格來崇

皇靈顯融致我眇躬一句後改用助我

初獻壽和之曲武功之舞

思皇

先祖耀靈於天源衍慶流緜高遠玄玄孫受命

追遠其先明禋世崇億萬斯年

亞獻壽和之曲文德之舞

對越至親儼然如生其氣昭明威格在庭如

見其形如聞其聲愛而敬之發乎中情

終獻熙和之曲文德之舞

承前人之德化家爲國母曰予小子基命成

績欲報其德昊天罔極殷勤三獻我心悅懌

承前人之德四句後改用前人之功肇膺天曆延及予小子及受方國

徹饌雍和之曲

樂奏儀肅神其燕娛告成於

祖亦佑皇妣敬徹不遲以終祀禮祥光煥揚錫

以嘉祉

顧文康公續稿入卷之三 主

還宮安和之曲

顯兮幽兮神運無跡鸞馭逍遙安其所適其

靈在天其主在室子子孫孫孝思無斁

郊祀慶成樂歌

萬歲樂

五百昌期貞元會啟大明車書萬國喜逢着

禮樂中興日祝

聖壽千千歲

新水令

五雲深護九重城感

天恩

一人有慶黃鍾陽漸長大報禮初成

顧文康公續稿人卷之三

七

聖德

天生表率的萬邦正

顧文康公續稿卷之四

詰勅

光祿寺良醞署署丞方策

勅曰朕稽古崇禮宗祀

祖考於明堂以配

上帝寔惟小大百執事各率厥職罔有弗欽迨

禮典告成嘉與臣民並受釐祉焉爾光祿寺

良醞署署丞方策爲南京太常寺卿鵬之子

名家俊秀太學英才本幹既豐才用宜茂眷

顧文康公續稿

卷之四

一

茲光祿之司即古尚食之職爾筮仕未久良

稱厥修薦馨香以格明神崇尊貞以享賓客

茲茲大祀爾預有勞焉茲特授爾階徵仕郎

錫之勅命爾其盡心舉職允於家教益樹嘉

績以需顯陟欽哉

勅曰朝廷錫命群臣而必逮其室家者所以厚

人倫之本也爾光祿寺良醞署署丞方策妻

周氏婉婉克從安貞迪吉揚芬右族配德名

門主饋共祀砥礪儉勤儆戒相成祇服圖箴

之訓工容不愆聿嚴閨閭之儀宜錫寵華以
旌賢淑茲特封爲孺人茂迓龍光永宜象服

光祿寺良醞署署丞方策父母

制曰朕以大典告成需澤寰區凡厥群工例得

貤封所生罔有新矧矧我耆德儒臣躬勞於

國家者哉爾南京太常寺卿方鵬乃光祿寺

良醞署署丞策之父畿甸譽髦甲科俊彥績

學飭行夙抱才猷歷官郎署賢聲籍甚迨副

外憲董學政未及施教尋以疾引去朕念昔

顧文康公續稿

卷之四

二

諸臣講議大禮以格我天彝起置宮弼表樹

詞垣典試畿闈緒聞爾謹論有裨於國是官

庶之求奉嘗之擢寔簡自朕心方切倚任爾

乃決志養恬急流勇退固自樂其高蹈然終

負其平生方以興章交薦命所司召用寔資

匡濟於老成姑以令于賢勞推恩所自特封

爲通議大夫官尚如故服茲隆渥茂介壽祺

以副朕側席求舊之懷欽哉

制曰朕聞士庶人有善本諸父母古有是言朕

茲褒命群臣母與父偕所以酬獎功勞而勸
慈與孝也爾封宜人高氏乃光祿寺良醢署
署丞方策之母賦資醇懿德行柔嘉維夫維
子咸有令聞爾之賢可徵也已茲仍以夫階
加封爲恭人重沐顯休益崇閭範欽哉

刑部山西司員外郎張寰

制曰朕習聞民隱思重牧守謹刑罰期毋殃吾
民大夫士習於故嘗鮮體至懷爾刑部山西
清吏司員外郎張寰世宦家子嗣聲甲科歷
守戎州乃克剪盜魁載戢庶良迨內遷刑曹
益謹三尺明績聿聞朕甚嘉焉用特階爾爲
奉直大夫錫之誥命爾尚優學勵行勉策勛
業將來申褒顯陟寧爾靳哉

新文康公續稿

卷之四

三

七陵謁祀禮成賦有序

嘉靖丙申我

皇上御極十有五年矣凡事神奉先導民廸士
之禮罔不修舉惟展謁

列聖陵寢大典久闕往來於宸衷益數稔於茲
屬今朝野晏然歲登民熙遐邇底寧

上以諮於輔臣禮卿暨三四文武大臣僉曰維
時哉

上乃稽諸舊志頒戒令於內外百司申飭居行
新文康公續稿

人卷之四

四

機宜庶務卜以春三月之二十有一日丙子
上祇奉

聖母率

后妃嬪御質明啓行百官扈從各以其職受
事焉是日駐蹕於沙河昌平州長貳官庠舍
師生耆老悉拜迎道周朝行殿如儀明日辰
刻駕發申達天壽山先是

上命以己卯庚辰二日次第舉

七陵謁祭之禮休前後各一日重

聖母勞也禮成

上賦恭謁

七陵紀述七言律詩一章命輔臣李時禮卿夏言及臣恭和進呈壬午回鑾復次於沙河州官率衆辭

上降敕慰勞免今年田租三之二賜高年米絹布有差生負人給燈油八十斤衆頓首呼萬歲者三舞忭而去明日抵金山遂祭恭讓章皇后

續文獻公續集

人卷之四

五

景皇帝二陵暨凡神鬼應祀者先後命內外大臣行事俱竣

上廼奉

聖母觀玉泉因泛舟西湖夕命輔臣時禮卿言即事各撰賦一篇明日令乘內苑小艇仍給上方筆札以從

上御龍舟製謁

陵禮成奉

聖母舟還京紀事述懷賦一篇和

恭穆獻皇帝辭陵詩韻一章賜二臣及武定

侯郭勛觀仍命錄以示臣是日駕還士女老幼得快觀威顏歡聲喜色宜溢口而咸謂不世之盛際也斯舉也仁孝之德達於幽明惠利之澤周于上下迨夫禮文義制淹速軒輊之節悉中意慮蓋根於天性斷自

聖心者真足以垂懿範於無窮焉臣謬以菲才叨陪末議既廁扈從之列復塵供奉之班親覲禮成又得莊誦

續文獻公續集

人卷之四

六

御製欣幸感激倍越庸情謹述顛末撰古賦一篇將以傳播四方昭示後世云其辭曰

覽堪輿之北戒兮糾山川脉絡以爲綱維太行衍迤以西來兮瀛海滙於東垂仰

文祖之訏謨兮因玄社以開基嚮離明而安良止兮握乾坤終始之機定鴻業於億萬斯年

今列聖繼起而勛業彌張赫寶曆俟歸于有道兮上天顧畀我

皇粵更化以善治兮宣八葉之重光既文恢武
戢而華夏率俾兮蠻夷重譯以獻琛日翹

陵山之望兮益思

祖德之高深屬歲行在申兮感春陽布澤之浸
淫爰修展謁之曠典兮矢嗣服之初心維舉
動之協于神人兮詢謀僉同率

后妃嬪御以奉

聖慈兮粵先導而後從諏良辰備法駕以啓行
兮化景方新其曠職翠華縹緲以瞻雷兮再

廟文康公續稿

八卷之四

辰即安於行宮簡元僚集侍從以扈暉兮文
武執事有恪六師布絡于原野兮風雲瀚其
廻薄百神奔走而效職兮窠山魑與海若暴
天光噓地靈兮氤融秀於巖壑瞻

七陵之差義兮動

聖情而獻猷杲日灼其垂光兮啟玄宮之金扉
酌芳醴陳潔羞兮牲牷碩而膺肥禮序成于
薦獻兮恍惚

列聖陟降交錫夫蕃釐勅鑒儀曰龍馭兮載慰

於沙河降璽書以勞吏民兮德音洋溢而惠
澤滂沱群生沐浴于道化兮拜舞婆娑騰嵩
呼於萬口兮人情欣欣其大和移仙仗而西
邁兮即彼金山嘅

二陵之湫隘兮有威夫天顏義同孝享兮中心
是單徧群祀而遣攝兮禮云周而不煩大典
告成兮

聖慈悅康乃扶寶輿兮降觀三泉于濫觴既而
棹鳳揖進龍舟兮泛重湖之冥茫益徵仙源
廟文康公續稿

八卷之四

人

之深遠兮澤流斯長真景契夫淵泉兮發天
葩而敷睿藻挽文瀾於筆端兮馳川流之浩
浩左右儒臣承制以騁辭兮譬則溝渚集夫
行潦亦猶剪製以成花萼兮敢於化工而競
巧厥明乃遵修渚而登大道兮望額頷之金
城都民扶老攜幼兮紛匍匐而瞻仰曰吾

皇

聖母玉體久勞兮逾康寧饗內殿以告至今朝
群臣于大廷羗拜首陳辭而稱賀兮將起八

延之頌聲永作

宗桃民物之主兮熙熙乎皞皞
平許曰神龍天行威赫奕兮歷涉山川匪遊
佚兮庸備典則發孝德兮聖人有作垂無極
兮祭則受福于孫千億兮

廟文康公續稿

卷之四

九

恭和

御製福瑞賦

有序

鴻惟我

皇上體道精義制作

郊

廟典禮已超古今而獨盛矣重念

太宗文皇帝神謨聖烈再安宗社永定大業功

德並隆

獻皇帝大德格天維新寶命啓慶源於萬世而

廟文康公續稿

卷之四

十

諡號未稱乃嘉靖戊戌秋九月辛未恭上冊

寶加尊

太宗文皇帝爲

成祖

獻皇帝爲

睿宗遂舉

祖廟合享之禮時天景融霽人情歡協而

皇上精純對越臣工駿奔有恪洋洋

列祖臨之在上奠獻旣成方受福之際

上璇珠左右糾結爲二龍之象蓋

祖考顧歆錫福於聖子神孫無窮之兆也

上悅述爲福瑞賦欽示勛輔大僚臣等因得
莊誦焉字字句句肫肫平仁孝之誠發自丹
衷而詞氣渾厚格韻高古真可質諸前王而
作則後聖者也臣鼓舞欣忭不能自己謹綴
輯陳言恭和成篇上塵

聖覽臣年齡衰邁才力淺劣不能掄揚功化之
盛無任悚仄其辭曰

獻之展入續稿八卷之四

二

天眷昭代兮真人龍興

二祖重華兮萬邦協和而庶績其凝

列聖繼體兮垂拱仰承

睿皇慶澤集於

聖躬兮大猷允升用光前烈而裕後昆兮萬福

是膺薦鴻號於

祖

考兮邦家之祐以莫不增湛齋明以對越兮肅

登降之兢兢累孝德底於高厚兮

列聖是依而是凭昭福瑞於冕旒兮垂珠交結

而脫焉莫勝象龍飛於天衢兮祥雲從之而

上騰回神光於天藻兮將百世而文獻是徵

仰普天之成化兮觀

聖人之所恒綿子孫於千億兮

祖武是繩詩曰

高帝創業丕成

文皇聿清寰宇光於殷湯聖作六七於乎

前王受命啟運赫哉

獻之展入續稿八卷之四

三

睿考我

皇一德孚格玄昊詞臣稽首載歌天保

恭和

聖製初夏西遊奉

聖母舟行賦

維

皇明之開運兮寶祚靈長粵嘉靖十有六載兮
屬節序當乾之六陽望湖山之秀麗兮品彙
向茂紛魚鳥之洋洋

聖學示

慈輿以遊觀兮晨雷引鍾鼓之喤喤戒兩師先
漸末康公續稿八卷之四

三

灑道兮纖塵淨乎不揚靈輿倏迅發兮雲開
羲和御六龍以上升兮普離炤于萬方城西
橋岸侍鑾御而登龍舸兮旌旗甲冑映水色
之與天光率錦纜以泝流兮簫鼓間作萬夫
欣欣歌夏諺兮頌主聖而臣良相行宮之改
建兮將復視

園陵營作之孔臧蓋尊

祖孝親省農育物固帝王之修軌兮親賢樂利
雖千百世其猶未忘何

聖心之戒謙兮動遵

祖訓且云仰

上帝之卷以匡諄曰禮樂功成

皇情豫兮上下同樂以補助兮聖謨孔彰先敬
慮兮壽千萬年保福祚兮

顧文康公續稿八卷之四

十四

恭和

聖製五月九日視工遇雨賦

昌期啓運兮仰

聖主之當陽構穹宇以崇訓錄兮巍乎大哉若

乾覆而坤藏粵

祖宗開基垂統兮建極維

皇總彙成憲以示子孫兮俾永監于

先王念功德之隆真超越于前代兮非史臣妄

意而鋪張闡民彝昭物則兮列數十之宏綱

御文康公續稿

卷之四

三

文謨武烈佑啓無窮兮固宜開千百年有道

之長勤玉體親視大工兮翠華旖旎而出宮

墻俄風清塵雨灑道雷轟電掣兮感神化倏

儵而無方長養萬物兮瑞賞增英而指倭抽

芒庶民子來而沾惠澤兮若去炎燠而濯清

涼庶司群工欣瞻龍顏而致頌祝兮介萬壽

而彌康詩曰石室金匱襲藏

帝珍

功

宗德極拱星陳訶爲擁衛森列明神子孫保之
傳於一人

御文康公續稿

卷之四

十

瑞雪頌 有序

皇帝昭受寶命光紹大統清心飭躬敏學勤政
敬天憂民期臻至理九年於茲乃嘉靖己丑
飛蝗告災蔓延滋廣民生殄瘁雖屢降恩綸
渙居振之勅戒守宰輯寧撫字未底于績
皇帝用側席旰食焦勞不遑是歲秋仲迄於冬
至雨澤無幾雪祥未應

皇帝重惟農艱益深閔恤爰命禮官蒞庶司卜
以十一月之十有六日戊申躬禱于

南郊以及山川太歲諸神十七日巳酉禱於

社稷先日祇告

太廟

世廟端居致齋心恒對越至日未明法駕出郊
精禋斯舉文武群臣敬承休德罔不明肅方
在裸將山川出雲月星冥晦人情大懼清壇
戒塗行復朗霽是夕雲氣晡霽乍陽乍陰入
夜未央天宇開豁月星明麗

皇帝夙興即壇致享俄而玄雲四興油然混合

遠邇同色謂天蓋卑微霞飄颻瑞雪繼降自
丑及亥輝祥積和竟日未已駿奔小臣親觀
瑞應神速如斯仰惟

聖主殷憂之誠齋明之德昭格之符喜深感極
幾於垂涕乃知聖經有言

上帝臨女無貳爾心致中和天地位焉萬物育
焉是皆寔理自然豈虛語哉慨自秦漢以還
非鮮英明之辟舉弗能奉天弘道優入古帝
王之域真自棄也抑退而竊思

大聖人之心不自滿假雖曰得天之應弗以自
喜適以自勵將益畏

上帝惻下民平政謹刑內修外攘日新厥德以
承

天休猗與大哉臣叨陪侍從謬職論思欣忭之
情樸愚之忠非假文辭曷繇宣洩乃謹拜首
稽首而獻頌曰於惟我

皇龍飛于潛華夷聳瞻

帝命有嚴有嚴伊何啓

聖寔多淵秉粹和性成靡它翼翼淵衷萬善斯

鍾千聖攸同紹述統宗夙造徽猷匹休唐侯

仁履九州朝覲歌謳放勲是程維墻維莢羅

寃群經施于政刑天心孔仁基泰于屯沴氣

是因割越黎民微予未回飛蝗彌灾百穀成

埃殃及蒿萊多方籲天

皇心盡焉深宮細繡日省予愆冬來秋徂土膏

乾枯三白仍連三農重痛精誠吉諏禱于

園丘明德是邁百神懷柔雲師效靈風伯不與

維震先零浸羣繁英都人從官萬口騰歡厥

元

心寔卑格

天非難太平清朝貴奚封條毒害凌消麥禾驕

驕神功無私以隆以施遍于郊圻旁礪四垂

黃竹之章周穆未荒號寒無裳旦夕勿忘衛

侯累梱哀聞負薪達于君人散財煦貧有唐

帝明振耀天經志斷師成寔下蔡城宋祖憂

勤屈萬乘尊於相臣門謀定太原梁園齊官

于樂歌鐘客藻思工騁辭奚庸

聖皇明欽克享

天心瑞應自今膏澤浸淫我

皇則云治功未殷武靖遐氛享成于文善政維

宜祥刑維思股肱弗隳庶績皞熙

聖惟不矜

帝眷日并陰陽和貞百祥畢呈曰綏萬邦歲豐

人麗萬福斯降如河如江

聖壽萬年 本支綿延無極維天徵此頌焉

嘉靖八年十一月二十日

進二十四日奉

平

聖旨覽奏具悉忠愛頌留覽該衙門知道



景雲頌 有序

皇帝臨御之十有七年念

郊

廟諸祀典咸備惟季秋大享禮未舉乃詔禮部
集廷議文武臣工不謀同辭僉曰先王仁育
生民季理天下之切務也下逮畿甸庶民皆
歡呼傳播萬口一談罔不惠和遂卜是歲九
月之二十一日祀

上帝於內殿奉

順文獻公詩稿

卷之四

主

睿宗獻皇帝配蓋法古禮而不泥其迹

聖人之行權也先期籲告

郊

廟社稷暨於群神乃十有九日之巳時景雲見
於日旁司天以聞禮部累疏請上表稱賀臣
謹按古記云王者德至山陵則景雲出又曰
天子孝則景雲見

皇帝恭祀

山陵孝享

宗廟蓋越千古而僅見矣茲又惟物成于秋民

荷 帝功爰舉享報大典休祥之應捷於桴

鼓微臣躬際昌辰目擊神化欽仰鼓舞不能

自己謹拜首稽首獻頌曰維天聰明握機持

衡日監於冥黽勉我

皇仁覆萬方至治馨香典祀其欽格于天心是

顧是歆穰年杪秋百昌斯肇爰稱大猷宗禋

孔時碩維拑犧醇醴蠲粢監于古先

嚴父配

順文獻公詩稿

卷之四

主

天大德崇宣精神昭回九關先開休祥乃來厥

祥維何颺御義和景雲戔戔曰維景雲郁郁

紛紛五色輪囷雲容輝輝炳于太微大神訶

揮化日將中雲彩彌空繪維天工玉葉金柯

叶 璿粲天葩明德之華景雲在南太史奏占

萬國顯瞻宗伯陳圖群工謹呼近代則無軒

轅造端雲庸紀官青史弗刊帝舜賡歌世登

泰和禮樂漸摩吾

皇聖神黃虞是承禮備樂成化浹玄施如雲斯

垂貴蔭群黎享

帝享

親孝子仁人佑命維申天章翔龍景雲斯從滄
蔚

帝躬垂永明堂四夷來王

聖壽無疆

有文康公續稿

八卷之四

圭

顧文康公續稿卷之四終

顧文康公續稿卷之五

重書 寶訓實錄 錫宴及 賜白金衣

馬 手勅加官謝表 嘉靖十五年

嘉靖十五年八月十九日該監錄官太師兼太子太師武定侯郭勛總視經理官少保兼太子太傅吏部尚書武英殿大學士李時等恭進重書完

祖宗列聖 寶訓實錄臣謬以同經理官荷蒙聖眷與同郭勛等 賜宴於 謹身殿仍賞賜

白金八十兩彩段四表裏羅衣一襲鞍馬一

匹副特降 手勅加臣太子太保餘官如故

臣海荷 寵榮無任悚仄竊以 作君作師

懋建 維皇之極善繼善述聿隆達孝之稱

惟 聖智獨邁於百王故 訓錄重光於

九帝煌煌乎標帙琅函之什襲巍巍乎 金匱

石室之尊崇仰之彌高於斯為盛恭惟

皇帝陛下體道敬一秉心塞淵賤金玉而善人

興垂衣裳而天下治謂

祖宗典則可以詒於子孫 聖神功化可以被

於來世是用重書 皇史藏之 寶成遠恢

堯舜之勛華近昭文武之謨烈河圖大訓秘

璧府以垂光太乙鈞陳觀徽垣而被寵鹿鳴

同於周燕馬錫擬於晉侯宮錦裁成義嚴在

笥雲章彩煥禮重承筐念臣竊祿詞林愧論

思之靡及備貢史局顧經理之無能許身愧

比於南金空群未超於北馬駑駘弱質論功

定耻擬鞍組織賤工絜德何能補衮卜其畫

未卜其夜有僕已占於既醉稱其德不稱其

力無邪載頌於斯徂臣寧不感恩圖奮時惕

素飽之慚拜思忠益勵羔羊之節誓有竭

於致遠勉惟報於涓埃上熙解衣阜財帝載

之休功下佐飽食作居民生之至理稱彼觥

而祝壽稽厥角以飏言臣無任激切感戴

天恩之至

謝 賜貂鼠封領及金餅表 嘉靖十七年

嘉靖十七年十二月十五日恭遇

聖駕發自 天壽山於紅門外 賜貂鼠封領

一事又於清河 金殿中 賜金餅二枚臣

謹稽首頓首拜受者竊惟 寵數關心秋毫

知皆 帝力 恩庥被體春意覺自 天來

珍品頒於 上方芳膏襲於下土衰殘是賴

溫飽自將恭惟

皇上聖智察微至仁育物俯憐鳬從特荷優崇

御製集卷之八

二

其所謂解衣以衣推食以食者也臣忝廁簪

紳竊知章句易稱旄鼠戒竊位以示占詩著

有皮豎無儀而興刺惟辟王食之訓炳列箕

疇遙我來牟之祥式陳周頌錫茲二物又重

百朋韋與布而相資錫與資而具美遲遲宮

漏催刀尺以裁成翼翼仙庖鼓煙轉而劑製

挾辟寒之溫王披拂霜華團躍治之精金允

搖月魄馮唐易老矢初心而益壯范叔一寒

堅晚節而非誇敢不夙夜在公立效捧頭之

竄清忠許國詎蒙素飽之譏臣無任激切感戴

天恩之至

原刻二表佚後半茲蒐集全刊

御製集卷之八

卷之八

四

端午日西海泛龍舟並宴 兩宮致語

伏以化日舒長義馭回光於東井鈞天寥渺
仙宗敞宴於西池

七陵展謁之禮既成

兩宮宸遊之典斯舉風行朝野喜協神人茲蓋
伏遇

皇上居正乾行嚮明離炤大德同於帝舜齊聖
邁於成湯恭惟

昭聖慈壽皇太后陛下克嗣徽音久垂懿範內
顧文康公續稿 八卷之五 五

治肅於 先朝禧澤流於寰宇

章聖慈仁皇太后陛下祥鍾 宸極慶洽 皇
圖德並厚於坤輿福比深於溟渤茲者月當

夏仲節屆天中筵賓律應於虞茲競渡風傳
於楚俗仰一人之有慶奉

二聖以同歡翼翼仙舟泝流光於玉河金海巍

巍御座挹皓彩於貝闕珠宮行厨絡繹送八
珍何止駝峰麟脯法部喧闐呈百技直教魚
躍鸞飛光泛萬年鰐喜荷華之薦祉香傳九

子粽符符藻以呈祥豈惟對時以歡娛

聖慈亦將因心以化成天下 樂優末技幸際

昌辰使

聖人多男式效華封之祝敷 皇極五福丰感

箕子之疇欲聲下情先陳口號辭曰

太液波澄御宴開六龍雙導翠輿來龍舟噴

薄三山動鳳棹騰喧百谷迴玄圃芝蘭添雨

露薰風燕雀繞蓬萊中天虹彩流華清南極

星光接上台

顧文康公續稿 八卷之五 六

霖雨堂記

弘治甲子秋八月余將赴省試謁公移于南京禮部部門外有粥舊畫者列數幅於地其一乃所翁所畫龍頭也品甚神奇復題四言於下方曰明良風雲神寄斯畫大溥霖雨以澤天下心竊喜曰此祥兆也以青錢百二十購得之明年省試入式及奉

大對遂以第一人及第乃知天數前定如此非人力也迨正德戊寅夏建小堂四楹于邸第之

南

七

丑方前此連月不雨是日大雨學士儼山陸先生爲題曰霖雨堂作小篆匾見遯謝不敢當迨嘉靖戊戌夏四月因購得東鄰張氏堂四楹頗高爽撤以建置于邸第之丙方前此仍連數月不雨是日大雨如注遠近沾足親故僚友喜而賀曰往歲陸公所贈霖雨堂名者斯不足以當之乎余復唯唯遜謝是歲秋八月蒙主上知異特降手勅命入內閣參預機務冬十月少傅桂洲夏公來索龍頭視之稱嘆不已

因侑水龍吟詞一闕亦大書霖雨堂爲贈於是重違諸公命乃梓之揭於堂楣壯觀一時余思所翁題畫之言于今事又相符合益知天數前定如此非人力也余惟商高宗之相傳說本諸帝賚蓋一時貞元之際明良之會事豈偶然至歲大旱用女作霖雨數言高宗青望至重非說曷足以當之余迂愚衰朽非惟德學有愧于古人且精神弗逮于前時冒膺股肱之任夙夜兢兢期免於罪戾敢希異分表者乎抑

南

八

主上嗣登大寶之初叨預揀選日侍講讀不敢自謂曾少效啟沃之忠而

上之遜學修德責望於近臣者真與高宗同一揆矣特恨無說者對揚休命焉耳顧今日之急務惟旁招俊乂列于庶位以匡乃辟康兆民庶不負

主上寵眷之意而龍頭之屬也其當勉而盡耶
遂書以記之

右霖雨堂記乃太保顧文康公所著也偶失
原稿其曾孫咸和于書肆購得之癸亥歲余
與咸和同在京師一日會于斯堂出此記示
余併將元人所畫龍頭索書上方余謂明年
又乙丑矣寔公掄魁之期也顧氏其殆復有
振乎敬爲書之以致望焉 長洲文嘉題

附桂洲相公水龍吟詞

文章獨占龍頭昔年已識絲綸手身歷

三朝宦登一品當今耆舊晚入黃扉平生青眼

顧文康公集卷八

九

相看白首喜長安霖雨堂成羨神仙宰相人
知否 甲第高連北斗又何用錦袍明畫
寢凝香朱門列戟紫衣奔走燈火樓臺笙歌
院落年年春酒與蒼生長作萬間廣廈爲相
公壽

高玄嘉慶堂記

壽考維祺而子孫衆多嗣世長遠皆天也愚人
恃其盛強多行不義一旦明刑幽禍剗決破蕩
醜類不遺吉人爲善上合天道雖遭罹厄會
頻於危殆鬼神相之全其身以及其子孫歸氏
吳中舊族也齒最長而賢曰南隱翁字文美其
祖彥則洪武中避仇巴蜀轉播之丁山山神來
共止宿導以避寇得免於患後歸鄉年九十
六以終是豈不善者而天神顯相若是南隱翁

顧文康公集卷八

十

偉容觀言論簡確爲人爽慨寬厚偕先修撰交
莫逆月集耆宿爲延齡會周旋獻酬秩秩有儀
謔談轟飲至醉愈泰而不亂真所謂吉人也今
年壽八十五榮膺高年章服已數稔而筋力康
強飲食言笑無減昔時九月十三日爲其誕辰
親賓萃止子孫時列青袍畫繡蘭蓀芝芽森然
滿堂自翁而下凡五世焉大恭吳公揮使朱侯
輩嘆曰不易得也於事爲奇逢於人爲具美於
家爲大慶相與名其堂曰高玄嘉慶而謂鼎臣

高執筆記之惟素節公以孤身排遷荒野迨返而安其故廬共間宗祀之危引千鈞于一髮再傳至南隱翁在昆弟間子孫獨蕃又以年躋壽考而目見曾玄是豈人力也哉翁子五人鳳鸞鵬鶴鵬孫十一人紳綬綺經繻本相植模楷格曾孫又若干人其所謂高玄者則鳳生紳紳生中與正中生有嘉正生有光其仕而貴則鳳孫鄉貢進士終山東城武知縣鸞授蘇州衛指揮僉事其通經而將仕則鶴繻中正皆縣學生貞勝壽有期其少秀知務學則弁而角而孩提所造皆未可量爭榮競美承歡於翁之左右前後者祖得其孫父率其子兄介其弟夫以其婦合五十餘人而其來者又蟄蟄焉何其盛歟傳曰積善之家必有余慶非翁能繩祖武勉於爲善而天嘿佑之何以得此翁今雖老足徵閱九度百而擢賢科儀天朝者頡頏彙興家門之慶將不啻如今日而已也思天道培善本以演慶澤於無窮勉哉凡翁之後人堂在城南半里許

顧文康公集卷八

卷之五

七

巋然須浦之濱爲翁累世舊業云

顧文康公集卷八

卷之五

七

贈南京太常寺卿思菴王公墓誌銘

崑多王姓居丁涇里者家世尤舊鄉民世呼其宅傍橋曰王家橋目親思菴祖孫相承今又四世矣公諱棠字懋思別號思菴曾祖考宗慶仕元千戶長入

國朝爲里正長祖考瑛考銘妣錢氏世隱居力農公少有秀姿舉止殊庸兒邑彥陸延齡氏見而奇之妻以孫女托以幼孤使持其家公曰丈夫事止此耶乃受學於外兄錢履素先生習肄

讀書於太常寺卿入卷之三

十三

卷之三

甚力竟奪於兩家事莫訾初志既長以材能聞有司選主公稅勤勞出入垂二十年事集而民便年五十公私一切之務舉付諸子乃偕梁府倅北莊先生輩結文酒社過從遊衍無虛日年六十預縣庠卿飲歷年既老儀度秩然嘉靖初詔賜民高年冠服公自顧德薄不敢當縣官即其廬勸之且諭以大義乃拜受是歲壬午孫燦舉于鄉癸未登進士第遺書以少年登科當官以三事勗之丁亥公年八十作重慶堂成燦隨

以使事得過家拜慶因遍請

朝中縉紳詩文爲壽燕會親賓珠玉盈座遠近傳誦以爲盛事戊子九月二十六日忽得痰疾遂卒公生于正統戊辰六月廿有四日享年八十有一配即陸氏先卒子男四渭潮濟洵洵歿女二適支俸李異孫男三長即燦今爲刑部湖廣司員外即次燦次昭孫女八曾孫男尚幼公墓在丁涇里菜字圩之原葬在某年月日合陸氏兆也公氣和而色溫然侃侃以信義自許里

讀書於太常寺卿入卷之三

高

卷之三

中少年誣人以人命府通判毛公瑄承御史牒行縣鞠治特召公問公對以寔事得白楊知縣子器初下車境之嚴村盜殺人誣及良民數輩榜掠瀕死公直入鳴其冤楊公因廉得其情盡什之鄉閭爭辨曲直就公以決不可縶數公治家嚴整外內井然教子孫日夕道古今成敗以爲勸戒自幼涉獵書史至老披閱不倦能爲五七言詩溫厚閒雅類其人未卒之前數月猶寄贈一律予讀之曰情辭兼茂是翁壽未涯也擬

倚韻和和未果嗚呼轉盼之間乃爲公作誌耶
然述於公子渭予亦稔知公爲之銘銘曰

世有凶人戕人之生於以殖貽于以干名煦
彼吉士信義自矢直民於寃生人於死繁善
迺澤鍾于爾孫擢秀揚宗高大其門

詔恩斯煌上壽考終聞德勤銘永賁幽宮

衡文康公續稿／卷之五

七五

醫學正科王君暨配盧碩人合葬墓誌銘

君姓王氏諱永吉字元慶裔出宋司諫縉之後
君十一世祖夢聲宦吳中遂占籍于崑山之斗
門里今其地分隸太倉州王氏支屬寢蕃世有
顯者州郡稱詩禮鉅族恒甲乙焉君曾祖考諱
幾祖考經考俊別號市樂翁援例授承事郎妣
李氏君三歲失恃鞠於庶祖妣陳自少敏而強
記涉獵書史能背誦不忘方就舉子業承事翁
命分理家務遂弃去更力田服賈年二十即代

衡文康公續稿／卷之五

七六

父持門戶兩總區稅皆身任其勞畢役不詒公
私患害壯益負氣自信雖承上官侃侃不阿處
人不爲婢阿諛隨言必達志事多徑情衆惡之
誣搆以不法君毅然往直于訟庭卒無若之何
然自是改節顧退異不與物競非意干犯輒強
忍弗與較久之人皆感孚里巷有所爭質君徐
析以數言罔不帖服正德庚午連歲侵 詔富
民出粟賑飢授官以旌之君應令出粟千斛有
司授牒授七品官不受晚好讀岐黃書得其梗

樂手自製藥餌已人疾不責其報鄉人德之薦
于州補醫學正科謝曰非予志也退而奉親課
子教諸童習聲技以自娛因號曰半隱君能順
親友弟樸道殫焚通券遇寒餓解衣推食如不
及縉紳大夫雖不識有嘉其志行者訪之君歎
滯累日夕性雖不飲而談笑佐饌未嘗少倦平
居布素適體衣服垢弊必浣濯補綴思勵勤儉
以爲子孫宗族法式配盧頤人諱某其先爲隆
興武寧人遠祖諱宣教者遊學于吳居鳳凰鄉
之集祥里後徙家崑山其子孫若熊熙彭祖儒
世以文行稱頤人之祖瑛登宣德五年林震榜
進士仕終刑部主事瑛生懌娶楊氏生頤人幼
有女德及笄歸半隱君事舅姑處妯娌和穆簡
錫克盡婦道承事翁沒事後姑顧氏孝敬彌篤
寢食行坐每端立侍側曲意承奉歷歲久而不
衰年四十無子言于半隱君爲置貳室得二子
保愛顧復不殊已出半隱君少壯之日嘗什五
在外凡承賓祭睦親黨延師傳御僮婢嫁女婚

男之務品量經理皆出于頤人半隱君所樹立
成就頤人贊和之力居多君生于天順五年四
月五日卒於正德十三年四月十七日享年五
十有八頤人生于天順五年二月二十七日卒
於嘉靖元年正月十七日享年六十有三子男
二長有義國子生娶御史許伯基之女次有禮
邑庠生娶開州知州張允清之女俱側室王出
女二長適國子生朱紱頤人出次適州庠生趙
瀚側室顧出孫男二乳名學詩學琴女三甥男
三朱端禧國學生先卒次朱隆禧丙戌進士又
次元禧甥女一適國學生王世仁有義將以嘉
靖六年十二月十八日合葬其考妣於湖川鄉
海字圩先塋先是持其姊之夫紱所述行請銘
銘曰彼美伉儷競秀名門內外相成善累業蕃
德載坤章有茁蘭蓀湖川芸芸篤斯慶源太史
作銘賁于幽垣

東園盛君配陶氏合葬墓誌銘

君姓盛氏諱萱字思愛世居崑之澱山湖西曾祖文通祖君瑞考王妣李氏君生六歲而孤鞠於妣李二兄曰蘭曰蕙者弗克保家舊業傾廢君既有知識卽自勵曰我必復之否者我父目不瞑於地下矣長從塾師學期有所樹立以亢厥宗公私迫奪弗果乃嘆曰何忍以家事累吾母邪遂棄去更力本業稼穡猥瑣之務咸躬自督理持身待物慮患防微口惴惴焉唯恐不及

南文康公續稿

卷之五

一九

不數稔卒復舊產更加恢拓家以饒裕中年始得子迺卽所居之東闢園圃藝果蔬構精舍以自怡適因號曰東園子既就學知句讀迺延明經師於其中課以舉子業遇講論經理坐聽移晷無倦色力田教子之外一切奇妄誕謾之爲未嘗經意子典藝成淬志賢書援例爲國子生登科名嚮大用可期君娶陶氏同里菊隱公之女年十四歸君姑遭憂患持家嚴整氏入門卽身任勞勩鷄鳴而起奉親主饋之外織紉澣濯

之事罔不親之姑年旣高周旋承順幾三十年執婦道如一日寬以逮下視其所生訓誨資送不異已出處親黨和惠而有禮待減獲端莊而有恩蓋淑懿之性夙成於天非有所效學而能之子男一卽典娶葉氏女五長適吏部侍郎葉文莊公之猶子璋次適南京府尹柴黼菴之子國子生郊次適王邦次適梁全其一適朱大有側室葉出孫女三長許嫁王執禮餘幼東園性隱惻樂施予族婁人不能聊生者分田以授之

南文康公續稿

卷之五

二十

鄉里有凍餒者恒推衣食以周之事生送死祭祀祖考歛接賢士大夫館穀師友必致豐腆人皆稱嘆其賢君則曰凡吾所能皆我妻贊相以成之是非伉儷濟美其何能扶傾起廢之速如是君生于成化壬辰五月十五日卒于嘉靖甲午七月二十三日享年六十有三氏生于成化庚寅十二月二十日卒于嘉靖己丑七月十六日享年六十以乙未十二月十六日合葬于澱湖之濱髮字圩之新阡典馳其師南京吏部

文選郎沈廷材狀請銘予嘗往來于千壑浦見
陶與盛二家桑梓相望鷄犬相聞華屋甫田山
連壤接嘆曰美哉此郎古朱陳村也心竊慕之
但托姻交間東園夫婦合葬之銘其何能辭銘
曰

哲夫造家遭家之顛幹蠱用譽載自髫年舊業
克復既富而穀檢身教子維耕與讀賢婦相之
維義之爲外內鉅細咸中機宜澱湖之原靈秀
實蕃佳城峩峩慶流後昆

續文獻公奏稿

卷之五

三

武定侯郭君蒙 召見南苑 賜寶扇一

柄君擬作珍筭藏之爲製銘

御苑親切勾陳紫薇康侯傳宜躋于彤闈王音
是承龍顏不遠寶筭用頒塵寰所希神工製繪
日華爭輝猛獸角張彩鳳翬飛潯暑鬱隆澤手
敬揮股肱宣勞奉揚天威襲藏珍筭寶符其依
形弓旅矢赫焉同歸

續文獻公奏稿

卷之五

三

朱英齋先生像贊

一品夫人之祖
壽八十

生逢景運居安樂土容貌敦龐衣冠樸古履分
直心奚害術賈累德既厚流慶斯聚子孫蕃昌
造物所輔

朱德溫先生像贊

英齋次子

爲善之人其容粹然維清維白累世所傳難弟
難兄友愛弗愆綸巾布衣老于林泉

朱丹石先生像贊

德溫季子名醫

爾貌則臞爾中則腴涉多枝而弗試歷命途之
顛末康公續稿八卷之五

三三

崎嶇晚肆力于醫流思駕古人而齊驅途極美
一時馳聲三吳蓋無忝于弓裘而將收功于桑
榆

與張碧厓僉憲

昨者多荷手書珍貺向在迫冗中闕裁謝貞菴
來不蒙鄙外又領華劄知愧知愧僕向以疎慵
無似得罪于時豪入秋累遭言論然大抵以水
村之故移怒于僕未免組織萋菲所賴公論頗
明尚得苟完舊物然野人心性終不能隨時俯
仰浩然有歸山之興矣其未能忽然者
主上實有聖賢之資每日進講孜孜注聽畧無
倦怠之意所謂有

顧東康公續稿八卷之五

三

君如此何忍負之用是覩顏就列姑俟明年春
秋二時看世事如何決去就矣執事果了前件
徜徉丘壑有何不可所祝者少親酒色凡百知
節留此強健之軀多樂數年乃上計耳僕歸山
也要好人作伴千萬自愛自愛凍筆草草統惟
昭亮不宣

跋鄒山人詩表後

人各有志詩言志也言與志相爲汚隆知人者以志不以言世變文盛士無顯微競以言自效天子厭之然天度無弗容察其志而已鄒山人挾策搔墨放浪江湖間有以自老若不知世間有榮進之事一旦詣闕下獻所爲治安瑞應詩六章表一通君子聞而疑之迨觀其所奏疏云臣本布衣年踰七旬功名之念廢于四野者久矣非敢銜枝以干祿也區區一念忠悃發于言宜宣之外有日矣遂拂衣掉頭去不復顧乃皆釋然嘆曰斯以爲山人與視世人之所爲則有間矣易曰不事王侯志可則也余嘉山人之志因其請附著數語若其平生吟詠之工踪跡之奇與今日所獻文詞之盛麗已殫述于諸君併載刻中茲不贅云

顧文康公續稿卷之六

五言古詩

高雲篇

高雲白而停下雲濃以駛參差高下間相去亦
遼矣澄凝望碧落茫茫九萬里所思在瑤闕身
隨塵埃裡還丹隱虎穴青春逝流水方將礪室
劍戡亂臻玄理陰陽陳二際中樞貫終始得一
期一得霞霏諦標指火符乞神侯斗柄司化紀
疎形同黃鶴聊憑紫煙起此曲誠寡和相期美
顧文康公續稿卷之六

門子

題周氏世壽堂

吾崑周壽誼生宋景定間閱世訖元錄重逢昌
運還

高皇御宸極詔接開龍顏體食賜大官復家丁
役蠲郡國飲庶老尊齒無與肩身稟松栢姿眼
見陵谷遷逍遙考終日高邁虞帝年靈根啗枝
葉期願到魯玄俛仰極今古茲慶非偶然豈直
瑞聖朝庭階產芝蘭起家致青雲風彩北堂

端振振麟有趾峩峩牙爲冠世壽名高堂肯構
日以完飛翔玉山陽炤映婁江干江山壽無極
嘉名同弗刊爲語堂中人永懷仁宅安

送銅仁府推諸孫文郁之任兼期勉文同

夢川諸兄弟

老景憐骨肉他鄉重離別念爾萬里遊勗爾增
哽咽曾趨詩禮庭肯黎忠孝節炎荒足瘴梅清
修飽霜雪忠信行蠻貊獄片言折前程豈不
速但須慎途轍摩挲老眼明名位會掀揭願爾
鴻鴈群雲霄競頡頏他時聚京國令我生喜悅
顧文康公續稿卷之六

立秋日孔昭賢姪遺苦熱長句走筆和成

二氣慮慙忒調燮勤漢丙暑咎五行吏酷虐威
屢逞雨師斬先澤日馭赫離炳吾人困爐鞴庶
物落陷穽功用策羽扇障礙憎盡屏尸龍居每
見神馬駕安騁深林樂飛猱積水羨沉鼃牛喘
疑夜明烏渴逝頽景無乃苛政刑何以名穴青
撫字有煩懣對食時咽哽因思遷化樂奚覲降
年水予稽改火期遲快學稼請先迎土鼓馭薄

伐白旆整趨炎情可憐病喝事棚省夜酌冀登
 亭醉眠希落井新荷載曲筒寒瓜墜修綆天旱
 未泰甚禾茂乃深幸何妨塵寰隘自詫心宇靜
 晚風清披襟斜月涼對影已覺神魂醒漸訝肌
 骨冷乍欣初秋節似入華胥境水層三千丈金
 布八十頃農夫慶豐年寡婦利遺秉詩律應倍
 工屬政何愁猛學步已失趙運斤乃須郢

贈秋官孫從龍謫懷遠

嘉靖癸巳春三月

崑山一片玉登用爲珪璋棄置事偶然輶轎豈

有才處公積稿一八卷之六

三

終藏矯矯孫刑曹面色挾風霜侃侃執典憲議
 論紫髯張直道思古人選謫乃其嘗清嚴投嶺
 海瘴癘驅炎荒賜環知不遐聖主思賢良至
 寶協神理日夕飛虹光重瞳顧盼間聲價重嚴
 廊行行聊贈言舊書滿奚囊公餘恣探討儲以
 濟時康婦賢代色養勿嗟慈母將憂患王汝成
 此思深難忘

七言古詩

題菊

淵明有菊嘆無酒君復不飲菊烏有幽姿寂寞
 榮太遲君獨有之何所取根苗花葉舉益人注
 酸流膏使人壽身名偃蹇聊自況不顧繁華顧
 長久妻孥相對共盤餐何必歌絲雙玉樽十年
 遊宦走風塵就荒三徑問猶存但使人知同一
 節菊有菊無安足論君家在昔多種杏上池上
 苑芳華映君今種菊亦自好乃知物果因人勝
 顧文康公積稿一八卷之六

三

五

新思楚楚王門裾清階露湛菊敷腴士今用世
 亦多術慎術奚如醫與儒君行欲賦歸去來西
 風颯颯吹頭顱吳山娛晚有佳處留此春光與
 二雛

王母篇寄祝梁母夏夫人七十壽夫人節

推在竹先生賢配也

我聞崑崙之山與天通黃金爲界兮白玉爲宮
雲屏霧障知幾重中有王母郡僊宗大始匹合
東皇公木金間隔居西東九月天開闔闔風霓
旌降遊歷華嵩青鳥不到蓬萊峰玉山縹緲留
僊踪千年蟠桃花正紅瑤池敞燕何從容群僊
進觴禮敬恭頌祝阿母之筭無疆今直傲馮翼
而超鴻濛

顧文康公集稿

卷之六

四

五言律詩

玉泉山觀泉源

石上對寒泉空明秋色鮮百源爭出地一脈直
通天碧藻細堪數紺珠圓可聯塵纓不敢濯靈
物在深淵

送周侍御

壬申春二月

稜稜周柱史歸臥幾春冬驚夢燕山北華風滄
海東劍埋看炳緯雲出喜從龍宣室如清問蒼
生涕淚中

顧文康公集稿

卷之六

四

行將爲客茲復送客病餘悲秋感賦寂寥不
足爲贈言也

七言律詩

丙子新正五日水村太宰宅壽筵觀燈

屏啟王正壽域迎燈傳宮燭瑞烟橫若爲相府
風光別爭逐天孫組織成華蓋垂香花作幄青
藜分影火爲城宸遊賸有逃亡念願贊訐謨答
聖明

即席詠燈

錦堂高會賞奇燈四座騰光徹紫冥華月乍臨
雲母帳餘霞忽散水晶屏瑤珠的歷開岐室苞
影縱橫戢鳳翎前輩風流重鄉曲可無高韻續
春星

偕盧侍御遊西山和韻

四野風烟漠漠迎隨人片月更多情酒慳不放
如泥醉詩苦從教泛馬行二里禪林分夜暝幾
人遊賞逐秋清尋常開口風前笑不管悠悠身
外名

望湖亭

湖上虛亭圖畫開岡巒迤邐水縈迴一天詩景

月爲釣滿眼稻田雲作堆物色撩人須借榻歌
聲入座好鄧杯擬將酩酊償餘興留待山陰雪
後來

出功德寺至香山

馬首遙遙紫翠重蒼虬夾道擁長松天當北極
無高處山是西來第一峯此地秋光餘駁閣前
朝勝事有歌鐘登臨莫問興亡蹟衲子蒲團午
睡濃

文華夜講和元人韻

聞道鐘聲送夕陽天臨講幄漏初長輝輝藜火
明天祿杳杳銀河繞建章道德格心功要眇衣
裳垂拱治馨香聖人有意撫前烈眼見休風隨
漢唐

初見白髮

四十流年鬢有絲曉臨青鏡覺吾衰田園荒穢
勞生計料虎縱橫慨路岐酒榼詩囊渾欲謝藥
鑪丹竈擬相隨滄洲不遠沙鷗畔煙浪雲濤隨
所之

丙子臘月南郊視牲馬上口占

天街燈火轉繁星侯騎紛紛擁道行

聖主精誠崇祀典侍臣遙夜出都城司存近報
無鼷鼠卜吉綠知用大牲受福自天應不惜歲
豐民洽泰階平

黃丹巖冒雪而行戲贈

市橋雪暗行人少黃子衝寒何處來繡臍得詩
珠錯落蒼髯忽老玉髯鬚只拖山屐無驢載不
着蓑衣有鶴猜歸去雙肩猶飢律茅齋坐火勒

春回

幽花

靜裡吟哦若有神詩家景色未爲貧簷邊涼竹
休摧物庭下寒花別駐春白髮時時憐我老紅
芳的的爲誰新陽和只隔水霜後着蔬抽條入
句頻

和中秋聯句韵呈蓉東孤卿

醉月凌霜得此宵人間天上境非遙
薇垣散吏清難寐桂殿仙娥乍見招
坐愛金波澄玉宇酌

來葦露灑淸杓賞心那用霓裳曲自有商歌倚
洞簫

謝汝湖太宰長器以壬辰八月望夕生已

三歲矣汝湖旅居仍設酒食延親賓即

席口占

行年已是商瞿後種玉初成見此卽盡寢熊羆
占世澤青氍燈火紹書香佳辰每記將蓬矢清
夜尤宜醉羽觴待月酣歌又致祝他年芳桂總
成行

南山康公續稿

卷之六

八

南山孫丈人齒躋七十有二康疆如昔今

子大行君適以奉使歸省稱觴拜舞庭

下爲鄉閭勝事卽席賦祝用少陵韻

溪雲日日度紗巾種玉鋤雲計未貧手植松枝
看漸老曾探虎子養來馴綵衣天上乘槎客鳩
杖江頭抱甕人况是他時膺紫詰巖阿今已寵
恩新

九日旅中無酒白川周少宰聞之遺一大

罌兼侑以詩亟呼童啟罌則味已大變

矣興復索然俄而郡伯王先生遣白衣
至酒味乃甚佳暢飲至醉因用白川韻
呈笑

憶得明珠落紫槽色香真不讓葡萄風前破帽
依然落夢裡家山特地高未擬柴桑荒徑菊須
從橋李貯村醪年來已厭胡盧樣何日歸來學
士陶

登玉峯 辛酉仲春

放脚登山步步高胸中氣壓五陵豪一春花樹
顧文康公續稿 八卷上六

元

鋪雲錦萬壑松風沸海濤婁水有情圍玉邑崑
崗產秀拔城壕遙知八月天香燄兩袖氤氲籠
翠袍

鹿鳴宴 辛酉

公堂典禮肆雍容俊乂都歸鼓率中光隱萬花
京兆府香傳七寶月娥宮周行蕩蕩笙歌合皇
極巍巍雨露通際此人生應不偶立身期莫負
豪雄

入宮 乙丑

禁柳青青白玉橋無端春色上官袍卿雲五彩
中天現聖澤千年此口遭虎榜姓名書勅旨羽
林冠蓋樹旌旄鳳凰池畔重回首午漏花深紫
殿高

贈楊玄隱道會還崑

荏苒風塵二十年此心嘗爲白雲懸遙知野鶴
依丹灶擬度飛虹訪洞仙春水北來瞻日月名
山南去任風烟乘閒好寫泰同契他日相逢共
訪玄

壽玄隱楊鍊師七十

真隱何須遠市廛羽衣鳩杖自修然諸緣謝却
心如水一炷焚來日似年白髮巢雲看竹院青
牛鋤雨種芝田仙家七十須臾事更擬南華歲
八千

乙未正二月三旬內連得二曾孫志喜

盡道天翁眷德門一時誕育兩曾孫三吳著姓
家聲舊列祖詒謀雅道存滄海珠連函世澤崑
崗玉倚萃春溫顰聯簪綬非吾願詩禮相傳衍

慶蕃

丙申之秋八月冬閏十二月又連誕二曾
孫仰天地申佑之恩思祖宗垂慶之澤
復用前韻示後人俾世守仁厚爲家法
則我之裔胄其永永昌熾矣乎

德星燁燁紹清門四代連年見四孫麟趾鳳毛
人共羨青氍錦軸世應存傳家自昔惟忠孝立
志母令在飽溫喬木根深須愛護行看枝葉日
駢蕃

顧文康公續稿八卷之六

又

先祖京兆公以乙未二月十六日生從祖龍
岩公以丙申八月四日生二詩爲二祖而作
詳見家乘孫晉璠謹記

題顧山山茶

造化厚培何代物崔嵬直共佛樓高柯如蜀相
祠前栢花似劉郎觀裡桃壺榼尚期他日往斧
斤聞說有人操叮嚀地主勤呵護莫遺靈根恨
所遭

題夜合花

翰林院夜合花余往歲視篆時所植也

茲有事院中數株盛開奇麗殊嘗歲後
示李吉士汝立寓意詩作於癸巳夏四
月書於甲午春三月

瀛海蓬山喜托根仙姿綽約共誰論雲停玉倚
俱成態翠暉朱頰似欲言造物撝訶謝斤斧隨
時舒卷度朝昏春風桃李芳菲後特擅南薰長
養恩

李吉士諱本復姓呂餘姚人嘉靖壬辰進士

顧文康公續稿八卷之六

又

府君教習時最屬意後官至少保繼文安

七言絕句詩

恭和

聖製前次魚入舟追作

君王聖德與天通魚藻清波映碧空躍沼入舟

文武盛豈如今日見神龍

嘉靖戊戌十一月荆婦朱幸預

太廟陪祀之列口號志喜

女中淑順似無倫結髮相看到七旬此日宗禋

備宗婦文班一品第三人

顧文康公續稿

卷六

西山

高峯掠雲翠螺髻曲磻委地蒼玉環西山瑞合

比西子愁人一爲破愁顏

題錢舜舉西旅貢齋圖

二首

明王慎德四夷賓進戒猶勤致主臣落落讜言

垂宇宙逢君之惡是何人

遠人須格邇人安德物荒禽屬兩端後世却教

徵白鹿不知王業本艱難

戲寫三圖并題三絕

童時作

此葉北大配補

曲江春暖杏花開紫燕雙飛日影來王勒宮袍

騎駿馬滿街爭看狀元迴

題狀元歸去馬如飛

建章晨啟篆煙浮象簡朱衣立殿頭燮理陰陽

成底事千秋唯一伊周

題獨立朝綱

弱冠登朝似賈生翩翩鴛侶驟神京歷更三事

君恩重往再風光兩鬢星

題一路功名到白頭

附跋

昔淮陰侯爲布衣時其志與人殊欲葬其

母因行營高敞地令其旁可置萬家已而

顧文康公續稿

卷六

果然顧文康公童子時即善丹青繪狀元

歸去馬如飛獨立朝綱一路功名到白頭

三圖各題七言絕句于上後果

廷試第一錄官詹拜相入掌宮鑰之任年遠古

稀天下稱爲賢相乃知天生豪傑固自不

偶留侯所謂天授非人力也余襟次後善

先生表揚先德爲裝潢三軸俾予題其後

以致景仰之意云

萬曆辛卯冬資政大

夫太子少保禮部尚書後學徐學謨謹跋

此葉北大配補

恭和

御製西湖詞

嘉靖十六年三月九日大學士夏言傳示

聖諭云西湖詞鄉和二副來及示賜臣着也和

二副來因進此二詞有疏刻全集中

中
呂王蛾兒即粉蝶兒

孝德崇光唱清明

七陵安望感宗祧慶澤悠長建中和行王道平

平蕩蕩至治馨香鳳凰儀鳴聲溜曉

顧文康公續稿

卷六

三

佳樂歌

即好事近

陵祀孝思長豈特爲春遊賞雲屯萬馬驚強如

較臘長揚千山遇雨靜風塵行潦波搖漾

正重瞳盼睞林臯忽官闈喜送嘉祥

赤鵲花

即石榴花

我則見翠靄丹霞接混茫端的是聖日麗

重光則看那風詠螽斯雅頌鴛鴦拜舞慌

忙詞賦傳揚可奈這千端慶緒難織紡時

清道泰光前邁往猶兀自念

此葉北大配補

陵陽近羶鄉勅封守防慎邊疆

佳樂歌

龍旗西指碧山長群峯赫奕榮光鳴絲激管

相間着金鼓鏜鏘行宮問寢豫慈顏上

壽稱觴金山口紫鳳迴輿王湖上神魚戴

舫

捉鵲章

即聞鵲鵲

噴靈湫萬派流泉衍瑤池甘里清江棹蘭

葉黃帽篙師閃朱旗畫榜仙郎則願浪靜

顧文康公續稿

卷六

西

風恬

聖體康多士際明良奉宸遊竹帛傳芳祝

皇圖福祚蕃昌

夕遊蝶

即撲燈蛾

天闕是

帝家寰宇是

帝鄉鬱葱蔥佳氣繞蓬萊十二樓環拱着未央

綠瀛海塗城泰遠馭義和黃道偏長更兼

群幸土年年作貢筭來有十三處花錦大

此葉北大配補

田莊

〔步微樓〕即上小樓

崇伯子治水忙周文王視民傷還須是憂
憫群黎如保嬰兒欲置身傍天地包容雨
露涵濡日月垂光則除是師古訓向杏壇
亟丈

〔夕遊蝶〕

禦戎范民又安課農桑物阜康飭綱紀勵
群工登賢俊輔元良四時和托始春王文

顧文康公續稿八卷之六

五

武勛勞紀太嘗贊吾

皇遊駕軒唐理陰陽禮樂明昌千百載樂雍熙

玉燭交光

〔叔音〕即尾聲

靜裡乾坤無鬧嚷湛靈臺峻發天光鑒千
古興衰計慮長

其二

〔玉蛾兒〕

泰宇晴光遍郊原曉天吟望仰堯天化日

此葉北大配補

初長雨絲微雲絮飲和風駘蕩 卻輕

香奏鈞天樂聲嘹唳

〔佳樂歌〕

樂事與天長喜奉

慈幃欣賞蜺旌鳳輦徘徊紫陌垂楊蘭撓桂漿
泛龍舟碧水春溶漾來青鳥金母傳書躍
神魚海若呈祥

〔赤艷花〕

猛可地平湖十里景微茫原來是瑞靄罩

顧文康公續稿八卷之六

六

波光飛彩鷁檣聲驚起屬玉鴛鴦愛和那
粉蝶飛忙紫燕輕揚我只見漁翁遠浦收
綸紡白叟黃童相携來往他每都感

皇恩翹首五雲鄉祝

聖壽萬歲永無疆

〔佳樂歌〕

尊綵符帶荻芽長蒨成水國風光鳴蛙鬧
炒依稀鼓吹嗶嗶鶯歌蝶舞介仙音重進
萬年觴掛星辰碧漢雲差明日月滄洲盡

此葉北大配補

舫

捉鳥音

簇齊齊王節穿林響珊珊珠佩臨江隊元
戎借箸留侯從詞臣顧曲周郎這的是張
弛隨時樂康文武倚忠良賞青春花事芬
芳贊

皇猷海宇殷昌

夕遊蝶

雲開見

顧文康公續稿

卷六

七

帝城回首望湖鄉光瀲灩水天同一色龍神龍
宛在水中央擁祥雲芳郊氣暖馭輕風曲
渚流長移仙仗經行百里有少禪關野
店共村莊

步微樓

嘆民農曉夜忙貧和病總堪傷他那里酣
歌僧舍剽竊長途賣笑門傍真箇是擔石
無儲周身無縷燬火無光快活煞富家郎
食前方丈

此葉北大配補

夕遊蝶

帝心惻感

天心雨暘時屢降康鋤強右肘疲瘡去貪暴獎
循良登治效邁三王

聖子神孫率典常民擊壤歌誦陶唐申福祿日
熾日昌真箇是

大明君萬代輝光

收音

迎

顧文康公續稿

卷六

六

聖駕都民歡嚷嚷奉綸音仰戴

天光載路謳歌音韻長

和桂洲相公黃河詞二首 調念奴嬌

幾首無論金城鐵壁短賊噴沙長鯨咽浪白晝
飛晴雪穹龜岡象夜深爭自雄傑可笑博望
窮源何曾有眼云自崑崙發屈指中原與與廢
不祇浮漚明滅馭氣乘風何人凌倒景看如絲
髮周遊八表海槎長掛星月

此葉北大配補

又

大河南北數千里一望中原民物迤邐江山開
錦障盡是名城堅壁楚漢交爭曹劉割據戈甲
明霜雪一時閒氣算來有甚豪傑 青春三月
南征柳色連天滿路花爭發時拂彩毫吟麗句
不問古今興滅

聖主中興太平有道德澤沾窮髮何年滄海釣
竿時弄煙月

附桂洲原詞

顧文康公續稿八卷之六

元

九曲黃河畢竟是天上人間何物西出崑崙
東到海直走更無堅壁噴薄三門奔騰積石
浪捲巴山雪長江萬里乾坤兩派雄傑 親
隨

大駕南征龍舟鳳舸白日中流發夾岸旌旗圍
鐵騎炤水甲光明滅俯視中原遙瞻岱嶽一
縷青如髮壯觀盛事已亥嘉靖三月

桂洲自南楚庖蹕歸已四月望後矣閣前
紅芍藥盛開攜小酌賞之仍用韻紀勝兼

此葉北大配補

况翁云爾

閣前紅芍是萬卉叢中堂堂奇物影拂台堦香
散滿太乙鉤陳奎壁化日交光東風扇煖玉署
融冰雪露桃雲杏從前休詫英傑 堪羨舊府
餘春天公有意留待公歸發景物因人增勝槩
百代風流難滅老子衰遲金樽羞炤我滿簪華
髮夜深去睡紫薇還掛鈎月

壽周泉坡少司寇六十 調南柯子

柱史今司寇風霜老鐵冠法星光燦五雲端惟
顧文康公續稿八卷之六

辛

底世人無數舉頭看 秀腑深藏玉蒼顏潤渥
丹歲寒松竹日平安擬共壽筵泛蟻小龍團
和桂洲相公見賀麟袍之賜 調玉樓春

彩筆昔曾千氣象文光燁燁台垣上茗年青瑣
諫爲官此日黃扉儒作相 高擎八柱人爭仰
眼見堯天開蕩蕩歸來莫賦晉陶潛老去更追
周呂望

附桂洲原詞

霖雨堂成增氣象麟袍勅賜來天上共羨龍

此葉北大配補

頭光狀元雅稱鳳池真宰相 鶴珪看處人

爭仰衣被新恩開浩蕩更看高閣畫儀形要

使蒼生詣屬望

賀桂洲相公卜居兼祝充間之慶調帝臺

材質渾朴神工日礪斲金作棟梁萬寶栽成株

檻束桷盡寢沉沉凝瑞靄琴瑟鼓洞天仙樂正

瑤池子熟蟠桃偷來方朔境超卓勢緬邈雲

漢倬天一握喜調燮功深贊嘉謨日日在細柳

重帽公族振振聚斯宇重賦周南詠麟角看與

顧文康公續稿

注

國威休鎮安如山嶽

賀序菴相公遷居兼祝難老調千秋歲

相門天啟奕奕鳴珂里德鄰聚仁居美山川靈

壽域朝野瞻依地華構迥穹堂傑閣丹霄倚

天壤根株應自昔傳仙李茂勛烈宜昌熾曾孫

春戲彩南極祥光裡恩深遠鳳池遙接蒼溟水

閣前蓮子遺桂洲相公致祝調如夢令

太華峯頭異種成實崑崙珍重稽首王虛君薄

薦翠盤清供如夢如夢孔釋來年相送

此葉北大配補

題梅

〔白練序〕

春光蚤漏泄向南枝信已傳終不負舊日故人
青眼初見野水邊謾索笑偷香情暗牽真堪羨
東風占却萬花魁選

〔醉太平〕

深院相思夜冷正暗香疎影忽到窓前冰肌炤
眼那許蝶鬧蜂喧堪觀黃昏東閣舊烟綠也曾
侍翠屏春宴萬般消遣真箇勝是跨鶴腰纏

顧文康公續稿

注

〔白練序〕

通仙眼望穿恩情萬千西湖上只落得幾迴清
顛踰躑落舞筵似髻亂釵橫遶翠鈿尤堪戀影
粧試出壽陽宮面

〔醉太平〕

嬋娟羅浮夢裡澹粧素服風流無限參橫斗轉
惆悵翠禽啼怨得連誰家羌笛妬春妍怎禁他
碎瓊飛片雨微金重調羹又入傳巖商殿

〔尾聲〕

此葉北大配補

桃李繁華緣分淺疎狂冷澹滋味全留取心腸
鐵石堅

附王弇州先生曲藻一則

趙王之紅殘驛使梅楊遠菴之寂寞過花朝
李空同之指冷鳳凰生陳石亭之梅花序顧
未齋之單題梅此皆出王公膾炙人口然較
之專門終有間也王威寧越黃鶯兒只是譚
語然頗佳

前詞誤刻梁伯
龍王語作証

顧文康公續稿

卷之六

三

顧文康公續稿卷之六 終

此葉北大配補

文康公續集跋

五世從祖文康公之集既行世
矣茲從祖漢石伯兄長佩復廣
搜採得公

大廷先資

講筵陳說及

郊祀樂歌與諸代言表牋詩詞等
鐫爲續集拜誦之際驚喜爲深
夫前人身席全盛能以功德之
餘矢謨奏雅後之人觀其彝教
之敦鏞帛之傳不復意其以文
章奮也其有文章以益全於二

者固云夔絕乃子孫守其舊藏

既以前人之遺文右於球壁及
庚用博蒐而手澤載出出而又
多告

君颺

祖麟炳

廟

朝之章政如閱多寶者錄匱之外
爛熳火齊游名山者絕嶂之餘
蔚鬱林壑况乎祖宗忠愛之大
指後人尤奉以紹聞者乎然疇
因之有感也公當

世廟日海內乂安

朝端無事優游館閣得以文章揚
屹

休明然進則有居守之功退則有
營城之效城成不踰歲而島寇
之發崑民大庇至今席之以是

文康公續集卷之五

知公之經緯不言道存時卽未
大施設而偶見一斑則


朝鄉賴之是故士大夫未有不功
朝與鄉而能一日居乎其位者
也今天下多故清兵深入南北
阻絕流氛日殷天塹失險後生

小子苟懷忠孝必將明志以養
氣養氣以練材練材以匡時庶
於公之德功可冀百一而高文
典冊亦於是具舉矣疇恐後之
人見公之文而忘公之大者故
於續集之行旣深驚喜兼致戒

文康公續集卷之五

勉之意云爾

從五世孫錫疇謹跋



文康府君續稿跋

曾王考文康府君遺集不肖曾孫咸建敬承先志輯成於崇禎己卯而掛漏尚多不肖咸建與族孫長佩氏晉璠兢兢蒐輯復得若干卷仍屬長佩鳩刻而不肖咸建拜手稽首申言未簡以戒族屬子姓曰夫天壤間形影寥隔而較然相通歡戚榮悴之俱共者祖若孫而已記曰自仁率親等而上之至于祖名曰輕自義率祖順而下之至于稱名曰重又曰

顧文康公續稿跋

一

一輕一重其義一也夫義一則輕重何間焉竊以爲推而順下而子孫而曾玄而來而雲而初率此志也百世不隔也是故人倫之哀樂世福之榮枯子孫所有祖宗必冥默共之而况祖宗性情之所存子若孫敢勿遵守而道揚之哉今夫未讀其文其人不可得而見也讀其文而不能畢然深思惓然感動其人不可得而見也然則祖宗性情之事烏乎見之亦於遺文乎見之而已故遺文之不可滅

也猶肌髮之不可傷也吾

文康府君立

朝遇

主秉節樹勳載在國史食報

祀典何俟遺文始傳顧自吾王考贈昌化公暨吾考馬鞠公以來勲瞻蒐輯爲事而藐余小子始克從伯兄咸正之後一再成集豈曰矜篇翰侈瞻麗也府君雄偉傑出而存心積慮如璧之倍厚發爲文章本乎忠孝澤乎仁

顧文康公續稿跋

三

義故凡對揚之冊啓沃之書遊歌矢音之章與夫率爾短篇無不正直忠厚憂危忤使讀者如親其性情於乎府君所以垂裕久遠而子若孫藉以綿瓞施枝者其在斯乎其在斯乎敢勿遵守而道揚焉竊嘗語族人不肖所効于祖宗者甚微而祖宗所以報者甚厚獨長佩老矣有志未遇一子復妖所徵福于祖宗者有待而其効力于祖宗者不衰卽茲集之成率其幼孫需立目較手排風雨丙

夜無倦常慨然語其孫曰吾減衣縮腹而勤
勤于此良欲使汝曹讀其文如對其人食坐
見祖宗于羹牆非徒以立言夸不朽也於戲
殆與余有同心已凡吾後昆捧讀遺文而畢
然深思怵然感動求祖宗立言之旨得祖宗
用心所存勿壞厥基勿闕厥流尚克永世哉
凡吾後昆其敬念之篇卷始末條綴左方
續卷一爲

廷對策先是吾祖考哀集 府君三試錄授子

顧文康公續稿跋

一

三

若孫手澤儼然而前集未及入梓識者謂古
今對策多矣獨天人三策焯絕千古 府君
對策醇正愷直彷彿江都首列之以隆對揚
且徵先資也

續卷二爲

經筵講章蓋 府君荷眷

世廟自講筵昉也頒學宮建敬一亭居守錫銀
章曰經幃首選則啓沃可知當時篇解句釋
無復忌諱卷帙至多僅存什一吾祖考曾購

獲中庸首章手錄如新茲復獲洪範一卷並
授梓人餘卷不勝收不勝刻矣

續卷三爲樂章按原目樂章七道向存

九廟一道題曰會典樂章不肖咸建敬簡會典
與家藏正合因考會典所載如 社稷 祈
報 時裕 歲裕諸章爲原目所有者稽其
年歲皆 府君在事時知皆 府君筆也敬
備錄焉

續卷四爲

顧文康公續稿跋

二

四

誥勅賦頌按前集代言最備而中有脫簡茲復
蒐輯若原目七賦今得其三而視工遇雨則
原目所不載因知向多軼也七夕梧山靈鵲
翟封四賦則嘆不獲見矣頌原止二首今全
獲焉

續卷五爲表爲致語爲記爲誌銘贊跋書牘
大抵皆補所未備也表多手稿淋漓塗乙間
有未全今獲補輯致語原目七首皆

聖孝崇養

兩官事而不獲見所獲龍舟一首亦原目所不載也他如親蠶進內諸詩俱爲遺珠矣霖雨堂向傳誦而未梓高玄嘉慶得之歸氏藏本時震川先生方英齡府君蚤已物色矣三像贊皆吾曾祖妣朱夫人之先世也有諱道明者于不肖爲中表兄弟行又顧所自出壬午夏見眎府君手澤敬錄入焉令人深葛藟條校之思矣

續卷六爲詩詞補遺蓋府君吟咏最富而

顧文康公續稿跋

五

散軼不少如松陵周恭肅集中與府君唱和累累止夜合吳酒二韵載前集餘如山陵丁香柯亭報國佛閣劉宋世史諸詩俱次府君韵而原韵俱軼能無慨慕凡我子姓加意訪求倘能踵是集而哀刻也庶藉手成先志哉
崇禎癸未夏五不肖曾孫咸建敬書于葑溪艸堂

文康府君續稿跋

府君初集之成也爲已卯夏五時從祖漢石將遊北雍屬不肖晉璠董厥事不肖晉璠偕小孫需立且排纂且督剞劂不敢怠是秋從祖魁禮經集工適竣不肖緘新刻寄都門從祖亦遺書相慰勞忽忽已四易裘葛矣衰老閑居門無剞劂日唯以蒐輯府君佚稿爲事或出自名家枕秘或得之宗人壁藏以至漫漶剝蝕窮搜恣討而合之

顧文康公續稿跋

一

大廷對揚

講筵啓沃及奉旨專撰

九廟鈞天之奏與一時

君臣相得賡歌喜起之章洋洋纚纚弁州先生所謂高文大篇前刻未備而今始購獲者彙成續集凡六卷嗚呼是集雖未盡府君遺文而府君一生正直忠厚憂危忤側立朝居鄉之梗槩則已具于集矣方相與謀續刻會從祖端木不遠萬里自延州捐俸助刻貲

兼辱贈壽言過相獎借又諸從祖從父若弟
侄輩各隨願力協助於是開

寶翰閣鳩工聚梓而漢石幼疏兩從祖適偕赴
公車不肖前祝曰此行千霄直上會見此集
遺座主若諸同升百年舊章不綦以新榜重
耶從祖曰有如席祖餘澤將舉朝目爲名公
子孫亦新榜以舊章重耳因相與歡然爲引
滿夫詒謀允宗後先暉映自天壤間盛事獨
不肖晉璠以衰庸謬司較讎之役頻年拮据

顧文康公續稿跋

二

詠駿烈揚清芬昔也珠沉余也璧合佑啓我
後人將無有睹此而興起者乎區區孝思獲
藉斯以傳續所冀望于將來者端在乎是因
溯始末而紀歲月如此 肯

崇禎癸未夏日第五世第一孫晉璠謹識

又跋

續刻甫竣忽一日翼凌侄捧一槥至啓視之
皆 府君未刻詩文稿手澤如新淋漓塗乙
且中多

世廟推尊

諡號及崇養

兩宮事魏乎煥乎代

天之音集中所必不容已者衰年何幸復睹此
遺珠敢惜緜力不以補前集傳之永永惜已

顧文康公續稿跋

又跋一

成之刻未便遽入亟命孫立外孫王祈懋
筆燈抄寫擬成三集候剞劂因念從祖漢石
有云吾所效於 祖宗甚微而 祖宗所以
報之甚厚茲鄉會掄魁光依日月將來正未
可量斯言驗矣不肖所祝新榜舊章後先輝
映言亦無不驗矣凡吾子姓胥視此榜樣爭
自效于爾尤庶几食報于爾後母以鄙言爲
迂謬而設忽之則本支百世其綿綿昌熾矣
手錄成聊綴數語兼賦短律詠諸弟侄寓朔

望之意云

奎光隱曜幾多年何處留貽蜎蚪篇絲筆沾
來珠錯落錦箋題處玉霏煙當年山斗聲名
重此日孫曾衣鉢傳自是才高能復始還看
率祖有新鐫

癸未冬日孫晉璠再識

柳文康公續稿八

又跋二

陳太史無夢園初集三十四卷（一）

〔明〕陳仁錫撰

明崇禎六年張一鳴刻本

山東省圖書館藏

無夢園初集自敘



憶余讀書焦山年四十
矣有客過之請古文辭
行世余遲之十年居亡

自敘

何承匱中秘而客亦列
庶常修後輩禮謁坐定
日記江上約乎曰忘之
矣爲理前諾余無以應

桐封予假蒔花種竹之

餘略簡舊帙成若干卷

多得之僧舍山寮破甕

敗壁間且以謝客請也

自敘

其文目凡十有四一

大廷對策之文一

講筵入告之文一主考進

呈之文一制科應試之文

一草莽臣恭謁

定陵

慶陵登第直講除名策蹇

之文一扈從

郊祀

幸學陪祭

太廟宣

詔出關持

節入洛之文一成均解經

之文一輜軒採訪之文

一諮詢酬對之文一情

事揣摩之文一敘述今

古之文一編纂雜記之

文一游覽探奇之文一

山水紀蹟之文大都三

十年來存藁千百之一

二耳唯

制誥代言與腐儒析理讀
史漫評未敢遽出亦藏
拙之初念也刻成系以

南

五

無夢園何居海內知余
好居園不知余居園之
無夢也沈石翁詩浮雲
以外夢俱無園旣成有

贈余衡山先生硯者其

銘云良宵恐無夢有夢
卽同游亦一奇也主人
不得已再出山不逾年

南

六

卽歸故其詩云家臨葑
水絕塵喧常住蕭蕭無
夢園怪底出門太多事
夢梅夢竹夢分蓮

崇禎癸酉季春朔日長洲

陳仁錫書於白松堂



徵文自引

海內徵文于吳門濫及予者間亦不少然隨構隨發別無副本更苦記憶初集多出友人覓寄而至者甚多伏懇續發他如游客假序以自媒賈客偽書而滋蔓不在此集其贗明矣

澹退居士啓

吳門張一鳴叔籟梓行

無夢園初集目

大廷對策之文

豈集

講筵入告之文

有集

主考進

呈之文

文集

制科應試之文

章集

草莽臣恭謁

定陵

慶陵登第直

講除名策蹇之文附詩驚集

無夢園集

息目

庖從

郊祀

幸學陪祭

太廟宣

詔出關持

節入洛之文

詩附

海集

成均解經之文

內集

翰軒採訪之文

漫集

諮詢酬對之文

勞集

情事揣摩之文	車集
敘述今古之文	馬集
編纂雜紀之文	駐集
游覽探奇之文	江集
山水紀蹟之文	干集
無夢園集	

陳太史無夢園豈集文目	
天啓二年廷試	
擬進	
神廟實錄表	
無夢園豈集文目	
陳太史無夢園豈集文目終	

陳太史無夢園有集文目

日講講章

有子曰禮之用和爲貴 亦不可行也

有子曰信近於義言可復也 亦可宗也

子曰君子食無求飽 可謂好學也已

丙寅冬早 朝集精微科與同館兄弟商

日講及不請

勅命紀事

經筵講章 崇禎三年八月十二日

無夢園有集文目

禹曰都帝慎乃在位 其命用休

陳太史無夢園有集文目 終

陳太史無夢園文集文目

武舉錄序

策問一道

第一問

第二問

論

陳太史無夢園文集文目 終

無夢園文集文目

陳太史無夢園文集文目

陳太史無夢園章集文目

會試

爲君之道必須先存百姓

擬

上御

函風亭召尚書李時等同觀

西苑收穫謝表 嘉靖十年

第一問

第二問

無夢園章集文目

第三問

第四問

第五問

崇禎辛未會試擬策

第三問

薦舉

陳太史無夢園章集文目終

陳太史無夢園驚集文目

天啓壬戌會試恭謁

定慶二陵記

神廟寶訓進呈恭紀

執中用中說

大器猶規矩準繩論

詩謁陵

壬戌二月試竣以儒冠謁

陵

無夢園驚集文目

其三

其三

其四

其五

恭謁

長陵景陵

獻陵

三陵當紅門之中

恭謁

裕

茂泰

康四陵

四陵翼長陵之西九龍池環其前松園障其

左

恭謁	永陵	世宗新建圓亭留額	定陵	慶陵	恭讀	昌平古意	秋梁公祠	劉諫議祠附昌平紀聞	詩出山	初入翰林言志	及第言志	其二	其三
	<small>長陵之東天壽山相近 悼陵合葬于此</small>												

萬壽朝賀恭遇瑞雪	其二	其三	其四	其五	講筵紀賜	其二	其三	其四	金華秋講	秋講賜宴	進春賜鑑	其二	其三	菊始華律	其二	其三	其四

其五

菊始華絕

其二

其三

其四

賦得秋菊有佳色

其二

詩 荆逐

放逐漫紀時天啓之丙寅也

無夢園集文目

其二

其三

其四

其五

其六

其七

其八

其九

其十

其十一

其十二

其十三

其十四

夢父 夢母

懷仲弟和卿

客訪

策蹇出長安日啖峨眉笋餅

五首

天啟丁卯辭朝

潞河待舟逢楚友周更生却之不去

無夢園集文目

潞河夜宿

頌

郊天頌有述

步禱天壇頌有述

社稷壇頌有序

太廟頌有述

幸學雅有述

詩 題贈

贈丁大司空存問

辛未秋七月予與同年陳贊皇奉使周

秦遲我于順德路見三公子喜而漫賦

其二

其三

傳寄菴年兄以冊封 周藩行

送史念翁

其二

其三

劉司理振賢報最

李蒼巖年兄以權關行

其二 浙直七月朔日風沴附訊

贈余大理致仕

送黃石齋徐霞客游洞庭時旱禱

贈江南諸分間 余戊辰所舉士

送沈方平年兄助教改官南儀部

爲韓君理存廉索贈崔侯

送廣文令楚

懷江伯通世兄

何孺龍

何嗣冲

壽陸觀叔母八十

壽海虞孫恭甫太尊人

壽李大生年兄祖九秩

壽朱太常上翁年伯母

其二

蔣八公年兄老年伯暨陳恭人雙壽

壽桃源江菴翁夫人 大夫人 生年 吳江

壽何宗元年兄母夫人老伯母

壽陳襄宸侍御年兄

徐雲林年兄出眎海道便道壽母

蓋卿弟初度

題張義姑芳閨俠骨圖

其二

輓金水部浮弋

其二

輓莊方壺中翰年兄
輓門人計我琰
其二
其三
其四
其五
其六
陳太史無夢園驚集文目終
無夢園驚集文目

陳太史無夢園海集一文目
紀輶軒紀聞一
紀全遼形勢建置
紀山海關內外手募邊圖
紀全遼地理城堡
紀名號決戰勝
紀八島形勢利便
紀合南衛廣寧以復全遼
紀路河
紀復廣寧南衛
紀三岔河旅順口
紀鎮江
紀寬奠諸堡
紀海州
紀冷口
紀開原
紀奴老寨
紀失開原

紀遼官專設	紀奴情	紀奴奸細	復遼實着	紀必復廣寧速備京師	漸復廣寧	紀遼薊宣雲之合勢以分虜	破三說擣奴巢以鼓中外之氣	紀取三韓要地	無夢園海集一文目	紀夫寧內徙遼患薊宣畧	紀薊門險要	紀薊門兵馬	紀薊門撥哨	紀薊門夷情	紀奴情	紀永平虜入	紀瀋陽之戰	再犯錦州情實
-------	-----	------	------	-----------	------	-------------	--------------	--------	----------	------------	-------	-------	-------	-------	-----	-------	-------	--------

紀三將失地利	紀四城殘破善後	紀戶口	紀任名將定國是	紀將	將權	醫閻先生集序	在關外前屯作	陳太史無夢園海集一文目	無夢園海集一文目	終
--------	---------	-----	---------	----	----	--------	--------	-------------	----------	---

陳太史無夢園海集二文目

已 翰軒紀聞二

錦寧道中

永平道中

遼陽道中

薊門道中

山海道中

紀守關

宣詔山海關遼東都司紀事

無夢園海集二文目

與寧遠武進士門生王振遠陳國威高臺

堡紀事

陳太史無夢園海集二文目 終

陳太史無夢園海集三文目

辛 洛游紀聞

京東道中

寶坻道中

太行道中

山東道中

磁州道中

無夢園海集三文目

黃河道中

河淮道中

金陵道中紀聞

徐州道中

詩 還朝

春水畫骨歌

夜渡金山

其二

其三

東阿李侯

河間王太守

山海關前屯副將軍飲

其二

寧遠鼓樓與將士痛飲勵戰

其二

中後所王司農卽席

何承渠副將軍招同張午垣徐都閫飲首

無夢園海集三文目

二

山時桃花一枝開湯泉重構祖帥治海

舟待渡

其二

趙元戎招飲角山觀海樓移酌署中

前屯登趙將軍城試萬人敵放三火箭忽

聞傳烽登高閱戰虜首至自瑞雲堡

洛游

燕趙懷古

其二

其三

其四

其五

其六

河北道中

周藩 冊封禮成時中秋夜雨

其二

其三

其四

無夢園海集三文目

中秋郊送 龍節

其二

其三

上維王

吳大中丞年伯卽席

中秋

其二

其三

其四

其五

鈞

過歸德董太守萬司理卽席夜泛

再赴亳社與萬司理

無夢園海集三文目

其一

九月朔過王莊偶讀高適閉門無不可何

五

事更登高句漫成三絕

雨中渡淮有感

偶憶汾河善俗紀事

其

江心道中	其二	其三	其四	其五	其六	其七	其八	其九	其十	其十一	廣武衛道中茶菴	其二	關山謁廟	其二	其三	辛未重九前四日以冊封至自滁太僕徐太翁夜深載酒賦詩
------	----	----	----	----	----	----	----	----	----	-----	---------	----	------	----	----	--------------------------

其二	滁州	其二	其三	其四	龍興寺	其二	其三	其四	重陽前一日憩瓜州息浪菴候風	其二	金山渡舟	夜聞江上雨	九日登金山	九日	其二	其三	其四
----	----	----	----	----	-----	----	----	----	---------------	----	------	-------	-------	----	----	----	----

其五	
其六	
其七	
其八	
陳太史無夢園海集三文目終	
無夢園海集三文目	

陳太史無夢園內集上文目	
乾元亨利貞	
初九	
九二	
九三君子終日乾乾	
九四或躍在淵	
上九亢龍有悔	
大哉乾元	
雲行雨施	
乾道變化	
天行健君子以自強不息	
陽在下也	
德施普也	
或躍在淵進无咎也	
飛龍在天大人造也	
亢龍有悔盈不可久也	
用九天德不可爲首也	
元者善之長也	
無夢園內集上文目	

亨者嘉之會也
利者義之和也
貞者事之幹也
君子體仁足以長人
嘉會足以合禮
貞固足以幹事
君子行此四德者
初九曰潛龍勿用
龍德而正中者也
<small>夢園內集上卷目</small>
九三曰君子終日乾乾
九四曰或躍在淵
九五曰飛龍在天
上九曰亢龍有悔
潛龍勿用下也
見龍在田時舍也
終日乾乾行事也
或躍在淵自試也
飛龍在天上治也

亢龍有悔窮之災也
乾元用九天下治也
陽氣潛藏
見龍在田天下文始
終日乾乾與時偕行
乾道乃革
飛龍在天乃位乎天德
亢龍有悔與時偕極
乾元用九乃見天則
<small>無夢園內集上卷目</small>
乾元者始而亨者也
利貞者性情也
乾始能以美利利天下
大哉乾乎
六爻發揮旁通情也
時乘六龍以御天也
君子以成德爲行
君子學以聚之
九三九四重剛而不中

亢之爲言也 二節

陳太史無夢園內集上文目 終

無夢園內集上文目

四

陳太史無夢園內集下文目

坤元亨

彖曰至哉坤元

牝馬地類

先迷失道

安貞之吉應地無疆

地執坤

初六履霜堅冰

六二直方大

無夢園內集下文目

坤六五含章

六四括囊

六五黃裳元吉

上六龍戰于野

文言曰坤至柔而動

君子敬以直內義以方外

天地變化草木蕃

君子黃中通理

美在其中

陰疑于陽
讀易體仁長人小論

陳太史無夢園內集下文目終

無夢園內集下文目

文目

陳太史無夢園漫集一文目

雜紀

紀遼餉

紀兵餉

屯政

紀屯田便宜二策

紀鳳陽屯

紀揚州屯

紀南京兵屯

無夢園漫集一文目

紀浙江海屯

紀楚屯

紀關外屯

紀邊屯

紀邊外屯

紀遵化屯

紀關門外鑄錢屯田

錢法

紀錢法

紀鑄利	查核京營損失議	紀京營捕營	紀京營四衛營	紀練戰兵	京營練兵	練禁兵	揚州屬京操	練事	無邊圖說集一文目	磁兵	衛兵議	兵制	紀省兵	紀虛冒	紀軍詐	紀恤死	調川兵紀事
-----	---------	-------	--------	------	------	-----	-------	----	----------	----	-----	----	-----	-----	-----	-----	-------

錦木舊聞	紀軍中神器	紀火器	紀禦倭刀	紀京邊造銃臺	紀採神砲	紀造鳥銃	紀造戰車	紀制牌兵	無邊圖說集一文目	紀砲	馬政議	紀馬	遼東孳馬	儲馬	紀倣京營覈倒馬	紀關門市馬	滁州復馬政
------	-------	-----	------	--------	------	------	------	------	----------	----	-----	----	------	----	---------	-------	-------

茶馬

茶馬之利倒持番夷巧計

陳太史無夢園漫集一文目終

無端園漫集一文目

陳太史無夢園漫集二文目

紀插酋戊辰入大同寨

紀挿賞

紀卜挿

保封疆保性命二大戒

紀宣雲秦晉

紀三秦流賊

紀中原盜黨

紀河南礦寇

無夢園漫集二文目

清盜

流賊

紀宣大

紀烽臺軍伍燃發

紀宣府

紀全秦

紀兩河

紀臨鎮

都城紀聞

紀北平建都	紀燕都	九邊藩國登耗	紀防邊	紀邊防	紀海上布勢	紀邊海	紀海上前事	紀海豐	紀登萊往事	紀朝鮮助兵	紀東江朝鮮往事	紀海戰	備禦	紀海寇	紀三省海寇	粵東草寇	處粵東達舍
-------	-----	--------	-----	-----	-------	-----	-------	-----	-------	-------	---------	-----	----	-----	-------	------	-------

除海寇	海盜	紀海防	紀海船	東南舟師	蘇州海防	浙海兵	紀閩海市稅	盜糧	海塘	登萊紀聞	紀登萊	紀造戰艦法	紀戰海	紀禦海	陳太史無夢園漫集二文目
-----	----	-----	-----	------	------	-----	-------	----	----	------	-----	-------	-----	-----	-------------

陳太史無夢園勞集一文目											
牘											
荅諮訪賦役											
償運											
輕資											
淺船民七料											
遼餉											
昌平米											
金花闊布											
無夢園勞集一文目											
兵餉											
貼役解扛											
存餘											
會計											
糧長											
北運											
王祿											
清查											
軍儲恤孤											

水區											
扣支											
縣總											
衙差											
倉糧											
徵比災銀											
錢糧積弊											
衛兵											
賦冊											
無夢園勞集一文目											
五省邊鄙											
開河修塘											
長洲縣無處荒田設處七議											
賦役											
花詭											
徵解緩急											
輕資											
催科											
絕山東荒											

畫一賦法	分徵丁田	畫一實徵	選吏驗封	早截推收	專用青繇	儘免實荒 <small>兼附清查</small>	嚴核倉糧	松江賦役議	無夢園勞集一文目	紀淮徐賦役	黃河	修徐城	淮徐唬船	南庚	陳太史無夢園勞集一文目終
------	------	------	------	------	------	--------------------------	------	-------	----------	-------	----	-----	------	----	--------------

陳太史無夢園勞集二文目	荅諮訪鹽法	九邊鹽法	川鹽遼鹽廣鹽閩鹽滇鹽秦鹽議	鹽法	兩淮鹽政	淮南鹽利	兩淮綱法	兩淮父老談鹽法	無夢園勞集二文目	紀鹽糧	淮揚道中紀鹽法	陳太史無夢園勞集二文目終
-------------	-------	------	---------------	----	------	------	------	---------	----------	-----	---------	--------------

陳太史無憂園勞集三文目

荒政考上

人主 四十五則

宰相 十則

司農 論積貯附

臺諫 一則

監司 九則

太守 十四則

縣令 二則

鄉紳 三則

荒政考下

項襄毅公救荒事宜 十四則

韓襄毅公救荒事宜

請行納粟備荒例疏 景泰三年八月初八日

奏十三府放支倉各疏 景泰三年九月廿八日

賑濟江西十一府疏 景泰五年十月廿七日

會議救荒糶穀價疏 景泰六年三月廿八日

巡撫行過條件疏 景泰六年七月初三日

賑濟饑民戶口數疏 景泰七年八月廿五日

附詩

于忠肅公勸助平糶告示 時官巡撫

王文成公賑濟事宜

批贛州府賑濟石城縣申文

牌行南昌道賑恤水災

楊忠愍公上徐少湖救荒書

附錄 七則

吳中荒歲射利冥報 并糶粟議三十則

紀袁公大來

蘇郡庾申荒政紀

葉邑侯募同募義恤鄰事宜序

葑門荒政引

義助鄰里糶本疏

抄錄史書中米價事 計六則

附斟酌積米積穀二議

錢長玉荒政序

陳太史無夢園勞集四文目

西北水利

治河上流議

東南水利

一設官始末

一尋源委尋先手

太湖說

太湖險要防禦說

無夢園勞集四文目

陳太史無夢園勞集四文目

陳太史無夢園車集一文目

籌邊論

邊屯責人

邊報責實

行邊責大臣

將材責撫按有司

倉場草場軍器火器責成守禦

各邊管糧責甲科

紫荊關河套責邊臣

無夢園車集一文目

撫賞責路將班軍并責協守

守臺并責操部

宣府宜先自治以援薊保

三秦先務

遼馬

遼餉二司

遼兵數不可少

廣寧兵額

遼餉積弊

遼馬失亡之數

查閱視實數

不救開原之失

紀河東失亡之故

邊屯原額

遼撫賞額設

遼馬原額

開原老邊

遼無人無食

藝文園車集一文目

邊牆城堡擇先重要

遼東墾荒

京營論

挿箇論一

挿齒論二

插齒論三

插禽論四

插齒論五

插齒論六

插齒論七

海防會哨遠哨射手論

屯任法鹽任人

兵制內輕而外重宜矯用之京營以作邊

兵之勢

陳太史無夢園車集一文目終

無夢園車集一文目

陳太史無夢園車集二文目

防禦

京師防禦

關門布局分防

蘭州備禦

河北防禦

瑞金縣備禦紀事

金陵防禦

楚吳防禦

無夢園車集二文目

揚州防禦

浙寇新防禦議一

浙寇新防禦議二

陳太史無夢園車集二文目 終

陳太史無夢園車集三文目

紀遼海運米五議

紀遼海運道

紀海運

金陵半餉

東南漕

漕運積滯議

漕運積弊議

揚衛北運議

無夢園車集三文目

河西務剥船通州泓船議

天津截糧

揚州漕堤

論揚衛

白糧差議

社倉議

陳太史無夢園車集三文目 終

陳太史無夢園馬集一文目

序

磁州嚴備禦序

李座師陟南大司成序

賢郡守况公考序

楊具翁晉秩序

雲南李年伯晉封銓曹郎 予襲世勳壽

序

張司李篤棐考滿序

無夢園馬集一文目

趙太室年伯序

代賀順德黃大司成序

送司農劉念劬考最行序

張叅軍擢發州令序

送萬父母序

叔全三叔卓行讓產序

送吳昭伯陳情歸序

東甌紀勝序

雲龍山書舍序

丁漢冲以保津功奏薦序

杭州孫太守序

梅骨周子北征序

劉元博洛游序

送友人薄暨陽序

錢君穎奇症序

施君序

王山人星言序

三原溫序廉序

無夢園馬集一文目

平湖萬如土太序

酌壘懷貞集序

送史郡尊序

永平罵賊虎韓烈士序

陳太史無夢園馬集一文目 終

陳太史無夢園馬集二文目

序

劉士翁年丈五十壽序

壽李夢翁大司空年伯序

壽李老師序

壽文年伯母序

鐵

賀高明柱壽序

壽文湛持年丈六十序

再賀文湛翁壽序

無夢園馬集二文目

奉壽如岡陳翁暨姚恭人八十華誕序

賀張郡守伯翁暨老年伯母太夫人雙壽

序

又序

賀李海翁雙壽序

宋位宇偕壽序

壽王侍御封翁序

壽劉天和年伯母序

壽錢長玉年伯母序

壽鄭年伯母序

陳雲怡母夫人七十序

眉翁陳先生七十壽序

賀周閣昭父母偕壽序

叔祖紹翁八十序

陝西溫母趙太夫人六十序

張雲來壽序

郭符禹尊人壽序

周司李母蔡太宜人九十壽序

無夢園馬集二文目

陳太史無夢園馬集三文目
序

四書講意序

四書語錄序

中庸淵天述序

鄭峯陽年兄詩序

春秋同門稿序

黃慎軒先生集序

王覺斯初集序

無夢園馬集三文目
易簡錄序

羅宗伯易序

易經來注序

毘陵四先生稿序

王文肅課孫稿序

輜軒錄序

孟肖彤年兄夢覺言序

王孝子侯後編序

題斗酒堂集

康弱孟草序

朱秋崖先生稿序

序太浮試草

張澹斯文序

徐仲美草序

吳賓王稿序

了義序

東粵李老師集序

代觀風序

無夢園馬集三文目
吳音序

陳二何稿序

玉稠山房大題選序

金太守問心稿序

社稿序

謝學博稿序

香象集序

曹魯川文集引

王宇皆集序

傅三雨詩序	彭原樂詩稿序	樊大夫稿序	吳進士經書義合刻序	萊陽左進士稿序	錢與立草序	楊維節進士稿序	累瓦編序	宛陵游草序	小題先範序	管進士稿序	擬鹽臺觀風後序	張爾緼徵羽篇序	夢鹿堂易義引	元震王侯臨場執序	王曙翁年伯遺稿序	高明柱三草序	李三人詩序
-------	--------	-------	-----------	---------	-------	---------	------	-------	-------	-------	---------	---------	--------	----------	----------	--------	-------

荆溪饒侯文序	消暘集序	西湖觀序	西湖補帆集序	冷泉集引	七箋引	錢兼山先生廣川集序	包少卿蒙泉公稿序	崑易社序	鼠宗起詩草序	崗東五劉稿序	吳兩階文草序	岳天一詩文合藁序	湯漪渟文稿序	昭華瑄序	關社序	尹存廉易解序	楊去奢維桑三議序
--------	------	------	--------	------	-----	-----------	----------	------	--------	--------	--------	----------	--------	------	-----	--------	----------

戴罔得選菽序	韓氏一家言序	保甲鄉約書序	二洪文草序	序但園草	江陰鄧先生文序	合刻兩先生稿引	湖上題腕談	石田壽序	無夢園馬集三文目	傷寒指南序
									五	

陳太史無夢園馬集四文目	序	六書故序	評資治通鑑序	史記序	漢書序	三國志序	潛確居類書序	古文奇賞自序	續古文奇賞序	三續古文奇賞序	四續古文奇賞序	明文奇賞序	名世文宗序	正續名世文宗序	大學衍義序	大學衍義補序	蘇文忠公奇賞序

藏書序	續藏書序	諸子奇賞前集序	諸子奇賞後集序	註老子序	我箴註序	正韻箋序	河洛理數序	吳嚴翁名世編序	無夢園馬集四文目	重刻醫間賀先生稿序	繼志堂宗譜序	讀史機畧序	性理序	藥頌序	古今印宗序	印譜序	閩顏太學道統紀序	註靈樞經序
-----	------	---------	---------	------	------	------	-------	---------	----------	-----------	--------	-------	-----	-----	-------	-----	----------	-------

註法華經序	古文奇賞畧紀	註陰符經序	感應經解序	蘇文全集序	陳太史無夢園馬集四文目終	無夢園馬集四文目
-------	--------	-------	-------	-------	--------------	----------

陳太史無夢園駐集一文目

記

重修虎丘山寺記

潞水客談記

司農劉公重修潁墅塘記

史侍書奇忠家祠記

重修寶應元君廟記

泖湖湛應殿記

重建臥龍街關廟記

無夢園駐集一文目

重修寶帶橋記

貴池縣復昭明太子瑩記

江右玉泉周孝子記

重修天妃宮記

重修長洲縣學暨名宦鄉賢祠記

銅井山重建石橋記

重建悟石軒記

重建荊山口橋記

義田記

良鄉重建縣署記

重建射瀆橋記

重建東禪寺諸殿復立辟支山門文昌閣

記附題酒仙像

仁孝王先生祠記

陳太史無夢園駐集一文目

無夢園駐集一文目

陳太史無夢園駐集二文目

傳

楊忠烈公傳

贈太僕寺卿監察御史周公來玉傳

都督師復朱公傳

封翁陳雙梅暨朱安人合傳

侍御顧公暨配黃孺人合傳

大參中瑜顧公暨元配任宜人傳

李貞母傳

陸貞女傳

高士樂耕曹公傳

紀孝子傳

鄧孝子汝南傳

墓表

墓表

永平鵬南韓大夫墓表

羅陽劉先生墓表

南京戶部廣西清吏司主事后川段公暨

配太安人李氏合葬墓表

贈戶部郎左龍劉公墓表

奉政大夫賈公妣趙氏墓表

兵部職方司主事亭山秦公墓表

誌銘

元戎沈公暨配姚夫人合葬墓誌銘

承天府推官省衷李公暨配王夫人墓誌

銘

奉直大夫莒州守毛翁元配曾祖姑安人

誌銘

無夢園駐集二文目

二

太僕寺卿振雅徐公墓誌銘

勅封侍御光宇徐翁墓誌銘

朱工部太冲暨配陳孺人墓誌銘

曹毅墓誌銘

朱碩人墓誌銘

張太恭人墓誌銘

王孺人墓誌銘

清溪堂天機紹居二高僧並葬誌

虎丘合葬三姬墓銘

行狀

繁昌令澹津呂公行狀

疊菴湯公誄辭

祭文

祭大宗伯李湘翁文

祭伍少叅寧方先生文

祭金赤城年兄文

祭周元公先生文

祭圖山朱師復將軍文

祭諸敬陽先生文

祭嘉興朱君升秀廉文

祭張理菴先生文

祭吳爾繩文

祭蔣姑夫台字文

祭賀日獻尊人文

祭魯柱石文

陳太史無夢園駐集二文目終

陳太史無夢園駐集三文目

隋宋先儒贊

隋王仲淹先生

宋胡翼之先生

李挺之先生

邵堯夫先生

周茂叔先生

程明道先生

朱紫陽先生

無夢園駐集三文目

呂原明先生

張橫渠先生

謝顯道先生

尹和靖先生

朱公掞先生

呂和叔先生

呂與叔先生

台州府天寧寺自來羅漢贊

大聖迦葉波尊者

● 啓教阿難陀尊者

應供賓頭盧尊者

請住山中難底迦多羅尊者

西瞿耶尼州賓頭盧尊者

迦葉彌羅國迦諾尊者

東勝神州跋哩陀闍尊者

耽鉢羅州跋羅陀尊者

迦葉彌羅國謳諾迦尊者

西上一尊

無夢園叢書三文目

二

西二尊

西三尊

第四尊

邵鹿嶙論贊

疏

建文昌閣疏

題接引寺準提閣疏

題跋

乞爲海忠介公題請建祠呈文采畧

周鼎貞附

題春湖詞

明聖湖百咏題詞

祁司馬藏書約跋

跋吳文定公謝恩表草後

跋吳頤山紀事

跋施捨文定公真蹟二十一帖

傅氏藏王孝子手扎跋

跋文徵仲所書徐氏先誌

跋徐霞客遊盤山黃老齋贈詩卷

無夢園叢書三文目

二

毛孝廉行事跋

瑞光募緣文跋

洪半石年兄惠泉詩跋

止牘題言

夜臺說

書

上政府朱老先生書

上同鄉政府書

天台紫凝樓與張夢澤請速除金礦書

上撫按公祖書

上周撫臺綿貞爲吳文定公請祭書

再上周撫臺公祖書

與雲中將

與甘肅劉撫臺

其二

與徐按君直沈阿滿完辟書

過淮上即擊桃源宿遷邳嶧四災邑與蘇

撫臺請立石減夫役書

與吳邑周侯白章二鹽訪誤拿書

辭周大中丞檄府建坊書

與胡兵道

閱張仲課與細論文書

與朱年伯總督

與友人說台雁

再出山與相知書

春秋房約

署國子監紀事

一紀革首惡以清首善

一復射圃修右廡

一諭公侯伯之子

一進課之日每季呈 御覽冊以革鑽刺

一選真儒以儲積分

通巽溝以竟前功修澣墅塘至和塘以便

濟渡築寶帶塘接松陵築齊門塘接海虞

以垂永利論

擬應天武試策第一問

立關廟七議

宣詔至耄寧檄毀魏逆僭坊與河間太守

陳太史無夢園駐集三文目終

陳太史無夢園駐集四文目

宗表跋

成齋公小記

懷山公小記

西江公小記

白陽公小記

莪齋公小記

麓陽公小記

龍江公小記

無夢園駐集四文目

沱江公小記

蓮泉公小記

始祖至高曾祖父小記

居第考記

成齋公集跋

成弘聯句跋

五同會跋

同野公集跋

三世祖考跋

五世祖東湖公小傳

繼志堂宗印序

義田建坊記

陳太史無夢園駐集四文目終

無夢園駐集四文目

陳太史無夢園江集一文目	台雁目	記宿	記像	傳古	記碑塔殿橋	品人家	選樹	啓三	無夢園江集一文目	擬疏目	訪漁家	所見鳥獸	天台祠記	天台第一遊自仙後橋至斷橋下慈聖寺	道烏溪嶺入萬年寺記	罷天台僧磧稅記	遊赤城山記	遊國清寺記
-------------	-----	----	----	----	-------	-----	----	----	----------	-----	-----	------	------	------------------	-----------	---------	-------	-------

聽僧說福勝石梁幽谿大龍湫五洩瀑記	天台憶一	天台憶二	自黃巖入雁山小記	雁憶一	陳太史無夢園江集一文目終	無夢園江集一文目
------------------	------	------	----------	-----	--------------	----------

十九月記

二十月記

二十一月紀

西湖雜紀

陳太史無夢園江集二文目終

無夢園江集二文目

三

陳太史無夢園江集三文目

陽山

陽山社二十八則

登陽山絕頂觀落照

禪房夜坐

長雲僧舍和韵

觀音巖看月介公至

空翠滴梧桐

箭闕月

無夢園江集三文目

一

玩月後山房剪燭邀諸君子修蓮社品山

中位置時廣德友沈君翰次日行

賦罷硯有殘墨再作一律貽嚴王式望亭

建橋未就併詢之

臥起

擁被天風臺候日

海日

歸舟慶西山廟橋成謁晉王司空祠擬作

銘

九日曉登陽山懷黔中高明柱有引	附陽山龍母塚考	再游陽山記	陽山龍母記	堯峯山	堯峯山志序	堯峯山	壽聖寺	露禪庵	無夢園江集三文目	吳文定公祠	堯峯十二景	清暉軒	碧玉沼	多景巖	寶雲井	白龍洞	觀音巖	偃蓋松
									二									廢

妙高峯	東齊	西隱	鐵塔二	半峰亭	登堯峯道六	山勢第一	水觀第二	品石第三	品泉第四	遊觀第五	勝人題咏第六	草木鳥獸第七	日涉園	平虛庵	鯨吸巖	青沙塢	喧閣
	廢	廢	廢	廢	陸道四												
					水道二												
								三									

家夢

萬玉隈

天湧巖

勸春禱

駐霞城

度松壑

飛鏡臺

齊月巖

露禪庵供米疏

無夢園江集三文目

飯田記

19

陳太史無夢園馬集二文目 終

陳太史無夢園千集一文目

金山紀蹟一

金山紀蹟二

金山紀蹟三

金山紀蹟四

金山十九觀

金山詩話

金山造浮玉廊集句

觀音洞密嚴堂記

無夢園子集一文目

紀游

化鵠國記

陳太史無夢園千集一文目 終

陳太史無夢園千集二文目

焦山紀蹟一

焦山紀蹟二

焦山紀蹟三

焦山十七觀

焦山詩話

重遊焦山塔記

陳太史無夢園千集二文目終

無夢園千集二文目

陳太史無夢園千集三文目

北固山紀蹟一

北固山紀蹟二

北固山十八觀

北固山詩話

三山咏

與霍郡侯

其二

霍郡侯招隱桃源庄賦謝

無夢園千集三文目

顧農部存翁携予過潤置酒三山紀事

與潤州吳司理

其二

憇焦山水晶菴張明府以鱗魚見貽賦謝

一首

仲夏再過三山丹徒荆侯見訪石淙精舍

北固山懷古

甘露寺慈雲閣

又名惡木軒

仲春宿香山寺五更踏月忽憶往歲與浙

中吳文長金山夜集悵然有作

金山盤陀石晚眺歸宿銀山

倒流港喚渡至焦山下走筆志之

招隱山絕頂訪昭明太子讀書臺遇雷雨

大雨中摹鶴林寺古碑

五州山歌

游九華山

弔劉儀部體寰墓

弔華司理省衷墓

無夢園十集三文目

二

弔徐儀部振東墓

同沈朗倩訪金焦諸勝兼送鹽城之遊

鷗笑屏

以下郭璞墓

眠影湫

架天橋

送鳥塘

啄月磯

鳥道

彼岸

捫蘿棧

折葦汀

夢漁墩

采蘋處

梳羽巖

北固山華嚴閣記

陳太史無夢園十集三文目終

無夢園十集三文目

三

陳太史無夢園千集四文目

招隱寺紀蹟一

招隱寺紀蹟二

鶴林寺紀蹟

京口述

建置沿革

池

山

楊子江

湖渠洲港附

無夢園千集四文目

一

楊子江紀蹟

陳太史無夢園千集四文目 終

天啓二年廷試

皇帝制曰朕惟自古帝王所爲搏腕乾坤匡扶世運者靡不於文武二棟爲兢兢書贊帝堯乃武乃文蓋全德兼焉而舜曰文明禹曰文命湯曰聖武周之文謨武烈各標其一之數聖人豈于持世導民有偏指邪母其於中有交相爲用者歟夫陰陽柔剛仁義自有天地而來至于今不可廢也洪惟我

太祖高皇帝首闢函夏

無夢園集 豈集

成祖文皇帝載莫邦家竝提一劍馭軍而文治光昭于雲漢揭六經訓俗而靈爽震疊於雷霆文繇武張武因文靖於都哉洵追蹤帝堯而與虞夏殷周媲美烈矣

奕葉相承紹天闡繹雖疆隅小警不無震驚然金甌幸以不搖萬世永賴則

列聖之威靈實式寧之芳躅具在亦可得揚厲其槩歟朕以冲齡嗣大歷服託于天下臣民之上日夜思所爲觀揚

光烈惟是講學勤政親賢愛民簡將治兵爲大務蓋于羽舞階鼓輦思士實竝圖維軌事焉而蠢茲醜裔逆我顏行二年于茲竟未有能制其命者何也豈政教隳而文德闕抑聲容盛而武功弛歟夫禁旅之環萃自若也衛屯之基置自若也班操之番上自若也盟帶礪者列第而居綰組符者專閫而控迺動云無將動云乏兵不獲已議調發而列鎮若虛伍矣又不獲已議雇募而烏合驅市人矣客兵散如搏沙土著聚亦

無夢園集 豈集

見戲總帥藉之勲胄旣繇禮之惟艱訓練寄之戚臣又典兵之有戒戔戔屑吻迄無成功說者以爲承平日久左武右文故其弊至此然聞有文事者必有武備古六軍之帥卽天子六卿用以內修外攘非岐塗也卽如

先朝殲阿台馴也先羈順義芟逆藩創倭奴以及邇年東征西討之役咏車攻而歌杖杜者詎異人任母亦惟是擇人而專責之可歟夫武之德七文之德十有一季世猶能道之矧在帝王

茲欲省繁言以覈實審操柄以圖機赫然收順
治威嚴之效用恢弘

祖宗鴻業何施而可爾多士學古通今懷並用
之術舊矣尚根極體要明著於篇毋泛毋略朕
將采焉

臣對臣聞帝王內順治而外威嚴也惟勤以課
實無事勵有事之張皇有事享無事之鎮定其
道簡而嚴惟敏以赴機疆場之柄在勝負廟堂
之柄在賞誅其道斷而速以勤敏提蓄胸貪欺

無夢園集

卷三

三

之習則敢於退不肯決於極大慙而壁壘作同
仇之朝氣以勤敏轉消逃邪諛之軸則天無不
肅殺之陽春世無捐廉耻之爵祿而樞關欽率
作之殿言故丕冒海隅成不怠於若奔撫事而
益國百里課大猷於土宇版章百志惟熙未踰
絕險而慮切顧僕輸載小民難保甫聞烽燧而
憂先斬木揭竿是以乘六龍於一乾妙陰陽乎
不測上固文武惟后下亦干城腹心除千古兇
殘保萬年家室必繇之矣欽惟

皇帝陛下 精一執中 緝熙無逸 日騰輝

而清四海秉白旄仗黃鉞嗣服光昭 雷出震

而省厥躬仰懷綸俯几筵紹庭陟降 執競無

競褒忠烈而封椿揚耆定之折衝 恭先乎先

別貪廉而位事躋灼知之宅俊 馮翼孝德經

筵琢雲漢之天章 翁受敷施諫草含龍光之

霽色一學古訓其有獲冒聞迪見畏天顯而願

民岩 受成命不敢康震疊懷柔揆文教以奮

武衛固已神勇敷奏韎韐六師濬哲發祥本支

無夢園集

宣集

四

百世蓋聲靈赫濯而黎獻盡臣矣乃猶進臣等
於 廷俯詢文武全德指歸擇人專責以恢弘
祖宗宏業

陛下必為堯舜之主 臣在草茅矢非堯舜不入

告卽禹湯文武不敢與

陛下北德尚敢掇拾舊聞不抒一得以副

明問 臣聞益曰都帝德廣運乃聖乃神乃武乃

文惟乃聖乃神此文武之出於一也以聖神文

武之君歎於知人安民示萬世為君之無盡也

文明如舜必殄讒說惟功出於明試言底於可
績懼遊談亂之耳禹敷文命而萬世永賴湯布
昭聖武而聿求元聖代虐以寬文之謀武之烈
而譽髦斯士懷保惠鮮旣獲仁人永清大正總
以知人安民爲本自兵農判然文武亦判然要
之兵農二而以德澤振綱紀必一文武二而以
政事息議論必一大哉

聖問省繁言以覈實審操柄以圖機而臣持勤
與敏之說進非是則繁言不可省操柄無可審

無夢園集 豈集

五

也恭惟

太祖高皇帝清而夏而置館禮賢

成祖文皇帝犁虜庭而創典垂世

列聖率繇成法燿阿台馴也先羈順義芟逆藩
創倭奴邇者東征西討大抵專任成功而約諸
講學勤政親賢愛民簡將治兵上接堯舜之治
統師上接堯舜之道統矣臣觀今日有不可不
進取之形勝有可以進取之局勢有密於進取
之謀筭而要在破虜情振懦習然後商進取之

人定進取之議今之燕豈特漢唐迫渭橋逼甘
泉哉彼通西域六詔斷匈奴吐蕃右臂而可棄
遼陽廣寧爲東西虜續一臂耶昔宣府八城棄
之也先彼亦不守于謙募民屯田遂復之此謂
進取之形勝奴未至而潰寧遠一帶非虜取之
而捐以與虜非捐以與東虜而捐以與西虜又
非捐以與東西虜虜遂暮之而猶鞠爲荒草蕩
爲墟煙我日退西虜日進西虜日進則東虜亦
日進西平之猷殲錦義之格拒鎮江之俘獻豈

無夢園集 豈集

六

異人任哉此謂進取之局勢收四衛取海蓋奴
犯山海則尾擊之退屯近島得鷺島於累百兵
不可不速應也意者繇關外一二百里集鴻鴈
招熊羆而遙呼登津乎倘亦韓范據大順而後
城環慶斷蕭關鳴沙卒反靈夏橫山之地乎夫
王驥抵上江韓雍薄藤峽王守仁擣安慶顧其
時物力饒而雷擊電掣非摧殘烈焰無堅城可
收保此又意者近遼數百里各宿重兵衢地則
合交互分功罪乎倘亦洹水定盟虎狼秦不出

函谷乎夫譚綸將戚繼光築薊臺立車營

肅皇帝遣右司馬大閱十六萬之師顧其時繕甲增戍所在騰飽非宿將去其家丁連年調發甚苦暴露比而轉怯爲勇轉詐爲誠轉恢弘爲精密倣漢上畱屯田及當罷者人馬數計失遼所省量減所派厚其蓄力耐煩綜理責之敢勇深入凝忍負重之將此謂進取之圖筭然其要在破虜情傳介子斬樓蘭龜茲持黃金錦繡擒之樽俎以神暇而膽厲也馮奉世發鄯善諸國

無夢園集 豈集

七

以克莎車裴行儉連突厥四鎮以斬郅支能善用其豪傑也郭元振凍烏須勒雨雪中其子反獻馬駝牛羊發面泣送以宿望運急智也元戎之呼韓嘉靖之俺答逢虜之衰又有抱孫之痛也藉無一於此挾賞入犯能如寇準叱曹利用以三十二萬成約否力能制西虜而後東虜可制能制東虜而後西虜之款可恃此謂破虜情又其要在振懦習

聖問曰政教隳而文德闕聲容盛而武功衰

陛下聖神文武之一怒也問京營禁衛何以永樂之較試正統之團營嘉靖之正兵守奇兵戰則斷行選天下壯士宿衛革騰驤詭糧罷監槍權蠹則斷行而窟穴廝養無賴槩置不詰問班軍何代替不稽番上不時軍衛所何不勤蒐訓集有軍不清有塞下易粟之鹽政不舉有田不屯何勇於壞成憲而怯於破俗例問盟帶礪者祖制武有降職停襲革職其時亦左武右文歟法重則易恩教嚴則易使非乞乞之射御効截

無夢園集 豈集

八

截之謠言典兵有戒爲法受惡勳胄戚臣皆咋舌矣問綰組符者不戰奚守無兵奚戰不練奚兵田疇率宗族入徐無山登白狼辭封邑茲賣盧龍之塞何其多而來烏桓鮮卑之驛貢何其少問募兵何以罪帥棄弁攫金歛怨試以多募遠募之費厚見卒扉履糗糧調發召募土兵客著盡精勁矣此謂振懦習臣然後商進取之人劉請捕張角賞以國土李泌議光弼子儀三地繫其四將裴度請行營併諸將心力顧其言

用不用耳虞允文檣師江上焚舟賊亮抑豈知
預決敗盟憂先淮海哉虞詡今朝歌守武都抑
豈知力諍涼州之棄鄧騭等忌擯之哉臣觀人
才麓而不精布局闊而少密其識短也故求奇
識之人寇恂伐百萬之矢以馬二千粟四百萬
給軍卒降心於賈復子儀解光弼睚眦克平安
史李晟假詔徙諸將屯趨東渭橋斷賊首尾韓
游瓌決策入衛以銳士火戰棚張齊賢列燄燃
芻敗賊土皆磴反歸功盧漢斌張惟孝力解鼎

無夢園集 豈集

九

澧五州不就招於制使臣觀大吏逗遛於危疆
簡書委頓於草莽其氣餒也故求忠勇之人顏
真卿增陴濬湟料簡丁壯河朔陷而平原守馬
隆知涼州立標簡試詣武庫選仗給三年軍資
高崇文卯受命已卽就道成都种世衡銀的教
射計去天都野利以孤元昊臣觀角雌雄於門
戶工鉛槧爲韜鈴其衛弛也故求儲備之人隴
西羌反馮奉世請倍用六萬李靖齋二十日糧
擒頡利於反掌王童謀且舉事段秀實速司漏

吏曙執斬之張萬福立馬江淮發進奉船溜青
將士睥睨不敢動臣觀封事飲賀蘭之血當局
高賭墅之容其救懈也故求撲變之人得若人
而擢一文臣右文卽右武矣擢一將帥右武卽
右文矣倘

聖問一劍馭軍六經訓俗文繇武張武因文靖
之大指歟臣然後定進取之議高拱疏添樞貳
以別歷邊方克司屬特高其選故內之職方久
任外之材官得自試於撫臣絕咨送之弊陋邊

無夢園集 豈集

一

圍得自試於經略能守一關外要害卽以其地
官之有良將何患無兵善將將何患無將而尤
無使閫外決機盈廷分謗則議在專責成嘉靖
給事楊允繩疏銓除劑量邊腹痛抑規避故沿
邊守令破資格錄異能捷其陞轉良急務也孔
門治賦之才必不使治兵裴度薦李德裕堪宰
相竟平澤潞宋太祖喜得張齊賢文并太宗各
舉所知並坐舉主無採賢不賢之聲而課能不
能之實則議在精選舉兀木東下非知府陳規

有米數萬劉錡不守今賦車徵馬枵軸半空棄
甲戍兵米粟一炬以京營推之一家驚十兵一
人侵十餉矣近京暫納本色津運廣求接濟緩
急便宜通糧則議在覈積餉狄青寧失智高無
欺朝廷邊卒逃以道將奔也道將奔以哨馬驚
也厚懸賞格遼之義民與漢番雜用則議在募
哨探魏無忌不去思歸二萬必不一八萬人之
銳李抱真不蠲租給弓矢德裕不請甲人於安
定弓人於河中弩人於浙西奚推昭義雄邊蘇

無夢園集

宣集

二

軾不別儲餘錢資軍士部送奚冠諸道技勁則
議在勤練恤以覓華爲積聚憑山踞海或偏箱
轉鬪或蒙衝直抵遙指三岔俾重壘雄壁間有
方騎千里縱舫陳疑之勢則議在習舟車宋法
兵敗必誅賊吏必刑清撫不逮失開鐵開鐵不
逮擲廣寧已事之鑒也夫小戎以義興師婦人
勇於赴敵漢將恨虜未滅去病耻不問家今司
寇之斧鉞不嚴貪紳之肺腸日爛以廉耻生天
下之命以禁令威天下之心則議在必刑罰

詔中外亟修屯鹽錢法京東江南水利無以
祖宗允文允武之實政爲簿書期會之虛文於
是特免加派一二年臣非不顧國家之急也
臣聞疆土與民守之非與兵守之使民不敢不
守不若不恐不守故將士戰而守令守漢以棄
利與匈奴逐唐憲宗籍李錡代江西田賦宋諸
路被兵必有優恤一遼民也忽而可兵可屯遂
欲食翳桑之報忽而爲奸爲黠反不及旃裘之
倫亦大可念惜矣

無夢園集

宣集

十二

章皇帝詰問夏原吉山西饑民流入河南爲軍
吏捕逐至引富弼活饑民五十萬選爲兵者十
萬以媿之則議在恤民氓武以安人利衆爲七
德之二斯全德兼焉其勤與敏之效歟省游言
無使必可行之言至于必行而行已無及節冗
費無使不獲已之費至於必費而費已不支失
論治莫高於孔孟王者必世後仁而明其政刑
尊賢使能七年可以爲政則形勢異也故外按
其形勢內定其規模而力懲三方四路納降信

虜之轍擇一人專任之若劉大夏自試爲兵部
王敞舉楊一清王崇古以戰爲撫李承勲修鐵
嶺松山城堡百八十所項忠單騎過賊營悉却
援兵庶有濟乎無所不備而後練無所不練而
後精備京邊所以備山海備關外所以備關內
備登津所以備關外備南國所以備登津備天
下所以備南國備忠臣義士之肝膽所以備
兵備窮簷蔭屋之艱難所以備勅敵有備無患
今日之六經也今出唯行今日之一劍也若夫
夙夜敬止知人安民與堯之乃武乃文者同
陛下握治統道統之極而何憂醜虜哉伏願思
皇祖以文武不和十羊九牧預懸師武臣之炯
鑑
皇考以堯舜必法朞月萬年佇集同心德之大
勲惟斷乃成威克厥愛仁義交相爲用而景運
如日方升矣臣干冒
天威不勝戰慄之至臣謹對

擬進

神廟寶錄表

伏以

祖德如天一代圖書懸日月史編傳信萬年繼

述著苞符文武方冊之存昭哉嗣服

聖神功化之極詒厥孫謀觀茲耿光監于成

憲欽惟

神宗顯皇帝 綏猷中正 受命溥將 隆孝

事于

無夢園集

宣集

十四

兩宮平敬承于

二祖蓋不徒雞鳴問豎慎出入必遠儉壬抑且

燕翼貽謀建元良式啓藩輔 詰

祖陵誕舉山嶽時邁望石景嵩日渾河任人

倚重輔臣艱難遊大川其弘濟包容言路理道

鞠保居以叙欽覽帝鑑圖成大婚而釋女

誠書大寶式憫飢困俾繪流民平糴無甚貴

甚賤之憂步禱懷制事制心之慮罷織造以

垂典則命水衡乃又河淮嚴課考成公私

皆饒積貯時 蠲逋課庾廩頻渙 王居築堤
表道里四千減漕擲米粟百萬司民沿畝而清
丈貪吏入邊以解贓百官書職名于 御屏郡
國聽式法于科核 稽歲入而敦儉 遵會典
以飭新 講衍義讀春秋疆圉握勝算 斥貞
觀誦禮記彝教懋惇庸正學宮必方正博聞之
士選名將皆廉勇忠信之良勤練鄉兵務限月
餉 脩大閱而勇智廣淵 遣行邊則幅員既
長不震不竦如雷如霆火酋犯我顏行革其市

無夢園集 豈集

十五

賞史寇擒于順義俾驅套松屏封貢于倭奴海
外有截給井關以鍋豆開原遼寧哈赤質子而
叱書應龍僞降則梟使決黃河怒水而移示賀
蘭虜級斬字烈焰之中燒龍山積谷而悉簡閩
廣水兵蕩倭玄菟之窟孤田氏水西之援燒二
關而奪三山攀健爲節竿之藤合八路以焚一
國梯航日出咸輸象齒之珍冠帶月支旅應騶
牙之瑞肆 赦抗忤之吏終 釋繫繫之臣當
羣情疑慮之時一動一言自鎮定于四海雖

深居靜攝之日一心一德常默運于萬幾蕩蕩
難名四十八年之實錄繩繩可繼百千萬祀之
洪基以史筆經卽文見道乃自 鼎湖之龍一
駕業奉纂修奈值 華表之鶴雙飛竟延歲月
篤祐有光於

烈祖揚休悉賴於

文孫特兆大橫續承丕緒茲蓋伏遇

皇帝陛下 先天弗違 與治同道 求多聞

時惟建事 於緝熙日殫厥心懋昭若彝撫事

無夢園集 豈集

十六

之猷首諮世德作求之實夙夜敬止紹庭厥家
仰渙 綸音重加叅訂取裁 宸斷勤用較讐
申命臣某等爲監修官臣某等爲總裁官臣某
等爲副總裁官臣某等爲纂脩官左史右史之
注存義牆如見內治外治之提挈王善爲師歷
三朝而成書閱十載以竣役恭成
神宗顯皇帝實錄若干卷進 呈憶先臣進
高皇帝之詩文蒙

神廟索 累朝之訓錄捧琅函於 乙覽珍金

匱以西藏念德必首彝倫訐謖動遵
懋訓屈

歲首而見景星慶雲之

元子多曆年而修晨昏慶忌於

慈寧識大爲先立隆斯極伏願 率

祖攸行篤 曾孫於有慶 法

天致治配元命於無疆

天啟二年直講

臣陳仁錫

日講講章

有子曰禮之用和爲貴先王之道斯爲美
小大繇之有所不行知和而和不以禮節
之亦不可行也

這一章書是說有禮則和無禮則不和總要尚
嚴肅的意思有子說禮以辯上下定民志惟其
辯所以定惟其定所以和如禮之用于天下極

無夢園集 有集

一

整齊極和順豈不可貴先王之道惟斯盡善盡
美小事大事那有不遵行的何爲說箇大兼說
箇小假如大處謹嚴小處寬縱只向寬縱一路
去了惟其事事逞不得願欲在在越不得範圍
自然有箇節限那節處正是和處這便是在在
通行的道路有所不行只爲知和而一于和不
把禮來節制任情放肆不和莫甚先王制禮原
無這一條路如何行走得去可見天下事那一
件不貴和而有禮則和那一件不是不和壞的

而無禮則不和用禮者一以嚴肅爲主方不失
先王制禮本意恭惟

太祖高皇帝曰禮法國之紀綱建國之初此爲
首務

宣宗章皇帝曰兩晉風俗淫僻士習浮薄先王
禮樂教化于是蕩然豈可久安長治臣按洪武
之初僭亂方平飭在名分是先王創制立極之
道宣德之時承平漸久憂在習俗是先王起弊
維風之道總是整頓一箇截齊世界然本原之

無夢園集 有集

五

地在乎朝廷豈有 堯舜在上臣下敢效晉魏
風流犯禁踰限不可底止者須從人主身上凜
肅做起

皇上秉道終遵

祖制俾天下大者知有君臣父子之倫理小者
知有等威度數之精嚴而臣竊誦小大繇之一
語重有感也假如

朝 講是箇大處後庭佚遊宴遊是箇小處倘
大處勉遵典禮若于出入起居至微至細的所

項好人在朝在野儘箇不乏臣願

皇上博謀廣詢擇才任使平時不專信一私昵之人臨事自然有人出力倘或偏聽誤信彼端士貞臣俱已斥遠無可倚仗一旦四方有事天變于上民亂于下要倚著佞倖一輩挽回補救全然倚他不著然後痛心疾首下詔求賢則何益矣用人之際惟我皇上慎之

無夢園集

有集

三

日講講章

有子曰信近於義言可復也恭近於禮遠耻辱也因不失其親亦可宗也

這一章書是有子教人謹始防失的意思義是必可行的道理耻辱是喚醒無耻的良心親是有道德可親近的有子說凡人行已要不失言不失禮不失交又要起初萬分慎重方可保其不失謂之信自有箇正當的大義如渙汗其大號令出惟行大哉王言天下萬世那箇不信從

無夢園集

有集

是義上合當如此言豈不可復后世詔令日煩有猝然行之遂為政事者當初不及致詳甚至敏怨為德功令愈嚴背叛愈起到行不去時雖引經典明文以解于百姓誰其信之又如宋臣蘇軾奏朝廷赦吏胥不赦只因那詔書之言不實不能行于廟堂故不能行于郡國而吏胥因緣為奸若言之必可行豈有此理又如唐德宗好貨之主結怨于民一詔之後何能遂使軍士流涕祇為痛自貶抑出于至誠其所列軍國事

件都是與唐臣陸贄商畧處置相機控御武夫悍將自然心悅誠服信之近義也如此謂之恭自有箇交際的定禮上交不諂下交不瀆一毫踰越不得的若恭謹太過自己中心慚汗當之者亦覺可憎何等耻辱要遠他須是近禮如堯之允恭克讓舜之溫恭允塞大觀在上四表光昭方是準則處儘有稱謂失倫諂頌無禮以萬古之廉耻換須臾之富貴縉紳羞之不與爲伍子孫羞之不以爲祖易曰或承之羞似日日遷

無夢園集

有集

五

一場羞與他其初佯托謙恭下士之跡也會哄騙流俗其實與大中至正之禮背馳甚遠恭之貴近禮也如此謂之親是與我道義肝膈極關切的謂之宗是做得身心性命之主的這樣人最易疎失了他要起初因依之時不失此人久後方可靠做主如三公可倚著他論道經邦如三孤可倚著他寅亮天地如六卿可倚著他倡九牧阜兆民國家有政事可賴以詢謀邊庭有警急可賴以禦侮這方是國家靠得著的人此

在稍遲便安那乘機巧中的將規矩來放鬆了初亦覺有暱就之樂漸漸心志搖惑精神懶散反有許多煩惱不受用處何等樣不和若是無大無小親賢士大夫如此對宦官宮妾亦如此坐一箇身子在禮法中一毫情欲來不得似乎拘束得緊久之安習身子自然悅豫動必以禮世法世則有許多從容恬愉中心安樂處何等樣和爲綱常倫理之主其必于制事制心之際萬分節慎而后可臣書生初見君父不識忌諱

無夢園集

有集

六

惟

皇上節一身以安天下臣不勝至願

子曰君子食無求飽居無求安敏于事而
慎於言就有道而正焉可謂好學也已

這一章書是用志不分專心向學的意思有道
是言行可法的學是聖學孔子說學者自有切
務就是食也不去求飽居也不去求安惟心裏
有箇着緊事在自然不暇他及試看嗜慾淡泊
的志氣自煥發幹理自快便凡事之窾會自見
得端的一日間可做千百年不朽之業此謂
敏事大凡議論有餘只爲躬行不足豈有要敏

無夢園集

有集

速做實事的人肯將言語容易說出來須兢兢
業業一言不敢輕發此謂慎言這等孳孳力學
又不敢自以爲是必親近有道的人以考正是
非務要着實訂證一番不使差謬蓋從虛明無
欲中來學之源極清自己已有權衡定主所取的
模範又端楷學之路極正想君子心裏嗜好別
無一物念念進修在在克治天縱有懷而靡及
聖明舍已以從人斯可謂之好學也已臣按率
作興事是今日最急之務

太祖高皇帝寶訓曰管仲淹居位每日所爲
必求與食相稱或有不及明日必補之賢人君
子盡心于國家如此天下豈有廢事

孝宗敬皇帝

日御講筵 詢政事字字商確凡天下奏事有
肯令看詳者限三日令即看詳者限二日他司
行查不過十日重大事情量寬五日一時諸臣
皆能竭力贊襄伏望

皇上申飭中外臣工不求安飽各做實事方不

無夢園集

有集

負

祖宗明訓臣竊誦居無求安一語可見土木一
事猶非帝王所急更非今日急務又誦就有道
而正一語可見對幾箇賢良質幾卷經書還不
是實學這

文華殿是

神祖顯皇帝手書二帝三王治天下大經大法
處須將所言所行請二帝三王考正一過是否
合于天理又將所言所行請

二祖

列宗在天之靈考正一過是否合于公論正得過便是學問正不過便不是學問臣願

皇上無襲好學之名方收講學之實藹蕙之言

仰異 採擇

無夢園集

有集



經筵講章

崇禎三年八月十二日

禹曰都帝慎乃在位帝曰兪禹曰安汝止惟幾惟康其弼直惟動丕應侯志以昭受上帝天其申命用休

此一節書是禹陳正位凝命之謨止卽至善惟幾是隱微先見惟康是處置協宜全在心體上操存的弼直者大臣首作敢言之氣以倡謬謬之風也當時禹拜汝亦昌言之訓形諸讚歎曰都帝慎乃在位今蒸民粒矣萬古之平成已開

無夢園集

有集

兩階之干羽未格君職要乃位乎天德慎之哉帝一聞斯言確然見天位在此保邦致治格天協帝之實事皆在此一人正位乎上志氣清明遂將海宇精神羣臣職業盡提攝煥發起來應之曰兪有若决江河沛然莫禦氣象禹乃將慎位道理一一闡發曰帝心自有個大中至正謂之止是從危微界別處體認出來帝于此密密保合盡天理不與以一毫意見事事有箇主宰了惟其主宰凝定一念萌動灼然見得是道心

人心的關限便從幾微處徹底判決曰惟幾一念和平油然見得是協和風動的消息卽從窾會處調劑至當曰惟康想禹旣拈出安汝止三字又點出箇惟幾惟康試就帝身上看如烈風雷雨弗迷非自家張主得定何能如是又如夔夔齋慄烝烝又不格奸非從天性幾深處潛移默奪何能致親底豫這都是帝自家體驗出來可見料理身心處正是料理民物處當是時帝諄諄求言而言路自輔弼弘開便拔去沮塞言

無夢園集

有集

二

路的根源禹遂陳于帝曰其弼直大臣之職在格心尤在格至是無非之帝心帝心至精其弼培養于未發之中帝心至一其弼繩糾于藏密之地帝心防微杜漸其弼無處不嚴衣袂之備謹戶牖之防從來不見不聞之地大臣見得真說得徹未有不得之於君父者假如苗頑弗卽工僅一隅強梗耳禹曰帝其念哉正惟帝一念岳牧庶尹無不念一隅且念凡光天之下至于海隅日出無不念這安危理亂關係重大處大

臣擔荷非輕安敢不直又如稼穡工虞兵刑禮樂諸大典一張一弛開萬世法則一輕一重係人命死生必須深切明著敷陳出來又如禹乘四載隨山刊木不過自盡臣道然使忌諱緘默不詳述一番聖主在上何以知四方艱難那時無作好無作惡直遂其是是非非之本然而無所屈折自此羣臣誰不思盡忠直諫者在廷皆直臣則聖政愈光帝之動卽天之動萬古天心皆從動處見一動而經綸制作皆從情性上調

無夢園集

有集

二

劑幾微處撥轉感人心到極和極平與民志緊緊相維係自然億兆人之心輳集迎合于帝心而四方翕然從欲丕應僉志箇箇先志以迎其事業巍乎煥乎昭受上帝懿美之命然天自降康帝自安止愈兢兢愈業業懷永圖于慎位而天之申命亦大可見矣蓋天生聖主只爲幾箇百姓帝廷之上旣命禹又命稷旣命契又命皋陶一刻不肯放過一句不敢蔽蒙要使百官在在布寬政小民人人走生路亦只爲幾箇百姓

所以不應後志上下總是一個念頭帝有帝之
申命天有天之申命萃爲嘉氣此謂主聖臣直
萬古極治已恭惟

皇上遜志時敏緝熙

聖學急堯舜之先務而挈其大合日月之至明
而養其貞安安一秉 聖裁事事惟其嚴備此
率作興事之一時也臣伏觀雷火徵 天心仁
愛薊險粗飭矣宜及時而盡覈墩臺曠疎 齋
宿警下民其咨饑窮急賑矣宜扼要而力斷流

無夢園集

有集

三

賊滋蔓絕勾連詐歛之釁則奴氛必除清貪暴
蠹賊之原則賦役自正課京邊訓練之實則召
募不煩復屯鹽盡善之經則加派可省無以恢
復四城爲喜救死扶傷之義自近畿而達沿邊
無以僥倖一退爲娛除兇雪恥之謀備廣寧而
絡四衛 好生施會寰宇則於無生中求有生
納諫喜溢臣隣則於有過中求無過

皇天眷命

帝德日新臣敬述聖謨以仰祈天永命萬年孔

固之祝云

有集

甫

丙寅冬早 朝集精微科與同館兄弟商
日講及不請

勅命紀事

同年會 朝凡數人語余曰 日講侃侃既聞
耳矣今入春將講何書余曰爲政以德三章曰
可得聞乎曰爲政以德不以刑亟清錦衣鎮撫
寬獄便是北辰有主放大光明一天星通亮起
來有驚而止之者驟曰詩三百章何解曰魯公
君臣上下皆要牧馬蕃庶心心念念在這一匹

無夢園集

有集

卷

馬上便是無邪思馬斯臧矣今聞山海關軍士
奪馬食爲已食止將一半賣草豆喂養只因自
內及外管馬官員念頭全不照管馬匹焉得不
瘦且斃又問道之以政章如何曰 朝廷省刑
罰士大夫存廉耻天下太平矣時大帽羅列知
者皆目爲較尉也是日 朝罷忽傳 旨南直
陳講官以後不要講四書改講書經未幾閣派
應講壁經至而余削奪除名矣先是諸兄弟集
大廷或語曰年兄 誥勅某當効勞余曰不敢

曰惜費乎余曰省事曰省甚事余曰省一番削
奪耳及歸巡簡司督弓兵追奪手持蘇松道牒
內稱文陳卽未及考滿兩遇 覃恩豈無一及
余從容令飲巡司茶復贈以錢徐曉之曰爲我
告上司所貴乎 勅命者以榮子孫也今蒙削
奪篋而藏之子孫所不榮敢乎哉巡司不從乃
正告曰第一次不請因在館讀書無尺寸之功
不願請也丙寅入 朝賢者不得其死不忍請
也巡司又不從于是令里鄰具保結而後去噫

無夢園集

有集

卷

向謂不請可以省事孰知又生此多事乎哉

武舉錄序

天子登極之元年秋九月都試郡國材官介士
大司馬奉 俞功令加毖觥角組轡可筋骨膽
力求也劔履之及氣摩青雲其曉忠孝大義恬
澹爲上吹律測之繫右籍則闡而問方略

上命臣仁錫臣紹賢往偕都給事中臣允儒右
給事中臣承業主事臣橋臣有聞共襄厥事臣
含珥筆問戎行又稱主者甚懼已深惟儼狃罕
开之屬蠢蠢匪茹授韎韐以毛錐善射而有辭

無夢園集

文集

矣天下安危所注意臣與諸臣敢不齋戒簡迪
用對揚

天子威命旣取士一百人以 獻臣以職事宜
叙首簡臣聞練士節制尚矣進而六千之君子
共勞苦進而三千之一心共祗懼又進而十人
之同心同德共者定以仁人親之以腹心比之
以孝友飲御之誠貴禮而重報也謬哉使貪使
詐金在懷馬在廐而亦在其頸是忠孝恬澹者
心膂之至寶營便利田宅者性命之至讐也義

利鏑多士豈武也而忽諸且士亦知報之義

乎報恩易報德難報禮尤難禮內心之精微以
少爲貴者也致恭存位匪勞謙君子孰能終之
郭汾陽擢武科醮而祝士者高引爲格人元龜
其事君大節一遵禮度蓋師貞之丈人歟臣讀
易師九二在師中吉无咎王三錫命象曰在師
中吉承天寵也王三錫命懷萬邦也千古遺將
之文也懷萬邦之道三曰敬

天曰法

無夢園集

文集

二

祖曰恤民

皇上聖敬日躋克自抑畏 命中外表奏特尊

天地 祖宗不敢竝 平臺 召對 文華

裁決諄諄苦田賦加派漕輓逾期 盛德至計

無已粵稽洪武天下飛奏災異著爲令遇風霍

輒飭邊庭頃月蝕申儆

皇上召廷臣下 明詔勤修省至粟貴十年廩

決萬戶地以震告旣聞耳矣咨爾盡精厲氣無

薄陰陽之和何以報屯鹽裕軍興京營嚴戢守

水利關隘吭漕規載典則盡濶略壞法亂紀而蓄無益之戎行飯不戰之塚卒與傭賈謀居圍士暴憤也憤盈而決之

皇上以力行爲法

祖政繇舊咨爾敢勇深入懸匄奴頭豪街蠻吏邸間飲至告歆何以報自議徵兵三十萬司農始加派今見兵有額郡國那移正供逋欠日甚貪吏吸加派之腴閭左受加派之困 國家冒加派之名

無夢園集

文集

三

皇上專用恤元元爲憂咨爾貪破其衆省海內佗負輸將之費厥賦貞何以報聞斯言也流汗相屬

天地清寧之宇宙必不肆薄蝕於腥羶

祖宗櫛沐之封疆必不淪尺寸於異域含生之類扶老攜幼謳吟燕凱之聲殷號相答然後類於

上帝禋於

祖宗酬 天子宵旰萬分一非爾陣交禦定之

能事耶師尚父曰大明發而萬物皆照又曰大哉聖人之德獨聞獨見樂乎哉

皇上乾斷離照伐暴除克醜虜必克昧昧我思之剖符延世爾公爾侯所自樹也審獨聞獨見之注嚮愜仁人君子之抱懷斯樂已臣仁錫神祖顯皇帝丁酉所舉士也閱九試而中天啓之壬戌繇是感激知遇殫心 講筵朴愚經執屏伏田野

皇上采廷臣言首荷

環召俾理

誥勅秩官

無夢園集

文集

四

寮與觀桓桓矯矯之盛以人事 君冀得當以報多士能縛名王擒貴人交臂誅膝連綴而致之 闕下臣庶幾載筆磨銘勒燕然茲籍爲喘矢報之義其交勗哉知武舉者兵部尚書臣在晉左侍郎臣邦華同知武舉者寧陽侯臣光裕惠安伯臣慶臻遂安伯臣偉寧晉伯臣天錫崇信伯臣天澤安寧侯臣祚昌臨淮侯臣弘濟定西侯臣惟恭襄城伯臣守鉞誠意伯臣孔昭監試則御史臣心一臣師襄法得備書右春坊右

中允兼翰林院編修陳仁錫謹序

無夢園集 文集

五

策問一道

問國家都燕薊宣大最重嘉靖間三衛勾虜四
犯薊撤我古北喜峯藩捍西虜三部坐大其寧
遠至河東者曰挿漢食賞廣寧淫昏而貪狡歲
設防自遼陽不戒疆吏苦心轉用之偵東虜挿
爲賞首白彥台吉次之今挿大殘雲中餘部與
奴姻連並耕牧虜已合矣用讐則憤勵俺族屬
足當虜而我自以全力制奴收四衛復遼廣嚴
備降胡便宜屯田識者謂能禦東虜而後西虜

無夢園集 文集

六

之款可信海上虛着未足狃也然歟蓋邊圉固
則京師安庚戌虜自宣府循潮河川南下至
古北別從間道西出黃淪溝卽奴謀合西虜窺
薊宣之入路也其時一稟廟算而四顧京營
將驕兵冗反調邊兵入援畿輔宣雲大震嗣後
非楊博環甲登陣宿古北扼絕險輔臣徐階請
先備順義以奇兵邀之疆事亦孔棘矣
孝宗敬皇帝與劉大夏議設東西二衛蜚語不
爲動當是時欲出三萬之師援大同偕圍營餘

勁也茲欲修薊鎮敵臺車營施之宣大諮郭登
周尚文戚繼光等守三鎮遺法以漸行之諸邊
遵五軍營十二團營邊戰將練精兵禁班軍工
作同與操肄以漸行之郡國責撫按督守令偕
衛所官蒐簡以殿最報俾沿邊皆可戰之士天
下無不練之兵兵精則餉易足洵救時急策也
詩曰苞有三蘖莫遂莫達黔蜀閩浙間所在通
誅鍾鼓宜聲名器堪惜掃奴而截蘖大休民力
諸士憤發言之仰佐

無夢園集 文集

七

聖神文武之勤懋襄削平勘定之畧

第一問

今夫防邊壯圍制奴馭虜掃蕩安天下之道三
曰實曰漸曰久

太祖高皇帝謂武臣曰本固而戰多勝少敗何
謂本內是也內欲其實實則難破有備是也

宣宗章皇帝諭侍臣曰自古無中國清明而有
外夷之禍者竭天下戰一奴垂數年內者甲兵
頓蓄積虛外者虜比志甚固奴死奴饑不以此
時掃穴係頸竊恥之且不守廣寧則中後寧錦

無夢園集 文集

八

山海非吾有不復遼陽收四州則廣寧非吾有
遼陽不守則陸走薊門水走天津在所設防此
其計不再決若屯田不繇中制必無寧遠亂卒
之事畜插以後不輟欵撫不易經臣必無闖入
大同之事東江處置得宜文武經理必無望洋
問若之事邊瑞不提劒橫行必無餌我棄地蹂
屬國犯寧錦之事三方不布四路不出三十萬
之兵不派降胡不受金錢不濫必無覆軍殺將
加賦召募之事道將守令皆高其選必無尸厥

官之事毛乞炭軍討行必無小夷搶攘之事滅
安酋禦閭寇必無東浙滋蔓之事此其轍不堪
再誤粵稽嘉靖三十年之虜釀一貪局戰天下
不休今十年之奴釀一欺局亦戰天下不休昔
貪局主仇鸞賄虜市虜而後已於是逆鸞傳首
九邊天表之應俺荅來臣享數十年清淨之福
今欺局主逆瑞欲殺盡天下忠臣義士其強項
邊吏則木索對簿受笞盜左藏私封拜於是逆
瑞梟首街衢天表之應四方底定受千萬年保

無夢園集 文集

九

佑之命茲正會朝清明之日奴孽授首之期也
皇上勤勞天下憂苦萬民速賞必罰至矣雲徹
席卷夫何疑哉惟能制東虜而撫欵可備一策
今三衛非昔比福餘越遼河而太寧牧錦義廣
寧間自喜峯隣宣府曰朵顏昔三衛也小王子
土蠻遷東方徙虜福餘界外據其地反青抽扣
兒拱免屬插最强福餘世仇插僻遠而朵顏積
衰服屬哈喇慎受賞十台吉部下今三衛也號
三十六家則朵顏裔也插大部東北接奴無金

白爲之限小部踞寧廣青山屬尊而孿妻女弟
戕季父自黃台吉絕其貢卜哈沮其使於是鳴
鏑相向致白酋死大殘我雲中是又一奴也白
弟恥借奴兵甚義可使永邵卜所部強我能勵
各部獎率忠義奴卽賄山後夷巢拱兔帳而大
興降胡一帶可間諜然插不爲奴用亦驚然自
用東部如此意者近撫三十六營專衛薊彼賤
且微族繁盡少開畧無拘于小文無費十而愛
一奴犯薊絕其導奴插合一軍軍薊一軍軍宣

無夢園集 文集

十

大裨離散其黨與視撫東部難易相百也蓋謀
國有經有權三衛逼處近畿故永樂有屈烈河
之師而三犁虜庭常從獨石開平出兵實欲拓
外邊移之能一戰復大寧與宣遼並峙時自漁陽
接山後省乘障修邊之費上也不能則用漸法
姑示羈縻勿絕徐階謂治其勾引不若責以扞
圉失職使彼易受而楊選執通罕二子係薊獄
益開邊隙鑒諸試再證前事俺荅失孫辛愛失
一也王襄毅真實心爲國虜遂歸趙全弄其

孫旆裘之下邊垂無事李順侵餉飾功虜詒歸
丘福斬其妾諸婦之前師武蒙羞疆事之貴實
如此俺荅城下嫚書徐階請易番文從大同守
臣進緩敵以固備貴漸也順義之款王襄毅主
之張文忠高文襄決之文襄奏歲遣大臣省臺
閣視守邊與馘斬同功失機同罪十年修築以
款修戰貴久也茲正施德十部申固約束之一
會矣三者備奴揮可合可離彼無所不攻我無
所不守雖然必急薊門嘉靖間虜收伯言帖忽

無夢園集

文集

七

諸部而古北口孤收影克脫力思諸部而冷口
喜峯孤收流河諸部而馬蘭孤庚戌自宣府循
潮河川南下至古北從間道出黃淪溝潰墻入
嗣後乙卯犯薊

世宗肅皇帝遣察狀見督臣楊博擐甲披胄宿
止古北口垣上千是發金錢犒守城卒博及大
將各衣一襲癸亥虜阻白水河退掠香河輔臣
徐階請先備順義以奇兵扼之古北虜果走順
義

孝宗敬皇帝御煖閣出大同鎮巡奏謂輔臣曰
京軍已選聽征二萬別備一萬劉健劉大夏等
曰北虜與朵顏通潮河川古北口爲急不果行
是古北潮河者虜必入必戰之地也薊兵守內
口宜兵守外口大同得其情宣府得其形急薊
併急宜大竊有感三大將云郭登守大同士可
戰者數百馬百餘匹登糾募畜養不幾年馬萬
五千匹精兵數萬設撓地龍飛天網鑿深塹覆
土木賊入圍發機自相擊陷其遺法有存者尚

無夢園集

文集

三

文追通虜表文擒之殺滿竿宣府永寧之戰斬
其殿繼光練浙兵三千充教師謀練兵六萬出
塞已益兵僅二萬不一當虜將軍有餘憾焉甚
哉乎塞垣之急也建敵臺一千二百座士卒經
年不離臺宿法甚具讀傳烽歌天下壯之尚文
築鎮口邊墩五十里補墻堡七百所大同平曠
可教車茲戰氣破傷良可憤痛五堡之築毛司
馬竟之邊墻之議楊襄毅竟之試以邊垣修圯
爲邊臣殿最如內邊外邊緩邊急邊及關梁障

塞置室居人練人用砲其下可田墩兵聖之誠
守三鎮至計云蓋三將軍孳愛國務實思念
至於遠遠務漸俾卓然可觀務久而將登則于
謙將尚文則翁萬達將繼光則譚綸謙居本兵
日與郭登羅亨信披甲往來至匡飭也萬達分
地乘障硃署堡壁守者已各面縛無敢去障
如薊卒無敢去臺至嚴翼也寇薄居庸尚文老
矣得檄馳赴力戰三日夜萬達率壯騎赴之虜
大驚解圍去至壯武也綸立薊門三大營繼光

無夢園集 文集

三

督之與士卒手調醫藥人人願爲盡力有能立
馬鐵鳳城上南引金復海蓋之粟以犒師庶竟
少保萬一乎無僅曰疋馬不入其令鴛鴦其陣
敵臺車營其制也哉夫邊兵易腹兵腹兵易京
兵京兵易南兵而練兵則士貴士貴則將嚴重
此繼光有以兵練將之說嘉靖設三大營不遵
永樂五軍營之舊乎于謙令三營六督推其二
爲總兵以本兵董之張惣惕一清請用戰將於
是選能戰之將六員不遵團營之舊乎動爵自

因其故戰將以時權設周尚文不嘗提督京營
乎操法五日之內陣馬三日射藝二日卒不再
更以防代替可做行乎第今牧馬艸場半沒弓
刀外解半窳弊久矣有漸則不驚意者勿遽減
原餉勿遽索盈伍專責練士四萬陰厚其精一
切頂替或明著踐更或漸令暗補弱者漸補強
老者漸補壯道里遠者漸補近卽無望出征而
可資以守一旦有急不至若嘉靖調邊兵七萬
又選六萬八千與京營襍練使大敵臨邊懦將

無夢園集 文集

十四

提兵逕出藉口入援之已事也嗟乎一實概之
矣漸與久行事次第耳葉盛請急遣居庸宣府
兵還鎮邊人大安羅亨信持劔立宣府城上手
刃出城者非實耶庚戌將驕兵冗遠卒提弊衣
而至牛酒之犒文移往復非不實之患耶班操
初制射牌高與人齊射三百步外簡銳分屯量
饋以納班之金宜厲精更始自班兵傭邊兵無
不傭京兵占邊兵無不占率納班買閒詭冒侵
役爲常而健丁護將吏以我下騎當敵上騎戰

謀兩誤烽火不明兵死餉亦死馬死芻亦死旗
亂輒靡不大創不止衛士不習武藝責所領官
著爲今天下撫按督守令與衛所互簡蒐上下
其考以聽黜陟無用之兵去可以抵餉不練兵
之官去可以裁武漢永和之役第簡賢能爲刺
史太守嶺外平可法已

孝宗謂劉大夏京輔左右肘欲各宿兵其地大
夏請以保定操卒萬人還之鎮爲西衛東兵納
之密雲薊鎮爲東衛蜚語揭騰不爲動丘濬議

無夢園集 文集

五

以宣府爲北府俾守北門東以永平爲輔守松
亭遼左關隘西以易州爲輔守紫荆南以臨清
爲輔坐鎮牌河總扼河南山東之衝南屯兵於
徐州通兩京咽喉噫燕趙沈鬱復產健馬以漸
行之八府子弟有司以意訓練如弓箭社自成
一軍乎嘉靖倭寇五十餘人轉掠應天四十八
衛無一出戰卒夷於竈丁可法已天下最苦餉
郭子儀愛地廣勢分願收諸道精卒五萬分屯
北邊葉適言張俊岳飛等屯兵三十餘萬歲給

錢六十餘萬緡米絹不與欲精其軍使各不過
三四萬省東南民力甚善兵精則自汰汰則以
所贏之糧補所缺之額厚所練之兵餉不患不
足兵精而餉足何憂虜試下一檄曰安箇殺無
赦滇進雷益蜀進烏江粵出一師以連麻哈泗
辰之夷楚通一線以濟師黔緜六廣彼前有巖
江削壁後有烏蒙部落諸司中深菁洞時怒黔
時緩蜀時誘煽諸苗亦窮矣又下一檄于閩浙
曰海寇殺無赦已撫者歸我叛人否則勦之邊

無夢園集 文集

十六

例請撫者罪噫孔子作春秋奉名義而已安得
不惜繁縷今兵食兩誦尊紀綱而已安得不惜
官爵自古盜賊與窮民合憂不在虜下天下無
不練之兵則天下無不盪之寇有如期月課實
情三年課實政中外興除皆以三年爲限實斯
漸漸斯久久道化成與天無極生請咏商頌相
土烈烈海外有截桓撥之盛也敷政優優百祿
是遒

聖神文武之上筭也

第二問

御臣之道使無欲難置之無可欲無敢欲易惟上所置難自置之無可欲無敢欲易人臣置已于有欲甚難而置已于無欲反易以律武臣不太過歟曰非也士有志節而後有出處有出處而後有生死武士有死無二而後有事業故夷狄患難造次顛沛非人生偶然之遭乃自得之地也又武士快心之地也士何求哉居鄉不求于竿牘居官不求于鐘鼎居方寸不求于聲譽

無夢園集

文集

士

居夢寐不求于鬼神故置身無欲甚易而有求甚難士無求趨其易云爾一失足千古恨矣一失身天地毀矣戰國說士甚有口旁人睨之三十萬金豪傑盡能無悲乎噫輕世肆志仲連所以傲然自命天下士而不疑也彼且蹈東海死耳豈從來不愛錢之人卽不惜死之人耶雖然士無欲也人欲之名教欲以爲砥柱渡江河欲以爲維楫奉辭伐暴之主欲以爲仁人君子戰死扶傷想魂萬里之外欲其爲無辜顓天而

士一失望介如石焉僞也峙如山焉埳也故置身有欲甚難且世俗之所欲何物也有鬼神以司之有斧鉞以臨之鬼神之所不司何不可欲其鬼神焉司之何可欲斧鉞之所不臨何不敢欲其斧鉞焉臨之何敢欲師老十年纍纍垂索無鬼神無斧鉞哉有之自今日始雖然可以得中士不可以得上士詩不云乎有嚴有翼共武之服有欲不可治無欲少欲不可治多欲惟敬治之禮將力將止欲將一也止欲必有禮有禮

無夢園集

文集

太

而恥生有恥而力生王嘉曰士有材能甚少宜預蓄養無事事倉卒乃求噫士不患不賢而患不能不患不能而患不情說在蕭鄼侯何與李將軍陵鄼侯收秦圖書轉輸關中不絕可謂能計天下已定諸事草創而便利田宅自污此一念已不忠是不情于君臣也天下無能人也陵自守奇士張空拳冒白刃可謂能將而回面事虜使其友自宮又失言君父之前是不情于朋友也天下無能人也人必度其君度其友度其

身不情于如此之君臣如此之朋友而無具甚矣史稱陳平受金高帝縱之金平金人乎哉燕居深念調和將相是有情漢室之人也趙奢爲將賞賜悉予軍吏士大夫其妻弗怪也括私賜金帛其母怪之括不情于母子也故不情于趙王李允則之築大城也愚其民于獄祠又愚之捕盜卒以版築設祠以祠城甕俾有寧宇也情于甕城父老子弟他若牧饗士士不有其身起吮卒母不有其子去病匈奴未滅不有其家非

無夢園集

文集

卷

情至孰能與于此世衡懸銀的教吏民習射情于禦盜李愬斥倡優護病卒而莊事裴度情于上臣曹彬不以官酒私太祖情于舊主故曰愛爵賞百金而不取人之情者不仁已不情安能取人之情且富貴非一家物公諸天下富貴亦非天下物還之人主天不可久負耕夫紅女不可奪賈人百萬不足與計事雖然此寥廓而獨寐者耶可以得無情之士不可以得有情之士文武一也束手受書博誦幾何上馬殺賊下馬

作檄幾何守缺係殘專已綴學傷哉貧也如耕石田有一物焉挾之以去多金而已故士有四儲一儲學一儲氣一儲義命一儲道德有學而無氣孱夫也有氣而無義命無道德寡人也天之造人維義與命無義無命天所不材君安使之知義命計不旋踵斷死不顧計先定也見眉宇淡名利之心揭膽肝作忠孝之氣非有道德人也歟哉如鑄劍焉狀類高山深淵而後太乙下觀夫劍鐵耳固能有精神若此

無夢園集

文集

三

太祖高皇帝與侍臣闢孫武使貪使詐之說曰量敵制勝智勇兼盡豈可謂愚攻城野戰捐軀殉國豈可謂貪若果貪愚之人不可使也上召對亟稱宋文臣不愛錢武臣不惜死二語責武臣首責文臣繩小貪先繩大貪生愚以爲國有二大儲焉一曰儲人一曰儲利儲人之道三曰儲撫臣儲道臣儲壯縣邊縣之令儲利之道三曰儲屯儲鹽儲京東江南水利祖宗廓清之烈神氣壯隆又賴楊文貞東南重

賦宜恤一語久任巡撫一策洪宣成弘間封殖數十年維時周忱于謙等久者至二十二載今不滿三歲輒遷其病徒文具耳誠得非常之人六年始代而責之以事代者代其人并代其事三載加秩焉道臣如高文襄議遴異材除授兵部專備邊道之缺効則躋巡撫使尊重難危人地位望相得天下生民係于今以壯縣邊縣爲一籍冢宰定其論入告而後授之今亦不以師荐故旁瞬左右顧而竭智盡忠行能高妙苟有

無夢園集 文集

主

眞賢能二百餘人分布海內是國家蓄二百餘名將也塞上以築垣練兵積穀清屯遏寇盜爲最內地以興水利墾荒蕪散盜賊減鞭朴而催科不拙爲最有政事何患無財用今之筋骨神明皆財也天下皆得人是得百千萬筋骨神明之財也禁迎送絕煩苛威權不奪而後臨難仗節三歲上其最優以行取六年陞轉如是而有人矣請儲財一日儲屯洪武諭屯兵種棗栗廣募受屯者給公田東勝衛虐屯卒論斬而餘糧

之減半正糧之免交盤改本爲折始壞法屯之盛也太寧松亭開會州寬河儲二百萬石孔樂間給牛種頒田式墾荒不起科寧夏積穀獨多今田增而糧減曰疆界也豪強也逃貧也戎馬克斥也獨無屯田可仗豪右按年賠糧及自首免賠之令歟以宣大言之商輅奏田卒互耕操蔣琬奏清腴田數十萬嘉靖間臺臣專買二鎮糧草今粟與草爭貴兵革相乘忍厥脫耶借曰寇至彼田塞下之晁錯繆矣棗祇趙克國鄧艾

無夢園集 文集

主

羊祐郭元振李泌韓重華皆謬歟葉盛撫宣府墾田多買戰馬修城堡李承勛巡遼見故興水縣地肥美立三大營以耕瀋陽地尤美則築牆創臺防虜之入皆過計歟噫虜多方誤我我又多方自誤官冗兵脆輒斃小民有公派有私派而軍屯任其廢業不平謂何無亦思年例盈三百餘萬額外征討五百萬至于今太倉太僕公私之積有幾亟以屯政責成撫按撫按責部帥將自耕以倡所部計田頒賞優復業之令開贖

罪之條均寄籍之法除草場馬場之名色省養馬商人之苛政卽未能復地還軍而亦宜派糧歸地奈何哉官種民種餘丁種皆不辦歟酒心自新制吾棄財無令天下大屈一日儲鹽兩淮壅引數十萬邊引三年不售浮課僞引莫之鈎較貧竈困總摧之手大買入敝惡之繪關說甚于奏討開納滋蔓請求買窩賣鹽引犒樂工伶人而不問鹵地草場刀俎供富室豪商而不問自變輸粟引價昂而不問鈔法不行無法處

無夢園集 文集

三

餘鹽而不問初制商人納粟二斗五升利商亦利屯卒而不問寧夏便粟而不問東粵蜀閩地廣而不問唐蒲解安也歲供京師解鹽近二邊今賦少員濫而不問絞刑不止乃開贖刑官軍送出境而不問滄州鹽直廉給價回空糧艘揚州爲貯倉常股存積悉與見鹽亦哀益一術而不問鑒于唐第五琦斗鹽加百錢劉宴因民所急罷稅禁堰曉道倍于勸農初僅四十萬緡季年乃得六百萬緡及陳少游包估侈高估李琦

盛貢獻其法大壞李巽始歸度支信哉用人急矣霍韜議選兩淮漕運及三邊總督都御史如左右手講求鹽屯之法聽自擇鹽官三年詔賞罰蓋至論云一日儲京東江南水利薊隔一墻依垣而守地濶人稀興水利以限戎馬郭守敬治水故道斷橋壘石猶有存者田薊而諸鎮次之湖海先豐潤遼陽以東青徐以南次之部耕卒守墩戍瀕海墩臺兼備倭虜嗟乎張全義屯洛四十餘年始富饒虞文靖秩富民願耕者其

無夢園集 文集

十四

說不行于泰定迨設海口萬戶江南之粟不來王庭以北使內地法全義塞外法文靖亦何減史起溉鄴鄭國溉秦文翁溉蜀自公引渭馬援引泚虞詡浚渠之蹟乎東南賦重粟貴有年頃者海風大決流殺人民潞吳淞白茆諸江浦入海尤裕餉救民之上籌也三儲之外無爭尺寸以開言利之端三儲之內無遺尺寸以蘇軍民之困俾所儲撫臣道臣壯縣邊縣之令式行之務令貧弱有利大貪戢而小貪自止故曰欲理

之君閉利門長此不已屯利歸于豪鹽利盡歸于奸商于貪官于猾吏于游客獨患苦細民燭亂饑卒至水利罔聞知海風盪決漂溺死亡而不動謀國如此可謂取人之情者耶善哉劉晏用士不用吏蘇軾曰朝廷赦吏胥不赦又曰百萬虎狼在城市噫爲子孫作馬牛不知爲吏胥作馬牛也又不知爲虎狼作馬牛也宜少自愛矣文武吏士有儲也自置身于無可欲無敢欲之地國有儲也置文武吏士于無可欲無敢欲

無夢園集

文集

書

之地金錢犒死士而軀命報天子萬年有道之長必基之矣

論

兵以治爲勝

兵也者將將之任而非一帥之事三代以來將權在上故常治剛中而應行險而順曰師以天下比一人曰比師貴應惟君無弗應也比貴輔惟君無弗輔也古之聰明聖知神武而不殺者猶以此齋戒神明其德焉天地無不戒懼之日在澤則雷在地則雷出地則雷在天下則雷君法天體乾朝乾夕惕人龍處於危地其戰兢一

無夢園集

文集

書

大淵乎萬國咸寧則是萬國皆以戰兢治其性命也乾上九而亢戰乎乾所以去其亢範六極而弱八曰兵所以去其弱戰不予諸卦予乾皇極尊五之義云是古今必勝常勝之兵君父所獨操者神妙萬物人主提八卦之神即提萬物之神其陰陽不測在能轉先天爲後天自乾一轉而幹旋天地挽回日月革易山澤呼吸風雷于是戰歸之乾而勞乎坎坎勞卦血卦且戰且勞乾坎相求恒易以知險恒戰以出險爲君難

如此遣將之辭曰上至天下至淵是極深研幾上懸無極下臨不測之危詞也蓋有治天之師有治地之師有治人之師堯開天曆象日月星辰羲和尸厥官亂天故以天治之舜闢地肇州封山濬川苗民逆命三危既宅三苗丕敘亂地故以地治之文王止至善立人極卿士非度嘯其耆長既戡黎祖伊恐亂人故以人治之此三師者無敵於天下自胤侯一征後王克謹天戒史官不見郡國以聞郡國不開史官見之史官

無夢園集

文集

卷

不見郡國言之而萬古之天文治自禹乘四載所至萊夷作牧和夷底績至兩階既舞三苗丕敘玄圭乃錫非然聲教弗訖也師歷山臠胾至誠格之矣而萬古之地理治文王之居坎也若便安熟習然習坎不已衍爲麗澤忘勞忘死是以能出乎險難之中爲生民主而萬古之人倫治文善用易者也操勝于坎離離明者甲冑戈兵也翁明于內腹乃大敬于離初用晦無咎其內文明外柔順以艱貞蒙大難者歟既濟喪弗

無夢園集

文集

卷

而弗逐也柔中之明不顯于二文王以之高世之功遂成於三武王以之羣里小心則納約之牖云文不止者也水火不止者也坎居離上水溢而火怒于下必進之象即不止之象故濟坎居離下水潤而火安於上不進之象即終止之象故未濟則儲水防火水居火上非思患豫防終日戒之文德耶戒則爲丈人爲長子不戒爲小音之揚飛翼之銳棟橈之本未弱而已進退兵家之恒也盤桓而不動遭如而不前班如而

多矣大君不醒萬方之聾瞶子夜之雷不聲雷
不從坎起茫茫長夜矣雷出而萬物生出入無
疾豈待藥哉非七日來復則十年弗征不重其
門不擊其柝復關不閉坎險不守矣果一帥之
任乎哉文王轉先天爲後天而居乾于必戰將
地也居離于南面將幾也居震於東方將聲也
稽首得五臣焉稽詩得二臣焉蠻夷猾夏寇賊
姦宄從欲以治臯陶將之仁陳三風六愆肇修
人紀伊尹將之任于戈省厥躬有備無患傳說

無夢園集 文集

五

將之豫彝倫攸敘八政首食箕子將之命公孫
碩膚綢繆繡戶周公將之忍無言而愚無筵而
舞無抱子而嬉無蠻作而弓矢衛武公將之智
若否是明王躬是保不以全軀保妻子爲明哲
仲山甫將之德善用師者無所不藏藏于訟自
小言絕之田可無禽矣藏于需自飲食絕之寇
可無禦矣無山下之泉而金夫見無地中之雷
而商旅行藏其義于蒙于復誅貪詐也噫微矣
哉咸練兵之卦也井養兵之卦也兵法不愆于

六步七步乃止齊焉咸其拇志在外而足易動
易動多蹶咸腓咸股士卒動而將心憧憧騰口
說何異兵書煩擾哉坎上之卦八井不言險井
上出爲功泥乎谷乎呼庚癸耳濞乎不食需王
明耳勞民勸相其寓兵于農耶勿幕元吉其井
養不窮耶箕子能用易者也食先而兵後五行
先而三德後德居北是剛中之滙也井泉之溫
寒泉之列也君操勝而必行之貴決係詞十三
卦終夫百官治萬民察以此雜卦終夫剛決柔

無夢園集 文集

五

君子道長小人道憂以此吳起曰兵以治爲勝
將權在人主無弗應也無弗比也一張一弛無
弗藏也其在下有疾呼而不應者矣有仟重而
不輔者矣有囁恥而不藏者矣商之善用兵也
藏于盤庚俾和吉言于百姓周之善用兵也藏
于酒誥俾有正有事無彝酒又藏于多士多方
俾惟和惟克勤顧天顯民祗皆自其小有言聖
之恐一至于用兵而險陷汎濫有不可隄之勢
也治天治地治人之師自天子出而將將之權

尊萬世久安長治噫三代以下識此義者蓋有
之未易更僕數也

無夢園集 文集

三

爲君之道必須先存百姓會試

人主察天之所矜務抑已以從其欲而後道濟天下夫民欲而天從之天非自從之也以屬天子猶之乾父坤母綱緼化醇一付六子職有尸矣身爲天子不子惠元元娠育寡孤者何等也無曰高高在上瞻雲望漢揚斗柄訴七襄非鰥寡無蓋乎哉何以不呼君而呼天則又有代之呼者矣呼以雨暘之不時呼以日星川岳之失序其君有先醒者後醒者不醒者然屈君以伸

無夢園集 章集

一

天伸天以伸民無不罔百姓所欲而止存於懷保惠鮮曷嘗不存於毒誦如蠱哉民恃天天恃君君恃存百姓之道唐太宗曰爲君之道必須先存百姓太宗可謂有其意者其言曰去煩省費輕徭薄賦選用廉吏則自不爲盜安用重法真格論也夫庶民惟星所好者風雨也所惡者必搏鷲也爰暨小人雜耕牧於朝堂而儕耘於卿士也且呱呱而泣者非子也鳩鵲其形則同室之肺附耶各子其子所以庶民衆父之父

所以大君嗟乎知人安民知之乃安之安之乃存之昔者子羔用人不怨以有憂人之色存焉故捐其刳股割肌之痛而親其色秦愚黔首使悟然無知以聽從於已足奪其明德也董子曰知愛衣食不知天氣天氣重於衣食天氣者明德也故揭竿而天從之殺長吏以應而秦民之明德愈醒婦姑諍倨則有或揚其言者矣存百姓先存其愛敬恭上之明德民萌也芽苗而導之猶春氣之生草也民冥也有汾澮以流其惡

無夢園集 章集

二

大汗浸體不浹灌此矣且夫食監門衣大布勤傳餐君苦而民不樂民所祈致於君則保其家室也天子萬年也泮渙詠歌也鳩衆聚族各以精氣神爽寢處於大君之方寸者以在躬之清明如神之志氣也故喜怒好惡愼此四者而不妄發可謂天矣妄發則精氣畔之神爽離之中央之帝一鑿而民於我遠虛矣非無民也乃無心也無百姓之心不足以存百姓我以爲百姓僨驕渙潰狂奔四出之戾氣而天以爲百姓之

明德何也非百姓不存於心而主心自不足以存之如驅愛子而出也又不建鼓以求也無辜之額腥聞久矣先王不唯甚愛其民抑甚虔其民息事寧人敬奉天氣敷於民縣乃在位不廷辱而訶謫之也和吉言之而已罔俾易種新邑而已厥心違怨則皇自敬德而已驩愛之心足以相死若夫撞鍾舞女用之日新則有以刈殺譏者祝有益也詛亦有損則有以耶攝姑尤之人指者而無得罪於百姓又稱之爲愛君其無

無夢園集

章集

三

得罪於百姓則無得罪於心而有以存之也漢屢詔寬大至錫無戰之勲賜不耕之粟所巡幸無治道牽馬使貧弱有利吏以文法教訓辨告勿笞辱民唐六條課吏分遣大臣循行諸道疏其名於屏與偕坐臥百姓如寄諸懷曷問報哉而壺閔三老以公卿噤口上太子之寃馬嵬父老以戎馬間闕定社稷之計則亦其民愛敬恭上之大驗也甚哉愚其民所以去之明其民所以存之雖然施報非古也試論爲君之大道夫

無夢園集

章集

四

薄被饑荒二千石不預其備則魏相條上之矣貧富不相耀以和其心稍倣古限名田則嚴安仲舒臚列之矣置三老孝弟力田常員各率其意以道民焉歲或不登民食頗寡素有蓄積以備災害則不啻減大官不受獻而已君天下者而不聞此也可不可也泛舟之役怨其君恤其民邾莒小國介於大藩百姓戴之亦以永世君天下者而不若仇國不若小國使魯無鳩可不可也武有七德安人和衆二焉介冑而恤之胞與而徂之可不可也漢武治兵三十載不加賦而用給軍興所至臧漕有二百萬石者捐隴西北地上郡之卒以寬天下之繇四征弗庭而寬之一方薄伐而擾之可不可也元年免田租之半史不絕書江海陂湖園池屬少府者以假貧民勿租賦昔任土以作貢今地蕪不治流庸未盡還而倍其征入野荒治苛上丞相御史以聞何人也或燦燦衣裳或夢夢赤芾鶴而使鳧而散鴻雁無宅邪吏行弊政倦吏治薄民甚者嚴

法刻深自安之道在人之死矣朝廷赦之而吏胥不赦蘇軾云數十萬虎狼在民間者不可也雖然猶未盡爲君之道晨正農祥脉其滿清故三時農一時武不存百姓而兵乎螟蜥書大無麥禾書司民獻數拜登天府不存百姓而史乎大昭小鳴降爾釐楚四方以和來矣不存百姓而樂乎攘其左右且囊橐之嘗其肯否且漁獵之受大者取小矣不存百姓而田租可廢田畯可罷乎幽雅不賡幽鼓不擊乎老物不息乎

無夢園集

章集

五

泌芬不登於俎晉存不類於帝矣不存百姓而祀乎存百姓在左右民其道法陰陽適中之泰泰言進君子退小人則知人之事知人則安民之事安民則明其明德以存之之事左書而右息之民不存矣左右者急之也欲左則左欲右則右以人主爲百姓之左右而存之至矣所以然者天在民之左右故救之不急其索諸枯魚之肆矣甚者拔之數十萬虎狼之窟矣此必先之說也夫唯謀人之保居則叙欽歟不肩好貨

歟使民自取吏焉必取其愛歟百姓存十之五矣抑并兼弛無藝田其廢田并心積力如讓畔異路舉孝弟貞婦者爲一輩宣上殿歟百姓存十之七矣如封富民侯有功於民則祀之公卿日陳康功田功天子齋戒受質百姓存十之九矣天矜於民者也必從其欲者也卷阿之媚庶人假樂之宜民天保之日用飲食豈巫祝之祝哉祝爾萬壽無疆天必從之矣

擬

無夢園集

章集

六

上御 曲風亭召尚書李時等同觀 西苑收穫謝表 嘉靖十年 伏以 維新

帝命 西苑懷良苗之日新式穀周家 幽亭樹有節之嘉穀肆收穫如成人有德祝

聖壽頌兕觥無疆俾臣子咸知稼穡艱難自

廟堂躬行庾廩節儉慶又始於耕墾喜先溢乎

班嘗臣李時等誠惶誠恐稽首頓首上言竊以

八政首農兆民允殖田畯至當其旨否挈饁郊

原後世賢師吾儉勤移根禁苑勤我穡事非類

必鋤佃彼莠田不殖將落譬彼總角漸以突弁
無若情農自貽滅裂故豐年期於必獲猶修道
迄於終身而况廟堂耦小人之十千幽頌卜周
曆之八百陳常時夏撫愛景以字人克配彼天
穆薰風而扇物自借父耒耜慮有德色易子敲
骨莫之省憂故雨暘失時民且狼顧而漢詔振
救歡若春生弱也欲孤長也欲居熟也欲扶禁
其苗竊鰥獨者帛貧窮者粟廢疾者貸無滋土
崩磽隤靡所農桑徒寬大郡俾荐泉斧長安松
無憂園集 章集

傳繇運自丞相下逮至都官導巴蜀致之江淮
給種食勿令收責未央長樂不撞萬石雷霆之
鼓鐘太僕水衡常減穀食肉食之獸馬試吟子
建藉田之賦猶知百姓素朴之艱懷有虞而撫
琴親賢遠佞帶橫阡以經陌理政封疆雖誇句
牽風雲其如治沿螟螣恭惟
皇帝陛下 受命溥將 樹人豐豫 耕仁耨
義坤厚庇葛藟之本根 沛雨油雲乾剛清
官府之穴漏繼

大君之統則 代來入帝首詔力田問
天子之年則 義馭騰輝奄觀銚鉞可使禾繁
懿桑之女春日載往載來一聽莎雞蟋蟀之聲秋
蟲自鳴自止膺發栗烈風高隕穽之威肅霜滌
場人凜鑒冰之政剝棗穫稻坐致怪怪栗栗之
饒食瓜斷壺豈有一摘再摘之豐瞻言膺幽風
亭西苑儼如

宗祖在羹牆撫降康之辰念率育之始蓂豐草
而種黃茂芟芟宛然頌饒香而歌椒馨崇墉如
無憂園集 章集

積俶載億穉驛達慶百室之盈簾蹂春榆茨庾
貽寡婦之利我藝稷黍蒸畀酒醴豆登香升肇
祀而禋

宗廟乘屋播穀取陳以食農夫 詔臣等於堯
耕舜穫之中識禹儉湯勤之意五色雲起拂馬
以隨人萬歲山呼從天而至地 翠華黃實

禁苑秋深蔗蓂至於碩庭勤耘以顯令德

聖容辟穆宛主伯亞旅之從容

天語叮嚀惟場圃禾稼相敦勉握粟出卜京我

憚人乘昇火災無害田穉靡違月令敬順天常
顧如坻如京尚有窮民悲夜月况取子取室豈
無稂莠蠹嘉禾臣等恭繹

聖懷冀抒曝獻當姬旦陳詩之際正冲人集蓼
之秋且二叔之不咸兼淮夷之勤遠獨其咨於
保傳如嚴母衛貞姝乃長咏乎邠風類瞽史宣
謠俗俾女御皆知廢和卽僕臣亦與勸歌取狐
狸爲公子裘饗朋酒上一人壽穹室薰鼠寒盈
流火授衣私獫獻新化行蒐田獮狩必彼戎索

無夢園集 章集

七

載續武功我所蓄租采中原之菽民亦勞止醉
眉壽之觴采荼薪畚日用飲食獻羔祭韭神聽
和平喜溫氓于條風公私同其駿發永言

祖德盡在田功出戰嘗糲食之甘特復太平諸
郡管田上積穀之數詔旌茂才一人計疆畝而
栽桑無酒醪以靡穀 鍾山一幸見田者而徒
步獨龍之岡 園丘初成偕世子而共遊秬秠
之野指宮中隙地則本支種百世之蔬歌雲漢
勤民則山川駐藁席之履晝曝孔熯夜不卽安

禱三日以郊還就西廡而齋戒罪馬亮督運長
農事脩語宋納敬天易勤民難孝感被飢發帑
不俟廷請方社不雨食蔬過於合宮積逮寬以
折收墾荒盡免租稅粟貸富而免雜役爲勸義
菽資貧而構室廬使寧居軫江右民衆田少之
艱諭原吉里甲代賠之苦四方奏告雨澤案牘
無積所司宛平面諭興除報聞刻期三日齊魯
被災免勅立詔士奇鄒縣持筐發倉下同汲黯
主客萊而窮簷色美孟頫圖幽風斯螽訴而機

無夢園集 章集

八

抒鳴令宮庭繪織婦評廣漢非循良吏 御左
順出閔農詩召寒義錄昌平耕叟之詞勅郭進
加人材務農之秩伏覩

陛下與治同道我田既臧革運糧加耗之姦汰
內官監收之蠹草場禁勢豪陳乞入府清厥畹
土田屢下詔書悉罷鎮守無大澤天下粟惟日
減口賦錢臣等敢不體雨雪霰露之培令批稗
無蔓珍醴泉芝草之出與嘉穎同登樹德務滋
鋤奸視力則 星辰履曳之日悉稼穡匪懈之

時伏願 擊土鼓而穀士女 命田祖以清盞
 蛆無若箕不簸揚斗不酒漿祁祁興雨卽使彼
 有遺秉此有滯穗孜孜降康千斯倉萬斯箱蒸
 髦士也古人多似續無此疆無爾界惟辟王哉
 嘉靖屢豐年則慶源多黍多稌晉爾戩穀而大
 田靡隰靡彫貽我來牟臣等無任瞻
 天仰
 聖激切屏營之至謹奉 表稱 謝以
 聞

無夢園集

章集

七

第一問

賈誼曰一人元良萬國以貞此時務也諒達國
 體持論若此其新書雜取大戴明堂位禮經諸
 學當是時三公三少攝體貌和義行章敬恭選
 博聞有道術者衛翼之橫經高論首春秋詩禮
 間及風俗故志于是天子不經不法不姻戚不
 惠民歌笑在前賢才在後則引義糾迷故前有
 與慮後有與計非簡聞小誦矣且太史緼瑟太
 師吹律則在振之學鮑魚弗登則飲食之學僕

無夢園集

章集

七

臣正慎簡女侍女御則瞽御妃嬪之學是以簡
 練於習成熟於師昔堯舜治天地之事學天地
 之學其他必從見聞入以見入者伊尹于太甲
 以聞入者高宗于傳說人主見聞與經生異聞
 則遙集帝王而告語之見則直啓欤其祖先耳
 堯之學開天曆象授時是也舜之學闢地十有
 二州是也文王反先天爲後天是謂人學人學
 必得力于險阻姬公教成王從險阻逆入無數
 其康事而學力見矣次若漢高于陸賈賈質言

不迂漢家寬大其臣多政事才皆出此高語太子踐祚省書乃知作者之意殊悔前非故一代多明辟當是時詔雜舉通達國體充博士位徵天下逸經古禮曆筭鐘律爲駕一車輶傳遺勅公卿習月令其不事學及不能通一藝輒罷官於是講求理道博盡羣情而間有保殘守缺則訟言損之矣又次若唐太宗於李靖靖稱符堅善用兵太宗立取傳觀之而劉項皆非將將之君孫武一書懼爲空文所誘古今兵法識緯存

無夢園集

章集

卷三

之乃以廢之聽其言大概宿將漸凋苦心商確豈效訓詁片語哉說者謂夜分講經歲周御覽隻日不廢講讀無救於亂夫釀亂非也講學未嘗不是也太宗四部玄宗質難宋仁論語哲宗經筵其臣虞世南褚亮盧懷慎孫奭程頤范祖禹輩多端士庸詎非講學力也

皇上以放勲御宇之年周成訪洛之會四郊多故則大學問大見聞皆得力于險中以艱難其政事入而神聖天授好學勤政臣子敢自菲薄

負

光考憑几必爲堯舜之訓哉宜尼好學首發憤天子發損疆失地之憤則學大臣發持危定傾之憤則學羣臣發先公後私之憤則學闔外發鞠躬盡瘁之憤則學今日誰所不宜學者誰所不宜憤者講學先修德上下各修其德一入廣厦一啓牙籤一聞緒論於是黼黻動容黃髮竦聽左右前後且愕且愕而講臣颺溢忠悃疊疊勉勉中夜以思起居懼開游觀之漸言路懼開

無夢園集

章集

卷三

厭棄之漸詰姦懼開告密之漸勲戚懼開典兵之漸因事納忠如防潰堤其功高輔理丞弼之上其機捷拾遺補過之先是以罷顏料臧織造商鹽課皆從講筵得之與其微妙詮理不如吧曉陳事與其駢偶成章不如明白徑指蓋有以大懼發憤者

高皇帝謂李善長曰點簡此身與心若兩敵然自相爭戰必求至當有以大悟發憤者學士解縉等進正心講義

文皇帝覽之至再曰但於官室車馬服食玩好無所增加則自然無事有以大慎發憤者

章皇帝曰朕祇承祖宗成法諸司事有疑碍奏請必考舊典有以大疑發憤者

無夢園集 章集

七

肅皇帝命張璠務切身心政事風俗民情關係目前者入告尤至論矣生近而引

孝廟左於劉大夏右於戴珊則近倖以講官一言切責

世廟朝於洪範夕於無逸則鎮守以閣臣一言立罷是講學明効也生又近而引

神祖初因輔臣進帝鑑圖說指陳痛切於是自圭有問大寶箴有誦講酒誥戒崇飲感陸贄之切直義董宣之強項善漢文之按轡故內有恩

無夢園集 章集

二

齊太任之教誠立而敢斷深藏以爲神博觀以爲明罷貞觀政要講禮經尤孜孜於春秋衍義除兇戡亂又講學明効也若夫朝見皆得入陳疑義錄示講幄輔弼面決部院間宜章奏博詢儒臣臺省以次輪侍若楊文懿王文恪楊文襄章文懿諸臣言之悉矣且三楊顧命早朝日言八事說者猶謂宜復午朝初制云夫謹於尊天慎於養人精練左右決斷狐疑此帝學也學太節則知閣太博則業厭亡法之議難以斷吉凶

第二問

蓋聞智居冬官屬司空置空虛不用之地孰知貞固介石正在不用哉貞固之乾則進退存亡消長之智是介石之豫則剛柔微彰之幾是夫

乾德施溥博而退喪亡設險其前豫則冥者盱者鳴者旗亂輒靡者宜凶咎沓至而吉之先見巍然揭萬夫上蓋智者非爭一先爭一正爭一

介也不能介知進存得已矣能介而後知退喪
亡然于乾不于豫何也空虛不用之地乃嚴冰
苦霜丈夫立足之地而豫則甘雨和風小子狎
遊嬉處者也且玉溫而粟貞義也何以不玉而
石不堅確玉亦偽矣不明辨玉亦穢矣故強而
立亂而敬擾而毅皆石象也朝受功夕計過成
幼不倦則有業人矣其人石矣密靜多內力則
成事人矣其功石矣陰符盜陰陽之機不知陰
陽之正善讀六韜卽情深欲得一語指可概見

無夢園集

章集

本

子房素書豈辟穀一着奇哉如辟穀已也亦寥
廓而獨寂矣夫釣者情深欲得食于餌也乃名
介不名貪伐紂扶漢皆素所確辨者臥龍佐蜀
憚之以威懼之以法大破劉璋積習若草廬之
對流涕表出師猶是指陳利鈍非介石竅要所
在夫介石竅要則惟是進退存亡得喪剛柔微
彰間如與國工對奕毫無輕着錯着而已矣晉
楚之役荀首善謀隨季善辭或設七伏於敖前
或戒舟師以先濟則介石也二憾徃矣以求卿

求公族之弗得則鳴豫也充國上屯田省輪輓
誅零威罕治湟陜道鮮水從枕席過師決破壞
在來春屢詔不易則介石也二將軍窮天子之
精兵散車甲於山野無後咎餘責則冥豫也肥
水預有處置則安石賭墅雍容遼后失其愛倩
則萊公飲博盟質而令公單騎涇陽感之惟誠
威之惟信且與子晞明剖利害豈不顧死生不
問身家者唯竭誠捍國家至固至審身名俱全
則介石也張浚提師八十萬曲端諫而殺之寇

無夢園集

章集

本

至倉卒詐張端旗幟不亦羞乎要其人潛善黨
豈惜一擲哉則肝豫也嗟乎智者知彼知已不
知彼亦必知已今舉世不知已之何兵何將而
言戰守不知已可以兵無兵之兵將無將之將
而言戰守之是非是必天雨金地湧粟涸若耶
之溪爲銅呼韓白之靈提師然後可而世豈有
是事也兵法多方以誤之今多方以自誤誤國
以自全皆曰予智夫氣發于星辰之際拂鐘無
聲應機立斷譬飛兔流星龍驤不能追此最上

應變之才也智象也行能高妙內足與圖身外足以慮化亦智象也聰明者英分多得雄之膽而行膽力者雄分多得英之智而立智之半也若依似間雜徑露而單持曾無矯矢理綸之謀智之反也亡已則愚者乎憂國如飢渴乎則察其平淡而後求其聰明乎故曰未聞奇策固守之臣不奇策何以固守抑亦有狂而操利兵迷而乘良馬者矣日張進存得之狀顯據退喪亡之實以奴呈身以奴起家漢法司隸較尉策其

無夢園集

章集

五

不變者此之奸細不詰而問某傭奚益王羲之與殷浩曰寇亂以來處內外之任者未有深謀遠慮竟無一功可論一事可記更與朝野思布平正夫介石平正之象也繁露有云正人爲一選然則貞固介石其唯正人乎

第三問

廉者法也一日不廉一日不法一念不廉一念不法父子兄弟交遊之間一人不廉一大不法故曰天施之在人者使人有廉耻不生大辱六

計弊羣吏廉而不善不能不敬不正不辨不法非廉也六者全則廉其法矣廉耻實亂賢不肖混淆故守相不實選吏不務平法或擅興徭役節厨傳以取名譽則茂才孝廉歲凡百數適爲樹巢詬之嚙矢耶儒者不屑齒春秋大夫然有相三君妾不帛馬不粟歟有莒僕以賄來必出諸境歟有求玉環必問君大夫歟有宋罕至晉尤其治室歟有孫文子受規終身不聽琴瑟歟有辭邱殷十六邑歟有受下卿之禮歟嗟乎尹

無夢園集

章集

辛

嚴一介之取也先嚴一介之與與人者取人之捷徑自一介之與絕之無不絕矣使與一介取一介不明農不讓後人于丕時而可伐夏救民輔孺子王則伊周弗急急焉且二叔流言不利非斷斷無欲天弗動威而我徂東山皆功利之局碩膚凡几亦因緣之徑矣尹非弗顧弗視又能于桐復辟不感我先王乎俱無耻主最病以不廉故不法卽欲各求索自快豈可哉漢孝元時外戚貲千萬者少故水衡見錢多也楊秉討

日受俸則却故吏之百萬揚震夜行不規則嫌獨對之四知上瑗牆之珠袁傳法矣封袁毅之絲山濤法矣不燃官燭爲留胡床敬祖裴潛法矣他如郭丹董昆丞相弘位漸尊而節縮畝入坐無完簞飯粟被布曰與庀室寧富民亦足多者祭征虜家無私財稱奉公憂國不亦宜乎大則爲伊周武侯小則爲公儀休羊續輩總之不昧一介夫法與廉親與貪仇欲理之主閉利門生竊虞貨賄之出入矣數十年來積于內帑

無憂園集

卷集

三

積于貴倖積于商賈積于仕宦皆積也漢抑末不乘馬不衣帛以困辱之法足矣他所蘊崇皆能召致不祥無積而不化者今

聖天子發帑助邊少府出而臣子之筐篋不出豈惟不出又附贅之借曰捐金不問能破強虜上首功擊牛酒羅英雄使上智之士行間乎乞人之死不索尊索其財乎兵逃餉亦逃兵死餉亦死乎士大夫故汗辱其衣朝府大吏自挈壺食入官和洽所議也在今日猶當北面事之東

虞不任三公而議者直訾婦女之簡押不簡押亦奚不至哉必也人懷秋嚴士蓄霜斷以此明詔海內宜無有不媿振決奮如劍淬其膚及在其頸者也雖然大臣不法則小臣不廉法莫大於用人宋軍州政事皆委文吏究也銓院除人無一往西北者與多用誤用究竟無用孰若精遴武臣而厚其權集其勢今非盡乏之人也不深入霆擊不知爲戰將不矢盡力竭不知爲死將迫戰而甘陳之死而張許之則想魂萬里之外

無憂園集

卷集

三

矣昔之知人也於銓樞今之知人也於祠廟猶謂國有法乎無望破典籤沿例且如漢武四科所稱剛毅多畧遭事不惑明足決斷才任三輔縣令者爲一科亦可做其遺意否昔刑人反信今賞人反惑故曰重壞臣爵祿輕壞臣廉耻驟蟒玉驟公孤服之不衷災叢於福富鄭公曰國家有急義不憚勞奈何以官爵賂之亦是思矣且以宋之弱任子臧於宰相推恩止於祖免則給事光懋疏陳請不錄撫按一切寢閣可法明

旨半沉于部復嚴案不行于科參問途路干江黃僅九百里仰鼻息于部院直千萬重則有隆慶嚴立勘程以施殿最可法西虜借奴挾賞弄邊吏如小兒宜盡精厲氣若高拱議守邊者有勞蹟與擒斬同功襲故常與失機同罪可法文臣以愛錢巧作不愛命之僞舉武臣以愛死巧作不愛官之澹徑士大夫之所匿多于廩養士之所竊憚刻荐而甘白簡天作時作將士不作甚無紀也夫文武大吏之心固人心何患不固

無夢園集 章集

十三

朝廷之法行文武大吏之心何患不固

章皇帝曰唐變府兵之法武夫悍卒得專方面而唐亡宋變賦役之法朝政反覆國是日非而虜入二者不幸類此則有勲戚不典兵與屯鹽積谷不加土田之例而胡不法且夫疆土者國之管衛法度者國之筋脉故壞法宜與損疆同罪借曰誣庸初服宜寬大則怠棄厥侮不台六卿荆楚背叛不勤殷武四夷交侵下民卒瘁不賦車攻六月文武境土可陞墮不復而禹刑湯

刑甫刑竟害有道之長矣不朝賜杖受賂賜金與興廉舉孝考試功能者殊其弊指大於股吐蕃入諸道兵不至以無法也然亦賴有強勁大臣如李德裕輩執持成憲雖蕃鎮坐大而倉卒號召卒降黠戛平澤潞獨有宋上書煩冗宜勅條貫講議詳看遂至不可藥耳確貶嶺嶠純仁懼開端朱熹嘆曰使後世見無禮於君拱手坐視而不敢逐必此一言故大臣以無欲行法小臣以有耻守法吏皆平潔愛民亦破虜之一奇

無夢園集 章集

十四

也

第四問

今天下寇門庭矣乘漏舟駕危濤矣不敢不和亦不忍不和叔向曰是相積惡也則梁丘據之同樂王鮒之從其君而五味之有美疾五音之有滛慝也君子必報德小人必報仇是以不和不和乃和也范文子不欲戰曰今吾司寇之刀鋸日弊而斧鉞不行若文子可謂和矣夫國家有道法則不患有意見而用意所以平意規

不患有議論而盡議論所以息議論故調婦姑之勃谿泛同舟之胡越意見長即意見化矣汲黯斥張湯于李息湯伏罪思黯言秩黯抵息未黯與息私相告語天子緣爲賞陞則議論盡議論盡即議論泯矣前代不和則爭爭則黨正以無道法耳古語有之仁人不黨欲見不黨之君子則欲見不黨之仁人夫孝者所以事君願爲事主之忠臣則願爲事親之孝子周公合萬國之歡心以事其祖而忍于掉臂其親漠然理亂

無夢園集

章集

十五

莫之省憂與仁人孝子共怵然耳李贊皇曰君擇臣士求友以氣志爲先患難爲急能赴急則和以黃金壽絳侯將相交歡卒誅產祿能燕居深念則和無深疵潛孽隱過匿瑕故高下險易皆可就材能見短則和和者天之正也陰陽之年也言之懌矣精色從之能蹈理則和精誠所至貫長虹而不變渡易水而不寒能寵旋崔巍久不崩弛則和賈讓云使積水多得有所休息寬緩而不迫則和孫樵曰爲史官者明不見刑

辟幽不見神怪理明膽決則和自顧愈重其合愈難難合自重則和若然不患其多言而且唯恐其不言且夫道法之舛至今極矣倒懸踰盤春秋不議復仇沁水山陽野王不聞執諍伏燒屋之下而自益燎原之薪坐漏舟之中而自決東海之水此一無道法也會議勘報角雖黃於舌爭治比婚姻課職業於肴酒驚駘繫騏驥之足鸞鳳雜蜩蟬之音此一無道法也平居恣出入而臨敵動色於鎗鏃士卒呼庚癸而寇至擲

無夢園集

章集

十六

糧於倉窖無事不爲地擇官有事爲官易地此一無道法也五日立限註銷載在會典乃至軍國待命於重違之文移蒞任踰年叅處特爲時平乃至危疆蹂躪於大吏之偃仰敗則倖逃其死濟猶覲分其功此一無道法也遼左僅傳璽裘之塘報寄心腹於虎狼蜀徼并無真卿之蠟丸嘆差池於羽鴈沿邊旣苦牧臣之少專閫又苦文吏之多防邊之兵防海之兵總是塵飯之兵京城之築山海之築盡歸道傍之築此一無

道法也從古無此賈人牧豎車載斗量之隘吏盡以奴虜而得官國家非有康成文景貞觀元祐之積儲何堪假名以攫帑募兵畫錦幾送如繡之江山盈素夜光半擲逢迎之海若此一無道法也右屯有糧而不發蜀帑可解而無人未斬郅支之頸而陳湯幾困于刀筆故遲函谷之救而包胥空泣於秦庭岩關呼不應之波臣將吏以逃海恣漁海登萊聚不用之兵卒地方以饑民滋亂民陰求才智夾袋果納何人口畫戰

無夢園集 章集

七

書麟臺若爲虛席此一無道法也加派彌益而年例之欠愈多服官惟清而胥吏之蠹日長以風馬牛之地揮左右手之鞭誰爲轉餉關中徒說屯成五丈此一無道法也刑重內畏內畏外堅而囹圄半積乎金紫爲上惟周爲下惟定而奉行首蔑乎絲綸捍石勒而折王敦誰擊豫州中流之楫走契丹而平元昊不同韓范歐富之舟輕兩部十萬生靈聽鼎澧五州園因殺尸三非而戰骨未封司隸日加而帳下不悅衣黃衣

白孰成銅柱之勲亦囊帛囊誰上金城之積障士買破屋以求卹戰將索重賄以遷官昔希烈屠於仙奇師道戮於劉悟今也金踰萬爵通侯而不購一用間之士劍屢賜寵游頒而不動一報禮之忱此又無一道法也最可訝者懦夫辦一逃貞士亦辦一死死何容易張中丞以三百餘戰保捍江淮與子奇相持雍丘睢陽當其有死之心卽是有生之氣若平居奉職循理而不得則臨事致命遂志而亦不得何不慮之甚也

無夢園集 章集

五

此又一無道法也無道法安得不以真意見真議論砥之則是臺諫之言惟恐其少而一切徑於言者可禁割勿上也士大夫惟恐不作而行之而一切因事射利直繩以三尺無潤視聽也總之以知人爲先務尤以朝夕計過爲先務言者不必以一事之偶誤自執其成應聽者不必以一言之偶舛遂概其生平故曰朝過夕改君子與之是謂禮義積而和親天地之美起抑何黨同伐異之憂哉

第五問

今天下急宜罷者召募也加派也伐胡不過百
日錯猶以多發遠縣殘費已先多亡逃自賊殺
今置隸屬文武贊京朝官爵廢弁甚者帑金四
出買郡國之逃兵歲糜千萬不待覆軍殺將無
具甚矣正統戶書金廉條上募兵北直屯大名
南直屯淮安山東屯臨清河南屯歸德陝西屯
長安一備京師一備藩省未有不遠數千里車
不休傳折輟路窘乃望人懷怒心流汗相屬者

無夢園集

卷集

三

也不待殺人于路空國挈逃亡具甚矣向也漢
往者號泣而送之強提荷敵衣至今扶賞盜劫
中道亡歲三募卽其家不貧誰爲徒跣科頭貫
願奮擊用多不如精用遠不如近增新不如汰
舊在在募兵不若在在練兵願籌之司兵者
國家屢肆赦小民不見德不論額輕重地豐歉
繩以加派廣寧之潰軍潰民亦潰西川之叛吏
叛民亦叛上不罷下將自罷張敞曰但令罪人
出財賊辜賢於繁擾良民借使天下大亂下尺

一詔聲淚俱發解仇謝過似今已之猶市惠乎
無望取食於敵而官山海相水泉爲室屋具田
器銅無下布鑄無隱屏如宋出內府眞珠估錢
則十庫改折宜索盡罷豈遽出入粟拜官戍重
泉移甲兵者下已已用兵悉通融鹽法黔之役
滇蜀井鹽調往中納次則減官祿革冗費裁輸
粟冠帶例未嘗議加賦且

無夢園集

卷集

三

祖宗朝州縣有餘積既汰革民無所餘益以加
派國有卒然之急勢必請帑故加派一日不罷
卽請帑亦一日不罷願質之司餉者有不可不
備者薊門之虜宣大之虜三秦之虜蓋也先之
寇急在宣大而備在遼東則奴急在遼東而備
在薊宣大况順義帳下之飲套中二千之行吉
火賓妻青海卜邵所在見告彼時遼東有一王
翺大同有一郭登今何人也韓襄毅起于浙臬
王新建預置贛州今事事倉卒乃求可若何也
有處不得不用之勢實無可用之着則榆關外
之西虜漢擊車師危須尉犁樓蘭六國子弟在

京師者皆先歸發畜食迎漢軍王各自將元成
間匈奴得絕世之嬌媛願保塞侯應議罷邊備
非是今都門重城薊門隘口三屯要害京東州
縣桃林喜峯古北諸口有雄柵否谿谷水門能
平治否奴圍塔山距寧遠甚咫保不因糧于二
十里之覺華島否永平能外障否前屯中前能
綴屬否不築中前能守山海否南則海口不飛
渡非則一片石不直衝否宜修敵臺橋梁之跡
否空國流民另設巡撫如撫荆襄否課之屯能

無夢園集

章集

三

予冬夏衣廩否選常居者以屯爲戰否庚戌三
衛何以嚮導茲西虜何以助奴二萬近如朵顏
強如宣鎮哈慎能握其情形否所給備善否總
餉駐地道里不阨絕否登萊不能應鎮江能應
山海否孤懸一軍於朝鮮不爲北關之續否鎮
江之捷朝鮮至今都護宜降獎諭否能聯麗兵
使覺華右屯三岔旅順四衛漸呼指臂以窺遼
陽奇兵徑趨嶽山老寨否又得無如招礦參代
魚皮盡畫餅否使奴分力於海我可盡力於關

一軍烏龍江一軍九連城一軍海蓋套三面受
敵關之銳師南出高平堡北出舊遼陽與海上
三師合庶可議恢復否登州至鴨綠江六千里
各島可屯聚否史稱敢勇深入歸去病石亨云
漢唐皆設軍謀宏遠智識絕倫等科今求一免
冠徒跣藉賴請罪之將不可得又求一矢盡道
窮救兵不至之卒亦不可得有爲靖遠之蔣實
威寧之朱永忠肅之孫鏗姚洪否有亦不識識
亦不用執牧盜鑄于郭震召落隼於余玠汾陽

無夢園集

章集

三

俘囚武襄點面能一張其氣酸否歲歲言屯田
能如棗祗之許下杜預之襄陽韓重華之振武
否京東水利有趙信臣召過其人否鑄錢如劉
巴否造舟車若劉晏大度不敗於寒儉否錦衣
之藥文武宜並用否死事有一算之復否安南
神機槍法師翺置活脫機銃箭彈互發銃首三
刀上斬人下斬馬郭登石榨偏廂車威繼光俞
大猷輩皆踵而起者能以長擊短否募兵宜聚
京師不諱否能滅駢拇之文臣否能平京通之

糧無餘厚薄否女直十五連坐張翼虎陣能破
其法否畿外四隅宜各立小城以遏虜掠以頓
募兵否增薊兵否盡修嘉靖庚戌外羅城否于
忠肅力排主遷邪議必置兵樞王驥於南京惟
實南而後可以守非當其時大敵在門楚黔告
警遽選銳師出能臣分道薙滅不踰時日蓋惟
四征苗夷而後可以一清胡虜此不熟偵第因
用虜用虜則以貞觀之強也頡利授首燬墨華
而蠻夷帶刀宿衛所資直太原馬二千匹卒興

無夢園集

事集

三

兵禁庭香積之捷驟掠長安陝州責雍王不舞
蹈可爲殷鑒今惟一意自強使西虜畏我不敢
與奴合耳奢酋實乘播孽水西足扼其吭懸重
購購之仍限督臣時日速勦雖母捏子兵必有
族屬可坐支解奢賊之具也忠肅令石亨等守
劇地每營二萬截殺於土城外者半而自與范
廣提精兵督戰嘉靖庚戌勤王之師皆至城下
上御奉天門立逮立斬今合此有奇策乎急汰
營軍老弱以補召募上下其實因實爲練吾未

見十萬之營軍不賢于四方之募卒也

無夢園集

章集

三

薦舉策

唐虞用人自師錫有鯀一舉而元愷岳牧皆以其世姬之子孫爲顯諸侯說者曰用人之方未盡化也湯乃索尹莘野之中厥後築巖惟肖再徵傳說故曰立賢無方無方而後盡豪傑之用非執中何以有此執中堯舜以來相傳之意也知人以官人官人以安民洵帝者能事或曰二帝之世各精一職不耻其不能非也彼鍾開物成務之智奚所不兼臯陶司刑而論道邁種德

無夢園集

章集

三

而德乃降益掌虞山濬受法焉而陳無怠無荒之訓然當時日薦人以自代帝皆不從帝薦人于天而天從之益諸臣無所不能而知人之分量實遜于帝猶曰惟帝其難之難之者帝之能也聖人之取人也尚德故卜曰功臣使民興賢即使民興能錄德而不錄無功之德貴賢而不貴無能之賢故足術也漢高以富貴尊顯人所得富貴士急而求人不吝爵四人慰趙子弟如雲如雨安在哉知足知止遂壯二疏行色兩恬

士耳元成之季低徊田宅貪進不休譽莽稱臣廉節蕩然二疏之識遠矣恭惟

高皇帝敦禮崇儒尊經重道將下鎮江諭徐達訪秦從龍親至龍江迎之從龍盡言無隱下檄發唐仲實姚璉等以儒士定大計及開設郡學則延儒士葉儀宋濂爲五經師甫下浙東劉基宋濂章溢葉琛以胡大海薦創禮賢館於建康稱四先王李文忠之守金華也諸儒王禕許元黃天錫亟與登進夫大海文忠赴赴武臣耳

無夢園集

章集

三

益求賢真實心誠信于其下也此儒士辟召之始也于是立文武科取士法應文舉者察言行以爲本中式後有十日試騎射書策律之令欲得賢人君子而用之此科試之始也當是時彌天羅士猶命學士詹同等十人十道訪求而桂彥良召入侍大本堂訪道曰道在正心諮政曰用德則逸用法則勞

上曰卿帝者師也江南大儒惟卿一人旣而暫停科舉令有司先德行各舉所知必繇正官會

同者宿違者罪法嚴而詳矣慎選老成七十以下郡縣禮送京師此之呂尚蹇叔次者伏生傳經以齒高下其官晉翰林六部及藩臬有差此明經歲貢之始也北方喪亂之餘欲求方聞之士選太學諸生中年長學優者俾往分教蓋教職之重如此此國學嚮用之始也吏部舉明經鄭韜等三千七百餘人而濟寧儒士張寧之徵幣又賁于路矣秀才張宗濬等俾隨春坊入直侍講進說民間利害古今孝弟忠信文學材藝

無夢園集

章集

卷

諸典故以爲常不予破資格中寓敷奏明試之意乎天下學官入覲者詢民間政事多應對不稱旨獨門克新王俊華擢左右贊善諭曰朕所以左克新而右俊華重直言也此教官拔擢之始也夫既不愛高爵厚祿而大儒如陳遇卒聽辭官燕見稱先生者遇與彥良之外無多觀者儒鮑恂等四人七十餘矣悉官大學士固辭放還從古安車蒲輪之聘就官甚少有帶帛以來之未始繫白駒而維係之使人名利之心

皆盡以風示有位庶奔競皆絕耳

文皇帝乃求臯夔顏曾之徒誠得一人可勝重百濫舉與蔽賢並罰亡何洪熙間有以賄賂聞者始嚴保舉連坐法宣德間初設巡撫一時藩臬知府知州咸得其人而文學才行之士所在有司及藩臬連名署上吏部審驗奏聞量授責銓臣綦重矣京官三品以上得舉方面郡守出招隱倚蘭之詩踰年不舉一人於是楊士奇楊榮始舉黎括等召至榻前諭吏部怠忽降勅

無夢園集

章集

卷

責之猶懼後世無高宗思道之心致以夢得鄧通識用王梁爲戒真萬世用人之鑑也吏胥嘗登進爲名卿矣今自輦轂逮郡國刑名錢穀兵馬盡竊于其手不啻虎狼數十萬殺之不能忍顯庸之乎夫設科取士懲漢唐宋之詞章又懲勝國權豪勢要招納奔競貪緣竊祿志士肥遯故特重科舉以起之又必試之廷考究學識行之數百年忠孝廉節輩出迺風氣勝而舉趾高抑奔競宜自甲榜始宜自登第授官之日始

如赤縣之長也鄉人或推之治地或援之從士大夫乞官途徑漸熟缺未出而先爭官甫陞而營陟苦其躬如奔車以官酬官一中陰陽之患則以命酬之選法貿亂吏不取民之所愛任不酌地之所宜甲科之貴於人如故也而貴已者無幾矣一榜起而誦之口是叢狐兇之窟也仍效甲之所爲明經起而誦之口是玷賢能之書也仍效乙之所爲山林隱逸古不賓之士也亦耽耽焉日夜思售其賈鼎傲三途以冥鴻之捷

無夢園集 章集

卷五

徑而於是弊也極矣或借徑于猾胥或乞靈于竿牘或敗賣于錢神或賈譽于牧豎甚有白璧反蒙薦之類循吏亦苦薦之多卽限一疏薦一人而仍濫也崔祐甫悉除親故或謂在祐甫則可愚謂在祐甫亦不可親故知疎遠不知所知親故而已奚官人之有其弊也卜人才于一覲動寒灰于一牘皆親與故啓之也程顥悔薦人又或曰願侍郎百受人欺無使好賢之心稍替竊謂不然斯言也爲大臣養量可矣誤國其誰

恐之夫轄屬旣繁舉劾歲報往往以乙榜明經充數者勢也故薦舉煩而三途並行之法中格者亦勢也郡邑非薦不最聞儒臣非薦不民牧武臣久不薦者斥率天下之人皆智盡能索以奔命于一薦安得不舍職業而營之皂囊日上如山如河之聲日噪于耳卒不言治狀若何非不言也責成者錢穀卽簿書期會有所不暇况躬行教化間課農桑得無有曹起而非之者乎漢刺史以六條察二千石然自朱邑尹翁歸韓

無夢園集 章集

四

延壽召信臣義縱朱博尹賞黃霸龔遂輩外墮書弗及則薦人之途自隘或捕盜賊或斷獄減或興修水利皆有各迹殊功異行歲從尚書省諸司上于考功考功法以能撫養役使爲功非侈爲卓異者比宋以戶口減增升降州縣官壹意愛養百姓非箠楚入度支箠楚之餘入私索比然且請托之風浸淫不免况弊焉者乎且言官力能薦舉人者也洪武間給事中有薦士堪牧民者曰才高年少勇于敢爲

高皇帝曰才高者多過中勇敢者少循理遠使牧民未見其可豈薦舉重事卽言官有宜慎重者耶卽一令猶須歷練耶正統間歷城民張延齡等言知縣缺丞熊觀廉謹寬平宜補

英廟曰有司賢否觀民心向背可知民于令之去不加之意而于丞拳拳保留如此人心好惡之真可以驗矣其從之噫一時風俗敦厚樸誠之言足采也今濫觴極矣又盡可念聽哉夫薦舉獨無一式乎不唯不敢亦不欲豈無道乎

無夢園集 章集

聖二

宣廟曰朝廷擇守令固爲急務而御史按察司官尤宜擇人御史按察司官得人則守令賢否有不待考績而後黜與陟者矣大哉言乎萬曆初大學士張居正疏稱人之才不必試之以事任之以事不必更考其成及至債事之時又未必明正其罪其才雖可用也或以卑微而輕忽之其才本無取也或以名高而尊禮之或一事之善而終身借之爲資或一動之差而衆口訾之爲病官不久任事不責成更調太繁遷轉太

驟資格太拘毀譽失實務爲聲譽建白條陳覈其職業反屬茫然

神廟允行之此課守令御史監司之式也嘉靖時會薦邊才御史羅廷唯以爲言其疏曰鑽刺方行此舉適有以投其機罪過已深此舉反有以藉其口遷延日久此舉復有以招其來才如司馬遷保李陵知兵矣居延一敗而遷受腐刑忠如諸葛亮舉馬謖知兵矣街亭一敗而亮落相職以庸才試危事所傷益多

無夢園集 章集

四十二

世廟嘉納之切責諸臣舉薦泛濫吏部題覆依違之罪所舉竟不果用此舉邊才之式也都御史王彰等奏舉前應天府尹于潛等

仁廟曰卿大臣所舉必當昔孫抃言吾輔政無功惟薦一二臺臣無愧卿等必能知此隆慶時都給事光懋言近來陳乞紛然非述講讀則叙軍功非明功伐則辨心迹請自後陳乞不錄撫按者一切寢閣如再三瀆奏及背理違法者量懲一二以儆其餘

穆皇帝是之此舉廢陳情責撫按之式也

宣廟諭楊溥曰近代有罪舉主之法大抵全才者少明此者或不明于彼善始者或不善于終而一言薦之豈能保其終身故亦難乎舉之者矣欲得賢才當厚教養之法教養有道人人才自出若但責效于薦舉考課之間益求什一于千百也漢董仲舒言素不養士而欲求賢譬猶不琢玉而求文采此責舉主厚教養之式也 朝廷超擢乙榜惟其功惟其能明告中外豈宜異

無夢園集

辛集

四十三

視意者擇明經德行一二人如萬曆間大宗伯袁洪愈舉孝子王敬臣授以博士乎意者擇孝廉學識過人粹然本諸六經如近年舉瞿九思鄧元錫輩乎薦舉既不可罷廢而思以通其變則莫若責成撫按以農田水政義倉興除爲最以無滯獄無冤失職而催科有法爲最舉不實者科道白簡從事攷其虛實爲撫按殿最如大學士高拱奏兵乃專門之學宜豫養以待用法當自兵部司屬始特高其選不復他遷專備邊

方兵備之缺添設侍郎二員專備邊方巡閱總督之缺此法行而邊才自至矣又如張居正躋各衙門慎選佐貳以次代其長官不必更相調補巡撫稱職就彼加秩不遷他省兩司官亦以本司陞轉不必互遷數易此法一行人有專職而又內外相兼無以清華賤繁劇大小有等無以下位覬覬覬各安于三載六載之黜陟矣雖然課吏之法非養士之本也 國初臺諫藩臬率授太學生之成材者自制科既重而舉貢所

無夢園集

辛集

四十四

稱監生卽銓入高等不過授以省府幕僚郡佐州正耳至于今太學幾無士矣北雍尤甚不積分無以取士苟無士又安所用其積分如南祭酒章懋疏其言曰新例博士助教等官得選補風憲宜慎擇人而人才寥落亟行選貢之法令提學精選合學經明行修年富力強累試優等者以充貢約其名額分送兩監嗣後問一行之然後行坐堂積分之法此京師教養之本也倣宋儒胡瑗教蘇湖立經義時務二齋以其法頒

天下此郡國學教養之本也雖然猶治法也如求治人請就 明問所引四臣爲鵠可乎黃福治交趾十八年勞輯訓飭以遷謫至者躬視疾病拔賢者與共事惠流遐裔故其去留遂闢叛服疆吏如福者可法也楊士奇奏減派賦粟四十萬以蘇民力累疏止方面牧馬孳生以全士體奏令在京官軍撥三萬就八郡近地下屯以裕儲積請遣侍郎何文淵等督修省直備荒之政以實倉廩士奇相最久功業炳著而因事納

無夢園集

章集

卷三

忠如繩愆糾繆之章一賜奏凡五上而愚尤有感于御史舒仲成之事初 仁廟監國時仲成忤旨補外因事逮治士奇疏言追理仲成卽詔書不信漢景帝爲太子詔衛綰不赴卽位進綰前史遷之得罷治仲成而降勅獎諭士奇曰覽卿所奏導朕以仁助朕以德欲朕爲唐虞之君愛惜俊良共成王化此實金石之言誠爲忠良股肱之臣也特賜精粟彩幣以旌臣直輔臣如士奇可法也胡儼之官司

成也永樂四年

文皇帝視太學胡儼講尙書堯典司業張智講易泰卦視學之碑

上親制其文焉師範如儼可法也况鍾奉 璽書馳驛守蘇州悉召府胥斃其尤六人黜屬官貪暴六人庸懦十餘人減荒額百餘萬以百戰武功震叠之後海內數十年休養生息盡久任巡撫責成郡守力超遷久任與破資格均善守郡如鍾可法也光祿寺卿蔚能起家與鍾等而

無夢園集

章集

卷六

盡心職事每宴會必求豐潔在光祿三十年未嘗持一嚮還家嘗率其僚請查供應器皿有旨逮問謂其僚友曰能老矣請任之旣而獨受責降調官南京退無後言抑何謙厚誠篤君子哉卿或如能可法也得若人而三途皆光何畏乎薦舉

聖天子在上奮庸熙載咨爾有位豈出四臣下哉

天啓壬戌會試恭謁

慶二陵記

臣仁錫萬曆丁酉所取士也年十九初謁主試訓讀書是以彈於讀先臣允堅登乙未進士令浙江諸暨調繁崇德隨任六載事無鉅細悉令肄習是以彈於吏臣父勤其官卒又十四年祀名宦耐煩經史思學易年三十五從師焉是以彈於易已未歸厭苦作文字庚申 神廟賓天臣痛養數十年哭於郡八月十四日晝一月糧往西湖越明日聞 光廟崩哭於湖卽日歸

無夢園集 卷集

臣詩云小臣一滴西湖淚灑盡先陵未肯乾又云何必寢園皆種竹六橋風雨泣成斑臣茶苦自知耳臣始欲出明年游天台鴈蕩一百日歸憇台州府驚聞渾河之役張帥督東浙兵力戰死三江閘人臣馳疾騎四百里叩其家母老子幼想魂萬里臣所至謝剝蓋特爲二將啓卹亡何明詔優之恨不能身列戎行愈欲出臣之出也適已未詞林姜前輩坐臣齋強借計遂擬應試試竣謁 二陵則杜戶自付三年來甚踈筆

硯拈一題想之不得而前輩復遺書敦速其書言臣有心漢子宜置金華殿中行矣再以高華員美贈臣感其意復勉爲制舉之文乃竣試於壬戌虜孔熾士卒乘城大風揚沙臣不顧望昌平道中逕行謁拜是爲二月十有八日

無夢園集 卷集

神廟寶訓進呈恭紀

恭惟

神宗顯皇帝以聖神文武君臨萬邦者四十八載禮樂備而聲教彰府事治而詠歌作益在初服以法

祖親賢勵學勤政爲治本屢見于 齋居屬對

及牙牌所書十二事具括經世之要又因誦

大寶箴謂人當以虛心處事迨久而表春秋尚其斷也釋衍義務其大也赤虹紫電弘開震風

無夢園集 驚集

三

之祥玉簡金繩式增太乙之筴風行四海粟支九年璧馬未荐而安瀾山川懷柔以震疊當其時嚴 大閱堤歸仁 賜田租 罷織造 絕加派 賑荒飢誅貪吏太倉之粟陳陳而營伍指嚴旣馬充斥西自嘉峪東至山海崇墉密維行萬里不持寸兵大都定算于 廟堂而決幾于 神智遠左不戒蠹爾王杲縛獻 闕下及奴黥累請款關質子嘗試焚聽力持弗許厥後翩出而星辰皆動飲至而

宗廟式寧或成靈武之功或底玄菟之績禹甸載闢于西川漢印終歸于南詔嗟乎一張一弛文武之道立國之根本在德澤而每與一朝之法度相御而行

神廟踐祚冲齡懲恙積玩德澤非靳也然每載于法而使人凜旣而令行政舉吏習民安嘉與天下游蕩平之路法度非軼也然每渾于德而令人忘明徵定保盛德大業至矣哉詩云儀式刑文王之典日靖四方是紹聞之極思也史臣

無夢園集 驚集

四

仁錫奉

命較閱

寶訓稽首敬述

執中用中說

自執中之訓發於堯而舜益以危微精一三言
子曰用其中於民故作中庸迺堯舜以來相傳
之意云上天降衷於民有恒性無非中無非民
也聞六律五聲八音在治忽以出納五言中之
在民猶真氣之萌黃宮無稽弗詢凜凜聖讒蓋
無以淫聲奸律殺亂正始哉察邇言其猶察聲
律也堯嘗以是察舜矣詢事考言察之以言事
釐降矯汙察之以二女故黜陟幽明分北三苗

無夢園集

驚集

三五

問察之極也豈直黃帝之問牧童伊尹策土功
于偃耆眇者以爲下其耳熙其蹟哉執中如執
衡非持於衡之所不設用中如用權非運於權
之所不在權衡必於喜怒哀樂未發之中矣未
發之中天下大本達道民之中也說者曰堯不
誅四凶非也胤子朱歸訟放齊不知堯知之靜
言庸違象恭滔天驩兜比奸堯知之方命圯族
羣臣不知堯知之有鯀在下廷舉之堯先聞之
且試之夫啓明之朱不可以右則決舍之而不

疑側陋之士稽於衆則舍己之子以從人而不
易其一瞬此大權衡之所在堯謹持之用其中
于四岳用之於民也用其中於獨斷亦用之於
民也若共工鯀特在試事考功之列使其罪狀
早著堯自誅之不待舜矣四罪而天下服舜之
極放也卽堯之極放無他舜所執者堯之中所
用者堯之中堯舜所執而用者民之中也夫中
立於過不及之上而莫之偶超於善惡之先而
形氣莫能蔽蓋利欲之蔽可解形氣之蔽不可

無夢園集

驚集

六

解是以不危人欲而危人心娶塗山辛壬癸甲
呱呱弗子非人心最迫切者哉而九載績用八
年荒度仁孝之痛昏墊之瘵道心莫微於此擇
於君臣子父之際何其芒忽不精胡一不擇胡
執雖謂危微精一未嘗加一語於執中也可當
其挈大寶以叮嚀一曰天之曆數在爾躬一曰
四海困窮天祿永終舜命禹無易辭則是中也
者天之曆數堯於斯四海之命脈係於斯帝躬
之喜怒哀樂衷於斯夫中而渺乎忽乎如雲將

之問鴻蒙則已若其曆數命之威儀動作以定之四海旁禰之而上有不虐無告不廢困窮聖神文武之君提誨之執玉捧盈不敢不執牖民孔易又甚易執隨執隨用要以皇躬不愆四海其又而止蓋嘗潤木石居之偕鹿豕遊之決江河納之不必挽不中以歸中而執中微矣用中而執亦化矣惟執中不與以已故能用其中於民非民也乃天也堯欽若昊天曆象日月星辰敬授人時舜在璿璣玉衡以齊七政事天明事

無夢園集

驚集

七

地察此執中用中之大原也今不悟曆數之在天威儀動作之在躬困窮之在四海而第曰允執厥中又不悟舜之命禹詔儉勤邦家者何心不自滿假者何心敬修可願者何心禹之創慢遊傲虐朋滯於家而荒度土功者何心第曰危微精一何以領其相傳之意哉故曰君子中庸庸用也用費也費而隱不可不察歸之大智其不執一而執兩也試思命龍望護命夔典樂命契敷教命棄播谷命皋陶作士何以宸斷也

哉疇若予工若予上下草木鳥獸何以諮衆也乎哉能典朕三禮能奮庸熙帝載何以咨四岳而養民則咨十二牧乎哉宇宙明晦止此是非是非止此兩端舍兩端無中可執亦無中可用是其所是非其所非賞一人千萬人喜罰一人千萬人懼千萬人之是非不混以一人之是非而一人之是非遂能定千萬人之是非用天地日月鬼神吉凶之奧是謂用其中於民舜曰隱惡揚善易曰遏惡揚善順天休命止至善則惡

無夢園集

驚集

八

自消非有善無惡非見善不見惡而有以隱之過之是執中之大力也然後可以承天曆數常精常一執中則乾用中則時乘六龍以御天天且弗違豈僅能用人而已哉舜一聞執中而咨二十有二人惟時亮天功禹一聞執中而苗頑弗卽工一乃心力誕敷文德誠用之也無一息不用斯無一息不執而要以欽明爲本蓋堯惟知人能官人安民而後四海有所恃曆數有所歸不知人則民不安知人不官人則民亦不安

故曰能哲而惠何憂驩何遷有苗何畏巧言
令色孔壬審若是其執中不啻執玉捧盈而凜
若蹈虎尾涉春冰也哉則用中之極軌欽明之
心法也

大器猶規矩準繩論

夫大人者先天天弗違所以範圍天地之化而
不過後天奉天時所以率繇禮義之極而不愆
天地亦器也然而謂之大器則以天地不自大
其象形而俯焉受範圍於神易夫天地且範圍
於神易而豪傑不受範圍於禮義是天之棄物
也何謂器夫神無方易無體何不以有方體者
範圍之而以無方體此後世拘執之學與權變
之學俱廢而大器獨尊乾之剛健中正純粹精
也入一權而雜矣坤之直方人不習無不利也
入一員而欹矣不失其正獨稱聖人正大而天
地之情見正者理無不端大者氣無不之則靜
正而不禦也所以爲規矩繩者也是以一介之
精密纖微之忖度豪傑憤焉天地寶焉聖賢爭
焉非爭於咫尺之能守而爭於咫尺之能動非
爭於咫尺之守處能動而爭於咫尺之動處能
守兩儀既分南乎不可北若夫意南而南意北
而北失之遠矣雖然後天八卦何以盡舉先天

而翻之將雷風山澤水火自翻天地乎抑文王
翻天地之局乎夫六子不能翻也文王不能翻
也天地之局固自翻也夫天地翻天地之局而
不知聖賢翻聖賢之局而不知乃奸雄一翻聖
賢天地之局世以大驚彼有常儀的此無常儀
的雷風恒君子以立不易方恒不於水火山澤
見而於雷風見是規矩準常立於雷風者也
太極也何以不曰天地有太極聖人有太極而
曰易有太極天地聖人不欲標太極之名而悉

無夢園集 驚集

二

聽之易小心之至也神易也天地之小心即天
地之大器凡人不患托乎變化患其不能變化
變化者天地之體也天地以變化爲體方員平
直以不可勝用爲體用其用而體不動用其不
可勝用而體無窮不失管子一用之而動再用
三用竭矣器之小也孰有小於一用而竭者哉
彼亦欲治人也方之不能方員之不能員枉不
就直側不就平猶夫鼓之不雷噓之不風者耳
然則管子之令行於齊也何居規矩準繩蓋常

一用之內政矣其才非不大其收時非不急其
招携懷遠未嘗不嚴整然以有過之軀事多寵
之主瑕慝實見於桓公之身夫以誠意正心責
桓不猶塵之飯乎哉孟子豈不知齊宣何如主
而必窮搜其好貨好色之根引之至道寧所以
爲方員乎直者在人主有不驗而所持之規矩
準繩不可失也有所不用而不可勝用之用自
在守在咫尺動在咫尺動而守亦在咫尺故能
奉天時然後天弗違不曰奉天體曰奉天時者

無夢園集 驚集

三

師天地之象形則不足師天地之精神則有餘
精神者即其範圍天地無方無體之極故規矩
準繩天地與聖人之大器也大器非特探賸索
隱鈎深致遠而已必立成器爲天下利故在一
身爲規矩準繩器之小患驕吝費則去吝之病
隱則去驕之病唯儉與禮可以守之管子能費
不能隱故不疵其不費而疵其不善費彼所守
者太公之舊法也然太公亦有過焉况師其意
者而失之歟器不一至於調停而最陋夫乾一

之斯一夫坤二之斯二倘二之而不能二則一
之而非其一是以嫌疑之義發於坤上謂二三
之岐千百之轍皆從二起也噫去已而禮去情
而法去兩可而一是去俗例而舊章可矣斯神
易在手矣

無夢園集 驚集

三

詩 謁陵

壬戌二月試竣以儒冠謁

陵

碧城十二倚芙蓉絕漠遙開捍虜功北極紫微
瞻儼在西清黃縑夢難通香沉宿雨楸梧冷翠
捲朝烟澗壑雄報祀獨知

今上切蒼然秋色滿關中

其二

龍宮直與北辰連紫翠中藏不夜天四塞河山

無夢園集 驚集

七

凌朔漠二儀風雨積幽燕雄關勢屹宣威遠寢
樹聲閒約夢還獨倚深林渺然意忍看秋草茂
陵烟

其三

萬仞蒼崖鎮百蠻龍藏劍璽扼天關仗移幕殿
香猶在人去春林鳥亦閒玉帛星馳歸禹貢衣
冠嶽立侍仙班漢家原廟松楸古樹樹清風響
珮環

其四

疊巘層巖護碧叢九天香霧日濛濛明樓雪影
晴初散御沼冰花暖欲融風勒未追黃澤馬月
鈞猶掛鼎湖弓孫謀喜奏昇平頌萬國咸歸孝
治中

其五

寂寂玄宮積翠圍路盤鐵壁倚崔嵬雲移鶴夢
歸瑤島地湧龍光燭上台朔氣下清胡遠遁靈
風時動仗初回丕承丕顯光謨烈直挽滄溟薦
壽杯

無夢園集

驚集

圭

恭謁

長陵 景陵 獻陵 三陵當氣門之中

樓觀中天矗疊巘蒼雲宿長陵當至尊兩廟拱

深麓哈岬巖虎蹲陸離劍龍伏永言仁孝思風

露三峯木

恭謁

裕 茂 泰 康四陵 四陵翼長陵之西九龍
池環其前松園迤其左

落落園松風清清九龍水陵宮鬱嵯峨迤邐西

山紫庭燎昭四代圭瓚仍千紀用缶章甫冠從

容問樽簋

恭謁

永陵 長陵之東天壽山相近悼陵合塋于此

玉璫琉璃闕靈宮日月間松深聽猿嘯峯高見

鶴還 皇澤弓劍合 朝儀聞珮環蒸嘗新命

善天壽卽呼山

天壽山

世宗新建圓亭留額

翠輦經遊處留題 御墨香嶽容尊祖宅靈脉

無夢園集

驚集

六

接孫芳新閣飛辰迥長松宿雨涼登臨占王氣

雄峙聳金湯

恭謁

定陵

煌煌新寢殿恍與 聖明面袞龍香未消簾簾

稷初薦孤臣淚色鮮原草千行茜爲頌闕宮詩

罔極 三朝眷

恭謁

慶陵

神龍不可招重光忽如電 聖人方照臨求賢
廣封禪崦嵫夕以陰珠丘詎忍奠愁揚結哀雲
珠淚集維霰

恭讀

世廟冊諭

議禮崇先祀 皇綸玉屑霏宣威清塞角蠲賦
恤民依百代 恩猶渥二儀章並輝儒臣追
聖眷燈火照寒帷

昌平古意

無夢園集

驚集

二

驅車幽燕道平原覆荒草雄圖燼已颺王氣雲
全灝十山箕尾間長劍星斗皓雉堞麗淵嶽行
行行遠抱

狄梁公祠

伏鑕匪唐祚牝晨不敢鳴磻磻震塊軋潛涕定
台衡蘚碣霜還栗虞淵日自明千秋餘正氣豈
獨祀幽并

劉諫議祠

布衣修諫草直節並梁公憂國心昭日鋤磨筆

有風鱗嬰劉向逆詞抗比干忠草野瞻山之昌
平一故宮

無夢園集

驚集

六

附

謁

陵紀聞

昌平道中

賊在牆外一面嚴行收斂一面徵調各兵或積薪或鈞杆使之一無所試賊若潰牆一面號召諸將一面牽其進止或劫營或擊情邊堡固當加謹而境內州縣尤當預伐其謀邊兵固當練而各處民兵尤宜及時教習

無夢園集

驚集

尤

不獨秋防而冬防猶不可忽不獨晝防而夜防

尤爲弊繁

隆慶勅旨

祖宗雖並設九邊而于宣大遼東尤重故東置山海關以限遼東北置居庸關以限宣府西置紫荆倒馬關以限大同故問刑條例一居庸山海守關隘口引送口外邊衛逃軍過關并守把盤詰之人賣放者俱問發邊衛充軍又凡問發直隸延慶保安二州爲民人犯但有在逃俱行提問罪改發

古之屯田者軍也無事則耕有事則戰故屯不常恃今之屯田者餘丁也餘丁則管屯田軍人則管戰守故屯可常恃夫屯可常恃而邊餉稱不足者何也屯額原少也

各邊該發年例銀兩必俟邊書奏請方爲題給又拘于取盈糧至數百石草至數千百束方許告報以致奸商價騰若米自十石以上草自百束以上俱准告報此正與預開鹽引之議同各邊馬匹原無關文草束事例自嘉靖三十四

無夢園集

驚集

年議十一月至四月每月馬暫給草十束五月六月給貼料銀三錢年豐罷給查邊儲文簿獨有甘肅一鎮載秋青谷草秋青草歲積至六百六十八萬五千九百一十八束而糧料則八十萬七千以上因巡撫楊博經理積累所致初不盡出于歲運而部額緣以獨省他鎮不能可見興利在人

遼東有納草贖罪例大同可倣行

設拒馬以制衝突虜勢險而節短五步之內長

兵技竭後短兵不備被衝卽窘拒馬者搗壘以行而兼車之用

利莫利于弩自神機之技出猛烈便利蓋十倍焉永樂以來弩遂廢近神機愈出愈奇如地槍五子數百步及快槍二子亦數百步并佛郎機毒火諸兵又出神槍之上矣

火器莫過于大將軍箭一年止放一次以勢大不敢放也銃身一百五十斤以一千斤銅母裝發葉夢熊改銃身爲二百五十斤其長三倍

無夢園集 卷集

三

之約六尺不用銅母徑四尺于滾車上發之可及八百弓內大鉛彈七百爲公彈次三斤子彈又次一斤爲孫彈三錢二錢者二百爲羣孫彈名曰公領孫以鐵磁片用班毛毒藥煮過者佐之重廿斤可傷人馬數百若沿邊以千萬架而習熟之真絕技也運之以車登高涉遠皆宜國初出塞專恃神銃爲破虜先鋒天順六年造兵車各有載大銅銃車成化元年造各樣大將軍三百個載砲車五百輛會典神槍神銃俱內府

兵仗局掌管其慎重如此葉公有新製滅虜砲運以滾車打放一發可五六百步鉛子總一斤

公又製輕車其言曰成化車一輛十八人宜十冊箭鎮見存曰偏廂曰飛車非十五人不能駕自古興兵十萬用輕車二千皆越險數千里近製雙輪前向遮板稍後上列刀鎗六把佛郎機二函火箭三層手上百子銃一函輪輕有疾行之勢假二人推之如飛可翼以新製鐵拒馬竹挨牌砍馬刀平地二人遇險四人抽壯健

無夢園集 卷集

三

駕輕車其竹挨牌與百子銃鐵拒馬須用南兵方敏捷

張學顏巡撫遼東車管率依李文達公車制長一丈五尺高六尺五寸前後左右橫排槍頭謂之脚城遼陽二百輛用皮纒輪轂增列火箭神槍二層可與輕車並運

蚩尤刀戟大弩此戎敵長技之始軒轅用指南車破之此中國長技之始

右賢王遠居度漠兵不能至是不意也飲醉是

不備也大將軍夜至圍之可謂出其不意攻其

無備
渾邪王與休屠王等欲降漢上恐其以詐降故
邊令去病將兵往迎之渾邪王裨將多欲不降
者頗遁去去病乃馳入得見渾邪斬其欲去者
八千人遂獨遣王乘傳先詣行在盡將其衆渡
河號十萬故虜欲襲邊多詐降即真降而中
不欲降者擒斬不可已 國朝常茂斫元將
哈出傷其臂正爲約降而中悔也

無夢園集

卷集

主

青出塞先以武剛車自環爲營且將兵五萬止
縱五千騎繞單于得以靜制動之意

李廣射殺胡人射雕者匈奴以數千騎衝百騎
下馬解鞍以示不走有白馬將出護其兵射殺
之而復還至其騎中解鞍令士皆縱馬臥故先
碑

虜弓矢遇雨筋膠俱解此太宗所以潛師過雨
而出卒致突厥破膽尋盟而去

孟德聞馬超益兵則喜知其內竭也今各邊

營壘諸軍以赴之不蹈此失乎

成弘敵臺懸樓大同月濠長塹城塞之始也然
臺樓太疎壕塹易塞垣周于壕墩附于垣近
事也固原酋馬池之傳箭境門宣府往來之
蕭山麓乘塞始也然傳箭多失夜警蘆蕭不
禦風寒步兵登垣馬兵列營亦近年事耳

虜矢石懸簾禦之竿轅鉤斧禦之斗牌懸石禦
之革洞衝木火筒禦之又恐其肩土袋扶束草
于萬成羣內薄以逼填壕附垣以大銃口懸簾

無夢園集

卷集

古

以護陴也陴之不存石及之也陴之不守矢及
之也石及之爲陴可免矣矢及之非懸簾不能
免也○木矢發多不直聞有反射者易以鉛子
出直而疾中入而深

宣鎮據天下之上游當五路之總會城周廿四
里有奇牆久且卑總督王之誥巡撫其練經營
修築今于隆慶二年始五月二十一日終九月
十四日原議作四年修理一年一面錢糧六分
四年運發今成功之速如此共節省原議一萬

四千餘兩南山東議長塚二道斬崖鑿梁議館
多挑壕崖共長一萬八千二百十三丈二尺五
寸柳溝營一座長一百八十丈二尺西關廂墻
一道長七十五丈六尺西南角敵臺一座設修
石墩十座水口土墩一座火焰山中石牆長二
百二十八 官房四千六百七十八間衙舍等
七百八十五間又新題烽埃墩八座沙河口水
墩四十四座石圍一千二百個俱石壩長一千
四百二十六丈六尺○懷安萬全右衛二城鎮

懷安萬全右衛二城鎮

三

城既完遂續修之二年關廟廂墩臺五十九

軍民自備及取諸捐銀納例○懷安萬全右衛

城堡關廟墩臺一百九十六處座營房三百三

十四間

鎮城所屬堡 鷄鳴山驛 上西路所屬堡

新開口 下西路所屬堡 洗馬林 南路所

屬關廂 順聖川 西城南東路所屬堡四

榆林驛 黑漢嶺 沙城東西 十路所屬成

堡三 龍門所城 鷗鷺堡 龍門衛城中

路所屬邊牆 青邊堡 予按俺答之款誠天

幸而隆慶諸公將相督撫之能如此故備載之

宣府西有紫金水馬水之援必俟南山無警遠

者千餘里近者六七百里如總兵駐劄保安延

慶州副總兵駐赤城永寧遊擊駐劄左衛岔道

東路游擊駐劄懷來四海治專護南山聽候入

衛固美至紫金水馬水等處皆保定鎮巡地方

舍懷延而趨紫荊懼虜之乘虛矣虜既入境各

路參將留備東路且東北二路密邇屬夷如薊

無夢園集 卷三

三

鎮虜犯昌黎復有牆子嶺之變可鑒也

陵京拱護在南山一帶而機要尤在獨石一路

爲之耳目小則撲捉哨夜及燒荒人役大則東

犯灤薊南窺陵其長水游子正白草 三間房

之巢穴自大捷後重鎮允賴總兵馬芳參將劉

潭屬夷史二官兒等功也

二年一月

初年止舊遊兵一營後添設新游兵營嘉靖廿

九年又添入衛游兵營三十六年又添專護南

山本路遊兵營名多而兵少今南山已添兵八

千設參將一員將入衛游兵裁革併補新舊二
 營招兵及將東路游兵一移駐鎮城召補三千
 之數南山有警俱聽疾趨南山東西有警即東
 西往來應援開嘗不出鎮城與各營一例不許
 坐支行糧料草二年正奇兵二營係保障宣鎮
 及有警馳護京師之兵新舊游兵二營係每年
 輪流入衛薊鎮之兵東路游兵一營係專防陵
 竄之兵馬匹皆不可缺共缺九千四百二十六匹已將萬全
 都司官庫京運馬價朋合椿頭肉臟銀共三萬

無夢園集 驚集

五千四百九十六兩每匹十二兩已收買三千
 二百七匹太僕寺存雷馬匹所以備國家之急
 也請于寄養馬內解發二年

河南春秋兩班宣鎮備禦官軍八千一百餘員
 原無監甲器械老幼迺絕數多每年空費在家
 糧二兩二錢到邊六個月又支行糧布花銀二
 兩三錢有餘合每軍定二兩一錢折班價一萬
 七千餘兩又免支在邊行糧一萬八千餘兩存
 雷在邊或召募土人或修築公費量免三年

西路極鄰虜穴無險可恃以戰爲守始因虜衆
 圍軍困軍夫于鎮河臺逐之出邊繼因虜衆特
 放馬匹于白海子勒之使解散軍夫之圍

北路關係陵京南路統轄洪蔚皆虜所垂涎

米粟豐盈人心樂中本鎮糧商已上納糧料者
 數多而歲給引目甚少除額引外再增主兵淮
 鹽五六萬引蘆鹽三四萬引客兵淮鹽八九萬
 引蘆鹽六七萬引或將額外多增之數就作下
 年正派之數惟以運糧入倉爲準聽其搶先上

無夢園集 驚集

納陸續出給實收填給勘合倘糧料集而不售
 則商之資本必虧資本虧而難繼則後之轉輸
 必鮮惟驗米而給引不必據引以定數

南山一帶設東路游兵一營駐劄懷來春秋兩
 防總督駐懷來撫臣與游兵一枝駐防鎮城若
 虜東行宣府總兵官駐延慶副總兵移駐永寧
 東路游兵移駐四海治大同總兵官移駐陽和
 游兵二枝一駐天城一駐懷仁山西總兵官移
 駐蔚州老營游兵移駐廣昌北樓參將援兵移

駐渾源虜若勢向獨石三間房白草川等處不待調遣馳援南山以故數年分布既嚴聲勢亦壯今總督改駐陽和聲勢漸減

一復東路游兵仍駐懷來一免入衛薊鎮游兵一預調山大游兵山西駐舊保安大同駐新保安有警聽撫臣調度

一復礦兵以固衝隘南山隘口數多秋防調蔚州防礦兵三千各自備器械續因罷調今總督駐陽和去南山甚遠仍宜調礦兵一千五百名

無夢園集 驚集

分布隘口戍守每名支客兵糧一升五合月給主兵米五斗五升

宣府一鎮主兵月糧布花等項百餘萬兩屯田不過七萬三千三百九十六石論者謂屯田一清則邊餉可足是豈理哉均屯不如均糧屯地失額已久不如使前七萬三千三百九十六石俱有著落是已清查則人多不在撥補則奪人所有不如前數俱要實實完納是已照部議以一斗爲止而隆慶三年以前舊逋盡免之每戶

給與紅票一張以見在人耕見在地至本鎮團種徵糧稍次于屯田是亦屯田之類其初官撥軍自種後因軍不暇給官之牛種難繼遂廢其事今皆撥與餘丁領種原額三萬八千二百三十三石零亦照前規查出短少拋荒之數除豁亦以今見在地爲主以一斗爲則餘行減除以上二項田地少糧多改于地畝糧內加派徵補一本鎮功臣香火新設新召原額地一千九百九十頃此四項原非國初之舊故不給軍皆餘

無夢園集 驚集

丁人等私下承佃納糧內功臣香火近始改爲軍儲者也或占據于勢要則曰功臣或投獻于寺院則曰香火或因其拋荒而召人開墾則曰新設新召今各仍其名色但計應納糧石亦照屯田團種法以一斗爲則

一本鎮地畝起科新增牧馬等項田土俱軍餘自行置買并用力開墾故原額三萬一千四百六十八頃六畝今比原額多七千八百七十九頃一十二畝茲屯團之原地所以失額屯團之

虛糧所以爲害至有地無糧彼虧此盈今削去
名色俱作地畝照上中下分派北路最苦寒稍
爲寬減南路頗近腹裡量爲增加東中西三路
在南北之間應仍其舊欲于前項并屯團功臣
等既請免徵二萬四千九百六十三石仍欲于
實在應徵九萬三千八百一石內量賜本折兼
派除本色米豆中米上納其折色照依月糧則
例八錢一石者卽納八錢七錢六錢亦然本鎮
合用本色止是征哨官軍每年約八百石今地

無夢園集 驚集

畝共計一十二萬餘卽備凶荒尚有四萬餘石
蓋下等不但地利不同其天時四月迤後氣始
融和七月方終霜卽凝降不但天時不同其農
事辰已時哨無警騎方敢荷插轉未申時頗有
風色卽已驅犢還壘地利如此天時如此農事
如此更有不測之憂又勢所必至者

國家雖有增糧之名嘉靖十一年一十八萬四千五百二十五石二十四
年一增三十四年一增四倉庫絕無增糧之實今斷
增四十一一年又增以十一年數爲準其餘除豁以嘉靖四十一年

加徵虛數二十萬九千四百九十八石較之北
平少損以隆慶二年徵完實數一十三萬七千
三百八十六石較之猶涉太多

本鎮國初的腹裏僉軍每軍給養贍地厚者二
十畝三十畝薄者四十畝五十畝原無徵糧軍
糧將地報官每分徵銀有一兩二錢者有八九
錢者容原衛所爲答應公費有軍士貧乏將前
項捏作地畝賣與富豪有畝無糧以已之薄易
人之厚久皆迷其處所甚非因田制賦之義矣

無夢園集 驚集

今宜徵糧以補屯園之額

插以款愚我將士受之我以戰愚插插不受也
喜峯口進貢是何言歟讓路以與奴又以貢道
自與非自與也還以與奴也其逐西虜非報仇
也欲合東而先仇西絕我之疑也故插離我之
形遠而敵我之情近插意不在奴奴意不在插
而皆在我遂出其不意而孰知大凌河之後必
有登萊之事又必有上谷之事彼二虜獨不顧
世有明眼人耶亦終必亡耳張家口之馬不至

則取諸秦土荒餉缺兵弱籍空積貯補伍選將
最急慰撫屬夷擇其怨者與之深謀實做暗做
緊做拭目俟之

無夢園集 驚集

三

昌平道中二

初尚書林公瀚議升爲州領懷柔密雲順義三
縣逆瑾不從復降爲縣謫公叅政瑾敗仍運謀
入衛而中設 天壽山守備一員統攝之叅以
州治差徭養馬悉與優免昔郭守敬引白浮山
之水西折而南經甕山入積水潭以通漕運示
所過詢父老斷橋流水守敬遺跡猶有存者而
元時積粟餉兵以名其山又如一畝泉東合沙
河經陽山由高粱直趨張家灣皆漕道也若起

無夢園集 驚集

詩

白浮村至清龍橋延袤五十餘里元郭守敬所
築以障雙塔神山諸水使東南流入潞河以便
天下漕運蓋居太行滄海之間其地重矣東門
外有松園備陵樹之缺嘉靖二十九年虜直抵
東山口陵衛之衆無一執挺籍京營撥守紅門
東西兩山口叅將陳燦把守東山口律人馬損
傷大半賊大入幸我兵潛伏松林中奮出大獲
奇捷是年被殺虜人丁五十名口所存三千餘
丁耳今見存止二十六里里甲宜倍恤云

故皇帝封山曰天壽前鳳凰山後黃花鎮左隣
 山右虎谿東西山口兩水合流于朝宗河環抱
 三十餘里山雖起自崑崙然而太行華嶽連延
 于西山海以達醫閭逶迤于東唯此天壽山
 莫居至北正中之處京師建四方之極天
 壽山位京師之上爲天下主山以崑崙爲源以
 太行醫閭爲翼以滄溟爲岸鞏華城四券門如
 午門之制以奉聖駕云國家控扼西北二虜
 每要害之處必設關堡屯兵積糧故延慶衛昌

無憂園集

卷集

平州白洋堡黃花鎮榆河驛五處各有倉廩時
 乃粟芻歲遣六部主事或員外郎一人監其出
 納蓋如次如庾矣居庸關在州西三十里跨南
 北而夾兩山水傍崖流徐中山壘石爲城作
 京師北門特建衛學叅將分守而入達嶺南北
 咽喉于是移居庸把總蓋營房以居之其北黃
 花鎮距州八十里實皇陵之玄武山又北鄰
 四海治界限華夷松楸茂密
 世宗盡除鎮守內臣獨留此鎮至四十年巡關

黃紀疏彈裁革永不復設大都陵寢以黃花鎮
 爲重黃花鎮以四海治爲捍謂之山南舊有小
 道以通往來然而永寧懷來之人咸知捷徑矣

無憂園集

卷集

詩出山

初入翰林言志

垂髫就閉關三十始從師茫然大夢中學易出
險巇築居嶺潛確出入稟皇儀有味卽爲愁無
求長自怡獨往心不疑乾坤自構基古人不可
見始亦爛紛披天山畜其德充棟無乃卑弱冠
談經濟時艱凜躊躇爛然東壁星倘亦照瘡痍
良農無越畔力學日孳孳

及第言志

無憂園集

驚集

蒼壁臨春早上書充庭禮樂集簪裾雲門古奏
諧膠漆神駿天閑響珍琚豁達推賢求海內風
霜自保省蓬廬艱難從古據心膽肯續長楊賦
子虛

其二

劍珮晨趨謁九天鳴鐘深省立爐烟人惟求舊
推儒宿詔以拔尤引閭仙宸翰入霞鮮曉日
彤墀分仗耀金磚香車流水迎歌吹獨醒花間
早着鞭

其三

瑞雲叢捧日華新天鏡高懸荷特掄喜沐深恩
陪侍從緬懷臣節在嶙峋萬方送喜歌天保千
古除克靖虜塵肯使至尊獨肝食雲雷無處
不經綸

萬壽朝賀恭遇瑞雪

凌晨嚴駕喜趨陪官殿霏微映早梅綵勝自緣
龍藻結仙花非爲剪刀催山山環架連雲巘樹
樹交飛行慶杯知是丹青畫不出天機纖素待

無憂園集

驚集

三

宸裁

其二

百靈嵩祝出雲端海湧銀濤上露盤不夜光隨
圖鑑上因風細和珮環珊珊斯干似續丕基壯在
鎬雍熙聖澤寬俄看揮毫成五色天章先許
近臣觀

其三

孔雀徐開金鼓揭來同萬譯徹幽遐共含聖
酒旌旂露齊放陽春劍珮花宮殿恍疑天作柱

銀河又見海浮槎九葦蓮葉芝房草挹露晨光
上紫霞

其四

九霄清樂奏韶箴雞唱文昭報武成午剪瓊花
舒帝澤欲爲春水滿天聲能撫赤膽擎瑤柱卽
有蓬萊在玉京百鍊臣心冰雪苦朝衣一振覺
寒輕

其五

屬車臨幸肅朝常叠鼓聲高漏漸長深翰先書

無夢園集

驚集

注

天保句爭春惟有雪梅章山河指掌青千髻臺
樹參差玉滿岡俄見幅員天海貢裝成玉壘壯
嚴廊

講筵紀賜

山呼遶殿祝長春太室披圖氣欲岫玉映黃流
開壽觥白浮紅友煖書茵擎來禁苑天杯重捧
出金華聖酒淳賜鑑石渠同序拜錦函開處又
分珍

其二

雲近蓬萊月倍嘉乾坤照徹湛光華日南海靜
無求寶陽羨山深只貢茶瑤島碧桃皆結子赤
霄白玉盡開花侍臣分得天漿醉金鑑燃藜絢
彩霞

其三

華夷同賀 聖明君宵旰懸知帝學勤金殿集
賢開寶鑑天厨饌玉剪雲雯鼎彝芬芍三漿美
魚水調羹六膳芬杯錫上樽思論道堯天捧日
映龍文

無夢園集

驚集

其四

河清萬里 聖人生嶽貢彤雲抱日清簪借漢
家籌上筭膳分周鼎奏和羹層霄寶契圖呈瑞
飛閣迎祥滿引觥東壁光華澄少海 前星皎
共 帝星嶸

金華秋講

祐啓貽謀弼直匡手書二帝與三王文華纂要
尊經法九五銘齋引弗康日麗欣逢三晉接天
溫近捧一謙光牙籤點簡儒臣事蓮燭高懸一

夜湘

秋講賜宴

人直鴻臚拜手颺橫經無處不飛香
美牆警蹕迂欣格天步龍光仰穆皇
特召初傳帝輦下不名三荷玉音揚
大庖鼎戴天言重宴罷紅雲捧藻章

進春賜錫

帝苑春來心早知池魚躍水似新窺
雲連蒼嶽將成幄鳥入花箋欲上枝
若起青蘋來白雪漸

無夢園集

驚集

聖

舒弱柳布金墀乘龍迎淑頒恩早猶戀寒光獻
論思

其二

九日春光始馭義天顏有喜近臣窺青錢不媿
無幾價白璧何慚有四知未許梅花爭艷雪憑
將素質勒丹彝上敦節儉裁予資論道偏分少
府奇

其三

和風協律引初陽芸閣來青曉氣蒼不共游鱗

戲輕藻肯隨剪綠狎韶光賜從吁咈春先到殿
繹繩糾弼直匡帝曰俞哉汝作礪大川終擬
濟舟航

菊始華律

寂寂園林綴曉霜獨餘叢菊領孤芳
幽姿乍欲霏秋色嫩蕊纔堪逗晚香
小睨碧雲金鎖甲微酣朱露玉沈漿
肌癯貌古色深秀笑倚西風傲紫黃

其二

無夢園集 驚集

聖

秋老幽叢翠葉加曉欄霜冷爲催花
蘭蓀未解通芳意蜂蝶無媒覓絳葩
露欲浥容斟玉液風先迎靄上金華
悠然不盡南山意擬向天杯泛紫霞

其三

孤根獨自表秋餘露濯清光意半舒
幹老常含太古色芳鮮偏與世情疎
豈爭扇後歌聲出偶傍樽前花鼓徐
采采食英盡多事蒼然孤翠滿空虛

其四

一種清真別有家兼葭月白足生涯空香無語
微含露秋水爲神也着霞未許春風催後騎聊
隨烟雨濕初葩依依遠景明寒素茗欲香時籬
欲花

其五

試問花開何所似山中高士骨清癯三更淡語
何愁雨一篆清心只共爐未嫁東風自貞女若
逢桃葉應花奴玉堂笑然枝相問堪並深嚴有

無夢園集 驚集

三

宿儒

菊始華絕

翻爲花開暗自驚月高風靜夜何清未堪桃李
歌姬妹且付茱萸揀弟兄

其二

綠烟沈盡清輝發歲寒自有雪霜旌試看肅序
花纔放猶似秋天不肯明

其三

最笑人情皆向菊那知冰骨獨辭榮讀書細把

殘燈剔靜數花開第幾莖

其四

悲筇不隱催刀尺籬落何心淅錦紈邸第樓臺
苗似積花神未許與几餐

賦得菊有佳色

青霜變林葉慨然懷秋思瞻彼籬下菊幽叢露
華滋空谷有佳色素心寄一枝欲寄不能寄獨
酌月已移修名各努力殞落紛蓬茨何以食靈
藥茹荼苦自持萬形有凋謝烈士挺艱危獨向

無夢園集 驚集

三

朝陽立靈均淑其儀古人欽晚節紛華淡若遺
南山佳日夕抗言賞其奇森標似求友開牖林
蔽虧白雲知所好含笑迎朝曦清風送餘善晴
芳足幽歆冰雪文一卷避俗自堪携庭樹感榮
落清真此白眉動搖山水影苦吟不知饑廊落
星與漢冲襟高步宜擎以金掌露敬上栢梁辭
美色幾時好非爲振異姿永言保勁質天公豈
爾私

其二

千冬遲一春玉塔畏春草譬如賢達交偶然淡
相好白雲自堪移乍見深懷抱閒向秋月開不
倩春風掃因風入錦茵矜重綦與編流水漾排
花啼紅怨開早江頭冰雪多水仙亦潦倒粲然
心理綿芳鮮色不老偏與靜者宜秋深林自擣

無夢園集 驚集

三

詩創逐

放逐湧紀時天啓之丙寅也

寂如蕭寺不談玄夜半挑燈月滿天夢到家鄉
先問竹香携朝袖只看山

其二

謝飲關門豈獨醒春山采采手烹茗二毛不爲
勞生白雙眼時從展卷青

其三

寒風肅肅和書聲月白霜高天水清入直必稱

無夢園集 驚集

四六

爲堯舜閉門依舊習書生

其四

海雲讀書江浩溟洗菜枯僧目炯炯朝罷歸逢
挑水入直教身在焦山頂

其五

偶然騎馬忽稱官錯認袁安是謝安賭墅只聞
棋子落東山倘許學邯鄲

其六

家居官長半相知別後音書一字無不是書生

傲傲骨開函真廣費踟躕

其七

兀然一似守枯株官舍家居事事通寄語家僮
休使勢逢人下拜早輪租

其八

初學灌園手自鋤支屏片石老迂樗縱然刀鋸
侵吾舌不作天邊一紙書時魏瑞以不草錢券將構予大獄

其九

一判玄黃不必疑浩然自得寫新詩卽教瓶罍

無夢園集 驚集

三

無儲粟肯嚮他門立片時

其十

門前葑水斷塵喧常住蕭蕭無夢園怪底出門
太多事夢梅夢竹夢分蓮

其十一

父母生我不好弄十齡徹夜吟寒凍如今頭白
一無能何事紛紛苦迎送

其十二

駐馬看山我友同別來馬上又相逢有時不速

三人至笑似青山添遠峯

其十三

雪花開似淡娥眉斜灑佳人知不知最是擁書
消夜永凍雲宛似未開時

其十四

門前無雀可張羅兒子書聲和我歌創屣不迎
天下士芥芽沙水鞠躬多

夢父

落荷單思未乞封涓埃無補愧遭逢先臣世食

無夢園集 驚集

哭

嘉禾藻夢見慇懃勗在公

夢母

計偕別母僅經年臨去可寧謝賻錢外氏素封
廉不取捐奩佐讀却分田

懷仲弟和卿

問君何事絕賓筵有弟清奇似古賢邗水方舟
評古榻子期一去忍安絃

客訪

故人百里訪吾園隔水書聲坐短軒散髮不知

客竟去伴來憐我欲忘殮

策蹇出長安日啖峨眉笋餅

北固山前蜀老僧廿年笋餅舌峻嶒可憐煮法
渾不記又向同人問水蒸

其二

細嚼清真素手搏欲將笋餅比龍團春山攪破
茶花碎肯把龍孫貢漢官

其三

何須入口慢尋香一見渾知道者放漸老漸熟

無夢園集 驚集

咒

真平淡就中樗拙許誰嘗

其四

餅煮西川竹萬竿瞿塘山色若堪賒斷崖滴水
光疑乳茗碗浮香浪潑花

其五

纖纖手摘瑯玕髓貧道山中貯缶盈他日乘清
萬里去峨眉山半雪中羹

天啓丁卯辟朝

一天明月懸朝鏡兩袖清風帶芥茶古樹幾章

無長物故園容有未開花

四月十一日三更
舍忙尋小園果餘

潞河待舟逢楚友周更生却之不去

招招舟子在何方回首君恩憶拜颺開函家
語飛吳越衝雪同人遡澤湘湛露只今霑小草
素袍猶喜被天香尚餘毛髮酬明主敢負生
平空泌洋

潞河夜宿

中宵夢入金華殿欹枕驚聞潞水聲去國不知
因底事身輕一葉總君恩

無夢園集 驚集

五

郊天頌 有述

臣稽洪武元年正月四日設壇鍾山之陽

昭告

上帝皇祇定有天下之號曰大明建元洪武先是雨雪陰沍四月朔旦雪霽越三日省牲雲陰悉歛日光皎然暨行禮天宇廓清星緯明朗禮成遂卽位于郊壇南臣扈聖駕幸

天壇

無夢園集

驚集

五十一

上諭鴻臚卿戒不恪諸臣皇恐稽首謝是日風屆祭登壇萬籟澄寂與朔日霽雪正陽踐位萬古同符初洪武

命凡行郊祀禮以天下戶口錢糧之籍陳于堂下祭畢收藏內庫其天下城池山川地理形勝亦皆圖而藏之以見拜受民數穀數于天之義又見天險地險王公設險朽索馭六馬其難其慎之義而

郊祭之牲養于別室躬親滌養不與山川之

牲等洪武二十年春正月壬子朔甲子大祀

天地于南郊禮成

上曰所謂敬天者不獨嚴而有禮當有其實天以子民之任付于君爲君者欲求事天必先恤民恤民者事天之實也即如國家命人任守令之事若不能福民則是棄君之命不敬孰大焉又曰爲人君者父母天地子民皆職分之所當盡祀天地非求福于已實爲天下

無夢園集

驚集

五十二

蒼生也

皇上敬

天法

祖稱謂不敢並尊正位居體世則世法嚴諭銓選守令二千石以京朝官爲之其以恤民之政修敬天之實者乎

皇建中任賢能文武用顧畏于民嚴我哺我乳髦士奉璋鰥寡以不侮懷保小民佑我烈祖神具來駿惠溥申錫無疆衮衣勤補

皇建一章章十二句

露雷風雨

天之教日月明江河流綏兆民多福乃亦有秋
以似以續乾剛坤柔率作典事殫乃心力
絕優游幅幘既長萬福來求

露雷一章章十句

我將我享既戒既平百職安其序輕徭薄
賦懷民氓有虔秉鉞俾居圉不驚萬邦惟
正壽考且寧保後生

無夢園集

武集

五三

我將一章章八句

昔在洪武大祀

南郊禮成悅豫惟德孔膠天開霽色風息其虓
豫順以動誅貪殛然天錫祚胤松茂竹苞
在

帝左右萬年 家室地天交

昔在一章章十二句

步禱天壇雅 有述

粵稽 吳元年

高皇帝因久旱日減膳素食 宮中皆然既而
雨羣臣請復膳仍以苗稼焦損不允

皇上齋宿 文華殿浹日累月先是 詔罷

織造節儉爲天下先斥言利者勿庸清明
在躬至德馨聞于蒼穹辛未夏旱 步禱

一遵

神祖仍 步行還 宮止回 鑾勿御齋宿如

無夢園集

驚集

五四

初 旨下之日霖雨兆祥漸而霑沛蓋臣
又稽 步禱令儀

高皇帝于吳三年嘗行之矣二年旱告祭風雲

雷雨嶽鎮海瀆等神十八壇中五壇親行

禮爲祭文以告願神以民物之疾苦聞于

皇天后土三年又旱乃素服草履徒步出詣山

川壇布設藁席露坐晝暎于日中頃刻不

移夜臥于地衣不解帶凡三日始還 官

仍齋宿西廡給各官紗綵一萬四千餘疋

給軍士例外荒米令法司決獄復命有司

訪求儒術之深明治道者以聞天遂大雨

上近法

神廟遡源

高廟永世克孝而一時釋纍臣嚴貪殘渙汗有

明徵云

天步臨雲霞起蒸蒸其心 朕躬視朕履乃

眷四海此維與宅八郡佗負牽勤祝史寧

丁我躬嗟下土之耗斁矣

無夢園集 卷集

三三

天步一章章十句

衣大布之衣與天語圭璧以陳滌滌其俎

予一人之譽驚鴻哀鴈罔失所畏天之威

靡敢駕六龍森禁籙無恒安處矧其曰鞭

雷霆呼羣公先正之莫我許

衣大布一章章十二句

存心錄成 景命篤祐駿惠

聖明爲天下父掃除兇慝熒烈洪武盛德若

虛無罪無辜額疾苦赤土民勞底

上帝之無怒何以溢之其雨其雨又何予之謀

臣雲而猛將雨

存心一章章十四句

告于 嚴父 昊天疾威下民有嚴

帝命式于九圍亦趨亦步先天弗違盥濯霏愿

天且弗違

告于一章章十句

無夢園集 卷集

三六

社稷壇頌 有序

臣聞大社大稷分祭配祀

高皇帝初如前代之制而後乃更建也命中書下禮部詳議合祭證諸洛誥社于新邑及封人掌設王之社壝註云舉社則稷從之壇位考周制起大事動大衆必先告于社而後出在中門之外外門之內尊而親之與先祖等社主之設或以石或以木今擬共一壇設木主而丹漆之祭則設于壇上

無夢園集

卷集

社

祭畢收藏仍用石主埋壇之中而罷勾龍與弁配位奉

仁祖淳皇帝配

上善之爲撰樂章想神來于祥風以康軍民時雨暘而又頒其制于天下成一代令儀焉

洪武三年溧水縣以牛醢代鹿醢御史按

賈奏之

上命有司究其罪論曰溧水固有鹿何得謂缺有司無誠心于祀神而敢爲是苟簡也夫

一邑耳勤御史白簡罪一人以安社稷其嚴如此臣列陪祀肅將祇歡兆民永殖敬賚昇平之頌云蓋不邊暇食以四方惟正之供視土辨色尊而親之矣

六龍以御天萬靈齊頌首穆穆皇皇真氣到林藪嶽修貢川效珍五色紛緼映前後六龍一章章七句

練時日神哉沛羽毛紛先以雨

帝臨中壇繩繩駘駘宇后土富媪制數惟五遺

無夢園集

卷集

社

秉滯穗各得其所

練時日一章章十句

通乎晝夜霆聲發榮土膏脉跂行通甫田茂豫迪成肅雍兆民反本抱素其同

通乎晝夜一章章八句

旦復旦兮燭不夜襲乎鼓之軒乎舞之卿雲爛兮堯獨憂之

旦復旦一章章五句

和治諸夏萬民平均神之來兮雲景杳冥

雨暘以時人告其心靡方不動敬明尊祖
和治諸夏一章章八句

無夢園集

卷集

三九

太廟頌 有述

粵稽洪武

上命禮部鑄銅人一高尺有五寸手簡書曰齋
戒三日凡致齋之期則置朕前庶朕心有
所警省而不敢放也當是時

上親製樂章入

太廟徘徊桐梓因感鳳陽

陵樹灑然淚下粵我

光宗貞皇帝聞

無夢園集 卷集

本

月夕壇陪祭僅六人

嚴諭曰

郊

廟大典豈容褻慢至是自今陪祭臣咸宜恪守
陪禮其無故不與者指名叅治太常卿疏請
修

郊

廟禮儀宜先期整理者六事

貞皇帝曰俞速行之我

皇緝熙敬止紹庭陟降陳常祀受

命溥將臣忝廁

經筵駿奔奏其敢有瀆辭

明德恤祀作之君允師罔不配天其澤

聽念于

先王若曩則不敢宿耆壽俊在諮蠡爾戎索黎
民阻飢尚寧幹止昭假遲遲有典有則予
思日孜孜

明德一章章十句

無夢園集 詩集

三二

皇之先天克配世其勤作邦作對廸見冒聞
靈斯欵餉奚以侵兵奚以許法奚以持平
吏奚以取愛顧瞻四方如耳

先王之息憚百神河嶽秩秩奚在胡寧忍予庶
無罪悔

皇之先一章章十六句

綏予孝子駿發其祥有震且業弗祿爾長
肇裡右序無怠無荒遂開皇極誕受多方
爵人于朝惟德是量

綏予孝子一章章十句

保明其身示我顯德行慶雲在天孝孫有
慶金玉寒氷剛健中正時純熙矣從諫惟
聖

保明一章章八句

無夢園集 詩集

三三

幸學雅 有述

臣恭繹洪武

詔書天下通祀孔子凡府州學田租入官者

悉歸于學增師生廩膳

諭禮部尚書劉仲贊曰孔子明帝王之道以

教後世使君君臣臣父父子子綱常以正彝

倫攸叙其功準于天地又

命禮部製大成樂器以頒天下儒學

勅禮部禮樂圖之盛典必貴協和毋圖速成

無夢園集 驚集

六十三

有垂製作又

諭古樂之詩章和而正後世之歌詞謠以率

蓋協和之訓與速成之戒謠夸之防一道

德同風俗至深遠也又

諭嶽鎮海濱混加封號瀆禮不經而止系山

川本名忠臣烈士悉依初封實號惟孔子善

明先王之要道爲天下師以濟後世封爵仍

舊益慎重而定制故協和而成功先是禮臣

具

幸學儀以請

皇上諭遵洪武令典臣忝侍從扈

駕五更見五色祥雲繚繞與諸臣環立橋門

觀之

作禮樂而乾坤光華集大成而日月巍煥都

哉俞哉

帝念下土荏苒肇開上庠曰六經是常博士孔

揚授書瓜瓞以祥功臣彭彭彭爾于弟無

怠康殘元淪夷羌衣冠禮樂荒御史簡賢

無夢園集 驚集

六十四

良濟濟國學迪北方洪武永昌

帝念一章章十二句

渡江躬祀首先建學祇德行嘉周太祖之

下拜建職位是程昇端人作模範咨爾宋

訥宿學宏大學人材本勿剽記誦竊其聲

師陽城以克季敬哉蘇胡教版平經義治

事嚴且翼純粹以精我

皇式克承藝其臣願學心正意誠

渡江一章章十四句

六條炳天日太學教化源遼海阻東微若箕子若管寧聲勿緩布彰

聖武哉玄菟并六師於鑠在泮獻馘息游魂以莫不震疊億萬年

聖子

神孫

六條一章章十句

聖謨洋洋薄文辭 勅吳顒沃其本根繁須

翦官師得人式敬爾典廣額奚以爲日居

無夢園集 鷺集

李五

月諸庸不勉我

皇養士如嘉禾有分可積勤止 輦

聖謨一章章八句

受小共大共交趾是跂服賜視滇南萬里

軌轍至爰製冬衣爰建病埴井次給役徒

藥餌之暇惟時肄維我

皇整經籍建右廡將樹射圃定爾志鳳凰鳴

矣于高岡五色雲中

天爲識

受小共一章章十二句

孔子作春秋處事決疑川海赴

聖祖諭諸生咨爾立政如撥霧惟堯舜是權衡

斥詐力崇寬賦公父文伯母也賢不知孔

子慚當路佑啟

聖者興改謚文忠時勉遇天生人才

王造之尊六經依傳註

孔子一章章十二句

洪惟

無夢園集 鷺集

三六

肅皇幸學啟明旦教之誨之提耳灑 宸翰禮

儀旣成敬一作贊再告孔子淫衮震憚

神廟繼之傷春秋斷爛之半表章麟經與衍義

補書而呈 講案

聖懷謙謙誕登于岸日月貞明天地貞觀

洪惟一章章十六句

詩題贈

贈丁大司空存問

世臣那得似君賢，廊廟江湖一後先。
天眷長城宵旰日，寵新盤石耄期年。
路車乘馬龍光顯，赤舄綏章綸綽宣。
續事登邦四海望，申公疊疊烈無前。

辛未秋七月予與同年陳贊皇奉使周

秦遲我于順德路見三公子喜而湯賦

樹樹村烟綠，那侯有故宮。
天邊持節下，客路正

無夢園集

驚集

卷

秋中萬里瞿塘遠，一宵樽酒同函關。
紫氣近浮白咏秦風

其二

著書空往事，雲日起新編。
擾擾干戈地，閒閒桑柘田。
君平莫問卜，渭水早乘船。
天半峨眉雪，吳門亦渺然。

其三

如春注關隴，聖主急匡時。
放馬耕蘭塞，浮杯醉鞦池。
苦吟珠唾落，珍重素心知。
家世忠仍孝，

道傍玉滿枝

傳寄菴年兄以冊封周藩行

長安草色曉鳴珂，駢駢勞人四牡歌。
太史授圭開赤社，宗藩如帶指黃河。
中州風土殊無異，右席詞名更若何。
知君舊擅靈光賦，上客鄒枚應未過。

送史念翁太守

琴鶴蕭然過虎丘，祇携廉石駕虛舟。
欲攀遵渚須臾宿，賒取太湖三尺流。
秋月尚籠蓮漪碧，海

無夢園集

驚集

卷

王未放翠霞收，相看此日留公意。
盡入長江作水浮

其二

柁鼓揚船曙色開，慙慙叙別悵行盃。
前旌初唱歌驪曲，天意還須補袞才。
新水喜添河朔飲，錦城重借范韓裁。
忽聞門外催詩者，盡道慈雲送雨來。

時苦旱

其三

大夫直節舊家傳，誰數風流常白賢。
鶴俸不支

影倍瘦花陰未掃酒如泉行藏豈向天工問休
戚還勤民瘼先去轍難留徒惜別歸裝胸次兩
蕭然

劉司理振賢課最

祝網能仁喙息忘毘陵旋見報賢良嘉禾遍覆
三春雨驕莠驚鋤五夜霜海甸遙馳恩渙汗絳
綸初錫袞衣裳刑平高陟清華近詔直承明捧
御香

其二

無夢園集 驚集

漢廷共說蒲鞭吏獨有江南雨露私杞梓舊饒
三楚地謳吟新遍五陵兒詔從禁闥龍光燁名
滿江淮草木知飛璽淑人滋愷悌褒黃古道頌
恩斯

李蒼巖年兄以推關行

金華勤下 詔書寬捧檄慙慙撫字看司計肯
教鼎代耻淡交只聽缺空彈江南極目凋荏菁
塞北何人擣賀蘭官舍寒山一水耳鐘聲如沸
半江來

其二 浙直七月朔日風沙附訊

賜羅初泛菊花樽壽母斑衣手樹護袖滿清風
心似水峯高大石竹爲食珍奇罷貢除商推榜
樞傳歌識 上恩風伯有心排 帝室使君先
爲訪寒村

贈余大理致仕

漢家匏子上書誰借問二疏知不知自有謨謀
通帝座何勞車馬數江湄前村深雪尋梅處谷
口重雲待客時最是赦除新奉 詔廷平所至

無夢園集 驚集

手

播陽曦

送黃石齋偕徐霞客游洞庭時旱禱

我家太湖連東溟笑殺吳人多不識送君直到
消夏灣手挽天河瀉震澤十隻畫船泛樂天扁
舟今乃私遷謫白守不如君也豪逐客相隨一
霞客逢山得地龍浮春見月知天空與連憑君
賒取三尺水以耕石田釐豐年秉炬先游林屋
洞不須貌取隔凡天但見大幅撲炬來衡山八
分如畫戒淘沙小舟差可方峯峯懸燭光華燦

紗帽山林皆債也未許君還山水債授此奇方
忙救人好將湖水街頭賣

記余遊洞庭無弗酣適尤愛石公龍嘴吞吐
若林屋蟬行耳出洞後竟夜思做淘沙船錦
纜前導懸數十炬于金庭玉柱間可臥而游
也

贈江南諸分閫 余戊辰所舉士

憶昔橈槍掃遼左狂胡夜警甘泉火蠹茲蜀寇
復匪茹生靈百萬瘡痍累是時 朝廷思右武

無夢園集 卷集

三

募檄交馳出樞府射烏小兒拜期門牧羊賈人
賜爵土紛紛爭覩獻前籌寂寂誰同

天子憂六郡良家擢越練三河壯士礪吳鉤爭
道鴻毛輕任使共祈龍額早封侯諸生本自渥
注種軀幹精強萬人勇授得家遺馬服書雕弧
手挽三石重維歲改元之戊辰

聖主當陽布化新八方耆定四夷賓大蒐巖穴
羅師貞材官額解集神京我時甲乙司其衡試
牘三千識爾名筆底俱揮小范兵旣饒果決况

能文氣凌鵬鶚橫秋雲史書傳業同彪固投筆
而今獨美君

天子臨軒爾曹眷命以總師清海甸說禮敦詩
儒將風赤膽懸胸赴公戰黃流穩貼遁鯨鯢碧
草翻搖戲魚燕幕府他年總第功爲報江南今
晏嗟我東南民力殘樓船將軍未飽食脫幘
嗷嗷殊可慮市租仍復盡輸官若使簞糲投大
海應得迴波變紫瀾往年建虜誤于欵依舊秋
高獵騎寒今年西賊浪言撫人傳蜀道尚歌難

無夢園集 卷集

三

薦章願達明光殿拜將早築黃金壇

送沈方平年兄助教改官南儀部

之子錢塘令雙高健翼騫大堤橫野市孤鶴嘯
長天吏朴看山古鴻飛任弋牽辟雍方論道別
意又揮絃

爲韓君理孝廉索贈崔侯

平山花縣望銅陵江上空濛潮正生况有青陽
磨政碣何殊松嶺作濤聲片雲催雨新詩麗洲
渚圓沙寶色珍直上天門書蹟最荊州萬戶盡

逢春

送廣文令楚

邁心玄曠任鴻絃見說居官不好錢仗劍湘江
雲滿路決渠甘雨湧如泉未須崔令學陶令自
愛山前映水前吏散庭閒矯獨立懷人秋水在
長天

懷江伯通世兄

生于諸暨嫁于長洲江侯寄先嚴諸暨訪西
施尺牘也余與伯通晤荆溪未幾突弁余且
無夢園集 驚集

老矣

生于諸暨嫁長洲記得慇懃訪雪舟玉女潭中
照我老雪濤閣上聽君謳

何孺龍

論友誰如子超然似月流技神不用藥興至任
傾甌倚劍陵三島高歌嘯十洲願言解瓊佩携
手上丹丘

何嗣冲

薄遊逢勝侶置我秋籠中上藥清如水丹崖氣

欲龍青囊珍舊業玉樹發新叢一笑滄江上相
思月滿蓬

壽陸觀叔母八十

千古有機雲世閭燁雄超而有聖善模才名天
壤俱綠筆健秋鷹錦囊壓奚奴伯氏怒搏風五
色正歲終矯翼西南天流彩于羅施政感神雀
榮名垂碧雞單騎藐郭令威惠在裔夷鼎分大
官餉捧檄喜可知歸來拜阿母熊丸敢忘之萊
子舞宮羅抱孫佐潘輿南山賦樂只何必減華
無夢園集 驚集

胥君不見吹雲和鼓靈虛三花琪樹鬱庭間忽
聞青鳥瑤池使啣得墉城玉女書書中已授靈
飛約相歷盡人間樂玳筵急管醉莫辭遲爾三
山駕鸞鶴

壽海虞孫恭甫太尊人

憶翁壯得志倜儻能文章揮毫寫秋色眼底天
茫茫家多渥洼種白眉矜最良一朝嘖爲龍果
勝步兵狂咳唾出珠璣半落奚錦囊宏詞對太
庭除目注銓衡西曹趨拜璽三尺倚持平出爲

交州牧逶迤擁雙旌抗潔懸魚去承恩露冕行
咄彼五斗賊化作千長鯨血吹海波立高天關
崢嶸白骨爲丘山草木殺氣腥書生爭叩馬父
老前挽輪云是妖氛垂前途慎勿輕聞之怒叱
馭指髮上填膺舉帷遂茫止時驚鐵漢名戰守
預所儲賊聞徙其營魁藏蒼瘼撫攬轡已澄清威
惠流三魯三府告厥成特簡叅行省借冠慰蒼
生早識髡鉗禍寧愛冠與纓決志占肥遁秋思
入尊羹超然評論外身與世俱榮題題旋歸滅

世宗集

驚集

三

殊恩感 聖明節移蠻府鎮諸生藍輿迎海曙
雲封岫春深暖閣晴駢駢皇華轡命出羊城
士庶卽攀戀其奈迫王程假道省阿父喜賦目
初升床頭新酒熟朝來扶宿醒惟牛晏鄉里倒
屣接公卿矍鑠哉是翁蒼頭且返嬰住世作地
仙閉戶學談玄廣文耽吏隱十載舊青毡喜色
迎朝旭春風健暮年萊衣宮袖舞幸子一經傳
梧竹鷓鴣棲阿閣見朝儀出者慶來章處者頌
黃離請看百粵地龍象生光輝

壽李大生年兄祖九秩

榜中李兄年最少芳鮮日耀陳言耀有祖仙壇
稱幼仙十六漢宮女窈窕黃金養賢不買笑春
來瑤草供詩料偶然五柳榮冠簪風雨欲來蒼
龍叫著書得意忽自笑安車蒲輪勤上詔鴻濛
併氣天水平神虎風雲總一竅日月之行天爲
棹船如天上坐雲嶠爾孫黃閣翁黃髮天開與
府德彌邵

壽朱太常上翁年伯母

無夢劉集

驚集

三六

燕喜新歌壽母年驚章遙寄五雲天錢塘千樹
花知笑瑤島三珠鳥欲絃焚券耻隨市義後襲
讐忠向荷戈前巍佗象服河山靜香滿霞卮歲
歲鮮

其二

遊子承恩侍禁闈高堂華髮照春暉介主更渥
新花誥補袞仍懷舊綵衣帝日遠開湘水麗卿
雲長繞楚天飛一床冰雪娶姑共寶婺祥光拱
太微

蔣公年兄老年伯暨陳恭人雙壽

身惹御爐香滿卮十齡獻賦森玉枝山川出雲
誕申甫天作之合自關雎始令江山欽父執追
呼不聞罷稅訾九清鹿溪瑞鵲繞梁石於今碑
去思餘米不以耗雀鼠倉官一命沃京坻北新
如市臣如水白壁高馳最度支擢守溫州盜夜
縛不聞刁斗方舉醺暫移江右之東粵仇殺四
崗弁自貽檄下罪人皆反接欽州單騎牛酒薦
崖黎自與銅活隙何事漢官驕舉師日人欲歸
無夢園集 驚集

壬

日出主種人傳告路致詞蠻夷貧薄願長壽公
揭肝膽誓不欺強駐徐聞傳降箭受降僞獻義
釋纍少留方寸仁五指督餉海崖戢狼夷撫議
抵牾玉賦凱功成三月撫遺耆岑球正法旋止
調昌樂肉飛報蚊蠕建縣不如多築堡索金別
駕徒擾之強貪妙簡沿邊吏解甲鼓篋舞雉低
牙史自功疏親老智才節烈褒母弓令妻壽母
子登第天壽平格方期願筦鑰惟謹宵征肅膝
前第見螽斯蟄四知皎皎旦復旦賢母特贈雙

鶴隨 社稷上臣雷戡定如公一出勒鼎彝坤

貞世有徽懿嗣邀取滄溟獻壽卮

壽桃源江菴翁夫人

夫人生于江右先世官于吳蜀

三世仙源筆有花種花香雪動春涯簪切曳縞
褰廉異洞口飛桃錦渥注吉水天連湘楚濶長
洲色映劍川霞白華孝子秋皎皎寄語司花鼓
急趨

壽何宗元年兄母夫人

南山高唱傳臆句手摘瓊花帶雪芳旌詔乍俞
無夢園集 驚集

壬

牙史奏 恩綸新入鳳池香帝庭玉樹文章貴
仙島靈護歲月長四十年來課子意早看昇鼎
在冰霜

壽陳襄宸侍御年兄

好看佳候及朱明况喜薰風人侍清霜指西臺
呈峻潔星當南極表精英東方自不言仙骨張
孺非徒著直聲聞道滇中花盡綺四時還覺似
春生

徐雲林年兄出跡海道便道壽母

長憶孤忠炳劍門，葵額光老九龍森。客臺壯業
駐猶墨壽母長春室，是歲關北雲天。稽綵服海
南，夜月引芳尊。知君此去稱觴處，僊棗如瓶，近
可殮。

蓋卿弟初度

魚滿龍節使星過，我在中州子渡河。遍插茱萸
酬令節，獨携松帶傲烟蘿。年青小阮逢初度，頭
白詞兄樂寤歌。漢義二疏恒止足，傳經還勝積
金多。

無夢園集

驚集

三

題張義姑芳閨俠骨圖

一生那問標梅老，閨閣從容長鳳鵠。是母依然
貞不字，呼兒歷盡苦。于荼雙懸日月光，兄妹隻
立乾坤幟。丈夫逝者可生，生不媿濡毫。風雨寫
賢姑。

其二

謂他人父是吾兄，玉樹青霄駿有聲。不識人間
共衾穴，早看掌上秀芙蓉。辛勤抱子如已子，殯
藻吾翁即若翁。母以子旌仍義女，在原急難竭

懿蹤

輓金水部浮弋

水部清如水，虞衡課最還。賜金初日下，埋玉已
人間。劍去龍猶躍，玄成室已關。素心誰與說，落
葉滿秋山。

其二

生別猶牽袂，死能不涕漣。招魂惟有宋，作誄自
哀潘。吟苦收殘淚，曝書拂舊箋。傷哉如泥輩，清
徹有誰傳。

無夢園集

驚集

二

輓華方壺中翰年兄

蕭疎風雨故人容，茅屋藏書雲半封。葛藟勤將
根本庇，鵲鳩鳴向石磐宗。濤飛肝膽明于雪，影
落寒空氣尚龍。看劍此宵還未挂，鑄君三鳳赤
芙蓉。

輓門人計我瑛

楓落吳江哭故人，清溪攜手在城闔。石田伴月
添君影，胥口招魂問水濱。戰苦陣雲移海嶽，騎
成箕尾躡星辰。蒼博古雲霄異千尺，琅玕長

玉筍

其二

終日翻書手自耘我于宦興薄如雲門前不少
問奇轍寂寞從遊獨有君

其三

那知天意獨憐材何事雪深苦立哉聞說黃金
臺已築乘濤萬里莫疑猜

其四

僧寮廿載對霜寒風雨時將劍一看肉眼何人

無夢園集

驚集

三

相國士多君携酒醉江干

其五

風塵歷落賦崔嵬書幌空餘隔歲苔忽聽鳥聲
驚客至門前獨有我瑛來

其六

語君一事最堪書我葬天機其紹居旣誌二僧
將誌子三生石上吐芙蓉

陳太史無夢園初集

古吳陳仁錫明卿甫著

山海紀聞一

紀全遼形勢建置

全遼延長二千餘里三岔河中分其界故曰河東河西河東一十四衛東西南北俱千餘里水利土產既富且饒盡染腥奴之場河西一十一衛東西不滿七百餘里南北或二五十里或僅百十里自廣寧一棄至今七載半壁未爲我有

黑龍江集

海一

邊疆西南起大興堡接寧前假木冲堡界東北迄三岔河海州界延長五百五十三里邊臺二百五十九座腹裏接火臺二百三十九座新建敵樓一十三座大路臺七十九座海防西起杏山顧家山臺東至三岔河西岸迂迴曲折四百五十里通船海口一十三處瞭望臺架二十七座道屬濱海近邊冲繁稱最者錦義正安鎮武四處可通大舉附塞夷人紗花煖赤都令今已投奴額伯革黃台吉五路打賴汗青歹青乃蠻

原缺第二葉

昂輩拱免等酋蟻聚梟視雖開馬木二市鎮靜鎮夷大康等堡似可羈縻第谿壑難盈夷性靡常本城東環渤海西障醫閭前恃錦義爲藩籬後倚正安鎮靜爲鎧鎗據三韓要地稱形勢之區重兵屯聚誠足彈壓兩河有警居中調度分戍應援緩急相濟儼然常山之勢在焉邇年奔棄城池蕩蕩平道路茅塞白骨相撐青燐遍野且奴孽潛渡三岔黃泥窪出沒無時遠矚不明近探不的前鋒撥役不過望塵以爲真見將領等

黑龍江集

海一

三

官不過閉門以爲善守竊恐廣寧不復杏錦終是偏安寧前將爲梗塞河西尚難我有何以慨河東而破奴穴哉况近又求和我當急急以修戰守挿箇西退我當放膽以絕後患如高台一堡止有速不的一種爲市彼既不從挿而西乃挿之叛部也又暗交于奴而東乃奴之心腹也猶且買我之米糧賣之奴乃我之內奸也盡請密旨暗令督鎮或借厚賞之名以盡殺或出探獵之舉以滅絕此虜一剿東可斷奴之窺伺西



可洩挿之忿恨內可除我肘腋之患豈非一舉而三捷也況此虜老幼精壯不滿萬數易爲殄滅者也兵法云其次伐交的與奴交故可伐也欲制罕罕先制郅支今日之速不的正郅支之類也欲復廣寧先剿速不的我得併力東向而無後顧之憂除挿叛部非挑挿酋之怨亦何憚而不舉此耶遼土未復因遼人未歸遼人未歸因遼弁散處遼弁散處因遼之俸糧未復還其舊也誠查遼之舊日千百指揮之俸俱照山東

遼東圖表 每一

四

各省之數而先還之遼遼有十萬三千軍兵之餉亦還之遼遼之世職隨俸自來遼之百姓亦隨官自來不待驅逐出關而輻輳還故土矣全遼之地宛如龍形奴寨是其首灰扒南關金台白羊谷五穀城一帶自北而南是其脊寧遠過三岔河沿海金復等州直至鎮江是其腹遼瀋開鐵清河寬奠廣寧諸內地是其腸胃關門一闕是其尾間旅順是其脐蒂大海連鴨綠江以上烏龍潭縱繞奴山流出太子河滋潤遼地

總歸三岔河復注于海首尾呼吸血脈貫通論其理首能受氣而泄于尾間雖有彼損我益之象按其形奴酋居高而寧遠關門居下從下攻上波反得勢而我無權故寧遠守禦之力有餘而難于搗巢之戰



紀全遼地理城堡

出關中路往東行

〔南海〕山海關 至八里舖八里

八里舖 至鎮遠堡十二里

鎮遠堡 至中前所十五里

中前所 至高嶺站十二里

高嶺站 至前屯衛十五里

前屯衛 至石子河十八里

石子河 至沙河驛十二里

沙河驛 至雙墩舖十五里

雙墩舖 至中後所十八里

中後所 至東關驛二十里

東關驛 至曲池河舖十五里

曲池河舖 至中右所城十五里

中右所城 至曹庄二十里

曹庄驛 至寧遠十二里

寧遠城 至雙樹舖十八里

雙樹舖 至連山驛十八里

一衛

連山驛 至中左所二十里

中左所城 至高橋舖十五里

高橋舖 至杏山驛十五里

杏山驛 至松山所十八里

松山所 至小凌河驛十八里

小凌河 至紫荊山十五里

紫荊山舖 至大凌河所十里

大凌河所 至精王舖十五里

精王舖 至十三山驛十里

十三山驛 至窩塌舖八里

窩塌舖 至榆林舖

右屯衛城 貼海沿

榆林舖 至新舖十五里

新舖 至閭陽驛十五里

閭陽驛 至寺塔舖十五里

寺塔舖 至壯鎮舖七里

壯鎮舖 至南二十里舖十里

南二十里舖 至南十里十里

一衛

錦昌堡

二衛 錦州城

戚家堡

義州

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

永清堡

南十里舖 至廣寧城十里		四衛廣寧城 至東十里舖		東十里舖 至東二十里舖		東二十里舖 至潮溝舖十五里 團山堡		潮溝舖 至盤山驛十五里 正安堡		盤山驛 至鎮武堡四十里		鎮武堡 至平洋橋三十里		平洋橋 至西平堡三十里		西平堡 至西寧堡三十里		無夢圖集 海一		西寧堡 至河東東昌堡二十里		河界三岔河分東西河東西冬走水夏行船		河東中路往東行至海州六十里轉往北行至		開原盡極處五百里		馬圈子 至新舖十里		新舖 至東昌堡十里		東昌堡 至乾溝舖十里		乾溝舖 至石井舖二十里		石井舖 至海州十里	
-------------	--	-------------	--	-------------	--	-------------------	--	-----------------	--	-------------	--	-------------	--	-------------	--	-------------	--	---------	--	---------------	--	-------------------	--	--------------------	--	----------	--	-----------	--	-----------	--	------------	--	-------------	--	-----------	--

一衛海州城 至土河舖十五里		土河舖 至乾泉舖十五里		乾泉舖 至鞍山站三十里		鞍山站 至長店舖十五里		長店舖 至沙河舖十五里		沙河舖 至首山舖十五里		首山舖 至八里庄七里		八里庄 至遼陽城八里		五衛遼陽城 至接官亭十五里		無夢圖集 海一		接官亭 至瀾泥舖十五里		瀾泥舖 至三拘舖十五里		三拘舖 至虎皮峪十五里		虎皮峪 至板橋舖五里		板橋舖 至沙河舖十五里		沙河舖 至白塔舖二十里		白塔舖 至渾河舖十里		渾河舖 至瀋陽城十里		一衛瀋陽城 至榆林鎮十五里	
---------------	--	-------------	--	-------------	--	-------------	--	-------------	--	-------------	--	------------	--	------------	--	---------------	--	---------	--	-------------	--	-------------	--	-------------	--	------------	--	-------------	--	-------------	--	------------	--	------------	--	---------------	--

榆林舖	至蒲河舖十里	
蒲河舖	至凡河舖七里	
凡河舖	至鎮寧堡八里	
鎮寧堡	至夷虜城十五里	
夷虜城	至北腰舖十五里	
北腰舖	至蘆野舖十三里	
蘆野舖	至凡河城十五里	
凡河城	至新興堡十五里	
新興堡	至鐵嶺城十五里	
鐵嶺城	至中安堡十里	
中安堡	至山頭舖	撫安堡
山頭舖	至鍾固城	
鍾固城	至沙河舖十里	裁河堡
沙河舖	至山周舖十里	松山堡
山周舖	至開原城二十里	青安堡
開原城	至威遠堡	
威遠堡		

鎮北堡		
青陽堡		
鐵嶺城東邊轉南行至金州城		
東山堡	至平泉堡三十里	
東州堡	至馬根丹三十五里	
撫順所	至奉集堡七十里	
馬根丹	至散羊峪三十里	
奉集堡	至瀋陽城四十里	
散羊峪	至清河城四十里	
威寧營堡	至清河五十里	
清河城	至一堵牆堡三十五里	
一堵牆堡	至靉陽堡三十六里	
鹹場堡	至孤山堡二十里	
甜水站	至草河堡九十里	
孤山堡	至灤馬吉堡六十里	
灤馬吉堡	至靉陽堡六十里	
靉陽堡城	至新賓堡五十里	
草河堡	至靉陽堡城九十里	

新奠堡	至寬奠堡城三十里
鎮夷堡	至發陽堡城一百三十里
寬奠堡城	至大奠堡二十里
大奠堡	至新安
新安堡	
險山堡	
鎮東堡	至鳳凰城三十里
大佃堡	至永奠三十里
永奠堡	至長奠二十里
長奠堡城	至江沿臺堡一百里
鳳凰城	至湯站堡五十里
鎮江城	至湯站堡六十里
湯站堡	至江沿臺堡六十里
江沿臺堡	
龍台鋪	至塔山鋪十五里
岫巖堡	至蓋州一百二十里
塔山鋪	至汾水十五里
青台峪堡	至鎮東堡一百里

分水鋪	至耀州堡十五里
連邦峪堡	至海州六十里
耀州堡	至橋頭鋪十五里
橋頭鋪	至李羅鋪十五里
李羅鋪	至青石嶺十五里
青石嶺	至蓋州城十五里
一衛蓋州城	至榆林鋪十五里
榆林鋪	至塌頭鋪十五里
塌頭鋪	至塌兒鋪十五里
塌兒鋪	至熊岳驛十五里
熊岳驛	至布子鋪十里
布子鋪	至新安鋪二十里
新安鋪	至五十寨二十里
五十寨驛	至南縣鋪十里
永寧監	至蓋州一百四十里
南縣鋪	至孟家川十里
孟家川鋪	至墨塔十里
黑塔鋪	至八家鋪十里

一衛	入家鋪	至復州十里
一衛	復州衛城	至沙河鋪十五里
	楊官堡	至沙河鋪二十里
	沙河鋪	至麻河鋪二十里
	麻河鋪	至栞古驛十五里
	樂古驛	至古城鋪十五里
	古城鋪	至蒲瀾鋪十五里
	蒲瀾鋪	至向陽鋪十五里
	向陽鋪	至石河驛八里
一衛	石河驛	至樓子鋪七里
	樓子鋪	至望海塌堡十五里
	望海塌堡	至甲匠鋪十五里
	甲匠鋪	至望城岡鋪十五里
	鹽場堡黃骨島堡	至歸服堡一百五十里
	歸服堡	至紅嘴頭五十里
	紅嘴頭	至望海塌堡五十五里
	望城岡鋪	至金州城五里
一衛	金州城	至南關鋪十五里

	南關鋪	至棘針鋪二十里
	棘針鋪	至木場驛十五里
	木場驛	至雙廟鋪十五里
	雙廟鋪	至山澗鋪十五里
	山澗鋪	至旅順口二十里
	旅順口	通登州水程五百五十里 至金州城一百二十里
	出關北邊路往東行南係海沿	
	鐵場堡	至永安堡三十里
	永安堡	至背陰障二十里
一衛	背陰障堡	至三山營堡十五里
	三山營堡	至平川營堡二十里
	平川營堡	至瑞昌堡十五里
	瑞昌堡	至高臺堡三十里
	高臺堡	至三道溝堡八里
	三道溝堡	至新興營堡五里
	新興營堡	至錦川營堡八里
	錦川營堡	至黑庄寨堡二十里
	黑庄寨堡	至仙梁寺堡十五里

仙梁寺堡	至小團山堡十五里
小團山堡	至興水縣堡二十五里
興水縣堡	至北塔峪堡六里
北塔峪堡	至塞兒山堡十里
塞兒山堡	至灰山八里
灰山堡	至寺兒堡十里
寺兒堡	至沙河營五里
沙河營堡	至長嶺山堡十里
長嶺山堡	至段木衝堡二十五里
無夢園集 海一	
段木衝堡	至大興堡二十五里
大興堡	至大福堡十二里
大福堡	至大鎮堡二十里
大鎮堡	至大勝堡十八里
大勝堡	至大茂堡十五里
大茂堡	至大定堡二十里
大定堡	至大康堡二十里
大康堡	至大平堡十五里

大平堡	至大順堡三十里
大順堡	至大寧堡虜失
大寧堡	至大靜堡八里
大靜堡	至大青堡二十里
大青堡	至振夷堡十里
振夷堡	至振邊堡五十里
振邊堡	至振靜堡二十里
振靜堡	至振安堡二十里
振安堡	至鎮遠堡三十里
無夢園集 海一	
鎮遠堡	至振寧堡十八里
振寧堡	至振平堡七十里
振平堡	至西興堡三十里
西興堡	至西平堡三十里
[河界]三岔河分河東西	
過河貼西邊往北路程堡圍	
東勝堡	至長靜堡十五里
長靜堡	至長寧堡十五里
長寧堡	至長定堡二十里

紀名號決戰勝

奴酋名號

號愁者主也

四男名喝竿稱愁不出戰

號貝勒者王也

凡奴子姪孫

號恰者總督也

以真夷有

號娥夫

正派稱之

者駙馬也

號姑嫗者女壻也

配號孤山者總兵也

非真夷兇狠

號牛鹿者

將官也

俱不用中國人凡

號獐鷹者千把也

亦以雜

號擺言者好漢也

披重甲衝營破陣者俱是又有號紅擺言者最精健

無夢園集

海一

三

一奴酋號色

黃色是愁紅白藍是貝勒

即各

黃藍紅白做

心以別色做邊是愁與貝勒下孤山牛鹿之

類不外黃藍紅白四色非如中國五色俱全

寓五行五方五音五味相生相剋之意

一奴酋旗號

大旗用竹竿或木竿向一丈八尺旗面以黃

藍紅白紬絹爲之畫神馬飛虎之類用擺言

被重甲者執之凡小旗或繫錦桿或挿腰間

各隨大旗之色不使參雜

一奴酋統屬

愁總統貝勒哈娥夫孤山牛鹿獐鷹擺言等

酋貝勒八恰四娥夫六孤山八牛鹿三百六

十擺言共紅擺言三千有餘各牛鹿所屬健

夷或五七名或十數名或三四十名各不等

非如中國整營整隊連帥什伍之節制

一黃旗下是喝竿愁老奴第四男也老奴死喝

竿立奴衆稱爲愁偽號後金國皇帝砍倒黃

無夢園集

海一

三

旗則喝竿之頸可繫頭可獻內有黃心紅邊

者是台吉超哈貝勒乃喝竿之男又有蟒疋

痘貝勒湯鴛太貝勒塔喇哈恰毛坡乞恰草

孩喇恰毛把哈恰併兩孤山大小牛鹿黃旗

一倒奴衆披靡破竹矣

一紅旗下是昂把免貝勒內有紅心白邊者是

姚塔少塔乃昂把免所生二男亦有兩孤山

大小牛鹿砍倒紅旗此族可縛

一藍旗下是賣疋痘貝勒偏阿貝勒內有藍心

紅邊者是安明貝勒吉汗尖山亦有兩孤山
大小牛鹿砍倒藍旗奴亦大敗

一白旗下是阿吉哥貝勒內有白心紅邊者是
王哈赤貝勒乃王台之男撫夷總王王世忠
之兄兄居奴穴弟在

人朝此正防微之一漸用間之一機況楊姑
康姑煙董姑煙佟姑煙名養李姑煙死有男
併狡兒免哈赤兩孤山大小牛鹿砍倒白旗
則奴之黨與可滅心膽可寒授首指日矣

無夢園集

海

話

支派之序

奴兒哈赤殘忍嗜殺搭背瘡長男紅把兔老

欲克撫順紅把兔謀以不可背杜大哥

天朝恩老奴怒殺之生男一長姚塔次少塔

次男昂把兔稱只勒兒領長姚塔次少塔

又次賣疙疸貝勒見領兵一偏阿

又次喝竿稱慈老奴溺愛遂繼台吉超哈

又次蟒疙疸稱只勒兒

又次湯鴛太稱只勒兒

又次阿吉哥稱只勒兒

鼠兒哈赤老奴之二弟也長安明稱只勒次

尖山見領兵次吉汗見領兵

狡兒免哈赤老奴之三弟見在身體

外有塔六人王哈赤稱只勒又稱都堂楊姑

煙康姑煙董姑煙佟姑煙名養李姑

煙名永芳已

嘗聞一勝者王再勝者霸三勝者滅今奴一勝

而得河東再勝而掠河西三勝而躡薊門是滅

亡之會也況得遼人十有其八殺遼人十有其

無夢園集

海

事

七凡遼三又遺子誰不思雪恨報讎惟在鼓舞

振作惠愛保恤使三北之過開一面之網凡哀

我鴻鴈憫我扶杜招集徯徠最爲恢復復土之

要也且廣寧復而右屯錦義膏腴之區屯政可

與南衛復而銅鐵鉛銀山澤之中礦利可得餉

費於目前者有數賦增於日後者無窮是不大

費於今必不大省於後也較之株守寧錦一線

之路今日告餉乏明日討軍實悠悠無結局之

期勞與逸省與費萬相倍也

紀八島形勢利便

海上諸島自西迄東環繞遼岬共二十餘處其間緊要便於屯練進取者只有八島一覺華一蓋套一旅順一廣鹿一長山一石城一鹿島一皮島覺華之在寧遠已經駐兵布置若蓋套進可復蓋海規遼瀋退可據長生連雲二島與屯利以張犄角以扼奴吭緩急與關寧聲息相通旅順南接登萊北通金復東西聯屬諸島此南路進兵之要道也廣鹿長山週各百餘里既饒

無夢園集

海一

三

耕牧之地更多駐練之場且切近老岬從紅嘴堡望海塢進則可南走金復北出蓋海以窺遼瀋石城寬廣五六十里內有膏腴數百頃而黃骨堡沙兒寨黃嘴塢俱可伏險出奇鹿島局勢雖小進討極便如繇璇城湯站直抵遼瀋還收寬駿左衝右突不啻從天而下皮島周圍五十餘里東聯屬國北控奴巢西窺遼瀋南濟登萊扼要出奇以上八島皆星羅棋置分布沿海水陸互練在舟爲水兵登岬爲陸兵出沒無常多

寡莫測奴馬第長于陸不長于水沿海處處受

敵處處設備我以屯牧之暇游戲水面以誤之彼首尾相救奔走疲命猝然乘要害而起此以逸待勞反主爲客之妙也但在我兵力有限廣布爲難就中喫緊扼要則以旅順爲第一策我出師寧錦臨三岔薄遼陽撼奴之頭約東江朝鮮張聲勢嚮鴨綠江一從鳳凰山掣其尾一從夾山關擣其穴而旅順直趨金州間道走岫巖攻其心脇此三方大舉出奇制勝之處也然寧

無夢園集

海一

三

錦擊首爲先聲東江擊尾爲虛勢諸島並列爲疑兵皆不可嘗試爲躁進爲輕敵而旅順獨居中爲全力其節短其勢疾用力約而成功多捨此一步另無恢復

紀合南衛廣寧以復全遼

登州旅順兩岸相對一蓬風便朝夕可抵時至秋深東北風多轉盼冬寒海水氾岸飛渡險阻國初以遼附山東水路恒通迨後以遼附北直榆關爲重而登旅之路遂塞然而舊蹟尚在也今復設登遼二撫登撫南聯登萊北復四衛遼撫東整殘疆西固榆關任誠重然從來復遼之舉議者俱未挈其要領盡以遼之形勢觀之未全遼形勢如人一身山海如頭寧前如頸錦義

無夢園集

海一

天

右屯如兩手廣寧遼陽如肚腹北四城開鐵瀋陽如左足南四衛金復海蓋如右足今復南衛是治其右足人之腿足必與肚腹頭頸相連屬而舉動始活必復廣寧通三岔河接東昌堡而南衛始爲我有南衛廣寧俱爲我有如難癒之人幸遇良醫血脈融通筋骨連接一肢一足之痿痺可以立瘳止欠遼陽北四城之地一左足之恙耳如不復廣寧雖復南衛血脈斷絕生氣消索其能久乎况旅順一堡耳金復海蓋相去

四百餘里我兵南距大海東西無援其何能支

故今日欲復南衛籍之爲虛聲則可倚之爲實者則不可復南衛併復廣寧變虛而爲實則可復南衛不復廣寧廢實而征虛則不可且廣寧去寧錦僅跬步之近南衛去登萊隔瀚海之遠運轉轉輸之難易又不可不辨數年來東江遼涉海外原以虛而牽奴之實今我自去其虛而奴反益其實我又不能以實禦致有遵永之禍今且張其虛以喝奴秋冬猖狂之謀固其實以

無夢園集

海一

天

固我來春恢復之計目今錦寧山海遵永間秣馬勵兵寂然勿動俟秋冬兩防無事之後遼鎮復廣寧等處登鎮復南衛等處刻期齊進定限復城山海以西宜大以東仍頒處處嚴防若奴犯廣寧南衛出銳師以尾其後若奴犯南衛廣寧出銳師以擊其傍若奴不動我且東西耕牧兩河屯守此又非用寡之所能也南衛廣寧各非五萬之衆則不能填實而十萬之兵作何調募養兵之餉作何接濟器械衣甲馬匹船隻作

何措辦必使一針不錯一縷不紛方可成事

紀路河

路河有益邊疆誠爲得策欲復廣寧當卽修路河且收水利防水患其高深丈尺志已載盡第稍增益便爲萬全復廣寧用此一策戰守俱有所恃則事半而功倍也

紀復廣寧南衛

開原撫順廣寧三城俱非我有何怪挿酋不在彼住廣寧復舊市開挿自東宜雲緩我之門庭

無夢園集

海一

三

清寧藩籬增厚室奧始得安康不復廣寧挿住宜雲宜雲則患挿奴侵遼蓊挿又遠通宜雲又患奴是宜雲遵蓊我之門庭也門庭不清皆因藩籬不增廣深厚致有門庭之寇門庭不清楚寧靜致有室奧之驚故復廣寧乃今日之急著併復南衛尤復廣寧之全策

紀三岔河旅順口鎮江等三方

奴酋入踞我遼陽以三面迫我西則爲我三岔河西南則爲我旅順口東南則爲我鎮江城寬奠五堡等處彼以三面迫之我以三方應之彼以我侵地孤懸而守之我以我三方併力而毆之

如三岔出師與奴敵則旅順應以水陸兵進薄海州牛庄等處而鎮江兵漸進海蓋以援之如奴潛師間擊旅順則鎮江兵應急出橫截歸路

無夢園集

海一

手

而以三岔兵直趨遼瀋以尾擊之如奴遠掠鎮江城等處則三岔應分兵疾趨奴之新城而旅順兵應從間道覘其情歸與三岔合兵夾擊之

紀城南關旅順

一議城南關嶺旅順口三面皆大海口內有小沙灘長里許可容千餘人卽今立營房處沙灘外四面皆水水四面皆高山山之西北限有新舊二城遺址在焉城之直北皆平山去城數十里爲南關嶺瀾僅數里形如葫蘆口兩傍皆海

回視旅順口儼然葫蘆底也口欲底寬截長補短計將百里許可敵今之一大縣其中平衍處儘可屯種欲復遼瀋樹三方犄角之勢此其一也當選大將一員於南關嶺築城以隔虜騎內可以保障旅順外可以虎視蓋州奴若過河西犯我兵可從登州直搗遼陽相距僅五百餘里視毛帥住皮島隔大海遠在千里外者牽制之功不啻霄壤然城南關必須先集磚石於沿海兩岬供役需五千人又須先設木柵於城外後

無夢園集

卷一

三

併工修築期一月工完乃可動工數日間虜騎必來探望我分兵拒之木城外虜探騎必不多待其回報益兵來攻必經旬日我之城工已過半矣

紀分兵旅順

一分登兵戍旅順登兵五千新舊各半舊規出汛駐劄皇城島者爲遼陽未失金州沿海有兵對峙爲聲援所以防倭患也今旣無倭患旅順一帶虜又棄而不守則駐劄皇城頗爲無味似

當移駐旅順將五千分爲二營設二參將領之

紀鎮江

一先駐鐵山止隔鴨綠江三條去遼陽九百里耳今退皮島去鐵山又隔一海矣其屬將所駐鹿島石城長山廣鹿諸島皆隔大海與遼陽老岬渺不相涉獨鎮江一處去奴差近可以駐師爲犄角之勢當日招擒佟賊泊舟於此僅兩宿耳

無夢園集

海一

五

紀寬奠諸堡

寬奠等堡正當奴巢之後縣通夷關入可三百餘里縣鎮朔關入可二百五十里其巢前有城後依叢林密箐以自固無甚深阻得以精兵三千兼程而進掩彼不備

紀海州

海州西望廣寧南聯蓋復金三州是南衛往北盡頭處北近遼陽瀋陽奴之新巢欲復南衛此處乃奴與我必爭之地不比他處艸舉事必

無夢園集

海一

重

得善守之將足一年之食鎗銃火藥凡守城之器務期全備海州守固全遼得復在廣寧有犄角之勢在金登成屏捍之威在遼瀋第臥榻之間耳斷不容奴奸豎可也東昌堡亦名牛庄止可做海州前探之區不可久住是今日之海州正昔日之卽墨必善守如田單暗藏一火牛雖齊七十餘城可復況遼乎

紀冷口

邊外大川爲東西虜捷徑可行數十萬騎其桃

林界嶺因撫賞熟徑實建昌一路尤甚然如奴

入大安堡陷遵永竟從冷口瓦窰換班捆載蓋以龍井大安遠十日程不若冷口便也過數里爲湯泉平沙蔓草顧見虜中都山川嵐層積此路須設重兵其次則界嶺越遼西關與冷口並急若桃林阻水青山阻山較此尤易守耳奴東近以九千兵守之自援凌調發一空不滿二千今以一千五百守石門百道子東尖山琵琶梢觀音溝一帶以二千守星毛溝河流口以一千

無夢園集

海一

重

五百守桃林口佛兒峪劉家口等處以三千六百守重峪口東勝寨青山口羅洋峒箭竿嶺中勝堡等處皆見在調防更于瓦窰高埠添設砲臺二座安置神器對打客山○方盛夏五月山海關外震雷猛風飛砲大於鴿子見告矣宜府是月初一日又告鎮安堡大雨雷電霹靂碎火藥于城樓矣皆奴報西行後徵應也

紀開原

開原本以隔斷奴之要路開原失奴要路始通

且金台失白言骨無所依賴俱奴所併金白二
 酋精壯勝奴者不下五千繇此若宰賽若抄花
 奴又并之宰抄二酋精壯又有五千餘合之灰
 扒兀喇瀋跨魚皮毛林諸種共有五六萬又天
 啓七年倣汗都令火兒勤束不的又有二三萬
 總之不滿十萬昨薄 都下僅有三萬賊塘報
 動稱三四十萬訛也

無夢園集

海一

三

山海關外紀聞

紀奴老寨

奴老寨後爲 長白山山後爲渾河遡三岔河
 入渾河躡其後戶此一奇着然杜將軍向不渡
 此河陷沒耶昔憲宗時李秉趙輔大討董山一
 出渾河越石門土木河至分水嶺一由鴉鵲關
 過鳳凰城摩天嶺至潑猪江中軍則從薄刀山
 粘魚嶺過五嶺渡蘇子河至古城聞此皆鳥道
 縣絕人不得竝行騎不得成列之地趙將軍又

無夢園集

海一

三

何以鼓行深入一舉克捷耶

紀失開原

前日之賊東有朝鮮北有北關西南有遼開一
 帶僅僅東北一路四圍逼束自清撫失事以後
 守寬奠再建城設將于柴河靖安間悉宿重兵
 以漸逼而轉蹙之猶易也自大軍三路敗沒而
 賊始敢掠盡屯堡自我兵坐守四城而賊始敢
 交合西虜徑取開原是前日不復清撫以失開
 原之覆軍卽後來不復開原以棄遼鎮之榜樣

今開原一帶盡失而外交合朝鮮北關賊亦何所牽掣何所顧忌愛我遼瀋而不攻哉

紀遼官專設

遼左額設道將各官原皆爲西北大虜而設獨寬奠清河撫順三處爲東夷而設各有信守况以三岔河分東西相去千里尤難調援惟總兵職統全鎮無事居守廣寧有事東西策應與各守一地者不同自逆奴發難河東用兵而調西道爲監軍疲寧錦于奔命

無夢園集

海一

三

紀奴情

當先衝陣遼人也層層監制者賊也乘勝長驅者賊也尾後不絕者婦人女子及束草爲人遠望之皆賊也奴素善愚我而我並無一事愚奴豈智巧不及遠至此哉

紀奴奸細

夫均遼人也惟撫順清河之人始而與奴接兄弟既而與奴通婚媾故撫一失清河旋陷二城之人至今爲奴用事殘酷狡黠甚於奴揆厥所

無夢園集

海一

三

由因開市年久夷夏防疎故其人陷于犬羊而恬不知耻奴亦熟稔情好而任用無疑若此輩約有二三千鑒此則張家口潘家口之款又不可不嚴其防也

復遼實著

遼地綿亘二千餘里而三岔河中分其界河東遼陽爲重河西廣寧爲重廣寧不復雖有寧錦前屯不過一線咽喉河西半壁終非全有又安望其復全遼破奴穴哉且廣寧至河僅一百八十里距河爲守護防暗渡是天塹之雄也錦義右屯足稱犄角是自強之地也土沃產殷屯種易饒是富庶之區也邊外一帶俱插漢所屬十八家夷人受賞之地廣寧一復插酋必還舊穴

無夢園集 海一

三九

思討原賞而宜雲亦得稍緩是於插爲調虎之計於奴爲坐困之謀必再加申諭凡遼人有潛住省直者儘數出關以還故土嚴令各官有姑留遼人者從重參究以清內地遼之科貢世胄俱許仕遼以立功勳不許遊宦以忘桑梓俟平定之後照舊推陞別省員缺庶遼望先歸遼衆景從或路遠難行官給脚力或窮餒不前官給粥食各府州縣務加體恤全活子遺期歸故業精壯選之爲兵老弱助之爲農以遼人復遼土

以遼土養遼人捲土重來之實著也

遼原有屯糧有屯艸有科糧有科艸載在冊籍藏之水庫如每衛有掌印指揮一員有掌所千戶五員有署印百戶五十員總旗小旗屯頭甲首糾察戶有軍幾名馬幾匹幫軍餘丁幾名隨馬軍田幾分每田五十畝爲一分授屯軍一名每季食鹽菜銀二錢五分秋納屯糧或谷一十五石或豆七石五斗草七十五束外此又有科糧科艸之名乃百姓祖業已地地有金銀銅鐵

無夢園集 海一

記

之殊科有上中下等之異俱入倉廩之內以爲軍儲之需有管屯之官專以追徵爲任有倉廩之官專司出納之責全遼官兵十萬三千坐食本衛本色六箇月仰食京運折色六個月二百餘年馬騰於廐士飽於伍法莫良於此矣今或地在人亡宜補其人而屯其地法廢籍存宜設其法以合其籍奈何置之不講也如無牛者官借牛價預擬牛租或谷或豆青艸谷艸至秋上納其原價仍在也無種者官借籽種無食者官

借食米亦預擬其息以爲上納之準再廣募商買各備貲本屯田塞下或旌表或加級或贖鑲或糶賣俱以本色爲重而折色有禁較之兵丁月食厚餉歲獲幾何且既欲其戰守又欲其耕耘能堪此重役乎且不肖將領每藉公作以耨私田卒致枕戈之健兒竟是荷鋤之傭僕敵愾何以振撻伐何以張哉是民屯足以養兵兵強足以衛民也便計也

紀必復廣寧速備京師

欲復廣寧一帶非五萬兵不可廣寧原額官兵有十營六哨大約不過一萬五千餘員名東有鎮武堡至廣寧九十里原額馬步官兵五百八十員名以遊擊總之所屬西興等三堡每堡該堡官一員又量堡城之大小大約不下三五百名廣寧迤北有鎮安堡南至廣寧五十里以叅將總之所屬鎮寧等五堡每堡該堡官一員各堡該軍丁五百員名廣寧迤西北至義州九十

餘里以叅將總之額兵馬步有三千名所屬太清等五堡每堡該堡官一員各該官軍有三百名者有五百名者亦量堡城之大小容軍士之多寡廣寧中路迤西至大凌河所一百餘里有備禦總之馬步官軍有四百餘員名廣寧迤西南至右屯衛一百二十里有遊擊總之馬步官軍原額有四百餘員名各爲援北而實爲海防之設迤義州至戚家堡五十里有遊擊總之所屬大安等三堡每堡原額馬步官兵亦僅足三

百之數其錦州南北所屬邊堡已見有兵將駐劄獨以廣寧未復等城而論之夫廣寧存城之兵實數止用一萬精兵甚至再添五六千足矣其餘者分發各堡譬如三岔河至義州東西大小城堡約有二十四處路程亦不滿三百里某城遊擊馬步兵若干某城叅將馬步兵若干某堡守備守堡馬步兵若干無事派定停當必設處那向兵馬填實其餘不足者請餉召募土著務期五萬之數大小將領必選智勇兼全勿使

無夢園集

海一

四

庸懦債事兵必須要強壯勿以老弱塞責明春爲始就在寧前錦州各照信地團練實練一年踰年舉事庶幾可復况廣寧東環渤海可通四衛之水路四障醫間堪爲奇伏之險要前恃錦義爲藩籬後倚鎮安鎮靜爲鎖鑰廣寧一復又切近奴巢不惟神京無憂卽寧遠前屯亦安枕而臥矣再相機而恢復南四衛宜亟用精兵二萬一萬繇登津以抵金復一萬繇鎮江以抵海蓋廣寧選精騎數千繇南海口接應四衛此

潛渡之一法也若奴知覺多設旗幟火砲直抵三岔河上伴爲搗巢之舉奴必縱兵以堵三岔河我登津鎮江之兵乘虛一鼓而復四衛此聲東擊西之一法也雖然東奴之來去籍東卜的之引導潛居寧前一帶僞稱屬夷隨東卜的所扎之處務多方奇計絕其種類可也况東卜的老弱不滿數千專爲奴之黨與奴黨一散我則任意作事廣寧復南四衛自無不復四衛復奴必不敢盤據瀋陽而歸老巢矣然老巢又不容

無夢園集

海一

四

易歸也奴必與我決一勝負而後始定去就我又必得精將銳卒圖一大創之然後奴孽方死心而歸故巢奴一歸故巢其遼瀋開鐵諸處復全矣噫此必需三年預爲措辦而後一舉可復若今日燃眉之計則神京爲亟昌平駐遼兵三千通州駐遼兵三千派州駐遼兵三千必擇廉能之將以統之其本處之兵止可用之守城練習火器教演矢石如奴自昌平路入通派之兵爲左右翼如奴從薊門繇通州路來昌平之

兵爲左右翼如奴從宜雲路犯則昌平通涿之
兵互相彈壓何致奴薄城下之敵哉再使宜大
各路之兵清野待敵之隙此以逸待勞之一策
也若夫錢糧之不足者非不足于加增實不足
于冒濫也近遼東各大小將領以下孰無侵占
孰無隱冒必須設法清查速將老弱無用者汰
之至少僅足供昌平通涿九千兵之餉若明春
一年不犯將昌平通涿之兵齊復廣寧此又兩
利之謀也大抵真奴不滿二萬連年蚕食金台

無夢園集 海一

望

石伯顏姑灰扒叭喇魚皮都領等夷盡十萬矣
堪戰者止有三四萬而我若以實心行實事又
何懼于奴他若山東等處之遼官遼民必速發
遵永暫住以待恢復之用

漸復廣寧

廣寧雖陷于虜而虜不居猶爲我之內地雖屬
于內而我若不復又爲虜之外資況錦寧彈丸
而軍民雲集壅滯于一處而宵啼露處不若開
拓乎疆宇而分居散逸之爲得也然核廣寧先

復義州與右屯二地乃廣寧之兩翼兩翼不張
雖復廣寧亦孤而無助

無夢園集 海一

望

紀遼薊宣雲之合勢以分虜

太祖高皇帝建大寧扼二虜于東西以三韓爲肩臂彼不得合謀攻我我得以專力制彼神謨超絕千古

成祖文皇帝以夷攻夷遷大寧于內地立屬夷爲外藩不郡縣而爲我編氓不衣糧而爲我戍卒內息民力外養軍威似莫善于此也但非我族類積養成驕積驕成變時爲東虜耳目時爲西虜腹心或借東以掠西或勾西以掠東始則

無夢園集

海一

望

畏我而潛謀繼則要我而明犯虜之勢合我之勢分合則兼收其利分則兼受其害邊將掩敗爲功債帥剝軍媚虜將不習兵兵不習戰遂至決裂不可收拾東奴入寇屬夷鄉導將怯而鼠匿卒潰而狼奔薊門天險建臺設關修築費無窮之財不能濟一朝之用良可嘆也自山海關抵开運口分隸三協十二路沿袤一百七十里以星散之卒禦電掣之寇勢不敵也所恃者險險不在我所恃者備備難于猝邊在險之內險

在關之外虜居高而望我乘險而拒我如鼠之

在穴誰能入穴獲鼠虜可入而我不可以出虜可來而我不可以待險爲虜用不爲我用築邊增險誰曰不善接石爲基則根不深借山爲壁則根不立上重下輕內虛外實于成則速于毀則易經年修築頃刻坦途棄天險而費人力虜歛旣壞勢必遠遁天與機會我不可失地設阨要我不可棄形勢迂迴山水間隔山有起伏水有曲折用山爲障用水爲阻高則因高而

無夢園集

海一

望

削之俾其不可越深則因深而浚之俾其不可踰鑿山爲壁固于金城注水爲甯險于湯池不壘而成不營而造取地之形收險之利省虛糜而獲實用居高望遠守險當衝瞭望不遠則設備不預設備不預則戰守不利一片石大鹹礮東虜必由之路滿桃兒木虎嶺西夷結聚之所瞭在(大鹹礮)東虜不能驟入瞭在(木虎嶺)西夷不能潛趨哨撥有橫有縱設哨有迂有直直不爲近橫不爲迂前哨爲表接哨乃應有表而內

之聲息相聞有應而外之連絡相續紅草溝爲
 山石臺燕之要路都山後爲馬松喜太之衝衝
 塞紅門川之險則馬蘭谷墻子嶺吉家庄驟可
 無虞據十八盤之險則曹家寨古北口石塘嶺
 徐爲有備險在內不在外勢在我不在敵我得
 險而得勢虜失險而失穴脰脰難干晝見鼾睡
 無容近榻借林木而彰疑彼惘于暗度開空谷
 而延虜我易于詐坑結草爲兵懸石爲刃總山
 合爲一局按局分爲各隘動靜相通呼吸相應

無夢園集

海一

晁

妙用在于撥哨前日非不哨也哨而不遠非不
 遠也遠而不實明哨如入虎穴暗哨如履虎尾
 去與不去誰爲查點實與不實誰與照對出則
 任其遠近報則任其虛實上下相朦合成一套
 有哨與無哨同也是虜得匿伏而撲我我不得
 暗度而哨賊豈撥夜之罪乎以山爲營以險爲
 壘撥錯綜而成部伍哨連屬而編行列邊外有
 邊撥外有撥直哨爲橫哨耳目橫撥爲直撥肩
 背有興哨有踵哨興哨有度踵哨有方出哨有

令接哨有號查哨有記候哨有時過時則查記
 無記則查號無號則按度數而查方所是查情
 之法亦救援之法也撥必朝更而暮移哨可東
 出而西入或縱撥而改橫或橫撥而改縱隨虜
 出沒或直往而迂回或曲行而疾走與虜浮沉
 瞭大虜易瞭零虜難瞭無心之虜易瞭有心之
 虜難寧以虎視石勿以石視虎彼陽走而陰匿
 我明見而佯忽料其遠近遲速察其去留聚散
 走而疾者往也疾而睨者畏也徐而望者瞭也

無夢園集

海一

辛

瞭而近者探也分頭而來者覆我也續尾而至
 者嘗我也來而不攻者聚也聚而不動者待也
 齊而不前者分也分而不入者擊其旁也入而
 不擊者乘其間也既見其形須觀其用再觀其
 動徐俟其變虜寡而我斂其跡虜衆而我現其
 形斂跡以示怯現形以示壯欲其入而去其疑
 欲其疑而增其忌地有不爭而故爲之急勢有
 必趨而佯爲之緩虜寡而我擊其兩頭虜衆而
 我擊其半渡投薪縱火伏砲滾石我憑險而擊

彼棄馬而戰我以高臨下彼以下仰攻此必勝之術也奴酋去薊遙于千里裹糧帶甲兼程疾趨兵家大忌况遼有三岔河大凌河小凌河入薊則有撒河黑河深河西則有潮河白河河防口河此爲天塹何憂其來而懼其驟也前屯衛北山之北斜陰背北山之南號爲函谷拳泥可封百夫守險萬馬難驅夜則縱火晝則拋石馬陵博望之功可成也東不得西則東虜困西不得東則西虜困交不得合則二虜俱困屬夷仰

無夢園集

海一

五

給于賞欵絕則屬夷困遼薊連而宜雲合虜分爲三我合爲一大寧可復建酋可捷插虜不足憂也議者或謂物力不足合抱之材連雲之木不可勝費也勝敵益強牛畜雲錦不可勝用也三衛之賞養邊外之卒不借資于內也大同邊北外立五堡開田給軍不勞轉輸軍民宿飽不可放而行之乎裂田爲井分流灌田農爲丘而軍成壘兵食資而戰守備由近及遠循次漸進不便于馬是不便于虜也屬夷困久生變勾連

爲患我陽絕而陰誘之開沽洩水濟怒自息鉄

圍分勢窮寇自散欲孤其勢先散其黨懼其疾而剪其羽懼其博而斷其臂明勾暗引陽順陰逆瞻其窮獨分其首從窮獨歸而大勢去從者赦而首惡擒張仁愿築三受降城于邊外古法最善以義院口界嶺口桃林口冷口諸賞招降于東以捺崖子李家谷潘家口羅文谷大安口諸賞招降于中以黑谷關潮河川白馬關大水谷諸賞招降于西向日賞加于酋首今日恩及

無夢園集

海一

五

于部落向日養驕今日挫銳易金帛以魯縞易羔酒以梁糲昔則挾纊不爲煖今則投醪足以醉習我制度受我約束化夷俗爲華風變部落爲行伍卽且甘帶垂餌牽魚不取之取以我還我漸消漸磨且募且坑東連遼左西接宣昌那尋丈而就只尺改單薄而成連絡外增重圍內設疊障薊鎮之有護如保鎮之有宣雲虜豈得突而人耶不由山海竟聞喜松是有外護而安無外護而危也

破三說擒奴巢以鼓中外之氣

一日漸進漸復也一日用夷攻夷也一日修屯政爲久計也此三說者有復遼之美名而非復遼之急著也何也兵家之勢利于合不利于分奴之尅我城而不守也情之深而策之巧也蓋奴衆實不越五萬若得城卽守則地廣而力分故旋得旋棄者非愛我畏我也正以分爲合之計而中國之將吏不識也若我持漸進之說以爲恢復之謀則得一城守一城復一堡守一堡

無夢園集 海一

垂

多兵則無餉少勢則成孤我散爲守而虜常聚彼以全力攻我苟一城陷而餘城不可保矣其不可必保者兵家分合之勢使然也是兵未進而先疑虜未滅而起衆何可用也渥中屯而先零降渭水屯而司馬困法非不美也然患在剝膚而求七年之艾火已燃眉而望西江之水庸有濟乎況今之屯田割死士之脂膏而足取盈之令驅荷戈之貧卒而食不毛之場何可恃也其不可恃者緩急久暫之勢不同也愚故曰此

三說者有復遼之美名而非復遼之急著也今

誠爲恢復計則奴巢不可以不擒機不可以不速奴自尅我兩河而我不敢以一矢相加遣奴之輕中國也久矣聞其金復海蓋一帶戍守單弱而貪婪屠戮部曲多離且酋長各擁重兵而不相下此亦危而動之秋也我乘其無備因其猜嫌打造戰船千號挑選精卒統以智勇膽畧之將潛伏于天津山海而陽出陸兵數萬于三岔河之間高其壘赤其燾以示渡河之勢奴必

無夢園集 海一

垂

悉銳甲以拒我師而我以舟師潛抵鴨綠江直擣其巢穴率東江之兵收遼之四衛又約朝鮮之旅攻奴之腹心三方並進水陸夾攻此時奴欲歸而陸兵尾其後奴欲戰而我已潰其巢奴欲竄而毛兵衝其右鮮師截其左勢必四分五裂雖然邊吏以倖安而了局縉紳眞卸擔而因循造艘千號揮金百萬事出非常勝負難度能無首事之慮乎前人委之後人而後人復然今日望之明日而明日又復然天下事將不知所

稅駕矣嗟嗟遼左可復而不能復且使之必不可復者豈盡武臣之過哉

無夢園集 海

七

紀取三韓要地

以寧錦爲正以東江與金復蓋州爲奇正兵出三岔聲言欲渡奴必分重兵以西禦東江合朝鮮之衆聲言直搗其巢奴亦必分重兵以東禦首尾相聯步步綴緊奴兵兩分窟穴自虛然後三州之師直入心腹奴衆雖強勢必瓦解此不待智者而後決也且三州枕山襟海沃壤千里往者全遼半給于此得之可以進可以守可以屯鑄山煮海形勢最便無中斷之患無衝突之虞其中所匿遼人尚多收拾一年可以增兵可以充餉此從來取三韓之第一要地然居奴肘腋之下其勢必爭非明于致奴不爲奴所致者未易勝其任也

無夢園集 海

五

紀大寧內徙遺患薊宜略

薊門之北有山巍然千仞茂林豐草蔚蔚其間東連遼左西接上谷北控大漠南遶薊門沃野千里大寧固我

皇都之肩背也與宣遼並峙以限華夷故援京城有遼兵焉言近也迨後兀良哈歸順遂徙鎮人於薊南捐此居之宜遼之聲援隔絕而都城距之甚遠昔之都長安者急朔方都洛陽者急太原都汴梁者急河北然遼者二千里之外近

無夢園集

海一

卷

者不下千里今都城距古北黃花鎮一帶遠不過二百里近則一日之程耳蓋西夏朔方終宋之世爲中國勁敵燕雲十六州淪入夷狄者垂五百年今我既拓而有之此天地所以限華夷之大界也奈何大寧內徙開平東勝失守火篩渡河國家形勝所據漸不如初故在陝則寧延罹其害在晉則石汾遭其毒而薊鎮自庚戌以來卒無解嚴之期矣故剿逐屬夷恢復外邊設鎮建官分屯列戍如宣遼制內外兩邊屹然拱

峙宣遼三鎮渾然聯絡或曰今薊鎮增修牆臺矣添調南北衛兵矣且遼東之兵聽援山海之東矣宣大之兵聽援居庸之北矣援兵四至春秋互防不知此苟且目前之計耳人無固志且西自獨石東抵廣寧此大寧舊地也獨石迤東至舊大寧朵顏衛夷人居之再東至廣寧泰寧衛夷人居之至于福餘一衛遠在遼陽三岔河外今所宜剿者惟朵顏泰寧二衛耳計其衆不滿萬人部落錯居各山谷間我兵一出可逆知

無夢園集

海一

卷

其有倒戈而無格刃矣此職方李公承式所著樵牧野談之略也因俺答款而中止今揅明以此地讓奴旣闔遼又闔宣讀此有感

自遼東太平堡西至宣府獨石城近千四百里南北不及三百里遼金史會州之北有水葉山南北千里東西約七八百里皆層崗疊嶽叢林茂樹毒蟲猛獸雜聚其中山徑阻塞不通人跡今西虜稱之曰揅漢東虜稱之曰都山者是也土蠻居其東俺答諸虜居其西二虜不得常相

通者此山爲之限也西虜犯薊與遼則必徑獨石邊外三間房東虜犯薊則必經都山舍二路莫繇也計所以設外防者唯先東北與西北二處耳北自獨石迤邐而東南止石塘嶺幾三百里宣鎮之東疆也東自太平堡迤邐而西南止一片石約三百餘百是遼鎮之西疆也二鎮皆列兵以守之若復大寧宜自獨石直東分二百里隸宣鎮移其守東南者守之自太平堡直西分二百里隸遼東移其守西南者守之中遺地

無夢園集

海一

卷

多不及千里隸大寧焉

京師左山海右居庸未聞虜從彼中入者以外有宣遼重邊爲之衛也卽在宣遼何歲無虜患然涉其境而抵都城則少矣蓋虜從彼處侵入已費攻戰之力及抵諸關之下前有內邊之兵遏其鋒後有外邊之兵躡其尾怯前顧後不得自繇不大敗則速走耳若薊鎮止以一牆爲隔三衛夷人爲之勾引鄉導虜潛伏其地牧獵自便我之哨探旣難彼之竊發不速分數道更番

攻之且攻且休我雖分兵備禦晝夜戒嚴然依垣而守地濶人稀曠日遲久易生懈怠或乘風雨或乘晦夜突如其來衆寡不敵應援弗及欲其不入何可得哉果復大寧則外邊縱有時警不過如宣遼故事而京師則宴然高枕臥矣

無夢園集

海一

卷

紀薊門險要

自大寧淪入三衛宣遼之聲援隔絕而薊門遂爲重鎮矣其先歲遭虜患蹂躪無虛日戚總理塹山湮谷磚包邊城雖有三十六年河流行口之大舉則邊臣之不戒於武尋亦俱寘之法下今則非其時矣速不的等酋潛導於奴毛乞炭等皆新折入於插邊外之屬夷盡撤畿輔之保障堪虞以十二路之衝險較之山海一路當遼薊之咽喉不必論矣東協石門路之一片石義院

無夢園集

海一

李

口燕河路之界嶺口建昌路之桃林口劉家口徐流口河流口冷口觀音溝白羊峪中協之喜峯路潘家口李家口董家口鐵門關鮎魚石松棚路之羅文峪供山口俱通大舉極衝中協之馬蘭太平二路則次衝西協之牆子路鎮虜關簽兒嶺磨刀峪南北櫻桃園古井路之潮河川石塘路之大水峪白馬關東西駝谷等處俱通大舉極衝曹家路惟有汗兒嶺正開其餘之河西七寨乍兒峪弔馬谷皆次衝也雖零星衝口

難以枚舉而大虜萬騎南下勢必繇于諸口劉

家喜峰古北三處則爲殘元避暑入上都孔道更爲緊要插首從宣府紅門川南下則古井口潮河川白馬關牆子嶺獨當其衝東奴假道薊門將欲直擣於桃林冷口喜峰之間則徑繇虹螺山椒水衝一帶而遼左之兵馬不能以顧薊矣奴以一軍塞中前所一線之路則薊鎮之師必不能以顧遼兵寡則勢分地遠則力不能及且連年三協班軍大半俱撤於遼臺牆傾塌者

無夢園集

海一

李

不獲以時修繕沿邊在在皆取薊鎮以匹馬不入爲上功而今日何地何時不惟將每歲之班軍俱應仍歸版築更當以顧遼之兵力分而顧薊也

紀薊門兵馬

薊鎮左輔 神京屯兵基布於十二路各守提則有路將所統分守之兵於臺頭營漢兒庄石匣營則有三協守所統勇壯之兵於密雲則有總督標下左右振奇營之兵於遵化則有撫院

標下左右中輜重營之兵於三屯營則有鎮守
標下內丁坐府右營之兵於三屯之北六十里
則有操陽一營以當喜峰之後勁於永平府則
有練兵一營以重北平之屏藩於東西中三路
則各有南兵一營以守邊臺於通州則有通州
營通津營以護倉廩此皆額設之舊兵也又有
密雲之車營遵化之東西兩營宣武營三屯之
援兵營薊州之浙兵營通州之民兵營一片石
之揚武營此皆因遼事所增設之新兵也薊鎮

無夢園集

海一

奎

自戚將軍繕邊以來畫地爲守東西聲援相接
刀斗相聞虜騎絕不敢南向大司農亦得因兵
以時給餉奈之何遼左一敗再敗征調遍天下
而薊鎮獨先受其害以患切震鄰有呼必應軍
馬之精銳者悉以抽而之遼營伍日空有清汰
而無召募馬匹倒臥有椿朋而無買補先年每
馬驗價十五兩次則十二兩今每匹止在七八
兩或五六兩矣且宣大市口爲揀舊所制已無
馬可買又安所得良駟以收騰驤走敵之用乎

盛甲器械全不打造以補缺額卽有請發不過
京廠之不堪者以充執把而已至新營備比月
餉多至一兩五錢而三協之健兒皆棄其薄糈
逃其原伍以投新兵然新營又多變遷不一以
傳舍之官而馭烏合之衆日銷月糜曾不得一
卒之用以客兵言之各鎮之兵堪戰者俱空於
抽調而入衛於薊鎮者則多老弱疲憊不任干
戈之流是新與舊兩受其弊而主與客均無足
恃矣當在先以厚餉募精勇一人可以勝百以

無夢園集

海一

奎

重價市戰馬薊豆不敢虛糜督製器於邊樣而
責其良楷綜神器於摧堅而發無不中專久任
於廉勇之將而敵人寢謀裕糧餉於按月之給
而三軍果腹新兵之充數者則當挑其驍勇分
之各路以充家丁而新營之將領可以盡裁伍
軍之老弱者旣當議汰急須清勾壯丁以無令
縮額則用一兵必得一兵之力而省一分便多
一分之用邊政庶幾有濟乎

紀薊門檄哨

薊邊延袤千有餘里以守爲戰非若他鎮之虜
出沒無常不可制限蓋因前人區畫詳備無隙
可乘於邊外則有橫撥有直撥有深入虜營之
通夜有巡邊守門之夷人虜欲大舉欲零竊未
有不可先謀而知者及其挖邊作歹則臺兵有
守禦之火器烽軍有預備之烽火稍可通虜之
處則有大將軍發損滅虜虎蹲跑佛郎機百子
銃併各色鎗砲火器扼垣而擊虜卽入犯未有
不可拒堵而守者然非所論於今日也尖夜置

無夢園集

卷一

奎

身於險烽軍晝夜瞭望缺餉至半年餘不譁則
不給譁者皆新舊主客之營兵而出哨守烽之
卒給則食不給則忍饑以待救死不暇安望其
宿飽用之以偵探用之於斥堠乎薊鎮邊例九
百以下是零賊止傳本協自成功千賊以上是
大舉而後烽火及於他協最爲明悉今賊夷雖
數騎該守提自足追勦然不特本路馳援而他
路亦馳赴策應矣卽數百騎之零賊亦報大舉
不特鄰協馳援而標兵亦統之赴敵矣脫一路

之中各口傳烽一協之內東西並急又將何以
應之乎甚至賊去而舉烽砲兵到而已無事者
徒令馬匹奔馳趕征一番倒灰一番也此二者
皆薊門之所當改弦者也若哨虜得實不惟加
之以厚餉而且與斬級同功虛報軍情不惟罪
及於墩夜而且與守提並坐如是而一舉一動
我先以察敵人一卒一馬不致疲於奔命

紀薊門夷情

薊之中東二協邊外夷人係朶顏衛酋首長昂

無夢園集

卷一

奎

爲大頭目所屬諸酋三十六家小頭目其次其
如嶙金兒係長昂之弟其下則有長昂長子伯
洪代次子來洪代長昂驍勇善戰又恃其子弟
之勇力絕倫慣養死士恩結小頭目東統杜隆
汪燒餅他兒滾長兔兀魯亥四撥吉伯言塔賴
所合兒哈喇等酋西統煖兔那木賽打兒賣那
木駱駝琴代等酋環居大寧城併大小興州等
處住牧先年侵犯薊鎮中東二協地方遼東前
屯寧遠等處大受其害薊鎮先事者見本酋犯

無寧日隨許本酋在喜峰口羅文峪寬佃峪大安口潘家口擦崖子冷口桃林口界嶺口義院口各給大賞口後爲我之屬夷矣節年來雖有鼠竊隨時警服長昂子長子伯洪代所生長男蛤兒罵什先犯遼東被箭射死次子浪蘇尋亦病亡今存速不的者則伯洪代第三子也見統三十六家夷人部落約有三萬騎向年已降於奴長昂父祖孫等酋俱係山後哈喇慎王子下頭目哈喇慎昨年被插酋勦除速不的恐勢

無夢園集

海一

卷

孤不能拒所以順奴欲借力以抗插其禍原始於此矣奴亦利於速酋之降希圖假道犯薊其受降殆有深意焉薊鎮西協邊外酋首則有俺答王子省愛台吉所生五子趕免超免土喇免伯言免討而莫免並板不二什伯言台吉阿拜台吉召力免台吉騷開台吉阿暈台吉阿堯什台吉等酋嘯聚於商杜兀素大小延挖雷一帶地方往牧向爲薊西邊患後西協各路潮河川白馬關黑峪關大水峪俱在給各酋大賞爲邊

屬夷內惟有赴免子乞慶台吉阿冒超免兒毛克炭三千時常犯邊竊掠阿毛超免兒毛克炭係趕免繼妻滿旦比姬所生滿旦一婦人耳猗猗桀驁披甲介馬領兵提調視諸酋強甚薊西常被此婦擾攘前年滿旦死三子向在宣鎮地方擄掠乞慶台吉先入犯永寧亦被家丁射死新聞其弟阿冒超庫兒毛克炭又被插酋勦擄未知的否若是則薊遼宣雲延寧各鎮屬夷俱東折於奴西併於插 中國之藩籬盡撤唇亡

無夢園集

海一

卷

齒寒其禍將有不忍言者則 陵京根本之慮也

紀奴情

收宗族親戚之女十三歲以上者養之於內以待有功而後聘之名爲阿府譯言駙馬也嫁送家資卽予數千金勿斷矣如有斬折一王子卽拔此陣之有大功者無論尊卑卽以其王子之名號併所遺鞍馬服飾妻妾金帛俱盡畀之尊寵無二也其有受令攻城不克與摧堅而不陷

者領兵之頭目輕則戮及本酋重則闔家斬斬
十人臨陣則以二人堅之持萬字鋼斧於其後
稍有退怯回顧者卽以斧擊之回軍而驗有斧
痕者外無贖此其法令之嚴無徇無縱而又挑
精銳者萬人名伯言兒卽華人之所謂親丁外
士戰酣而後用之其各夷之弓箭鎗刀盔甲俱
不計工本必極其精銛而後已其箭鏃俱長三
寸許鋒利不可當有如菠菜葉者有如劍形者
其攻城之具則用槐榆木厚八寸餘高八尺如

無夢園集

卷一

五元

輪形下有四小輪以入御之其板俱用活銷每
遇鉛鐵彈擊之似板而實活以致鉛彈遇之車
往後番去鉛彈子折而過車隨復起不能傷人
馬無所中用之攻城推至城下卽以鋪地以弓
矢仰射而以尖鐵衝挖城長五六尺餘柄以粗
木爲之每去一輓則以衝入五六人共坐其柄
而撼則城不能支矣奴所畏者遠之則紅夷砲
近之則萬人敵也近日東奴亦用火器插酋亦
有鳥銃手四五千則皆我內地之奸人有以誑之

紀永平虜入

永平東枕陽山西繞灤水三輔天險也舊制本
道標兵一千名府屬民壯城操二千餘名自建
酋發難以來增設忠武營兵三千以一遊擊統
之稱雄鎮云頃因汰冗令下營兵減三之二操
兵減十之六七本道遂移兵壯工食以養標兵
舊役卒之首尾兩窮而冗員虛冒如故食煩生
寡重鎮武備乃不可問十月廿六日奴兵從馬
蘭峪突犯薊門督師提關外兵道經永平鄉紳

無夢園集

卷一

手

請兵共守乃以滿庫將五百名守遷安縣以楊
春將千餘人守永平十二月三十日塘報奴抵
近郊猶有答其妄報庚午改元一日奴果從城
北渡河我兵以紅夷砲乘半渡擊之部伍離披
踰時復合遂駐宋家庄距城僅五里許或以爲
東西虜疑信相半初二日奴兵蜩集旋城扎十
三大營長八九里始知其爲東虜而後議散庫
藏搜奸細詎意文廟天花板上奸細先伏廿日
雖當夜獲其一奴而兩年前用六百元所買之

馬亦被斬訖初三日午刻奴伏東嶽廟窺內虛
實放滅虜砲幾十聲擊城不中我兵以紅夷砲
應之南營第三次中其帳房見兩紅幕飛入雲
表何知奴計狡空設帳房向城南砍松枝圍擺
假一大營紅夷雖發竟置無用是夜四鼓臨北
城三官廟下郡城東北踞高山惟西南平陽北
面尤險崎嶇蜿蜒人莫仰視奴即攻所不備奸
細城內連發火箭黎明由文廟射圃登城碎萬
人敵北面窩舖延燒人心大驚揚武營反兵即

無夢園集

海一

三

楊春所領引虜登城向內放砲與道鄭國昌目
擊楊春城頭指點助逆內應顯然本道即令衆
生員以鐵尺木棍毆死之士紳鄉兵奮力堵關
被難者中書廖汝欽閒住副總兵焦延慶生員
韓原洞張汝恭田士儁李茂元劉可足李文燦
羅圻羅俊羅采張鴻鸞周士魁重傷李熙李燁
然金煉彩陳素吾中軍守備趙國忠竭力殉戰
程應琦罵賊而死義勇鄉兵死及萬人奴登城
時即首傳原任漢兒庄副將楊文魁面詰以去

年三月曾有書札付汝爲內應今又費我攻三
日筭五十棍免罪又傳鄭兵道語半日不屈身
穿兩箭回衙門碎印而死又傳鄉宦白養粹再
下黃旗禁放火自殺剃髮免死於是廢將孟喬
芳應募而起生員宋應元倡立牌位香案滿城
貴賤大小化爲異物知府張鳳奇推官羅成功
相繼就義庠生周祚新胡光奎合門自焚張翰
國馮繼京死而無悔武舉科正唐之靖袍服北
拜作別友人書十二口咸就火焉初四日未刻

無夢園集

海一

三

奴遣兩孤山焚燬東門城樓公署民房火竟日
夜初五日奴傳白鄉宦爲永平巡撫行人崔及
第爲永平兵備盧龍知縣張養初爲永平知府
兼理縣事各授職并盤府縣倉庫府庫盤銀二
萬兩零縣庫銀二千一百兩零永豐倉并縣倉
共粟米六千餘石黑豆三千石馬草幾萬餘束
及送戶口冊下令再火屠城各官力救得免初
六日傳官生見愁即老奴愁帳駐東門外岳廟邊
前後左右密布鐵騎胡帽黃衣坐高橈諸王士

孤山席地兩列舊總兵麻登雲與焉賞降將孟
喬芳新授白養粹張養初崔及第等

副將楊文魁等各與貂裘一襲事畢盛陳旗幟
金鼓進城周行而出老慈東行留兩子稱留守
王府招安州縣荐舉人才貢生方夢斗托跡縉
衣廩生朱濟美哭辭委任初八日以犒賞爲名
勸助金帛抵作買命生員廖師周以獻物不精
籍沒家產綁無完膚同知楊爾俊以去髮不淨
立刻斬首又移東北房屋頃刻逐行空身不及
無夢園集 海一

裏糧計出連姻官生各獻室女選中王守祖谷
遇時女二白氏崔氏共五女正月廿五日奴遣
郎副將持幣聘遷安郭鄉宦潛逃郎將拘其妻
室優養之遷安縣徘徊觀望而滿庫亦先逃矣
灤州聞虜先潰有惡棍李灤江大作蹂躪倍甚
原任大條潛逃出城

昌黎撫寧樂亭石門臺頭燕河劉家
營力修城守獨昌黎斗大孤城老奴督攻三月
不克二月十七日奴遣郎副將統虜數千搬運

財物衣飾牛馬并所擄大小男婦幾萬出口聞
被祖總兵合謀黃台吉部落協力共勦虜傷大
半財帛等項悉歸台吉郎將被傷左臂一箭腰
上一箭餘虜星散奔回永平卽閉城門扎三營
傍城其灤州亦併在府守州者四五百虜耳有
一矮小劉道人向在府持齋行符咒爲名破城
之後騎白馬執黃旗遍街遊擾細查此道乃李
永芳之戚托伊爲奸隨即茹葷飲酒娶少艾爲
婦府屬地方遠近無不劫殺獨榛子鎮一孤城
無夢園集 海一

當衝道况無官兵防守惟鎮中韓原性傾家倡
義日養土民千人并給往來兵馬草料虜至不
敢輕入后竟死于虜以其能死守恨次骨也

紀奴入犯

自五月來零奴渡河而西未聞東返東不的糧米于高臺堡積之葫蘆嶺且薊門剋滅臺糧而軍不歸臺又復滅其人以致空單奴既殺將破城關寧兵馬宜疾趨滅奴即不然或扎營三屯等處要路又或扎營石門險隘令奴不得西闖乃竟守偏北不衝之薊州虜既佔石門據形勝止有退守三河總路乃俟其越薊始尾奔也城下兩戰宜乘此時夜燒其營壘而俟從容扎南

無夢園集

海一

三

海子惟求入城自逸真大誤也

石門之戰血鬪者止都司左良玉與其家丁七人每人所帶五十餘矢俱盡玉田犬小泉之戰先爲奴所誘究乃殺開血路奴多披靡榛子鎮板橋之戰主帥不戰而退守豐潤奴乃虛張其營分爲七處假差喇嘛送馬求和四出搶掠遍于郊野豐潤玉田遵化寶坻巨集大村上窖所藏糧草地皆所蹂男女亦俱不免蓋十日之間原野一空喇嘛纔去殺傷所餘鄉民奔積川浙

兵將憤激約以初三日夜掩襲大安口副將謝尚政繇西北鼓衆先登臺兵一人扒城手刃三奴川兵一人繼之手刃二奴衆遂蟻附奴莫措手參將鄒宗武繇西南砲擊開門蜂擁直入亂砍奴賊賊遂奔潰虜與遵城內賊合力來攻馬兵據山袖手奴遂分作三股兩翼而上馬兵退避漸逼臺下俯瞰大安用木老虎火之而退時至二更我兵仍歸馬關則大安原不可守也若非馬兵失守是日可稱全勝閱二三日賊復入

無夢園集

海一

三

踞初八日遣兵燒之奴遂亡命

高勳俞冲霄十二月廿七日薊州城南五里橋之戰方從東來不及進城賊還西去猝然相遇殺賊甚多後雖反風自傷賊終以此不敢犯薊遵化之北爲邊邊不必備三屯踞其東石門扼其西亦不必備備正南面耳南面之口止牛門等四口耳口屯一軍絕其搶掠必斃之矣或懼遵賊內出永灤遷賊外入則豐潤之東九十里爲沙河驛城雖小而厚可容三千人城外平坦

可管萬五千人東去永平六十里南去灤州四十北去遷安四十里真三賊總會也揀一名將提一萬五千人守城之外列四大營不愈乎頓兵老師於遵薊之間哉

遵化一督一監軍一總兵馬步不及二萬人城內之禦敵者銃砲多于矢石則叛將柴通金有光所統潘洪兩關之兵也川湖兵扒城而入見死愈奮百折不回後雖開西門內應而認砍其潘洪兩關之叛卒以洩積恨人爭快之遷安率

無夢園集 海一

三

鄉民攻圍奴遁獨蚤永平城外無兵奴得恣意屠殺駕言點名城守按冊無一得脫間有一二漏者官兵入城砍作首功當時七總兵趨灤道徑永平倘畱一二軍于永平城外奴亦必急遁與遷安埒一假往灤州而不來一假守大安而後至又大誤也


周職方疏難民帶辦入奴以得其消息剪辦作兵以助我攻圍入冊者難民共二萬七千一百四十六名鄉兵共十萬四千八百九十一名其

分也而未入冊者攻灤約七八萬人圍遷約二三萬人嚮應遵化約四五萬人又其合也兵民不定分令無常官丁亦剪髮以偵探難婦遂凭城而呼應愚謂安撫遼民正在此時

按搗西巢急川兵皆圍遵時要着蓋奴踞遵永灤遷為窟穴而以朶顏諸虜為聲援董口潘關龍井羅文盡為賊出沒更番之地僅薊州一塊土與奴偪壘而居故欲從黃崖或馬蘭路出口直搗西虜之巢狼顧自驚不然遵賊伏精騎于山坳而以城之固自怙又時走健哨于遷永間而羅文泄山之虜合力為援則何及矣

無夢園集 海一

三



再犯錦州情實

奴犯錦州僅六千騎強弱相半八月內從大鎮堡入本堡離錦州止十數里在本州西北奴至城西河邊河離城有三四里奴分三路一路取松山所松山在錦州正南離十五里隔乳峰山上有接火臺正南有王官山山上有新築敵樓正西有黃土嶺嶺上亦有接火臺正東有望城崗崗上亦有敵樓各樓臺內銃砲俱備奴不敢近城下止往東南一帶庄村槍擄焚燒庄村

無夢園集

卷一

三

農民歸併雙堡因雙堡臺固趨避者千餘人牲畜稱之卒以無援力盡傾沒雙堡離錦州五十里離松山三十里而松錦兵將不出門一步無一矢加奴凡雙堡迤東零星屯民殺擄殆盡嗟嗟遼人歸復故土不一二載間生聚幾何而又值此屠戮乎一路取杏山驛杏山在錦州西南離三十五里西鄰塔山所一十餘里城雖石砌炮銃可支且奴不滿三千僅自保守無援可待稼穡盡被燒燬屯民殺擄無數至若圍困

錦州之奴亦不滿三千特遠扎一營四散焚燒場圃而前鋒總兵祖大樂始得突入其餘將領不過閉門觀望而已矣撫院初到收保未及又秋成方殷農民渙居遂致奴復得志從大小凌河東去不知者奴已歸巢不思奴之老巢遠在開原之外奴之新巢近據瀋陽之中且三岔河不爲天塹插齒地任其出沒廣寧半壁之區奴復何所忌憚不以爲窺探薊門宜雲之逕路也勿以奴去爲去奴來爲來惟以實心說實話作

無夢園集

卷一

二

實事則奴去我可以實備而待奴來我可以實禦而掃所謂實者何今日之兵宜恩而不宜威今日之餉宜加而不宜減今日之將宜嚴而不宜寬將寬則兵皆槍擄無忌餉減則兵又枵腹脫巾兵威則衆必掉臂不顧此目前明見之情形也恢復永之日步兵死城下者倍於馬似宜倍惜

紀三將失地利

大畧杜以勇喬以智劉以紀律皆有古名將風
自三將死而中國無將矣此已未春之搗巢焉
失算甚也然三將之死皆以地利不明之故殷
監不遠可復浪戰乎哉惟當用舟師數萬戰船
千艘粟支半年於五六月西南風多之時或
自登萊或自天津順風揚帆先抵旅順口次進
鴨綠江以舟爲家返客爲主彼來則登舟以疲
之彼去則縱兵以撓之北返巢穴則水陸並進

無夢園集

卷一

全

以追之西渡三岔則四面埋伏以邀之東連朝
鮮潛師以擊其東西通土蠻虛聲以嚇其西夫
自山海關至鴉鵲關共二千三百餘里出鴉鵲
關至建州又七八百里共計三千餘里而我師
登岫則爲陸登舟則爲水器械兵糧陸續接濟
有增無減有進無退以佚待勞以飽待饑彼且
疲于奔命之不暇如此三年而遼不能復建不
能掃者未之有也

紀四城殘破善後

通州多備兵所以衛餉也在城之倉固當衛而
河下之淺船亦何可不衛今以楚兵守舊城以
閩兵守新城晝夜鈴鐸形似嚴矣客兵久戍寧
不虞變乎况櫻城而守卽土兵民兵頗足爲衛
久留遠來勤王之師非計也移出新兵五千渡
河東立營放閱從來防敵必防於敵來之衝待
敵抵城而後言守晚矣

無夢園集

卷一

全

險也虜之不敢近城窺瞰者蓋爲背險我兵登
山可以遠矚且四面皆我內地援兵易至誠能
去城東北設二堡或立二營以二守備官操閱
於此以壯聲勢復以大兵分營閱於山上令旌
旆烜赫真可以張 神京之氣或虜騎無知長
驅至此又不難以東北二營爲翼兵設伏於外
牧山上大兵掩旗襲鼓誘虜前進一鼓而奮據
高陽而戰遠來以佚待勞必勝之地也若不出
此徒效近日櫻城而守之策虜一據山城因必

矣

永平殘破之後民屋田產殆爲諸將各兵占盡民之死虜者十之七回鄉與降虜救死者不過十之三耳城中屋閭殘廢有有主而不得復業者蓋謂將兵已雄據矣田產亦然故城內外兵民雜處異鄉之人携本而至者羣居不分良善將日益驕惟知營繕田產兵日益惰第效醵飲相嬉孤鴻嗷嗷此時若不急屬能幹有司急速明查新舊以編民戶移出重兵大將遠離城郭

無夢園集 海一

七

鎮守要口以安人心恐變在蕭牆而不在奴虜也況永城甚得地利經山帶壑頗稱阨塞倘當日無內應其城決不致陷矣

沙河小驛耳然通接往來何可一日無人前爲虜所殘滅殆盡今移隣縣驛夫當差於此此類不過暫寓應差差完隨歸一城之中存屋不過十數間一片皆爲瓦礫之場荒涼特甚往來過客投宿無地望望而走徒生淒楚當此之時若不急移人民以實其城量調兵馬暫駐其地以

安人心而徒令關要驛地人民傳舍甚非所以靜道路也

關門之險可稱天府天下財賦輪聚於此居其地者人人忘虜患而利財藪非獨商賈爲然兵將之志鮮不以此故風俗之靡麗日盛而疆場之實備益弛觀關寧諸將近有二患一曰驕二曰憤昨聞敝功未的有當賞而未賞有不當賞而蒙賞故賞者滋驕而未蒙賞者成憤漢高帝用樊噲流得一城與一城之賞而韓信則壇而

無夢園集 海一

合

拜駕馭之術如此今諸邊將求其似噲者當無一二而人人皆加大將銜得無駭乎而不預者之憤憤作冷眼觀也宜急下檄諭使驕者毋驕以保此尾使憤者毋憤以勉桑榆是亦激勸之一機也

寧遠逼與虜處虜之畏首畏尾蓋以寧遠爲害也不吞寧遠關門未可圖也然寧遠四面受敵獨首山一面可以拒虜然虜不從首山超越亦多岐路故昔攻寧遠者四面圍繞但憚城中有

西洋砲耳近因外有土城之護人心亦懈殊不知土城太逼反使磚城難恃故今撫鎮道議守一謂磚城一謂土城各持一論俱非也善守者敵不知所攻今乃守於必攻之城亦拙矣多走間諜謹烽火遠斥堠不必崑恃其城而憑城爲退守之地張疑兵於首山結大營於城外或困其饑乏或擊其惰歸或以杏松二山絕其後或以呂華二島出其虛必使奮勇一戰然後以登萊之師復南四衛爲右翼以寧遠之師復廣寧

無夢園集

海一

全

爲前驅互臨三岔河爲首尾之應使兩河之間得逐稼穡再開蓋礦以佐軍需是知必有廣寧南四衛而後巢可擣巢擣而後遼陽可復也八月十三日奴酋三千束不的三千繇大鎮堡寅時入分二股一股上杏山高橋鋪一股上松山直薄錦州城下放火燒一帶庄屯十四日又薄錦州城四面咸燒復散深入燒掠庄屯十八日克雙堡臺八月廿九繇大凌河小凌河右屯衛大路而去將右屯城盡拆毀惟祖大樂得首

級三顆於杏山今內外將材兵馬雲集於此糧餉器械雲輪於此天下之物力無不全副湊聚於此視他鎮呼之不應應之悠緩真河漢也而卒歸於難者局勢之不一人心之渙散也關撫與鎮道不一未也鎮道與部關不一猶未也西人與遼人不一登萊與關寧不一將與兵不一兵與民不一將不一件上兵不一件將上畏將將畏兵兵將畏虜有人於此若能全副力量挑起重擔卽以全副精神幹辦挈領斯振耳

無夢園集

海一

全

紀戶口

戶口名數據昔日刊志之時言也後來

神宗四十八載遼氓之蕃育益增一旦被奴屠戮殆盡當何如生聚何如散養凡可以固遼疆墾遼土振作官生招徠流離總不外以遼人復遼土以遼土養遼人用遼將統遼兵鼓遼兵復遼讐兩言而已矣

國之大計莫過田賦遼土失後奴住牧者沃壤染于腥羶我棄置者膏腴變爲榛莽額糧額艸

無夢園集

海一

三

額錢額貢額科額銀一毫無出關寧十萬之衆止嗷嗷待食于京運海運東南之民力帑藏之積貯安得不竭且耗也如奴以十月克遼遼亦以十月無餉各項搜括不敷旬月之給捱至今春三月繇天津運至山海稍濟其急脫巾道傍禍有不可知者司國計宜預爲之所勿得再誤雖智者不能善其後矣今寧遠錦州屯所出鹽課僅以修公館備典禮儉至十分之一豈全盛之世置而不講者

紀任名將定國是

自古聖君賢相之定天下也必先定國是國是者如漢武欲鞭撻匈奴則專任衛霍漢宣欲綜名實則信用魏相武侯欲興蜀漢則以嚴治蜀唐宣欲平河北則責成李贇皇晉武欲平吳則密計于張華杜預三秦之定淮陰定于登壇數語六國之封子房破之前第一籌當是時羣議紛紛而斷以獨見衆言擾擾而持之愈確謗書盈篋也姑俟其成流言載途也姑觀其後此乃

無夢園集

海一

六

所謂國是之定也而今果如是乎武曲將星慘黯不明久矣

紀將

將不必別選也本其分閫者實任之足矣反其任將之積弊則爲實任以實任者卽收實効唯刻于持議而反寬于核實故不得不出于欺罔之一途今之將將者殊可異焉巫矯祝誇冒虛于首虜餽居餽入攘實于他人僞而增之以爲功者收否則絀屠腸喋血泣而向隅食脆衣輕

坐而取印罔而飭之以爲功者收否則絀赤羽
若日而曰弭盜山東白骨如山而曰駭虜絕塞
蓋而覆之以爲功者收否則絀士生斯世卽有
忘家裹革之忠非銷骨于入宮之妒亦掣肘于
樂舍之謀耳

據投鄉降夷之口詞奴酋某日上馬某日犯搶
徙事套文空磨塘報並未見設伏出奇身先士
卒而與奴對壘者也謂之大將可謂之抄傳塘
報之大將亦可

無夢園集 海一

將權

今居平政令盡出自督撫當陣鼓乃付之總兵
是臨敵易將也上下不相習而功罪互相爭疆
場之壞坐此矣若以行間政柄還總兵而以總
兵功罪聽督撫則督撫之體仍自尊而總兵之
材庶可展

醫間先生集序

此在醫外前屯作

蓋聞知飲食之道則知去就之道知去就之道
則知生死之道雖然知味難矣五位而知宰相
之味則役宰相而知具官之味則曠韋布而知
泉石之味則癖通顯而知鐘鼎之味則羶危疆
而知安樂之味則彌苦著述而知千秋之味則
彌短予聞給諫賀先生一見白沙悠然自旨官
可舍戶可閉撲殺者吐實焚劫者羅拜請革內
鎮守一疏洵有德之言故可謚可祀也先生曰

無夢園集

海一

三

東遠空祠者馬都督雲葉都督旺此二人奉
高皇帝之命航海來遠開創衛所建立學較濯
變腥膻更左衽爲衣冠禮義何可忘也予奉
詔直抵遠東都司今在寧遠攷先生集義州古
日宜州有虞封十二山時已爲中國之地矣馬
葉二公繇登萊招附經營設遠東都司焉東翼
廣寧南庇錦州西引大寧諸城亦一都會也唯
北邊與虜隣耳先生又云怀柔伯當久雨時遣
諸將治水口歸設酒延之後來將官慮邊事甚

少而禮接下僚尤不多見也余在前屯謁文廟
 登城試萬人敵一火箭三於是張副將身
 先當虜虜首至自瑞安堡余在城上痛飲作戰
 氣將軍益怒奮卽以是日入關爲公作序詩不
 云乎肅肅免置杯之丁丁合敬畏之心猛鉅之
 力然後武夫可干城干城可腹心試撝九塞遠
 肩臂也策全海遠腹心也有水陸夾攻之法而
 無三方布置之法莫若關內關外一海內海外
 一飭海師共濟如左右手目不反顧足不旋踵
 此其時矣否則青齊准揚盡以海爲邊患在腹
 心歟肩臂歟以肩臂視遠無不肩臂忽也以腹
 心視遠無不腹心奉也夷虜動靜之原天下離
 合之勢不可不熟察也

陳太史無憂園初集

古吳陳仁錫明卿甫著

山海紀聞二

錦寧道中

自議巡撫一裁而清河之敗至假令經畧不兼
巡撫必駐遼陽當是時擁大兵以自隨距清河
僅一百七十八里我兵知救援不遠必能爲我
固守一二日以待大兵之至乃西駐廣寧相去
五百里清人望絕而一日遂下 紀遼撫不宜裁

無憂園集

卷二

市馬十兩一疋者極堪馳突但夷馬成羣不能
多擇舊皆通融總買每百疋向止用價七白金
今卽稍貴而稍增八百金以外可買也大同左
衛道入段價六萬兩每馬一疋止用價六七兩
以後差官買馬者先往本道掛號每半月以買
過足數銀數同市口守備公報以杜侵欺此法
甚善 紀馬市

山海關抵遼陽約千里內自關至廣寧數百里
自廣寧遠達三岔河又多沮海每小車載米三

無憂園集

卷二

二

石日僅行三四十里計往回四十餘日每車兩
人一驢日約費銀一錢二分是費銀五兩而得
米三石也自套起至遼左至瀋至開鐵或二三
百里或六七十里車牛已是累苦不過汎自關
至遼千里之遠乎每頭短運可三石若長運月
運歲運僅可一石五斗且關外至杏山以北一
線之路左海右邊邊與路相去遠者十餘里近
僅五百里一路墩火失守哨探俱絕往往達子
拐我逃路人役截擄商民今聞車夫騾馬在途
勢必聚衆來搶計運糧十萬石往返數百回而
人馬累死者不可勝數矣 紀千里截糧
國初歲輓漕糧數百萬石全繇海運不可常恃
故開膠萊運河爲久計然淮登商民市賣來往
于成山嘴之間者固熟路也今山東買糧既難
如數勢必截漕于淮再截于天津而截漕于淮
則成嘴爲必繇之路必犯之險至截漕于天津
則或繇中道或繇北岸徑趨蓋套與三岔河起
卸正不必從山海關起運陸也 紀開成山嘴

國初運糧自登萊旅順海蓋三岔河入循遼瀋而非直抵開原之老米灣此故道也今即不能抵開原而三岔河則可至者蓋州奎至遼陽二百七十里三岔河至遼陽一百六十里方謂蓋奎比三岔河爲遠而可更言北迅便也總之登萊之糧運俱當定以蓋奎收卸爲主至謂官運有限民運無窮欲聽商民自運貿易寬其文法許帶貨物一二此富遼之策遼左河東河西千里既脫僅僅傍城就近耕種而一歲所出僅支本地一歲之用如遇小歉便作大耗以別無來路也紀蓋奎收卸

厚值募船費多而後且不繼應造海船爲經久計假如造海船四五百隻費三萬餘金可長用而事完又可變賣漕糧未可常截登萊未可全恃則廣糴于淮陽一帶蘇海運順保河間臨德一帶蘇運河入海運永蘄一帶蘇灣河入海運以濟截漕登萊之窮亦一策也故曰海運濟漕運之窮況今日已用海而登萊猶宜長慮哉

遼海船

借盟以增賞賞一得而歲以爲例卽質有親子頭目明明諭盟我終未敢殺質以速戮寃亦拱手還之攢刀說誓此濫套語遼中何虜不攢刀何日不犯誓禽獸無耻未足恃也嗚呼禽獸無耻而縉紳大吏亦忍蹈之惟昔紀用虜

自奴賊起事以來第知失撫順清河二三邊堡耳不知自鴨綠江東南起至西北六七百里邊堡如永奠長奠孤山麻場之類二十餘座皆已

無事圖集

每二

四

棄去邊內民堡如延望山寨之類數十座皆燬掠而我兵第守遼瀋開鐵四大城不敢一步往救也敗殘瘡痍之遺新募烏合之衆賊以全力攻四城之一而出騎兵分斷其援路三城無馬之疲卒能徒步奔二三百里越賊騎而抹此一城否一城失而三城俱不能守河東去而河西亦不能存故不恢復開原河東何以承載須將遼陽作一根本然後修復清河撫順寬奠一帶邊堡與瀋陽犄角而後徵集教訓次第進復奈

之何其不思 紀河撫順之始

登萊天津蓋套各居一角而舟行中間所謂北岸者猶天津往登萊稍傍南岸云爾實縣海中徑望東行稍向北轉而趨蓋套 豐潤每一小車運草五十小束至山海關給腳價二兩八錢至典賣車驢不得歸後增至三兩而車戶無應者此車可三石是豐潤去關僅三百餘里運米三石而費腳價三兩若自關至遼關千里可知已而虜賊搶奪軍民護送勿論也 登萊不數

無憂園集

海二

五

旬已運至十數萬天津永向承順以達蓋套亦有舊道海運自可行也登萊米極賤小錢四十文直銀四分而易米一斗當北直三斗順永保河一帶米俱賤誠使設法廣糴多方募運責成山東北直撫按轉行近海便水各州縣分糴運至水次交兌海船而督餉者第總其成若專仗登萊專望截漕專發倉穀專改京折爲本色竊虞其易窮也去年緣海運少米價踴貴十倍客軍賣盡行囊戰氣之衰全繇于此開原斗筲三

四錢人馬餓死城中者甚衆遂爲偵者所窺以至破陷 紀遼東便海運

凡營盤一面靠城三面挑壕兩道內一道寬一丈五深亦一丈五外一道寬一丈深亦一丈土散平垣內高外低勿碍火砲行路 其守城軍士日間無有烽信卽下城挑壕先將舊壕修濬寬深完日而後挑外壕但使城壕多得几道俱極寬深豈不安穩進不能奮勇殺賊退不免于死而又不鑿壕立塹此棄物也 紀營盤

無憂園集

海二

五

遼左自開國二百數十年舊功指揮千百戶總旗不過二三千員而自寧遠前後總兵三十年新添世職至四五千員何人不費廩俸何錢不出民膏平時括盡大利以至今日率其黨族先衆而逃故觀于萬曆間搗巢之釁封拜之侈而知遼東必有今日雖然遼官皆能戰與各衛官不同今欲換遼人先宜以選用遼官爲第一義 紀遼東官

撥兒馬雖快不快于賊馬也若賊隨撥兒馬洞

到而措手不及矣今不日夜趨補墩臺嚴明烽火而專恃撥兒可畏也以前皆是烽火與撥兒同到究其故不過臺空太遠而墩軍又不上臺忽然聽炮不知從何來甚有撥兒馬已過而始舉烽火者今臺空遠者酌量補築務使相連軍不上臺不時巡查違者以軍法誰敢復誤

紀補墩營明烽火

各鎮援兵甚脆弱一人三餉而無一實用川兵心齊膽壯只得精兵二萬亦自足用然非土官

無夢園集

海二

二

親領該道親押必又蹈永順之轍且多不善騎戰平原廣野或非所長此山林險阻之一勁也猶宜擇地而用之

紀援兵

遼城數十萬生靈全賴水防壩土一完可留可洩賊即強且衆斷不敢臨水一窺可省兵五萬將帥數十員此真遼陽天險而孰意有開門揖入者哉

紀遼陽水防

東西虜爲宰賽一事必不能和但煖秒力薄不能制賊必須虎酋作主而虎酋未易制縛但得

其以名應我使賊且畏且疑不敢長驅此西虜得力處也若諸虜本無同仇意念而我口遣使以求之反得因此以圖我快我是未得搗賊之利而先受西虜之害

紀川虜

但使蓋套所堆糧石運得疏通亦須費經年之力若北信口三根牛旅順口所堆貯者終必腐朽而不能運勢也借一帆之便徑到蓋套交卸爲便

紀蓋套運糧

天津之糧如可徑達三岔河則徑達更妙免自

無夢園集

海二

八

永平起陸更費如礁石難行則自永平起陸運至芝蔴灣亦勢所不容已者

紀天津糧運

初議者率曰保守遼瀋而不及寬叆鎮江殊不知寬叆鎮江爲遼之左臂而鎮江又朝鮮之咽喉金復海蓋之門戶也若不犯遼瀋必犯寬叆鎮江東北子遺全在寬叆鎮江誰與抵敵少壯必散而之金復海蓋有限之地加以東南流離之民又何以養寬叆失勢必順流而下直抵鴨綠取鎮江鎮江失朝鮮之貢道絕矣朝鮮與鎮

江猶北關之倚開鐵也鎮江失而朝鮮誰與爲援不猶失開鐵以失北關之一轍乎朝鮮若失借朝鮮之艦艘而犯我登萊不難矣今宜使寬駿之兵協同寬駿之民把守寬駿隘口使虜不得入而斷我草河要路鎮江之兵協同朝鮮之兵把守硯水嶺並橫江一帶使虜不得入而窺我鎮江鹽場兩重地一保人心不驚海運無虞矣故守瀋陽不如守鎮江寬駿東邊一帶蓋瀋陽城久空賊縱來犯自能過其深入惟東邊

無夢園集

海二

九

帶兵寡防疎賊若長驅而金復海蓋必不能支急諭朝鮮使知鎮江添兵助彼聲援該國整棚兵馬一駐滿浦一駐昌城以陰制奴入犯之謀釋此不圖異日恐有舍朝鮮而徑窺登萊者

寬駿鎮江

當開原初陷時鐵嶺北關尚在沅懿蒲瀋未逃法當亟復開原全我家當今破者破空者空徒分數萬人馬守各空城無一人民居住何益

開原初陷

初賊統全衆駐新寨日壓撫順關而窺我遼瀋我猶守在一面至冬履冰可渡或南出決河搶清駿村屯以窺海蓋或順流下鴨綠江而上奪鎮江以窺金復不然則渡江而東以窺朝鮮而賊出愈寬我守愈遠兵分力寡守何容易也筭賊之來路即可爲我入路者有四在東南路爲遼陽南路爲清河西路爲撫順北路爲柴河三岔兒間俱當設重兵而鎮江南障四衛東捍朝鮮兵亦不可少者清河撫順三岔兒三路山多

無夢園集

海二

一

漫坡可騎步並進當用西北兵以西北大將統之寬駿林箐險阻可專用步當用川土兵以西南大將統之鎮江水路之衝當兼用南北兵以南北兼領之善行師者行必結陣見可而進知難而止每行一次必立一營貯放糧草兼作退步各路兵深入百數十里必留營數所撥兵防守而前路迎敵兵馬必漸單薄且兵馬既隨各帥往遼遼城空虛應設兵二萬平時駐劄遼陽以壯中堅有事策應四路以作外援又與海州

三岔河練兵一萬聯絡東西以備後勁復設兵
 一萬防護海運以杜南侵此向者議征行居守
 之大略也而皆成畫餅矣紀秋防四路設兵大
 往者開鐵清撫汎懿蒲藩俱無恙則河東以遼
 陽爲家當廣寧爲轉輸今遼陽爲衝邊矣又當
 以廣寧爲家當山海關爲轉輸紀廣寧山海

今土狼毛浙各步兵僅可用于寬發清河山險
 之地而緊對賊寨如撫順三岔兄一帶平坡漫

無夢園集

海二

二

嶺非西北各邊兵必不可紀調西北邊兵

奴賊戰法死兵在前銳兵在後死兵披重甲騎
 雙馬衝前前雖死而後仍復前莫敢退退卽銳
 兵從後殺之待其衝動我陣而後銳兵始乘其
 勝一一效阿骨打兀朮等行事與西北虜精卒
 居前老弱居後者不同此必非我之弓矢決驟
 能抵敵也惟火器戰車一法可以禦之頃將欲
 取木植局造雙輪戰車約以三四千輛爲率每
 車載大砲二位翼以步軍十人各持火鎗輪打

夾運行則衝陣正以立營方爲穩便紀奴戰法
 朝鮮國王李暉咨文奴酋親領軍馬趨北關北
 關原有二城金台石白羊骨分守奴酋今伊軍
 蒙以牛皮用蔽石矢冒死鑿城金台石自焚白
 羊骨出降先是鐵嶺之戰有蒙古酋胡宰賽領
 萬餘騎助兵敗衄擄宰賽及其二子副將四名
 其副將中一名卽奴酋妻兄奴酋曾取蒙女爲
 妻遂妻兄誘脇宰賽部落皆爲服屬于是賊陷
 遼瀋境上二堡又令其女婿好好里于等來

無夢園集

海二

三

問我國降將俺欲與朝鮮和好奴賊方與蒙古
 約定同時入寇蒙犯廣寧奴犯遼東酋第二子
 忘古太第三子紅太是言于其父曰朝鮮北關
 宰賽皆助南朝今者北關及宰賽俱已破滅惟
 朝鮮尚存不可置朝鮮于後而先犯遼東今寬
 奠鎮江等處與小邦昌城義州諸堡隔水相望
 孤危特甚賊若從饒陽境上鴉鵲關取路遶出
 鳳凰城裏既無關嶺之阨或犯寬奠一帶或搶
 小邦昌城等處則無暇嬰壘內如遼左八站外

而江東一城彼此隔斷聲援阻絕此小邦之不
遑發婦之恤緯而惟以漢邊牧圉爲憂者也

紀
朝無古文

凡騎征官馬無印與私馬同而日久模糊與無
印同年來因此奸軍易拐逃奸民易于私買奸
弁易于收留至于殘兵棄置道路爲民間所私
牧者何可勝數假使馬有印記人一見之便知
爲官馬誰敢私收便知爲逃軍誰敢隱匿此不
但可以察馬弊而更可禁逃軍

紀
騎征官馬印
烙

無夢園集

海二

三

瀋陽之役南顧遼海北窺開鐵東逼賊巢倘重
兵戍此固守相持便足綴賊然城闊而矮身高
不盈丈餘面窄僅五六尺其磚皆齧蝕坍塌其
居民皆搬運他衛城內所存者僅開鐵逃民二
三百家其瀋陽遊擊汎懿蒲各備禦皆日在城
內夜移關外遇急則各避去名雖未棄實已久
棄往開鐵失而他仍吾土也遂爲東西虜牧場
而我兵不敢北望一步矣瀋城壕墻逼城數尺
許今填壕平墻展開七八丈作圍城一大營盤

每丈五地置戰車一輛中空衛以砲手十餘人
內寬餘三四丈爲遊兵往來策應馬道盤外用
深壕兩道壕外以大樹多植枿者交互糾結三
四層爲鹿角狀且賊新寨距瀋陽甚近故今日
之計決當以守瀋綴賊爲主而奉集在撫順之
西南九十里瀋陽之東南四十里虎皮驛之東
北四十里若賊犯遼陽一出撫順一出馬根單
此其總路而於策應瀋陽則又甚近也以奉集
堡犄角瀋陽而又以虎皮犄角奉集三方鼎立

無夢園集

海二

四

各置大帥而賊益自顧巢不敢他窺東南一
帶第用各遣精巧遊兵一枝張疑作勢以多方
誤之可矣

紀
守瀋陽

守瀋孤注也瀋之東南四十里爲奉集堡可犄
角瀋陽奉集之西南三十里爲虎皮驛可犄角
奉集而奉集東北距撫順西南距遼陽各九十
里賊如窺遼陽或入撫順或入馬根單皆經繇
此堡亦不可阻截也不守奉集則瀋陽孤不守
虎皮則奉集孤三方鼎立不各戍重兵則易爲

賊撼而遼陽孤瀋陽隔代子渾河一道每山水漲涌漫七八里月餘未消又無船渡苟不預備三月之糧而一日斷食矣

紀翼守瀋陽

遼海村屯叢集西虜之垂涎久矣沙嶺除堡臺外一塊沙土耳使非去冬出口挑糶何至于此如丁字泊之役西虜誰敢言者西虜環遼東西而處者三衛除朵顏一衛直廣寧外其泰寧衛炒花二十營福餘衛煖兔二十四營皆全聚于長安長勇一帶陽挾賞陰圖掠

紀三衛

無夢園集 海二

三

自有東事以來凡起廢補陞不下者皆巧立名色公舉公推但圖借遼作人情而竟不顧地方中掣肘紛紜之害

紀借東事乞官

芝蔴灣所運者關內永屬之米非寧屬之米也盡從樂亭起運豈不直捷却欲越而陸運二三百里至芝蔴灣費如許力如許財而後海運亦誤矣國初海運縣三岔河直抵開原老米灣至今猶在今議者必抵海套非謂套一水之便不能抵河上也圖地近而卸早也而多陸運一百

五十里不亦拙乎

紀運道

在遼陽鄰虜在蓋道隣海橫亘不過四五十里大路以東皆崇山峻嶺東西橫四百里南北長六七百里無掌大平坦處也自東北長白山發脉抵西南旅順海口而止分路開障每障爲一峪民皆依山居住它山耕種今年它此塊種瘦明年又它彼塊顧安所得空地卽三岔河西誠有之但高平一帶先須開河數道以洩水在寧錦一帶先須增兵一二萬以防虜而後能屯

無夢園集 海二

二

屯

海運自登萊外而議天津河等難及議北岸又何等難今樂亭芝蔴灣南海口並開而北岸有三道矣津門有南道中道合登萊而亦三道並運矣視山海關千里陸輸之艱爲何如三岔河下濕湫隘原未可多卸但謂卸得一船卽可取一程之捷小舟裝三四百石者分三河大舟裝七八百石者抵海蓋此兩善之術也

紀海運

昔蒙古圍襄樊劉整語阿朮曰我精兵突騎所

當輒碎惟水戰不如宋耳奪彼所長造戰船習水軍則事濟矣乃造船五千艘日練水軍七萬遂破襄陽沿江直下夫北人不習舟楫元卒用以耗宋慎諸 紀水戰

內丁不自養馬強奪各營好馬騎坐及騎瘦又發各營喂養而奪其好馬豈將軍殺賊只用一二千內丁而不必各營之軍士乎 紀內丁

當藩奉相持之時備一二萬兵從寬鑿出以壞其田禾殘其聚落而驚其巢穴豈不兵家之一

無夢園集 海二

二

奇而無奈其不能劄駐何也○南衛專設大臣之議尤所未曉倭耶奴耶遼陽退步耶燕齊外蔽耶不併兵遼藩爲扼奪計而欲分兵漫無緊要之處可乎 紀藩奉相持

以賊筭我撥者還筭賊撥中千把能撲賊撥數十人者卽陞其官斷賊耳目開我耳目關係甚大 紀撥賞

蓋套至遼陽二百七十里三岔河至遼陽一百五十里船運大者七百石小者三百石車載兩

牛者獨牛者三石五斗難易遲速不得較量項藩陽乏食二日亟檄運船分移三河交卸以圖捷速而餉部言糧以過海爲難多運一週爲中若槩卸三河便少海運一週不如以大船載七

紀藩陽乏食

百者卸蓋載三百者卸河庶幾兩便 紀藩陽乏食夫守虎皮者非爲虎皮也爲應援藩奉防護村

也賊聞食且盡男婦老弱各具筐篋一口袋一鐮刀一以勁兵前堵我人馬而護此輩于後勦我田禾藩奉人馬厚于兩頭薄于中腰恐交

無夢園集 海二

二

接不能及欲以見兵三分之二守家當精擇其一分之善鬪者設防于前屯以迎之而且以補其中斷 紀守虎皮

金復道之添設也爲防海護運防海者非防倭也防奴繇寬鑿岫巖入南衛而奪我海運也初未親閱寬鎮各處謂此舉誠不可少及細料賊欲往奪海運止有兩道陸從鑾陽嶺場犯岫巖水從鎮江鴨綠江泛大洋如爲防海何不防之鎮江鳳凰城甜水站一帶以扼其進入之路若

使賊得至金復與我相持于海上而遼陽海蓋已早去矣一道一副總兵領水兵萬餘戰艦百隻何濟于事鎮江外連朝鮮內防寬毅中守鳳凰甜水以絕奴水路之入路而他日又可督領人馬繇寬毅出爲進取之一奇但鎮江去遼陽四百餘里既遠且阻縱發兵將往守鳳凰城一帶而無一道在彼彈壓亦屬枉然徑議改金復道于鎮江甚善

紀海上添設

天津芝蔴灣之運便道過娘娘宮而入河近山

無夢園集

海二

九

東之運先到蓋道後到娘娘宮而入河遠人情樂近憚遠不足異今以大小分舟南北分岸則處置妥而彼此安况近日海道又有三河不必多卸蓋套專以爲常

紀遼海運

召買者州縣從便入海運已到關者石河從近入海運而責芝蔴灣以三分之一儘關上積糧完日爲限而盡移其舟于石河樂亭海口一帶裝運至陸運一道可徑斷止

紀遼運失

諸降夷皆賊也恐見殺第詭云我是饑餓投降

我是南北關各家達子奴分付云如被捉只說投降裏面自不殺汝或因用汝汝打聽得實遇空便來回報繇此觀之凡稱降夷者當何如疑慎何如防閑而一日五千餘人投降盡取之帳下何居

紀輕信降夷

三岔河每歲惟五月後乃可運卸自九月至三四月若河西無兵馬駐防沙嶺卽舟小亦不便也繇密永之糧原議繇芝蔴灣運發誠誤彼州縣何處不可入海何必越數百里崗阪陸運到

無夢園集

海二

三

關卽到關矣自有石河海口近便可發何必踰關而繇芝蔴灣爲况芝蔴灣造船一年僅得十餘隻此後順承見買者聽各州縣隨便入海已積關上者聽石河就近發運而第以緒餘付芝蔴灣協助之完日卽止

紀芝蔴灣運不可恃

遼陽至寬毅鎮江四百餘里高山峻嶺轉運殊艱而從大洋入鴨綠江又恐爲寇導惟當就近收集屯糧爲彼援兵設防者用而以新餉筭給額軍軍本地人猶有糴買處也

紀糴買

一片石形勢委蛇外寬內窄外寬則我兵可屯內窄則寇無可掠必不敢入入則黃土諸口兵拒其衝石門新練兵邀其前而關東鐵場堡等兵截其後立殲之盡耳

紀一片石

榆關東北之一片石僅移駐黃土嶺數十之兵而喜峰口乃諸夷窺伺之處貢夷出入之路其守兵僅僅六百餘人故自東協之大毛山義院界嶺桃林冷口中協之擦崖潘關寬奠谷西協之墻子潮河川里水谷白馬關其衝約有十一

無夢園集

海二

三

二處俱當處處添兵層層設險至如中協青山龍井東西兩遊兵三屯駐防兵遵化威虜宣武兩營兵薊州南兵西協之密雲車中營兵通州舊營兵俱係內邊緩處而合二萬餘兵逍遙河上者何也

紀守兵

薊軍月餉甚薄有四錢五分者有二錢七分者而南兵月餉每名有一兩五錢者有一兩七八錢者新兵亦如之故前番招募舊軍強壯者相率借逃就募別處以致舊軍日少新軍日多新

餉日增舊餉日缺各營伍之凋殘各營餉之缺乏弊實坐此況新兵中未必一一強壯舊軍抑或有一二驍勇者稍爲裒益俾新舊均平給發有餘或新糧並稱強壯不妨更爲調停餉薄者派爲騎軍稍資馬乾餉厚者派爲步卒專任守口或薄者幫以行糧厚者止支本餉久之則搭酌適均勞逸恰當○三協南營設有遊擊三員分統守臺南兵勦建未嘗不善惟是南將身居內堡南兵分隸各臺一切稽查支瞭則各提備

無夢園集

海二

三

任其責卽便遇警策應亦各路當其鋒而南將徒以空名遙制于數十里之外致四路有耦猜之嫌而各兵無呼吸之應

紀調劑兵之餉

永平各州縣原係派俵馬俵馬索價甚昂交納不易有一馬費百金外者第議每俵馬一疋并草料共改折銀三十四兩順永兩處暫行改折養馬者按年照數交納空槽俵馬者逐疋折徵加添草料請行官買官解之法每聽問寺預定本色若干督撫委官定價召買每疋不過十五

兩剩下銀兩仍還厩庫是在馬戶一馬而省兩馬之費而在厩寺一馬而獲兩馬之利

紀永平

永平所屬東協如大毛義院桃林冷口界嶺黃土等口皆夷人出沒之地逼近永鎮不過四五里遠不過七八十里近自柳河失利西膚跳梁固難鎮撫而安之榆關者神京之門戶而永鎮者榆關之咽喉是榆關之聲勢全憑永鎮以爲後勁也

紀永平

無夢園集

海二

二

虎墩免勾連奴酋窺犯義院桃林喜峰諸口溫布毛乞炭扶賞于古曹二路刀兒計等三十六家阻貢窺邊按此數年前經畧疏語也奴插之形見矣

紀諸夷

板升云者被擄之漢人久住虜中沿邊耘種名爲護邊其實虜之細作皆是此人虜搶財物亦與其三謂之坐地分贓夫此板升者內食我撫賞看邊之物外分達子搶掠漢人之財彼居中而兩利之如是

紀板升

遼東黑牆厚不盈尺上無瓦覆經年淫雨未見

傾圮且民間以土爲屋詢其不漏之故則謂土

鹹不漏以此知土之必可城也一謂遼之人少

悉無做工之人惟遼人貧軍兵月餉四錢從征

者方月得三錢到手一年只得餉半年其餘半

年常若無餉若不從軍之步軍一年止得銀一

兩四五錢到手耳役斯窮軍以任工作遼乃稱

苦見謂無人若厚其僱募日得工銀三四分人

如蟻集豈無人哉卽曰遼歎無兵非無兵也將

官家丁額有成數今加數倍有一家丁冒五六

無夢園集

海二

二

之餉所以無兵家丁之餉將官半以入囊爲營官之資耳

紀城關外

遼將多有丁而無丁何也餉是而丁非也多有

丁而亦同於無丁何也丁非其丁也丁全則餉

缺餉缺則將窘丁壯則餉須壯餉壯則將亦窘

紀將丁

朝鮮兵出寬莫而敗沒乃傳聞其國王提兵三

萬親至義州欲以助中國而殲小醜殊可獎也

紀朝鮮

遼東五處兵道各自擇將領隨便召募隨處操練計一道可募五千五道便得二萬五千各將既易爲統領各道既易爲撫恤

紀五道募兵

昔者戚繼光之練兵劄鎮也亦謂官衙新設權不統一無兵可練故請用浙江殺手三千鳥銃手三千以爲教練張本至于奉旨取回本鎮總兵獨任繼光盡劄鎮十二路事皆責之而後繼光乃得行其志而劄鎮之兵獨強則前事可見矣

紀專任大將

無夢園集

海二

三

昌平陵寢通灣餉道兩鎮宜屯大將軍兵以備非常西北之鞏華城及京城東十二里曰大壩乃御廩處有城甚寬當葺其城以精兵五千一營將居守爲京師干樞應援昔年趙文肅公及張新建公皆有築四輔城之說至於重城都城外敵臺八座極宜添築以固城池以防衝突

守城

紀

全遼現兵已幾八萬而經略云堪任戰者止三萬有餘乃紛紛議調議募計餉該銀三百二十

四萬米荳通該二百萬兵愈多而餉愈急此亦行之無漸也

紀調兵

奴築包石城爲新寨又築一城于撫順關外十里而卽運我廢堡磚石以爲之且又鐵騎守于外羣胡耕于內而放牧出沒皆在我邊牆內地則明已弃虎皮驛以外一帶游徼莫至烽火莫通而尙可以言守乎

紀奴城守耕住

東西虜合乃河東總兵虛報其意不過欲張大聲勢以蓋不救鐵嶺之罪不知遼城士民爲此

無夢園集

海二

三

一語逃去無筭可恨也

紀遼將妄報

一時宿將如雲中杜江右劉業各提兵而入遼境一城屯主客近十萬諸大將各統所部爭長不相下諸部曲率橫而驕經略不能問又斗米直錢二百朝議速一戰爲快而不知戰實未易言且遼之易困者患在客兵安插無方而糧餉輓輸無奇術也倉卒誓師四大將軍分道以出將軍松出撫順道將軍林出開原道將軍如桓出清河道將軍縱出寬奠道是時諸大將各以

威名相埒喜見得當賊奴起首功而獨主兵如
栢世居遼獨倖其念香火支吾兵間苟且報戒
事爲得計意昵如栢而松縱轉戰深入松渡河
遇伏而陷并大將王宣趙夢麟殲焉林間松敗
而亦潰監軍文臣潘宗顏董礪死之縱直搗奴
巢克十五寨奴還兵自救餉援絕而鏖戰死當
是時令諸將犄角首尾應援相接兩將軍必不
陷賊中而奴酋可授首

紀不救大將之失

出關自寧前一帶北至山南至海廣者不下三

無夢園集

海二

三

十里狹者止十八里時與塞外虜爲鄰設有不
戒則一馬可至然其間地饒多茂草而種植絕
稀間有開種不過近堡一兩段離數里外卽沃
土皆汗萊矣詢之城堡父老歎曰無人無時無
本各衛堡軍多而民少則無人差役多而休息
少則無時軍民餬口不給則無本且今牛運駝
運絡繹道路送往迎來奔命朝夕百萬斛運遼
陽而河西不得一粒粟餉銀犒銀防護齎送無
寧日而河西不得一文錢如是尚可言墾田耶

然不勸河西耕種則河東接濟終有窮時當捐
金付廣寧撫道召募人夫開種河西河西民飽
而可以濟河東也

紀關外河西墾種

原任寧前道叅政張國儒本官在兵垣時正奴
酋詭計質子之日本官抄叅已一一指破其奸
其後子朝入而夕加兵于北關子夕還而朝撤
兵于北關絲毫不爽至折奴婚救北關尤其特
見

紀先見

欲安遼左斷須于撫順築城欲城撫順非調班

無夢園集

海二

六

軍不可見今山海城工誠班軍之力城撫順正
所以爲山海外蔽爲薊鎮重門惟兩鎮安危與
共故攝以一督臣使其如左右手之相救也

紀撫順

奴將清河一帶山路盡行斬斷或畏我進兵以
爲防守之策也或並力撫順爲傾巢之來也彼
以乏食而甘爲孤注我以審勢而尚難出奇

清河山路

初奴禁蜂蜜無私賣將備炒麪行糧之用無日

不繕甲秣馬又禁部落無私獵狩是豈爲專禁
須山野之獲將以惜馬力欲有所用之也又修
猛骨南關舊寨屯兵二三千又築垣五嶺關移
部夷三四百家守之并臨邊先日舊夷俱遷徙
去另易以新夷住種問以語皆俛首佯不應情
益詭異奴性最陰毒險孽怨恨每終身不亡速
兒哈亦非其胞弟乎卜占台非其兄女與其
女婿之出乎洪巴都非其長子巴卜海又非其
愛子乎忌弟之衡已也竟致之死而陽爲齋醮

無夢園集

卷二

三

卜占台已被攻遠逃必欲得而甘心焉遂與北
關爲不解之仇長子以諫北攻而囚之愛子以
入質病不稱使必欲殺之賴通使董國雲力救
而幽之別所未許見也父子兄弟之間殘忍如
此

紀奴技

橫江者東界鴨綠西接內地北鄰奴酋南抵鎮
江爲舊滅夷王果之地中國所開展未盡之疆
其實非奴地也方圓可四百里土極膏腴寬曠
遼瀋金復等處豪橫之民以及西南罪配貿易

之徒盤據其間以圖殲參掘探之利可使也

橫江

如用蒺藜試于白日不效試于黑夜必效迎賊
之來路不效斷賊之歸路必效硬地不效無沙
地不效無草地不效須置于沙草相間之地蒺
藜卽漆土色草色賊見土見草不見蒺藜而後
蒺藜得妙其用徑寸之鋒躡千里之馬兵未有
奇于此者

紀蒺藜

如用戰車列營必須之但利于平地不利于山

無夢園集

卷二

三

險更有說者我倚車往而彼以火輪來我恃車
上之鎗砲打而彼以鐵騎衝則車之用窮謂宜
于車外埋伏刺馬一層火砲三層軍士輪直又
遣遊兵出沒遠哨俟賊着刺馬畧阻驍騰火砲
相繼而發賊必潰而走不敢近車卽近車而車
上鎗砲又發矣

紀戰車

廣寧東三十里舊有羊腸河一道自西北而東
南入海龍窩潮溝其故道也自先年挑挖路堤
阻其南向遂橫溢而東入三岔河一遇山水泛

漲堤內堤外盡爲瀦若依故道兩岍築堤中讓百丈之闊任水緩行不與爭險度不及五十里便可導入千海又外循大黑山起至三岔河舊邊基址築一墻壕如路堤然一以防虜一以約邊外客水使歸于河則一百七八十里盡是沃壤自三岔河起牛庄歷遼瀋開鐵西北順邊一帶六百餘里一望旣脫開鐵地方如過丘墟遼海二衛舊有大小屯寨一百四十七座今止見存一十三座鐵嶺一百四十八座止存二十二座汎河懿路一百三十四座止存二十九座遼瀋以東鴨綠以西不能更僕數也惟金復海蓋四衛地無遺利然多山坡沙磧所收較簿而拋荒者反皆腴土緣在河西者山居西而原疇居東在河東者山居東而原疇居西河界其中而虜夾處焉以此腴土盡行拋荒每問居民皆云此地種一日可收子粒八九石遼俗五畝爲一日市斗六斗抵倉斗一石是五畝地而可收土三四石也其美利可惜有如此遼兵入萬若瀦

此輩十分之三隨便屯種可得二萬四千名每名一分五十畝可種一萬二千頃畝取子粒倉斗一名可收一百二十萬石折納六十萬石除給本軍應得月糧外可餘三十一萬餘石查得見種屯地一分者納穀八石荳四石大草小草及雜項銀兩約二兩四五錢始得完訖科亦重矣若將此田每畝收二石者今只收一石而一石之中又有五斗係自給之數是四分中而取其一分軍無不趨事也遼東將官養廉甚少若照隆慶二年例墾田十頃者內給將官五十畝爲養廉之資如一將官領兵二千者內撥六百人屯種計屯三百頃該得養廉田一千五百畝收穀一千五百石豈不足用以免剝削又照嘉靖八年例墾田百頃以上者撫按獎勵三百頃以上者奏請擢用不及者參罰則前有養廉陞擢之利後有參論戒飭之害將官無不趨事也其餘不盡田土方多招人承佃聽其各任所便開坐畝段告領戶繇開墾耕種隨其所佃畝

數納稅量寬二年以爲牛具子種之費俟三年成熟照見行科糧事例一體徵納而又酌量道里遠近地形險易爲之分置堡寨以居之併小屯爲大屯使零星散處者皆得聚處一城城內設置器械火藥等項城外深壕三道壕壘多種榆茨糾結纏護止畱一門出入一遇傳烽在田者各歛物畜歸堡各執火器弓箭以待之丈餘門徑雖有數千騎安所馳騁開原西北二三孤屯全賴此法雖委身虜口虜不敢近其門而過

無夢園集

海二

臺

焉寧前錦義一帶土多沙磧只合照依舊址挑挖大壕一道壕深闊各二丈一直切下本質自可耐久累土爲塹但取土勢自起不宜加陡以速其圯山石漫坡鑿削如壁溪澗水口用合抱之木三股錯立式如拒馬槍而少短其上布列二三層不宜如近日細木欄杆有同兒戲自大黑山東至三分河又踰河起海遼開鐵至鎮北關地平土堅壕溝水口俱如前式惟累土爲塹當用土筏包砌於外如土城然以取其峻且草

長土固可久東昌以北至慶雲關以南數河橫出皆可引水平灌入壕深可丈淺五六尺春夏秋間虜騎難越冬間冰結牆土凝固又不得掘挖而入若西北起靖安迤東南至鴨綠江一帶邊臨海建山林叢薄似亦不可無壕一道

東關外屯州

紀遼

遼餉初擬用兵三十萬歲費千餘萬比廣寧未敗見卒可十二萬合登津布置之兵可十五萬耳未論搜括加納鼓鑄諸入孔卽加派已八百

無夢園集

海二

臺

萬發帑已六百萬而猶廩廩憂不足遼陽沒後庫中猶存八十萬此皆可知不可問者

紀遼餉

以繼光東伍號令等法練習成營而又加之以獨輪小車每隊間列使之行則裝載止則爲城戰則列陣相去十尺實以隊兵堅牌當前利兵接後虜卽善突萬不能越我車牌蹂踐明矣談禦虜者火器爲上而法又有於車上置銃高下準車車兵點放可免心悸手搖之病也說者曰虜騎突如來如不知馬勢奔騰一當阻隘寃必

迴旋踴躍藉當此時鼓震旗麾隊兵四出則馬
必返走虜氣自奪我向之按兵不動者至此反
扼先驅又況有後騎相翼而前誰能當之紀用

以遼人復遼土先以遼將將遼人召遼世官之
散而寄食他省者悉檄之入遼宜水則四衛宜
陸則廣寧各自爲遼人之長此用遼一策若沙
河門之戰灤河之戰遼士死者千人倘邀一卒
之復遼水遼山皆結草之地矣此獎遼一策紀

復遼土
無夢園集 卷二

聞諸賀給諫欽云遼東當祠者馬都督雲葉都
督旺此二人奉

高皇帝之命航海來遼招撫夷夏安輯兵民開
創衛所建立學較濯變腥膻使左衽爲衣冠禮
義報功報德何可忘也 義州古曰宜州在醫
巫間山之右有虞封十二山時卽爲中國之地
矣 高皇帝命功臣龍虎上將軍都督馬公雲
葉公旺繇東萊航海來遼招附而經營之設遼

東都司焉義州之境廣袤餘百里東翼廣寧南
連錦州西引大寧大寧諸城亦一都司也惟非
鄙與虜鄰耳永樂間以朵顏三衛効順遂徙大
寧諸城之人于北直隸而以其地與之義州遂
兩面受敵而緣邊凡百六十里最爲要害正統
初都憲王公九臯創立六馬營堡成重鎮云弘
治六年分守叅戎金臺三公銘修建大清一堡
填實官軍五百餘尚丘墟榛莽間

自大清堡西南堡曰大寧大平大康大安大定
無夢園集 卷二

每堡填實多者七百少者四百人供軍舍餘從
焉于是授以附堡田土使之且耕且守以漸包
砌而擢賢能官守之皆載賀給諫文集

永平道中

漕由海運險阻難行取道永平原非始議因燕石二區軍士赴鎮關支月糧不便爲添設永平管糧郎中始有開清河以達灤河之議蓋取便於轉輸薊倉糧米也后以費大乃遷就其說謂灤河海口直抵天津可以通漕打造方及一年海運未經一試而船隻先壞事體若此安能經久况薊永米價多平故漕糧二十四萬石議改折只存十萬本色也

無夢園集

卷二

三

遼陽道中

廣寧遼外一帶插漢所屬十八家夷人賞地一復挿必至坐困奴而宣雲亦有息肩地矣然非水陸合力積有生聚而漫云得寸則寸與耳食何異雖然復義州與右屯張兩翼要矣合關內外之精力以復之猶懼不支况分其銳乎

登萊從旅順進師不可以皮島五千里援關門更不可皮島與鎮江相近制奴之尾正對維揚一帆布達尤難議撤惟在統兵得人操縱繇我

無夢園集

卷二

三

耳或曰成南關則金州可復我可漸屯漸進徐成長生島以收復蓋二州乃復鎮江窺遼瀋然總不如訓練生息之後水陸併進爲穩著也且南關近奴無險無城戍守之計安出或議移登州出汎皇城島之水兵分覺華島水兵三營之二營或併長生廣鹿石城鹿島之民兵調赴南關而孤軍似難支也談何容易

還遼千百指揮之舊俸併還遼十萬三千軍兵之舊餉遼之世職隨俸來遼百姓亦隨官來此

水陸並進生聚第一策也

遼人之散處各島者長山以萬計皮島以三萬計廣鹿旅順石城鹿島以數千計獐子島以百計登州不與焉

山海道中

大凌河祖帥馬兵不足三千各將馬兵亦不足四千勁兵須馬無馬孰戰且自奴熾以來登萊有兵而未得一兵之用海外有兵而不聞一矢之遺浮海遼民盈數十萬而不聞有一鴻一雁

無夢園集

海二

三

之安集奴得地而弗守也寧舍地而不分兵我日犄角而弗聚也一島師也議撤議勿撤又議且勿撤其何定見之有

薊門道中

永平之殘也燕建等路石門子冷口河流口徐流口劉家口佛兒谷桃林口青山羅漢洞界嶺口箭杆嶺皆極衝石門路義院口董家口大毛山大青山一片石黃土嶺甘泉堡花場谷等處谷板場谷水門寺城子谷坑兒谷西陽口廟山

口山海路北水關南水關南海口則又三海之極衝者分兵列守猶苦不足而調遣四出甚欲移登萊海島齊赴覺華凌園亦岌岌矣

大哨五百騎出塞百里小撥五十騎哨二三百里上其頭領時日以聞如戚繼光用喫賞坐門諸虜爲鄉導及聞者紀錄優敘此近例也蓋爲紅門川及都山有馬步賊夷申儆而明哨暗哨遠哨之法可漸復

無夢園集

海二

三

紀守關

山海關天險哉但建逆多智善算必不直攻此處蓋關北則有陸路隘口關南則有水路海口試先言北而及于南自山海關以北隘口無慮百外西至宜府邊牆共八百餘里牆外卽朶顏三衛之地爲長昂董狐狸獐兔兀魯思罕男撥計阿只卜顏魯伯戶夷婦爾只克鶯毛兔哈亥男滿都卜賴等百餘枝部落住牧雖未必肯假道於奴酋然此輩皆陽順陰逆挾之以要求于

無夢園集

海二

三

我卽如正統己巳之變亦三衛陰爲嚮道然猶曰自大同入與三衛分地無與也嘉靖二十九年庚戌大酋吉囊俺荅入犯京師乃自古北口入夫古北口正三衛分地豈非卽其引縱哉故自山海關而北而西極衝去處如一片石石門路大毛山城子谷平頂谷義院口關臺頭營中桑堡羅漢洞東勝寨徐流口喜峰口河流口關冷水口關石門子關古北口潮河川等處皆當嚴備然計其要害之處大畧有四以冷水口爲

一路自山海關抵太平寨而以建昌營爲適中之地以古北口爲一路自馬蘭谷抵石嶺塘而以密雲爲適中之地以昌平爲一路自渤海頭抵鎮邊城卽以昌平爲適中之地以紫荆倒馬二關爲一路自沿河口抵故關而以易州爲適中之地顧此關隘均爲要害而古北口尤爲要緊蓋冷水馬蘭有重崗疊嶂以爲天險紫荆倒馬有雲中上谷以爲外藩惟古北口一帶乃勝國時元主幸上都避暑之道沙淤水漫平夷曠

無夢園集

海二

三

遼萬馬馳驟甚難防禦然虜騎自黃榆川而來則必由潮河川自磚朶子而來則必由黃家寨自黑谷關而來則必由三箇嶺此兩處皆兩山夾峙易于固守過此便入平原則欲戰不能欲守不固矣元人進金史表文云勁卒搗居庸北拊其背大軍出紫荆南扼其吭此兩言也豈非都燕而有狄患者之明鑑哉惟山海關南數里卽爲汪洋大海我宜乘勢用之以攻其瑕者今似瑕反在我而奴或用之以攻我耳何也關

之西瀕海者約五百餘里設奴以舟而來則如
秦王島牛頭崖金山嘴洋河口灤河口清河日
蠶沙口等極衝去處皆可登岸經臣邢玠於此
數處建議欲築城開河增軍添馬旋以錢糧無
處而止

無夢園集

海二

宣 詔山海關遼東都司紀事

會當宣 詔注江西缺予故不知未幾太宗伯
傳語遼東蓋何太座師知予深欲令一觀疆場
也然有不願往者有因往易差者未暇過而問
焉邊報卒至韓閣師語禮部曰亦宜與之一說
予感師意候閣一見問曰兄自願往果否答曰
皇上再生之身東西南北惟所命耳原閣師之
意此差宜在省中卽朝鮮差亦在編簡而不及
官坊良不薄也次日某過寓出袖中小報囑可
勿往予締觀之稱十五萬騎犯寧遠予笑曰虜
騎突入將帥事匹馬出關使臣事使臣之道三
力能殺奴報

天子上也不能全節而歸不濟死之而已次日
出門旋入關不見一虜曰十五萬安在哉曰往
朝鮮去矣抵高臺堡予偵知束不的代插賣婦
女代奴積糧穀奴向導已至王子卽來謀與武
進士門生王振遠陳國威夜殺之高臺堡而無
兵至寧遠無可與言者僅與關內道言之關中

士馬脆弱相與扼腕歎息而罷酒返通州上書
當道幾於唇敝甚媿此行到前屯速不的以五
百騎犯瑞雲堡副總兵張

將刀斧手三百

送余入關予曰不可身為使臣同與王事君

征力戰僕在城上浮白痛飲以作陣勢將軍率
諸將上馬大闢斬一虜擒馬匹鎧甲而還入關
驗級予曰使臣入關獨夫授首

皇靈旁電殲滅奴酋在此一舉山海總兵其按
成例上首功給賞有差先是副將軍何公可綱

無夢園集

海二

三

飲于寧遠首山絕頂酒酣余詩有此行未見單
于面拔劍中宵待舉烽句蓋爲之兆云

與寧遠武進士門生王振遠陳國威料東
虜必引奴入犯謀以扈送前屯兵夜擒之
高臺堡紀事

二生深心義勇奇畧士也余以己巳三月至高
臺堡行道紛紛有謂挿酋將所劫女婦令束酋
賣與此中將官價止八金者有謂四方稠載糧
米出售速酋轉而輸之奴者余撫掌浩嘆二生
從寧遠來佩短刀着草鞋余問故曰備不時之
需今東患奴西患挿束居關外佯仇挿實昵之

無夢園集

海二

三

又奴姻姪此酋一除關內外皆無事余曰部落
幾何曰不滿萬住寧遠外者六七千此地開市
止二千猝不及備夜半可刺也余曰二生有此
肝膽宜慎用之二生曰此副肝膽宜急用急用
則鮮過今夜雖有心肝臭惡不食矣余又問故
二生曰目前奴哨在東帳內計四百餘人不挾
弓矢插遠在漠外馳救不及酬臥之餘斬其頭
而歸奴氛息矣失此機會四月間四王子先至
秋冬諸王子盡入入必舍遼而攻薊宣動天下

之兵何益余曰此事非我作古甘延壽陳湯嘗
用之矣是時漢家公卿皆憂匈奴困刀筆終
皎然暴白今以款局爲勝着以喇嘛爲心齊吾
儕書生舉事一不當柰疆場何且熟思之未幾
密謀關內道甚壯余言苦關兵脆弱余曰出關
門前屯中後所願精勁關外道病死盍併將之
可乎會當事不合而中止其後虜入犯之期與
入犯之地一一如二生言二生解圍復城有大
功而不伐

京東道中

以上原缺

以京東邊塞牧地山東中州鳳陽金塘海壩南海子爲請地道從人以奉

天子還須支分灤水于京東而涿鹿之地則引涑支分漳水于磁州而汴梁洛陽則引漣澗支分滹沱之流于太原宣大而延綏甘肅臨洮則引渭汭漆沮支分汶濟于齊魯支分淮泗于鳳陽淪吳淞而瀉三吳之滂置閘築堤以屯于金塘海壩南海子則萑苻之蠹蠹者息而民賴以

無夢園集

卷三

三

康但恐水高于地築堰稍疎則水勢下潰而易爲沼又恐地遠于水通車漑畝則地勢上枯而難爲農揆其形度其勢就近源頭濬之以潤乾導之以去濕多具水門以息狂瀾此形勢之揆也 屯田察形勢

寶坻道中

以數萬兵守津不如以數千兵戍坻戍坻斷不在抵之成中必于虜所經繇之津口守之若三岔口白龍港等處不可不屯

戰車止可扎營非熟演之反成一累弓矢火藥皆制賊于百步之外稱利矣賊近身則舉無所施刀鎗雖極鋒利而賊端以馳突陷陣覺此項亦單弱而不足禦也莫如多製大斧人挾斧置之腰間卽弓箭手火器手皆可兼用俟賊迫近

無夢園集

卷三

三

時萬斧齊發人馬皆碎賊未有不喪膽者沙河門之戰大帥謀仆其旗壁厚不可破忽令萬兵伐樹木亂砍而旗遂倒我軍緣之取勝津門係京師咽喉賊若以數萬困薊以數萬南侵半日而至坻再一日而至津矣奴昔之西犯也越薊而南宜出于上蒼青淀之間當時倘豫宿一兵于此賊知有備必不敢輕過前事大可鑒 浙兵防守保坻北灘等處而三岔口尤爲南北大道至江黃口東走開灤西通津務亦是大道

但河水深廣虜渡不能耳昨知實抵完實所以
 急欲過河河不可過野無所掠數萬兵馬豈能
 稱腹以俟但使在剽諸將不令賊西向一步賊
 之去也不過一月耳

浙兵不願出津城一步遣之戍江黃口梁城所
 等處費強而後移駐卽川兵亦難持矣募兵之
 宜戒如此

無夢園集

海三

三

游太行道中紀聞

予過大行山一帶訪山西隣虜河南隣山西
 險甚習因併舊聞及磁州形勝以告采風

三關重地處處隣虜延袤二千里而額設各營
 兵馬不過五萬餘其堪戰者不過五六千耳恃
 此五六十散卒支撐二千里長邊與二十萬衆
 強虜相當可乎哉今二運不繼安能復益一兵
 則惟有倣古人邊縣之說將三邊道所屬忻州
 代州崞縣繁峙五臺靜樂定襄崞嵐州保德州

無夢園集

海三

三

嵐縣河曲縣興縣凡一十二處丁壯鼓舞固結
 務使人自爲守家自爲戰卽數十萬精兵立具
 此處種田無法不引水不上糞不鋤不耙極豐
 之年每畝不過三斗苦旱尤甚宜令原種百畝
 者止種五十畝勿以多爲貴又使當初凡此州
 縣皆立作衛所民地籍爲屯地民丁籍爲軍丁
 如今之甘肅一鎮自金城門迤西無地非屯無
 人非兵金關城無非穿袖箭衣者乃今隸赤籍
 伍符者地則磽确鹵沙不堪施鋤拖耙人則鵠

本鬼面不堪頂盔束甲平時既以邊方作腹裏
有事安能以腹裏作邊方而官是地者終年累
歲倩人代庖一切廢閣况敢言兵耶不知腹裏
州縣但取循良邊方州縣須兼將畧然民兵亦
不易言矣富者用賄買免貧者盡情科派虜患
尚遠官害切身爲之奈何

紀山西三邊民兵

三關墩烽除水泉一帶牆上之墩足觀矣而牆
下之墩自水泉以至省城及各分路墩臺傾圯
廢墜不聞析聲間有一二墩軍鶉衣鬼面詰之

無夢園集

海三

三

則曰每墩例設一軍例該平潞汾三衛軍壯前
來貼墩夫平潞汾去此千餘里往返二千餘里
以二千餘里外之軍壯而欲其聞警馳赴墩上
傳烽此不待智者而後知其不濟也是必于墩
下置田造屋召人耕住每墩約得夫四名每名
約得地二十五畝草屋數間使其父母妻子俱
生于斯聚于斯葬于斯一切歌訣烽事童而習
之絲毫無差一旦聞警照歌分傳庶不悞事蓋
余在山海城上見南兵守城者長子孫因嘆感

將軍有法以貽后人哉

紀墩烽

三關隣虜衝邊止因糧薄不得招壯丁只得因
用祖軍此祖軍之難得勇壯也若肯于祖軍中
少加遴選或亦不至此而又爲頂首所拘壯者
未必有錢有錢者未必壯即使韓白復生亦不
能使有頂首之祖軍橫行匈奴也

紀祖軍頂首

東路廣武迤南沙圪塔東山廣武五里墩西山
腰舖南口八里庄東崗俱有荒地繁峙縣沙欄
驛東深山都金山舖等處東至三泉西至下滙

無夢園集

海三

三

村南至小白峪北至羅家坪共荒地五百餘頃
俱離村曠遠寡人跡是是無力耕種賠糧拖賦
此地俱平衍肥瘠苦無一泉可成膏壤有隣近
人家挑渠引水做成水磨水碾始知此池內有
大泉三股被振武衛軍餘侵占獨享其利不許
各村灌田五百里之荒皆此人佔水所致即宜
拆毀碾磨將水改爲三泉并隣近村曠居住軍
民澆地此水周圍引開接連滹沱大水可灌數
萬畝地平刑西南地名孤山有應壑荒地大約

十數頃離平刑關十里離孤山八里有地名洪澗村白龍廟一泉有水桶粗其脈甚壯係淳化河源頭至永興鋪澆稻地少許若將水勢河道經繇孤山可開渠開荒紅門峪東南兩山錫子溝迤西北北樓草場山樛周圍俱有荒地宜開中路陽方口東北五里臨河荒地數頃盤道梁至夾柳樹燕兒水鵬窩梁朔寧堡一帶荒地數百餘頃薛家窰王野兒梁大約頃餘先年俱有大樹累年鄉民砍伐木植將地遺空盤道梁舊

無夢園集

海三

三

有贍軍田地至今失迷不種寧武至黃花梁神池前後山荒地甚多利民牧場東西荒地大約頃餘野豬溝山坡長林堡車邊坡并臨邊墻荒地八角石廟兒田家嘴門白鎮山秤答溝神池東湖村大小狗兒澗荒地急宜招墾西路老營界地椒荊山作何開種老營堡門外有長流河水一道其岸甚低開渠灌田無數如高坡處即用水車導取河之兩邊如立坡即墾人削成漫坡可爲田地入柳樹道傍兩黃土坡

荒地亦多又有河漕一道此地臨河可開渠引灌不則用水車絞水上流唐家會顯崖寨三岔莊窩舊寨兩夾界有河水一道係蘆芽山流來此水最便灌田

紀東路中路西路開荒

驗封抽兌逐各給散良法也每當放糧先將各該營軍馬實數從實算出共實在軍馬若干每軍一名該銀若干共軍若干名共該銀若干每馬一匹該銀若干共馬若干匹共該銀若干所領出銀除各處秤有大小副與不副短少銀若

無夢園集

海三

三

千除椿朋銀若干除攤貼京塘撥軍銀若干營本利息銀若干又逃故軍丁若干緣事曠役若干全還若干截還若干倒馬長支草料若干全還若干截還若干每隊實在馬軍若干馬若干匹步軍若干共實該銀若干照數包封赴道抽兌唱名給散仍置大鑼一面于道門外如給散不公者不論開門不開門即擊鑼聲冤

紀驗封給餉

山西一鎮邊分兩截勢有緩急自寇家梁起至盤道梁陽方八角地椒荊一帶各日緩邊以外

有宣大兩大鎮爲之屏也自地椒菲歷老營水泉偏關河係一帶名曰急邊以水泉隣兩哨河係隣河套也寇家梁之邊整修如故儼然一長城是可恃矣盤道梁至地椒峁一帶約二百餘里或高或低時厚時薄樵蘇耕牧踐爲大路壕塹品坑夷爲平地而寂無一人司柝此有邊而實無邊又無論守邊之人矣自地椒峁至老營水泉偏關樺林一帶則牆幅屹立樓墩聯絡水泉乘牆有軍瞻軍有地又居然一長城而修葺

無夢園集

海三

三

方新磚石愈力遲之歲年可成一鐵邊而樓子營河係河會一帶延袤亦幾百餘里邊墩之低薄傾圯亦如盤道梁間有一墩人跡荒蕪標聲寂寂亦如盤道梁甚至唐家會斬賊溝綠山爲邊內無徑路外借虜地車騎所過虜可襲而取而邊牆低薄較甚盤道梁使人丈之有高一丈者有高七八尺者五尺童子一躍可過不必徒足也此邊牆墩樓刁斗之大較也夫隣宜大之寇家梁盤道梁以至地椒峁邊雖設而無人猶

日宣雲固則我亦固至水泉樺林以下逼迫虜穴樺林已覺解嚴水泉而樓子營河係等處河水泛漲挾渾陀而凌波者虜人善遊宜何如崇墉者而乃甚盤道梁卽水泉一帶牆堅墩密然亦止可傳烽耳不能乘牆也五里一墩一墩五軍一軍有地五六畝室廬耕耜其下井不備具而邊長墩少墩多軍少但可傳烽難以擺邊此欲于各邊牆下墾田集衆也以一當百名曰肉鐵邊然爲之當自西路水泉河係等處一帶始

無夢園集

海三

天

次及中東二路諸邊而水泉河係等處邊牆若但用西路額設軍壯則牆多夫少須三路軍壯總歸西路舉凡可緩之樓閣無益之亭臺如池之黃花樓神等類一切停止三路軍壯盡以西路邊牆爲事分工記丈西路安則三關舉安俟西路事完仍舊分軍歸額各修其邊而所云肉鐵邊者則三關並舉牆上須多設空心樓密排鎗砲從傍對打庶于肉鐵邊之說相應凡禦虜之道須爲三覆以待之若止靠一牆八百長邊

一處不守八百俱廢聞虜騎入犯多從梁上行
走不從川中經過如嘉靖年間從西路入從寇
家等梁取道則梁上工夫尤爲喫緊三關什九
山梁什一梁低路坦無處不可行兵若夫塙上
亦宜十里一大砲但塹山爲險置房住人練人
用砲卽不建樓亦可三關誌所載如東路平刑
嶺平刑關牛還梁車道塹塹白道梁二岡馬蘭
口白草溝中路火燒梁圪塹嶺臥羊坡王野梁
陽方口狗兒澗水溝口圪塹確新家窰牛肋肢

無夢園集

海三

三

灣菽麥川勒馬溝長林堡西路衝川馬頭山好
漢山丫角山五眼井將軍會紅門乾溝驢皮窰
青草峁刁窩嘴東長嘴關河口寺塢平虜賈家
堡水泉石峁七里溝魯家口牛角尖陝西大川
墩守河十墩龍王廟斬賊溝趙家山曲峪口郭
家灘賈家灣皆曾大舉外其各梁上下要害處
儘多不過數十處並三關誌所載共不過五六
十處各架有大砲細藥健兵慣手虜豈能飛渡
耶

紀三關軍

三關軍馬芻糧最菲西路止七錢中路止六錢
三分東路止五錢四釐豈以衝邊士馬區區芻
糧便足騰飽想當初盡賴屯田養贍故芻糧如
此薄短而今則並無屯田不知所謂屯者官種
乎餘丁種乎民種乎皆不可知矣此猶其小也
甚至有地去糧存苦累貧軍刺骨切心則幫軍
之地已不知落于誰手而錢糧乃在軍身包賠
軍士安得不困所當處處精查卽一時未能奪
地還軍而派糧歸地免使豪強種無糧之地貧

無夢園集

海三

三

軍包無地之糧凡此皆以衛所屯田言耳再以
民屯言之衛所屯田之外又有民屯者多係原
無著落田地投占開種報入屯田故名曰民屯
言民者別于額隸衛所之地也言民屯者見雖
不係衛所亦不隸府州縣總以供軍儲故亦名
之曰屯而今則不知何處有民屯若干畝分釐
毫應該糧若干石斗升合何處收貯何項支銷
紀三關軍

屯民屯

山東道中紀事

金陵尾也山西河南湖廣支脈也山東中喉也九邊諸鎮其脊也欲首尾支脈交通南北呼吸相應莫若使中喉不病蓋以山東居南北之間天下漕糧交集之地也計惟首立社倉以備饑寒則民知禮義嚴行保甲以備反側則民知勸善精選民壯以備寇盜則民知教習務使中喉有所專恃則首尾庶可相通至於

金陵其策在沿海立堡沿島立墩上下之巡舸

無夢園集 海三

三

宜通江海之水兵會哨在閩守廈門梧嶼則賊根可絕在浙守舟山烈港寧定馬墓則倭颺可消在金陵守孟河湫港則賊藪可靖然後以天下之急急

京師則京師無不固也以天下之備備京師則京師無不固也岳飛精忠鏤臂故能以敢死卒破兀朮百萬遼之兵豈特五百也李光弼納刃靴中不勝自刎謝天子故能以疲瘡之卒敗賊數萬遼之兵豈盡疲瘡也耿恭困守孤城數月

饑渴幾將斃矣恭忽整冠南拜飛泉湧出持以示賊不戰遁去遼之兵豈盡饑困也苟能以實心從事則何事不可爲苟能以死心從事則何事不可就

無夢園集

海三

三

磁州道中紀事

蟻尖寨上有土田水泉管年流賊據其巔數年始下曾設巡簡司建營房今廢爲荒址宜復其墳涉縣隣山西黎城界遼州河順間有高山以塹之而響堂舖兩岸夾山一路邊牆尤爲禦賊要地牆外如小山口有邊牆大山口有大邊牆刻中州外翰四字于關門嘉靖間虜入犯河套撫臣疏創設守備宿重兵今皆棄不修而磁益急矣涉之西北鉄脚峪兩大山有邊牆中河口

無夢園集

海三

三

有關門毛嶺山頂有巡簡所今皆廢其下五大邊牆東西敵臺尚存舊關券門長里許山水衝壞宜一切布鄉兵自涉而東北卽封安內地近磁封安城西有地名二百冠堂四山逼峭中有邊牆以十數人守之賊不能過再西十八盤更險西北摩天嶺山愈峻絕接壤遼州皆係武安衝口其適中之地名陽邑鎮圍練鄉兵可以攝三路與固鎮巡簡相爲呼應大都管日之流賊饑兵爲之倡今日之流賊逃兵爲之倡而我兵

擄掠小民畏兵如畏賊與驅民以從賊一也近邯鄲城外二百人殺人劫財直馳東省必入曹濮徵調之害了然

磁營原額毛兵一千係嵩洛汝陝鹽磧之徒勇兵一千乃土著招募而封兵六百則各州縣之衙役也自徵調行復增新兵于是有兩兵重餉之苦

無夢園集

海三

三

黃河舟中

十月十五日築壩滙河水于湖以便斷流挑淺
二月初十日開壩放湖水于河以通糧艘鮮船
官民船隻不敢憑闌卽進鮮亦有過期參奏之
例各開口石板金書具在今十一月不築正月
遂開宜嚴也

蓄水以櫃安山湖三十八里南旺湖九十三里
皆爲櫃湖堤之內爲櫃外爲田若楊州五塘河
南百泉寶應二開山東五派皆儲以利運予行

無夢園集

卷三

三

汴城籍紳爲言自秦晉入河南五十里寬衍之
地宜多蓄水櫃以防橫溢云

河西務設剝船八百隻通糧廳設漕剝三百八
十隻白剝一百隻宜于運船淺阻處勒限先濬
以便調夫一以有淺無淺別委官勤惰必使淺
者盡深得抵壩上每剝船一隻可省水脚八錢
旗甲食米一石五斗河壩官常例一錢雖然余
見河西剝船俱腐爛他可知已

漕之阻也因黃河磨兒莊直口等十二處險瀕

而磨莊與劉口爲甚議開駱馬湖因故道五十
餘里直通沔河旣避諸險且近二十餘里歲省
挑淺銀數千而成沔河一段未了之功但須石
焚耳

徐州黃河如帶地險可憑江淮聲勢相通故蓮
妖直至北岸卒不能逾一步此可置而不講乎
徐州有上河有下河有爲陵者有爲運者
有爲城者可不熟講而漫然嘗試乎

駱馬河東岸上荒田長二十五里可得地十四

無夢園集

卷三

三

萬五千餘畝河濬之後水不泛溢堤築而外水
不入且畱口建壩而內水不出可漸次田然資
防佐役可耳開科起租反爲害矣治河不惜大
費不收近利故駱馬河功太速費太省易以石
乃可久也若欲半抵宿遷加派遼餉半抵駱馬
歲修恐未易輕議

歸仁堤外有河水浸堤脚河外有小堤形堤針
卽邱家埠子二湖也河外小堤宜取湖土加高
而疏河身以行內河之水使歸仁堤不受浸于

河水得借障于湖堤云

潘季馴躬歸堤以衛陵李化龍開泃河以濟運其功一也卽歸仁堤三十九里旣西捍黃水睢水湖水使不得射泗州衝高堰而又束睢湖二水之流并入于黃以助刷河之勢今十鋪漸傾宜一整頓

開加議始于隆慶初年都御史翁大立其後屢勘屢罷有云工費三百九十七萬者有云一百五十餘萬者萬曆二十九年李化龍議分黃開

無夢園集

海三

三七

加計工二百四十餘里估銀二十萬改直河之支渠修王市之石閘平大泛口之湍溜潘彭家口之沙淺二年告成

自舒公應龍開韓莊以洩湖水此河之基始肇自劉東星鑿良城以試運艘此河之脉始通至李公化龍而始竟朱公光祚又開駱馬河以竟之故今日治河莫大于泃善後黃急治勤歲修之實去節省之名駱馬河五十餘里止費銀六千一百有奇費過省矣會典一欵河堤每歲加

高一尺加厚一尺諸臣續議改爲五寸此非可例之歸仁堤也若夫建館以棲堤夫修厥以貯物料盡弁髦視之奈何朱督臣云非謂泃河與駱馬河一開而黃險卽可不治亦非謂黃溜一平而舊泃新河可不修也

宿遷志書陳審溝去治西二里駱馬湖去治西北十里早潦不常二口任便利涉予操小舟循視第苦缺少一段石工此費似夾難已

伏水自蒙陰諸山勢莫能遏宜于亂石山迤東

無夢園集

海三

三

挑濬殺其勢以歸東湖再挑張家口平地一百八十丈以接泃口又增築西岸老崖各高丈許以禦黃流大抵水盛宜與直河金瀉則險溜之勢自消水涸宜于張家口築壩則泃河之水可灌修築之暇開墾湖地屯種亦一說

先是有議塞黃壩不如隄山西坡歸小浮橋若不塞不用其若用泃河直接鎮口引汶泗武沂之水開至邳州二百餘里棄黃河涓滴不用亦一奇也而予謂黃河大關國脈萬無涓滴不用

之理故議商賈行于斯漕艘返于斯收一半之用亦臆測云

撫夢園集

卷三

三五

河淮道中

河淮以南以四百萬供京師河淮以北以八百萬供邊境后因有客兵年例又有主兵年例初止三五十萬近漸加二百三十餘萬忠田虧矣以年例補之鹽法折矣以年例補之民運欠矣以年例補之

撫夢園集

卷三

金陵道中

長江天險晉齊間事耳自元木伯顏渡江江難恃矣南震則楚粵閩浙俱不可固池河其關鑰也瓜儀其門戶也海門龍潭兼防泗淮海安慶太平據上流兵與城皆無可恃東壩路通吳越京城定淮金川儀鳳神策諸門寂如山林六朝城不統一雖屢有城下之師尅一城而數城守在如烏林新江臺城清溪是也今破一城曠然百里不如禦于城之外故有六營四十八衛十

無夢園集

海三

四

萬卒之設也按原籍補及額足矣若浦口築城開河幾百里通大江來商賈亦急務也

徐州道中

河道錢糧如置椿買辦採石採草充是役者計十分之一請托充河道科及工房有例矣庫支十分留一名曰節省庫書又有例矣所存十之五冒破百出一遇伏秋水發盡托河伯急則柳梢草束分派里甲波及鹽店諸司選委宜慎也徐州新城議于牛山南數里外雲山地方蓋北憂運南憂陵河使者約而使東無敢窮溢故遷城以避河誠爲苦心然徐州旺氣所鍾自漢以

無夢園集

海三

四

來河決屢告彭城未嘗議遷則舊城似宜重修且加河一道性義韓庄之石素號難治成此永利倖也非常也然可憂正在此河嶽國之用神卽利加亦宜黃加兩行予嘗云昔以海運濟漕運之窮今因新河廢舊河之利每每痛心徐州蕭條更甚淮泗城外見一二帆以爲希有屋廬淪沒僅雲龍山放鶴亭無恙耳棹楔入地官舍產蛙無復聞雞走狗之氣而所在河官恃加河泰山如邊吏恃欵輕裘緩帶以爲常駱馬土疏

泃工不開善后二百里內巡徼寥寂一介行李
停舟宿遷踰邳涉嶧猝有不逞倚山而嘯然後
議徐河而憚于行險亦如海運之艱胡不及今
定議使糧艘自泃河入自徐河返商賈行役皆
如之使徐州猶得一半黃河之用且順水南下
亦長年所樂趨也嗟乎倘存修城四萬之積以
助徐工其庶有瘳乎

徐城中都門戶妖賊之變一徐州扼河以守而
東南諸郡高枕無虞前人議改州而府割山東

無夢園集

海三

四

隣邑以充屬真至計云

朱總督批道詳徐州既遷之后就於羊山築壩
建閘以遏黃水衝入歸仁堤之路是矣舊護城
堤可以不守郭家嘴等處可聽其決不治乎且
祖陵運道與近城附近之民生有無患碍否
禹貢海岱及淮惟徐州周省青州入於徐州環
以名山遶以大河東南至淮安西北至兗州西
南至歸德徐介其中豈一州官所能彈壓司兼
有戶部守禦有兩衛改府亦非難也議宿重興

設大將以統之昔人有深意焉築城內街道高
出河面一併起立四門城樓甕城既有成議矣
不復三山故道則新築大壩不保大壩不保則
歸仁一綫之淺堤必潰而邳宿一帶之河道必
淤復故道而進築縷隄決口以挑水開鑿土山
天然壩以滾水所以保固大壩至接築斜堤又
防河之旁溢也故道應挑四里斜堤二里按此
議起於徐邳報水漲睢寧曹字舖舊堤漲漫一
二尺宿挑岸堤平而討求其故上源秦鄭之間

無夢園集

海三

四

未有雨水何以下源邳宿等處驟溢乃有此補
救之論也按此必歲修蒯畧而山清之間安東
入海之路有闕焉吾向謂恃泃忽河蓋不幸言
而中矣故有開天然壩洩流注湖衝劉家口淤
澱泃之慮焉總之關防唯遙縷二堤往以黃泃
工役繁興置此不修二十餘年河衝堤薄且今
年爲土埂明年爲河身本不修堤而致河之決
又以塞決而關岸之修狼矢三山固其宜也然
上源自陝西歷河南山東下達豐沛徐邳睢宿

挑源由安東入海原係一派必上源水發而後
下流水長向者上源無事故專咎歲修今河南
大有事矣而淮徐間無一堤非將決之狼矢無
一岸非未開之三山爲之奈何

山清仰受黃淮二瀆既修徐邳二堤則將併數
百里奔湍之勢全束於地中又合此二瀆衝刷
之危茲集千岸下須一體幫修而後可

無夢園集 海三

哭

詩 還朝

春水畫骨歌

自題小像時泊錫山

放舟春水聽龍吼九龍之山一培塿我生有骨
倩君手筆走星辰酌大斗床頭萬卷去其朽飽
啖鮮霞如啖藕采茶陽羨滌尊鹵新植芙蓉二
十畝竟日關門簡徒偶

至尊獨憂誰司咎赤心事君以求友肝膽應須
奉元首生來不受利名牽談笑烟霞揮觥帚添
入長松鳴蚰蟻敬贖天保上

無夢園集 海三

舊

君壽東南力竭何所有聊寫萊麥在圖右我欲
持圖上黼展長隨父老擊牛酒

夜渡金山

南國崔嵬勢盡來烟帆齊向鏡中開長空挂月
疑無地大海迴風忽有山以我寶刀隨流水何
年錦浪起樓臺妙高深憶濟時者江左風流有
異才

其二

元良齒學簡成均樸遯如臣厠友賓坐對空江

邀祖逖遙呼三詔愧焦君深更細聽魚龍語片
葦平分吳楚雲獨使至尊憂社稷肯教終日醉
懸燠

其三

憶昔讀書金山寺墨花噴浪上青霄樓臺影碎
雲恨活潮汐磨礧鬼斧銷卷石無多閱世態龍
宮一半住僧寮濤聲時共人聲語靜吸中冷說
聖朝

東阿李侯

無夢園集

海三

僮

千峯高枕綠炊烟蕉葉題詩課野田稽古已知
卑管晏匡時猶未薄魚鹽東湖今借西湖長明
聖池連泰岱泉吏散空庭鳥雀靜遠山雲起任
揮絃

河間王太守

河瀛望色借深籌檣櫓還勤藥籠搜剔以扁公
爲太守天教赤子作桓侯同人猶自待秦越運
腕先須問樂愁昔有真人入御夢一尤名已動
金甌

山海關前屯副將軍飲

前屯松樹何籠嵒手挽山河百二重大吠嚴城
聲似豹鈴搖清角語皆龍陣雲戰苦忠魂厲塞
月清懸赤膽同聽說西戎髮上指擬將提掣向
雲中

其二

寧前一線扼咽喉壯士提刀孰與壽山海當關
蹲虎豹肝腸如雪徹笙篴精嚴壁壘雲麾壯吐
納天河樓櫓稠結髮匈奴七十戰何愁李廣不

無夢園集

海三

吳

封侯

寧遠鼓樓與將士痛飲勵戰

漸看光復慰瘡痍嶽貢重瞻舊漢儀自有肝腸
清塞北肯容兒女夢遼西

其二

膂力經營誰與先十年戰守說寧前朔方重見
堯日月樂浪駸增漢幅員

中後所王司農卽席

海天暝色上高樓刁斗霜嚴萬籟收粉蝶不來

無樹夢釣磯未斷有餘舟六年舊識胡安定一
夜欣逢蕭鄮侯知是雄邊清白吏選人夾袋合
深籌

何承渠副將軍招同張午垣徐都閫飲首
山時桃花一枝開湯泉重構祖帥治海舟
待渡

無慮峯頭十丈松長髯慷慨復頌容首山東望
醫閭峙星使北來牛斗衝席向覺華邀祖楫泉
如湯沸微桃紅我行未覩單于面拔劍中宵待

無夢園集 海三

舉

舉烽

其二

徐孺陳蕃塞上從侯誰在矣張仲同君橫長槊
除醜虜我有玄言問老龍山向至尊齊拱極水
因東折必朝宗如今不賣盧龍塞萬國車書四
海融

趙元戎招飲角山觀海樓移酌署中

嚴關開府鎮羌氏舜日蟬聯沛澤涵大海東來
駐箕尾男兒到此照鬚眉錦州苦戰身為堞渤

懈狂歌浪是區我亦逢君大敵勇且傾三百任
樽移

前屯登趙將軍城試萬人敵放三火箭忽聞
傳烽登高聞戰虜首至自瑞雲堡

前屯自古瑞州城兵火空餘一塔撐至聖廟前
剩有樹三山堡內半鳴鉦樓臺倒下龜貉靜肉
薄俄驚神鬼轟提劍須臾虜首至將軍不減趙
奢名

無夢園集 海三

真

洛游

燕趙懷古

丹忠只有君侯血兵冗先知宋室空十載湯陰
渾是夢睢州又過岳王宮

其二

戴星寒涉渡浮河入郡良家氣若何易水昔寒
今已熱制奴還少一荆軻

其三

可憐六國佳公子不及燕山太子丹裘馬無寧

無夢園集 海三

另

取胡服栢松長愧血秦關

其四

天旌公子侯門死圖挾樊期七首孤止爲漢家
真帝出亡秦元不是燕胡

其五

夢裡尋身身亦假醒來覓夢夢還真源頭識得
皆繇我道在無求夢不侵

邯鄲

其六

靴靴滿目挂征鞍母在肯教襁褓殘今日路旁

皆孝子身寒不敢泣衣單 閔子祠

河北道中

風靈後中州當事者諮予予曰應在河決不
出四十日過歸德復言之已果驗抵鳳陽泗
水橫溢先是文廟災大雨三日兆已先見噫
天人之際甚易知亦甚可畏也

賊徒擁邯鄲殺士不敢格縱橫曹濮間未知兵
與賊

中州有風怪鐵碎瓦獨全更看駭絕處九霄石

無夢園集 海三

另

確懸

周藩 冊封禮成時中秋夜雨

磐石藩屏駿有聲超然大雅自仙盟欽承 冊
命持龍節式觀宗儀仰 聖明

天子萬年周室輔中州一鏡四方平汴城自古
霑恩地月到天心雨欲晴

其二

周宗世美賦振振公姓公孫禮法遵齒德占星
瑞河洛詩書賡雅動楓宸魚蒲龍節 君恩重

玉樹金枝桂窟新何待夜珠來明月五風十雨
總皇仁

其三

持節郊關寧 至尊惇庸典禮展周親中天輪
影環明月萬國元良仰 一人白髮蒼顏班帝
子稚齡繡褕舞王孫歲其有矣于戈息四海澄
清快令辰

其四

一點天心到嶽嵩維城雄險亘蒼穹圖書皆五
無憂國集 海三

秋分半 皇極兼三日正中仁義率先尊杜礎
本支卜世種高松 講筵無補勤諮詢汴土艱
難啓

聖聰

中秋郊送 龍節

使命光生貌虎臺中天玉樹盡花開滿城喧鼓
尊王事五采流霞繡上台

其二

清沸中秋聲似雷碧天如洗見蓬萊東方月出

來何晏一朵紅雲擁節來

其三

中州宗學被甄陶駿惠文孫天語褒自有聖書
耀河嶽奚勞玉兔數纖毫

上雒王

天上來時水不狂黃河自古闔洪荒九年宗學
胥稱伯一舉秋闈獨讓王松爲著書深歲月鶴
因窺句步天潢懸知樂善東平意

神廟奎章日月光

無憂國集 海三

吳大中丞年伯卽席

帝念民勞露處啼旌旗初下慰雲霓雨河動靜
關秦晉一勦猗夷振鼓輦

聖主何嘗諱災異天風應急奏顛黎微臣憂杞
先河決好障中原與嶽齊

中秋

月華冷于霜水白已成路飛鳥靜不鳴羽毛紛
可數

其二

何處不相思中天照徹時昌期逢聖主月桂長新枝

其三

夢見關山候愁聞風雨時羈人新蕩漾月影下波遲

其四

遊人凡氣盡歷歷是神仙但恐神仙去獨留冰雪天

其五

無夢園集

海三

卷三

心與鷗俱白琴將鶴共彈忽聞松子落微聽水流潺

其六

無計留月住孤城絕域看居延擊刁斗闌夢到城難

其七

秋氣變人天烟雲勝昨年能教肌骨換人似鶴翩跹

其八

幾見月當頭况逢此夜秋憂勤不問夜宵肝喚窮愁

出陳留憶汴

日涉芳園憶故知紛紛芳草亂如絲我行永久逢君至執手如觀未見書

其二

從來明月不須期流水因風珠玉隨萬葉秋聲客夢裡平江何日不相思

其三

無夢園集

海三

曲度閒雲意自遲夜闌獨酌強裁詩江山待我皆如舊况有新紅劈荔枝

其四

聞說嵩山禮舊師青囊許我共抽絲蒼顏古貌滋朝氣載酒飛花有夜珠

其五

暮雲草樹更長林宇淨山空月色深別意不須問流水且傾三百萬重心

其六

莫若偏餘松桂心引盃延賞滌煩襟開紅成
翠如雨鶴叫空庭夜未深

其七

剪燭巴窓話雨時儵然太古白雲姿花鮮月出
人皆醉靜讀黃庭意欲遲

其八

臥起何須改舊詩名園幽興白華滋本無軒冕
榮懷抱遙寄秋風渡馬遲

其九

漢室窮經禮宿師伏生老矣拜昌時獻王纂雅
褒天口歆向披忠長玉枝

其十

秋風搖落動歸思詮理談玄自有師坐看雲起
雨不厭前村孤嶼一題詩

其十一

今日河南異昔時官司傾蓋有心知更饒一段
賢王意設鼎陳樽併載詩

其十二

詩囊珍重冠周南藥灶封題雲氣函自汗過陳
岐倍五舉杯邀月影還三

過歸德董太守萬司理卽席夜泛

別有幽溪路自通坐看秋鏡掛牆東乍移巨海
瀾生紫忽坐仙舟燈已紅雨洗晴來天漢杪月
明人住水聲中四更照徹清謳發綠竹烏紗影
許同

再赴亳社與萬司理

星聚商丘再舉樽南州留轄素風存重開壽社
無夢園集 海三 三

怡王母大被論文洽弟昆秋水爲神拔奇士聞
雲隨我涉疎園歸來案牘渾無事入奏平反勸
舉殮

其二

夜闌始覺濕衣裳聞道廣寒深且長繞岸唐隋
分古樹隔林笑語屬長楊蛟龍寂聽驚人句鷗
鳥慈依牧郡場有客明朝重載酒相逢還似水
中央

其三

歷落風塵總不知
海棠閒過採蘭遲
邦君好客翻尋主
毫社多賢樂取斯
綠長義臺問奇字
白分軒帝帶松枝
文章一變人稽古
砥柱狂瀾自得師

南宿州吳觀察過訪

元祐重題慶曆游
醉翁不在舉杯酌
霜飛劍戟雄觀察
影動星辰大丘鴻
雁消沉愁赤地蛟
龍掀舞撼神州
干戈滿地驚時事
泗上登高理壯籌

其二

楚雲吳樹乍相逢
夜訪何須醉濁醪
野簌山肴雜綺菊
泉香酒美客持螯
風迴湘澤新營壘
雷動江淮利輓漕
泗水諸侯觀壁上
溪沙魚鳥賦詩豪

寄詢同門廬州嚴太守

使君標格如何擬
淡月寒空籠白梅
風土清嘉吏事少
空庭梳羽鶴徘徊

南宿州有感

輪蹄四出擁荒叢
剪草編蓬立藁灰
十載久沉鴻雁信
十年逃亡八分不住版曹催
宋制賦及鑿溪層壘開除道
做磁州左右種低曲沼隈聞說形家秀
文脉運溝一帶導水四水波迴

夜謁張許二公廟

殘廟生危城雨風蕭蕭報良薄矣

二十四郡錄元戎
一丸孤堞障寰中
曲江齊唱昇平樂
府制更張魚鑰空
魂魄毅今如可作
膽肝鐵也與誰同
風狂晝掩忙投拜
整頓山河壯

鎬豐

其二

嗟公逝矣睢陽空
嘆息誰者無憂翁
予號無憂藻古城旌義烈
蕭條原野響寒蟲
當年熊虎馳戎馬
此日仇嘆嘆轉蓬
下土茫茫誰告語
雙懸神鏡照民窮
予與前治兵使者胡公商屯田公嘗取冊後胡請准賈于離臺未果惜也

九月朔過王莊偶讀高適閉門無不可何事更登高句漫成三絕

樹好
 三徑隨刈藁有客近家園芙蓉

其二

乍見衣薪者秋聲慘不號低頭弗敢問何忍須

其三

遙習古人語酒酣讀古騷長懷康濟念閉戶即

登高

雨中渡淮有感

澎湃神水爭蕭條淮泗橫如何安若命且莫問

其二

滁州不種馬千里稻田枯空坐兩太僕勞勞付

其三

海運昔防漕運阻新河今廢舊河功石堤洛馬

其四

百里加口彭城齊汎舟

泗水山頭坐御史風風雨雨一孤蓬斷崖崎石

偶憶沭河善後紀事

沭河幾百里天下皆道斯邳嶧煩供億移郵設

其二

落馬土甚疎金錢惜泥土石堤亦易耳海口决

江心道中

無夢園集 海三

石田亦可耕願人行好事輿中聊自吟田父荷

其二

田父如何說中情慨以慷下車入其室舉手賀

其三

年康不可失遺秉寡婦懷及此召業戶官家蠲

其四

通糧

子粒何可得買牛築道傍鄰人且協貸處處熟
黃糧

其五

鄰人不貸牛一荒連坐九同我婦子饑出入互
相友

其六

舉善申期會鑿城計戶口所在置沼池積水良
可久

其七

無憂園集 海三

守衛勿准狀軍牢勿下鄉指揮戒科歛牧夫急

賢良

其八

百善至儀真金湯亘千里勤將此法行田畯至
止喜

其九

漢主自臨河金錢易足數人人皆抱薪誰識徒
薪苦

其十

倒影入寒塘青青映垂柳回頭見青山形影俱
何有

其十一

乍見釣魚人時逢斫草婦崎嶇小徑行大道如
奔蕪

廣武衛道中茶庵

樹密山隈立馬看臥牛岡嶺近前灘乍聞似落
前峯澗久聽方知近佛龕未許塵容駐奔馬可
教幽客寫經函病僧閒傍溪邊立黃葉蕭蕭一

無憂園集 海三

草庵

其二

城頭便有山林色野樹蒙茸老歲年低屋短垣
門欲扃花香酒熟鳥如弦依依仙窟桃源裏小
小溪深靈隱間山水之濱容我老半肩行李載
輕煙

關山謁廟

且就關山除月色何妨複嶺一登高神輿共慶
豐年樂廣武宜知稼穡勞紫殿駕車清絕塞巖

霜杲日動征袍十年未雪遼山耻不斬樓蘭負寶刀

其二

青青古栢插蒼穹寫出丹衷半嶺紅雙懸古井分清濁獨鎮天中賊寇戎洪武最先龍虎戰宋家漫說趙韓功我朝百戰自滁州始清流一派宋以韓趙王破此關停公旆百萬雄兵誰與同

其三

磨劍清泉靜可探遊人三過爲停驂亂抽山簪無憂園集 卷三

栖寒野淨洗雲根倚野密煮橡齋厨挑水急爭詩玄室下山淹遠公送我其遠矣高閣應須早構藍

辛未重九前四日以冊封至自滁太僕徐

翁夜深載酒賦詩

論交十載上公車携手郵庭月色華頗牧久高青鎖闥夔龍先借課驕驍閒吟昔賦春梅贈司鼓重將秋菊過商畧龍興建置意救時應泛丈人槎

其二

梓里同朝事 聖君秋山暮色細論文三生石上曾留句雙井樓頭好宿雲孳收萬羣來渥馬屯田千里覆黃醞月明載酒重扶醉市口巖邊數馬勤

滁州

牧人何處秣清湍廿萬金錢空范韓百二山河雄發軔萬千鐵騎盛鳴鑾 國初累 詔蠲租厚奕葉承平放馬寬所在戎夷羈霧鼓紛紛無憂園集 卷三

市擲壹食

其二

寒花滿谷馥初晴匹馬關山倚杖尋半熟黃雲賁窮壤乍看紫氣淨陰霖千家烟火炊新黍一夜秋聲急遠砧南國層巒襟帶遠授衣挾纈慶平成

其三

半村半郭樹栖霞舊山川總一家風俗葛天追樸雅衣冠晉代薄浮誇山陰並美差無竹陽

美同幽只少茶昨月中秋冊金簡晴雲又覆
嘉紗

其四

稚子盈門豈涯注故園松菊自成家抽書風好
初盈几摘藕方鮮且及瓜借問芙蓉開幾樹不
知丹桂剩餘花江南數月多風雨碧玉琅玕未
可誇

龍興寺

曇花繡佛古招提蒼蘚雲封鳥雀棲可惜風霜

塗五色剝殘羅漢貌深薰天台鐘鼓隔凡唄雁
蕩寒裳渡遠溪西望滁陽埋骨處山河日月國
恩齊

其二

琅玕山勢近龍蟠更有龍興號古禪鐵鑄彌陀
青着眼夢移關像小容龕佛容爭說李唐古剎
寺猶將顯德刊羅漢畫神并畫骨泥金深處敲
容寬

其三

剩有琅玕續後遊山僧指點翠雲稠近連豐樂
浮青簪遙擁關山戴冕旒風雨龍吟雜樹吼月
明人影共波流重陽獨立金山頂此地吾將一
夢留

其四

登樓側聽吟哦近疑載米家詩畫過寂寂武功
剩銘碣寥寥文事滯蹉跎青山蘿攀衣幽客深
樹雲來隱碩邁六一山頭深醉處好將文字耀
山河

無夢園集

卷三

李

重陽前一日憇瓜州息浪庵候風

瓜州臺畔沸如雷此地安禪我亦陪龍象似孟
懸印坐金銀浮玉引青來人頭忽向浪中出帆
影驚翻波底圓卓錫五州煩寄語治淨住五州山法輪
高出海門來

其二

西望五州呼冶淨高僧破衲共衾裯三山寶剎
朝陽拱一水甘泉吸浪收客去客來逢九日尋
花尋酒觸虛舟老僧夜夜持龍咒人定何妨雲

海遊

金山渡舟

予泊瓜州水軍沒者十二人金山僧呼渡船起之活十一人

三十年前太守約金山一粟駕雲招三僧盛事

吾堪紀恰值重陽訪佛寮

三僧皆買一船味可紀也

夜聞江上雨

至海日高句爲閣筆午登殿日始出旋跳留雲亭夜飲其

露寺爲
禱前咏

五更細雨動青嶽破曉聲來一枕濤樹影新添

息浪柳驚濤分濺使星袍雪山白擁雲帆出金

殿光懸海日高直到留雲敬焦樹因風甘露醉

無夢園集 海三

葡萄

九日登金山

滁陽已訂金山約此日登臨似夢遊遲我瓜州

三候月場來驚頂九逢秋妙高日影招多景甘

露玄言落遠洲持節江干渾不寐邀同壯士擊

中流

馮守備

九日悲故昔又詩重陽不相知載酒任所

適手持一枝菊調笑二十石又詩晚從南

峯歸蘿月丁石壁却登那樓望松色寒轉

身在畫園中不知身是畫還疑境中人遙向郡樓拜

其二

河海英雄色使君一席收最難得佳客月舞爲

人留

其三

太守供調笑所悲在故昔敬亭與響山同醉不

同室

其四

無夢園集 海三

乙八

飲酒不相知相知安在哉傳呼君太侈忘却故人來

其五

蘿月轉松色水流無停川胸懷憶舊佳句倩誰傳

其六

其六

劍戟帶霜雪客星似水閒歌殘席已散秋葉滿

空山

其七

愁人未成眠
明月呼不起
一雁叫長天
睽孤亦知此

其八

近尋陶彭澤
遠者將何之
寂寞音書斷
今朝憶故知

陳太史無夢園初集 同患淺言

庚午九月初三自北雍訪友靈濟宮歸而病
累月枕上湧著此書洗心之至而同患憂患
之至而神武神武之至而齋戒利用出入民
咸用之一日不易方寸皆死心也一念能易
宇宙皆活人也勗哉 陳仁錫識

乾元亨利貞

有全指爲天道者非有全指爲人道者亦非也
有天道焉有地道焉有人道焉立人之道曰仁

無夢園集 內集上

與義而陰與陽在天剛與柔在地是天地有天
地之業人有人之業元是渾不得的至合德而
大人與天地合矣故乾坤兩元皆生乎心聖人
之於天道也 以春夏秋冬講元亨利貞非也
此四時合序之一端耳大哉乾元萬古天心豈
但一歲之始哉以四德著元亨利貞者亦非也
嘉會不言禮矣利物不言義矣貞固不言智矣
曰合禮曰和義則禮義亦名象也若然四德足
盡之矣何云剛健中正何云純粹精乾健也元

亨利貞皆健德也坤順也柔順利貞皆坤德也
係詞廣大配天地易簡之善配至德孔子全在
人字說易故取其德焉如大象六十四卦皆係
以名而獨乾不係以名曰天行健成象成形變
化見矣而有變化之乾道無變化之坤道行地
無疆行乎地也天行健則天自行不言人行惟
人行之所不及而人道之責愈重故自疆不息
則健矣健則元亨利貞矣造物只從生物處下
手元亨利貞一刻不斷聖賢只從成物處下手

無夢園集 內集上

二

元亨利貞一刻不斷剛健中正純粹精七字皆
到然後名之曰乾一任六爻發揮千摩萬盪潔
淨精微易教也正乾教也若非寒金冰玉澈底
洗滌無繇望見乾字頭面

初九

但體認陽氣潛藏四字定不容不潛如漏洩一
身之陽氣一身脉理十漏洩天下萬世之陽氣
天下萬世脉理亡是以不易乎世世決易不得
不成乎名名決成不得爲而未見決然見不得

行而未成決然成不得君子勿用決然用不得
用九是乾一面動的旗號勿用是乾一面靜的
旗號勿用是常不用的猶之北辰常不動非有
動有靜也猶之太極動而生陽是陽動非太極
動也卽以著卦言之大衍之數五十不虛一則
不成數而分揲掛扚歸奇皆無定策豈是虛一
以象太極可見天地有用有勿用人事有用有
勿用如此見得端的方是確乎不可拔故人知
乾六爻從元起不知乾六爻從貞起始乎潛不

無夢園集

內集上

三

動其正終乎悔不失其正聖人與天地相似而
易與天地準者全在此故元亨利是功用也貞
性體也初爻一也不趨時而先立本用九而不
用一一常尊常靜則萬物資之以始矣一若可
動可靜則乾亦積氣耳爲動靜之所制而安能
統天之動靜乎 聖人設卦觀象而後繫之辭
乾則龍之坤則馬之仰觀俯察豈待龍馬負圖
而後圖書始出哉六龍一人皆有之一日皆有
之分而爲六則六位不成誰爲時乘六龍者勿

用以立天之體不易也周流六虛矣確乎不可
拔也夫乾確然示人易矣 卜筮易之一端若
因三易掌于太卜遂謂伏羲八卦專爲卜筮而
作非矣若謂无卜筮而知吉凶亦无此理只是
孔子之言穩當曰居則觀其象而玩其辭動則
觀其變而玩其占然則觀乾龍之象而超然于
一用者豈人也哉 六十四卦之第一爻却從
出處說起可見士人之出處動關乾道之變化
勿用二字剛嚴斬截所謂剛柔斷矣莫斷于此

無夢園集

內集上

四

爻有輕出山而敗者失之不潛有再出山而敗
者失之不確一言以蔽之失之不龍也

九二

不居君位而有君德所謂乾以君之也乾在此
君在此豈有在天在田之異故二五皆判之曰
大人總是爲天地立心在天在田一爲生民立
命在天在田一爲往聖繼絕學爲萬世開太平
在天在田一在田而徒兢兢自修終是自了漢
卽自修爲龍爲光且有不利見之者矣惟其庸

言庸行密密存誠念念防邪務要一世皆善而不自爲修身之見盛德若渾而不留動變之迹看他學聚問辯寬居仁行耐煩修治譬如耕仁耨義勤勤種植一般象其德者蒸民乃粒豆始登香始升祖妣始蒸飲之食之教之誨之胡可遠也欲不見得乎夫固有所利之耳利見飛龍之大人本天本地凡有血氣莫不尊親利見在田之大人自成自道无有師保如臨父母見龍飛龍兩大人本一大人也故二亦名之曰君

無夢園集

內集上

五

德乾一君而二民君可兩乎哉未成五則爲九二之大人而五之首不見既成五則爲九五之大人而二之首亦不見

九三君子終日乾乾

九三人位也總是人道難做通乎晝夜之道而知夕惕若通乎夜也坐以待旦通乎晝也行莫健于天天行天事行莫健于人人行人事古聖賢于時位之際何其艱難而多故也況重剛不中必有賴于進修者乎然亢龍不見于三四而

見于上進退反復之際有深心大力焉故亢龍卽在飛龍處消融至亢而時已極矣蓋進德修業無住頭則時位皆隨之而轉也乾爲天爲圓進修圓學也亢則主角而方矣非天體亦非天用矣湯昧爽丕顯武會朝清明周公夜以繼日坐以待旦而猶有危言之者莫如文王其曰自朝至于日中昃正與終日乾乾夕惕若同是以無競維人執競維聖而文王立緝熙之人極也乾以三四兩爻發因時及時二大義因時

無夢園集

內集上

六

而惕非因時而憂懼及時而變化非及時而進取所以有箇在天又有箇上不在天有箇在田又有箇下不在田有箇在人又有箇中不在人靈妙虛活不可測度惕躍關頭間不容斷如羗里之惕多一分小心乃適得其常體故乾乾因其時而惕那戰兢危懼的意思都是時節因緣合當如此萬分翼翼然後平平无咎又不在安平之地而常住于幾深之淵此所爲惕也若因時二字不明也只是彊勉一路工夫居上不驕

在下不憂此神龍絕學可易言耶春秋賢大夫亦知朝夕計過然于乾體无涉

九四或躍在淵

大哉无咎之義三也厲无咎危厲薰心有安寔焉四也淵无咎深昧不測有天鏡焉神龍活潑天德出寧淵淵自在上下无常有常則天壤易位而不知進退无恒有恒則東西易面而不覺无常无恒卽是无方无體不疑于行而疑于心不疑于天下萬世而疑于淵天空洞之地玩此

無夢園集 內集上

七

或字將古今疑情疑局疑理疑事渾身鑄造一番却似跳躍出來又終不作了然不疑之案以立標榜何其淵淵也哉赤松之游得了一或鄴侯之出少了一疑到底疑方到底疑是乾一躍而起則向乎天主持定而後變化出此一躍豈是容易蓋四可以不在天不在田不在人而不可不在淵在淵而不或又多着了在淵的意思便欠幾深大都可使終身難進存得不可斯須難退喪亡龍一失其穴所以爲淵者淺矣淵

矣 九四三不在究竟何在明明有箇下手處

出頭處故或之非此不或也不疑也我徂東山滔滔不歸疑乎信乎大風拔木傳疑乎傳信乎後之任事者皆謂自己信得過何計人言正恐尚少一疑在嗚呼躍淵而疑臨事而懼當幾立斷豈容私髮疑哉不疑哉 九五飛龍在天則雖雖肅肅有常儀的可按節而馭也在帝左右或先之或後之我奉天天隨時人之利見之也其出入以度水火雲龍各自奔奏親上親下皆

無夢園集 內集上

八

安性情上出類下從類天不離羣凡可作聖在天者位也乃位乎天德則乾已下其首矣認定飛龍爲在天遂爲亢龍飛而不已將安往乎然則本乎地者親下非仰其在天之大人耶

上九亢龍有悔

以其龍體也斷然有悔易有太極也以其能易斷然有太極若不龍則不悔不易則无太極而進退存亡之主生生化化之門一齊阻塞乾道大中至正豈有此哉須知正字在則悔必在有

悔而不失其正雖費推移實得中流自在故躍龍一起而卽飛亢龍反身而善變雲行雨施而品物流形雲行雨施而天下平亢龍便將一片鋪天塞地的精神與雲致霧的力量化爲斷流截港枯田旱海不能康濟一身安能康濟天下犯了一箇盈字又犯了一箇災字又犯了一箇極字六龍之妙全在不犯手而三犯之若使提醒乾元呼吸用九何故與時偕極也只爲着了一分戀進存得的意思多了一分怕退喪亡

無夢園集 內集上

七

的意思却不道退喪亡是我的真龍穴也龍穴失而龍勢亡龍力弱萬物不始品物不流突開有悔之門明示風雷之路世儒謬爲原心之論歸之時勢不得不爾不几矯誣聖訓耶此六十四卦第一悔字也惟其具有龍性故係之以有悔所以貞悔二字對得過一悔則貞不悔一各雲行雨施只是去一各字來一悔字雷雨之動滿盈是不吝之象不吝則有親有親則可久總是常流之象不流則盈不流則災災與盈誰

其親之一不親而无位无民无輔諸患皆至

用九三四涉人事兩曰无咎用九見幾先係之曰吉此一見字是乾學首開眼處龍視无形龍聽无聲出王游衍自知白見不作畔援欣美想亦不作誕登于岸想不作一簣自渡想亦不作慈航衆載想用九便不見了九字六位時成便不見了龍字羣龍无首便不見了六字此是何等見地自然推之无首見羣不見獨見羣之无不見羣之有看一羣字點破偏至之學孤詣之

無夢園集 內集上

十

品廓然大同涉同人之舟載大有之車此段心腸有何首尾舜居深山之中木石鹿豕人見之鹿豕舜見之龍象然則羣龍不必六龍也智愚皆龍也靈蠢皆龍也時乎不用七而用九不用八而用六七則雜陰入則雜陽九與六皆不雜故可入用乾道无首天淵之體也圓其體而方其用者无之地道无尾代有終之義也乾自以陽始自以陰終坤特代之耳曷嘗有尾哉如是而兩元皆至用矣係詞曰精義入神以致用

也利用安身以崇德也龍蛇之蟄以存身也身
且不見何有于首 龍可羣也然陽卦多陰則
无首之義朋不可不喪也然陰卦多陽則有慶
之義若云老變而少不變故用九亦淺之乎言
易矣 參伍以變錯綜其數未有有理而无數
者今人皆因无數所以无理如人一身耳目口
鼻手指皆數也自天以下自地以上皆數也君
臣上下品級等第皆數也无一件不用着數乃
重理而輕數究竟數不明白理亦模糊然用數
者非用百千萬億之數也用九六而已推之无
首无終然後其數盛大百物備矣

大哉乾元

乾始是乾乾能事然不在乾上看而在萬物上
看處尊无爲之象然稟有厚薄亦歸之元氣此
言非也乾氣輕清又何分厚薄此乃形生神發
以後事也非資始地步 大哉乾元資始統天
誰統之乾統之闢地開天乾元一大學問也品
物流形誰品之乾品之類聚羣分乾元一大學

無夢園集

內集上

二

問也故有天統有地統有人統而乾元統天則
一人道之尊也有貴賤之品有卑高之品有小
大之品而乾元品物則一人道之別也月旦之
品人也是我强造出一箇物像來這是行不去
的謂之不通乾元之品物也是物自獻出一箇
體貌來這是行得去的謂之大通大明是日月
終始是四時日月運行一寒一暑乾道成男六
陽得位以此御天小心之極 大通而至正便
成一箇无偏黨无作好惡蕩蕩平平咸出咸入
之乾道那一物肯安于固常守其塊質而甘爲
不變不化之物與草木同朽腐也哉各有各性
命各各自去正性命只有一團太和薰然不失
乾元之意與最初一點資始之意胚胎醞釀直
至有德有造成就結果乃利貞而大哉乾元首
出庶物卽庶物之首亦盡出矣蓋未有一物不
首出而能咸寧者也何也有天下則有天下之
首出有一國則有一國之首出有一家則有一
家之首出有一點血氣心知不死之性在亦必

無夢園集

內集上

三

有箇出頭處正所謂乾元无物不有无時不然
 有一歲有一歲之首出一月有一月之首出
 有一日有一日之首出我既首出庶物而庶物
 之首盡出嘿然反到乾元路頭步步亨通處處
 收拾精神自然凝靜歸一无一毫走作漏洩便
 是咸寧境界必世後仁久道化成總是感到人
 心極和平處无可言說方是太和頭面

雲行雨施

天道不專靠雲雨乃摹寫下濟之狀風霆露雷

無夢園集 內集上

三

无非教也獨不能流形乎然而不言者何也蓋
 已在乾道變化中矣變化卽是生克蓋雲行雨
 施順而生之乾道變化逆而克之逆而反源性
 命太和萬物皆備逆之又逆情返于性事歸于
 幹物邇其宗道形而上萬古一貞方是萬古一
 元一身皆貞方是一身皆元如環无端以首出
 庶物之上誰有亂其性命傷其太和者哉大都
 天地形也健順道也品物流出天地之形是故
 形而下者謂之器乾坤積聚健順的理是故形

而上者謂之道

乾道變化

流行處俱是道何故于利貞註定乾道試看利
 則向于實這段意思非是小可那物物帶來的
 一片生意發洩甚易收斂甚難收斂而結實甚
 難大費天工鑪錘譬如父母之愛嬰兒生得豐
 滿聰明却不喜只望他結實造物之意亦然父
 母于此不知多少節蓄多少薰養所以聲希味
 淡纔看出天地之心勞苦裁抑纔照出父母之

無夢園集 內集上

古

心 一草一木皆天地至寶愛珍惜的性命物
 各付物不容凌亂處便是太和所謂天向一中
 分造化此處何等太和却又須收斂歸藏加一
 分整齊加一分保合而後乃利貞也 天地始
 萬物必終萬物而後謂之利貞不終則天地之
 事不了臣子始國事必終國事故曰知終終
 之又曰无成有終不終則君父之事未了卽是
 利貞虧欠處所以臣道合當倣者斷然决倣
 卦有卦之六位爻有爻之六位此言卦非言爻

也六龍只抵得六位兩字其義與羣龍无首同若云時潛而潛時見而見是以爻解卦非也大都六位卽伏羲之八卦原是極活動的故曰時成時乘六龍卽文王之八卦然總不出乎先天故曰御天而一秉天爲主也請以先後天八卦明白剖之便見自古只有伏羲八卦亦只有伏羲重爲六十四卦若文王八卦乃特爲伏羲下一轉語一爲現成之八卦一爲相錯之八卦二老定位而通氣者不相悖者不相射者无非逆

無夢園集

內集上

圭

也逆則生生矣奚待文王布置而後見神用之不測哉文王八卦猶如孔子乾元坤元四字各自摹寫學易得力處世儒以後天配先天又強以時令注後天不知帝出乎震一章按節候布方位此一義也若雷以動之一節神也者妙萬物一節乾健也一節震起也一節或言人或言德又何嘗拘時令哉卽如八卦相盪復有六十四卦按節氣圖此亦易之一象也始作八卦孔子以與伏羲不以與文王 時乘六龍一語已

帶了利貞意思看雲行雨施天下平也惟有首出而已若云聖人之元亨做一段聖人之利貞做一段亦宜善看久道化成是恒卦地頭天且弗違是乾卦地頭 天地事事有箇準則天度天象天數與夫乾坤之策毫不錯亂易與天地準故能瀰綸天地之道瀰綸在乾爲雲行雨施在屯爲雷雨滿盈遯乾坤无之非是也然原始反終則大明終始之說矣精氣爲物游魂爲變則乾道變化之說矣如是而後神无方易无體

無夢園集

內集上

圭

有不易之六位乃有變動之時乘而後易與天地準也 天地只用雷風水火山澤孔子又以八德釋之其實人身具八卦卽具八德初非以人之德合天之象但天能變化人不能變化只爲少了摩盪工夫有象氣而无情狀特發游魂爲變四字于精氣之外而又以神妙萬物四字呼吸八卦之精妙然後能變化既成萬物則乾道之能事畢矣 各正性命便是利貞何故言太和又言保合太和這太和處都是造化之元

氣然後貞復爲元是以天地濟謂之交泰言天地接頭處也旋乾轉坤足以幹事其搏旋至矣乾坤不言乘承比應非也時乘非乘乎承天非承乎同聲同氣應地无疆非應比乎 性命有歪斜的太和有乖戾的只爲雜了陰柔之氣不剛健不中正不純不粹不精若萬物具有乾道靜而正顯而藏與陽俱入无搖養氣而閉藏之後發生又无極矣 萬物當發揚之時最難收歛猶之有才氣揮霍之日政難節制精神不覺發越盡了規矩不覺漸漸放蕩了却虧步步約束便不至浮游而不實漫渙而无歸變化氣質總是乾道

天行健君子以自強不息

是從容中道天行有程度有期限有交界一刻慢不得一刻忙不得自強用一毫力氣不得統得天御得天方可語此 天行健天自行也不曰君子行乎天但御之而已牝馬行地馬自行也不曰君子行乎地應之而已天非人行之所

無夢園集 內集上

七

能盡也日行亦不及也地又非人之所能及也西海北海不得測度其涯涘也然則天地何窮極乎學乾坤者有止息乎

陽在下也

試看訟卦九五之位在于坎中是天在坎也這大川便涉不得初九陽在下天君儼然深淵之中誰敢出頭做事將陽氣亂動元神渫越四體百骸奉誰爲主奉陽也今人潛字不到手只爲不知尊陽亦不知陽之所在耳 如仲尼潛心

無夢園集 內集上

八

于文王文王在安敢不潛孔子先而顏淵后子在田何敢死死且不敢況不潛以觸禍乎

德施普也

先儒云見龍如日初升雖未中天其光已無不被然龍雨之施施于在田譬之日用飲食詎止被其光哉正爲庸言庸行人人做得如一鄉有儀刑閭俗皆薰而善良不特解衣推食之施是太中至正之施俾自易惡至中不惡處身于澆薄儕俗于虛僞相觀而善比屋可封故曰普也

乾是直截下手學問如忠信進德斬斷直截何
反復之有這反復二字就是變化二字乾道變
化三乃乾之終終便是始惟其反反復復將往
來消息的軸頭時時運得轉掉得動所以有四
之淵也淵者龍所安惕者道之宅兼是二義乾
乾安宅可无室家飄搖矣 七日來復著于復
卦而乾終日便復不必七日也文明以正革而
當見于革卦而四乾道乃革不必已日也始萬
物終萬物見于艮而乾一開大明之神智徹底

無夢園集

內集上

元

見始見終不必言始之終之也噫乾之全體大
力神妙至此哉 不憂不懼龍體也這道字是
治憂懼的對症良方全要反反得轉便是道反
不轉便不是道復以剝爛而反三以重剛不中
而反反其重以趨于平反其偏以趨于中多一
分憂危不得着一分意識不得坦坦平平自有
大道若拘了方體執然做去憂危日至何能厝
于康莊之地惟其不用正而用反愈反愈正不
積于極重難反之勢而輕撥乎几微易簡之來

豚所以進德修業寬然无咎從此六龍皆去險
就平 乾言情言性言命言道言德言仁義禮
坤言敬言義言中言志言黃中而皆不言心天
地之心乃見之于復即四陽剛壯正大亦曰天
地之情可見蓋乾坤之元天地生成之大德也
剝復之際天地培養之苦心也如剝精于觀象
先從厚下安宅築起基地而後存不食之果則
艮土力也如復精于觀心先從動而順行噓植
善類然後能來出入之朋則坤土力也天心必

無夢園集

內集上

三

籍厚土故不曰見天心而曰見天地之心敦復
无悔正向厚土積累處安土敦乎仁能使世道
回春君子長駕不至威感靡騁也天地之心平
无物不可化君子之心平无物不可感不知感
人而漫云心學未知于休復下仁敦復自考之
義何居潛龍勿用陽在下也下之而仁下之而
厚矣乾乾反復其以此乎不然未有終日乾乾
之全力徒爭勝於子午復垢之鑒刻豈可得
或躍在淵進无咎也

易重時位最怕犯了一箇進字唯有在淵之進順乎天因乎人迫而起強而應是退不得的故曰進无咎其次卽曰進得位進以正是以躍取龍漸取鴻皆善進之義也

飛龍在天大人造也

大人造出一天地來先天而天弗違天地造出一大人來後天而奉天時此乾五深造之學也大人方謂之造聖人方謂之作今人動輒稱著作手是天自予而聖自命也

無夢園集 內集上

三

亢龍有悔盈不可久也

亡主積于篋嬰兒傷于飽不獨爾也凡意氣之發揚語言之揮霍見聞之駁雜犯着一箇多字卽是盈何異積篋之亡國過飽之傷見然一調停于飲食之間斟酌于聚散之際而仍化爲吉此大易轉移之妙也這一盈字非驕盈之盈卽盈虛之盈乾道至此不得不盈亦非憤盈而出之也天地之大久而不已如其不可久也而體天者可晏然而已哉

用九天德不可爲首也

先天乾居南後天乾一下其首而全局皆動乾動无所不動乾下无所不下此乾元用九之天德也 有人倫之首物望所宗有意見之首名理膠執有事功之首浮雲滯泥此皆是物而不化至人一點便破獨有一種悟道精微自謂窮神知化意言象數皆莫之能先却墮了天德爲首竅曰中與神易變化渺不相及大都張皇聖學之故也靜言思之能統天平能使天且弗違

無夢園集 內集上

三

乎或曰元以長善非首而何然長善也而不爭物之先不據人之上體仁長人將一身公共放在天地萬物中触一肢亦痛触全體亦痛渾然穆然何首之有故言體仁體之而已言仁以行之行之而已若義則曰和義惟恐傷之曰存義有利刃切物善刀而藏之義焉誠恐義字一出頭而矯矯獨行與天德不相似嘉會也嘉美于此會而燦然者其迹矣貞固也骨幹于此立而確然底于純矣從天德上切磋轉入轉細從天

德上琢磨愈鍊愈精不是十分足色未易語此

元者善之長也

如好生之德協于民心此乃是善之長五典克從四門穆穆烈風雷雨弗迷特其行善之一端耳後世全用法術把持縱有仁心仁聞只叫做善叫不得善之長噫善而不能長是水木而絕源本衣服而去冠冕也奚善之有哉 如國有元子立爲宗廟社稷之主身有元首奉爲百骸五官之君奉持恭敬令精彩卓越繞斗做長不然無論首足倒置嫡庶易位爲失其長卽提空名以奉之終無氣色做不得善之長

亨者嘉之會也

大經大常第一要通行得去然後能守正而勿失世間有一種行不去的學問行不去的人物縱其所執甚正主意甚善却一毫无用頭處所以乾道定須大通不在通處通而在會處通又不在會處通而在嘉之會處通无所不嘉卽无所不會觀會通以行典禮俯而就企而及惟欣

無夢園集

內集上

三

無夢園集

內集上

三

交鬯以快足于上天下澤之內則是乾道无處不流通貫徹而元始以後與雲致雨蒸變六合矣 但知一元之朕兆難言不知亨字尤最微細若待雷雨滿盈不但造化之塞意亡而網緼之意亦亡那造化嘉美處便散見流行了唯是薰然也又非太和頭面燦然也又非萬物皆相見絢爛的頭面一種亨通意思脉脉自領自會纔是嘉美聚會處嘉會亨之藏也四德何時不藏六爻那處有首按禮儀盡中于度神爲之笑語爲之嗜飲食爲之具醉何其嘉也以介景福以資孝孫以錫爾極莫怨具慶孔惠孔時何其嘉之會也 君與夫人交獻以嘉魂魄是謂合巹按至于嘉魂魄合巹可謂嘉之會矣故又曰祝以孝告嘏以辭告是謂大祥此禮之大成也 不敢用常蕞味而貴多品所以交于神明之義也故又曰恒豆之俎水草之和氣也水草取其和无所不和矣 鼎俎奇而籩豆偶陰陽之義也黃目鬱氣氣上尊也黃在中也目者氣

之清明者也言酌于中而清明于外也按黃目鼎彝以黃金鑊外爲目列諸樽之上比于目氣之清明黃流在中故曰黃在中也月者三日則成魄三月則成時是以禮有三讓建國必立三卿三賓者政教之本禮之大參也按禮之大參乃參天兩地之參參天而成卦禮成于三故乾禮書也其義微矣

利者義之和也

乾始不言所利在貞上看出正不知在利上即

無夢園集 內集上

三

看出曰義之和將利字全隱不見非不言而何所以言利之陋也利已而已不言所利之大也利物而已 乾卦如一把刀是人生大主意坤卦是一刀兩段一物截爲兩片切得開便是忠臣孝子切不開便是亂臣賊子乾利物坤主利總是利刃迎物即解鋸斧之痕盡化抽刀之水復流有甚乖戾非義之和而何這義字原不消一箇和字去幫補他却爲有用義而過者所謂誠敬不若无心物各付物動刀砉然不傷其節

利者義之和也一語與同聲相應同氣相求乃乾之中和樂也庶物各得其宜即萬物得所氣象皆在聲氣上感通而以儀文度數求之者未矣禮樂不可斯須去身豈禮先而樂後哉大人造也作禮樂也樂則行之如陽氣發于黃鍾作樂之本也

貞者事之幹也

不是單說一正字乃是說乾乾元亨直到利貞一片乾道至正萬古搖撼不動故云幹也若他

無夢園集 內集上

六

卦皆有貞與乾卦不相似 六龍皆做事的人乾乾皆行事的日自古出世聖人只做一件事如作網罟作舟車以至作書契這一件事做不了何暇及他事此可想得貞固幹事的道理惟其至正定須固守就在枝葉扶疎中立起一根飽風霜耐歲月的老幹識得真做得透靜正藏密卓然做得張主大事到手實能幹辦到貞固足以幹事而後四德行矣乾元亨利貞不屬之天屬之君子矣 結得萬物之果起得天地之

頭纔做得乾乾行事的真骨幹須知幹義甚大
不爲枝葉依而立也 貞以幹事悔獨不可作
事乎凡成事須十全故貞以幹爲義雨露不能
剝凡動念只一刻故悔以變爲義風雷常自運
人若无貞便是无骨幹的動作大事无成人若
无悔便是不運動的枯骸良知已死神也者妙
萬物而爲言亦常有悔大都提醒其神使不死
而已 北方者冬冬之爲言中也中者藏也按
此語最是後人指冬爲空虛不用之地謬矣

無夢園集

內集上

三

君子體仁足以長人

做得千夫長百夫長務使肝膽心志悉受操練
壁壘旌旗盡變彩色體仁長人亦是能喚醒
一世聾瞶耳目與之以聰明提醒一世頑惡與
之以風雷俗革風移人人有昂然靈動的意思
嘉會足以合禮

易聖人之禮書也崇效天卑法地上天下澤著
于履而此獨從觀會通行典禮之乾學看出一
嘉字來最要認如內心爲貴德產精微止邪消

惡于未形此禮之極嘉美處所謂有關雉麟趾
之意纔做得出一套周禮來關雉琴瑟之好寤
寐反側麟趾公族三仁振繩相繼何與于周禮
只緣一段謙讓和厚釀成嘉美參差荇菜都寫
太和鱗角羽毛皆含生意周官法度皆有所附
麗以垂之萬世如今人能謙以制禮乎能卑以
自牧乎能終日百拜不以爲勞乎彼視蔭之大
夫耽藥之竹林箕踞嫚罵之俗習啗啞叱咤之
惡聲其實面目可憎語言无味麤鄙驕悍那有

無夢園集

內集上

三

毫髮可觀處不可觀卽不可合又如習儀以亟
適自揚其醜綿蕞何與大觀儀禮度之高闊不
嘉奚云禮不嘉之會奚以合禮欲合禮而強合
不來物不可以苟合禮乃容其苟合耶此无他
嘉之會有自性滙聚處若亡禮之人筋骨都散
了神氣都潰渙了聖賢如許契腸不能爲人收
拾漂流斷梗故曰人而无禮胡不遄死絕之甚
也 亦有和美旣戒旣平按湯以義制事以禮
削心聖敬日躋有戒體焉和而戒戒而平味爽

丕顯之乾道也宜其治功有截矣 割刀之用而鸞刀之貴貴其義也聲和而後斷也按貴其義貴聲和之義也鸞鈴之聲調和而後斷割其肉以此宰天下可矣

貞固足以幹事

肥肥淵淵浩浩自心關一天淵卽是固聰明聖智惟天淵所以必固惟聰明聖智所以必固不固則天德不達不貞固則進退存亡皆失其正看貞固二字權變狙詐如何來得有成敗論

無夢園集

內集上

三

人此語不通乾坤皆有成而无毀有終而卽始從來不開敗局貞固幹事立于不敗也

君子行此四德以坤爻反看牝馬地類行也無疆地是行不盡的故不言人而言馬君子若行天之行是與日俱逐也但曰行此四德者人人易知日日不放空方與乾字親切而與空言効法者殊矣看先天後天極言八卦更置之妙辨方定位只言造化功用將八德俱不說起而茲獨盡屬之君子兼三才而兩之危哉此擔乾道成

男精神合併于此否則皆兒女子也成男何有况乾道乎 聘射之禮至大禮也質明而始行事日幾中而後禮非强有力者弗能行也按日暮人倦齋莊整齊而不敢懈惰非乾健能乎哉故又曰此衆人之所難而君子行之故謂之有行有行之謂有義有義之謂勇敢

君子行此四德者

四德如環无端拈着便做絕不歇手何故君子行此四德者不幾截作四片耶曰乾道正截作

無夢園集

內集上

三

四片易有太極是生兩儀一截爲兩兩儀生四象兩截爲四乾學在渾然處做尤在截然處做此一節正好與天行健參看天人各有事也天自行天的事所以健人自行人的事所以自強不息 嘗坐堯峰山擁被看日出那日未起時天工無一處不動纔得精光摩盪五色中吐出正陽來四顧茫茫人間都是魂夢世界只爲他了六極一箇弱字便豎立不起大過棟橈四陽居中任事止爲本末弱就倒了自強不息有本

有未有終有始決不放到 此乃乾乾一道敕書也天命之矣行事可已哉進德修業可已哉君子不行此四德而空戴一乾空擬一四時之序曰元亨利貞易不可見乾坤幾乎息矣

初九曰潛龍勿用

不唯作事不可也卽著述亦不可也故言行之庸不見而修詞之名不立若容易建樹是多了用若湧然立言亦少了一或德不成德業不成業進退不成進退出處不成出處及此時用

無夢園集 內集上

三

與勿用做得主一失足一失口起頭一誤乾元盡喪咎既多矣悔安及哉 天有極地有極聖人法天地而有所不知不能則專力于人道而主靜以立人極不欠人的本分不虧人的力量潛龍遁世正指人道主靜立人極第一義也于此不確无所不凌夷于此可振无所不搖撼陽氣逗漏而理與氣離人與天地再合不來用九用六一切不能入用至哉潛乎憂樂痼瘵一世是體仁君子緊下手處也龍德而隱與遜世无

悶是極平常事可遜世卽可善世遜世不須悶故善世自不須伐說一龍德二字生氣勃然元善之長皆藏于此 攻其惡无攻人之惡乾學也躬自厚而薄責于人乾德也陽氣潛藏心心善世不善已變易身子便是變易宇宙故君子豹變小人革面自有差等自有次序這世是易不得的不特潛龍也飛龍之聖人也不能盡革故俗只作變化之而已无成有終先從不成乎名起朝市之名不可居也山林之名亦不可竊

無夢園集 內集上

三

也立功立言之名不可擅也道法之名更不可冒也 潛龍勿用是用心于裏的豈在易世上只爲有了名目人望之太重譽之太過隱然有主張世道宗盟學問的氣象恰似世爲我所易了却斷斷不可 夫銘者壹稱而上下皆得焉耳矣是故君子之觀于銘也既美其所稱又羨其所爲爲之者明足以見之仁足以與之知足以利之可謂賢矣賢而勿伐可謂恭矣按生則名死則銘雖稱美不稱惡孝子慈孫不得已之

心而終不譽其親親死而尚不忍譽不敢譽况
身自譽乎故又曰銘者論譏其先祖之有德善
功烈勲勞慶賞聲名列于天下而酌之祭器蓋
其名已成矣潛龍可乎哉彼且藏器而不能藏
名乎 樂行天象憂違天與水違行亦天象蓋
有不憂之聖人樂天知命是也有有憂之聖人
憂則違之是也鼓萬物而不與聖人同其憂天
地之事爲未見行未成而不與天地同其不憂
又不與樂天知命之聖人同其不憂潛龍之事

無夢圖集

內集上

三

也 萬物宜識所趨更宜識所避宜避于羣之
外更宜避于羣之中蓋萬物皆以遁自全得氣
之先也而况于人乎這點妙用政從乾元資始
中帶來故物含其巧盛哉乎各正性命人物一
也獸之善搏也警則力也獸之率舞也警則巧
也如是而有不正者罕矣此遁之一字乃乾學
正性命第一義也 遊于世之外遊也遊于世
之內亦遊也古人有避世于金馬門者特惠非
其人耳其人名望已著滿懷經濟善刀而藏之

內盾衾影能无悶乎忘世則悶矣我非忘世也
奚悶不見是豈不知已者之詬詈哉正知已者
之缺望也所謂伊人優游遐栖謂之何哉若然
而俯對民物又能无悶乎離羣則悶矣我非離
羣也奚悶其胸中大段无不洞了民物觸之卽
覺奚爲不樂然行于方寸之內而不越其畔不
代其庖不離其職業脉脉關心優游而已沮溺
一輩只爲他胸次冷落將民物析開只少了憂
違二字鼓萬物而不與聖人同其憂可見有憂

無夢圖集

內集上

言

原是聖人之職那違字无限幹旋妙用俱從此
出蓋忘世之人見順不見逆憂世之人見逆不
見順經一番憂慮便增一番籌度獨立則違衆
隱忍則違心輕嘗則違世急就則違機愀然不
言則違望曠然自遠則違天有君无臣則違主
躊躇輾轉多少曲折乾道變化蓋在乎此 初
九九二二爻合晉乃妙仲尼當之故二爻之德
皆稱龍德惟遁世乃能善世孔子栖栖皇皇日
在世而與世相遯遯世而日與世相通如晏嬰

之阻封几于不見是矣。桓魋之難几于憂違矣。而吾徒足以自樂其樂意何嘗不行于天地之間。確乎不可拔所以藏身之固并其變化之迹而无之所以見龍在田天下文明而詩書禮樂燦于日月之麗天沛若江河之行地此善世也。非遜世何以有此龍德而隱正中自在特有隱有顯耳。人亦有言士君子要變風俗不可壞風俗此語殊有病易乎世定從自家變化起潛尚未著將以何物換人耳目心志若名之一字

無夢圓集

內集上

三

正是不能潛之根從名根上斷方有入微消息不見是其實自家有不是處須密密內自訟要求一個是非僅僅付之无悶已也。盈虛消息之始見得真自然樂意相關豈待人知而後樂哉。一部易皆言易而乾初言不易寂然不動乾坤之常風雷交作亦天地之恒也要知聖人在洗心退藏處易不向世途易第一要去名字又要去個是字有了名心自然從世上盤旋有了是心自然從名上着脚此其故不在不潛而在

不遜潛猶有形影之迹而遜則似天山之遶絕一遜名心去見是之心亦去見得自家是卽是見羣龍之有首如惕如躍全在不見是裡而默然變化。不易變易一也惟不易故不變乾是合下寂然不動的潛龍一易而乾體亡矣。六十四卦无非易也却于潛龍文言說出不易二字又曰確乎不可拔似不開一變易之門深哉令人思

龍德而正中者也

無夢圓集

內集上

三

德博而化惟乾有此功效抵得一博字博者元氣无不周流故不曰文明而曰天下文明然必歸之博而化博則乾之元亨而化則乾之利貞也。乾學之大在辨邪正邪正從人身上辨後世攻人之學也所傷甚多邪正從自身上辨純乾攻已之學也所防甚大。正中則庸此中庸之旨也庸用也日用飲食至中至正一世皆庸則一世皆善吾人只此乾乾元氣怕有邪氣于其間那邪氣亦止在元氣內譬如飲食以養生

而過飽則病藥石以治疾而多用則傷就在元氣中防閑邪氣再无一毫空隙破綻誠通誠復都是至誠充塞教做存誠那不伐假如耕鑿而識知之象未泯克復而戰勝之迹未忘皆所謂伐也顏子功深剝復几非在我未達一間而特自模寫得力處曰无伐善微乎微乎汝惟不矜汝惟不伐從何處見他即從乘四載隨山刊木呱呱弗子至誠惻怛處觀之也 閑邪者剛健中正純粹精第一關鍵非爲邪者在天在田在

無夢園集

內集上

三

人第一正眼 天下之所以趨于庸惡陋劣不文明其德者言奇而行怪也无德以爲施小善而自伐皆聲色爲之害 見龍正中而閑其邪躍龍在淵而揭其非爲邪可容一毫之邪惡哉繼之者善維天之命於穆不已不已是善已 是惡天命不已盡性者亦不已通部如此无可住手處一不繼而惡矣 洪範心居南卿士庶人亦居南利見大人也 見前田地須要放闊庸言庸行是天下一片好田地人人與知與能

九二明明是修身見于世不曰見世而曰善世薰人以善即見世而不見其首孔子曰吾得顏回而門人日親无伐善善與善相薰也爾惟不伐天下莫與汝爭功非讓之也各自効其功能故不爭也非乾元溥博何以有此 乾善世一世之善皆已之善坤積善之家一家之善皆已之善益遷善日遷國一國之善皆已之善 二五皆曰利見未有不利物而可謂之義者到利物而我不可有處是貞之所在日乃利貞 以舜

無夢園集

內集上

三

觀之父頑母嚚象傲蒸蒸又不格姦可謂閑邪存誠矣賓于四門納于百揆烈風雷雨弗迷可謂德博而化矣豈待玄德升聞乃命以位然後謂之君德哉雖然舜能見也亦能潛也不見父母兄弟不是但見已不是遷世无悶家庭之間亦有遜也此際可容一名心否射者進退周旋必中禮內志正外體直然後持弓矢審固持弓矢審固然後可以言中此可以觀德行按此數語恰似龍德正中中寓諸庸庸鶴也 龍德庸

德也何以知之遜世亦常耳何悶善世亦常耳何伐易地皆然亦常耳何拔又居上位居下位亦常耳何驕何憂此皆庸德之義先王之孝也色不忘乎目聲不絕乎耳心志嗜欲不忘乎心致愛則存致慈則著著存不忘乎心夫安得不敬乎按此數語存誠之旨備矣故又曰文王之祭也事死者如事生思死者如不欲生夫不欲生而誠存矣又曰如見親之所愛如欲色然則誠豫存矣非齋戒能乎閑邪者齋戒也

無夢園集

內集上

美

九三曰君子終日乾乾

不曰知始始之而曰知至至之乾知大始君道也臣道代終敢言始乎職分所至至之而已坤六三无成有終以此或曰至之而可與幾者何也三之乾乾在于行事三之行事在于盈虛消息幾微處幹旋須是可與幾方是行事非謂盡力拮据便可了事文言曰九三曰存義孟子曰集義正謂義在心頭斷事與仁字最貼切全不向外面安排所以存扎得住調和得當

泰集得好若把一場好事做出來卽是義襲而取之故坤曰義以方外亦必云不習无不利一假習則非義矣要知四之淵只在乾惕上看出來淵者龍之宅躍者龍之神惟乾乾久惕而後龍宅安龍神活只看居上位而不驕在下位而不憂二句可上可下皆有妙用非在淵空洞何以有此夫既上不在天下不在田疑乎在人矣而又不言人蓋聖人之于天道也乾乾人而天者也所以惕躍皆處危地聖人只看得平平常

無夢園集

內集上

平

常專做進德修業之事安其身而後動微哉微哉三四何等危地只看君子進德修業何等平常蓋時位有極重而進修只是寬裕自在所以得安平之利也三四兩爻發進德之意蓋爲重剛而不中發藥也然必云修業何哉有事任必有職業交修其職業而後進德始不妄故曰盛德大業至矣哉乾坤是有業之家六龍是盡職之官此兩君子皆以進德修業章去重剛不中之病故神龍處于危地躍龍處于幾深德

業無盡進修無盡其又无咎其用中正而已
 既已至之矣而曰可與凡此豈微茫朕兆之幾
 哉見幾而作是幾而後至也知至至之是幾而
 即至也誠神哉曰聖人此之謂夫知終終之矣
 而曰可與存義纔究竟便起頭乾乾有餘地惕
 若有餘心成性存存道義之門有終有始矣惕
 以固其存庶幾哉 能修省言詞便是要立誠
 先儒之言也方不作一場話說然曰要立誠却
 不是 唐虞典謨要約不煩三代以下率多繁

無夢園集

內集上

聖

衍雖議論卓然而精誠少薄无他乾德在心兌
 口洩之乾兌之門務要心口如一乾德始无漏
 洩所以肯做工夫的人第一要謹口庸言之謹
 亦然舍此斷无入乾處知至至之已帶了坤元
 意思以大終即知終終之所以存義而不言體
 仁爲下不倍于此可見 係辭曰易有聖人之
 道四焉以言者尚其辭又曰其辭危危者使平
 又曰正言斷辭又曰正辭又曰吉人之辭寡又
 曰易其心而後語故潛龍直係之以勿用而已

無夢園集

內集上

聖

亢龍直係之以有悔而已此乃乾乾行事日日
 可下手的禮記安定詞无詞費正此學問今人
 將訂謨遠猷容易揮霍說出來與乾體无涉
 兩耳兩目兩鼻孔都是兩個口是一箇漏洩天
 命在此故立誠非口不立 乾在口上立誠坤
 在口上囊括咸在口上騰說家人在口上失節
 夫在口上无號困在口上失亨震在口上有言
 艮在口上有序誠于口也 乾曰知終終之坤
 曰有終曰大終曰代有終終字便是乾坤不二
 處 吉者幾之先見是羣龍出頭處也 无咎
 者善補過也乾德曰恒易以知險若三不善處
 危四不善處極是爲無德行而恒險不恒易已
 破了乾體矣雖危无咎故无咎皆是萬分鄭重
 之詞看兩箇君子進德修業是三四大主意所
 謂易有太極也 試看怵惕惻隱之心不怵惕
 不惻隱惕字是從乾元帶來的人生不是驕就
 是憂這二種病痛存骨髓中只一惕字換得驕
 憂二字却不從乾元來亦空惕耳所以有一番

兢惕就有一番德業古大臣進修之品也 有
從德業出乾坤者富有日新而後成象師乾初
法師坤乾坤非自德業出乎有從乾坤純德行
者鈔化裁者如極數知來通其變孰測之哉成
象効法而後不可无此占變也進德修業處處
有動變如智周萬物安土敦仁此仁智之大淵
也仁者見之智者見之一著見而已非此淵之
所以不測也淵不測陰陽不測三四之進修如
此千古聖人立人道之準也豈爲憂危而設哉

鳳樓閣集

內集上

聖

二曰存誠三曰立誠何也這是一片乾惕精
神站立起來毫不放倒所以在淵二字總在存
誠立誠上積之而成淵惟中實故中虛秉心塞
淵不塞烏乎淵哉故世間老實的人有淵虛僞
的人无淵 君子進德修業 說一道字便籠
統須緊緊言箇德字說一德字猶涉隱微須緊
緊說一業字人有一生好談學問侈立事功其
實无業可居者只看第一會說話的人是第一
失業的人可見修業全在心口合一龍德總是

恒德恒則自變自化自風自雷即恒也故周禮
之至德敏德孝德又言智仁聖義中和之六德
而乾不言但曰庸德而已忠信而已將前項好
名目一一不立而專以乾惕配合天行總是人
之一字做不盡人之一位站得定何暇言及他
德乃知周禮所開列者皆教人之科條其實統
攝于一乾矣

九四曰或躍在淵

但看三四存誠立誠四字而古今人事業不相

無夢園集

內集上

聖

及也遠矣古人所處之時愈危而其心愈實今
人所處之地甚平而行事多僞乾道息矣无望
其變化矣湯之齊聖廣淵思齊乎聖則淵矣衛
侯之秉心塞淵塞則淵矣有存誠立誠之心然
後成淵至誠能化躍其動變之候乎 寧爲無
常之上下而不隨人上下寧爲无恒之進退而
不隨人進退寧爲離羣之迹而必不蹈爲邪之
嫌欲及時而必不先乎時欲飛天而必不遽離
其淵 見羣龍无首首可不見也羣龍不可離

也居上卦之下又居下卦之上一身之上下卽羣龍之上下四多凶賢人夾輔之力不可少矣此爻就孔子身上看最明白仕止久速无可无不可只是去意必固我便是在淵孔子垂老周流終身進修只是欲及時康濟此爻義最活乾道乃華人有須臾不變不化者乎莫作一場大事看請自試之請提醒乾道一革之 乾曰或曰疑坤曰不疑其所行何也乾是自做主的可以疑坤是靠著乾做的一有疑則臣弑君子

無夢園集

丙集上

聖

弑父之端開矣 潛龍已有淵了非至四而後在淵明明是箇人道却云中不在人宜想 莫見乎淵淵之又淵淵淵其淵能于淵上着功夫否下之不能淵而上之反能天未之有也天未有不不在淵者 唯有躍位甚難然曰非爲邪非離羣亦只存誠時措而已 使上之不能在天下之不能在田則其在淵也僞 四唯在淵故不在天而无之非天不在田而无之非田不在人而无之非人此天下大本儿深之所在

九五曰飛龍在天

乾道正性命大人同聲氣而俱後世借聲氣以亂其性命之正傷其會合之和故以雲龍風虎掃拳援比昵之私任耕鑿飲食聖作物觀之眼各親其本各應其同各從其類總是各正性命萬物互相吹息一物不容假貸故有從類而无敗類者潛養純粹精之心體也猶未離其類聖人憫焉坤則不然必喪朋必絕類而後可以助成陽功蓋三男不補乾三女不益坤而後見二

無夢園集

丙集上

聖

老之尊也 方以類聚物以羣分此一部作易之原而離其類渙其羣離其類所以錫類渙其羣所以大羣尤定乾坤之一大手也 利見九五之大人此天下比輔之象也比輔也如輔車之相依有君必不可无輔有輔而後有民有位故大人一出而俊又雲蒸羣策响應熊羆之士不二心之臣如亮天工之岳牧无不聚精會神以效之主上如䟽附後先奔走禦侮各極其親比无他乾以易知飛而不亢不狎侮小人亦不

狎侮君子同在乾乾惕厲之中未有不盡心盡力惟上所使者妙哉親上親下之易乎易知則有親九五之大人也自我得回而門人益親九二之大人也亢龍只是高而不下不下則不親宜其无輔也歟 有虞氏之祭也尚用氣血腥燭祭用氣也殷人尚聲臭味未成滌盥其聲樂三闕然後出迎牲聲音之號所以詔告于天地之間也 郊特牲 按未熟而用氣未成臭味而盥之以聲詔告之義應求之義也其求索微矣祭

無夢園集

內集上

聖

求之陰陽而殷人先求陽周人先求陰則是其魂氣歸天形魄歸地而傍徨求之于彼乎于此乎又一例也 飲養陽氣也故有樂食養陰氣故无聲凡聲陽也按孟子養氣之學本此故曰饗禘有樂而食嘗无樂食秋食耆老嘗秋祭宗廟是以君子貴陽則貴聲養聲即養氣 微莫微于聲氣以位望聲譽動人不若以聲氣親人以文章事功震人不若以燥溫宜人與其自爲雲龍風虎不若交相動于雲龍風虎之中與其

父之母之師之保之不若互相融于方圓頂趾之內各從其類乃是各正性命各保太和而今而後萬國咸寧非出類也乃從類也飛龍在天非絕迹也乃同人也 天地合德本天本地皆法于乾五然乾龍藏于何地在地也在淵地也斯義也體仁二字盡之矣係詞曰陰陽合德而剛柔有體以體天地之撰以通神明之德此六位時成之說也若不帶博厚淵深的意思而上合乾元難矣乾坤豈有兩元合德豈有二體

無夢園集

內集上

吳

哉 乾二五已括同人一卦故曰善世同乎世也同聲同氣同之極也人不同人便是天水隔斷而大川不能涉矣 在田之大人有見有不見故利見焉若飛龍何所不見哉只是本天本地各從其類抓着自已乾元的出頭所在方不負飛龍之主出世一番也 同人天與火故類辨乾天即火故各從其類乾水火皆起天地之先 陽是太上不得的九五在天則已上矣而曰本乎地者親下其天水未嘗分也亢龍天與

水違行象本天親上火同于天本地親下水比于地各從其類如天與火之類辨火在天之邊揚火在水之辨物居方皆在天之功也 同聲相應是雷風不相薄同氣相求如山澤通氣水流濕火就燥是水火不相射親上親下是天地定位各從其類是八卦相錯 本乎天者親上親上親下物物各自出頭六龍各自做事 莫不尊親卽資始于乾元者故曰親上親下曰易知有親人若親字不到手無望乾學可入

無夢園集

內集上

記

上九曰亢龍有悔

動而有悔六龍刻刻有之而其義見于上九者所處之位然也子曰有疏附有先後有奔走有禦侮謀臣而且如雲猛將而且如雨風虎雲龍方是純乾用人手段若在側陋而不揚誰其輔之事有事之幹國有國之輔去輔釋幹豐其屋耳乾道恒易以知險險莫險于此 位與民原屬之高貴不屬之貧賤若云匹夫而有布土之尊素封而有侯王之奉非通論也无位无民乃

定高與貴之罪案賢人在下位乃定无輔之罪案動而有悔克之又克與時偕行慮其晚也况偕極乎古今學問只怕回護世儒千病百痛誠恐破綻被人看出只管回護亢龍以爲護身之符聖訓凜然誰可移易亦不過欲人知退知喪知亡處時時猛省云爾 可久則賢人之德可大則賢人之業賢人是易簡到手者明明揚側陋在上者不可不相輔在下者不可不喪朋故又曰天地閉賢人隱蓋泰否二義已盡發于乾

無夢園集

內集上

手

坤矣 以五陽決一陰決之而已然惟五陽盛極而潰決之義須用健而悅決而和故曰夬履貞厲夬決其履聖人厲之與時偕極聖人亢之亢與夬皆乾之能事實乾之危事也決而和則善矣亢而悔則吉矣 看潛龍一爻曰遯世日不見是曰憂危與在田之大人亦爲時所舍居上位者就此一事猛省便是亢到極處无咎者善補過也天有不足君子以進修補之此非僅進修之所能補也 如大禹之治水也克勤克

儉猶之乎在下位也若非錫之玄圭代父蓋愆
猶无輔耳且不惜天位與共而又何計父子之
嫌哉舜在側陋雖有岳牧之荐非咨爾叮嚀則
玄德豈升聞于帝座哉須知此輔也輔車相依
也治天下者失其輔則顛天皆虛時乘六龍其
合天下之豪傑俊又以為盛雲濃霧也哉惟乾
開大明之眼旁求乘龍之輔而後坤馬効行地
之勤西南來得朋之慶永霜消弒逆之萌大中
完玄黃之體而天下常无事矣 私欲場中最

無夢園集

內集上

三

不許悔字出頭悔乃私欲的對頭文王之德靡
悔中庸遜世不悔便是无對之學 乾道動而
生陽亢龍動而有悔神龍一動便與天地相似
進退存亡盈虛消息无時不有无物不然况龍
德哉 後世權變之學亦會側身一轉似于亢
龍爻位有悟入處却无一段實心自悔不安的
意思做出來通是假悔義原始要終皆少不得
如乾龍不見知而不悔九二之期得靡悔不待
言矣惕躍之交終日進修无時不貞亦无時不

悔所以生機不斷直至亢龍而又加一倍點醒
若合下不悔即是合下不貞而貞悔何以並垂
千易哉 獲其見天地之心皆從動處見此一
動字非小可有悔便是生路便是利貞不悔便
是死路便是邪妄如周公誅管蔡自是中心有
不安處湯武革命俱後世以為口實全虧此一
點悔動故萬世諒之而亢龍之一位儼然並六
龍也易設一潛龍之象使人蓋世經綸无可
用處又設一亢龍之象使人寤寐反側无可安處

無夢園集

內集上

三

纔是大明終始學問

潛龍勿用下也

凡形質皆自下而生氣生之也氣生之氣藏之
也畫卦始于下重卦以下為主亦自一端自上
下下先固國本本固邦寧不然上之所施几何
哉故六爻皆以上進為義惟其能下是以能上
知進不知退亦不能下之一驗 人謂龍性難
馴只是不肯下不知謂之龍未有不下者何也
下之而淵矣淵則龍之宅也上之而天矣天則

非龍之宅也潛龍之无欲也无欲而寂躍龍欲及時有欲也有欲而靈龍之欲不欲皆下也曰神龍无欲亦淺淺乎言龍哉效天地是退處天地之後前民用是退處民之後聖人之退藏如此初潛龍之淵也陽在下天已正位乎淵矣勿用即訟不利涉大川之旨欲其深入乎淵也洪範北王潛故德潛于北極以三德置五行之下淵淵其淵

見龍在田時舍也
無夢園集 內集上

時舍我我不舍時大做工夫方得

終日乾乾行事也

終日乾乾終日便見作事的幾微一毫粗不得又見作事的材料一毫缺不得又見作事的力量一毫怯不得愈惕愈做愈做愈惕總之三四兩爻所處極危疑行事極平易只爭進修不爭夷險三代以上之人學問心事固如此乾上行故于六爻發行事之象行事便要終事化馬行地君子攸行皆法乾之行也子言之君子

之所謂義者貴賤皆有事于天下天子親耕粢盛秬鬯以事上帝故諸侯勤以輔事于天子按乾乾行事天下无可委之事也

或躍在淵自試也

君子所黽勉者唯德業耳德則凡非在我其業必相時而動豈能以萬里雲霄之翮先自試其羽毛乎此義頗渺以待解者自試乃其難其慎之義三四成德者猶爾况爲而未見行而未成者乎自試宜與勿用泰看勿用斷然勿用而

無夢園集 內集上

書

决于止也自試斷然進无咎而决于進也是以乾四之進退爲進无咎而巽之進退爲不果卦有小大其辨如此人一生怕人考不怕已考怕自試更怕臨場自試不知空洞之地人來試我不得淵昧之所我欲考人亦不得須密密自考自試自榜先後如今容易拏出試人的正少了一段自試的工夫

飛龍在天上治也

如三代之尚文尚忠尚質皆有流弊與上治无

當而天則亦多參差一張一弛恐與乃聖乃神
乃文乃武遠矣况神武不殺者乎 有上治必
有上德所謂格天協帝而上業无盡從心不踰
矩而上學无盡欲知乾元者須如此着眼方有
進步

亢龍有悔窮之灾也

剛來而不窮易最怕一窮字今夫時乘六龍瀾
天湯地之雲雨窮焉如此哉吾見進焉得焉存
焉一生得意者之爲婁人也

無夢園集 內集上

註

乾元用九天下治也

易尊二老皆儘力量獨自做不須一毫夾助若
六子以下卦始有內外往來又始有秉承比應
而吉凶多故德行淑慝人品邪正大都參半間
用劑調爲中下說法若用九又要濟之以柔用
六又要濟之以剛九不成九六不成六卽云下
濟上行順承天施皆二老合下能事豈待斟酌
參和只用九用六不明譬如精金不足雜以鉛
銅美玉不足雜以頑石所以乾元用九而天下

治正爲伯王道雜之者下此一針夫子韋編三
絕全在繫詞一書並舉二老發揮六子然後及
于反對諸卦崇德廣業易簡至德事事到德
業上念念收在進修裏始于天高地卑終于大
決一刀兩斷那有此種駁雜學問 堯舜之精

天下治矣曰若稽古帝堯曰欽明文思安安允
恭克讓則堯之乾元用九也曰若稽古帝舜曰
重華協于帝濬哲文明溫恭允塞則舜之乾元
用九也若禹暨稷奏艱食鮮食亦曰克勤克儉

無夢園集 內集上

註

于家邦而已嗚呼用九難言哉極而言之古之
聰明睿智神武而不殺者乎九生道也用九則
生生之謂易然漢人之言曰陰居空虛不用之
地而以此殺爲解以此註易宜乎刑名法術之
紛紛也

陽氣潛藏

贊乾者言性命言太和言性情此獨揭出陽氣
二字非積氣之氣而乾元至虛至靜萬古不洩
之氣也尊乾而不尊乾元尊陽而不尊陽氣可

乎哉其惟至大至剛以直養而无害者乎其惟依乎中庸遯世不見知而不悔者乎看繁辭選藏于密四字若不

不藏也不下則亦不退也陽在下則不重不顯不敢不下不敢不潛藏无忌憚是目中无陽目中无在下之陽而矯矯爲參天之發也陽氣潛藏潛而又藏所以爲德施潛雖伏矣潛而又伏所以爲孔昭

見龍在田天下文明

無夢園集 內集上

三

耕讓路行讓畔舜之文明也質厥成厥厥生文王之文明也中心悅而誠服孔子之文明也日月有明大塊有文章到文明二字虧一分本色不得是修身見于世一見字實實修庸實實存誠那精神模範不容遏抑爲龍爲光輝自然卓越矣龍馬无文天下之至文也圖書无言天下之至言也伏羲作八卦何不曰觀鳥獸而曰觀鳥獸之文蓋書不盡言言不盡意龍馬能傳聖人之意代天地之口故取象皆以文是以

爲龍爲光天光也雲漢爲章天章也賁卦言人文必從天文說起乾卦言文明必就龍文拓開坤之爲文爲衆文出於微柔懿恭故美象黃裳乾之爲文爲明其文出於欽明濬哲故光同日月不可不辨此義不發于九五而發于九二庸言庸行之輝光也日用飲食之勲華也龍德正中之發越也用九而天下治以治統明道統正中而天下文明以道統翼治統總而言之曰乃統天豈有地統人統之說

無夢園集 內集上

三

終日乾乾與時偕行

乾坤有兩而元一乾坤之元有兩而生物之心一有人道焉乾乾惕若是與天地合德的奔領不惕則息矣乾坤或幾乎息凜哉凜哉與時偕行防息也看乾乾夕惕四字似于性體上工夫多加一倍却是多不得就業一過便傷天性之常須步步與時偕行不因履順而俱禍不因處尊而矯讓知至知終周流六虛遊刃有餘地眼前常放寬平絕无阻塞乃見時行之妙終

日乾乾終日反復終日變化終日太和乃利貞
此乾道聖人真洗心藏密歸宿處

乾道乃革

水火相息天地革而四時成在淵可革也在天
不可革也 以火易水變故易常獸易毛人徒
義皆革也乾道乃革至誠能化 這一革字鄭
重然自是乾道至理乾道變化不革不變不化
如今蒙安襲故的只欠一革然非乾道不能進
德修業便不能順天應人如何樣革花葉之零

無夢園集

內集上

卷七

落羽毛之變易皆革也至于人而不能革以革
爲絕駭之事亦必以進德修業爲瑰異之事
九四下乾猶之乎上乾也因而重之何不曰乾
道乃因而曰乾道乃革此卽終日乾乾之旨也
希革毛毳可見鳥獸脫去其毛乾革之也君子
日新其德乾革之也 此一句註明了乾道變
化大凡革者君道也役者臣道也致役乎坤則
非能爲革者革獨乾而已

飛龍在天乃位乎天德

位乎天德以正中也二正中謂之君德五正中
謂之天德天地設位設此正中之位舍此便須
人力補助勉進修

亢龍有悔與時偕極

庶无罪悔以迄于今此后稷之詩章也稼穡有
懈祀事不成悔且有罪何哉內自訟負罪引慝
一息難忍一悔卽變了且耕稼之事一不成而
上得罪于天地下得罪于百姓其悔何如哉

凡事有用正不能人必待悔而後感格者如舜

無夢園集

內集上

卷七

之事親決不敢見父母一毫不是然但用晨昏
溫清之正理以娛其親何時感格須用一段夔
夔齋慄精神深負大慝无所容身此時敬與養
兩窮心與色交無所用之此則不用孝子之正
而用孝子之悔也故悔有震動之象焉震无咎
是也有和平之象焉瞽瞍底豫是也 先儒以
堯老而舜揖爲亢龍之悔恐不似如堯嘗悞用
鯀矣至于九載績用弗成此卽用人之一事也
堯能无悔乎然何以謂之亢也當時洪水湯湯

在廷又无能治水之臣過于鯀者以子代父實是創典誰敢薦舉其績用弗成亦難預知于九年之前而築堤捍水後人相沿亦有難盡非者但知九年數窮理極无可柰何始有羽山之殛使君相悔于上父子悔于下悔則變動變動以利言地平而天成矣

乾元用九乃見天則

仰觀俯察遠取近取通神明之德類萬物之情伏義之易學也一天也疊疊文王首揭乾坤兩

無夢園集

內集上

奎

元爲天道人道之極至孔子專言人事六十四象是也然實以天地爲準故曰易與天地準全是以人道爲主人道全以易爲主易又必以準天地爲主其曰神无方易无體何也天地之體不可見而相摩相盪以後雷霆風雨四時日月成男成女皆可見然其故亦難知矣亦難能矣惟乾易知惟坤簡能蓋乾元坤元是文王獨解乾易坤簡又孔子之獨解也盛德大業至矣哉乾坤從德業上見故六爻皆從德業上說今學

易者茫茫不從人道起則无下手處若不以天地爲法則亦无準則處 乾以易知見羣龍无首是易知乃見天則是易知知至至之知終終之是易知進退有亡而不失其正是易知總是一片平易田地開眼便見着了私意便不見若會變易那不見的又須臾就見然後知能易之妙也從乾坤入手不若緊緊從易入手今人認定乾坤二字死煞執滯乾坤其易之門耶從門而入恐終是門外漢 仁者見之謂之仁知者

無夢園集

內集上

奎

見之謂之知用九須去此二見 易與天地準故能彌綸天地之道如天文地理幽明始終物變情狀无非則也樂天知命安土旁行智周道濟无非則也然必大爲匡郭範圍天地大爲鑄陶曲成萬物大爲脉絡通乎晝夜總是神无方易无體一毫執已見不得乃見天則神易而已 圖二七在南書九在南用九則道明 乾一下西北坤卽往西南如此乃見天則 有乾元之則用九乃見有同人之則困而反則有蠱之

則不事王侯斯可則有謙之則撝謙斯不遠則有明夷之則入地而失則有震之則號號而後有則 九六天地相交之度參伍日月相交之數

乾元者始而亨者也

乾元只是人生大主意而已矣故有了定主意的人便是易有太極自然乾坤兩元到手而四象八卦一時俱有 物之所以不始者惑也始得物則易知物之所以不成者煩也成得物則

無夢園集 內集上

奎

簡能 始而亨乃乾元資始萬物統得天乃乾元長得善乃乾元敦化川流乾元也已顏子者坤而復復而乾其學問以探元為主 眼明手快此是乾始而亨 元亨利貞是一句象獨出乾元坤元二字此學易有得直見天地之心故一口道破前此未有也 統天鴻鈞在握品物而化工在手乾元能事畢竟始字對元字不過故乾元贊其盛德而乾始贊其功能各有地頭各有來脈

利貞者性情也

性情最好在元亨上看春夏之交生意爛熳一艸一木皆有至性皆有至情何故性情之實乃在利貞上看出大都收歛歸藏化工人事物理絕不可少此意味故天下肯用情之人乃不用情之人也收藏之意亡矣天下不肯用情之人真用情之人也凝翕之地固矣 各正性命是天與人物的性命利貞是人道自立的性命天元亨利貞一截付去人道有元亨一截容易少

無夢園集 內集上

書

了利貞一截故能利貞而後性情到手情處都是性也六爻旁通情情處亦都是性也只一乾可通六十四卦只乾六爻可通三百八十四爻無一處不通將去故曰乾道大通而至正雖然乾道自通處起手聖人自難處下手乾坤始交而難生屯以下皆然 性即各正性命其保合太和則情也

乾始能以美利利天下

不言所利後儒襲為談仁義套語其實利是言

不得的天是言不得利的必也正名乎易正名之書也无所不利特不言耳萬物各得其分是利四體不言而喻是利何詞費之有 二五大入而利見乾元四德而利物引而伸之觸類而長之天下之能事惟有利物而已乾以生物爲心若无利物一段則天折之患誰其免之大人以體仁長人若无利物一段則裁割之宜誰其和之故曰或利而行之手足快便心智靈活窾會處不容提議奚費言說要知天地之大德卽

無夢園集

內集上

卷

天地之大美天地之大美卽天地之大利 乾之美在不言坤美在居體人不可以无美庸惡陋劣正是无地容着美 人分上只爲兌口差錯故一生不能收拾乾一次卽兌二不言所利乾兌一也 形形色色皆化工之言也向于貞則不言矣乾以不言而利貞九三以修辭而开咎貞固之義可想 經傳中有利之利有不利之利而未有美利之利又有言利之言有不言利之言而未有不言所利之言利已以害物而

利不美舍已以徇物而利不美大都大美處不在不利而在所利有所利卽有所不利有所美卽有所不美正德利用從其德而正之六府三事皆陰陽燥濕自然之宜造物爲之嘉悅百昌爲之暢遂其大美會萃于一元如太朴未嘗解散而又均調處置不爭陰陽之和嘉禮終日百拜不以爲勞而止亂消禍亦在其中无利則何害有美則不爭大哉乾之美利坤六三陰雖有美舍之蓋不敢與乾並美也乾始能以美利利

無夢園集

內集上

卷

天下而坤美在其中齊小大者存乎卦信哉
大哉乾乎

一部易書皆乾之動也剛健中正純粹精則寂然不動之體也文王得純之一字而純亦不已天之命文王之德之純儼然同體然乾動而徒也文王動而坤也茲所以爲德之至與 言剛健中正足矣必曰純粹精者是天工做到十分處進德修業做到十分處是以乾道變化君子進修只爲純粹精三字望道而未之見天人无

可歇手 此極言純乾之卦故變而爲坤者變動之一義也天不變地不變者萬古之大常也此義不明只泥了變動一義所以有攙和學問鄉原人品再无望純粹精地位而乾非其乾坤非其坤矣是以龍馬之說繁圖書之解侈日日說玄說妙絕无引伸觸類處意乾言龍也而天行健則隱其義于馬坤言馬也而龍戰野則顯其義于龍聖人何心于龍之馬之圖之書之也哉使人易使人變化與天地合德而已 純乾

無夢園集 內集上 李

之卦只是一箇不雜爻則雜物撰德辨是與非而乾之六爻亦不雜坤則雜矣恒雜而不厭雷風雜然交作天之用也非不雜之體也人能進修不雜作事不雜康于乾字有可商量 乾爲金爲玉未發之中乾之金也中節之和乾之玉也 以石磨玉精粗二相縱費磨礪只謂之器盡不得剛柔相摩那裡俱是形而上純粹精的爲天爲員之體天員而後可 無天地則无載无山則无骨无水則无脉无日月星辰則无

終無華嶽河海則無度量德之不純者此 毛血告幽全之物也告幽全之物者貴純之道也按祭義取諸純其義甚與 文王之德之純維清緝熙我其夙夜畏天之威于時保之按文王之德之純乾道也乾得一以清文王緝熙止善而畏天之威則齋戒神明之至也

六爻發揮旁通情也

凡人起一念行一事便有六爻能乾是六爻有發揮的不能乾是六爻无發揮的 乾六爻不

無夢園集 內集上 三

交恒六爻不應艮六爻不相與自成此自道此 此乾卦情字頭面也剛健中正純粹精爲主則雲行雨施爻象以情言凡易之情此係詞情字頭面也必有性爲主則中和而位育 設卦以盡情僞防僞故須存誠存誠則物物有至情焉今人皆謂一片情世界不知乃一片無情世界也如乾六爻發揮之情惟恐其不足矣 發揮剛柔而生爻設卦以盡情僞有情則有僞乾坤始交而難生情僞紛然矣惟乾卦六爻全是

天性出頭性善則情无不善却不用正行而用旁行旁行而後不失其正一片純乾雲雨世界故曰旁通情只看坤卦再不着一情字坤爲吝嗇乾做得情坤做不得情作威作福害于而家凶于而國正謂此耳不吝嗇不能成乾不剛方不直方不能吝嗇

時乘六龍以御天也

但曰六龍在手控握在我便是我做主了也

與雲雨着了一我總與天下平无涉不知六龍

無夢園集

內集上

三

之正行曰在天奉天以爲主便將我見盡消我見消時雲雨盡來而无一物不得其所矣水天生天一至天下平而大地皆水矣六爻發揮旁而通之三百八十四爻皆水矣渾身是水則平一身合天下皆水則平天下水流而不盈何亢之有天生水而世界平潤萬物者莫潤乎水天下之不平以天下之不潤也如燬可見已芄芃黍苗陰雨膏之勞止之民誰念哉普天下皆雲雨三才皆雲雨故能細緼化醇以雲雷

心下經綸手肫肫其仁又何事不可做今有才美而驕吝多財而嗇施望其人不雲不雨旱既太甚而已矣情至此旁通天水合一險阻不能爲之患矣地平天成只是這手段乾之情无非性雲行雨施乾之情也不必言情反于性也乾雨施利天下則不吝屯卽鹿利一已則吝只一箇吝字將人道滅盡了向來看易俱是隨人舌頭如曰經六坎而後泰一泰卽否不知雲行雨施以後屯蒙需訟師比俱是一派活水渙節既未濟卦卦有坎總是天與水不違行宇宙間大學問乾雲雨是慳吝不得的坤水霜是慷慨不得的祇既平恬然天地萬物同止其所氣象雲行雨施天下平篤恭天下平皆此

無夢園集

內集上

三

君子以成德爲行

乾六爻皆法天行法天之行而有得于心見諸事業謂之成德未見未成真實有虧欠處故文言不言時位而言成德德未成而見之行如隘

與不恭已固受之世亦受之矣譬如陽氣不藏而輕洩萬物之疵厲必作可用乎哉萬物得天地則化醇便是育了得男女則化生須要自成故天地之大德曰生萬物之至德曰成潛龍不是頭角未變是日可見之施行的譬如萬斛源泉一決皆成活水太山烟雨膚寸便滿六合大鵬扶搖乘風須臾萬里日日可見之行而毫不動念着實去爲而未見着實去行而未成方是確乎不可拔天行健日過一度日行遲

無夢園集

內集上

三

日不及天一度可見之行也日行之遲于天也凡人名譽之著皆浮事皆緣目已不確是以君子勿用也六龍到底只存此心方是无首有勿用而潛龍之首出有有悔而亢龍之首出餘爻皆然凡出不得首的皆是有首爲之累也

君子學以聚之

乾兌離震天澤與離日相勝地雷與離電俱至日者天之精此天之學問巽坎艮坤風行與坎雨並潤山根與坎水相映水者地之脉此地之

學問行地无疆不疑所行水之行于地也學博則德博故曰學以聚之曰德博而化溥是一元周流循首及踵自天至地无一處不普徧者雲行雨施博學也屯其膏不博學也乾言聚坤言疑主意皆是元亨向利貞乃見性情之實也此六十四卦學問二字第一發端也學問之道无他求其放心求放心之道无他涵養方寸之君德而毫不爲耳目所役此大學小學之別大人小人之別也看一辨字所關極大乾曰

無夢園集

內集上

三

問以辨之坤曰辨之不早辨可見此一辨即陰陽剝復之辨即龍戰玄黃之辨夫仁以行之君德莫大焉何故又着寬居一項工夫曰此正學問之血脉仁行之活絡也克寬克仁是大君之宜然非舒徐需衍從容不迫則四海之大精神未能遠浹膏澤未能遽下且胸次間或偶懷不平行事間偶涉狹小天量聖胚胎接續不來周身痛癢忽然中斷將學問何處藏翁一張一弛一剛一柔未免錯行逆節失了蕩蕩平平之

君德而一生局促于耳目咕嗶之場這是甚麼學問德施普也憑何地施設出來人人有龍德人人有正中之位爲君子爲役乎不可不辨方以類聚古人之事必有一物以揖聚之乾卦卽宇宙間一部大類書也此學不明而後人之紛紛類纂末矣

九三九四重剛而不中

此二節不專重時位還就資性上看再曰重剛而不中其受病同再曰君子進德修業其治病

無夢園集

內集上

三

方法亦同九四重剛重字亦非衍何也他卦九四以陰居陽而此卦九四以乾重乾也所以大過三凶四吉三重剛而四以陰居之也獨乾皆判爲不中三則下乾之終四則上乾之始以乾重乾本是聖修之體畧欠了純粹精故將重剛不中四字看出病痛來惟有孜孜進修而已躍淵最好在學問上看躍則必飛飛不必在天子之位也資深則淵逢源則天矣將以反說約則淵一以貫之則天矣何必拘拘革命何必拘拘

進退哉總之純陽學問必耍上達天德如九三夕憂惕若不使其淪于夜也九四淵必飛天不使其終于淵也看欲及時欲字神龍變化活潑亦奇矣哉 乾只爲三四聖人藏身之固故重

剛不中不做出无忌憚來而皆爲乾元地位中人 夫易聖人之所以極深而研幾也惟幾也故能成天下之務九三以之惟深也故能通天下之志九四以之惟神也故能不疾而速不行而至九五以之惟九五而雲龍風虎聲氣燁濕

無夢園集

內集上

三

全備斯謂之神龍然則御天可易言哉乃云一龍卽具六龍進修有何地步 九四上不在天三句何爲不許之以在人人道兼三才而兩之九三居人位而人道猶有未盡故人字尚未可輕許天且弗違况于人乎况于鬼神乎人在天之下鬼神之上 兼三才而兩之惟兼則兩立天之道立地之道皆以人道立之也仁義所以兼兩 天地設位而易行乎其中何不曰人行乎其中蓋不易不成其人也四欲及時政在變

勿從道之時尚未許之以能易故亦不許之以
在人嗚呼三四之于人道亦庶幾盡力矣猶未
能當一人字奈何輕自命哉 君子終日乾乾
夕惕若凡人類宜如是非專爲處高者法也特
在上位又重剛不中更宜萬分兢惕耳九四躍
淵亦是進修常事如中庸肫肫淵淵浩浩非乎
顏氏之子其庶幾乎又非躍于淵乎特改革之
際更宜萬分審決耳 在天在田在人皆象也
三不在象也者像也既已曰像矣果且有在乎
哉空空如也其進修不窮之境乎

夫大人者節書曰帝詔曰天監諄諄若面相告
謂其次則稱引祖考此卽中庸祭祀之鬼神以
祀先配事帝者乃其學問之源也 天地无人
謂之積氣積形不謂之乾坤乾坤以人之陰陽
合德言 說者謂有乾道之聖人有坤道之聖
人則與天地不合德何能位天地 定乾坤者
位天地者也故曰天地設位而易行乎其中所
謂易者卽定乾坤之人相摩相盪而成象成形

成男成女渾身是易者 易立乎乾坤之中易
行乎天地之中總是人去立他行他所以然者
人能易也易者時中也埋沒了易字便埋沒了
人字有則乾坤俱有无則乾坤俱无 兼三才
而兩之是自做不與天地合做人不易則天地
之位虛 彖言乎象六龍象也雲雨象也變化
象也時乘御天進退之象也見象之學總是將
八卦運得便天地雷風山澤水火庠盪得熟便
見了易見了易便與天地相似今讀乾坤便要

知易何在不在乾不在元亨利貞不在六龍而
在與天地合德之大人此乃是易有太極只管
生得出來方尋着源頭活水而先後天皆在手
天弗違弗違乎易也易與天地準與天地相似
故不違故神无方而易无體知乾坤而不知神
易總是无頭學問 陰陽合德而剛柔有體天
地各自做大人合天地做所以兼三才而兩之
不歸天地而歸人是合天地者大人之專職也
然大人又不自造作而一一求天之時又且難

于天地之日月聽于天地之四時聽于天地之鬼神惟其能後之是以能先之惟其不悖乎天不悖乎四時日月鬼神而後天且弗違人鬼皆從是以分天分地天地之德妙于分合天合地大人之德妙于合乾卦著此一合字乃萬世君天下之極則也 易最重序此一序字八卦之序六十四卦相對相生之序盡從此出 定之以吉凶所以斷也此易卦吉凶第一發端也大人不自吉之凶之而合鬼神以吉之凶之乃知

無夢圖集

內集上

三

統幽明而後能統天況于人乎明以治人況于鬼神乎幽以治神神人皆治天弗違矣 三辰之法以猶鬼神示之居辨其名物以冬至致天神人鬼以夏至致地祇物鬼以禴國之凶荒民之札喪家宗人按猶圖度也鬼神不可度思而爲之圖度其所圖度者以凶荒以札喪此一念已與鬼神合矣 天地不單做大人亦不單做有云王者如日以日之早晚卜主器之盛衰此言非也人主而偏指日也至陽赫赫誰能于

之是猶四時而指一春也世儒學問之偏如此不合日月豈成明字字象不識曷論義理又如乾卦不言凶而于九五獨曰鬼神合其吉凶然則降不善以凶非帝天之大業乎係辭曰天地設位聖人成能而終之以人謀鬼謀此亦終之以鬼神大哉乾元人資之以始也鬼神亦資之以始也神氣无不之也鬼神莫不利見而後謂之大同龜從筮從此乾坤龍馬之旨也 先天而天弗違二句乃時乘六龍以御天註解也先

無夢圖集

內集上

三

天後天紛紛圖說以此爲祖則悖矣 人在天之下鬼神之上參破神鬼之闕然後謂之人而可以後先天天地无他天地先我而我知之則我亦先天地矣天地後我而我知之則我亦後天地矣所以知之者屈也伸也皆鬼神之情狀也知鬼神之情狀則與天地相似矣易所以與天地準者只是不虧人的分量要不虧人的分量只是不迷于鬼神往來屈伸的分數而究竟聖人所不知不能者與天地之有憾並存于宇宙

之間終不敢謂以人事補天地此乃乾學小心之極也是以九三終日乾乾夕惕而不稱之爲人以其晝夜往來屈伸反復尚未透鬼神一關故與人之地位猶多虧欠亦僅目之曰與時偕行而已未遂以天行健與之也但得人字出頭則天德亦定出頭而進修之所以無窮無盡也歟 奉其明水火按禮祀五帝取水火于日月取其明之合也 掌以夫燧取明火于日以鑒取明水于月以共祭祀之明盥明燭共明水

無夢園集

內集上

三

與鬼神合其吉凶子曰氣也者神之盛也魄也者鬼之盛也合鬼與神教之至也按歸土而謂之鬼何盛之有然其氣發揚于上爲昭明君蒿悽愴此百物之精也神之著也造物豈借既屈之氣爲方伸之氣哉生死皆有精華乾坤總能攝受夫易廣矣大矣夫然後有報氣之祭有報魄之祭神道設教則民莫敢不用情

亢之爲言也二節

退喪亡龍穴也然亦有知退喪亡而失其正者

如老莊一輩是也張永知楊國忠爲冰山而兄幾以去彼嘗身爲進士非洗耳投淵者也盡若人焉潔身之義得矣馬鬼之變君父在難于心能无悔乎 大都與時偕極者只爲尋不着出路昏昏夢夢極而不返若有知退一路又有知喪知亡兩路這周行孔道一生也走不盡何故遂亢將起來非時也非勢也乃不知之故也蓋知進未嘗不欲善其進而不知退乃所以善其進舍退步更無進步又非借退步作進步一進

無夢園集

內集上

六

一退道理該如此只如漢家二疏原无甚大學問只爲知止不辱知足不殆八字看得明白比那元成之際奔走富貴病狂喪心者頓覺二疏倍增一段光明俊偉其實一念之間只爭一箇知不知而已 爻言乎變一曰潛之爲言也再曰亢之爲言也獨標此兩句以想繫爻立言之旨所樂而玩者潛乎亢乎 進是順行去退是逆轉來乾坤不逆則不易是故易逆數也不知退數窮理極絕无路徑可走一逆便轉此有悔

進退之關卽生死之關也見羣龍无首聰明盡
喪見解多亡尤耐玩味君子所居而安者以此
作易者其有憂患乎潛龍勿用履霜堅冰至
皆戒惕之旨也其詞危矣危者使平三四要諸
无咎上六動而有悔夫亢龍亦龍也賢人在下
位而无輔豈蔽賢若此蓋六龍是懸設之象非
實事也灾自外青自己不曰窮之肯而曰窮之
災位使然也但貴善處耳不失其正一失足
誠千古恨所以乾卦最怕失可喪也可亡也而

無夢園集

內集上

全

正不可失也尋常不失其正人盡知之到理窮
勢極而胸中屹然不爲權變所移非純乾能乎
哉可見權字原對經字不過何也有悔則變化
自生于心而術數不必設于事也 乾天下之
至健也德行恒易以知險故知三四之險而以
進修善處之則无咎知上九之險而以正善處
之則有悔大明終始也知至也知終也知進退
存亡而不失其正也一而已矣 說到不失其
正知其不可奈何而死忠死孝正常之中變化

自在何亢之有斯義也六龍皆有之非但亢龍
也知進退存亡而不失其正六龍皆能知之若
待亢而後悔悔而後知不成人矣况聖人乎
人道徹始徹終只是利貞故不失其正四字爲
作聖之究竟乾乾之歸宿 乾上不患不悔不
患不動變正恐時窮勢極稍稍通融間或濟以
權變雖事成功就妙有挽回總是元亨一路人
而與利貞之潛不相揖合此聖人所惧也故以
不失其正終焉而後利貞之義始盡觀此二節

無夢園集

內集上

全

寧許死忠死節必不開一遷就之門學易者知
之 六十四卦言元亨利貞者有矣正言元亨
止言利貞者亦多矣未嘗專言天道也卽以坤
卦言之直說君子有攸往便可見儒者擬定春
夏秋冬何其識之不廣哉此解經之偏一也又
如用九見羣龍无首吉猶之利永貞三字而已
儒者遂以爲見羣龍无首非常之妙着意模擬
而反失用九本意此解經之偏二也用九要雜
以六用六要雜以九人品不成人品治道不成

治道進修不成進修造化不成造化此解經之
偏三也易最重位而時意自見故曰變通者趨
時者也第一要辨位繫詞曰卑高以陳貴賤位
矣又曰列貴賤者存乎位不言時也時在其中
矣今將時位二字對看從頭便差此解經之偏
四也嗚呼不信經而信傳所從來久矣不信繫
辭而信俗詁何其愚哉

無夢園集 內集上

全

同惠凌言終

同患淺言卷下

坤元亨

一曰此節元亨利句牝馬之貞句後得主句利句以朱註言之此說不可從也以易理言之此說不可廢以文言後得主而有常一句參之似有理西南得朋得陰朋也知得而不知喪東北喪朋喪陰朋以從陽乃終以大終也代有終也或曰利西南得陽朋與蹇解爲驗然坤言西南東北不言利不利純坤爲主得喪可以自擇解

取得衆以解除煩苛爲義蹇避險阻以知難反身爲義自與坤卦別或又曰解九四朋至斯乎蹇九五大蹇朋來非來陽朋也乎是亦一說然泰九二之朋亡凶下三陰之朋也萃六二之引吉引二陰朋以事君也夫能引之以事君則得朋卽喪朋矣渙小羣以成大羣卽此總之乾各從其類有親陽道也坤猶未離其類也離類喪朋以從陽陽道也陽王合陰主離得朋之不如喪朋也昭昭矣利牝馬之貞馬不惟能行也

無夢園集

內集下

二

且識途路古人師其智于馬有以也嗟嗟人不識路而馬識之反借途焉亦危矣哉故又曰馬匹亡絕類上也安貞曰應地牝馬亦曰也類故非行路之難而識路難也坤馬則牝之自智自雄不牝之患離牛則牝之焚如棄如不牝之患彼幻爲守雌之術心事有不可言者豈有常之坤道哉西南三女之卦朋類多陰疑於陽必戰得朋非真得也東北三男之卦奉陽爲主以代有終喪朋乃真得也卦一設而不可移然

自家一定主意只知喪二字便爲入乾要路君子慎所往哉不言利貞言牝馬之貞也不言元亨利貞曰柔順利貞也辨龍馬辨牝牡辨之不早辨則疑其所行矣辨方審位體國經野此八字一部周禮綱目易亦如之故冬夏不爭陰陽之和律天時也道途不爭險易之地襲水土也凡人實按八卦行走在義皇心地上亦在交孔脚跟上東西南北可不慎哉渙羣不如喪朋渙羣以割破私門爲義此公忠之一端也喪

朋以助成造化爲義此生成之妙用也陽卦自
少不得陰卦但各自做乾便各自喪朋這是參
不得一陰來用事的須要喪之亡之判開生友
屏絕進退而後終得陽事二心不可以事一若
朋不喪千百其心矣 得朋坤學也解利西南
朋至斯孚蹇利西南大蹇朋來復上坤朋來無
咎豫下坤勿疑朋盍簪兩澤麗之至也兌象朋
友講習兩龜爲朋朋之至也損與益稱十朋焉
然必喪朋而後得朋故泰中朋亡咸戒朋從

彖曰至哉坤元

乾元坤元皆天之所以命我而非臣子之所以
自命故乾坤六爻皆不言元何也作民父母元
后之職故曰君子體仁不言體元黃裳元吉坤
於六五存君道焉此義不明而元聖元臣上公
之稱盡失之矣 坤厚載物豫順以動臨說而
順觀順而巽復動而以順行凡轟天事業必帶
著坤土故能出地有功所以貴敦厚也 乾坤
廣大各字來不得中庸致廣大各字來不得

乾既下其首坤即承乎天 兌承艮離承坎巽
承震皆坤承乾故西南得朋巽歸震 離

歸坎兌歸艮皆喪其成以歸于乾故東北喪朋
不言西北東南以避乾巽朋西南之三女而
不母尊東北之三男而不朋安貞如此 至靜
而德方這一方字許多承天事業在此方以類
聚這一方字許多相摩相盪在此 首在上主
在心故乾无首而坤得主也下也 乾處西北
而艮震豈陽精爲離日坤處西南而巽兌疏陰

精爲坎水 蹇解利西南坎得母坤之位坎來
而坤遂住於西南故坎不爲險爲陷蹇則高山
之峻有母可恃解則迅雷之轟有母可親 先
天乾南後天離南天之眼也先天坤北後天坎
北地之淵也 先天艮西北後天乾居之離進
居乾乾居西北之艮即天尊定位也先天巽西
南後天坤居之坎進居坤坤居西南之巽即地
卑定位也自乾處西北而離日皆艮震之所豈
自少而長陽主其進焉自坤處西南而坎水皆

巽兌之所疏自長而少陰主其退焉艮一反震
遂東出而大明乎離巽一反兌遂西入而勞乎
坎知此可明西南東北之義 乾後天弗違故
坤後得主後乾之後也非乾先而坤後 坤言
得主自屯以下无一卦无主人故能來不速之
客以有主人也

牝馬地類

老馬識路最不可差了路頭上了路一差百差
雖有行地之力將安用之乃與類行如上六猶

無夢園集 內集下

未離其類亦不過與類行耳乃知玄黃交戰天
翻地覆得毋有所疑乎一疑則不辨而弑父弑
君之禍作君子慎行哉 乾利貞主藏坤利貞
主行何也天行健坤一順承天擔子再無休歇
時節故君子不以能止應地而以能行應地此
之謂安貞安貞二字甚妙安職業安義命安常
變又妙在安貞之吉如此之有他吉益之自外
來積善餘慶自是正理 乾曰反復道乾道變
化乾道乃革坤曰馴致其道地道光其道窮地

道妻道臣道不有乾道反復變化則坤何以馴
致何以光大而不窮

先迷失道

人臣委靡巽懦者勿論其銳于口則曰口代天
言其勇于任則曰臣代天工不知犯了一先字
如在迷霧中大凡行事有得失只差了路頭再
無可挽回處坤之不敢先即乾之不可拔不特
分義當爾而所以蓄養全力不輕于一試者正
恐出門一失足千蹊萬徑茫然不是路也後得

無夢園集 內集下

六

常常是天經地義帝臣王佐總在經綸大經上
立脚有常會叙有常儀的无越俎无代庖无兼
能居其業而不遷習焉安焉得常之義也 六
子可明也二老處不朋之位秉生物之權損卦
三人損一人言致一也損一之妙尚且不雜况
純坤之從純乾者乎地承天不喪朋則不終臣
事君不絕類則不上故曰馬匹亡絕類上也至
于月之幾望而後絕類焉晚矣坤喪朋合下如
此乃有云長男代父長女代母是乾坤有不行

事之日而二老或幾乎息矣 喪朋坤也所以承乾也與類行未離其類坤之所以載物也乃終天職乃終王事坤之所以積善也 坤之妙全在與類行纔得朋即喪朋能承乾乾各從其類也坤能不與之行乎坤陰陽合容襟以朋乎吾未見離羣伐異能承受至大至剛乾元統天者也

安貞之吉應地無疆

安土敦乎仁故能愛安土即安貞之義如水之

無夢園集 內集下

七

比地如魚之藏淵安之也臣子誰不知敬君却要精神向往隱微脉絡處安閑安貼然不曰感乎天而曰應乎地微柔懿恭天王聖明之戴也積誠事主如空谷之相應無疆圉方域何朋之有故離朋者无疆之第一義也

地勢坤

天有大力故能覆地有大勢故能載如江漢朝宗于海如黃河之水天上來其域中與區神壤皆有龍脉其所經繇出入之地累千萬里皆地

勢也實繇坤德至盛層厚累積變盈流謙山川出雲功德德茂盛然則不喪朋不直方不代終皆薄德之小人也與事君哉 人在天之先出乎其類牝馬地類焉而已厚德載物行地而不爲地所行自爲地以載物則離其類矣 雲上千天火在天上此坎離一致上天之載處得力在致役乎坤坤土致養尤所以奠无聲无臭之基坤坎合而博厚乃高明矣悠久矣故以文王立爲下不倍敦厚崇禮之矩自用目專德不厚

無夢園集 內集下

八

而裁及之畢世无高明之事業其身不保曷悠久乎艮外身象坎內身象坎中尤大本禮度文皆屬地卑之道而居上不驕唯有立本于坤坎而已仲尼尤保固得水土好故敦化川流正坤坎合一之學而天下至誠至聖皆以此川流以此敦化聰明離明睿智坎誠寬裕溫柔以水養火明誠交運天水渾然故曰溥博淵泉洋溢中國俱是一派源頭活水而凡有血氣莫非天之一水用事以各安其地二之火當其有臨如水

比地水火不相射于是以雲雷之屯作經綸立
 人道之始而藏無首之龍于坤坎中天位淵淵
 卽淵淵卽浩浩焉是爲乾坤坎離相錯而固之
 者一乾也真用力于淵淵者故末章極言地後
 之功焉淡者水之不厭于地也簡而文風行水
 而成文也溫者井泉之溫地之脉也理者黃中
 通理暢于四肢發于事業入德者厚地以凝之
 邈于潛伏坤八于坎也民勸民威易從有功篤
 恭坤艮之土致養以后成終成始乃終乾功雲

無夢園集

內集下

九

行雨施天下平也篤恭天下平予懷明德上天
 之載固聰明聖知達天德矣敦臨敦復皆體
 坤敦厚敦化如之金木水火皆傷得他惟土
 厚傷不得他寬裕溫柔不傷其土也

初六履霜堅冰

行地無疆不是作之不止全要以漸以馴牝馬
 之貞以養順德牝牛之吉以養明德正是卑以
 自牧工夫于霄架棟非一日可成千年節義皆
 一念所積世有做幾件道義中事而末路不終

只爲不馴致其道這一點意氣能得幾時可不
 懼哉

六二直方大

直方以承乾渾然大人也走大路方終得乾的
 大事小蹊小徑何益大字明明是乾此乃直
 方入乾之學故繇直方而馴至于大也言六二
 之動不言靜言地道不言天道可見人臣第
 一患不直緘口容身隱忍避禍第二患不方朋
 比徇情詭隨誤事皆是小谿小徑一動醜態畢

無夢園集

內集下

一

至故曰六二之動直以方也臣事君子事父地
 承天這道理平常精確是疑不得的一疑便錯
 了是習不得的一待學習便作僞了不然時習
 學也習坎天地人之大防也何獨于六二而特
 發不習之旨哉義是快斧坤所以持斧者故
 曰坤爲柄剛方冰霜是刀斬斧齊凜冽手段直
 方大則迎刃而斷割方正處也无敢成无咎
 譽皆是敬以直內義以方外寔下手緣承黃裳
 不剛方甚矣故黃裳元吉乃能爲戰王如是謂

之直 地氣上行不可遏抑地之光皆天之光也含萬物而化光含章而智光大若非順承天施贊揚王命此段光輝何從發越出來故言地

坤六三含章

坤言王事訟言王事師言可以王王三錫命比言王用三驅凡人能得王无所往而不利者皆是王字出頭 火神也必有物后其神乃現却又超于火人心之神遇事乃出不爲物所壓此

無夢園集 內集下

士

地二生火之義 聖人之乾元至坤元而安貞厚德載物以資萬物之生順承乎天也含弘光大柔順利貞合爲博厚地上于天極言河海山嶽以奠天維使高明常覆于上地所承也故以文王小心純坤終至誠無息之旨焉 至誠無息以坤終乾大哉聖人之道繇生物而峻極于天待其人待順承乎天之人禮卑法地故凝道屬神凝也若自用自專敢作禮樂則非坤臣三重寡過民尊之信之斯爲坤民仲尼不以祖述

後憲章一安乎水土之卑 坤三以含章而從

王姤五以含章而不舍命凡急于見其章者无王也无命也 水得地而流土得水而柔水土和合下襲以此 乾動直坤亦動直乾靜專坤不言專專君道也臣不敢專矣而亦不敢成何哉天道陽始之陽終之成功者天之事非地事也其敢貪天之功以爲己力哉雖然坤不惟不敢專也而亦不敢言藏也曰含章而已含萬物而已爲吝嗇而已譬如代司筦鑰兢兢出入將

無夢園集 內集下

士

會計而告成焉生物者天地之大藏也惟坤是也 陰雖有美含之大凡陽剛有抱負的人如潛龍勿用儘會潛藏如六三在地上而若矣藏于地下易含于地上難陰雖有美不得已而美見含之多一分韜晦意思又恐一味韜晦臨事擔當不力故惕之以從王焉 坤道言智不言大直方以事君則大矣媚茲一人大乎君也從王事則志光大矣惟天子命大乎王也

六四括囊

凡喪亂之世最易起舉禍根皆起于此坤爲文
爲衆女三爲衆六三含章詞曰陰雖有美舍之
有无限叮嚀之意焉至于四謹之又謹一字不
敢妄發矣予嘗題壁云苟非我之所有雖一毫
而莫取此是人大受用惟有福者能享之不
在其位不謀其政此是官守一關限惟有恥者
能防之 日月星辰象難揜也然其薄蝕亦不
少矣江淮河漢口可囊也然其功用不淺矣若
論咎也天亦有憾也若論譽也地亦有章也兩

無夢園集

內集下

三

无之肖乾亦肖坤矣 天地閉賢人隱賢人之
一出一隱天地之一開一閉也這裡容心不得
足興足容密自參考此事非與人商量天地非
倩人悶闢 庶幾夙夜以永終譽以燕以射則
燕則譽言君臣相與盡志于射以習禮樂則安
則譽也按振鷺之譽天子勞二王之後來祭者
射義言譽乃君幸臣以習禮樂者皆君道也坤
安得而有譽 蓼蕭之詩足以有譽處乃天子
勞列侯之詩可見譽君道也君得譽其臣臣不

得譽其類无譽者總之尊乾而避咎也不然以
永終譽與用六利永貞同乃諱譽乎哉或曰孔
子不言有譽乎誰譽者尼山不敢操是非也有
所試而後譽者春秋所以代華衮也故其書曰
天王正月王必稱天有所舉則王譽之也天譽
之也

六五黃裳元吉

此爻有作后德配乾以下裳作下于乾亦是看
泰卦以歸妹可見蓋不言君以遜乾乾尊也言

無夢園集

內集下

古

王后存君之位也 至于地而文章无盡藏矣
不見而章闢然日章地道也文王之德之純孔
子曰文不在茲乎坤道也

上六龍戰于野

不曰戰于朝而曰戰于野同人于野乾體也戰
于乾故曰龍戰豈但存其名哉大都名卽實也
不居其實乃是不居其名初九不成乎名不成
乎實也其血言利害也不言是非而言利害何
居不見是而无悶是非于何而見言利害而已

矣戰于亢皆道之窮也通其變不使其戰且亢者聖人所以處道之窮也天玄而地黃乾坤已化構爭之局故戰之義不見于泰否而見于師師之丈人吉也戰勝在敵矣泰之內君子也戰勝在我矣故曰我戰則克以我戰不以人戰也無他玄黃原是不雜之物假如雷風雜然交作而不雜于風雷者清寧之體固爾也人能不雜可以不戰而勝人矣大都剖破玄黃亦是從天地草昧雜亂中剖判出來至于天玄而地黃萬

無夢園集

內集下

五

古並行並育卽君子小人之名不立可矣此乃天行之健坤德之厚不雜于邪惡不雜于浮薄乃是元亨利貞大局面也夫不言白黑而言玄黃此卽不言是非之一証也否則屯蒙之義上而機變四出飲食皆爭端矣况其他乎豈不能戰于朝哉知有君也避有君也臣無有作威作福玉食否則害于而家凶于而國如二五同人爲三四所隔非不號咷悲痛與大師以克之而既克之後和平自在終不雷戰形于天地彼

承乘比應之爻遠近攻取之境猶然以不爭爲大美也况乾坤二老肯開戰局乎彼有藉口龍戰于野其血玄黃之戰者是誣乾也是誣坤也聚而上者謂之升戰于野亦必戰于朝矣陰陽相薄乾之戰不可無也此冰霜之辨也義各自別坤必血戰而玄黃需必血傷而出穴學問人品苟非一刀見血終是傍人倚人

文言曰坤至柔而動

但以柔順爲坤道非也全在動剛處見夫乾靜

無夢園集

內集下

六

專動直天氣一至地卽承之毫髮退縮不得臣子不肯出頭做事一動便倒非動之不剛皆緣德不方也人知圓者能動不知方者能動故天包地則動乎上地承天則動乎下方圓一體動靜非二章厥有常吉哉安貞之吉以此乾卦言潛言藏言遁而坤言章言地道光言知光大言化光何哉乾以氣運坤以形著是見于地者也是以臣之事君有嘉謀嘉猷必以入告有替力必以禦侮有羔羊素絲必以砥節有一息尚

存必以鞠躬盡瘁皆地上昭明顯著之義但不
敢自專耳 動靜有常剛柔斷矣動靜者晝夜
之象剛柔者晝夜之象晝之不可爲夜夜之不
可爲晝惟其斷也斷于早辨也斷于敬義斷于
含章括囊夜之事也靜豈无動哉二之動三之
發動有常亦靜也是以剛柔分晝夜而晝夜各
有動靜謂動而生陽靜而生陰亦一偏之見人
臣但以柔順爲職不知動剛隨人做事但知安
靜不知德方又將何者去做事其病曰无常曰

無夢園集

內集下

下

不斷

君子敬以直內義以方外

或益之自外來也寵榮外也斥逐亦外也職思
其外外亦職也直內不可見而方外可見含弘
光大萬物化光都在外面看德方與動剛相對
人臣于外面見方地道于動處見德則合內外
盈上下皆一地道所貫彼列方爲圓者缺其外
而式其中誰信之哉 西非乾坤併處是謂義
以方外 敬義立而德不孤仁義立而德不孤

誠明立而德不孤信謹立而德不孤聰明睿智
容敬執別立而德不孤敦化川流而德不孤最
怕是孤博厚正不孤也 君父欺不得說說不
得的故臣道先從直字起臣道纔動便用著直
字而後世以直諫爲美名亦何異學養子而後
嫁者哉是習之而不利者也

天地變化草木蕃

疇若予草木鳥獸不曰天之鳥獸草木而曰予
真有天地變化氣象天地閉乃啓閉之閉非閉

無夢園集

內集下

六

塞之閉賢人隱不必隱其身也隱其口而已蓋
言謹也庸言之謹原是乾體乾至四而幾深坤
至五而囊括慎之又慎謹之又謹此乾坤之道
也

君子黃中通理

人知未發之中不知未發之黃中知涵養于未
發之中不知涵養于未發之黃中天玄地黃中
德先辨天地之正色人子之事其親也父母之
色見卽孝子之色見君子之培中德也天地之

色見即天地之中見蓋自陽氣潛藏一陽遂出而黃中莫之與並是爲愷悌樂易之心惟有此黃中發揮旁通不僭不亂和順調理陰陽合德宛然綢繆未分之體也惟其黃也今但云四虛不倚之中可南可北自剛自柔曷云通理孔子釋乾坤而終之以天玄地黃其義鄭重欲人知法天之玄純粹以精法地之黃含弘光大微哉微哉豈止于辨名定色而已哉然則如之何不雜而已 乾言亨物非言通物也通以象坤且

無夢園集

內集下

五

乾言性命不言理理以屬坤係辭曰和順于道德而理于義則義亦方外也窮理盡性以至于命繇坤而遯夫乾也 大人者不失赤子之心心也而有赤心焉中一也而有黃中焉儘有潔白其心而不赤者亦有熱心血膽而不赤者謂之赤心乃純一無僞一團血赤惟大人葆攝得好所以其心到底常赤亦有人存心愷悌無過不及儘可云中而不可謂之黃中者須從地底透出陽氣聲中黃鍾之宮然後暢于四肢色見

乎顏面發乎事業中德見乎張弛倘心不赤而曰大人中不黃而謂之元吉失之遠矣

美在其中

四肢二字最重君子體仁足以長人元首正矣心志凝矣精氣益矣道義塞矣不言而喻全在四體如日月星辰江海河嶽天地之四體也若星辰不安其位山不拱嶽水不朝宗百官揆疑四夷梗化便是宇宙間莫大病痛安得云美之至此不是空空說箇中德便了須要萬分愷悌

無夢園集

內集下

五

將一點五行中色如萬物皆致養于坤而後有此暢遂若雜以一毫燥烈之氣便將中央土德變換改色四體有言之而不喻者矣

陰疑于陽

乾以從其類爲物觀坤以離其類喪其朋爲承乾 以乾陽戰于全陰之終此一戰是生人利用侵伐克相遇的大師 戰乎乾六十四卦俱是乾俱能出頭龍戰于野坤之得主即龍是自爲龍也使六子不自爲龍則乾道或幾乎息矣

今人指十月爲无陽之月又强名曰陽月名不正言不順矣十月一陽生至十一月三十日而成一晝陽故在也誰能無之亦非別嫌明微之旨彼既傲然无陽矣嫌何從別哉特爲世俗嫌于无陽一加點破耳總之小人非稱名之所能慎而天玄必非雜陰之所能淨兹陽道其浩然常伸也歟 乾坤戰則六子不戰戰乎乾則坤不戰閑邪存誠已戰去了邪氣非爲邪也已戰退了邪類乾少此一戰不得戰勝則克何嫌

無夢園集 內集下

三

何疑玄黃雜然交戰而天玄地黃萬古常清常寧矣風雷雜然交動而遷善改過一身有淑无慝矣否則調停之術未有不禍人家國者陰疑于陽明其爲賊敵乃可服辨之早辨務斷其漸識所繇來絕所繇往彼不附陽安能疑陽不能疑陽安能附陽故曰所繇來者漸矣陽之來也猶未離其類也方以類聚聚乎散乎血陰凝之物也流形以來所必有也乾精爲主坤血順令乘馬班如泣血漣如需于血出自穴有孚血去

惕出有乾之純粹精而血不橫行此治象也

玄黃辨天地之色非但辨色也玄德升聞黃中通理天不玄不成其乾地不黃不成其坤大人非玄法天黃法地不能與乾坤合其德總之一純字盡之矣純陽則玄純陰則黃雜物撰德貞以下盡然乾坤易之門易之緼不雜而已矣陰雖有美含之直方大則稱地道含章可貞但目之曰陰又曰雖有美含之似若重防言者三則陰類衆多之象臣道妻道總以地道爲準故一

無夢園集 內集下

三

曰地道 曰地道而終未許之爲坤道坤道其順乎承天時行曷嘗著其美 正位而美在中况其下焉者乎貞信之也不習无不利者可貞則在學習矣知光大知即貞也含萬物而化光地之章美皆天之章美也不然何以獨揭无成之義哉

讀易體仁長人小論

大人者與天地合其德智周萬物以道濟天下而後建聖神功化之極蓋體仁長人始于乾博

施濟衆必也聖乎明乎聖之尊也聖不可知神
 妙萬物明乎神之不測也故天地有撰神明有
 德萬物之情有類聖人精知而廣運之亡他乾
 元統天者也統天長人者也長人體仁者也孔
 子志三代之英而不知門弟子之仁與顏子論
 政也高語四代之禮樂而數仁也約略三月之
 乘除何居乎則又曰仁者天下之養與仁同過
 仁可知也養人于無過而尤欲養人于有過仁
 者之存心如是遠歟無欲而好仁無畏而惡不

無夢園集

內集下

奎

仁者難也中心安仁者逾難也得無其器重其
 道遠其取數多歟昔者堯獨憂之舜禹臯陶不
 敢憂也非不憂也分堯之憂不分堯之獨憂豈
 持世有專責所以遠博濟而近其方歟苟屬于
 已何所不至程子亦僅爲中下人說法耶夫任
 仁以力當仁以不讓以之爲體曷敢戲渝記不
 云乎仁人之事帝也如事親事親也如事帝其
 天明地察耶天地萬物皆以精明爲體者也事
 父孝事母孝而天地之體精明百官治萬民察

而萬物之體精明各得其所智乃周給則是無
 故氣升降者天地之更用而上下之位氣交之
 中則人之神所宅也神妙萬物雷風山澤水火
 而已此六者天地之所撰也天地之神出則萬
 物之神亦出矣天地設位易行乎其中及其未
 窮而變之通之久之矣能易謂之有人道神龍
 一動與天地相似以此而已推之萬物德化政
 令各從其動而復之耳復見天地之心乾著反
 復之道復則自知矣復以自知則仁矣須臾而

無夢園集

內集下

三言

天地集其宇萬物來其舍不唯二三子之仁孔
 子不知也聖人之仁與天地之仁皆渾乎其莫
 知也乾知大始孰代之哉自知則庸衆皆仁也
 靈蠢皆仁也聖人逆知五伯之徒有竄仁而入
 者矣故難其仁而與其復何也久假不歸五伯
 未嘗不自知彼愚黔首與舞機智皆昏其明德
 者也不仁莫甚焉智周而道濟所以寡過于民
 也且天地始交而經綸出君臣始交而求與生
 臨天下將有與也觀天下將有求也此亦不可

不慎也雲雷屯聚肫肫大經仁者之藏密矣密則淵淵則天天淵一天德達矣若是者皆生于同患天不愛道神物以興闢爭萌于利害利害始于情僞報之以失得而百姓與能故夫聖人之德既明且神矣必齋戒以神明之并百姓而神明之報之以失得而萬物皆出其神智以相報無所取予取予之至也參天兩地數以之起當萬物而盈聖人謹持其數理不可亂數可殺也彼正歲年辨敘事會天位志變動辨封域觀

無夢園集 內集下

三

妖祥迎盛德之所在詔地求地應又至詳矣夫博施濟衆非外馳也孔門顏子博文子貢多學言博而多漸化故授之以方人主惟恐不博大吝嗇者坤雲行雨施者天之職也若夫黃裳之義見于坤五天行健地以厚德載之仁者與天地合其德耳與天地合德之謂乾元在天龍之正行也九五龍之正位也乾九二以庸行庸言薰世于善而不矜不伐亦幾一體矣猶名君德不名天德其繫以君德者何仁以行之也先寬

以居之者何大其居以居天地萬物也乾坤兩而元一乾坤之元兩而生物之心一其能變化既成萬物者氣泰交理致一數用逆也當是時水火雲龍各自類萃親上親下皆安性情天不離羣凡可作聖大哉乾元有天統有地統有人統而乾元統天者一有貴賤之品有卑高之品有小大之品而乾元品物者一所以一者體一則不分德合則不岐也乘六龍以御天大而化聖而神矣惕也躍也皆自疑自審于幾深之宅

無夢園集 內集下

三

者耳君父闢无偏无黨之周行各正性命各保大和夫其誰而不攝最初資始之意醞釀造就以甘自外于元統也哉故聲希味淡乃見天地之心勞苦裁抑乃見父母之心仁者沃其根持其滿御其神俾精內守而志勃生乃利貞萬國始咸寧耳萬物之體安則天地之體安天地萬物之體皆安而仁者之一體猶皇皇乎其不即安文者善之長寒冰之所濯金玉之所潤也于是觀會通行典禮元始以後興雲致雨蒸變六

合矣若待雷雨滿盈細縕之意幾不可見何以爲嘉之會也哉義之和也事之幹也无非仁也乾坤有成而無毀有終而卽始貞固幹事強立于不仕而天地萬物之一體屹然其獨存夫體仁足以長人勸物亦精強而勇敢皆有行人矣君子行此四德者天實命之行事可已哉乾元用九何也天地以人爲主人以易爲主易以準天地爲主易知簡能知變化之道則乎天也天且弗違而況于人况于鬼神夫人居天之下鬼

無夢劉集 丙集下

毛

神之上者何也通于屈伸往來之故人道立焉天道準焉無害乎鬼神無怨于百姓其徵也大且嚴威嚴恪非所以事親也故有先意承志諄父母于道者仁人事天亦曰不過乎物而已過乎物是越天地之準則而萬物在繩之外也何以盡利何以盡神大人之器所以威敬敬其民勿之有慢耳矣凡人之侈于情也惟恐其有餘純乾發揮六爻之情惟恐其不足我見消而天則著也我見旣去奉天時以爲主或先之或後

之若孝子之在視寒煖就養无方也天地之體莫愜適于此矣天下平而大地皆潤何亢之有天下之不平以天下之不潤也如燬可定已黍苗之不膏毛裹之不屬甚有謂他人父者矣勞止之民誰念哉不雲不雨旱旣太甚而已矣夫合天地者大人之專職也天地之德妙于分夫人之德妙于合分天地亦仁者分之也生天地亦仁者生之也至與民同吉凶之患受之斷之而萬物之德合矣神人皆治天弗違矣易與天

無夢劉集 丙集下

三六

地準而舉不知不能與有憾之物情並存縣宇終不敢謂以人補天此乾學小心之極而孔子立達之旨也聲氣以同之燥濕以宜之非出類也從類也非絕迹也同人也自古帝王治世以愛民治身以積德有上德必有上治天地生物聖人成物春夏養陽秋冬養陰皆太德也漢儒之陰居空虛不用之地此其意主于勝殘而反開刑名法術之徑豈通論歟程子曰仁者渾然與物同體識得此意以誠敬存之可謂有其意

矣未有其事也博施濟衆既有其事矣方亦不可誤矣誰爲服天氣而通神明者乎其猶之權衡也高者抑之下者舉之化者應之變者復之氣有餘則侮所不勝侮則受邪既已獨立守神矣平氣貴焉德盛不狎侮匹夫匹婦誰敢侮之無一可侮之人無非一體也是故德施博必存誠存誠必閑邪邪之客于形也推之則前引之則止得其方病立已豈至夙昔而成積哉彼所稱察色按脉審部視息聽聲皆方也仁有方面

無夢園集

內集下

完

神無方先定準直陰陽不測顧用之何如爵聖人雜合以治得病之情知治之大體故曰能知四時者天地爲之父母知萬物者謂之天子人能公其身于天地萬物之中可不謂玄覽焉猶二之也父母生我一體而分猶二之也天地日麗人之體父母日居子之體天地不位父母不寧而吾體晏然已乎翳惟坐馳卽戒慎恐懼我與天地萬物猶同在戰兢之時致中和而怡然樂矣精神內守氣立而志生矣謹熟陰陽手握

禁數審端徑術而目無營於物矣識得此意程子之言近雖然帝王必有其事卽以三代論舞千而三苗格乃防風之戰何烈烈也有嚴有翼海外有截矣文王止仁者也伐密伐崇匪棘其欲誕登道岸豈待武而歌無競哉彼其八年弗家也呱呱弗子也玄圭一告而天下莫與之爭壽考且寧以保我後生則湯之長發乎七百也詒厥孫謀以燕翼子則文武之壽考乎八百也如置器焉身其康強也子孫其逢吉也猶之置

無夢園集

內集下

三

天地萬物也其一體仍不分而已粵稽堯得舜舜得禹皋陶暨湯之求元聖武之獲仁人若舉帝王之身悉挈以付之乃得自有其身而天地萬物皆係人主之身以爲身然堯獨憂如故也舜戒岳牧如故也舉元愷殛四凶五載一巡狩問市陳詩詢百年而就見之至勤也改過不吝執競惟人罔于游于逸也則是相能任吾之事不能分吾之體未得人爲天地萬物擇人者謂之仁旣得人不爲天地萬物釋擔者謂之仁無

他以天地萬物爲一體天工人其代之而乾元
 統天誰代之益至是仁者之心愈無已矣借叢
 憑社苟寵竊祿寇攘姦宄有干吾體者必殄之
 而後快撥其動而止其惡非不忍于身而不忍
 于天地萬物之身也嗟乎百辟卿士有益于民
 者以祈穀實苟無益于民天地萬物之所去卽
 吾體之所除也其敢股削衆庶爲天子取怨乎
 哉且夫厚下以安宅精于觀象而存不食之果
 則艮土力也動而以順行精于觀心而來出入

無夢園集

內集下

三

之朋則土地力也藉厚土培天心積之敦復矣
 敦仁矣雖然未有終日乾乾之全力徒爭于子
 于復姤之啓刻豈可得哉諸卦大象皆係以名
 而乾不名直尊之曰天行健天之行卽聖神文
 武之行而人道愈重帝王自強不息則健健則
 元亨利貞而體仁長人與天地無極矣

陳太史無憂園初集

古吳陳仁錫明卿甫著

輔軒紀聞

紀遼餉

馬疋四五六七八五箇月名爲放青月馬旣放青矣又折與以草乾此銀可復買草到馬腹否惟有各衙門標下馬與運馬或不便放青然卽以一萬作不放青照新例每日三分共五箇月止用草乾銀四萬五千可也十一十二正二三

無憂園集 漫一

五箇月實給草數每束五分筭亦應費餉五十餘萬然亦半取於屯而量加於採屯共五萬人卽一人取草二十束便可千萬計且九十月之採青也馬兵自採自給矣凡此步兵所採歸之何處今關外未嘗不積有屯草秋草皆將官留之折塞馬兵於四五六七八放青之月而沒其草乾銀者卽馬不盡宜於青草亦有應量給乾草馬不盡宜於秋草亦有應量給穀草總之屯與採通融調劑以給之原自敷也

無憂園集 漫一

王陽明設法於南贛有每營以千餘金留爲營本者月餉偶有斷時准各以手本開借每兩止月利二分此月之餉出卽扣之不以二分免其二錢乎今十萬兵卽以十萬金分貯之各營堡以爲官貸而省其私貸月利二錢乎在立十人一竈共食之法決不許寄食於舖家亦省半費七營中營房照此置柵管本照每夜使把總查入兼省嫖省賭也本色因招買之苦定爲七本三折搭放法以爲民也而兵更利甚蓋兵惟本爲急用而實時有願糶以得折者與其賤售於舖何如官濟以銀且要以我爲平常不使舖操其權凡本色於海運通屯收熟之時最賤官儘以本色給兵兵以卽原單賣舖家已虧米價及冬春運停屯盡官倉竭矣又欲以折色給兵兵買之舖家而又增半價不展轉收利於舖而兵日窮乎故議爲三七之設不必泥定逐月搭放但將三分折銀操之自官隨時察宜本賤儘與之留本本貴卽與本留折使兵日躋足而不知

紀兵餉 三泰

頻年以來歲苦于荒郡邑之輸又急于遼而緩于秦蓋有一二年不得餉者有三四年不得餉者夫窮邊絕徼蕭條千里寒風驚沙裂膚慘目大以百戰傷夷之餘終年勤苦之劇而禾糧所支惟止當身例爲妻子所分且臨犂地方地瘠民貧差繁賦重今宜急請額設京運飛輓速發清查本省民運星運輸將以補其所欠濟其所急又查民運之在州縣者何以缺解何以累逋

無夢園集 漫一

三

尋其不足之根洞其受病之故一清州縣狐鼠之奸以濟三軍庚癸之號又復清查各處倉庫有無那借有無侵欠有無偷支有無滛損又復清查各營衛軍丁某某在城某某在邊某某著伍某某不着伍某某催替某某并催替而無之某某代替某某并受代而不替某某隱占某某虛冒因而查其所給錢糧核其虛實均其勞逸酌其緩急可也且自臨犂以及於洮岷軍屯民田大勢皆在山阜故旱地恒居十八而水田十

不得二三焉雨澤不能恒若故歲豐少而歉多豐則錢銀間可以易斗穀而歉則斗米價至五錢每軍月糧四錢五分每丁月銀七錢而以茲區區之月銀市此如珠之貴米而况餉銀缺至一二年將何以市茲斗米也殆至譟而復議那借議搜括而軍又已驕矣今再宜令司餉者凡監收所在自鹽糧外每歲秋成動給糧銀一半糴收豆麥照甘肅事例雙月給糧單月給銀豐年一月之糧可抵荒歲三月之用庶上不匱而

無夢園集 漫一

四

下有資豐有餘而歉亦足且給餉以給其應得之糧也既係應得彼豈甘心於缺又豈肯甘心於尅今宜若爲功令每先月放後月之餉卽偶不繼亦當遵月不過五之例監收者豫取各營堡應支下月軍馬文冊行令中軍等官一員領餉而卽令本官當堂將銀鑒兌照名逐封監收者仍遣廉謹衛官一員同該中軍到營唱名逐發仍于寬廠處所先編隊伍分列以俟且因以清虛冒并以驗年力焉月有定期放有定則而

營伍亦肅人心帖然不然缺者不給尅者不禁則衆實有口甚於防川一營作偏處處效尤一夫矯命一國作亂一旦安撫失宜必且集亡命之徒挾番虜之勢乘機烏合噬臍何及竊恐遠東有事徵調西陲西陲有事更徵何地番虜制勝藉此軍丁丁離軍叛更藉何人故餉缺之於先則軍饑給之于後則軍驕饑則謙驕則亂是不可不爲之深長慮也

無夢園集

漫一

五

屯政

侵欺之弊難以枚舉第所以致此極者皆因額設屯田派坐甚遠幅隕甚廣一畝在冊十畝在地軍產民產相錯其間屯伍之官不能照管大半爲豪民所占蓋地廣而賦輕故豪民喜得入手卽報新墾于州縣而屯地自此消滅矣中間不肖之人或典或賣或暫佃一時久不能贖則豪民假而不歸卽今鳳陽人戶明言典買不畏律法之嚴其故習可知也惟在憲示各府州縣

無夢園集

漫一

六

令其有知情者許赴本司告首只是一書一從單騎清查務得彼此故業實職願跋涉從事者也夫田地久已失額而米麥仍復徵輸則官安得而不疲軍安得而不斃兼以疊罹災殄各官有賌糧不得額以世祿之身棄印而逃削髮而遁如百戶李雄孫元松等者又先年有冒額自縊如百戶汪承祖等者卽今解院一驗淒酸之狀迥然可見者也欲甦久疲惟請折色蓋屯田缺額籽粒無幾所輸米麥必求糴於富戶富戶

知徵求之惡倍索其值况又有薦扳通關等費
無益於國有害於軍不如永行折色

一議禁包收夫

祖制軍則納糧官則食俸國足軍足法甚善
也從來伍官無經手之糧不過僉定軍吏旗甲
預報本司登簿查比在伍官則催軍吏在軍吏
則催旗甲在旗甲則收花戶本色則運赴倉廩
聽屯官監收折色則交納屯官寄庫類解具批
本司掛號轉部法最嚴謹後因不肖伍官嗜利

無夢園集

漫一

七

包收所報軍吏旗甲俱屬詭名倩棍聽比各官
挺身捱延不曰催糧未到則曰侵糧逃走甚則
捏文申究以爲搪塞而所回報者則曰隔涉州
縣潛逃民村終無結審之日今務要殷實之人
赴比如旗甲不到即責軍吏吏旗不到即責伍
官三卯不遵不納定以伍官侵欺治罪解究更
曉諭各屯軍旗務照舊例自行輸納勿聽伍官
恐嚇包收如有包收不遂生事刁難者許赴告
究

一議禁輿援夫包收之官逋糧多者每段匿干
各衙門聽用動稱公差提比不出稍一嚴催則
從中肆謗或有出比而明示以不可犯之態畱
守一官安敢大破情面萬一不能相諒則貝錦
售矣此爲負隅之虎莫之敢撓者也

一議禁巧避大巧避之奸包收籽粒盡侵不納
卽未及收租之期亦減半作完而預收其利一
騙入手百計鑽營僉報幫運縱運務已完亦潛
竄他所或逗遛京師致竟不得其人一比而卽

無夢園集

漫一

八

官屯官私相容情竟不肯提其家屬卽欲問之
軍吏旗甲而督引無人誰肯承之請憲禁各衛
印官不許受賄朦朧開送運糧亦不許該運把
總受賄私喚凡有起送幫運必先開報本司取
其家屬在官聽比然後准行如不報家屬而私
送幫運者該衛官吏俱以賄究今以前運去各
官宜悉查確通糧之數呈實批發該衛聽各運
官回伍徵收冊報庶不以無根無影之人虛占
屯種且藉以責成衛官

一議禁把持益屯伍之家治舉業少一有遊泮
卽爲空谷之跽音聲勢固甚赫也其賢而愛鼎
者固有而不肖射利者亦多遇有缺員徑奪伍
印不官不舍縱肆包收不赴納不赴比拘其家
屬而不得拘其軍吏旗甲而不能有時挺然出
官則托稱辭印免妨儒業在上不知待爲佳士
而奸計賈詞總成畫餅蓋彼輩聲勢赫奕把持
挾制不敢代收花戶亦不敢別納反得却侵欺
之名而受包收之實

無夢園集 曼一

九

紀屯田便宜二策

或曰今天下屯田貿易隱占不可勝紀以東南
言之納官之數民田多屯田少屯田盡歸于官
其利不償也將付之不問乎有二策焉運軍最
苦多至傾家以各衛之屯田酌各衛之運軍亦
一策乎衛官之俸每月一石以屯田一畝抵之
官既省候糧之苦而國家亦減頒祿之費或
亦通融一策乎以此爲式量衛官之多寡與屯
地之盈縮有餘者以待斟酌然非盡還之于官

不可

紀鳳陽屯

夫鳳陽南自定遠北抵宿州三百五六十里間
舊額軍民田地大略相半今赤地不毛其高阜
處如定遠靈璧諸地歲苦旱災而大店任橋洪
塘湖一帶下隰又患水沴民旣多逆盜亦時起
宜於鳳陽府添設通判一員專董其事先踏勘
所荒之地不論軍民悉改屯畝首定其界次阡
陌之次廬舍之仍畱中都京操班軍數千名令

無夢園集 漫一

上

其偕婦子比屋而居卽以隊分爲居處官給牛
種督之開墾在高阜者多濬池塘下隰者廣爲
溝洫寬其三年之租比及三年議收租種一二
年間可得良田數千頃矣夫專其官則事權一
而殿最易課定其界則疆域明而紛爭可息減
畱班軍則耕作不費招徠官給牛種則畚鍤不
勞自辦山塘蓄水永無旱魃之虞原隰導流自
免商羊之患寬其稅則軍不畏其賠租徵其種
則官不憂乎靡費况農隙可以操練南北咽喉

既增數千人之護衛成熟可以多獲根本重地又增千萬箱之儲糧無便於此者况徐州爲水陸要衝議者欲設重兵久矣今宿之去徐僅一百七十八里而遙聲勢易通緩急有濟是徐州且增一犄角寧第曰屯田之利而已哉

紀揚州屯

揚州一衛有左中前後四所額有屯田千百餘分每分舊僉壯丁一名督以管屯指揮操點訓練以衛本郡城池無事植戈而畊有事奮矜而

無夢園集

卷一

七

圖無何屯政弛屯操廢兼併於軍之刀悍者侵沒於民之豪惡者卽歲納夏秋籽粒亦多逋負而累及屯官嗣是屯丁無可恃始立民營矣民營設而四方游棍滿據行間平居恣口而食遇有警報掉臂去矣歲費軍餉數萬以養茲魚潰鳥散之衆于緩急乎何有况維揚一郡南接大江東臨巨海陵寢門戶漕運咽喉倭奴一水可通嘉靖中倭繇通泰犯廣陵焚殺最慘確係江北第一險要之關後增遊擊營官兵一千員

名分防倉庫運道猶自相安近復新添多營十羊九牧相率爲非倘能力持屯冊按屯而丁有是屯卽有是丁有是丁卽有是餉礪瘠可變爲沃壤游惰可轉爲精強興屯之利剔兵之害道無踰此耳時而防運則萬無扼吭之虞時而防倭必有堵截之績他如上年呂四場海寇彭小老將之焚掠漁船梁梁場大盜王虎等之劫擄商竈斷不然矣第此屯也奸民之射利日久遽難盡核姑許照例輸丁以事操練則暫爲寬假

無夢園集

卷一

七

以聽其便敢有恃強匿占又藉賢有司嚴申三尺不爲豪右撓其成庶軍復耕耘之業而廩餼自充官有捍禦之人而虛冒漸去或亦救弊之急務也然廣陵俗兢華靡不務耕織一歲不熟則饑再歲不熟則亂殊無自固之策故特揭屯而言之意猷祗有蓋藏也然屯之利不止此而兵之害寔基之第在揚言揚耳

每屯軍一名給田一分薄徵糧稅子孫世守今日屯法大壞官舍欺奪豪強兼併有一本管而

占十數分者矣有一豪強而占五六分者矣貧弱之軍皆無寸土其管屯操官員貪緣鑽刺興得一差甫領任得些須常例卽謂事已完矣官則高坐私家軍各閒散安逸間恐物議下管點閱不過老弱更多催倩以朝廷大事爲嬰兒戲具務要從實整頓嚴以衛所細查某衛某所屯田若干屯軍若干凡被官舍豪強占併者一清出卽廬鳳淮揚江北一帶一望無際何下百萬畝若能每田一分揀精銳士一名許其承

無夢園集 漫一

三

佃老弱者不得冒領本軍裹糧赴營操演家屬在田耕種自贍各選廉能官員以任其事隊伍中有武藝精熟者優賞陞用力弱無用者卽行革退追其田畝另選本宗驍勇代之本宗無人不妨別戶代役卽以其田給種誠當國家用武之時所在撫按從實會議更番飭行總計天下四百九十餘衛二千九百餘所計屯田之所獲與屯軍之名目可當九邊什倍之用

紀南京兵屯

夫金陵屯制每軍額田五十畝歲輸租課十八石卽以其租月給本軍一石計歲每軍餘米六石以餉城守之軍後議者憐屯軍輪納之耗費乃令以十二石存畱自贍止納六石是屯軍既食餉之卒矣又設屯管三十四處軍之多者約三千有奇寡者亦七八百人屯田御史歲委官操練自正月以迄三月而止是屯軍又宜練之卒矣迄于今日食餉猶故而操練徒虛文也何也御史所委之官不過附近各衛管屯指揮兼

無夢園集 漫一

四

攝之而已指揮不過開操之後計軍索免操錢而已御史又以路途寫遠不便巡閱第憑一紙之開操一紙之止操而已間委州縣正官又不過偶一查閱而已則安用聚此屯卒爲衛弁肥橐之資也哉宜請專設屯操都司一員屬御史之節制而專督於三十四營另立營總之上再於南京大小各營挑選教師四五百名界之計各屯之多寡足三千者爲一營如其不足不妨較屯地之遠近或併二合三聚爲一營挑選精

悍勇力者每營或五六百名將教師分給各營令其因材施教藝都司巡歷考驗藝精并賞及教師藝疎并罪及管總都司聽御史之考課而薦劾之三年之中必得精兵數千夫軍原食餉非若招募之費財卒原應練豈比更張之擾法有官專督而責成定有師教練而技藝精或調用於遠方彼有坟墓妻子之顧戀則逃脫有所不敢或調用爲城守彼有田園廬舍之愛惜則奮勇自爾爭先有分練之營總則與屯官之兼攝

無夢園集

漫一

主

者不侔有連坐之賞罰又與納錢免操者迥異增官也而非冗官練兵也而無餉費

紀浙江海屯

寧區之金塘大榭台區之玉環石塘皆懸海山田週圍數百里舊有居民國初因倭亂遣入內地近有耕者皆輸粟勢豪而地亦未盡何如以附近軍民耕種稍寬其一二年開荒之稅至三年而取之督以專官豪強不得吞入歲可得租數十萬且僅搭草廠以蔽風雨各備軍器以

應不虞海寇登山其利在我伏兵可以收奇功今旋議旋罷皆委于招寇而棄之可惜已

紀楚屯

楚之衛所七十有奇屯以石計至三十九萬五千有奇而衛卒單弱莫楚爲甚屯歸烏有也倘一清之如因本軍絕世而屯歸帥領者或豪強兼併者此可竟出以還軍者也如因本軍得價而售之官民者當觀本卒能贖與否如不能則當于清出絕世之田內取其入以爲值或借補

無夢園集

漫一

六

于一伍之中合而取贖後又取本田所入以還一伍而田亦可歸本卒矣法當先簿責帥俾按籍而報某衛所軍幾屯幾存者幾亡者幾而後如法索之則屯可復

紀關外屯

屯田於關外更有說焉假使奪民田以與兵屯民既無家復令無產則厲民趨營兵以屯民田既親弓矢又服鉏耨則又厲兵何如選其精銳者以實行伍而令老幼歸之阡陌每夫給田三

畝有力者聽其自耕無力者量給屯本秋成時俾五人供一兵之用一兵受五人之養無事則民得盡力于耕牧兵得優游于訓練有事出所訓練之兵以應敵收所耕牧之民以守城以遠安遠隨以遠養遠此不可助軍餉之一班乎

紀邊屯

臨河甘蘭四衛界在虜羌地屬荒漠高者爲坡爲嶺非石則砂下者爲崖爲川非砂則水然而民之糧地軍之屯田咸在是也故求平地丈不

無夢園集 漫一

五

得尺焉求沃壤尺不得寸焉幸而雨暘時若尚有粒米之收不幸而時雨稍愆盡成不毛之野遂至耕者半荒者半不毛而賠糧者半追併而逋逃者半種種苦情不可殫述至于軍屯更復難言蓋緣當日起科視民爲重而半年食屯需餉已輕今但得充伍卽不乏軍而又欲加征實難安堵且如甘蘭兩衛地俱在蘭孜孜一念先問屯政益嘗履畝而視之山山而度之而磽确砂磧如前所言滿目荒涼於心甚惻因思督平

分方略乃遊兵充入金城益畜積信如今日其何爲計偶以大閱歷過西涼諸地乃見京坻之象盡屬膏沃之區因而考求是乃河湟之地而昔者營平雷屯之處也始知其駐金城而倚河山之險非屯金城而上便宜之略益信臨河一郡之地在昔在今原皆不可爲屯也不然今涼州已有增屯矣西寧方議加糧矣區區裕國豈敢後人亦時勢之無可奈何萬非得已耳雖然興利也除害亦利也琴瑟不調必起而更張

無夢園集 漫一

二

之事固有宜損之以爲益而更其不便以成大便者達識之士若祇以奉功令唯謹不詳計利害有如臨蘭不幸萬一有七年之旱九年之水啼饑號寒人不堪命亡命之徒一旦不逞狡虜強番乘時窺覷則催科之令適促之反耳攷唐志焉政始置八坊岐幽涇寧間其後又以隴西金城平涼天水員廣千里置八坊爲會計都領其間善水草腴田皆隸之然則此牧舊時牧地也而今以爲屯使軍食之豈不過哉

祖宗之意無亦曰此屬吾姑令之自食以守吾城耳而孰知今日者催科無藝殆不可爲命矣然則此屯可議減乎將何以補此缺之額也曰不得已則姑以區區之民糧益之若然則民糧之缺額又何議也曰頗聞古今屯田皆在塞外及附近畿輔之地今近言之河以西既可議增矣遠言之則榆關以外前屯中屯錦義諸處皆豐腴地可爲屯而兵多又可爲墾爲守木賤又可爲庾爲倉矣又順永薊遵豐潤玉田諸處其

無夢園集

漫一

荒

間民田不過十之五而餘皆爲草場地糧不當民賦十之三而差不及焉蓋先朝所以牧馬者實皆沃壤盡被隱占今誠遣一風力才幹大臣一一清出可得糧億萬萬此奚翅足以補臨蘭缺糧哉又頃者永平而東爲奴孽所殘戮者叛者田產在焉若以清查所得永爲三輔游兵新設之資又裕如矣

紀邊屯

自邊將得請官田以自便謂之曰養廉而屯田愈缺蓋膏腴在官而瘠薄歸軍官享其利軍任其賦賦不堪則不得不寄田于勢要而欺隱遂多欺隱既多不得不攤稅于佃軍而包賠愈苦此隱匿之弊也自衛所之官各佔軍餘而屯軍愈缺衛所苦于屯卒之逋負而公用不支屯卒苦于衛所之誅求而逃亡相繼甚有人在而田不識處者矣亦有田在而人不知主者矣此佔役之弊也自邊臣變亂屯政每畝必於取盈而

無夢園集

漫一

三

屯田愈廢甚有阡陌未成而名已在冊播種未熟而吏已至門此催科之弊也况沿邊之田沙石過半則憂在土西北之地旱魃爲虐則憂在旱秋水時至百川暴漲則憂在水其要在乎清理隱匿嚴勾餘丁計人授田計田起租不越二年成效可觀仍復出養廉之膏腴者而均之開荒蕪之湮沒者而種之當事者無徒按之簿中而疆理必考察實者無徒覈之名色而騰界必清以經歲一河之費開沿邊百萬之腴則畝畝

皆露積也捐三年坐食之儲爲一年力食之用則疆界皆壁壘也

紀遵化屯

遵化自經焚戮生齒彫敝田里荒蕪爲今日計誠莫如議屯爲便然屯之術有二曰民屯曰軍屯軍屯不若民屯爲愈何也諸軍係名尺籍習於游惰一旦驅之力田不習也然民屯亦不易言矣其必廣募他處之有力而善農者畫地而耕隨其地之肥磽而議其輪納此上策也而又

無夢園集

漫一

三

不可必得也其次則莫若就土著之民而分布之量給牛種大約授地二頃必給牛一具種二十石工力食用或幾許俟收穫之後共計牛價幾何子種幾何而薄取其值不越二年務期完納二年之徵輸視地之肥瘠而分上中下等或者賦輕而民亦樂從乎然又不敢必也故給牛種一事亦未可輕議也雖然民屯勝軍此時負城而居者盡軍也馱馬縱橫不時出入田間小民豈能與之爭乎故又當於各營之中挑其老

弱不勝戰者於城外十里內立爲營田若古井田之制各守其疆界毋令侵越一步無事出耕急則收堡蓋軍離城不遠不止便於城守且不得散之村落以爲地方害也至若各鄉之地斷斷乎不可容一軍一兵縱其咆哮無人之境而飛食小民也抑有田則必有居今遵城廬舍半爲軍棲卽有屯民安所容之計請金錢萬數千附城之處廣置營房數千餘間令屯軍星羅棋布錯趾而耕比閭而處勿使與城市居民爭出

無夢園集

漫一

三

入焉

盧邑幅輳偏小僅十一屯社其間民地止一千六百六十五頃五十一畝有零非若灤州六十七里遷安二十七屯社之曠邈也然而徵糧有則內解外供之需額不容缺時不容緩今議叛地改作屯田前報白養粹地四十二頃九十五畝二分崔及第八頃六十九畝八分楊燭地四十六畝九分孟喬芳地三頃八十畝楊文魁地三頃五畝五分五叛共地五十八頃九十七畝

四分均改爲屯則屯稍盈而民益縮惟正之供亦隨而虧額矣

或以前項叛地大張榜示曉諭民間凡有力而願買者買之照例徵糧無力而願佃者佃之照例輸租其佃種之法上地每畝納糧五六斗中地每畝納糧二三斗下地每畝納糧一二斗草束亦隨糧數輸運則民必樂從而地無荒蕪稅有常額公私兩有便益矣

招民佃種於正額糧銀之外量加租稅計上地

無夢園集

漫一

三

可徵租糧二斗中地可徵一斗五升下地可徵一斗此責不費牛種不煩督責不論旱蝗水澇而坐收其利者也更有直截之法士民有願買者照估價以售日前得價既可充餉將來條額且不虞辦納之無人亦一便也

天下有舊屯有新屯所謂舊屯者即各衛所之軍屯也縱令逐一清查不過足軍糧宜于兵餉固無升合入也竊聞開榆關內外以至迤北迤西一帶沿邊之地大率俱係沃土而棄之視若

石田焉

夫國非徭役供用何從措出地無人民徭役從何征求遼民禍奴者十之八九僅存者不足十分之一錦州義州右屯有可屯之田而無人墾蓋州復州有可鑄之礦而無人開金州海州三岔河口有無限之魚鹽而無人收其利止倚京運海運以爲命脉豈經久之長策也南衛廣寧假如費百萬之帑金爲十萬之兵餉再發五十萬之物價爲安家永業器械物料之費能復此

無夢園集

漫一

三

地山可賦丁教土可毛其益我國家奚啻萬鎰豈僅僅百五十萬而已哉

紀關門外鑄錢屯田

關門月餉開歲以數百萬計盍若移餉鑄錢而卽以錢給餉度鑄錢之息每一百萬可溢二十萬遂可減司農之額或以供軍前別需總之利在上也至於月餉散錢又無砍鑿折耗之患則下之利更普矣他如硝磺銅鉛關門內外各有出產之虞誠取之有道可用而不竭所省帑金又不貲是不加餉而餉有餘之議也關外斥莽開墾莫非膏腴今非不言屯也但無溝塗封植

無夢園集 漫一

五

之界隱匿自潤既無可稽查胡馬長驅又無可攔攔盍若申著爲令每地五十畝畫爲一坵四面掘溝深濶各二三丈一則計坵可以科地其利小一則地網如鱗虜騎驍騰無所逞其利大自關門至寧遠止留一大路自寧遠而東經右屯至三岔河留一大路自寧遠而東北經廣寧至黃泥窪對過留一路路傍亦俱深溝溝外每十里設一土寨每寨伏大將軍幾位減虜郎機鳥銃幾百門撥兵士幾百名守之暗傳號令凡

遇虜至並不許放砲洩漏軍情派守已定然後從大路揚兵直趨河上伴作渡勢誘奴西追令軍士許退不許進度虜騎盡入弇中方發號砲各土寨中伏砲以次齊發奴有子遺乎奴滅而西虜自然就我戎索是不交兵而全勝之議也

無夢園集 漫一

三

錢法 三秦

今欲爲權宜以足國用則策無過于鑄錢者秦則不獨苦餉且苦賦不獨苦兵且苦民餉不給則士苦脫巾賦不供則民苦剝膚加以驛遞近奉新議未免矯枉之過十減其六疲敝之役益愈難支竊嘗鯁鯁過計以爲餉匱而兵流於賊賦急而民流于賊若郵符餽廩裁而驛卒輿阜廝養之徒設又流而爲賊賊亦不勝數矣此中銅價平于京值遂下有司條議以上有利無害

無夢園集

漫一

五

勉湊工本月計不足歲計有餘或謂六通之衢有妨制錢而秦自關隴以西萬山插雲千崖懸壁車不方軌人鮮摩肩臨之錢東不踰關西不踰河民間小錢繁非官製故民亦甚病之今以肉好易其脆薄旣于民便而黃白權宜之間卽是利源不息之道耳是役也以買銅則每百斤價銀十二兩或十一兩或十兩零五錢上下焉以買倭鉛則每斤價銀或一錢五分或一錢二三分上下焉嘗悉數之大約每淨銅一百斤倭

鉛三十一斤四兩配搭入爐鑄成錢得一百一十一斤計一萬八千五百文餘二十斤四兩作折耗而其內用沙鍋五十具石炭四百餘斤木炭十餘斤約價二三錢不一各匠夫工食銀約二兩五錢若以八百文准銀一兩則每爐本銀二十四兩除諸費外得息大約五兩此子母之可權者也而以行使于民間則半新半舊之兼用以納糧于官府則半銀半錢之兼收此公私之攸利者也至若近日 朝廷令所在官司得

無夢園集

漫一

六

開採銅以供鑄局其利便有進於此者矣開採之宜亦可得而言焉大凡銅鑛產於石山之中或高四五尺濶二三尺一條旋行如龍蛇狀內有銅鑛外必有礪苗按礪爲卅字今之小兒髻爲卅角是卅爲髮之餘故礪必有苗爲之餘從苗上開一洞口用鋼鑽打入深則二丈淺則丈餘再深則黑暗而不可見底方始得礪從頭挖取每得礪百斤用木炭百斤將礪燒煉一火成銅礪二火成黑銅三火成淨銅每礪百斤上者

燒銅十五斤次者十二十一不等其用錘手并
燒爐匠共二十名每日給工食共銀八錢用造
飯運水夫二名每日給工食銀六分用幫扯提
礮小夫四名每日給工食銀一錢二分用銅鑄
三十根每根銅二斤日耗一斤約銀一錢以上
共費銀一兩一錢約得銅鑄二百斤而又用木
炭一百六七十斤約價四錢三火成銅三十斤
則共前項費銀一兩五錢是每斤大約費本五
六分可爲半於買銅矣而要以地中偏礮有多
無夢園集 漫一

主

少米炭諸件之有貴賤難以一槩論也
錢法之弊繇於私鑄者多舊萬曆錢每文重一
錢二分今新鑄錢重止八九分是以私鑄者每
每買萬曆官錢鑄錢私錢襍以鉛錫輕薄幾與
古之鷲眼同官私襍行是以奸商當舖轉而爲
奸有時行則私錢得與官錢並價此錢在舖戶
者多而欲出也有時不行則私錢二三文折官
錢一文此錢在舖戶者少而欲入也此輩操其
利權小民因而受害宜嚴加申飭官錢必照萬

曆錢一錢二分重每文一釐十文一分凡在官
稅課紙贖俱許錢納如舖戶貿易用私錢者治
以重罪官錢行則私錢自止

今戶工兩部俱有錢局而問其銅價則甚昂矣
煤炭貴矣工役衣食之物又貴矣而所行之錢
則反賤矣母貴子賤所獲能有幾何其若設一
錢局于楚之荊州就楚賦內割二十萬金付之
鑄局使其買銅鳩工以爲鑄本而黔蜀所產之
銅辰坑所產之鉛順流而下荆江承之鑄局以
無夢園集 漫一

主

時價收之荊州煤炭如土魚米地土役易于取
給江漢淮潁無所不通半天下而皆受其委輸
則行錢又便也

天啓年有南鑄之錢有以一折十之錢初行之
民未以爲苦也而弊源在有司蓋上者下之倡
有司愚民之耳目也况幣有出有入流而不息
故曰泉府而有司之於新錢也出則一切以之
發於民納則一切不收一文民見有司之不收
也則以爲無用物遂闕然不用待其告擾則昧

心以枷管之每至聚市而譁棄市而逃因紛紛
稱病稱不可行矣有司爲此亦有二或爲貪或
爲賒蓋錢分高低則有貴賤出納之間因而漁
利其自飽者貪也飽猾胥者賒也

紀錢法

昔元主忽必烈以錢與鈔問劉秉忠秉忠曰楮
用于陰錢用于陽沙漠爲陰華夏爲陽國家起
沙漠而臨中夏宜用楮幣不然四海不靖是以
終元之世止行鈔法而不鑄錢及至正間脫脫
爲相立寶泉提舉司鑄至正錢而天下遂亂卽
今民間古錢並無勝國年號自可見矣我
太祖雖嘗以科場落卷打造寶鈔然二百年來
惟錢行而鈔不甚行秉忠之言益驗矣

紀鑄利

鑄之在南北都皆約利五分關上輸銅腳價多
 安可扣定五分之利使人莫敢涉手也應減定
 利爲三分且本少轉多猶可若本多轉少即以
 五十萬銀取利十五萬亦可矣願安得五十萬
 本乎竊以銅必善調商人使不虧其銀卽與餉
 司作通融前半月移銀收銅卽後半月有錢抵
 餉一轉移間稍得利卽足斷不可扣定重利也
 惟扣利少始可召商買銅惟現買銅始可與餉
 無憂國集 漫一

圭

司通融否則何從辦銅亦何從辦銀
 稅利

近例馬兵一名月扣朋銀一錢二分只論騎營
 每營馬二千是一月卽有二百四十四兩之朋
 銀矣若其倒馬再量追椿銀二三兩不等是倒
 馬二十匹亦有四五十金之椿銀也儘足買補
 二十匹之數矣二千之馬月例一分卽應十箇
 月創盡豈可再踰一分乎況又有步兵每名扣
 六分之例前議買屯牛無銀暫借步兵之朋買

焉然責屯者秋收償還則仍可歸原項用耳但
 須設循環月銀貯廳庫決不可卽收將官以恣
 侵牟也

無憂國集

漫一

查核京營損失議

何謂併舊則破爛之盔甲損壞之腰刀滾刀鐵
靶鎗等應另爲改造者是何謂安置則各甲以
地上堆垛而爛以屋雨洩漏而爛爲造木架以
堆積之各火藥以乾燥而虞其觸發爲埋藏地
下以鎮靜之以空地另造火藥庫掘地埋藏則
兩者應另造木架寄屋者是夫營軍十萬餘計
營馬二萬餘計官俸軍糧馬料百餘萬計何等
重大而祇托之數武臣卽職方司有驗軍而重

無夢園集 漫一

重

不可問也卽車駕司有馬政而馬不可問也卽
戶部有糧廳而收放祇受其成卽巡視有科院
而錢糧強半不掛號賢否總聽彼愛憎止是戎
政協理一人虛寄其尊於諸武臣上無一可與
商確者承上啓下曰六副將而六副將者非其
倦飛而還則其養俸而出屑累而下之把總書
識俱惟總督樞房爲主如登答冊會查冊六副
將自造而自矛盾之按此爲查餉鐵鋼失二萬
四百餘兩申請釐飭也

紀京營捕營

國門之外而五七十里之內皆禦人之場矣或
二三人或四五人或一二十人跨馬持弓遇行
旅而盡劫所有不則立膏於原野或借貸於富
室傾囊而去傳聞頗有營軍莫若責成營官一
軍爲盜罪及隊總罪及中千議及將領各庄村
不可不立保甲之法也捕營專以擒盜爲主
都城以外或三里一撥或五里一撥務令撥撥
相望有零盜則零擒之有羣盜則羣擒之甚有

無夢園集 漫一

重

深林之內孤村之中緝訪窩盜當出其不意而
擒之或捕營把總於城外要害之地輪流居處
往來不時稽查如把總玩愒撥軍坐視當以軍
法究處在京營能禁其爲盜在捕營能擒其爲
盜民獲寧止商便往來矣

紀京營四衛營

三大營軍選懸無輔之刀揮無羽之矢寅集辰
散以爲故事猶曰以一人食一人之糧也至若
各爲四衛營勇士管籍同儕羊人類軒鶴卽有

人焉皆受粟公家買閒私室莫若以四衛營勇
士管軍丁皆分布于三大營核實操習使有一
兵得一兵之用而餉易省予一餉受一餉之實
而兵益精

無夢園集

卷一

羊

紀練戰兵

一分信地練凡地不同形則營不同勢戰不同
法如阻山利於埋伏倚水利於火攻險隘利於
步軍平地利於車騎宜各就其所便者深爲圖
而預爲備選定某將長於此發駐某地某將長
於彼發駐某地信地既分各授方畧使之如法
聽習則耳目熟手足便心志安臨敵不忙一面
有一面實用

無夢園集

卷一

羊

一分管隊練凡兵所以逃陣者以營寨不固如
行人無家戰一不利無所歸命不逃得乎故宜
先定營或憑高山大川或聯戰車火車或結木
柵坑塹以爲營選用輕騎若干更番出哨時伏
時見時近時遠以爲爪牙勝則率然盤踞之勢
也卽不勝而有營可歸較之亡命野竄者遇賊
殺遇獲亦殺人誰敢逃營定矣再議隊一隊各
練一事如中堅定策前鋒直取後勁疾趨左右
翼策應中不得練前後左右之事前後左右不
得練中之事夫定而練則有專攻矣不侵而練

則此不旁驚彼不掣肘而愈專矣一月紀律不紊三月技藝精熟必勝在我何憂兵逃

一分南北練如山陝兵 川湖兵 河浙

兩廣兵 遼兵 羣聚一處聲音不相通

精神不相屬卒而臨敵乘危忌勝往往有之謂宜南將統南兵北將統北兵使各識其嗜欲各惜其甘苦而後將與兵親兵與將親

一分伎倆練懸十科以來之玄機先覺從薪惜著者爲一科精研三式要言奇中者爲一科默

無夢園集 漫一

三

奪造化妙運風雨者爲一科鼎舉千斤猛伏三虎者爲一科疾足神行日數百里無梗上杆無梯踰牆趨險跋山如乘奔馬者爲一科入水不沒無炬夜行過舟鑿沈逢寨放火者爲一科草行蒲伏善作犬吠寂入寂出偵探賊情者爲一科慣說夷語善造誑言密出口外散楚引降者爲一科苦肉示信陰事爲媒賣降打細反間內應者爲一科通曉疊法伴作膳夫潛施慢毒坐收奇功者爲一科果隨材器使破格任用今天

下豈遂無人應者

一分器械練勾頭砲狼牙棍袖弩飛石皮盔皮甲多不知用按勾頭砲乃守城第一要器取其下打賊不能薄城謂宜每城五塚設砲一門專兵演守自足金湯狼牙棍乃格鬪第一利器入面鋒稜鎗刀有時鈍折而棍獨縱橫不壞且凡有膂力者即可使無他妙巧必久而後習也袖弩在袖人所不見拾矢連發即見亦不及避人宜挾之以防身飛石遠飛百步勢若霹靂賊

無夢園集

漫一

罕

攻我從城內飛出賊守我從城外飛入著木木折著鍊鍊斷著人人爛川兵善用之最宜做其制多蓄軍中皮盔皮甲以漆和砂雨水不能透刀箭不能傷且費省而輕便一一如法造練

京管練兵

汰兵在汰冗食之兵故餉足練兵在汰老弱之兵故兵精此其故人人能言之而卒不能行之者何也徒言而未得其肯綮耳今欲汰兵若過於張皇則譁若仍因循則怠過於紛更則亂若仍玩愒則窳今京管請以四季汰老弱則不張皇因舊例許更替則不紛更今未嘗不汰准其子壻姪甥告替然衛所補軍卽有精壯當隸籍者而官旗多方需索非費數金歷數月不得走

無夢園集

卷一

聖

牒了諸衙門事未沾升斗已不勝借貸之苦故營伍久虛壯勇難得縱有孟賁烏獲無數金銀官旗非耐心守數月終不得廁名於版籍壯士顧肯爲之用哉莫若預檄諸衛所某衛汰去老弱缺伍若干名准本軍引壯丁替役定期告示某日補軍聽總協大臣會巡視科院兵部驗軍主事戶部驗糧主事率諸衛官旗或詣演象所內公同選補立石輕重三等以試其力弓弩兵器以驗其技各記其年貌立冊某衛補若干基

所補幾何隨卽取其收管驗軍廳卽日照冊驗收驗糧廳卽日照冊起糧巡視科道卽日照冊上號總協軍門卽日照冊收管不終日而六衙門之事畢矣如此一日便得壯丁若干行之數月則三營皆壯勇之士矣汰兵而營伍不虛更替而新舊不擾

練禁兵

錦衣一衛隸籍者不下四萬先年萬指揮曾簡三千而團練之號曰禁兵營夫此三千人者無

無夢園集

卷一

聖

月糧之費無召募之費安家之費羣聚而訓練之不特可以懾外夷窺伺之心抑足備禁城緩急之用奈何魏璫以內禁兵之制易之而外禁兵營之設迄今猶未復也

揚州屬京操

文皇帝北遷京軍單弱而移中都山東河南等處共二十七衛所軍定作春秋二班循環更番都司統領扎付指揮千百戶等官各率本衛所隊軍赴京無事則看守城池有警則隨營調用

承平日久流爲姑恤班軍到京惟在內做工則
奸人乘機作侵盜計矣卽以揚屬三衛四所之
軍弊言之京操軍一名例領屯田一分自行
耕種甫起身先領安家糧銀一兩二錢到京又
解給大糧銀二兩四錢每月給米四斗又領鹽
糧賞賜一軍記算京操半年共領糧銀六兩何
嘗有負于軍也詎遭各衛所有等奸軍巧立衛
總名色掌握各項錢糧貢緣領班割付申全隊
長坐衛賣軍科歛私貼正身赴京工操者十無

無夢園集 漫一

望

一二抵京則關同京棍名曰債主將衆軍行月
糧銀先入債主之家零星借出銀水八折月利
加三領班官意在侵漁卑詞請教乘黔遼之亂
倡言操軍到京不援遼則調用愚軍信以爲真
規避脫身遂爾願貼者不啻八九貧富不等賍
入割付衛總隊長之私囊錢糧盡爲債主奸人
之魚肉及過堂交軍催覓四外流移權宜應點
如遇工操事亦如之且言高郵衛春班八百一
十三名揚州衛秋班六百零三名春秋二班每

軍做工止輪兩個月所僱之人每日不過工食
五分共領銀三兩則每名每年除得錢賣放外
尚侵尅糧銀三兩二衛共侵銀四千三百有奇
矣况自泰昌天啓崇禎元年三蒙

皇賞每名共銀八兩以一千四百一十五名軍
算之則共賞銀一萬一千三百二十兩而此項
恩賞各軍俱無正身歸于何所揚屬如此他省
衛所可知請乞兵部咨行撫按將各軍清查褫
革老弱挑選精銳一半卽以老弱屯田糧銀併

無夢園集 漫一

望

給精銳選委廉能官員操練如遇輪班率領上
京務遵

祖制照舊防守聽調如遇退班回衛照常操演
防護本處地方此係土著精兵有家有產決無
逃亾之虞

練專營

選鋒戰兵宜專練二營選將官之智信仁勇嚴
者領之訓練在將則多給家丁令其毋尅剝兵
食在兵則加厚月糧令其毋內顧身家專一練

習各人擦掌以待戰平時撫待有體訓誨有方
上下一心如手足之捍頭目一領行糧卽刻就
道

練竈丁

國家備禦之策非西北虞邊則東南虞海顧備
邊外之邊易而備海內之海難何也邊之外夷
虜環居猶可以垣墉限威力制也若海之外玄
菟樂浪昔嘗爲中國患迄今海不揚波者七十
餘年至于濱海諸場灶丁動肆殺戮而盜賊又

無夢園集

漫一

聖

比比勾引興販致釀邇來海賊王虎之變焚劫
空數百家之財屠殺喪幾百人之命況大灶小
灶之爭十年未解乎此海中一腹心患也淮之
南北有上下中三十鹽場皆邊海斥鹵延袤數
百里而遙卽漢吳王濞招娛遊子弟煮海富強
倡亂地也勝國之張士誠卽草堰場竈丁也其
場密邇丁溪至今兩場之人每歲首必持械而
爭以爲年例歿傷亦所不恤此則流弊之一徵
也但其人朴直其氣果敢棄之遂爲龍蛇練之

可爲貔虎計在端表率乎嚴防範乎練竈勇而
兵不必募移營署而將不必選也此安竈卽所
以防倭制陸所以禦海也表率者何分司之官
也蓋十場各設運判一人督催鹽課職雖會計
其臨馭則郡邑之守令也百里提封九邊軍餉
實主持是而灶丁榮瘁具爾瞻也豈可以白眼
之貲卽任之駸削日工催科日急風俗日偷灶
產日瘠又重之以雨暘不時煎煮失望誰甘溝
瘠而不爲興販劫掠之事乎所以有前日之亂

無夢園集

漫一

聖

也在昔分司專以甲科當其任弘正間禮部觀
政進士徐鵬舉特擢中十分司以理學倡化頑
俗時有王心齋崛起其間陶樵率皆入道今雖
窮亂而安豐富安等場絃歌之聲尚未絕也今
誠擇廉威之吏使之各安本業則風厲之司宜
重也若防範則有保甲法立里曲之長嚴比閭
之稽非種必鋤邇俗必勸而又設械聚兵歲教
月練平居相助于守望變亂卽壯于干城况理
學之淵源未盡泯也諸場各有灶勇每十場以

一千總統之一場立一百總其官皆土人其餉則鹽羨原以濱海之地防倭寇也不循九邊防虜兵乎相沿既久其人不任干戈耳目不聞訓練名存實亡一旦迫有倭患三十場海口在在可犯可蹂如掘港餘東之諸洋小海之茅花墩東台之丁美舍劉莊之北團皆嘉靖倭奴闖入之處也天啓壬戌當事者慮及于此則設灶勇守備以中式武舉任之使練三十場之灶勇募民兵六百爲防守教練之選鋒最善策也乃金

無夢園集

卷一

學

駐札揚州距場數百里顧名思義設官謂何曷不卽以所統之兵移駐于茶場近海之地南聯掘港大河諸營北聯丁美廟灣諸營相爲犄角爲邊海之長城卽以土人千總別選二三科武舉及實職之有膽略者充之教練各場灶勇總隸守備與餉兵一體團練如謂道里遼遠不能兼三十場則灶勇守備止統中十練之上十則掘港守備可團練也下十則廟灣遊擊可團練也如此沿海皆可用之兵海口有金湯之固卽

鹽盜亦不能竊發矣海內安則海外可防民生遂則煮海不擾鹽課足則邊餉無虧此一舉數利之道也

自淮安以達天津其地薄海多鹽場鹽場竈丁恒以勇力聞昔曾率之禦倭今宜從竈戶中選其壯健者充之合計各路鹽場其竈丁亦當踰萬因而寬之以利卹之以恩賞則倍于官兵罪則輕于衆犯務使其心樂爲我用于是北至靜海南至利津鹽場旣廣而竈丁亦衆驅之海濱

無夢園集

卷一

學

可以禦倭守之于淮復可禦盜軍衛之屬協以助之而得無關之監鹽課之徵減以利之而得不食之兵糧運可以無虞中原可以強固

磁兵

磁管原額毛兵一千勇兵一千武兵止六百名月餉二千餘金毛係嵩雒汝陝鹽礦之徒勇乃招募土著之卒而武兵則各州縣之衙役是也大約磁管毛兵以千爲止勇兵以千爲止其府試兵散之三府各州縣俱食本等工食大約亦

以一千爲止武兵仍隨府營操練每歲值春秋蒐彌之際本道檄取到磁合操一次則磁營之兵不期年而可得精銳之三千矣無事保障兩河有事聲援三輔計固莫便于此

衛兵議

各州府通衛指揮千百戶若干員與國同休戚受恩既沃圖報當殷其前後左右中各所軍丁不知若干人官而出衛管事軍而管船運糧已各勤於王事無論矣至如每祖軍一名蔓延軍

五步圖集

漫一

吳

餘或十丁或百丁俱爲軍籍在衛當差富者勸索常例貧者喚給使令祇爲私圖不爲國計豈聖祖置衛設軍之意也合責令該所印官督同本所閒官查軍餘年壯勇力者若干人無容隱漏刻期操演卽以本所屯糧量供軍餉富軍求逸者責令供一軍之食以補其餉之所不足及至操演技精報名造冊合於操場較藝果有一可當十百可當千者本軍倍加兵糧重用而該所官亦以此見其殿最卽當獎薦以鼓其精進

之志則各衛所軍不啻巨萬計而情軍皆精兵矣

兵制

清查管伍簡汰老弱嚴革占役痛祛影射申禁迎送擇其精壯者爲騎兵次爲步兵驍勇者爲戰兵次爲守城之兵皆于平時操練習慣居爲壁壘出爲行陣坐作進退之有方戰守攻取之有法合練而成師成旅分練而一器一藝又如長短欲其相濟刺衛欲其兼施則五兵並用無

無夢園集

漫一

吳

執一偏又如弓弩火器更番迭放長鎗短刃因力量材則泛應不同無執一局風行雷厲谷虛響應豈與夫統袴之子烏合之衆同年而論功哉

紀省兵

火藥軍器弓箭等局匠一千若按實功尚三百且營兵原有兼匠造則繇局脩則屬營可耳又工沙兵八百其沙兵二百爲運船到岸扒沙進口必不可已者若工兵既有班兵盡可省也

運夫一千六百內有海運陸運站運撫運輻運五項運之者駝騾牛驢也夫尚可減五百是雜兵實四千而足也又班兵坐八千此薊鎮十二路之兵而借用于遼者歷年多借薊邊盡塌大稱不便且每每秋班到遲又寒迫無濟通計薊鎮春秋兩班共兵四萬今不若議定每年春秋借八千而此得實益彼不盡妨然止算糧半年作兵四千是已上并雜兵而止八千耳又有大同固原每歲入衛石門路兵共三千此兵多屬

無夢園集

卷一

事

而類班兵止可守路無他用議有移其本糧之半并此地原額永餉新增遼餉儘足募二營爲常兵何必相苦乎此外則鎮協管堡戰守之實兵矣前布局內定關鎮二萬前鎮一萬七千寧鎮二萬三冲各一萬二千共三萬六千是合鎮協管堡實戰守兵九萬三千也并雜兵班兵入衛兵一萬一千是通計兵十萬四千而無項不備無項不足卽以步兵每名每月一兩四錢算可省折色二十二萬餘并米八萬便省餉三十

萬又省其兵并可省其千把百隊及統領之都守若干餉也此後惟有收集屯民立爲鄉兵更不可再議增兵也此後惟有召募丁壯頂換老病亦不可再言銷兵也或有在標在堡而止千止百者仍以千爲千總百爲百總五百爲把總豈必有異按此實之不知可省幾許千把百隊并幾許守都遊叅并幾許加衛守都遊叅也

紀虛冒

如嘉靖初京營軍月支米八萬石今倍三矣兵

無夢園集

卷一

奎

不加多米數轉添以此推列鎮宿兵六十萬關內外十二萬江東十五萬其餉亦復如是然按之冊籍則森然覈之行伍則索然財力有幾能堪若輩之乾沒乎此虛冒所當嚴也

紀軍詐

或割殘卒以邀功或拾斃虜以圖賞改頭易面妄異雍齒之封或尾其去而回首揚旌或潛爲歸而假作唱凱捏鬼擬神謬作之反之狀

紀恤死

已斃之遊魂衰草無依方殘之羸卒飛燭可燼
委道傍而莫恤棄荒丘而誰掩父母旣不能以
爲子而妻孥又何恃以爲天羽化無踪冤聲四
起士卒且謂之何哉是必將歿可封士歿亦可
賞千金之駿骨一收則何驚馬之不可以空群
也生者有家歿者亦有子一場之忠孝不泯則
何螳臂之不可以奮飛也生時固有貴賤歿後
原無大小是矜恤一款尤屬秉鉞者喫緊

無夢園集

漫一

卷三

調川兵紀事

劉綎初出額多調川兵部裁抑之中途一揭得
請乃已仍量增加此部誤也劉用川兵如戚用
南兵宜盡如其請以損他省應募之額乃拘于
按地派兵之例挫失機會至今日則川兵又不
可恃矣何也將非其人也最可笑者調兵止欲
足數不酌時宜而川湖貴三省土司之外別有
無主苗民如紅苗犵獠仲家者近歲多調用之
遼之始壞也安與彭同調水與蘭同調以世仇
殺之人並馳而入國門如沿途脫逃進不能到
遼退不敢歸穴誨之叛耳故有預慮報怨貴州
以梗塞雲南者余十年前向人亟稱之在今除
調川湖兵別無他策宜亟選川將俾所在訓練
各爲一軍以此占將之能庶不至挾所重而逍
遙也

無夢園集

漫一

卷三

錦永舊聞

武臣世爵自公侯而下卽數錦永文臣如于忠肅公其扶危定傾之功而當年身後之蔭止於外所一正千戶追其後也亦止陞襲外衛指揮比至萬曆年乃始更定錦永指揮蓋文臣得一錦永若斯之難也况邦政條例非親斬不世襲乃文臣無論崇卑或稍奏捷必蔭錦永而武臣卽百戰沙場身膏鋒鏑之元戎止蔭外衛不平孰甚焉

錦永圖集

漫一

書

紀軍中神器

如用弓矢近中易遠中難近則力強遠則力弱所以夷虜之箭必近發必奇中而中國反是謂宜今後習射不用張鵠只以尺許長小圓棍置地四十步內射之則棍自轉動射到矢矢中棍射賊必無虛發矣

如用毒藥欲緩不欲急欲暗不欲明前軍食而死後軍相戒不食是急未有不明者也妙莫妙於慢毒趙王如意以十四日死宋江諸人以五

無憂圖集

漫一

書

日死皆慢毒也今日得五日十四日之毒相機中之奴之入吾彀也無算矣

如用毒烟夫烟之入人也耳目口鼻其實四爲毒甚於藥今輒置不講何也彭天祥火龍書無不精備雖其人以他事去試做其制而盡其長何以誘賊而使之必趨何以鋼賊而使之必受何以蓄烟而使之暴發何以留烟而使之能久何以伏兵要截而使之突烟奔潰者不得免竊謂此烟賢於十萬師矣

如用蒺藜試於白日不效試於黑夜必效迎賊之來路不效斷賊之歸路必效硬地不效無沙地不效無草地不效須置於沙草相間之地蒺藜即染土色草色賊見土見草不見蒺藜而後蒺藜得妙其用徑寸之鋒躡千里之馬兵未有奇於此者

如用刺馬鎗馬非盲自櫻之乎人非盲聽馬櫻之乎不櫻則鋒雖利不能加於馬也謂有必中之法二焉日將曉引賊入隘以刺馬布其歸路

無夢園集 漫一

美

而隘之盡處砲弩隨之賊必却走晦暝路崎刺馬塞路安所避之此用隘之法一也賊來要路掘地爲乾河密布刺馬而引水灌之我軍隔河列陣佯作渡勢賊必衝突而來一入水中刺馬如林未有不櫻其鋒者此用水之法一也其鎗中更貫毒藥馬中不救

如用絆馬索以韌繩爲之內貫鍊線三條一取其堅一取其懸翹當路馬來易犯即賊知爲索不知內藏鍊線難割也每一索釘一板每置小

刺馬一具長一尺五寸馬被索而蹶其鎗直刺胃腹必立斃蓋賊馬出必用甲馬蹄必用鍊脚而蒺藜之用窮故又須用索器分用則勢窮會用則毒熾也

如用戰車自來稱有足之城不餉之馬列營必須之但利於平地不利於山險更有說者我倚車往而彼以火輪來我恃車上之鎗砲打而彼以鍊騎衝則車之用窮謂宜於車外埋伏刺馬一層火砲三層軍士輪直又遣游兵出沒遠哨

無夢園集 漫一

老

俟賊來著刺馬畧阻驍騰火砲相繼而發賊必潰而走不敢近車即近車而車上鎗砲又發矣如此而後營如山立深入無虞亦相兼合用之妙

紀火器

火器爲中國長技臨時射打不熟皆因平時習演不慣今以招募烏合一旦臨戎心膽既不練器手不相習坐致將士爲擄而以火器資敵又不特益甲馬匹已也使奴得之反以攻我今後

凡火器必先得人勿得輕嘗輕試一切招募烏合萬不可用所用火藥不必合成將硝黃灰料各自盛裝臨時旋配旋用庶不致火燥之虞卽不幸爲虜得之彼不知配合爲藥是亦土羹耳

紀禦倭刀

倭之刀最精利長六尺兩手兩刀共長一丈八尺雖左刀以木假之然其右之真者亦足以殺人而無敵故中國之畏倭者畏其刀也而制刀之策一切鈹棍短兵俱不濟事必用丈八長鎗

無夢園集

漫一

渠

蓋刀能傷人不能自衛惟長鎗可以乘其破綻而人之故禦倭以長鎗爲上其次則用狼筈等器因刀雖快利一有兜礙便不稱手昔年任兵憲殲倭于婁門外陸涇灞出狼兵之鈎刀手則以兵憲密囑諸軍以兜礙之說於是皆用青布水漬之俟倭相近撒去倭刀粘滯不便揮使而鈎刀手急自地滾去鈎斷其足先鋒旣死餘眾辟易是日殺倭三千皆用計以制其刃故也至於北虜所長在弓馬馳騁禦之必用水戰昔倭

亂時河北號將宗禮少林僧月空皆以馬步不便宗死于阜林月空死于齊女門外故自來譚禦北虜者皆云當效南方浚溝洫植榆柳故曰井田廢而胡馬南馳也

紀京邊造銃臺

夫守城之最得力者莫利於神砲今神砲已貯而銃臺未築是有用之器置之無用之地也詢歷覽海島見濠鏡澳夷所築銃臺制度極精大約造之城上於城頭雉堞之下做一石竇以便

無夢園集

漫一

託

發銃城內仍加厚一層以防銃之伸縮真堅固之極活動之甚比之寧遠銃臺專爲佛郎機等銃用者大不相同今京師及邊關險隘之處宜做此式造之

紀採神砲

神砲出自紅毛夷國今廣東濠鏡澳夷亦能造之此實天意假手澳夷以固我金湯者前廣東所解頗少以未有處置澳夷故廣東不敢擅而夷目不肯應也今邊疆如此則需用尤甚宜請

宣諭澳夷咨兩廣總督擬價酬之庶
多多益善而我封疆皆堅壁矣

紀造鳥銃

西洋鳥銃其製甚精今廣東澳夷與近海之民
俱倣而造之獨官司不能取耳其銃長六七尺
孔竅甚巧發之直而利遠射的百發百中且一
面九子以九子連發可殺人於百步之外洞穿
堅壁一彈可殺數人勝奴之弓箭數倍實一可
當百者倘造數千面以爲搗巢先鋒仍募粵兵
無夢園集 漫一 李

啟習練成一隊則強於壯兵十萬矣

紀造戰車

車戰之法必不可無而造車之材未得其妙以
北方產無良木彼督造之人貪婪滅剋又以朽
腐爲之操練日久櫛風沐雨比至乘車而戰非
衡軸折則輪輻裂爲誤甚大平日費財造車臨
時無一車之用甚可惜也惟粵東所產紫荊木
質實而性勁暴露風雨十年不朽其價值亦與
檀榆相等請派定一車之式鋸爲條方採運前

來不過度嶺一日畧費夫役此外便可乘舟渡
江及河徑至通州造爲戰車則堅固渾厚保無
決裂以四年一採五年一修所節省公費亦甚
不少真愈於一年一造而無實用者也

紀製牌兵

夷虜所恃者惟弓與馬而我之罷駑不能當其
電掣我之弱鏃不能當其雨箭利鈍甚相懸也
等兀求拐子馬惟岳武穆得以制之無非斫其
馬足已耳愚請練兵牌以拒之浙兵多用圓牌
無夢園集 漫一 李

而形短不能蔽體卽西兵用挨牌而性剛不能
當鏃惟粵東之長牌以沙桐木爲之包以皮革
則其質輕舞運可以如意其性柔又箭鏃不能
破裂粵兵演牌左手執牌右手持刀可以蔽人
體可以斫馬足與鳥銃夾隊列爲前鋒真破奴
之上策也粵東先年征黎黎之弓箭更勁於奴
而長牌勝之

紀軍器

軍器乃閩鎮之精銳遼之精銳盡矣今欲整器械匠作何以招徠物料作何置買牌弩有益於遼亦今日之急務司兵者當亟考求而置辦之

紀砲

車砲不便又改爲騾砲似稍便矣然一人騎馬又一騾馱砲遇敵人下於馬砲下於騾然後量藥春底藥子蓋口剪線插線用火繩以箭則十矢可發以馬則里許可到矣前柳河之渡棄千

無夢園集

卷一

三

餘騾砲不能發一也人知火器爲極迅之物不知火器乃極鈍之物故不得已於關城議用中等撞砲每砲兩人擡一人賁藥子兼裝然幸關內外所備諸等之砲儘多足用先爲裝就三千隨所向稍鋤地卽厝放雖遇敵數萬每疊用不過二三十砲豈十餘疊尚裝換不逮乎又恐不能及身則用小鎗伴北誘近或入面埋伏忽起攢打乃有濟否則凡一切火砲既不能移而就人人必不愚而就砲總飾觀虛具未有一效者

其鳥鎗改爲三眼鎗者亦以一砲可發三耳然總要制之如法放之使熟或馬或步必以五六百爲五六疊無不濟不接庶得益耳

火藥於收硝之時原有四等有牙硝有盆硝有鹽硝有礬硝冒收濫價十已無七後庫與局局與營三爲串弊發十分之硝已欺其三製十分之藥又欺其三及各營赴領而又半藥半折局官復以充新製今若欲查藥先要各營以火器若干列之循環簿不論大小名件止以用藥多

無夢園集

卷一

李

寡分別等第一日演放通用若干每月演放幾次而藥可定矣聲聞耳察而演放虛實又可定矣不然製藥收藥領藥之虛萬千不貲也

馬政議

夫車兩價取之近畿現取現給而馬驢料價協濟之南直浙江江西三省地隔三千里取經半年馬驢頭鬻妻賣子賠墊不足先年河南黃巡按請爲對支之法時以地畝驛傳錢糧分屬戶兵兩部不便通融抵對未經部覆而止後有任推官而力行之者今協濟州縣代本地州縣解錢糧而本地州縣代協濟州縣給馬驢價每馬減貳拾兩每驢減壹拾兩以其所減免民之

無異國事 漫一

卷

加派以其所抵對救驛之賠累引而伸之何必差討驛驛 題參煩聒也

正德年來積有一千餘萬之馬價自萬曆十八年借起至天啓五年借盡爲戶部借者一千餘萬爲工部借者八十餘萬

戶工兩部歲入以百千萬馬價歲入止四十餘萬乃反借馬價銀一千餘萬久假不歸至各鎮議馬價復專責之兵部而兵部復轉責之太僕寺各鎮議撫賞戶部又責兵部平給兵部原無

絲毫錢糧太僕寺又自給之不暇而斷不能爲兵部代給致 欽賞擔誤邊兵乘以鼓噪

祖宗設三大營以操練巡捕營以備盜四衛勇士通州張灣真靖旗手等營以固京城內外軍十餘萬隸職方武庫等司馬四萬餘隸太僕寺車駕司軍糧馬料三十餘萬隸戶部太倉每歲馬缺 補隸山東河南北直三省每歲馬到寄養隸近畿富戶總謂京管轄之總督協理巡視科院乃行之既久罔寺職生馬依俗烙兌而糧

無異國事 漫一

卷

料開任不知駕司職次馬驗割給單開支而椿朋銀支解扣給月日不知下糧廳職支給扣截而以倒走變納之月日爲料草支任之參差不知駕司馬政一官職掌不修一至于此

祖制各營馬匹每年春秋季終歇操太僕寺擇日會馬政主事京管科院大烙每年缺額補允以夏冬季終太僕寺會馬政同烙每倒走被盜買補則馬政驗送罔寺逐日零烙今乃變春秋兩季之烙而爲年終之總烙日久毛長印沒倒

走無稽故有臨烙而報倒者有臨烙而報病瘦
變賣者准令大烙之制仍復春秋二季而補烙
之制仍以秋季總督查 題本部覆補夏冬二
仲太僕寺取馬夏冬二季會部補兌以爲春秋
二操之用

准令馬政行每營置印信循環簿二扇以半月
一轉報銷前件而倒後血皮定以三日驗割驗
割決打責成馬政一人各衙門俱以文移相報
使軍無所藉口軍貧冒領者責官官賄申隱者

無夢園集

卷一

五

扣糧匿皮不報者不准 題補

祖制各營馬隊官軍每歲出朋歲以六個月爲
率每月都指揮指揮一錢千百戶鎮撫七分旗
軍五分遇馬倒失貼助買補又一款各營遇支
放糧料折色之時預將應出朋銀官軍姓名并
朋銀數目造冊過部轉送戶部照數扣除有餘
方行給散不足下月扣除其扣過銀兩戶部印
送過部轉發太僕寺收候買馬支用益以匹馬
百金而量追朋銀互相覺察而止追六個月者

又寓優恤于覺察之中令戶部扣解者又省侵
尅于追徵出納之際也至中軍千把等官原係
衛官撥管營事指揮千百戶鎮撫以實職支俸
薪于本衛而不更以虛銜支馬於該營又

祖制也乃黠者捏指軍名隱冒騎馬而近復簞
稟當事人給一馬則又異穴

祖宗立法令各州縣輸之又令各軍選服習之
令同寺催解養兌之又令馬政十年換單稽覈
之以三十八年換單之馬迄今十九年不換而

無夢園集

卷一

五

馬倒不報徒蠹太倉草料支料無憑徒苦奸胥
魚肉甚哉換單之役不可以已也乃向來換單
者或總發該營層累而下之有一單而費至貳
叁兩者或馬政親發馬無所印記有一馬而騙
十餘單者

紀馬

大敵在前用馬爲急張家口潘家口揔又嚴禁部落不許市我是虜知重馬戎心叵測我惟有招買之一法耳必大發駒牧之金慎選勤幹之官見買賸壯之馬乘秋冬之便俵給兵丁始可以濟燃眉之用若按成法守公令則緩不及事何以爲衝突之資

遼東孳馬

對戰必籍于馬而販馬必資于餉蓋以餉而入

無夢園集

漫一

三八

奸商既喜侵分以爲利以馬而散兵丁又苦牽累以爲害是以日販而日不足以壯營伍然則必何如而可蓋販馬不如養馬養馬不如嚴法一兵給馬隨以食給兵兵不飽馬轉以飽已且無事而馳驅日遊市路之中夜其槽櫪之餒必責在營將與千把總倘有倒死本軍究治營將千把總賠償督責嚴則馬自壯

儲馬

山東山西河南鳳陽一帶多植榆棗廣開牧場

給以馬種春秋課養務使人馬兩驗肥瘠定其功罪公馬不許私貿郡馬不許外借若是則馬始集

紀做京營覈倒馬

京中三大營每歲終查叅倒過一分將卽有罰今不歲限一分卽月限一分則二千餘馬一營亦止可倒至二十匹然果月倒一分不十月便倒盡耶此後月限二釐歲限二分踰二分中千把百罰賠至三分將官罰革不亦忍之甚乎又

無夢園集

漫一

三九

三大營馬一年倒死者軍買賠至三分二年納椿四兩五年納椿二兩五錢十年一兩五錢十五年納椿一兩今卽不能如此倒賠量以一年賠椿三兩三年賠二兩三年賠一兩不亦忍之又恕乎如此限制亦使人稍有傲惕然猶恐不數年而馬倒盡矣至馬之不飽者何故弊在尅芻料則三大營亦有年終點烙打瘦馬之法今按季烙之印分上中下三應印上應者免責印中應者責限下季改印上應印下應者責卽押

喂壯一月復點改印上應否即要買賄法雖嚴矣然必買芻買料運而給之恐無飽期也必須以屯濟其七八以抹佐其二三五萬餘馬實可省餉百萬餘未有既不進取又不就地辦芻料而坐困天下之理馬之所以不堪用者何故不練不堪用也

紀關門市馬

內開十五兩四錢者直可十兩上下十四兩六錢者直可七八兩十二兩者直可六七兩耳而

無夢園集

手

且多有三四兩加塗馬之類者及問其所委則廣寧官也其家人及其商伴皆云每馬以十兩十一兩買者爲頭號開十五兩四錢八兩九兩買者爲二號開十四兩六錢五六七兩買者爲三號開十二兩再問商伴各號併原價亦不直者何也答云此馬非與夷人對買者凡夷馬一到先儘本地營路及將官之販馬者揀去好的餘始爲本地棍商以貨抬買如馬一匹實直八兩者本地商以貨抬美十兩十一兩買之因勒

我等照抬算價實實兌銀與渠轉買而我亦多開十五兩四錢以領官價其實直原只八兩而已耳嗟乎本以彼地揀剩之下駒復經幾層手增幾番價以騙我上駒之直奸商即乘人之急而邀之不應多冒至此

無夢園集

漫一

主

滁州復馬政

高皇帝釋水草豐美莫過滁州平定天下多倚此馬今牧夫亡牧田亦亡坐兩太僕于醉翁亭畔歲課二十萬金不過遣一戶部司官足矣竊意畱種馬如故必倍解京之獲策應中原冀非三秦以次悉復矣否則臨敵易將忌也臨陣買馬謂之何哉山海關馬疲甚寧遠不然以有騎戰馬斬之令也然則馭之有方矣生之豈無道哉

無夢園集 漫

七

茶馬

茶法馬政所以羈縻西羌資藉騰驤所繫豈細故哉迺近日茶法之敝也河州一司極矣非低惡以售欺則濡滯而不至遂使馬政之壞也小則馬缺舊額大則番肆陸梁嘗竊議之其原皆起于該司官吏之需索常例常例既得則茶之好惡不問而商人攪和之奸行矣攪和木葉濫惡相欺遂致總理通官入司揀擇恣其去取而法已陵夷矣又有土著商人豫先盟結總理將

無夢園集 漫一

五

好茶寄頓中途惡茶運到司庫稱堪中馬以欺監收及至貯庫或二三年不卽領出而又復以好茶變賣得價再賄總理通官囑當官庫缺茶故率遠番馬票赴討茶篋齊稱某茶可堪給借止准一照以俟商茶到還臨至還茶則遂措索遠商無所不至于是遠商苦累或告寬限或告改司或告二引而止運其一沿途私市所不能禁沿途攪和又所難知是以遠商土商茶無不惡而總理番頭入司揀茶越無顧忌甚有領茶

出司嫌其惡而焚之訖然以去者此卽駑駘且不可得而尚其驥騏乎故司馬者但得番不擇茶卽我又何敢擇馬弱病老弱但求充數而又有牙行索賄番族老曰未老病曰無病又有委官憚苦守候老者亦領病者亦領惟利是求苟且完事方卽倒臥途中安望列成雲錦且累年茶缺不得一馬以致領馬官軍千百成羣作耗地方倉廩枯竭苦未可言此馬政之壞先壞于茶法者也至于死寺之馬舊制原自赴領而

無夢園集

漫一

話

二十年來改令佃戶運解強有力者賄脫窮無力者領焉喂養無料有未解而先歿者解至少費有刁勒而不收者先歿者責之賄不收者責之換而有變產鬻妻子不足以償一馬者矣則庶幾不歿而逃逃則屯荒屯荒則糧缺此又馬政之壞貽害於屯政者也今宜于俵中之法著爲功令重私茶之禁恤遠商之苦嚴革常例之索申禁惡茶之禁禁土商而絕其結拜之情懲總理而嚴其陳茶之令牙行取具結甘而責以

賄補委官派其輪領而紀以功過死寺之馬仍赴領于河州六所之軍量輪派於經管實茶屯地若干編定佃戶若干死寺領馬人到該佃戶同領馬如此則茶不病商番不缺馬死不累屯其於軍國有攸賴矣雖然竊於馬政抑有說焉嘗讀詩曰騶牝三千又曰駟駒牡馬周禮曰種馬一物又曰凡馬特居四之一夫種卽牝特卽牡也又有曰執駒謂羈繫無令近母恐傷其血氣也又有曰攻特謂其蹄齧不可用故騶之卽

無夢園集

漫一

筆

俗云駒也蓋古人之用馬於戎田齊道之間者未嘗不牝牡並用而特止居四分之一其有攻之者亦無幾而駒則執之云爾今世馬惟用牡所以駕乘而征戰者未嘗用牝而其所爲牡者又往往去其勢而絕其生道皆如俗所爲駒馬者如此則中國之馬安得蕃碩而九邊所爲茶中于諸番者又悉惟駒馬是市而牝不與焉間有得牝且旣生駒則又從而變價以備他用馬政不舉武備不脩曷足怪哉夫就茶中論則牝

之價輕于牡卽就馬論牝之才力未始無超於牡者今不程馬之才力而驟棄其牝何說也且自昔天馬皆稱西極其種既貴以黠番之智恐亦正不欲吾得其牝者並不得其牡之原者以蕃孽息而種相庶也而吾乃習焉而曾不覺遂不能爲孽息乃以自蕃而必年年資藉於彼是吾之須馬更有急于彼之須茶亦大非計之得矣今宜于中國急懸駒馬之禁萬一蹄齧不馴者始攻之而俵中于番者則牝牡兼收駒產於

無夢園集 漫一

茶

營者則驗印以給而又齊其飲食簡其六節辨四時之居治設巫醫之士史其任同政者又必秉心塞淵無疆無期無邪無斁之選如此卽龍媒天駟林林朝野於以馳騁四夷可矣不然者西番各族雖爲中國藩籬實爲韃虜耳目畏威韃虜歲貢漆巴其本心也若附順中國偵探虜情不過利吾撫賞資我茶斤耳一旦撫制失宜反肆搶掠肯爲我禦虜耶又肯常以馬易吾茶耶故茶法馬政不但相關實諸番叛順之原也

茶馬之例倒持

祖制茶一千斤必虧其數示番虜珍且重也其法大壞于憲胥悉予虜虜與番番無所求于我而求虜又預買三年之茶以防中國之覺知豈惟不求我也而且不畏我蓋余與永平鄧兵使商之兵使秦人也憤懣之甚又慮寧遠太紛華宜約節衣止布帛食止米穀而中朝貴人更勿作山人薦剡以混登壇其言絕痛惜乎歟矣

無夢園集

漫一

茶

紀插酋戊辰入大同塞犯雲中略未數月

陷良固其交
合之久矣

插酋虎墩兔憨者元孽小王子後土蠻之孫也
插漢其所居地名胡元嫡派故稱憨

世廟以前如宣大之俺答陝西之吉囊薊遼之
朵顏三衛建州諸夷皆納貢惟謹自土蠻失利
於薊鎮之傍水崖遼道諸夷亦停其貢延二世
至虎酋復振款賞於薊遼之間奴酋發難數要
挾增市賞搶掠無厭不獲已聊應以款未幾驅

無夢園集 漫二

逐諸夷鳩居朵顏巢穴焚巢西向蠶食白言諸
部落吞卜石免諸板升崇禎元年戊辰三四五
月間擁眾講賞於宣鎮邊外愿甚奢給之使詣
陽和講誓初犯殺胡參將孟吉以計退去五月
統眾至新平堡市口夷使通官絡繹往復講賞
撫取稍疎拆邊牆焚市樓十一日夷日打兒漢
那言宰生等百餘騎至堡要挾酋目貴英虎酋
女兀浪哈丈之塔狡猾善用兵將方裕崑等邀
殺之兵繇得勝路犯搶復于弘賜鎮川等堡拆

牆擁眾入界忽報虜至孤店離城三十里矣急
爲收保倚北關爲營設火砲列塘馬于關外賊
眾布滿鎮城英妻兀浪哈丈主之其大營約五
六萬扎于城東海子灘則虎酋親統也縣令王
公主守南關城南關宗室生員耆民力共保守
虜薄城下代藩傳令郡王宗室與鄉紳生員耆
民詣北城勸勿浪戰自廿九日至初三日賊遂
滿載歸矣此際正好尾後追擊而喇嘛奉軍門
令箭來鎮講和無敗乃款局又差通使送擄去

無夢園集

漫二

三

老弱男婦四百餘名口詐令開東門而入薛同
知陳都司閉門不開賊忿恨繇北關草場送入
而乘機闖門之計遂破令拏獲奸細二十餘人
更令闔城門懸一燈人執一刀把守街巷輝煌
達旦號令嚴肅布置森密披堅執銳徹夜警察
四門激勸宗室生員終夜分守門禁更番登城
懸重賞募勇士放砲驚營而虜始移營出塞至
四日賊始盡驅出口諸路將如陽和如左衛如
西路駐兵中途遙偵虜去攬轡徐臨可恥也夫

計所冊報殺歿者二千一十名口擄去併帶傷者一千六十名口頭畜牛羊以數萬計其有屍無名寄住行道之遊魂尤在數外六十年休養生息之黎民戕殺幾空痛哉

紀挿賞

挿酋聯數萬之衆出沒我西北一帶延袤數千里挾我以不得不賞之勢此是個題目借此啓釁不與則釁起與之而不滿其願則釁亦起與之滿其願今番卽去後番又來或以一口受餌而以一口行捨責之則陽爲服謝以塞我不責則大舉以擾我虜無所不利我無所不害豈長久之計哉

自奴酋發難兩河潰敗之後僅以關寧登津爲

急猶幸昌薊宜雲于無事故十年之內不難殫四海之力而趨赴之今有素所撫爲助兵殺奴之虎慙兔一旦拔巢而西闖驅逐哈卜二酋而奪其任牧且要爲乃入掩之別名橫肆要賞雲中大被擄掠以致沿邊乘機竊發如永寧堡之戕戮四海治之馳騁距陵京僅咫尺耳故挿虜之志後于奴謀狡於奴勢大于奴入犯之途又廣寬于奴况奴又糾合三衛束不的等西剿挿漢兒爲名似又置關寧于不顧直窺薊門諸隘口徑路矣故宜雲

昌薊在在戒嚴處處當防卽內如三關之重險
畿輔之勤王禁軍之振飭亦何者而不宜亟講
且備也不然徒以許大戎索專付于不可憑信
之喇嘛老德不堪之夷鎮萬一犬羊無厭嚮導
多方宣雲乘破竹之勢京後入無人之境天下
事尚忍言之乎

插額與兀慎同牧而搶鎮靜臺宜府岌岌矣卜
永遠遁插在豐州未嘗一刻忘宣雲

插不渡黃河不繇套地直從賀蘭山後入寧夏

無夢園集 卷二

平

依然俺答行徑而其念總貪宣大直借講賞進
兵耳

督師王象乾奏插酋虎墩兔與卜石兔白彥台
吉皆小王子之後也

穆宗皇祖全活孽孫漢那吉之恩款關內附

皇祖封爲順義王 賜之金印兄弟子姪各有

封號歲費撫賞金繒數十餘萬六十年來塞上

民物阜安商賈輻輳無異中原插酋艷卜哈之

厚富每歲開市插酋部夷賣馬買貨而卜哈酋

夷或勒其價而收之轉賣以取厚值或要之途

而殺奪其財貨又黃台吉以來絕其例貢新仇

舊恨插酋遂誘劫八部大酋擁兵掩襲二酋望

風迺遁部落牲畜一空且犯我雲中其志益肆

今按兵塞外意在要求惟有聯諸夷以制插酋

收士心以脩內備觀變相機而卜酋兵力原弱

借兵套虜徒有其聲白彥果穴去插酋最近受

禍獨慘僅有千人時窮事迫遂欲結奴酋以自

全其弟姪中哈兔等又共詆毀之白酋悔恨以

無夢園集 卷二

六

然則哈喇慎一部似在若存若亡之間朶顏三

十六家無所依附恐其不無颺去之思其部雖

微所關于薊門利害最大則收卜哈兔等聯合

朶顏諸屬夷以固我薊東藩籬不可不急圖也

邊外諸夷惟永邵卜兵力最强倘其果來則二

酋猶可借爲犄角按督臣再出山遙度疏也而

明讓出路與奴酋其故未經指破

紀卜插

卜禽襲先世之忠順其志無他插禽逞狼子之野心行險徼倖始卜爲插敗非插之強勝于卜也插攻卜之不意也今插爲卜敗非卜之倖勝于插也卜窺插之無術也我當以雄帥精兵爲卜聲援那給金帛助卜犒賞使插畏卜之威而遠遁遐荒使卜懷我之德而益效忠順庶上谷雲中鞏若金湯矣

· 保封疆保性命二大戒

疆吏大戒有二一曰信款虜一曰信喇嘛插禽以喇嘛止炮幾喪大同奴酋以喇嘛騙和幾陷寧遠國初遣僧人諭日本選擇而使亦覆載之弘也豈若今日反爲所愚弄恬不知恥哉奴酋以款誘我自萬曆來無歲不然甚至以愛子入質督撫上其事而

神廟毅然不許萬古仰

聖斷焉於此二者一失足成千古恨矣

紀宜雲秦晉

挿之要我嘗我忽而捨忽而講倏而東倏而西者實欺我邊兵之不足也邊人膽原敢戰力原能守儘屬可用但五十年來謬習於款上下相朦日延一日士馬不練器械不整一旦于戊辰之夏挿帳西移邊臣奔皇無措耳若民運京運按月給發缺欠者以漸補之使真清真廉之官汰老弱而嚴加訓練啼餓束腹者盡爲投石超距矣何必以有限金錢買目前小款哉

無夢園集

九

紀秦晉流寇

秦晉流寇原係饑軍餓卒使九邊錢糧皆按月給發有賞之不竊者誰肯甘心爲盜哉盜起於饑寒何如早以軍餉還軍餉生靈還生靈禦夷弭寇悉以足食爲本不大爲更張將來有不忍言者

紀秦寇

秦之邊有三秦之盜有二其邊曰延綏曰寧夏曰甘肅甘肅古河西四郡也漢人開之以斷匈奴

奴右臂斗絕孤懸四面皆虜在東北則有銀定反成諸酋在西南則有火落赤永邵卜滿官真諸酋雖時肆跳梁而山丹石峽一帶扼要據險未遽爲邊郵大患唯是永火諸酋盤據海上族類日蕃控弦可四萬餘衆每每藉口搶番陰謀據掠我兵至則伏首觀望我兵不至則任意橫行猝有變動恐河以西非中國有也所幸該鎮軍丁素稱敢戰而今亦非其舊已前此田中丞一意爲邊大賞小賞三軍之士以殺賊爲養身

無夢園集 漫二

之業近因速賞格廢而轉効按驗反成弊數打點扣留之餘僅得十有餘金唯是速給賞賜作敢戰之氣力絕假道杜搶番之路庶西北半臂可安枕矣寧夏古朔方地也東起鹽池西盡中衛北倚賀蘭南距黃河虜患較他鎮爲緩自俺荅哈迎佛西牧遺虜結聚河套則寇在門庭矣自松彊恢復驅逐賓宰諸酋逃牧賀蘭一帶則寇在堂奧矣自劉哮變後東西諸酋無日不開市無日不挾賞則寇在腹心矣兵日驕而虜日

橫款虜與降虜內外通同莫敢禁禦卽如該鎮近日興復屯田似亦修內之一端乃議事者多任事者少始猶等之築舍今且付之餽羊矣延緩古上郡地也襟帶千里獨當一面虜輕騎入掠鎮兵出禦每每不及而返余子俊建議徙鎮榆林內地稍安自己已失守火篩據套之後榆林又肩背受敵神木迤東逼近黃河大舉較難神木迤西直至石澇乾溝一帶環遶千五百里堞堡傾頽在在可犯我雖與虜言款而時時搗

無夢園集

漫

七

巢虜雖與我約和而歲歲入犯死亡之數既已相當勝敗之形亦復互見但該鎮與他鎮不同鎮城遠處于不毛一望沙漠旣難屯田又無他產三軍所賴以爲養者唯此月糧耳近緣遼左失守司農專力于東以至月糧不繼屈指三十餘月平居尚思鼓譟有事能不脫巾乎唯是先足餉以固根本然後徐而議修葺徐而議扼據榆林始可長保無事矣其盜曰流賊曰礦徒礦徒善擊刺倚山谷納亡命橫行無忌隴右一帶

居民行旅往往兩受其患今雖議防禦然而道旁置喙苦無成謀有謂宜添官兵以防礦者而不知國敝民貧餉從何出有謂宜招礦徒以禦礦者而不知揖虎拒狼其憂方大盍思礦徒因開礦而有也今礦禁久矣胡以礦徒猶聚良由礦之爲害大礦之收利亦大守土者欲專利于已不顧移害于國唯是嚴禁礦之法私開礦與私通夷人者同刑受其賄者以贓抵罪礦止而礦徒自止至于流賊播惡莫此爲甚前僅一二

無夢園集

漫二

七

見告旋發旋滅茲因全秦饑饉處處騷動動稱數千餘人猖獗于南殃及鄰封西鄉石泉一帶經年被害近且殺守禦矣蹂躪于北自雒川白水以及渭陽諸郡地之險易不一害之淺深各異始猶行劫于山林無人之境近且下平原攻城守無所不至說者謂逃軍作寇回番流毒不知民窮思亂勢有必至初因饑寒切而流爲盜賊繼因盜賊久而沿爲弓冶于是秋冬而出春夏而歸歲歲皆然視爲常事嚴選守令招募逃

亡寬其科條令彼有生路勸其農桑令彼有恒業然後議舉保甲之政參以連坐之法一牌十家其人數可得而知其職業可得而問矣

紀三秦流賊

流賊如暴風驟雨來去不時惟延安之賊天生奇窮如附骨癰疽去之不得但求不潰裂幸矣加以連年旱魃饑饉薦臻各處窮民東還逃兵此噪彼應五合六聚流而爲賊有四大夥其一爲上天虎掃地王五六千人其一黃甫胡橋等

無夢園集 卷二

上

蟠踞多年黃甫近已勦撫胡橋尚且伏莽其一橫天王點燈子趙四兒等六七千人其一回夷逃兵及合水安化等處饑民衆至二三千人軍門撫鎮前後勦散屢有捷音不過千百中之十一耳誅之可勝誅耶

秦東北與山西界連自黃甫川而起西至臨鞏邊牆有磚墩有土墩每墩設軍五名有屬守備管理者有屬操守管理者一索常例遂爲弛備每墩止有一人守者甚至以婦人守者况邊沙

堆積與邊牆相平是以零虜時常出沒搶掠近牆孤客虜去方傳烽砲及追兵到時虜騎已逾牆矣而又邀趕退之功惟在痛黜剋剝務足原額之數晝夜瞭守俾零賊不敢私越

秦中東路有潼關之班軍一千六百餘名分爲二班連年輪流在干黃甫川修工中路有西安班軍二千餘名亦分爲二班在干榆林等處修工西路有西安班軍一千六百餘名分爲二班在干定邊等處修工又西有西安四衛班軍六

無夢園集

卷二

上

千餘名分爲二班在干寧夏花馬池靈州平虜城等處修工每歲四月赴邊十月回衛每班約有五千八百餘名赴邊之日每名日支行糧一升共糧約有千餘石及修工之時每名日支糧一升五合以月計之約有二千六百餘石以六箇月計之該糧一萬五千餘石每名月支鹽菜銀九分每月約費四百八十兩有奇六箇月共計銀二千七百兩有奇費甚夥已今邊方各堡之軍有三十月無糧者宜將各處班軍免其赴

邊卽將各堡軍丁支班軍之糧米鹽菜銀兩令其扒除邊沙修工邊堡亦甚便也且往例班軍不赴邊者每名徵班價銀一兩二錢以五千八百餘名每年可徵價銀六千九百餘兩借爲堡軍之用又節省往返行糧之費其下班之軍在省操練不兩便乎

盜賊有各邊沙汰家丁聚而爲盜者有鄉囉携妻孥晝則菴廟炊食夜爲盜者二種今在秦州同官等縣至有數百人結聚在于各鎮店搶奪

無夢園集 漫二

三

南有白龍溝北有黃龍山首宿溝莫天溝等處實藏盜淵數自申報者反坐受禍因而不敢報也務使保甲挨家查訪隱匿併坐而山間住居老戶尤爲喫緊然後捕官勤操練民兵教習武藝一遇報盜卽時隨捕再在省請兵追擊彼雖強悍何能逃遁也哉

西安有左右前後四衛每衛有左右中前後五千戶所每所有上五下五十百戶其每所屯糧而千戶所總徵收之積識節年收花戶之糧而

入已其交納倉者不過十之三四而已侵漁者開載拖欠項下經年解比百計彌縫每每待赦而望蠲免是以倉庾空虛盡歸積棍之囊宜令其十百戶而分徵本百戶之糧數亦少而完者亦早以速完者薦獎之拖欠者降黜之雖至愚之弁孰不自愛其鼎乎不徒西安爲然延平鳳漢諸郡各令分徵積弊可除而倉庾充盈矣

紀中原盜黨

曩者山東有盜聚嶧山屠鄒滕焚夏鎮攻兗府攻徐州業經掃蕩之矣近西北卽是南宿州內有九鼎山菱角山是其營窟占役府縣阜快伺察上司風聲一有緝捕消息卽遁入河南地方河南有開州一黨於內潛藏此所謂梁魏之盜與青齊之盜爲一盜也

紀河南礦寇

夫嵩之有礦也 國初著有明禁設守備以防守之近且守備與縣令相掣肘焉守備曰是職之專司也縣令曰是之轄屬也一柄而兩持

遂蹈築舍之故事致礦徒數百爲羣各相雄長彼此攻擊得利則歸之於已殺人則委之於壑若一旦揭竿縣令必曰是守司之不戒也卽院道亦必曰是守司之失職也斯何異於縛責育之手而令之搏羈驛騶之足而策之騁耶宜申飭舊制或建立新議若委縣令守司止許練兵若歸守司縣令不得掣肘俾力能鎮壓者以清平獲功而才不稱任者以養癰獲罪官方定而備禦專矣

無夢園集

漫二

七

腹裏之棍徒猶之樗蒲之擲綠林之豪耳或三五成羣或十百結黨始曰棒會繼曰抬天勾連鄉紳通同衙役聲勢已動兩河結納將遍三省白晝磔人於市官府爲之解脫思爲卸擔之局賁夜入人之室鄰佑引而避易恐蹈池魚之殃

清盜

盜賊之橫蓋起於民之游手者多亦繇於官之法度不嚴大抵捕兵預先不肯緝盜縱之行劫窺其有重賄則擒之盡其所有復縱之去名曰

扳害如有大窩家捕兵捕衙反與之聯結共相爲奸卽失主告盜亦與盜相通廣扳良民以償其失數倍則失主不與盜仇而與盜好反以大盜作竊而脫甚至盜犯他處其罪已定不可脫則出一人假作失主赴院道告狀提至本邑廣捕者民捕衙捕兵書房作一場大市易又開一網以脫之至俗云強盜做得過良民做不過此今日之大弊也

無夢園集

漫二

本

流賊

流賊之爲毒於秦晉間也竊聞其垂二十年於茲矣而猖獗則自二三年顧其人先以逃兵懼法不敢歸營繼以饑民逋賦無從得食避罪避役紛紛攘攘惶惑牽引蜂屯蟻集要之誅之不可勝誅而又旋滅而旋起倏集而倏散集之則爲賊散之則爲民其滅也旣已千百而起也仍有千百微聞賊之所在人盡賊也卽被劫者亦半爲賊也驅之者賊也卽驅之而使殺賊者半

無夢園集

卷二

又賊也似宜解散者聽其散逃遁者聽其逃不但待以不歛而且收以爲用願報効者藉爲義兵願還營者復其原餽願歸田者給以牛種仍復周其窮乏撫其疾苦令之曉然知有生之樂惕然畏死之禍而又令有司先之以不欲恤之以哀矜有不勃然顧化賣劍買牛賣刀買犢以成渤海之俗者萬無此理也

紀宣大

宣府以北路爲最大同以西路爲急北路乃南山之藩籬南山實陵寢之屏翰虜騎出入之所尤爲最要西路乃山西之垣墉山西實京師之門戶況右衛大聚所通之地尤爲最衝故張家等口虜常窺伺鎮羗諸堡迫近虜穴懷保通居庸之衝此東路之衝城也誠能革其冗而裁其繁可以專力固守陽和居宣大之中此兩鎮之要地也誠能練精兵而選良將可以應援

無夢園集

卷二

三

宣大有葉文莊之才則獨石馬營不憂其不守有王文襄之智則上谷雲中不憂其不戰今之邊吏撤戍卒以採鮮而瞭望乏人借哨探以搏獸而情形弗諳然邊相聯也或虜攻東而西不援堡相隣也或虜侵此而彼不應以致戰則損威守則多瑕無足怪者惟在同心協力某邊與某邊相聯爲之互援內有觀望不前者革職而究治焉某堡與某堡相近爲之接應中有逗遛不進者發問而顯戮焉若吳越同舟相救如左

石手可以革諸虜要挾之心矣嗟乎宣雲何如重地乃作採鮮搏獸之場兒戲至此哉

宣雲月餉有缺至五七箇月者有缺至十八箇月者今日之饑軍正爲天啓六七兩年歷欠數多故及今愈窘乃謂今年發餉已踰上年嗟嗟大哉

王言乎講款一面講款整飭一面整飭但二者皆不能爲無米之炊有如講款先年賞銀七萬今已溢至三十四萬方且虜挾戰而我用款撫

無夢園集

卷二

五

賞之金繒必有增而無減又何底極至若整飭苟非天雨粟而地湧金斷不能整其壞敝而鼓其敵愾亦明矣

宣鎮五路獨石最稱孤懸三面鄰虜距幕庭更近非急增兵添壘斷難以示彈壓而興講折如大同之平衍川原非急入收保清野堅壁以待乘便整旅一大創之其何以視虜魄而禁其蹂躪乎東則如桃嶺界嶺冷口義院喜峯等口則又當爲奴之闌入矣可不慎乎北則如古北口

潮河川黃花鎮等則又當爲補部之窺伺可少懈乎再如龍門所邊內永寧長安嶺鵬鶚堡一帶住有史車二酋黎養近百年生息不下三四千衆尚不肯解惟結而冠髻之戎心尚可虞也謂宜亟簡精强者悉分爲宣鎮各營路家丁撫而用之必當得其效力

宣府山川糾錯地險而狹號稱易守獨計礮砲等處與薊接界兩轄之地彼此推諉整堡傾廢脩設不力今必分修分防務令刻期完工並力

無夢園集

卷二

五

互守庶彼此可以無虞不然宣爲陵京肩背宜有不虞薊難獨全

大同北連羣胡西接套虜素稱絕塞九邊中最爲難守國初所恃大邊二邊限隔虜騎歲久傾圯遂棄而不守今之難守視昔尤甚重邊旣不可復精銳又盡消亡所恃爲羈縻者此歲賞金繒耳

宣鎮缺餉五月大同七月山西十八月自補酒發難以來防邊追逐飢渴疲勞又值荒歲銀

兩糴米三斗銀三分買草一束

世宗皇祖時特遣台臣一員專在宣大糴買米豆以預儲軍餉其重可知其事可做

紀烽臺軍伍燃發

嚴烽臺以便應援斥堠傳望邊警應援之耳目也設有臺軍督有千總地方士馬之存亡祇在一砲之間耳一臺有軍五名烽歌不諳卽是偷閑千總賣放其弊顯然耳目明則邊防易蒞邊有威總兵之法宣大山陝烽臺故址俱存乘時

無聲圖集

卷二

三

興脩補復臺軍按地方編旗砲熟習烽歌千里警報頃刻而通

邊有總帥有協守有路將有守提有城堡設有額兵以資防禦今有一鎮方隅之任者不曰某隘如何防某邊如何守某虜之情實如何制服某虜之脆弱如何戰守棄正務而不言則曰方古有若干名坐班有若干糧雜役營造有若干項合而言之鎮協歲有若干出產路守歲有若干所得城堡尤甚苛求所出皆於士伍月餉既

充私取貧軍必別圖再應旁索以操練反視之爲故套以納鈔而定之爲常規既有關按之巡察則當嚴簡閱之實政矣清借甲充乙之弊立杜隱占拮据免則身家可養他役罷則操練可行

礮虜伸威火器先之燃發無法反無益也故藏灰於數寸管之中傷人於數百步之外銃砲之勢橫燃擊打三迭更番裝放不竭近觀操練竟同兒戲以銃鎗向天鳴聲了事卽如廣寧之戰

無聲圖集

卷二

三

銃手燃發頭敵尚爾不齊後層向天燃發兼以白璽一呼潰敗莫救今有紅夷大銃矣而其教之當兼以噲密銃西洋銃掣電銃迅雷銃較諸火器最爲利捷今當專立火器一營不令五兵參雜使人與器習器與手習目與心習膽與功習

紀宣府

懷隆兵備一道專爲防護南山每歲春秋兩防軍門提兵駐劄懷來該道措置錢糧經畫兵馬皆其職掌今北虜款順暫行裁革如遇有事另題增復

游兵一營嘉靖三十五年懲庚戌之變借以防護南山應援東路無事駐懷來有警移防四海冶暫議裁革大山口守備屬冗員應革

援兵參將營內食糧軍士按籍觀之則七千然

無憂國集

卷一

重

皆分駐一路城堡而在將官城中朝夕操練者馬步僅四百九十餘人可令將永寧參將移駐懷來卽以裁革游兵二千六百四十一員名屬之而以延慶守備移之永寧分管坐營原管北邊兼永寧延慶地方

延慶州守備軍少事簡相應移調永寧城分管邊墩收堡塞標正營先因虜款未久議添游擊團練今正兵既有團操坐營標下又有中軍都司則標正營爲冗員兵車營軍數不多亦應

革

宣鎮五路臨邊東路第一緊要南近南山北接北虜東衛陵京西通山大其中設榆林土木二驛各驛適中雖有全道懷來保安三城各設守備一員專爲防守止因二驛係屬關南昌平鎮管轄漸次推諉望城逃棄各城守備只得撥送致軍疲馬憊今將榆林分屬懷來城土木分屬保安新城各守備官提調二驛一切在宣鎮關支每年部將二驛年例主兵糧草銀兩收解

無憂國集

卷二

續

宣鎮免發昌平管驛官亦聽本鎮選委永爲定規

中路夷人皆係順義王俺荅部落似無難處惟是宣府邊外青把都一枝先年和貢議成獨本酋父子犢悍稍示招徠撫賞從厚節成例外貪求而青把都之弟滿五大者尤兇狡不駕言於屬夷之偷盜則藉口於來降之不還本酋部下首領銀定儻不浪因住牧本路山後切近邊堡指以打牲竊進內犯先貽書諭順義王后諭青

把都據滿五大回稱不知情願自行罰治不與
俺荅相干臣曉以名分若罰不由俺荅者不許
送進撫賞貢市盡行停止以故俺荅之法令得
行而狡夷之私計得阻與其忌醫而諱疾孰若
辨症而早圖一面嚴修內備一面斷絕市賞果
致牲口進邊小箇鑽力

獨石城挺出北隅勢極孤懸伴壁店貓兒峪二
二堡又獨石一線應援之路無二堡是無獨石
也

無夢園集

浸二

手

紀全秦

全陝三邊四鎮幅圓甚廣 桐封屏翰羗虜環
居其在往時豈不稱四塞之國百戰之餘哉邇
來營伍單弱糧餉空虚且不自暇固圉而每又
責以纓冠亦甚非策矣如西安平涼延慶漢南
諸處雖設有官軍民壯鄉兵緣承平日久人習
偷安多飾虛文罔知操練是以流賊忽起振臂
一呼所至披靡攻城屠邑殺將損兵束手待斃
無復可支偶聞涇陽一縣百姓四十四里每里

無夢園集

浸二

手

十甲每甲每年私自出派工食銀一十八兩衣
價銀二兩顧養民壯一名以備緩急乃當流賊
之作已莫可誰何而矧欲以禦羗夷邪以一縣
推之恐秦東郡邑大都若此夫一邑而空費四
百有餘之金以養無用之人則諸州縣不啻以
數萬金而縻之數萬無用之人矣今宜添設大
將或副將一員於前官兵民壯內揀選五六千
人駐劄省會或邠乾慶陽諸地一意團練從中
調度每千或再設遊擊一員中千把總二三員

專備南北二路應援緩急之用如此則外有鎮
兵內有勁卒門庭堂與無一疎虞羌夷且不足
畏而何有于么麼小醜哉官兵則原有額設錢
糧前項民壯則有前項每甲歲派銀一十八兩
可以充抵錢糧而仍比照甘肅勇士事例每月
人給糧銀七錢馬給料草銀八錢尚餘承價銀
二兩則宜蠲征以息小民馬匹則或查動無碍
官銀買給或於苑馬存剩及洮河西寧茶馬內
多中給領有倒斃者照椿頭朋合事例賠補或
照甘臨近例在于兵料草銀內每月扣存一二
錢以備買補庶乎桑土綢繆外安而內寧也

無夢園集

卷二

三

紀兩河

天下大勢宣府爲京師後衛遼東爲左肩而甘
肅一帶則爲右臂全陝又據形勝天下凡九邊
而陝有其三焉黠虜強番虜中最稱強盛則莫
若火酋駐牧莽捏等川沃野肥美水草便利北
通甘肅南達西川部落衆多帶甲控弦之酋不
下數萬萬曆十八年犯順挿漢助逆大寇臨河
朱家山一戰覆軍尤恊固原一管靡有孑遺
朝廷發內帑金錢遣經撫重臣悉徵天下兵馬
以禦之雖出塞經略燬仰華寺傾其巢穴終以
金帛求去挿首諉之不知我亦陽置不問姑責
悔罪而已今四十餘年酋數十倍于昔兵甲馬
匹亦數倍當年三子紅台吉尤稱勇悍多謀足
智秣馬礪兵眈眈虎視而書記握算類多漢人
爲之用事犬羊性貪好殺自揣兵多于奴力過
于奴亦何忌憚之有又見甘肅臨河松涼邊兵
調援數衆營伍空虚卽有募補彼烏合之旅朝
更夕代未練之兵何以臨敵且其羽翼又有強

無夢園集

卷二

三

番哈族西番素號十萬叛服不常阿利加四搭
稜二族強盛亦不下哈族今三族俱與火酋結
姻肯有實順中國之心哉非久恐爲火酋鄉導
是未可知河州去保安堡五百餘里星懸絕塞
肘腋生番對面火酋一線窮途至歸德二百里
而中國地盡此殆臥榻之舛睡也靖虜以蘆塘
一面逼虜而有永泰紅三足爲救援獨其人習
於賊賊苟爲內蠹南有見透山接壤寧夏北有
古城兒出入黃河皆爲盜藪四民與軍而五而

無夢園集

漫二

三

賊已居其七矣若不蚤創政恐蔓難圖也河以
西雖嘉峪關外卽爲西域然實遠絕今所戒備
者瓦剌耳而要以各餘衛所皆可通虜且復生
熟番族襍處焉自賓免徙居松山火真盤据青
海套虜又每從賀蘭山崗子墩竊入莊涼諸處
雖幸恢復大小松山新拓大小蘆塘而虜孽不
忘頃銀及二酋已遠其妻子精兵數千輒爲姑
臧張掖寇邊少兵民守保不得田作百姓煩擾
烽燧急焉挿酋以款和年久養成氣力彼日益

精我日益懈一日背盟出犯恐山西一帶莫可
支吾近聞其日夜西行來就火酋二酋合併其
謀益協一旦繇耳記山雙城兒寧河太子寺景
古城一帶番虜鈞連大舉入寇直抵臨河而我
以臨河洮岷蘭州殘闕管伍倉皇急迫擇其受
甲者不過數千人而欲以櫻鋒拒敵禦番虜數
十萬精強之衆難矣一過臨鞏而秦隴平涼一
帶無兵可拒無險可守長驅關中卽成破竹之
勢豈有利哉

無夢園集

漫二

番

紀臨鎮

夫臨洮一鎮控馭羗戎屏翰隴南有洮岷階
文西固西有河州起台歸保北有蘭州鎮保永
泰三紅周環紆迴五千餘里無一處無虜無一
地不衝若就而較其緩急論其邊腹則如新舊
洮州二城蓋古土番地臨臯南峙黃河北繞夙
稱形勝然番族繁夥去固原千餘里遙制爲難
其丹路口烏藏堡係河洮總峴乃海酋出入之
門戶番夷睥睨之襟喉所恃惟洮河一水爲之

無夢園集

漫二

卷

阻隔遠偵密探或保無虞河州迤西老鴨關之
外設有起台保安歸德三堡中有撒刺邊多爲
之關鍵然保安去河州五百餘里孤懸塞外肘
腋生番對面火酋一線通道至歸德二百里而
中華地盡海虜遺孽流在洮州朶的河地方離
邊不遠積久生聚跳梁巨測雖曰發臨河兵馬
并力禦之而鞭不及腹臨洮之南七十里有景
古城一堡設在崑山中斗大一城人三百戶漢
番襍處堡南三十里卽洮州地北去河州二百

里西南十里卽果麻灘直抵虜穴其白石崖黃
草坪乃莽捫通衢賊緣要路昔年火酋踟躕內
地道經于此萬曆庚寅創設守備一員而以俺
龍關麻山關大小馬家灘關陡石關思巴思關
沙馬關麗之各關設把總官一員聽守備提調
後將守備改設蘭州北城而景古止以千百戶
一員爲操守官備禦六關亦各以千百戶爲把
總共統兵六百餘名防守各官職級相埒又皆
親識故舊體統不屬法守漸弛如此重地改設

無夢園集

漫二

卷

非是今宜於臨河二衛班軍內擇選五六百名
發景古城與彼舊有兵馬奏爲一營操練簡閱
將蘭州守備仍復守備於此則兵不議增餉不
議添而衝邊捍禦屹然矣蘭州昔爲最衝有衆
將營自恢復松疆名曰腹裏而創設永泰遂改
蘭州叅將往駐焉第政以密邇新疆蠢爾狡虜
眈眈虎視未嘗須臾忘也蘭旣係臨河洮岷要
地河北咽喉又

肅藩帶礪干繫匪細乃僅以一守備統數百十

疲鈍之卒何異以蚊負山今宜將甘蘭二衛班軍盡數合入大營卽以備禦都司內一員加叅將資彈壓如此則外有藩籬內有防禦如臨洮原有應援松疆之責往返千里每遇警報援兵未至半途而賊已搶掠飽而回巢勞傷人馬徒滋煩費今蘭州有此重兵萬一松警刻日可到主客便利誠一舉而兩益也蘭州渡河北去三百里卽永泰去新邊五十餘里邊之迤西四十里爲三眼井堡又一百六十里爲紅水河堡二堡往往時達虜尚遠略可守備自神酋西來而套虜松虜俱逼臨邊下不時窺竊紅水設遊擊一員尚可撐持三眼止一字備權輕兵少堵拒怕難是以狡虜竊犯無所顧忌以地利較之永泰稍緩三眼極衝今宜調永泰叅將併該營兵馬於三眼井而以三眼守備及原兵馬改永泰此貝以人地相更移不煩別議增減而防守有備矣自三眼井之北有麻黃灘通鄰邊牆一里而近每遇虜犯必從此入地僅彈丸一區界在紅

三之間宜于此處添築一城建立臺墩內設防丁百名賊知有備可無侵擾卽往來經行亦得聞警趨避矣夫臨洮一鎮兵馬在洮岷階文西固不具論其在道屬者衛所五大小營堡二十有一大約官兵二萬七百五十有奇馬七千有奇而今不及半矣卽以總鎮所駐臨營其初計兵尚以四千三百計馬尚以一千六百九十雖不及他鎮三之一然遇有烽檄亦可策援自撤去省城家丁撥去遊兵召募今僅有存者千五百名又連年援遼去歲援薊所剩六七百名赤身步走之卒耳亦何以異於小堡哉狡虜窺竊盜賊縱橫其所錄來漸矣

都城紀開

前輩張世謫太史議昌平陵寢通灣餉道兩鎮
宜屯大將重兵以備非常而西北之鞏華城及
開京城東二十里曰大壩乃御廐處有城甚寬
當葺其城各以精兵五千一營將居守爲京師
千掖應援昔年趙文肅公及張新建公皆有築
四輔城之說而不知因此可以爲利也至于重
城都城外敵臺八座極宜添築以固城池以防
衝突如徐宮贊所議設處經費亦不甚多而版

無夢園集

卷二

七

築勸助儘可有濟又曰兵不可處州邑宜移昌
平兵于鞏華城移通州兵于壩上各爲營房以
居之其數精兵三千足矣

紀北平建都

既都北平則三衛必不可棄海運必不可廢順
天永平保定河間荒田必不可不開天津登萊
等處海防不可不嚴膠萊新河不可不開

紀關隘

東北諸關隘如山海關喜峰口古北口潮河川
等處洪武十四年特命中山王修築而山海關
盤詰查勘比諸鎮猶爲嚴密

無夢園集

卷二

七

九邊藩國登耗紀聞

弘治以前沿邊止有遼東宣府大同甘肅寧夏固原六鎮兵馬止四十萬諸省民運爲其根本佐以鹽課百餘萬屯田乃絲毫耳其後河套之失板升之變土木之變庚戌之變遂設永平薊鎮密雲昌平保定山西延綏等鎮而沿邊大鎮總爲十三隆慶末年兵馬凡六十萬漸增京運二百七十餘萬正統七年戶部始建銀庫卽名內帑故陡增二百七十餘萬而民間無額外之

無夢園集 漫二

聖

征至天啓初年首頒

皇賞查沿邊之兵乃有八十餘萬而戶部之餉除遼東新派外已至三百七十餘萬又詳考萬曆年中錢糧登耗之數初年

皇祖勵精力行綜核所支防邊防海防江防盜等項錢糧責成巡按御史歲歲查盤奏報以故二十年間寧夏用兵則一疏而題取廣之六十萬緬甸用兵則一疏而題取四川之四十萬但一舉筆而裕如礦稅一起外府日縮太倉老庫

之八百萬歲歲以餉九邊不及十年而止餘八萬矣雖行考成之法嚴催省直之逋而失之十年豈能得之一旦於是太僕寺之八百餘萬歲歲題請借支亦不及十年而止餘數十萬矣於是工部之借南京戶兵工部之借而兩京庫藏都畧盡矣

光宗卽位立頒內帑二百萬先是遼廣相繼喪亡川貴次第發難調募百出繼之以陵工門殿至數千萬而內帑盡矣省直錢糧解京有額存

無夢園集 漫二

聖

畱無額何也地方有事逐漸增加故也於是朝廷加派有數藩司加派無數

紀防邊

薊遼宜大自嘉靖廿九年潰關之後無日不垂涎薊鎮觀其收把總伯言帖忽思諸部則撤我古北之藩籬收流河諸部則撤我馬蘭之藩籬收影克脫力諸部則撤我冷口喜峰之藩籬千里邊關與虜爲鄰今先以尊京師爲主尊京師必古北石塘爲急當議守其次守馬蘭其次守黃花居庸橫嶺鎮邊其次守喜峰冷口其次守金水馬水紫荆倒馬

無夢園集 漫二

薊遼設立總督兼調遼保陝西宣大人馬合力防守原是借股肱之力爲腹心之助但調發有名無實耳

遼東止是防冬防春全不防秋以故七八九月患不在遼廣而在寧前楊總督博題奉 俞旨將該鎮總兵官調住寧前一遇冷口喜峰有警不必再候明文星馳會合薊兵截殺

山西去薊甚遠如老營堡與北樓口遊兵二枝不速進則不能及虜徒疲士馬若速進則千里

兼程法蹶上將今將此二枝兵專守本鎮急則應援紫荆不必援薊

居庸關外自懷來大山口至隆永抵四海冶黃花鎮接界鎮南墩俱屏京護 陵重地雨水衝塌都御史劉廷臣欲將西路修邊銀四萬兩內支一萬八千九百九十兩專一修理邊隘以後薊兵謹守內口宣兵謹守外口撫臣親往懷來隆慶悉心綜理

若使古北鎮邊一帶防禦謹嚴賊必西窺諸口

無夢園集 漫二

聖

無疑則京師必震

賊犯薊州必由宣府獨石大山墩等處若使參將加意哨探所關不淺所謂大同得其情宣府得其形

遼東土兵慣戰可用楊總督欲各給以盔甲器械令其家自爲守人自爲戰該部查無事例遂竟停寢

先年提督衙門自分彼此不曰專守京師則曰專守陵寢豈有邊關旣潰提督獨能拒賊之理

紀邊防

一邊防奇道宜備今奴揶搆難東西連合邊垣之所宜備者咸知固守榆關喜峰古北諸口燕河潮河建昌等處不知皆未爲切近之危路惟昌陵山後之慕田谷大水峪東灰嶺西灰嶺最爲極衝此處又是宣薊接界之地互相推諉兵力單微二十里至昌平二十里鞏華城四十里直薄德勝門矣當甲辰史茂官突入反出已有明鑒故五路台吉曾說我若入犯何必繇張家

無夢園集

漫二

望

口打從 陵後一馬直到京城昔年曾有是言今西虜必知此路況有安免朝免二酋最狡伏于 陵後倘奴酋以一甲割寧遠陽窺我榆關夷虜合力直衝此地內入孰爲抵當此是奇道至危之路莫若將大營神機神樞三營之內各抽一營卽以原將官領之仍三月一更每營三千共九千訓練防守其地當嘉靖間原有更番之例踵而行之不添兵不增餉 陵後鞏固神京安枕至便計也

一邊牆傾圯宜修東自榆關至紫荆關皆有長城界限自居庸關至宣大等處正賴邊牆屏蔽奈款市以來歲修邊牆之費競爲節省以充市本前任報省十百後任報省十千皆以節省相高爲殿最故不事修牆而惟事節省今邊牆傾圯將盡西風沙土刮至牆下胡馬如履平地耳一墩臺舊規宜復夫墩軍所以嚴烽堠也額設軍兵七人婦人一人雞一隻犬一隻旗號柳鈴頃刻可達九邊今因款市節省一墩而二名者

無夢園集

漫一

哭

有之三名者有之故甲辰年虜犯南山先練墩軍奪其柳鈴仍打寧靜號頭虜入內地人皆不知今當夷虜匪茹之際所宜急復墩臺舊規一薊鎮邊備空虛之極薊鎮三協九標十二路二十一提備計兵九萬并臺上南兵一萬共十萬今各路提守備之兵皆以挑選雙糧爲名一千止存五百而五百之人仍是罷弱止供各衙門採木燒灰差用而挑去五百之糧俱入各路提之私囊以挑選爲名者實是乾折之別名也

且蘄鎮沿邊臺上每臺南兵三名北軍二名共知五更臺上梆鼓烽上鳴鑼今以挑選爲名臺上止存南兵三名初更二更梆鼓之聲絕然不聞至三更時方擊梆幾下無論烽號人聲絕唱卽梆鼓鑼聲幾不聞矣又每臺火器火門皆已綉沒火藥經霉歷年已久惟存炭灰而硝皆流走鉛子有減無增路協衙門又無備積火器如此可謂有備乎火箭戚少保定價五分一枝紙張用花椒白礬膏過箭羽又用漆膠又用絲縛

無夢園集

卷二

四二

至今存者尚是可用今之火箭八厘一枝四厘扣爲各衙門使用實則四厘一枝一經霉天羽落無用差官查墩者不問火箭之何如惟計扣存之多寡至於每墩皆有餽糧或九石或十二三石不等此戚少保之遺制也每年以新易舊今餽糧無備卽有皆如灰塵矣南兵器械廢盡甚至假狼機以空喝邊備如此夷虜之勢如此可爲痛哭

一修城需求之苦不肖路將及各路差人來查

新修邊城便要使用量其丈尺之高低濶狹吹毛求疵不以修城爲功反增索詐之苦至若烽臺傳警戚少保號令至今在也若夷虜近邊便扯黑旗傳報今夷虜在邊外不敢報矣何也虜馬之去住不定倘若一報傳兵到時而虜騎已去不日實有是事反曰虛報虜情加之軍法是以邊牆烽候皆廢也故黃松峪邊城二百餘至今傾圯不修可懼可懼

無夢園集

卷二

四三

今焚巢遠涉西戕北部是明讓奴以入犯之路乃今欲奪順義之封分順義之賞又欲移東邊之原賞轉于西邊而并其賞挿之驕悍幾與奴等但我之兵力不足制奴焉能分力于挿卜箇又力不能敵挿究其爭端因先年卜祖俺答奪挿之故巢故此執言在逞今令卜箇還其舊地以塞其口仍少分順義之賞以厭其欲令挿仍歸蘄鎮邊外舊地以捍奴卜箇卽稍分賞與之讓地還之亦不爲虧且得安于套地如是或可

海防

· 南沙寨吳淞總兵住吳淞城居中講

度三面鼎足而守若羊山舊令遊兵總出汛防守止當發一哨去偵探若盡數去守羊山萬一倭奴繇陳錢諸山乘東風突來瞭望不及遊兵一枝及置空地今當速速行之者

一沙船市糧之弊海上沙船俱是耆民私造船兵一十八名每名止給糶米一升銀一分餘餉俱入耆民之手一經收汛止存空船兵皆散之易有甚至海上有盜又要去催募兩三日尚不

無夢園集

卷二

三

滿其數船閣于私港盜賊劫掠不知何所之矣故青天白日海上鳴鑼放炮更無一兵制之此海盜之所以橫行也倘有實兵何患失盜一會哨之弊當春汛收防之後便防海上沿邊故川南青寶會哨於北吳淞劉河福山會哨於南若似乎防禦之嚴實皆俱是套子每一月止差一兵持會哨循環單簿彼此印了關防以完一番故事毫無實益莫若沿海港門分定信地派定船隻各有專責不得推諉海上劫奪便可

揚帆擊之不必襲會哨之虛名也

一內地之盜夫郡城各縣城市之賊皆繇捕人放線之故何謂放線該字號應捕快養積賊在家每去尋夜將賊帶在其中若遇總巡巡哨等官便稱該字號應捕巡官一過便窺伺做賊此內地之盜不可究詰莫若令各字號應捕將名字統于巡官一并查點倘有疎虞巡兵應捕同罪

無夢園集

卷二

五

一內地水上之盜皆繇捕人營爲督捕同知或各衛家廣捕牌票駕飛械船隻總巡旗號內鎖強盜二三名曰分捕餘盜一見重載客船便即指曰此是盜船所鎖之盜攀認爲是連船連人捉去曠野河蕩盡數劫之俗名曰生彈船又有養壯之弊各處小盜捕人得其常例待其劫掠殷厚盡數起之解官旋即以輕罪釋放遂至捕人互相爲盜打點衙門潛通賄賂皆捕人爲之也

紀海上布勢

或曰遼鎮形勢原三面瀕海一面阻關今圖恢復若專在陸地進兵則局勢不大不足分奴之兵力從海上布三方犄角之勢一在先成南關以復金州一在成長生以圖復蓋二州一在復鎮江以窺遼瀋宜各置一副將領兵分渡往鎮江者擊奴之尾往長生者扼奴之肩往南關者衝奴之脇鎮江有城可修長生有險可據惟南關與奴接壤無險無城須築一城以駐兵布置

無夢園集

卷二

三

既定當尅期檄鎮江先出兵以議奴後奴必東出以應我我既誘奴東出隨發南關之兵以圖金復發長生之兵以圖蓋海二兵同發河西督大兵渡三岔以擊奴之首我出其不意奴必撤回東出之兵以守新寨復分兵以應我三路此時我逸彼勞可一鼓而殲之倘奴畏我四面夾擊退縮不出我可漸屯漸進直逼遼瀋四面合攻奴必窮迫思遁乘其遁而修全遼故疆或又曰三方並進必兵力有餘而後可倘兵餉不湊

無夢園集

卷二

三

手當暫舍鎮江長生而專力於南關欲復四衛而不先城南關則奴騎衝突我無藩蔽今東鎮島官駐兵旅順口內小沙之上去金復太遠伏觀金州地形如葫蘆旅順其腹南關其頸自腹至頸相去百餘里三面皆海腹大而頸細南關濶僅十里許兩水夾之最爲險要向來無識者咸議鑿斷通海水以限虜騎不知虜不可來我亦難往殊非進取恢復之計況其地皆石骨復不易鑿今議築城則進可攻退可守但此地奴所必爭非物料湊手不能刻日完工當就附近島口預置遼船以便運載土石務期一月完工初築時奴必開爭我分兵一半用戰車一城法以火却敵且戰且築料奴初來兵必不多勢可取勝及其敗回益兵復來非半月不能比時城工過半矣撤車入城乘城固守爲力亦易蓋南關有城則可復金州二百餘里可屯之地北可漸圖復蓋漸逼遼瀋我可乘奴不可乘我奴必疑畏而不敢西出然後徐圖分戍鎮江長

生二方以圖並舉此亦量力漸進之策也雖然
非水陸夾攻合廣寧之師不可或又曰登州海
防水兵二營向來出汎皇城諸島原爲防倭而
設旣已久無倭警則出汎皇城殊爲無味今宜
調一半赴南關移緩就急以備倭者備虜覺華
島形勢原無關於進取其水兵三營似應止留
一營爲輓運之用其餘宜調赴南關以充屯守
進勦之用又查東江民兵儘可調用宜調選其
長生廣鹿兩島少壯民兵赴南關聽用調選其

無夢園集

漫二

臺

石城鹿島民兵赴鎮江聽用四島民兵自天啓
三年以來每人每月止領糧三准斗並不給與
餉銀凍餒思逃已非一日兵來則糧餉俱來將
與兵人人樂從是轉無用爲有用化餒兵爲精
兵也

紀邊海

一邊兵放糧之法也夫守臺之兵要矣猾虜山
頭一望內地之虛實卽見唱放糧餉撤兵給散
往來動經三四日方回墩臺兵飢甚且爲虜搶
去萬一乘間內訌爲患不小合將餉銀每名包
封將官臨邊按名給發不特邊垣不致疎虞兵
之老弱可驗而汰也且將官每于放糧之日歷
閱一次亦不爲勞

一邊兵教演之法也夫邊兵之習藝與平地不

無夢園集

漫二

三四

同或仰擊于千仞之上或俯搏于深谷之中各
有法則今乃撒于平地操演殊爲非法合應于
逐處邊地將官親至其處隨其山地之高卑而
教攻打之法則如是不特邊士有備而將官親
身教演加以升降勸懲之法將必人人奮勵也
一南將遙制可裁也薊鎮三協之中各另設南
兵遊擊一員以統攝之不知一協一官管攝邊
垣鞭長不及馬腹今令將沿邊二十一守提分
地管轄彼于邊垣密近令傳卽應臺兵不敢懈

弛且邊垣屬守提信地而邊卒遙制別將何以嚴加束服每見近邊守提查點而南兵反唇相嫉者有之況南將徒增煩擾是以累累題革而莫敢任其革之責

一降虜宜徙也今沿邊降虜不問男女投降內地便給五分一日屋居火食歲賞月賞時賞內挾生事之心以要我而我邊垣內地徑路反被認識我兵不得出邊一步彼之地里我反不知今邊外屬虜乘奴插之變要挾蜂起今當倣昔

無夢園集

漫二

三

徙戎之策漸漸分散或撤其黨與于內地或加給糧餉立一頭目以統之分散海濱各營以消各邊隱憂

一兵餉缺乏之故可核也兵餉自出有司額有編派徵有限期豈有短少之理奈吏胥貪利將別項可緩錢糧賄本官以火耗七折八折九折出放重得厚利而火急兵需置之罔聞而視兵卒爲贅疣將官請給如同故紙而三軍經年嗷嗷怨氣所激又何怪其變也今必撫按道嚴勒

各營請餉憲牌每營二月一張一年給以六張請放過許該營卽繳清查如未給該營卽差撥憲牌該撫按道嚴提糧足而法度可行訓練可嚴食足而亦兵精矣然兵變之故或自將官不肖剋剝致變或自糧餉久積畜忿致變安得獨歸咎于將官

一海盜之接濟宜絕也始焉擄掠航海商人今與之通構給號票往來商獲其厚利盜資其通販甚而盜賊假作商人在于楓橋地方重價買

無夢園集

漫二

葉

米地方覺察連夜逃去海盜之資糧于內地明甚今當將海禁嚴絕凡係雙桅大船出海販賣者悉行禁止若江北之淮河江口江南之長江口劉河口李家洪口浙江之錢塘江口著實申嚴不許下海彼窮于糧其勢必散卽招降亦服決不若今之降閩叛去也且嘉靖之汪直徐海皆海上劇盜構倭人犯閩寇困于食勢亦必通紅夷構日本端有之也海上防守曷可踏常有船無人也

古北之路烽火直逼都城而潮河川之於水不能作橋今日備禦惟嚴喜峰入貢之路加謹黃花擁護之衝增兵補其實嚴餉汰其虛庶薊鎮可安乎

插箇一仇于卜兔再禍于慈酋其侵犯雲中已失貴英之腹心我宜屯兵喜峰築堡關外設火器于南山之要添兵將于金馬之衝嚴浮圖之防守補長峪之募軍

閩之要害興福漳泉而藩蔽興福者鎮海永寧

無夢園集 漫二

辛

也浙之要害溫台定海而閩浙之交界則風火門也浙西之要雖重于羊山而溫台諸處則又羊山所必藉以爲輔也今日備禦惟嚴台黃松海之區添設戰船于舟山乍浦之處交界之區必重信地而信地之入犯尤嚴策應寇入于浙而溫台以據其鋒定海以屏其輔出遊兵彭海以尾其後寇犯于閩則漳泉以蔽其上島沙以佐其東出遊兵鎮永以要其路

紀海上前事

以寧遠爲正兵約登萊出旅順爲奇兵長山石城廣鹿獐子等島官兵俱過東岸爲伏兵先使以上奇正伏三軍張揚進取令奴兵分頭應接不暇然後東鎮令副將從義州渡鴨綠駐劄鎮江爲奇兵再選老弱備人數者從昌城渡江占住鴨兒河險處大張虛聲揚言直由牛摸寨爲棉巢之正兵暗囑鎮江之奇兵護之惟意在憑險以守疑惑奴心然後用精銳之兵火攻利器

無夢園集 漫二

辛

平日恩義兼至訓練極精者密由咸鏡道渡江驟抵老寨奴屬必措手無及不戰而成功者在此平遼之妙策本不外此

紀海警

廟灣最稱情熟卽禁海之時尚有暗通日本況今日無其禁也日本倭奴近爲強甚釜山對馬島切與朝鮮接壤關白亂後朝鮮亦識此道日本狡猾異常焉知不佯收朝鮮實欲吞併況閩浙無賴居日本者不少占魚國在海洋島直

東地方雖小魚米之鄉今常有人到皮島交易貨物海霧之患特未形耳

紀登萊往事

登萊有卽墨營文登營萊州有參將新城有守備登州有總鎮有海防左右二營有水標營馬步家丁今復有新兵二千沿海有威海衛成山衛靖海衛大嵩衛鰲山衛靈山衛萊州衛寧海衛登州衛九衛有二十七所直隸所在外一所約有千百戶三十餘員鎮撫總小旗在外每衛

無夢園集

漫二

卷

約有指揮一十餘員各伍下軍丁閒曠甚多專委廉能監軍仍任海防道事責成智勇大將仍任備倭總鎮事如法訓練總聽寧遠節制戰則爲遼左今日之奇兵守則爲他時禦倭之實用

紀朝鮮助兵

朝廷徵朝鮮兵而鮮兵卽至已未春隨劉杜同敗領兵元帥姜洪立降奴酋與朝鮮始無仇因助兵之故遂有仇以後奴酋破遼陽廣寧勢甚猖獗乘李倅新位朝鮮恐嚇李倅者有之况姜

洪立先爲鄉導京鎮招商貨聚如雲無所歸著只得向朝鮮交易銀米而奴酋亦乘之以交易

紀東鎮朝鮮往事

義州切與鎮江相對止隔一江我不惜義州駐師而潛於皮島鐵山之僻土城木寨不爲之備失地理之要扼矣從義州沿江而上係昌城再去是平安道過白頭山卽咸鏡道此道與奴酋老寨相對亦止隔一江我不分兵駐咸鏡道爲奴酋心腹之憂失其牽制之緊著矣咸鏡道正

無夢園集

漫二

五

南隔江係老寨江水一股從老寨後向灰扒生上西南去一股從咸鏡道西北生來其隔峴卽魚皮也魚皮向與老酋有隙不爲渠用後因全遼俱陷奴勢滔天故魚皮亦假爲歸順其實可招而陰用之也

紀海戰

建奴巢穴在長白山之南鴨綠江之西鴨綠江漢晉時稱爲馬訾水宋名混同江北通烏龍江乃長白等山之水之所聚也又名烏海子北人凡水聚處皆曰海故杜詩有青海白骨之句而金阿骨打亦曰海上之盟兀朮亦曰自海上起兵而我明稱建州女直亦曰海西皆指烏龍江言觀此則知水道可通其國都矣宋徽宗宣和間用燕人馬植計浮海至女直約同滅遼高宗

無夢園集

漫二

李

建炎二年閭門宜贊令人曹勛至自金建議欲遣舟師從海道以迎二帝夫二帝是時被金人居之五國城又在建州之北而舟師可迎非水路可入之一驗歟

召募登萊天津等處浮海至旅順口鴨綠江者使之畫圖具本然後再命精細幹健之士挨圖覆核務要詳盡確實某處深某處淺某處險某處無險某處可泊某處不可泊或因島形或視土色挿標記認圖畫明白海舟進矣則必召募

備禦

久于泛舟者詢其制度或單底或棧底或平底或尖底或雙桅或單桅或大或小或淺或深以至舟行天文風色之占驗鬼神幽明之禱祀物用器皿之瑣屑周到備足而造船必在江南地面因材木釘灰麻油之類南便而北不便故也

無夢園集

漫二

李

家爲非十家連罪如是而盜源清一在嚴關說奸民不軌多庇玉樹之亢宗武夫力而拘諸海上爰書徵而脫諸囹圄合申之禁曰某將獲賊船卽以某船克賞有司不得問豪有力者毋肆爲毒螫無曲爲庇護如是而盜流塞

一曰禁絕招撫是廟算中之備禦第一要着也從來未有不忠不義之人而可鼓之以死忠死義者亦未有隸籍編戶之民而竟聽其操戈入室者唯是律之以嘉靖間沿邊剿倭故事復嚴

之以山東五路斬妖事宜而勿令以撫終之賊知不撫則爲賊之勢必漸孤將知不撫則謀賊之計必早決王法伸而人心之盜賊自屈矣

一曰會船遠遊是海島之備禦第一要着也賊舟初犯少者僅以五計多者不過以十計器械未全糧食未充吾倍我舟師與之上下波濤中復會南北諸標遊各自戒備錯據外島互相牽制賊不暇行劫則賊舟有減無增賊無處樵汲則賊衆有死無生曩者計不出此聚數百舟師

無憂園集

卷二

五

于銅山之內灣以悠悠觀望不知賊且縱志於島嶼間牽商船飽商貨遂得以乘風飛炬而灰燼我也及至遊寨悉皆賊艘則難與毒逐矣故陸戰宜清野水戰宜遠遊絕內勾散外援計之最得者也

一曰分鎮南北是漳泉二府之備禦第一要着也蓋漳泉門戶同一海潮海以北中左所其要地也海以南海澄縣其要地也曩者賊艦北向中左直擁城下焚我舟師當時倘有數十舟從

海澄乘風北指以焚之則賊無餘類矣惜二府之水兵盡附于中左而海澄重地僅設一陸營唯有束手坐觀耳爲今之計泉南遊擊宜出鎮中左以料理泉南舟師漳南副總宜移鎮海澄以料理漳南舟師賊或乘風北向則南鎮之舟師可爲聲援賊或乘風南向則北鎮之舟師可爲後勁賊或乘東風分迫二鎮則勢分力寡殲之必矣此常山之形勢漳泉終必賴之矣

無憂園集

卷二

六

要着也夫臺灣在北港海島間乃閩倭勾引之接壤亦浙粵奸商往來之藪也天啓壬戌間紅夷欲互市澎湖我將吏實逐處此而時以哨探爲名蓋不市之澎湖而實市之臺灣矣且二夷又合爲市矣于是富者以臺灣爲奇貨貧者以臺灣爲窟穴而無賴之徒輒奔走于此得則其人不得則鹿走矣今之海上雄者皆居臺灣者也皆款借紅夷之巨鉞以相加遺而且變倭服逞倭刃以恣砍殺者也故臺灣之勾引不絕則

海上之寇盜難除海上之寇盜難除則閩浙粵之中禍未有稅也此又在賢有司緝之于內廉將佐覈之于外律以通倭重辟而後勾引者可漸絕矣乃或更有獻者閩地挾民稠苦荒思亂亦出于不得已耳天下一家請開浙粵閉糴之禁令兵船與商船合艚會糴兵假商以擒賊商藉兵以應援五穀不騰湧四民必安堵此救荒弭盜之事宜尤今日策閩之第一要着

紀海寇

無夢園集 卷二

奎

南麂一島爲閩浙交界之區今兩相推諉使寇盜得停泊糾夥以爲南突北犯之穴合會集舟師嚴其守禦而賊巢破矣

紀三省海寇

先是閩浙之間有邀截賈舶質其人而限贖者嗣是舶賈自赴納稅給票免畧矣從此聚徒日衆聚糧日廣官兵莫可誰何矣萬曆末年浙巨盜袁八等弄兵海上不過拒傷水兵未敢登陸也旋以招撫歸命芝龍雖就撫其黨遂流毒於

浙攻破邊海衛所東浙爲之震動茲方島嶼乎逍遙其氛未熄也有三策焉一曰杜其源一曰絕其資一曰間其黨何謂杜其源凡入海爲盜沿海之民居多宜於沿海出船水口查定戶口編冊十家月取結狀每戶有人出海與否其出海作何買賣應還而久不還者卽盜也諭其親屬許令自新各家偵探不許私歸招引良民下船而其黨日減矣何謂絕其資海寇雖在水所須必在陸食須米飲須泉嚴截其掠米汲泉之

無夢園集 卷二

奎

路重刑其齎米送水之奸凡海寇猖狂之時槩禁出海船隻有私行私縱者寘重典賊旣無接濟又難野掠則必坐困久而自散矣何謂間其黨或募勇敢有膽畧者齎檄往諭能殺盜首者賞以官能殺盜從者賞以金能釋兵歸罪輸我盜情者赦其死取家屬收管復爲良民有能應募者或賞或赦必信兼相機多方以亂之則賊互猜疑而其黨漸叛矣此就賊破賊者如此而吾所以制之者亦有五一曰審具以練銳一曰

聯兵以固圍一曰出奇以搗其綜一曰合勢以邀其遁一曰會哨以振其聲夫水所恃以制敵者船也而軍器火藥尤爲長技各寨遊兵船大者費二三百金船小者亦不下八九十兩自督造剋減釘稀板薄難以破浪應敵至弓刀鎗銃硝黃等項皆委廉能之官務求精良不許上下納賄遮飾有虛冒者坐賊如律則戰具修而戰勝可必矣此審具練銳之說也防海須水陸兩資以水兵爲藩籬以陸兵爲堂奧水兵卽額設

無夢園集

卷二

五

中練其技擊遠其遊哨必使時足待賊陸兵不必增設

祖宗設立沿海衛所原以扼守津要擁護州邑年來軍伍凡逃亡事故不准頂補於是在尺籍者十僅二三况包冒占役又參其半乎舊額既以空懸月糧復不時飽一有寇警誰爲荷戈致死登陣守禦者今各沿海衛所軍須以漸補足卽現在者時其訓練使習於戰而又增修墩堡使足於守寇至則水兵逃敵陸兵張勢互爲倚

角應自率然賊縱能擾我藩籬安能闖我堂奧此聯兵固圍之說也賊必有常泊處調其會船之所出其不意東芻灌油桴筏隨之順風乘霧可爲縱火此所謂出奇以搗其綜廣福浙綿渺共海望洋向若如分界而守則中寇者勢弱孤危將此剿遞彼彼剿遞此浙所以受閩之燼也近奉三省協勤之

無夢園集

卷二

采

旨而當事者或以海性不同船製亦異礁有明暗潮有蚤晚爲言然終當講求其說則沙民之長年自有熟海道者宜多募致通其形勢壯其呼應以遵

明旨方爲萬世長策否則我之區域兵力有限而賊方海濶天空緩則窺擾迫則颺去不惟無以制賊之死命是使海壖之民終無生理矣不可不遠爲慮者故勦賊之法福必宜與廣爲聯而浙必宜與福爲輔一省有事鄰省佐之則賊必刺促難安披靡難越何敢久聚此所謂合勢以邀其遁然其呼應之脉在哨必嚴令各官於

連界處會哨如在福建者下則哨至大成千戶所與廣東之兵會上則哨至松門千戶所與浙江之兵會在浙江者下則哨至流江等處與烽火之兵會在廣東者上則哨至南澳等處與銅山之兵會

閩巖藩也延建汀邵蜿蜒而居上流人稀地曠江浙接壤武平上杭之間山寇易爲竊發然旋起旋滅如日者大帽山之捷是已獨福興泉漳四郡彈丸之外一望片鹵屯之無可屯也食鹽

無憂圖集

漫二

五九

之鄉不下萬餘口鹽額不過貳萬令議驅窮民而之兵廈門則有守銃臺矣圭嶼則有望海墩矣曾家則有衛中左矣列嶼則有扼要害矣金門則有守料羅矣紛紛增設未議餉而先設兵繼則未撤兵而先撤餉夫聚數千人僑居旅食而爲久戍計甚則執利器而掛帆天外奸商餓民相率而探鮫室白沙湖則有楊祿大灣港則有鄭芝龍鰲海鷲門之畔則又有鍾六周三輩橫行海上各噴鯨鯢之波尋而劫奪商舶尋而

大獲番蚨尋而拾得美官遂使噉噉亦子但見爲寇之利而不覩爲寇之害宋元敝習黠盜顧得拜官至此之仕途捷徑而將相亦祕爲奇謀是何異縛虎而反翼之故曰患莫大招撫

閩地土窄民稠倚海爲藩藉粵東之粟以足食又日本佛郎機諸夷羅列其邊奸民給片紙於官揚帆恣其出入時和年豐猶得博餘貲以侈靡其衣食一遇歲稔家計無所出則嘯聚於鯨宮之表扼要害而羅羅之利塞閩於是大受其

無憂圖集

漫二

二十

病矣說者謂閩會適遭劫數心謂皆將吏之咎所以致此有繇然也夫自販夷之令下諸夷知中國之利日本雄據于香山紐夷耽耽於浯嶼而僅倚賴於通夷之李旦顏通事輩說以築城東番互市往來內地得免烽火之警於是有許心素楊祿楊策與夷聲援騷騷海上矣出其剽掠之餘交賄將吏邀招撫而博帶於市巷間肆行不義赫然凜人於是又有鄭芝龍方芝驥等欲援故事求高官矣不如意而流毒於居鎮中

左所當事者暫行權宜許以戴罪立功亦解網以寬待愚民之意也

夫閩左浙右粵昔雖中倭甚慘而倭亦隻帆無還自是倭氛稍息而亡命之徒猶藉以行劫商船且以其餘貲要撫以結終局而遺孽餘黨遂次第而傲行矣白刃橫空而朱提滿載不事詩書而烏紗貫頂三年兩招撫疑是海濱之科目盜賊堪揖讓竟爲幕府之門生始以寇盜議招撫終以招撫圖寇盜漳泉之撫議乃定而寧紹

無夢園集

漫二

三

之警報又旁午矣大抵今日寇情百番搜掠總爲求撫之資百番毒慘總爲嚇我以不得不撫之勢及巨魁撫矣公物輦於公門餘貲盈于私橐而脅從之波潤無幾勢又不得不復爲海上鷗而巨魁者甜言以媚之曰我舟出則汝舟東無擾我汎地足矣又且張皇上報曰某日賊舟數十泊某灣某日賊舟數百泊某島某日出征衝沉賊舟數十溺死數百而目殺一二以爲首功實則餘黨橫行莫之能禁惟有令之越省別

圖耳然而囂囂竊發者固未有既也

閩海一帶延袤數千里歲清明前南風盛發倭寇從粵而北縱台溫霜降後北風盛發又從浙而南馳閩廣其南而非也必繇澎湖烏坵非而南也必經臺山礮山礮臺外島也巨浪粘天驚槎迴斗難以寄泊勢必泊我內地故福寧州設烽火寨兵分四哨布沙垵三沙大金等處以防倭寇內犯設臺山礮山二遊兵以爲外援小垵係閩門戶也故置兵分守於濂灣千塘白犬而

無夢園集

漫二

五

又增設五虎遊兵以藩籬省會焉南日者莆陽之外區也設南日寨佐平海衛以爲外禦增湄州遊兵以爲偵探外防而溫陵置浯嶼寨兵分布崇武永寧料羅與清漳設銅山六鯨兵爲南海聲援戎幕星列兵艦相望皆所以絕倭寇竊發防奸民通夷也近又增澎湖浯銅二遊兵以防潛出勾引創制未始不善而今稍陵夷者奸民不禁則禁防皆撤貪帥不誅則奸民鼓掌此情理曉然者蓋緣奸民藉通夷爲奇貨倚左袒

爲逋逃藪視防兵爲僕隸匪惟不能防不敢防也萬有防而發覺之罪革其小者軀命亦未可知矣

閩中兵餉兵器兵船原設既有定額然而餉不依時給散愆期數月留爲關說抽爲庫房糧房常例兵仗火器戰艦派價初未嘗短少迨給發而庫房工房以常例扣減矣委官鑽督而從中侵漁矣故必發糧如期足數交與本將變給船器價直依派發與本將製造如此則備堅膽壯

無憂圖集

漫二

畫

將士得奮勇擒獲不至藉口而當事者亦便于責成矣

粵東草寇

粵東濱海多盜劫人殺人擄人勒贖此其常也始則三五爲羣繼則成隊出海今且與閩寇相聚矣其出海者聽官兵征捕其初聚者宜漸出漸捕則責在邑令也大抵邑令留心常詢父老自得盜之姓名一經擒拏卽詢里排保甲之有家而殷實者肯保結否肯結卽放不結卽爲真

盜不必究賊蓋粵賊之賊多勢力爲把持不能究也而粵民心甚公甚真間有疑似亦肯保結其不保者斷無枉矣以此嚴行可散寇黨若禦之方在鄉村宜建更樓爲之守望一里一樓富者出財貧者出力各自爲守二十里則設一營營兵五名俾爲巡邏其兵食則取之地方自然之利不擾於官不擾於民以粵海之利如鴨埠漁埠子粒所入均可養兵而勢豪占據之一旦清楚以設兵衛民民甚樂也勢甚易也在

無憂圖集

漫二

畫

海港則宜點查哨船蓋哨兵偷安放閑不守汛地遂致賊無顧忌此皆令宰及巡捕之能事者惟不肯留心已耳有可耻者海寇臨城令不能禦則率百姓釀金賄賊以乞解圍後乃揚言退敵目膺首薦海邦去天萬里封疆一至此哉

處粵東達舍

粵東省城五方雜處民無三日之糧稍一有警閉城半日卽內亂矣最可防者昔年回回達官盡居省城且環居布政司廣州府兩衙門庫藏

之左右向來人力稀少今則繁庶已有數千夷種性頑縱橫爲非近日浸浸不可測矣粵東之亂在腹心此不可不防者所恃者彼生卽有俸糧稍賦其腹未敢輕動今惟兩廣總督委其掌管營堡卽令挈家室移居庶幾漸漸分散以消其未萌也

除海寇

閩寇猖獗塗毒三省嘯聚將十萬矣漳泉之兵皆賊也其民亦皆賊也有力爲之與援內外互

無夢園集

浸二

奎

相接濟爲害匪一日矣黨與日繁遞作賊首劫可巨富又賄有力者以議撫初則賊首袁八老撫矣繼則楊六楊七輩爲首楊旣撫矣則鄭芝龍爲首鄭今撫矣而鍾六鍾七又爲首此皆一夥寇盜彼此相推以愚弄當道者昔嘉靖年間閩賊林道乾等作亂今日一撫明日一寇流毒四十餘年後以三省大創勦之始得寧靖今政屬此故套若不蚤爲之所則海洋中有澎湖海壇等島可耕可戰將二千餘里彼若盤據其中

則兵連禍結不可破已如曰浙廣應勦福建應撫彼揚帆肆劫圍堡攻城一遇官兵卽斂棹抵岸便爲良民何放縱之太甚也以一人之身在海卽爲盜在岸卽爲良倭而稱良倭而稱盜朝爲良民暮爲寇盜令督捕官兵一毫不敢下手是明開放賊之門民何憚而不爲盜哉今有錢則撫無錢則勦議勦議撫無一定局築舍道傍養癰成患海邦之民何時安枕接濟之家藉爲貨泉產於浙與粵者不幸與之爲隣久矣今宜

無夢園集

浸二

奎

力破羣議舉兵大創斯得息肩然亦只用浙兵粵兵兩相夾攻始克有濟若用閩兵是以賊禦賊恐終不能行也

海盜

江海之盜大開陣勢絡繹風帆一遇巡船駕小舢舨者撇賊首而遠遁揚大舡者向官兵而直衝官兵之船十常九敗每諱而不言譬如淮陽地方近海則廟灣海州廖角嘴大河營一路至狼山近江則劉家河周橋瓜州儀真孟河自西徂

東自南至北其中共有八百無名小集處處有
真強盜處處有大窩家名打鹽爲生鹽徒不下
十數萬衆一路達福山劉河江陰唐河靖江永
生州太湖等處盡東吳之地通西越之潮從湖
連海此應彼呼江南犯則逃歸江北窩家江北
犯則竄入江南窩主

平日之應募者類利餉利漁利樵牧耳色目以
貨克健兒以賄進而部領之長錢每神於司馬
門是作法於貪也寇至則胥不戒之人操不習

無夢園集

漫二

七

之器以與之遇亦不幸而遇之矣與寇遇不免
於死與司寇遇乃得不死掉臂鼠竄唯恐後將
與卒一心一轍也法可避法亡矣微獨是也禦
寇於海艤幢任之以官造則脆以民造又惜而
不肯棄以搏賊也以彼不貲之舟往犂莫必之
寇不幸而敗資本誰償是萬難令之而法自泥
乃藥彈以不獲功不開銷貧兵苦賠無寧鼓枓
避賊孰肯以一砲相加遺耶至於獲賊又苦於
解賊又苦於審賊又苦於反爲賊訟而真賊借

口被擄捕兵累身擒獲是誨之不前耳賊橫肆
掠金盈餘艘寃至於撫作賊愈久金愈多且可
以得爵顯亦何憚不爲盜

紀海防

沿海制置衛所水寨星布棋列而又聯以烟塹
翼以兵偵以通其梗塞狼息鯨晏而沿海安堵
近則異于是多設將以待敵也一彼一此因以
巧避敵而法不肅多設偵以料敵也可往可來
因以我輸敵而患益滋

無夢園集

漫二

六

今海寇作難浙紹近海之墟三江龕山白洋青
山九里等地皆係可犯之所而衛所所管之軍
一所止四五十人安得謂之千戶所又安得謂
之百戶所而百戶舊額有一百二十人今求一
零數而不可得清勾之不可不復也亦一
祖制也卽清勾行矣而經年累月父作子及間
或有子其民而不允軍其人者縣已鉗削盡作
鬼錄 浙海有玉環山自台及溫橫亘海中數
百餘里地極饒險

國初方國珍竊據稱強誠恐海寇巢穴其中若寧定之金塘大榭嘉湖之洋汧陳錢皆爲海寇出沒之所且海寇非自海止也素有山賊結通海賊自廣而閩而浙之溫處萬山綿亘奸民實繁有徒乘海之亂而水陸交作則防禦之兵似亦有限夫亦嚴戒舟師以剿海上已形之寇密行訪緝豫防陸路未發之奸海上責之將領必孰知海務乘風破浪隨處撲滅陸路責之縣令必孰識民情時威時惠隨地安定

無夢園集

漫二

七

先事爲備其在定海乎定海有防然後寧紹安固寧紹安固而浙西可恃以無恐數年以來倭氛稍息么膺海寇用是猖獗倘結連黨與招引匪類而與鹽徒之衆合繇東海而西向與山越之盜合羶薊蟻附水陸相通而與處州之礦盜合揚帆直上而與江洋之大盜合矧洪水橫流凶荒無告之流民又易與爲合凋疲困苦之區寧堪此數盜合併而螫毒哉謂宜嚴勅福直協勦杜其合賊之處撫其易與之民繇是用威將

軍之法禦之於水無使登陸則釜魚甞獸夷滅不難矣兩浙地斥鹵鹽鹺用饒濱海數百里剗土瀝煮其利不下於淮但多爲無藉私販剗占誠嚴禁之官爲招剗則鄉民無不樂於從事且舊有灶戶人丁今爲水沒八九卽以招集者補其名目剗爲常業將歲增數十萬金鹽利之在浙者可興也浙東西地多肥饒除額餉二百四十六萬外而衛所各有屯糧亦不下十餘萬無奈豪占侵沒使

無夢園集

漫二

二

祖宗良法美意漸滅殆盡誠清查屯額追奪佔土復還營卒逃亡竄籍者勾攝歸伍且舟山海外若金塘大榭等處甌脫數百頃獨不可招集流遺給種開墾乎歲之所入亦不下數十萬斛屯利之在浙者可興也東陽義烏兵稱天下雄嗣後驕矜自恣至犯上亡等甚而凌轢士民汗巖本管宜漸次汰去地方營伍卽招附近土著充之庶臨難不避居常有馴客兵之弊當汰而土著之利自在也

紀海船

閩地負山阻海歲入不足以供十之二三而沿海之民以海爲生出入波濤慣於勾引海寇竊發卽是本地之人而倭特其借號必海郡有司編立保甲十戶相聯一家必登記其幾人所業何事經商何處出入必查其時一家有事則十家連坐卽出汛之船縣官亦不可不知其數所歷之處必報於官限以時日不得聽其浮游不實以階大亂

無夢園集

漫二

全

春汛則出師於外洋汛畢則移舟於內港潮漲則水盛而舟浮潮退則水淺而難動卽有劇盜行劫於外洋有旁觀坐視徐聽其殺掠而已昔湯信國經畧海上建設水寨今日久事湮削不可考然其意猶可師也誠於沿海烟墩嚴爲瞭望烟墩之下分派戰艦二隻拋泊深水卒有盜至則墩舉一炮而一寨之師禦之若寇盜煩劇則舉數炮而數寨之師禦之擒獲盜賊卽紀官軍之勤惰爲賞賚之資將領不得以自私憲司

不可以窮詰庶乎人心奮勵盜賊潛踪海上安瀾而內地安堵矣

東南舟師

金陵浦口起暨龍江吳松等寨以至三江圖山而東漸入於海福狼對峙實爲外戶自江洋大盜小老將軍作祟邇年以來永生洲丁美舍掘江崇明廟灣鶯遊等處在在焚劫莫可誰何夫兵以捕盜爲事者也今者捕獲一盜申解上司批官審問羈延歲月乃盜黨襁負青趺廣爲布置

無夢園集

漫二

全

置捕盜官兵反致坐誣甚則吏胥需索營伍派費是獲盜者不蒙上賞而反生貽累以故營官寧爲養癰營兵甘爲縱寇長江鄰海之處幾爲盜數行商過客往往苦之上司徒以虛文督責有司專事掩飾彌縫今閩廣之盜大肆猖獗沿及浙而昌國失事矣寧台流突矣萬一繇廟灣鶯遊以達海州循淮河而入長江則根本重地豈得安枕臥哉愚觀邊軍之馬內有馬價外有圍槽歲時點驗瘠弱者有罰倒斃者有補所以

爲馬政誠重也而東南水寨設立戰艦三年一修五年一造日復一日而五年不修十年不造矣

東南之船政當照西北之馬政並爲設法振刷之凡閩廣浙直江海要害之區額設水營汛地者查其額設戰艦若干隻今存留堪修若干隻破壞應造若干隻悉行補造改小以爲大整瑕以成堅卽以本處府佐如江防海防河廳清軍等官加以船政二字使其董理之

無夢園集 漫二

金

水軍所關者在船力不在人力故大船勝小船長器勝短器順風勝逆風其制勝有三一用大船犁小船而用火藥瓶燒之取勝者一用大炮擊碎其船而取勝者一用火箭燒其篷帆而取勝者如編隊法在海則宜多置福船用兵九隊爲一大哨而舵手繚手艇手招手斗上鏢手俱在其中每一號船用神飛炮四門佛狼機五門百子炮九門火箭一千枝火瓶三百箇火藥鉛彈多貯焉在江洋則宜用大號唬船用兵一隊

而舵繚等手在外用佛狼機二門百子炮四門火瓶五十箇而火藥火箭量帶但船制因地而更亦不拘於一法如浙台寧則有漁船温州則有繡鞋船在閩則有南鳥船在廣則有舢舨船蓋舢舨舟之稱大者也但賊船之來必乘順風倘我居下風不便火攻必閤阻其船居上風犁之大凡船尾之板俱不如船頭牢固倘以我船頭橫犁其船尾舟未有不沉者也况又有火瓶大炮拋擊之乎如是將見江海之樓櫓一新而

無夢園集 漫二

金

蕩槳逞遊龍之技矍矍之旌旗變色而開頭捷使馬之能東南半壁何憂倭與盜哉

蘇州海防

遊兵營之所以設唬船者蓋緣沙船底深體重正能衝風破浪闖賊於海不能追賊於港唬船壹桅捌槳輕小便捷海寇迫於沙船之追則竄入淺沙或潛深港於是設唬船逐淺尾深所以濟沙船之窮者也向來海上安啻唬船塵閣地方遂有借船之舉嗟嗟本營唬船二捌隻歲費

朝廷帑餉肆千餘金而防倭捕寇并未得一兵之用良可懼也

嚴崇差船悉令派守信地如果係軍情如近日潮守吳江及載兵東流之差議於各關津處所置蘇松道衙門循環簿壹扇壹季壹更凡有兵船過關嚴查係某事差係某官逐一登簿仍按船內如帶鹽米私貨等項庶私借之陋習可除私差之弊端可杜信地得實兵防禦之益各兵甦往來撐駕之困矣

無夢園集 漫二

金

如給修造銀壹千兩凡各衙門書手有加一扣除之例屈指計之侵漁已半而又鎮書總書之有常規也管班健兵之有使用也鐵匠之有猪羊祭兵也頭目之有開局酒席也各項開除又不止百金所餘無幾於是擇腐朽之極者造拾之壹貳其少可修整者刮鏽開眼蒙以火漆則舊銃作新銃矣磨刃漆柄補其缺口則舊刀作新刀矣今議刀銃等械額限伍年壹造弓矢火箭額限壹年壹修請委有司領價督造完成之

日本總差官赴領不如式者卽將承造匠作申究賠換

遊兵沙船貳拾肆隻蒼船拾叁隻唬船貳拾捌隻共兵壹千壹百伍拾名使唬船不出差專守信地團合蒼沙各兵閒時操練儘可禦敵無俟外索者今則唬兵肆百餘名止供差遣及至春汛借名兵少復招短兵貼駕出洋沙船每船短兵貳名蒼船每船短兵叁名共兵捌拾柒名每名給兩月半糧各該銀貳兩貳錢伍分共銀壹

無夢園集 漫二

金

百玖拾伍兩柒錢伍分夫正兵之外益以短兵詎知短兵出汛竟屬烏有而餉近貳百悉入本總之囊乃令各頭目僱覓壯丁赴鎮解驗此其冒餉之弊爲何如者

東南自蒲門金鄉以至梁庄獨樹東北自青村南匯以至鹽城雲梯各路洋島關衛俱用嚴防巡守不得少懈苟有警變卽速馳報浙直撫按會同各寨官軍追擊勿使踐足內地而至難于驅逐

浙海兵

浙襟江帶海所在虞倭沿海設有衛所其弊民兵每名食十兩八錢皆召募烏合之衆私賄將領告假回家卽平日着伍不滿其半軍兵每名食六兩六錢其人皆世守桑梓惟有力作貿易私販掛一名糧上而把總哨官受其汎規帥憲巡歷不過以迎送爲事名爲出汎實則在家此猶在陸者也至於水兵每船十二三人上有一什長有一舵工又有一捕盜有一船戶每人分

無夢園集

漫二

文

其薪水月規若干及船有損壞彼此推諉而不知修雖日出洋惟知做魚鯨販海味圖往來取十倍之利倭從此道來則從彼道而去倭從東道來則從西道而歸曾不敢以一舟相角逐卽今象山受困在水旣無可戰之卒在陸又無可調之兵良可慨也

國朝藩衛四在瀕海而濱海要害半在浙中財賦士馬甲于天下爲三吳之屏翰閩粵之咽喉留都之藩障浙堅而天下堅浙瑕而天下瑕係

匪渺已然今之險非復往日而今恃險之心反甚於往日今之備險非復往日之舊而今之守險猶仍昔日之名莫若舉兩浙之形勢而按之羊山許山爲浙西大衝韭山爲浙東此大較也至于倭夷出沒之所必料其途之所繇彼繇北山則經蛇山茶山而攻吳淞崇明者我之所必守也繇東洋則經陳錢馬蹟而攻寧定衢山馬墓者我之所必守也繇羊山則直進而攻海鹽乍浦三關者我之所必守也

無夢園集

漫二

文

閩海募漁

一在募漁民海邊漁民家水國而田滄浪其敢衝犁賊船也猶之凌風濤然誠能募之以備前鋒則一鼓而懼怯皆振不則如芋溪十八堡相爲守望賊縮而不敢進鄭剛中則謂宜錄瀕海諸豪以資捍守如是則盜氣奪一在嚴應援閩之分符彈壓者南非中三路而已寇犯漳則中路釋擔冠犯福則南路觀望官如傳舍事皆遽廬何以運臂指之勢而成牙錯之形合令一方

有警各遊協擊俾寇自窮於闖入如是則盜窟消

紀閩海餉稅

閩廣之患遠虞雞籠淡水而營窟於東番北港近虞島沙五嶽而肆螫于南麂霜臺金星虎跳崖門俱寇衝也市舶絕而香山之澳市仍開私禁嚴而諸番之貿遷難禁市舶與澳夷市而澳夷薦處爲之居停不逞之徒倚爲外府則閩之二萬稅金其崇也利其稅不得不與之市停壓無夢園集 漫二 全

寄泊違抗而不可問矣莫若亟捐此稅勿與市而澳夷可驅也

盜糧

一議嚴糶禁羣寇聚衆島嶼向皆糶米於兩浙并南直出穀通水地方泊大船於海口撮小舟入米市躉買零運以實大船所以六七年間兩浙南直米價湧貴雖大有之年當秋成之日米價亦不少減蓋以地之所產有限而海寇之所糶者多也沿海沿江原有巡船向皆買通關津

毫無阻碍今議禁絕盜糶嚴設關防如某商某船糶米若干往某處販賣本地有司官給與印單定限開日務要所往去處有司印信批迴見得某日某商某船載米若干果到某處發賣與某舖是實有私販糧食併巡役不舉有司不察者懲以重法沿海各汛防守旣嚴又不得捨掠勢必饑餒因道不能久聚兵法曰焚其輜重絕其糧道正此意也

海路

無夢園集 漫二

全

舊日虜不近海止以防倭今則奴虜俱切望洋恢復全賴海運沿海關隘墩架當極力整頓水路迂迴島口遠近又當亟爲講求

海塘

昔者倭寇犯浙及海鹽鄭端簡公曉問曰賊掘塘不人口未也公曰無事嘉興在水底塘潰必危矣賊不及此又何慮焉繇是觀之嘉興誠在水底塘潰不止能勿危也又攷之鄉民耆父言昔塘嘗崩毀尚有淤沙數十里水淺勢衰不甚

衝裂未有如今之橫溢傷類者也採石之役人多謀而利之又計徵發錢糧以至支用之盡每一千兩實用止三分之一耳

登萊紀聞

始也止我兵于青而不得進既也自出兵于登而不待援始也疑遼而用遼既也用遼而殺遼始也因遼而怒登既也爲登而怒遼又以一舟暗渡來旅之人變而爲絡繹遷淹赴關之人彼以利兵壯馬爲行色此以禁烟閉糴爲壺漿彼以豺狼之性游苑囿此以搏沙之勢作藩籬是以至一邑不開門則棄甲遂使六城之敗如席卷七十之潰如雲收倘大兵旣集以一軍自萊

州繇橋白馬鼓行而東抵黃縣以爲正兵以一軍自萊陽繇棲霞掩其南以一軍繇文登卽福掩其東以一軍自三山繇王家臺掩其北以一水軍泊廟島絕其後以一水軍守膠州阻其前賊聞正兵東進必傾登之遼人以堵我我正兵與之對壘而勿輕戰或以北軍之奇襲其左或以南軍之奇襲其右或出廟島之水軍搗登之虛或以福卽之偏師觸登之無備賊窮而南下膠州平渡互爲犄角而以萊卽之兵蹙之于

險賊窮而北渡廟島之水軍突出于海而以大砲擊之中流况廟島卽登萊過海之門戶登之遼人與始爲亂之遼人猶有限也海外之遼人無限也登之遼人猶有妻子也治亂之遼人已爲飽虜也海外之遼人窮而悍與虜同性勾聯入登其勢愈張難破矣故欲以海防四營之零船零卒絕之于廟島非但堵截北渡之遼人也今之登船悉化爲賊艦南而天津淮揚西而覺華山海能識其舟爲賊舟必其不一犯乎若夫

無夢園集

漫二

奎

島兵須餉日急此時餉島孰分其順逆順者須餉逆者奪餉倂順而陰逆者又藉口無餉望海運截海運藉海運之不通而聯遼勾虜縱橫無不如意使我之零船水卒如萍如梗廟島之水軍可不備乎至于島上之遼人各州府縣之遼人舊營食糧之遼人標下官丁之遼人自登逃難之遼人無有窮數能無安戢而分別之乎今廟島砣磯皇城三島從來要害俱置而不守大開海道不勾虜來天下必無之事也嗟乎遼人

有二等有南四衛之遼人有北四衛之遼人今之賊北四衛之遼人也性與虜同而更識中國之虛實南人畏虜而不畏賊故從之者衆虜有巢穴思歸而賊無巢穴無所歸徹我之情形而無所忌憚固與虜異無巢穴之歸而必死以甘心于我寔與虜不同虜猶殺我叛人金帛婦女捆載而去未恣我叛人也而賊則恣脇從者之取之是賊之奸肆而得我叛人之心又更甚于虜矣

無夢園集

漫二

奎

奴不能舍馬從舟但奴性多疑彼之視島兵如肘腋之癰疥牽制兩不下故島帥因請開南岸通商貨朝鮮爲利島者遼人之退步也自三韓淪沒遼人進關百萬餘輜重十倍之遼俗不耐饑渴流離傷心所在有爭爭則人欺其孤且利其有不曰養患可虞則曰通夷有據株連吹求因一人而斃數十命一事而疑千百人十年來摧折殆盡富者罹法貧者投奴但知開幕府以接回鄉之遼人而不知其渡中國苦驅之遼人

以入奴也故曰遼人之退步斯開南岸之害也
苟撤登撫運糧北岍設餉司於覺華島則譏察
嚴而紀綱一立偏裨於東江聽遼帥節制責其
間諜偵探招徠降衆使遼人棄奴降我有路而
無繇從島入奴則奴亦不敢遣奸宄直入中原
山海丸泥可無輕失其險矣登卒因地方激亂
烏合之衆遂成騎虎利在速爲渙解但恐大凌
河之役奴意在登萊詎流寇也乎哉

登寇猖獗修船料餉分兵四出倘越膠州而直

無夢園集

漫二

乙丑

入雲梯關以犯淮安則咽喉梗再越東海廟灣
鹽城而直犯長江以窺 留都則根本搖再越
長江直入劉河李家洪擾我蘇松四郡則東南
之半壁動莫先於固守長江口竊按形勢狼山
總鎮當勵兵守寥角嘴以守江口之北吳淞總
鎮當檄駐福山以守江口之南吳淞遊兵奇兵
與崇明之兵板劉河遊擊督之守三片等沙以
防江口之東若江北周家橋及掘港二總江南
之羊舍靖江諸師檄永生洲叅將督之駐守褚

家沙青草等沙以扼江口之中四面合擊江口
可保無虞亦不致流突四郡矣惟遊兵一總汛
守羊山遠在千里之外聲息未能相聞當抽一
哨遠探外洋而全師宜留之以防叵測可也太
湖素爲逋逃藪天罡混漁舟出沒至於三哨之
兵當合爲三處東哨合於東山訓練西哨合於
西山訓練南哨合於胥口訓練不特可以弭兩
山之奸宄亦可以合力把守 留都之間道

無夢園集

漫二

癸



紀登萊

登萊一師原爲與金州相望而偏恐奴襲渡灘之故智故設此以防然必欲藉此以克奴則金復海蓋之城垣盡爲奴所傾覆金復海蓋之廬舍盡爲奴所燒燬我欲屯兵則兵無所棲我欲聚糧則糧無所頓將從何處著脚而敢與奴搏戰乎此旅順進兵乃必不得之數也夫登萊與山海相近尚不可恃如此而況皮島之師欲應關門則有獐子島石城島廣鹿島平島雙島越

無夢園集

卷二

七

五千餘里而遙豈能飛渡而至乎故設兵之初原爲皮島與鎮江相近可以搗奴巢穴故每歲傾朝廷數十萬金錢養兵而不惜正爲可以掣其尾而使不敢窺關耳今奴業欲渡河而窺廣寧又與插酋相結而窺宣大則奴已稔知皮島之師乃東草爲人以驚瓦雀者耳余又思之登萊卽不可以入虜而虜必不能忘登萊何也彼在海中則三方之說我爲虛著彼爲實著先據爲先著彼要著先著決不肯著后著一斷登

萊必窺宣大不待智者方知也奴謂我無人乎哉

無夢園集

漫二

七

紀造戰艦法

嘉靖十一年給事中陳侃行人高澄使琉球二使奉命至福建造船啓行已具奏上聞矣然使舟名雖新造而造船官吏苟且侵剋實不可行二使不知也臨行同年祖餞告之然期已迫至中流舟破幾不救幸天妃示現得上葉壁山以達其境萬曆初命給事中蕭崇業往蕭稔知前弊疏請各官吏役匠等一二同舟往死生共之往返安流半月成命詳載使琉球志中後夏黃

無夢園集

漫二

先

門子陽亦如之今欲造戰艦亦當倣其遺意

紀戰海

吳江之戰任環以周琬之令遂能轉敗爲勝金山之叩我兵遲回太甚方議會勦賊卽出吾不意殊死以戰在賊爲先則制人在我犯爲人所制之戒麥田伏發我哨全疎在賊爲多方誤之在我犯先爲不可勝之戒漳兵不戰而却狼兵戰而失利在我主客不協以勞待逸在賊奇正互用變客爲主上將總督張經叅將湯克寬扭解赴京副總兵俞大猷奪職

無夢園集

漫二

丁

狼兵少劬皆因主客扞格俞大猷兼統狼兵失策之甚湖廣土兵亦漫無紀合以總兵沈希儀領廣兵岑大祿等副總兵何卿領湖兵彭蓋臣等與巡撫會同付事仍聽總督節制不拘浙直責令二臣互相應援陸戰悉付之副總兵俞大猷專管水戰

如樂陵小縣知縣許達一加整飭勁兵雲集流賊瓦解何嘗遠募客兵

柘林巢穴賊旣盡數奔突出亦要設法先行

占據令其退無所歸

常熟知縣王鈇鄉宦叅政錢泮追倭賊至於上塘港口被殺鈇贈太僕少卿泮贈光祿卿廕一子

瓦氏之兵寸長亦錄鍾富之死一夫不棄

太倉知州熊稔等

升蘇州同知

擒斬一百三十餘名

顯嘉定知縣楊旦

賞廿兩

擒斬一百五十名顯皆

叅政任環

廕千戶

統率訓作所致

不慶戰於海上而邀擊於海口與北虜守大邊

無夢園集

漫二

更

不守次邊同

出洋之制盡善列船港次猶之棄門戶而守堂

室欲分乍浦之船以守海上羊山蘇松之船以

守馬蹟定海之船以守大衢

浙直共此大海當總作一家計處必須共守障

錢諸島分守馬蹟等三道

見造有福清等船調取有廣東新會橫江船東

莞大島尾船又有寧紹台溫捕魚海船及下八

山捕魚等船又有蘇松捕魚沙船

海裏獲功倭首一顆爲首者准陞二級止獲賊

船亦以大小論級總兵官能使賊船不得登岸卽論功

倭數不多自紹興潰圍而出中經徽寧太平突

至南京不下三千餘里今奔入溧水

狼山巨捷一矢不遺日照連奴片帆未返巡撫

鄭曉功爲最

一戰周浦再追川沙達三邀於寶山海中止知

欲速之成全無臨事之懼致使川兵旋敗

無夢園集

漫二

下

所調狼土等兵十倍倭奴近浙江揚州之變多

係土人何其勇私聞怯公戰哉在處置之得宜

耳

無賴之徒巧立報效贊畫名色平時坐糜公廩

有事爭自首功

江南水兵原係無籍一旦裁革無所資藉因流

劫江湖之間

紀禦侮

任兵憲禦倭內外裳服皆用本道關防印記江
陰錢令尹以縣印印記肢體手足皆遍故能身
先士卒衆皆感泣效死倭奴稱兵憲爲任拚命
見卽遠道

無夢園集

漫二

五

陳太史無夢園初集

占吳陳仁錫明卿甫著

牘

答諮訪賦役

價運

一兌軍價運每正米一石加耗米四斗又加斛面尖耗米二斗六升又加過江腳米六升不容再加矣蓋正米一石已加耗米七斗二升也乃今又每正耗米一石官戶加耗四升民戶加耗

無夢園集

卷集一

一

七八升至于某衛兌軍地近人衆糧長不敵每石加耗至二斗又加使費銀一錢耗上加耗是二石有餘方兌得正米一石而諸不經之費如東道錢偏手錢行廳錢記籌錢換單錢樣米腳米諸般名色又每石約費分餘加以倉上挑腳錢剥船錢斛手錢又每石約費升餘又某縣遼糧正耗米一石又加耗米一石是二石三斗方兌得正米一石矣農氓終歲勤動僅獲些須籽粒而催科隨之不知經幾許江湖風浪方運入

倉而貪取無厭如此若廉明之令尚知護恤糧長乃邇來陋習相沿或忍以子民之膏血恣兌軍之狼籍至臨兌之時不問交兌情狀惟是籤牌四出致兌軍百計留難多方擄指兌遲一日則糧長多一日之費受一日之苦俛首求兌求單而不可得不亦可異乎合無于兌軍之上開明某衛正米若干加耗米若干共該兌米若干石其兩斛加尖已有二六輕賣其過江腳米又有三分折色庶可免耗外之耗乃官戶糧戶之米必須篩颺乾淨不得雜以糠稅糶穀使兌軍藉口索賄也

輕賣

一輕賣之設爲交兌時有淋尖擊斛之爭欲令刮鉢平斛故部派江南每正兌米一石兩斛又加尖耗米二斗六升改折銀一錢三分是曰二六輕賣此銀原係兌米加尖之折色恐軍衛浪費解淮候給爲軍得矣爲官民則未便也夫爲此加尖米之銀增點解戶加以解官之費加以

貼役之銀每錠五錢此官費也又解戶在本地受解官之勘贈在淮府受交收之留難每錠費用至一兩五錢良亦苦矣乃解官與包解之奸胥通同作弊將原錠鞘銀開封改傾輕錠銀水不足致淮府驗究情人代禁呈稱該州縣銀輕銀低所致仍復加派如天啟五年兌折之輕賁復派于天啟七年之田糧不已甚乎及至軍兌米除官戶外仍復加尖擊斛不肯刮鐵平揚尖上加尖役外加役斯田斯民能堪至此乎合無

無夢園集

勞集一

三

卽以輕賁銀交與兌官帶去在州縣免解銀貼役之費在民間免爲軍起解之累在兌官兌軍亦免在淮候領之稽遲蓋有三便焉至于兌米之加尖非善設法不能禁革合照萬曆中年間吳江劉尹之法釘斛揚于斛口而旋轉之亦一平準法也

淺船民七料

按某某三衛舊制淺船三百八十隻若照清江廠原定規則每隻費銀一百兩除舊船料外

軍出三分民出七分是每隻該銀七十兩十年一造每年均派船不滿四十隻銀不滿三千兩今派每年五千二百有奇乃昔爲借支爲補派今爲預派而在雜料加派中又有新增淺船軍三木料銀二百九十餘兩抑何其不經也是所當稽其實也

遼餉

賦役書中不編遼餉若干止據某縣長單編每畝連扛銀九厘一毫內以銀糴辦本色米每平

無夢園集

勞集一

四

米一石加米三升四合零餘外仍派折色某縣長單編每平米一石舊額正銀三分四釐九毫零內扣糴辦米價銀二分九釐三毫零每一升算銀柒釐該帶運遼米四升一合九勺零實徵遼銀五釐五毫既云糴矣何以復派之于田使民間遼米之兌每石加贈耗米一石又加以使費之銀倉歇家徵之糧長糧長徵之里排里排徵之細戶上以糴字避加派之名下則以糴字受加耗之害愚謂起運存留中有可以議改折

議裁編者用以抵補遼米而總括于五十之中條編于兌單之內不必多其名色使奸貪得以藉口也大都今日衙門最利上有一項新派名色不論事之重輕輒相與增其加贈難其解扛所以國需僅一分而民費幾倍之此弊之首唱者始于和豐倉之總名相仍有年頗爲得志今漸延及同郡矣合應嚴禁遍示正官不時查訪庶奸貪稍知欽跡也

昌平米

無夢園集

勞集一

五

昌平鎮邊糧之加派每本色米一石加派米二合五勺從來賦役書中會計告示並無此項而相沿已二十餘年矣在二十年前尚有官單可據今并無官單矣數年前尚云七州縣三年一輪編今則歲歲編派矣且不編于官戶民戶而獨編于糧長里長所不解也只長洲一縣有四百八十七石有奇則通府可知如其必不可已何不明派于兌運之中而乃暗增于會計之外是可查也

金花潤布

按金花舊制京庫折糧每平米一石該折銀二錢五分周文襄王肅菴二公俱派于重額田上則此項銀應派于吳縣長洲吳江三縣以其田額重故以是寬之也京庫折布每一疋准米一石每疋價銀二錢五分扛銀分舊制派于太倉崑山嘉定三縣以其地出布其土高阜故以是寬之也金布二項分派六縣實爲均平當是不易之規部派之式金花銀一兩准米四石潤

無夢園集

勞集一

六

白布一疋准米一石若每石折銀五錢此京庫之法非恤民之意

兵餉

國初沿海原設金山太倉鎮海諸衛各有哨船絡繹巡視爲防海計至密也自嘉靖有倭難復于額外募兵禦之而原設各衛官軍則移之守城蓋國家之法臨陣損官軍三名以上卽爲失機若所募民兵卽損數萬無傷也平時盡民力以養軍有事又募民爲兵以衛軍識者每寄憾

焉且募兵不難銷兵爲難及事平而兵不可銷因籍其人于劉河吳淞福山白茆等處分兵汛守是江南歲歲有防倭之費也况今日海上之兵已非昔日之強壯凡一兵缺游手無賴之徒輒貸銀買充之又營伍之兵類皆虛額遇查點輒僱人應名其現在者又雜以疲弱蓋因兵餉皆頭目關支銀入其手任意花銷強者給餉之半弱者給十之三故多懦弱無聊之輩卒有警急將焉用之然所守皆要地設兵守險事亦有

考察去其不肖而補其賢者蓋去十兵不如去一官而去一不肖之官于軍中更有益也其兵之已經選中者編立行伍將籍貫年貌身之大小面之赤白髮之長短照邊上招兵之式置籍登記造冊印鈐一留本道一發兵官遇事故名缺不許私相頂替凡受賄容補者必罰着伍長卽時申報一報兵官一報本道立法修復祖制使諸軍巡視熟習海戰遇一兵缺卽補以衛所之軍餘軍盡卽補各縣民壯或遇兵官遷轉卽補以本衛所之賢能武職彼自食其本分月糧爲國家防守信地庶不失當時設立衛所及編置民壯防守城池之本意遇汛出洋亦照例量加工食以展其效用之心行之有年則兵皆土著而餉可大省此練兵省餉之道所宜講也今不惟不省且告匱焉且歲增而不移焉皆由某官隱其虛耗動以印信文書冒支侵匿與府縣胥吏通同作弊查盤官亦止據其印信以爲真實耳其中虛冒之弊有不可窮詰者稽查

之要惟在得其官軍實數其間有無緣事扣革見任差操守城老幼各若干名總筭一年應得糧若干查其屯田耕種該糧若干先儘屯田糧米給與各衛官軍扣筭穀支幾月其不足者派與各縣各縣存留軍儲某月某衛官軍赴某縣領若干一照京軍食通糧之例逐名支領其有新軍到衛舊軍解補必由本道掛號行文州縣知會分布既定則常年餘糧可作練兵支用以本衛之餘糧養防練之士卒又何額外征餉餉

五
聖
國
集

勞
集
一

九

外那移哉古人師老不息必議屯田今防海諸兵既不可減而不行屯田非計也蓋募民爲兵是驅良民爲強暴教兵屯田是化強暴爲良農今沿海沿江所漲陞科塗田多被豪占合遣官丈量分兵屯種或豪民占業已久不容軍屯卽每畝起科給兵充餉其有積荒田土累民賠補者今畝民呈告田圩四址給軍開墾且屯且守果覈實軍糧則三衛軍儲各營兵餉諒必有餘卽以餘糧充開墾之資加給衆兵計地開墾各

兵得額外之糧豈不樂從各縣荒田得熟又可免奸頑隱漏侵欺之弊且化兵爲農法之善者也

按各州縣荒田原係傍江傍湖傍海之所多分兵信守之地若將比較冊荒糧摘出令糧長塘長里長開明四址按圖給發水兵耕種則真荒有可熟之望假荒亦得復熟之法高者可以開墾成田低者亦可菱芡蒲葦隨土宜而種植兵農兩利之術想亦可爲無處荒無夢園集

勞
集
一

十

糧之實助云

貼役解扛

嘗考古冊不派役扛銀者各役有正有幫正者一名幫者幾名量情行貼彼此兩願所貼適供所用如北運正戶僉二三分其餘分數共出銀幫之每分出銀若干註爲定例南運收頭等做此有恃強不出者卽令着役似亦均服自貼役之銀一設則諸幫戶皆可不用矣乃今之幫戶仍不能免則于貼役之制何取其故可思也上

給下領之間其中留難扣除有其名而無其實也夫差役之繁若官府清明自可不擾在本地有糧衙糧房之常例押糧皂快之需索吏書門皂之酒席在中途糧廳協運之常例車腳扣除船夫打詐之苦毒若得一一禁革則非運一各可省百金之虛費收頭一役在廉明之日每千兩僅費三十兩而有餘在混昧之時甚至費百金而不足尚有羅織喪身之病誠得愛民賢令行耕役舊例則役銀可不加派而各役原有助

無夢園集

卷集一

三

銀諒無獨累之苦若照吳縣舊例照區之上中下以編役之上中下設有役田之多寡歲令糧長徵收充役而不徵役銀民更便矣此先任撫臺宋公之善政民到于今受其賜未有可行于吳縣而不可行于各邑者也但令各屬耆甲宦家大戶平心公議各計自有之戶田量捐百中之二三豈爲厲民哉按先王之制卿大夫士及府吏胥徒之屬各隨職給田故歛薄而用常裕宋以來姑蘇之田給文武官俸者曰職田官買

民田以備荒者曰社倉田鄉民出助保正義役者曰義役田具府誌可考今稍舉南宋之制使各役皆有田不亦可少蘇民困也哉

存餘

按積餘之法聖王治世之良規也天運之所以不窮者積餘于四分度之一也地運之所以不窮者積餘于江湖河海之中也國運之所以不窮者積餘于三年九年之蓄也古來裁成輔相作用莫大于此先是吳中賦重而民貧積逋以

無夢園集

卷集一

七

數萬計上命文襄公撫江南十餘年間餘積十餘萬石肅菴王公守蘇清查田糧有無處荒糧一十一餘萬石俱以田耗包補外而數年間亦積米萬石夫以積田之澤國二公爲之經畫區區遂使民之散者復歸土之荒者復熟漸觀樂利之休足民足國此餘積之明驗也不意嘉靖末年惑于餘米失稽之說舉耗米盡括之于官每石有六錢七錢之折色于是民間之耗米遂爲內府之正供且舉欽俞歐陽公奏

減之議埋沒不行而當時暫有抵補之荒糧至今永爲無處之荒糧矣不亦深可惜哉此雖已往成議然當今之時邊疆多事而事屬奏減勢有不能行者夫以無可餘之日而爲有可餘之計莫如議改折議省役議畫一之徵蓋南北糧運中有可改折之項一改折則五錢折色可完正米而加耗夫船可爲餘積改折則民役省而車脚盤用皆爲餘積定畫一之徵則虛荒不混偏零不繁下不能爲奸而本色折色兵役里徭

無夢園集

勞集一

十三

中之奇零盡歸餘積矣于是軍兵之虛冒者覈之則兵餉之餘可養有用之兵義役之分侵者稽之則工食辦料之中可省無益之食其餘織造驛傳優免等項之可議裁議借者政多可籌也其民間之議贖議緩議輸者政多可儲也止可以佐軍國下可以蘇民困達可以濟邊餉近可以練土兵皆餘積之妙用也若仍經賦冊儘派無剩之法則上有減額之虛名下受新增之實禍朝四暮三此減彼增啟奸惑愚殊非實政

此當年張給諫覽冊跋語有實心實政之感也方今國事倥傯寧可虛談減賦必有餘積方可供朝廷不時之急需此文裏轉輸善策可倣而行也不然候旨而後派勢必不及不得不爲那移那移弊藪也不那移又坐困也有家者而無餘存一有不測便將立敗况天下乎合無將徵則畫一以餘米餘銀立循環簿嚴爲查盤不許妄用支銷不爲汙吏軋沒自可爲國家實用矣

無夢園集

勞集一

百

如本色米今驗派四斗八升八合零若照舊規每石派徵米五斗當有一升餘之剩米可抵充遼糧又有可改折者可以湊抵如折色銀今驗派二錢四分六釐零若照舊規每石派徵銀二錢伍分亦當有三釐之剩銀可抵遼銀又有夏稅馬艸雜料中之可改編者并可湊抵練兵役扛里甲均徭中皆可類推

會計

夫會計宜早定矣必徵則畫一而後可以早定然徵則之畫一又必與戶部准撫定議而後可以畫一今軍運不可議矣民運中有可減新額而復舊額者有可改本色而爲折色者必議定乃可垂久而歲歲之會計可以早定卽有凶荒第舉其額中之本折一通融之耳額固不必更也至于存留之本折兵役之增減里徭之因革是在本處之酌議自定矣又如王祿之改折內官之增額織造之冒破雜料之緩征優免之

無夢園集

勞集一

七五

公輸災銀之隱弊又如存留之恩赦窖銀之均免皆可預爲擬議以待不時之需蓋國家有事小民豈不知報與其赦而復征何如以不征爲救減而旋增何如以不增爲減上不煩筭扣下不啟奸弊反爲直捷則今歲之會計似應仍上年之舊而畧去其奇零倣古冊之制而預求其餘積實今日備急之要着亦畫一之徵權也

糧長

一每名糧長一當十分某官索常例銀 大

小叔

上下房書手皆視爲奇貨中區

兩下區

兩又日日到倉日日折飯有錢

者有錢者而各役酒錢人人效尤間遭倉歇侵逃每致傾家亡命究其侵尅之故皆因平日串通官大戶知數人撮借那移又有冒充不願糧長收而包與倉歇者撮借在先期或出兌米一石該銀一兩止撮六七錢那移撮借凡結交吏書差役家中衣食嫖賭花費過多比充急迫

無夢園集

勞集一

七六

遂至潛逃其勢不害首名不止矣查倉歇卽係總名俗名倉鼠以其善啗倉糧也昔年禁革總名逐出離城三十里改名歇家據歇家之用止該領充今原有押扇差人自足供役至如折銀比較宜照昔年舊規用縣前歇家或用總書帶比俱可

北運

一北運之難難在顧船船埠有偏手船家有撮借途中又有外水之需索二十年前每名外水

不過辛苦神福倒班犒賞錢一兩外止矣今加添至三兩二錢之外近年間有打詐一節解戶被其荼毒情極可恨差役反有陰爲之地而分其利者今宜嚴着埠頭與小甲限十一月中同解戶細訪三四百担牢因中船報名在官定其水脚銀兩河下縣中先給十分之三急爲修整餘算付糧解中途陸續分給萬一長途用度不足稟過總部量批執照將船抵借候到河西務衙門起剝卽行文支會鎖押船戶追比給還方

無夢園集

勞集一

一七

許回風裝載如此庶可絕刁蹬那移之累矣至如外水打詐是在總部廉明嚴禁差役交通一有發覺卽擒拏爲首二三人嚴刑重治自可潛革其他開幫宜早漕船欺壓河西務領剝到京交割衙門與保識勘捐俱已奉 旨嚴禁永宜恪守遵行

王祿

一三王祿米崇禎元年奉 旨改折優卹小民也奈包頭串通縣書差役及該王府僱催等官

百般勘捐一倍反出二倍卽如彼處來人云正米一石改折銀一兩二錢鋪墊八錢耗銀一錢二分大約交納不過二兩一錢之外其津貼費用幾何今反索至四兩方包縣中又以改折之故每石追夫船水脚銀七錢糧解有不甘而願親往者又因各戶分釐品搭米少路遙不得不勉強承應又有索至六兩之外者包頭之爲害如此

清查

無夢園集

勞集一

七

一田地非清查不明自萬曆三十七年以後已經二十年矣推收情弊已多據冊見點清查總書何得置之寢閣今宜據三十七年事例嚴行該局總書查算明白并查三十五年分知縣某書冊陞科錢糧及近年陞科地蕩數目抵補拋積板荒錢糧再着新舊首名督率該總造冊呈遞如有容情隱匿或將高作低或移低作高與飛洒等弊容賣買主呈首嚴行究問并申撫按依律

軍儲恤孤

一軍儲恤孤每年爲縣總作弊私自改折獲利無算今照得二項人等原不便于本色對支宜將盡派水區以充代兌之用一則不使在倉官糧徒飽奸猾之腹一則不累高區人戶另當出兌之難似爲剔弊安民之一策也

水區

一水區徵糧不論年分荒熟卽着高區代允許以折銀扣還拖欠二三限後遂至寢閣徒累良

無夢園集 勞集一

七

民扣還者亦復乾沒是代兌卽乾沒但低區良苦每年改折軍儲恤孤二項共米一萬三千八百有奇不派高區坐派水區則在水區已蒙改折之利在高區又免代納之苦似爲兩便

扣支

一扣支南北解戶糧折每歲動以萬計一憑縣總上下其手往往有解戶領票扣足而堂簿不銷亦有堂簿已銷而解戶未嘗領票又有扣票多而底冊少亦有底冊少而扣票多所以近時

清出隱縮銀百千然大半又屬朦朧矣今宜照收頭用連三票一付糧解一存縣總一付收頭與首名銀票付收頭同比冊交付該書當堂繳通以憑覆查

縣總

一據萬曆二十一年朱撫臺四府全冊縣總卽總名原選有身家曉書算者充當止因一切錢糧不完上司問罪等項俱着承認遂爲極苦之役二十二年分酌議照舊編當但將錢糧不完

無夢園集 勞集一

七

上司問罪等項責令該房承認以減其苦此時止用戶房不知何時入糧書之手每年如代兌扣支軍儲恤孤需索若干派剩存留與奇零餘積侵欺若干至如隱縮尤不可詰此一縣錢糧所係萬分宜留心者

衙差

一官府欲保民生莫如禁革差役近日正印牌票或着里排或着原告非不善矣而衙差反有二三爲群嚇詐鄉愚者尤可歎息每見山鄉差

下竹兜船隻紛紛如雨雞犬一盡

倉糧

向來倉糧之害苦于倉棍之蚕食倉口之敝壞今日之苦又加以出兌之稽遲舊規十一十二月完糧正月初十日開兌二月中兌事盡完是米之在倉遠不過百日在糧長易于典守鼠雀之耗爲日亦淺米不發蒸發蛀折耗可量且當時米價貴不過五錢人亦不甚生心今米價日貴兌軍日遲米在倉至二百餘日則蒸蛀已耗無夢園集 勞集一 三

其一鼠雀已耗其一而常例諸名色又必十去其二倉棍之神運鬼輪卽最有行者亦必十去其二是担米入倉勢必先去其半而倉棍之狠毒者竟全挈而逃所以從來糧長破家者多至近年兌事尤不可言糧長無不破家倉棍無不得志矣

徵比災銀

天啟七年分災荒推收弊竇不一有因官大戶例不准荒詭避甲下者有田在高區戶在不區

者有因蟲荒四折水災九折而以水災賣蟲災者甚至戶田止有十畝而飛來之災反有二十餘畝者是以甲下災銀真假萬狀黃緣有力之奸民安享其利無辜代死之排年日斃于杖今聞摘比細戶低區緩徵二分甚善但每區甲下戶多逃亡其二分停緩雖止及貧絕逃戶尚苦不足若有力之家亦止完八分將窳亡小戶苦于勢力兩窮者終不能辦納其一而殷實良田不難蠲未盡完者反得以延脫其二合應以甲無夢園集 勞集一 三

內之數令里排細開有徵無徵設法通融摘欠務令與應徵之數相合如有隱匿責重里排而徵比之條或先高後低自兩及錢鱗次漸摘是亦徵比災銀之一法也雖然是年三災疊至官以交代竟不准災而反忽加軍器輕賁門殿陳設三項重復科征民力何堪

錢糧積弊

一每年糧折無定額有司不請裁于撫按任意那移致以正項爲對支緩徵爲急撮

舊規條銀與徭役等另徵解放自有緩急

一每年南糧解無定准或先時已議本色臨期忽改折色糧房以米價貴賤高下其手索詐無厭

一每年徵糧在官倉造冊率多浮數俱糧房吏書賣放每代允一石索銀三錢此誠積弊所以會計徵則必須截去奇零照古制簡約徑直則

無夢園集 勞集一

三三

在官易查在民易曉

一均徭徵銀並未嘗分派雜役仍俱編派正身該里甲索銀代當如塘長舖兵更夫之類

按塘長原編于審糧長日並不領官帑舖

兵俱有官給工食免復以幫貼編報害民

更夫原有官給工食而在城走馬總甲歲以

此嚇詐幫貼

一每年推收田畝賣主買主俱被總書騙過每畝移輕作重改派別田除作斗則致奸戶坐享

無稅之田而愚民枉納無田之稅

按此皆因田畝派則太多所以此弊難革欲

清此弊非斗則減少不可

一每造冊某書將上等田錢糧改作緩徵將見徵數內總加補還無從查考

按某書一役雖官憑糧長開報而掌其事者每區坐定一人乃子孫世傳之衣食更無他人可參其權者所以斗則輕重花分詭寄恣其所爲而造冊點役之時惟其所便蓋因底

無夢園集 勞集

三四

冊是家世珍藏掛收是一手經過他人不能知亦不敢問也

一倉穀借言出陳易新之說棍徒賄糧房俱領

穀出糶到後或捏作逃故或托言腐爛或虛數還官以漸消磨卽查盤無處稽考

一十年一次編審里役一年一次編派雜役有

司不知率令糧長開報在官戶照例優免外餘照田分承糧解向年詭寄之弊雖或少減而富家大戶將多田花分小戶往往避役較之官戶

反多便宜俱係該區總書局書作弊

按見今攢造五年差解將尖文冊委官不過與之常例委吏書不過與之利孔委糧長不過借其名色相仍之弊難革舞文之奸難燭不若弔前此一兩年分大比冊在內先行摘出冊冊然後委書攢造庶可免騷擾百姓隱蔽富戶之弊

一遼米緣繇或本色折色或七分本三分折並無一定之規

無夢園集 勞集一

三

一天啟七年郡中大災熟田每石平米較前反加出一斗六升除補荒糧外作何下落總之熟田代荒區出糧徒爲胥吏地耳此萬萬不可行仍宜疏聞永禁此例以甦良民之困

衛兵

各州府通衛指揮千百戶若干員與國同休戚受恩既沃圖報當殷其前後左右中各所軍丁不知若干人官而出衛管事軍而管船運糧已各勤于王事無論矣至如每祖軍一名蔓延

軍餘或十丁或百丁俱爲軍籍在衛當差該所印官督同本所查軍餘年壯勇力者若干人操演卽以本所屯糧量供軍餉富軍求逸者責令供一軍之食以補其餉之所不足及至操演技精報名造冊合于操場較藝果有一可當十百可當千者本軍倍加兵糧重用而該所官亦以此超擢則各衛所軍不啻巨萬計而情軍皆精兵矣

賦冊

無夢園集 勞集一

三

銀止于毫米止于合此平準法但必徑約乃可杜弊此肅菴王公陽山宋公米五斗銀二錢五分之法久行之無弊而其後乃大變蓋官之輸于朝者有各項之款目而民之輸于官者則不必各項之各色此古冊立法必曰徵一以定其則云若儘法分派在吏書可以名目苛零爲弊在上官反無餘積通融以應急需當事者每以派剩減免博恤民之名高爲民者實以朝四暮三受暗加之實禍此經賦冊相因之弊至今遺

害

正名遏亂

夷患時有而紀綱必不可紊若遂欲用打行百子會响馬以拒敵是率天下而夷也不唯不可行亦不可言不唯不可言併不可名近見邸報私聚兵衆者以作亂論此語似宜揭破

開河修塘

見今小民嗷嗷惟有開城內支河新奉 明旨各照門面民間自願僱工但須一示耳其自衛

無夢園集

勞集一

五

墅至楓橋一帶官塘係董主政特建今久傾圯興修亦一盛事

一吳縣各區有上中下三等相承三四十十年今有上者而下矣下者而上矣然如二十一都二十二都之消長亦間有之無大更變也其大壞者莫甚于三十八年遂亂區之高下法當於復古中畧覈消長大約取十年內比冊參其戶田孰前少而今多孰前多而今少似亦瞭然至無田而殷實之區不可以田地拘也蓋分區舊規

每區十分糧長卽以糧長領十分差解區之上者領北運樞頭區之中者領南運區之下者爲貼解下之中有空役則以修倉因各區中有義租義租應公用支銷耳然義租不更設收租之人卽以糧長分收分官其法甚善

一吳縣役法二十年前民不苦役者皆賴宋中丞爲今時特設義租耳今日之義租有虛名無實惠法宜照舊規卽以糧長管徵每年正二月任糧長自行召佃蓋區中糧長稔知一區之民

無夢園集

勞集一

五

所收之利卽其利必不致召非其人霸占者侵隱者許糧長呈告有荒蕪者宜令五年之糧長分頭出工本募民開墾則二三年間皆成腴田蓋此田當時宋公皆訪上等田給上等價易於成熟其否者乃民間作弊以私田潛易然不多也此法一復則義租諸弊不查自清而新增役銀亦可議減且糧解之法卽在其中不必更議右吳縣二舊規乃一操而衆舉之大法也自二規一廢民苦不均花詭日甚若速行議復

則奸民種種規避可以愚外區人之耳目必不能愚本區人之耳目也

一吳縣南運三名每名費銀二百兩應委衙官輪解給銀若干以充其用蓋一官攝三船易而槳楫多改折則一船亦足矣然春辦必須糧長而交割之時恐又有留難之苦不可不預慮也其農桑絹兼齊頭稻艸或衙官帶解盡勿以役民近有議北運十名亦委一官解六櫃用六吏徵收者然以一官統十船似難而吏尤不可重

無夢園集

勞集一

五七

托惟南運可耳

一吳縣塘長之役裁革已久頃有潛謀復故致使公差絡繹所費甚繁蓋塘長之設用以修築官塘圩岸本縣並無官塘况所屬俱係高鄉亦無圩岸何必虛設以遺民害允宜裁革

一吳縣北運南運宜以有田之區領之而收頭之役宜以殷實者充之蓋耕者便于米而商者能辦銀各隨所便也且古法重農則民間之役當倍恤耕者今一有事即加之于田一有役亦

唯按之于田何怪乎田地之荒蕪農民之日瘠也

一吳縣十一都官戶最多最大民甚苦之合應官戶之銀自領自解如松江府先達陸平泉議見在舉行者

一吳縣凡造黃冊之年每畝約費若干 金通縣費銀 餘兩何得有此濫費今俟應造之年每畝量議銀一兩通縣計銀五百十一兩此

銀應于役田內加編不得波及小民着令戶房無夢園集 勞集一

無夢園集

勞集一

三

吏書分領前銀膳錄京冊一本其府縣二冊應否再造或可省以便民

一吳縣清軍冊籍自有兵房合令本房書手攢造設給工食以贍其用區摠書徒滋勞擾宜

一吳縣六櫃之法其分區均搭相尋已久不必更易若比較之期正宜定期畫一耳但前名該銀若干收完乃及次名辦次而收便無窮年之苦矣前名收將完時宜即預稟僉票交代即着

前名呼喚不必起差或六櫃各付一鈴印票單開列第幾櫃共銀若干每名該收銀若干收頭每人幾分該收銀若干收完日下註自某年某月某日起至某年某月某日止共收銀若干完共用票若干張存若干張交某人如此庶收頭無差役之擾而上櫃亦無斷續之慮矣

一吳縣解扛之銀收頭允與糧吏

而解扛銀水多

不足色甚有加鉛吊銅之弊此皆鉅匠之過也

無夢園集

勞集一

三

計銀匠每傾銀一錠工銀炭銀大約一錢官民各給其半又鑿字銀匠一分工食不為不足矣若足色之銀下爐虧折每錠二三錢足矣按銀匠之術甚神不得不受其欺耳聞吳江一法每櫃置銀匠一名所納之銀看銀傾銀皆屬其手他日傾銀起解亦即其人不得以銀水為辭且既得民間傾銷工錢更不必費官民之工食一中傷收頭之弊最毒于包納之人其弊有匿名呈有乘荒混報有與櫃書串同納時以十為

一入數時以一為十

一吳縣守櫃六名每名費銀若干兩通縣計費若干兩蓋鄉民不諳書算每櫃點櫃書二名官給工食不敷另議私貼又私倩櫃書二名工食費用與官點等且又央托親戚代納多致竊取或有包役代收盜銀花費臨拆脫逃收頭賠補一或覺其侵盜立致不測勢不得不出於包今包價每百兩索至 矣其勢不 兩不 兩不止矣計該縣應收銀僅七萬耳為此七萬之

無夢園集

勞集一

三

銀費民若干金可乎

一投櫃之銀因銀水不等所以鑪中虧折甚大其原雖始于銀鋪其害實苦于掙納之人官戶之知數易主之銀而以勢壓之門役縣棍又包小民之銀而更易之若執法不收必至爭鬧收頭一身不能離櫃勢不得上堂稟官勢又不敵只得含忍收之宦僕有扣酒銀者其在衙門納四五錢以上者以九分為一錢納二三錢以下

者以八分爲一錢此類不可枚舉

一吳縣扇書一役舊規舉報殷實人戶充當鄉民倩人代役每名費銀三四十金至于錢糧差悞仍害正役曾經痛禁舉報着令首名糧長召募諳曉書篆者充當在義租銀內每名給工食銀七兩二錢復着糧長私貼豈糧長自吝私貼陽募陰報仍害小民速應裁革合選糧房書手能書篆者若干人以充扇書之役每名議給工食銀十二兩外加紙張銀二兩止令攢造比簿

無夢園集

勞集一

三

長單二冊其實徵十段青絲等冊悉革之櫃書斷不必用况此櫃之櫃書原卽彼櫃之扇書一人而兩其名色卽兩其工食尤可訝也

一吳縣收頭捉拏上櫃共有十三票每票索銀三兩不過出一示某日某人上櫃某日拆封云云足矣何煩多票也其該收若干卽令收足息肩無得終年累役

一舊規錢糧徵比排年內設一經催一里長經催輪催秋糧里長輪催徂里完欠仍責排年但

排年一身既比秋糧復比徂里先任袁侯憫之

于二十四年間申將秋糧徂里併爲一項徵輸仍設經催管催上五甲里長管催下五甲分頭催管五年息肩每歲錢糧編立七限徵收每限一月爲度不爲不便但將五甲錢糧併立一人戶下只比經里不比排年致有奸頑人戶乘上不比公然拖欠累及輪當經里含冤受責况自袁侯陞任後更設一正限二副限之名月比三限臨一限有一限押差動輒先着經里是以往

無夢園集

勞集一

三

往破家善政之弊一至于此宜的裁之

一吳縣三十七扇與長洲不同都中復有都故收銀者常有糾纏誤寫之病造比較冊亦較煩于長洲然吳縣扇書公給私貼大約視區之大小爲多寡亦足相當矣若照長洲例一日收銀二日裝數一日比較定爲畫一之法則造比冊者亦便收銀者亦便

一比較必須比排年每限必開欠戶上半日比排年下半年方差拘欠戶聽比斯可免經催見

年之累而錢糧亦不至拖欠須將比較冊一一照長洲鄧侯法而給以長單方便稽查開欠戶法宜照韓侯合同摘單一存內案比一付差帶此一人不完不銷一名不到責差人其單卽今排年扇書于上半月正限比較時開送

一查扇書之法如比較後比冊連本縣存照票宜收繳衙內對查比冊查過至次限前幾日發出裝數照票不必發出

無夢園集 勞集一

三五

擅報役之權受賄顛倒僉報不實及收糧之日頑戶侵賴臨允致令賠償強豪踞充糧長每用六斗大斛加五征收卽今權立甲允似乎便民准行新例但仍着首名每屆舉報甲總一人徵收本屆糧稅其弊尤甚何也糧長猶五年一編五年一科索耳甲總逐年着報貧民亦逐年受詐矣間有區豪品霸報役包當侵收肥已臨允脫逃致使旗軍告官挨緝縱獲逃糧已花費仍害正役將銀折米因缺漕糧軍民兩不便

一在城附郭畝分有門攤人夫及居民總甲之設每着該畝見年舉報致畝棍歲底挨門需索重賄以爲上下一邑騷然合將居民門面按其僻開分爲上中下等則今各畝公同查報以通縣舊例門攤等項銀若干驗法均派悉照門面額書人有遷徙變更門面永爲定額則銀自照其原編民不苦于索詐

無夢園集 勞集一

三六

一舊制軍匠恐生影射例不分析但戶名一而丁口無美每有田踰千畝糧逾百石總歸一戶辦糧奸頑者推諉戶長歷年拖欠以致經見代責戶長賠糧祇因不開丁口細數所以得售其奸合于軍匠二戶另立人丁征比責欠丁而糧易完矣茅戶長亦有藏匿好戶之弊并宜嚴禁

一吳縣高鄉每苦旱而低荒亦間有於是不得已編爲荒區例免差解糧不上倉作恤孤軍儲二項銀不上櫃派各役名下允支不意奸頑緣以作弊有故買熟田收入荒區以欠糧避役者有反以荒田計推別扇陰毒小民者惟其不行

浚鑿之計致使荒中有熟熟中有荒弊不可清糧不得完合着該區首名從公到畝循圩歷號沿坵踏勘查明要見某都某畝某字圩原額田若干內被旱災水災田若干備細開造亢旱之處每田十畝開池一畝計一畝之積可救九畝之旱池一畝約費二十金當于兌米餘糧役田餘銀支銷其低田圩岸亦給工食修築則高低成熟賦役自均非若長洲縣積荒之難處也如首名將熟作荒妄報應開許諸人指實鳴官坐無夢園集 勞集一

三

罪

一皇磚解戶飛軍及祭丁科舉入學春馬夜夫等項工食之費悉于役銀內支用不以擾民一鋪兵一役舊有額設工食卽不敷當于役銀內量加何必每年紛報合革一總甲之苦比經里尤甚一遇火盜人命或密拏訪犯盜賊便着地方衙役視爲几肉火盜責以救護人命責以棺殮及備辦屍場物件勞費已極少違便加痛責又盜或脫逃卽鎖押監追

借人尋覓旋復帶比不知輪當之人戶籍雖係同畝而家有遠近之異有籍在城而鄉居者有籍在鄉而城居者火盜卒發何能往救至于訪犯強盜事涉秘密焉能預知何故驅此無辜之民枉受剝膚之害致品民輸此役者多致喪亡而莫之恤耶舊設官兵原備火盜今當倍設名數厚給餉銀令其巡警設或失火縱盜責歸兵役其人命狀詞必如長洲鄧侯法訪犯強盜合造挨門冊一本浮居版籍悉行開造凡緝訪前無夢園集 勞集一

三

項便今前後協拏無得盡累該畝

一凡縣前酒肆不啻二十餘家爭取時鮮肥甘貴味以供衙門之厭飲每吏書承行必令差人促延酒肆吏曰賓書曰主書之幫手曰朋友加以歇家陪侍而吏書家奴無不飽餐每差人承一牌到人家不拘公務起數亦必先言某處坐其呼朋引類虎踞狼籍之態更甚于吏書一坐而酒錢動以千計然後吏書講開手錢差人講發落錢此初相見事也吏書或止一次或臨審

時一次或審過時講取供出力錢一次若差人則翻局甚多大抵初次曰發路二次曰講承牌父娘錢有一時不能措辦者曰且在肆上轉限墊牌曰墊牌東道臨審則令衙門人等鋪墊酒錢審過後峰擁入肆此酒肆之當禁也偶有禁者但掩門改店面而已內堂酒樓依然如市且旋于曲巷中暗開矣抑聞差人講承牌法其語十兩則曰十錢兩縣差人開口動輒曰幾十錢甚至有五十錢者掛名不過一人羽翼奚啻十

無夢園集

勞集一

七

數其下鄉雖一牌亦兩人船戶皆虎差矣錢糧牌一區中幾畝幾甲甚至甲下僅蔽風雨之人無不歛取蓋鄉愚不識字見一朱筆票二青衣人竟覓已喪恣其攫取而已差人承牌書手賣之所謂父娘本錢也然無賴之徒有何身家出銀買牌者乃縣前之巨棍耳又有原被自買者一目今所最急者將來五年之役不先清查田地無以爲點役之地民苦之所最急者在見年經催而欲免見年經催之苦必先排年得人然

各甲排年不等有一甲而人丁有餘田地以百計以千計者有一甲而人丁孤另田地寥寥反有逃亡死絕荒地荒坟之賠補者則清查田地人丁之舉必此時預爲之地秋間糧長解戶經見排年可坐而定矣蓋欲徵錢糧必先定會計向來國課部與淮習于玩愒當會議先請于朝每年以七月爲期一有定計星馳到撫院隨發各府州縣刻日攢造比冊限長單青繇于九月終發糧長率各排年親領糧則十月開倉

無夢園集

勞集一

四

十二月中旬完糧正月出兌二月開倉銀則十一月比五分二三四五月比五分七八月摘比其糧船不許地方停畱三十年前撫院一法行牌榜漕運一路凡糧船停泊河下限地方即趕開船非大風雨不休違者地方究治是年糧船秋即回衛今一路停畱又在外方裝貨所以更遲耳

長洲縣無處荒田設處七議

說者曰吳江常熟低田其土硬細一經修築可

延數年可以障水惟長洲之土不然名曰灰羅
土居民飲河不可開井卽有岸塹不能禦水一
遇久旱不能盛水固也然歷考南越錢王獨居
東南專享水田之利最低者今卽不可田而可
蘆也可蒲也可牛艸也蒲艸利渥矣種蘆畝少
不下一錢或曰屬之操兵恐操兵聚則亂不若
屬漁戶長各鄉有荒田各鄉有漁戶以水中之
人取水中之利計畝納蘆草等必有應者

無夢園集

勞集一

四一

官許諸人承攬給印照耕種熟年每畝納米四
斗上倉不用折銀恐監收以斗斛苦之置五斗
斛平斛之外另造斗式或七八升或一斗三四
升或六七斗各置一式照畝數納糧升合不虧
如一畝二斗還官二斗派熟區作糧而令熟區
納荒區二斗之折銀歲歉令熟區代荒區出糧
而緩徵其銀此法頗善有業戶避役詭荒沒田
仍自領種或捏他名者若何曰嚴令田鄰耑長
保結可也

荒田既查有一急務焉夫輪甲之法廢於官戶
輪納艱也近議莫若復輪甲以蘇小民之苦而
另立官戶知數於本都以通輪甲之窮其見頗
是倘又不能行則荒田輪甲永不推收決不容
已矣不唯熟田不容推卽荒田中之勘熟者亦
不容推行此法於荒田而便則熟田輪甲可徐
議所謂法相因而事有漸歟

無夢園集

勞集一

四三

黃中註青予區親覈証必重其罰然後將下等
另立一長洲眞荒區永不推收冊無論其他設
處卽詭荒累年積逋可代荒區幾載糧折矣此
鉅利也
更有勘荒一便策焉曰立城鄉水準石其式用
九字中一字爲準下四字準水之少者愈下愈
少上四字準水之大者愈上愈大水到第六七
字作荒分數若干到第八字作荒分數若干至
第九爲全荒豎六門水城口下各荒區或橋或

廟口亦立一石遇報荒年分止按此石而瞭然
何必驅馳汪洋大水恣所愚弄真目前最緊之
法蓋蘇州水最平曰平江可一石而定也

或曰熟田籍荒田籍荒皆強有力善舞文手也
誰其查之有一妙術焉首告真熟田冒荒者官
爲覆實其田盡數沒入其該區或隣區勘田公
正計今照畝代納無處荒糧誰敢哉故使荒田
盡沒入官必滋弊而熟田報荒者沒其田此擒
王之策也

無夢園集

勞集一

四

或曰水利可罷不舉乎曰王悉塞諸涇厚築
圩圍宜歛諸處之水直下吳淞江入海而江中
設掠淺兵八九千人并置鐵箒隨風上下壅閘
自決旱則開涇以延水故天不能災且限戎馬
米至一石五十錢水田能困之哉顧先治其標
旋治其本爲吳人造福莫如開吳淞江陞科復
熟又告荒卽係奸民則宜行沒官之令矣段侯
於熟年令沒荒田代熟區糧然後於凶年亦令
熟區代沒入荒區糧方爲公平而止于沒入尤

有限制今荒者不知淺深泮泮一縣而歲歲使
熟區代糧此近日人情大不平事其實何益于
荒區哉

賦役紀聞

此中錢糧往往征過半年而會計尚未頒發此
其積弊相仍皆謂本年會計未定姑照上年以
約征二字延至會計至時小民輪納已及大半
將有減則未沾實惠增則倍加重科者今自十
月開征會計于每年七月先行預定毋爲約征

無夢園集

勞集一

四

之說至青繇長單亦卽早行頒給然後開征

花詭

新置之田易查世業之田難考且吳下多回贖
加絕之刁風或因此而愈甚乎意行清查而議
貼役爲絕花詭之根可計長久

徵解緩急

今日急一分所緩則必緩一分所急今日多一
分之放則後必少一分之解今日自一應起解
酌緩急爲後先某解爲至急次急稍緩方以所征

之銀先放其急而次及其余者其已解出則于某項下實填日月解役姓名按期嚴追批迴銷徽大都錢糧急者無使用緩者有使用故耳

輕賁

輕賁之說乃漕兌加尖之折色也每正米一石兩斛加尖天下不同有二斗四升者有二斗六升者在湖廣則三斗六升故輕賁之名亦不一有曰二四輕賁有曰二六輕賁有曰三六輕賁江南諸郡皆二六也此蓋于每石加耗四斗之

無夢園集

卷一

四

外復增此一項是兌米一石費民間贈米六斗六升矣而今之臨兌加贈又加外之加矣嘉靖年間部規以二斗六升改折銀一錢三分解淮若仍給與兌軍則交與運官似屬極便而必多此一番解費守候實無謂也

催利

小民止有此數鞭朴之費大都皆正供也倘稍寬期限令其移鞭朴之費以作正供則省杖百獲賦一省杖千獲賦百省杖萬獲賦千明諭催

徵有法刑省而賦清者上上考其逋賦最多之戶處以重法庶豪民畏威窮民感德一時賢能在位精思考最百計設處雖民鮮積而省敲朴卽是多積聚此可百口保其不逋者一旦有警驩愛之心足以相緩急

紀山東荒

憶丙辰下第齊魯間骨多于肉在滕縣見婦女值六錢惻然爲撰有司莫以告是以如是其急也思天下之民三篇其時幸不釀亂則淮徐道

無夢園集

卷一

四

袁多置兵衛計吏及偕計之士與一切賈人也私計不數年此方之人必以饑窮致殍及壬戌倏見告特餓症耳法當先補又倏飲至倏京觀摧殘良苦而地方真亂矣丙辰死於歲未見賑壬戌死于兵未見撫且陸走遼海走登強半東人也猶撤防焉言之得無類發棠是爲焉婦也攘越狙臂是爲河間婦也嗚呼啼猶在耳竿猶在牘離鄉井孀子婦望郊烟而匍匐者猶在望能無惕惕乎異日者寇起鄆滕猶易撲滅賴中

州陳兵河上拒不得渡然歸彰一帶亦岌岌矣
今徐州未復舊觀泖河不聞善後豪喜輩一據
徐一扼泖有山可憑有漕可梗恐山東分爲二
而又與中州之寇合爲一此何時也非大加休
息與之更始盡革驛遞繁供不可凡海內驛供
莫奢於東省卽吹手一副折乾至八錢甚至一
兩他可知也

趙文毅一疏如派馬滋困如麥折驗額如簾價
腳價可汰于改折如 王封供祿宜隸之本藩

無夢園集

勞集一

三

四司料銀日增事停加派如故白糧破家厚運
軍以順帶上林溢美入光祿以減征耗米盡刮
一空而派剩何多操兵餉盈七萬而瓜牙安寄
州縣差操民壯祇堪守城太鎮吳淞官兵孰能
禦敵荒熟混而荒糧逐爲無處征比般而窮民
莫可控號民兵詭寄豪勢海販漸致通夷可思
已

畫一賦法

常年賦法以會計未至掣造數之冊正不知嘉
靖法每平米一石分徵本色米五斗折色銀二
錢五分推收一定便可照此數派徵何必會計
到後蓋一府額賦內原設有餘積本色米一萬
九百七十石二斗四升七合六勺九抄七撮五
圭餘積折色銀九千二百七十三兩七錢三分
八厘七毫二絲三忽三微如長洲縣餘積該本
色米一千三百七十四石八斗五升九合二勺
折色銀一千四百一十九兩五錢三分四釐三
絲二忽五微今經賦冊亦有省存本折每年會
計到日撥筭米多而浮于五斗銀少而不必二
錢五分則取此餘積米以補起運多派之米而
併其少派之銀于餘積銀多而浮于二錢五分
米少而不必五斗則取此餘積銀以補起運多
派之銀而併其少派之米于餘積如更多而餘
積不足以補又有存留項下如永豐太鎮等倉
本折色各有二萬二三千有奇皆可以如餘積
法陞除起運本折色之多寡以轉移消息之至

無夢園集

勞集一

四

于此平米一石派徵本色米五斗折色銀二錢五分則毫不得動移使官民上下永永易知共曉雖神術鬼奸莫能高下其手弊安從生此畫一賦法爲第一義也卽今歲有荒仍用五斗二錢五分之法開徵待免荒數到查荒已明卽從未限算免如本年應免五分止徵五限應免四分半止徵四限半總不亂五斗二錢五分畫一之法

分徵丁田

無夢園集

勞集一

四元

國初一府原額設人丁銀以支里甲均徭自徭里役費廣而用奢人丁不足于用嘉靖間王太守始立爲僱役之法又以掣派人丁卽爲貧民累乃于田上加編丁銀計一府原額人丁銀一萬五千五百七十六兩八錢二分加編田上下丁銀七萬五千五百二十八兩二錢二分六釐雖所加不啻倍蓰之多而一府人戶閭門安坐以爲生計不復知有徭里之勞費其法原與糧稅分籍分徵數可不混而影射之弊自少自

無夢園集

勞集一

五

嘉隆間與糧稅同籍混徵簿籍雜沓數目浩繁中間耗蝕冒侵之無算卽官之最精明者終不能核毫末于千萬如之何不爲民重困也故糧丁必不可不分徵如舊法如長洲縣原額人丁銀四千八百六十九兩三分田上加編丁銀併在城家資編銀一萬五千二百三十七兩六錢四分三釐共編丁田銀二萬一百六兩六錢四分三毫其法每人丁一丁編銀三分每田一畝編銀一分一釐地蕩等一畝編銀四釐俱是分釐齊截之數不如今法有絲忽微纖沙塵瑣屑之零數任賦胥之高下其手而爲小民病甚也蓋一府丁田歲額內有預備銀一萬二千三百七十五兩二錢九分二釐九毫如長洲縣預備銀二千七百八十四兩三錢四分三釐八毫每年支用不敷卽于備用項下支取原額有餘併貯餘積項下原編每丁銀三分每田一畝銀一分一釐地蕩等項一畝銀四釐歲歲率以爲常亦不待會計定而後派徵至於扛役兵銀今卽

不能盡豁似當做糧丁餘備之法定以齊截之數與丁田同籍併徵人人得以與知其數毋使賦胥獨操其柄而高下之其爲民利大矣

畫一實徵

實徵者何謂科粒纖塵一一皆實徵之數而不浮不虧是也故得于成數之外如併徵丁田帶徵兵役扛則有餘而徵不爲實也虧于成數之內如混徵荒糧虛徵優免則不足而徵不爲實也故下田則分徵于別籍兵役扛則通豁于餘

無夢園集

勞集一

卷一

積田同徵丁荒銀則查除于抵包優免則預扣于冊外四徵去而後實徵始實實徵實而後均派行均派行而後影射侵盜諸弊無間可入上不病於虧額而下不困于多徵此實徵之法行也

選吏驗封

嘉靖十四年以前糧長收人戶折銀于家收頭又總收糧長折銀于家一則畏事糧長規避費多一則不肖糧長私收妄用一則衙門人役上

門索詐收頭之爲民害所從來矣 王太守乃

置官櫃收銀于縣爲立驗封之法折銀納于官櫃不納于糧長而細民之加贈有制納銀投于選吏不投于收頭而收頭之患害以除選吏責其驗封不責其稱兌而銀兩之輕重無權其立法良善柰行之二十年衙門人役以無收頭苦無需索百計以撓之復從糧長點收頭收銀于縣而其害更甚于嘉靖十四年以前然輪甲之法未廢猶止于十年一役陸櫃之法仍舊只在

無夢園集

勞集一

卷一

大戶受虧自輪甲遞變而爲虎鼠田數盡歧而爲花詭冊中無獨當一櫃收頭之戶于是照田散點收頭每田百畝收折銀四百兩今議收銀三百伍十兩非二十金不足以完此役夫百畝之所入幾何又以強半完課而俯仰百費皆取給于是其堪此役乎故選吏驗封今歲似宜卽復以永永盡拔士民之害

早截推收

本縣常年以推收早截掣會計之肘故每年推

收必限定七月終截數八月一箇月便可指造大比冊不必先用小比冊以滋多弊分畝照造青繇八月終便可給散人戶以便輸納歲至八月稻香在望賣田者自無間有賣者示令賣主扣足本年錢糧佃租比冊青繇仍在賣主戶下完辦候來年推收過割公私俱自兩便今歲新錢糧時下推收已截月初似可給散青繇

專用青繇

嘉靖間 王知府立青繇法青者革綿紙而用

無夢園集

勞集

五

竹青紙俾不得磨洗改易也繇者田地斗則平米本折數日之根繇具在一紙十年內通照此繇辦納俾不得作弊增減也不輪大造年分不許推收再造縱有出賣只從本戶徵比但買主不行認納許造拿問此法行之二十年利于官民獨不利于賦胥又復年年推收廢青繇而用散納票每戶納銀一次即用一票三張一畝縣照一給經催一給納戶較之青繇奚啻千萬倍票多即印多歸之則日有不給憑之則多爲所

盜而弊可勝道哉慶曆間有厭散票之煩者乃改用長單而廢散票其法每官大戶糧里人戶凡有田土者各給長單一張前開田地斗則本折數目後分十限人戶依限照單投納收頭摺書每限照細數填單每甲里長給通甲長單一張每畝經催各給通畝長單一張具知本甲本畝納數多寡完欠以便催納大體與青繇相類但青繇後十格分填十年投納數目長單後十格止填本年十限投納數目爲差異耳是長單

無夢園集

勞集

五

田糧根繇與上納數目人戶猶得明見而明知非若散票止有納數無田繇弊自鮮少雖不及青繇十年一紙之簡不太簡于每人每限每次三票之太煩歟至于分之則官大戶糧里人戶各給一張合之則里長連甲下各戶總給一張經催連一畝里長總給一張青繇與長單俱不相異故以青繇而止填本年十限即是長單以長單而總開十年納數即是青繇故用青繇似不必用長單以青繇法用竹紙可革磨改有田

繇可革散票猶爲盡善耳然惟糧丁分徵人戶有田地者方給青繇單丁無田地者卽不必給糧丁合徵卽田無一分戶止一丁者亦給一張其煩簡又復相懸故糧丁必不可不分徵而青繇必不可不專用也清查未定則用青繇而止填本年十限清查一定則用青繇而總填十年各限爲不易良法也

儘免實荒

金附清查

常年勘荒積書爲政先報各區荒之分數多少

無夢園集

勞集一

五五

不卽隨荒填註業戶姓名及免荒數至衆從書手買荒買卽熟可爲荒不買卽荒可爲熟而荒民重困若非親臨踏勘何以得實往時非不銳意親往乃積書通同舟輻夫役直達汪洋大水一望無際之區甚且指河爲田陸行則故浸其輻水行則幾覆其舟以恐懼之自是不復親勘一任書手田甲恣行荒熟倒置之禍弊所從來矣第勘覈災傷田地固非細務而清查欺隱田糧亦爲要政似宜與荒併勘以貽民無窮之利

其要不過在照古額圩圖與田甲畏法而已嘉靖十五六兩年各州縣正官清查長洲縣申云古額既毀田已失乎官民吳縣云各區田糧斗則旣無圖冊可稽吳江縣云惡其害而籍去文已無徵七州縣皆然夫古圖旣無可據而又不嚴責于田甲何所憚而不爲惟次年王知府親臨踏勘妙在以撒合總執一縣古額之總數各區有一畝之走失原額卽與縣之總數不合執一區古額之總數各區有一畝之走失原額

無夢園集

勞集一

五六

卽與區之總數不合以圩合畝以坵合圩無不皆然其清查示云如有總撒不對走失原額及那移增損情弊定將田甲用一百觔大枷枷在田所待查明之日然後開枷問擬夫以總撒之不客不對旣如彼而嚴罰之不客少寬又如此于是古圖之藏匿者卽欲不獻出何能須吏待乎各州縣十七年申文皆云追出古圖遂據此圖以查核如破竹然無多日而卽竟其功載在清理田糧錄中可考今之清查似當以嘉靖十

七年風旗字號圖冊爲據而以歸正冊入事定稅糧大綱爲則

首一綱曰以原額稽其始嘉靖之原額以宣德年周况兩公

奏免田糧八十萬石後之原額爲始今日之原額以嘉靖十七年王知府攤平斗則之原額爲始載在歸正冊第四十五六葉

第三綱曰分項別其異中之五項除撥賜西寧侯人戶自納該府正糧田三十四項九十四畝

無夢園集 勞集一

五十五

三分六釐三毫正米一千一百石外其一項止徵山蕩正米若干二項肥瘠相等田每畝攤耗米三斗七升五合平米若干三項低薄田每畝攤耗米二斗八升平米若干四項另項科麥地折米若干五項另項科租田地山蕩租米若干此嘉靖分項之綱卽爲今日原額之綱

第四綱曰以歸總正其實

已上五項該實徵田地共一萬二千三十六項五千九畝六分七毫共平米四十五萬四千四

百六十四石四斗七升三合二勺

計原正冊第五十九葉

萬曆十七年經賦冊二卷第九葉實該田地山

蕩一萬三千二百三十四頃七畝一分三釐一

毫

比嘉靖年增多田地一十一萬九千自萬曆千七百四十七畝五分二釐歸毫十八年

至今年二十五年間

又不知增收若干

該額徵平米四十五萬四千三十九石九斗九

升八合五勺

比嘉靖年少米四百二十石四斗七升四合七勺

第二綱曰以事故除其虛

嘉靖歸正冊第二十八九葉開載共冊荒公占

無夢園集 勞集一

五十六

田七萬三千二百二十一畝九分一釐正米二萬二千二百五石九斗八升三合三勺除將前項清出改正科糧田五百一十二頃四十五畝九分七釐二毫正米一萬五千五百一十二石六斗四升八合抵補外無徵田二百一十九頃七十五畝九分三釐八毫正米六千六百九十

三石三斗三升五合三勺仍于田耗包補

萬曆經賦冊三卷第五葉後荒糧五千三百七十四石五斗七升九合四勺照舊止徵折色

按此弊尤宜先豁今之荒區不歸咎于重征已抵包免過者之過反誤謂王太府公水田亦攤平其三斗七升五合爲過何究極哉不知凡此水田公皆以隱蔽抵補田耗包補之荒田也覽冊了然公安忍用此無獲之征而流禍至今極耶不然一縣七萬三千二百二十一畝之荒田自公除免其糧

公安能指數其除免者是何圩畝

已上糧數一一開示各區畝糧里書手田甲務

無夢園集

勞集一

五九

將真正圩圖公同業戶清查嘉靖年已抵包過荒糧二萬二千二百五石九斗八升三合三勺萬曆年何以又有荒糧五千三百七十四石五斗七升九合四勺併入熟折銀內折銀徵納除豁者既重科以瘠人抵包者復併讓以肥已荒熟兩利代賠者何辜萬曆十七年比嘉靖十七年增田地一十一萬九千四百一十七畝五分反少實徵米四百二十四石四斗七升四合七勺田多而糧不多多不在公賦而在私竊糧少

而田不少不在良民而在奸徒左右無間指尅者何厭總歸正冊一縣舊額糧四十五萬四千四百六十四石四斗七升三合二勺循五項斗則據圖查對以坵合圩以圩合畝以畝合區以區合縣自當分毫科粒之不爽而何以百方分奪于疲增據經賦冊一縣長田地一十一萬九千七百四十七畝五分二釐四毫除原額以外前圖不載復熟有糧開墾有糧新漲有糧池蕩有糧自當分毫科粒之入額而何以一畧盡

無夢園集

勞集一

六

至于掛漏至于今歲新荒不拘報荒分數多少該畝一圩之內勘是全荒照圖查係嘉靖年已抵包過爲萬曆年重徵糧若干某人代賠者開註應豁查係新荒何項斗則該糧若干係業戶本畝某或某區某畝某人開註候免半係舊荒卽半註應豁半係新荒卽半註業戶總計荒田若干荒糧共若干除云前抵包過荒糧二萬二千二百五石九斗八升三合三勺餘數乃爲新荒其有指冊爲難測者丈其存而冊易曉謂荒

爲難步者驗其熟而荒易知有糧而無田者除其名有田而無糧者歸其戶田肥而減額者復其額地瘠而增則者減其則額內復熟者何人得業額外增收者誰戶承佃一一清查明白仍畫魚鱗圖一紙填註園內候親臨之日一同業戶投遞從首區沿坵履畝挨次查考以至米區如有走失五項原額總撤不對荒熟例置輕重易則暗裁影射隱蔽等弊治以嘉靖之法必明而後已長民數十載錢糧之禍一旦其慘乎至

無夢園集

卷一

七

于荒之分數不當混一縣之荒數論祇當就荒民之荒數論嘉靖間報荒六分

恩免亦必六分故以六分之免必六分之荒荒者全免熟者自輸荒民何至逃亡今之荒區頗多全沒卽幸報荒六分計所免或止二分以二分之免免六分之荒卽盡歸荒民荒民尚有無獲之輸熟民自有全收之利如往年踏勘不嚴任奸書之顛倒爲荒民禍極矣故今幸有恩免嚴核于勘荒之頃卽註業戶而俾得儘免

痛懲乎賣荒之弊毋致得賄而移荒予熟且令舊荒之民永杜乎後患不使新荒之戶陰奪于舊荒新舊荒民其皆有荒而無荒乎

嚴核倉糧

先賢畫一本折各半徵收爲數平則易稽而難侵至其全數畢輸于六倉收兌總出於糧長而督責之以時稽查之必嚴別無旁竇少參其間而升合不得以冒侵故兌運早完而積貯常溢乃其本則在縣主之親督耳一冬三月宜少緩

無夢園集

卷一

七

一切政務如停忙例而專意倉糧俾民無多科而倉有餘積

一日糧憚于入倉 各局倉糧必踴躍催餉上倉與糧長總收乃倉猾積書欲包其役而糞食其中駕爲糧宿在倉盜糧者多而奸人稍不濡慾陰用水以灌其米而泄濫者多于是正復俱而與之包當卽于應納糧里戶加三四折其銀以收之而糧之入倉者倍少此輩素知糧本有餘得臨兌之日與該書串通多撥兌于官人

戶糧長而代役所收糧半歸于私橐詭云聽爲軍儲而軍之支不支與支票之真不真孰從而稽之故首宜嚴禁者糧不入倉之弊

二曰兌散于畝甲 宣德間以里胥多勒索小民之贈而又負不完官 周文襄公乃置倉水次令小民徑自送倉糧長總收而總兌小民始不多贈于里胥乃近年多爲畝甲兌如水次置倉之法何且小民雖得逕納糧于糧長而小民各戶之糧數則總于里長里長各甲之糧數則總

無夢園集

勞集一

三

于經催經催各畝之糧數又總于糧長而糧長照之以收各畝之糧以撒合總以總合徵卽升合毫釐安所容其同異而侵盜于其間今若畝甲自兌則經催一畝之糧數不總于糧長里長一甲之糧數不總于經催而畝之經催甲之里長與糧書串通以未兌爲已兌以不盡兌爲盡兌其爲盜糧便計孰從而稽之哉

三曰法廢于私派 嘉靖歸正冊六十八葉本院驗派本府實用起存平米二百四十七萬

四千二百一十三石九斗八升一合今以坐派前項兌軍本色米九十四萬八千四百四十石折色銀一十萬五千一百八十七兩五錢四分一釐六毫六絲六忽于實用平米內每石驗派本色米三斗八升三合三勺二抄九撮八圭二粟折銀四分二釐五毫一絲二忽五微二塵府以此法驗派于各州縣各州縣以此法驗派于各糧長凡有平米一石者無不盡一均派于此數而罔有圭粟微塵之參差自是而驗派改兌

無夢園集

勞集一

四

自是而驗派德府兩京民運本折亦無不以此一石爲法而照之以均派卽欲侵盜其圭粟微塵亦何隙而容其侵盜柰之何自儘派之法行畫一五斗二錢五分之法廢而更之以科粒沙塵之不可計又復各州縣各自爲一則于是畫一均派之法併廢賦胥始得以恣逞其私而高下惟意之適故州縣主而精明則多派其出數而窘之以不及支州縣主而渾朴則少派其出數而餘之以多可盜蓋府胥與縣胥常通顧

文康公 奏疏云上下之間脉絡灌注關節相通造作奸弊無所不至者其此類歟至于各州縣之派法視糧戶之淳刁與親役代役無賄有賄者爲之高下或以衛分之強弱判利害或以軍儲之有無分損益就中索詐已甚不貲而侵盜百出有不可數計者良民如之何而不重困也

四曰厄漏于分支 對支倉糧第一弊窟如蘇州府永豐倉係之府而不係之衛命曰永豐而無夢園集 勞集一

不曰軍儲蓋積貯爲不虞之防非給散爲養軍之需明甚何今之漏厄于永豐者則有三焉經賦冊第四卷下四十二葉以永豐倉糧係之爲蘇州衛軍儲而四出對支夫蘇州衛原有屯軍七百九十一名共屯糧四萬二千三百八十六石四斗四合六勺足供官軍之糧矣况有門攤稅銀支給俸鈔城租灰銀徵抵軍需又今之衛官與軍耗散既多卽以屯糧支之尚自餘而又何必借支于永豐乎其爲漏厄者一近設陸

營兵復支餉于永豐夫陸營兵拱衛衙門巡守城池以肅清盜賊其餉誠急正不考長吳兩縣原設有差操民壯五百一十名歲給均徭銀三千六百七十二兩舊制之爲巡守息盜計者自周故與其裁民壯而增營兵毋寧卽營兵以代民壯名之曰營兵壯而以民壯之餉餉之餉固自充而何必借支于永豐乎如謂猶存民壯之半以差操均徭冊固曰差操民壯止于護守城池無別項差遣如但差操而廢巡守用此何爲

無夢園集 勞集一

矣

其爲漏厄者二本府永豐倉糧及太倉鎮海等衛軍儲俱本色米二萬二三千有奇折色銀約如其米數其本色每石加耗脚米三升糧長運入該倉必足其額倘軍衆應支者亦必就倉官給其入也有常數之可紀其出也有同伴之難欺安得有冒支顆粒者乎其各倉本色俱係就近撥派如郡城永豐倉則就近撥長洲吳縣吳江三縣而不及他縣太鎮等衛則就近派撥太倉崑山嘉定常熟州縣而不及長吳無論嘉靖

冊爲然卽萬曆冊亦云因道里遠近便民力自運倉之法廢而對支之弊起又以太鎮之軍儲而支取于長洲近遺本衛額設之軍儲而遠索長洲無因之糧餉豈長洲之永豐亦嘗借之太鎮之軍儲耶抑額雖設有太鎮軍儲而太鎮及不得支耶且兩衛嘗有美餘抵充劉河崇明兵餉方有餘而抵充別餉忽不足而借支長洲又豈畫一之政體則然耶經賦冊撥派長洲折色于太鎮吳淞原係正額之數而非取給于永豐

無夢園集

卷一

五

又止是折色而無本色今太鎮各衛紛紛以本色告支彼有輸粟永豐待太鎮領支又謂新粟對支爲便正不考永豐非太鎮軍儲嘉曆兩冊俱未嘗以太鎮本色派及長洲太鎮自有大鎮之本色軍儲在安得捨彼以取此而况對支則又旁瀆于莫制奈何今長洲有此徵與此支耶其爲漏卮者豈亦豈也蘇州衛則支陸營兵則支太鎮衛則支使如嘉靖冊撥派長洲縣永豐倉本色米一萬四千四百一十石四斗三升運

入本倉各軍兵卽不應支而支亦止此一萬四千四百有奇之數而已餘尚存于長洲柰何米不運于倉支惟對于票軍兵之真者支不真者亦支印票之真者支不真者亦支惟是稔知其弊者多派軍儲又皆以不支爲支餘縱別年逋負之不多者卽無不支而良民之脂膏真如滄海之實漏卮于是乎不盡不休矣尚安望積之永豐爲一府永賴計耶

無夢園集

卷一

六

照崑山縣事例集縣田畝驗編役銀田上每畝歲取釐毫編入會計積銀在官以充各役之費衆輕易舉便于取足雖神奸不能肆巧而倖免雖寸田亦供銖銖而湊役此乃釐花詭均賦役之捷徑也

收頭一議尚應再商蓋糧書非可掌出納之人銀匠亦皆無賴之輩此決不可托者合照松江已行事例凡官大戶銀俱自領解府可省收頭十分之三四另撥大戶拆封亦非善策古法錢糧問經手以未曾經手之人卒然令其拆封亦

恐被此有悞但每區之收銀宜坐定一收頭不宜以一收頭而兼收幾區致多更換每扇之止冊宜坐定一扇書或管牌比較唱名之書始終是責造冊開報完欠區銀不如格亦宜責成此書蓋架卯隱弊皆出此一人之手錢糧拖欠必此人照應方能無罰其一應衙門諸費火耗解扛等項時革時興必掌印官嚴加訪察禁革方能保全收頭若能革此諸項即當收頭者亦無甚苦難矣不必更議貼銀也

無夢園集

勞集一

七

塘長有名無實徒害民之常例去之爲是但圩岸修築亦是水滂要事合應圩長督各業戶佃戶照田修築此只須刊行告示給畧圩長曉諭足矣

糧長里長經催見年在國初立法爲以大統小以貴御賤之制當之者多喪身破家此則今日所當首議者也

松江賦役議

小民人戶再無敢有拖欠錢糧之理皆是里役

乾沒肥家或遊手無產之徒包攬充役使用耗費僱人杖比必須照蘇州法則舊年十月十一月十二月三箇月額定徵完六分每月只比一限勒要完二分一限正月免比二月三月四月一分一限五月六月停作免比七八兩月通完如數不費里役往來之苦奈亂里役催討之功今總房皆要五日十日立限又有押區押畧差人只管衙門賺錢不顧里役使費

無夢園集

勞集一

七

必審殷實良善承充府縣優禮鄉黨敬服不侵欺錢糧不騙害百姓催錢糧到手上納十年一輪又有甲田資補保守身家不肯將錢糧用空受杖受罪惟松江三縣有田者避役無田者攬役錢糧入手視若倘來一家飲啖衙門使用盡將糧銀耗費甚至脫逃拖陷平民重徵再納爲害不淺須着公正開具十甲互結爲憑必將甲田清追存甲贍役若有拖欠不依限者原報畧正與首名總催逐限查結清納一甲有欠罪及

各甲一品有欠罪及一區則一區同役之人皆以錢糧爲兢兢矣糧米有漕兌解運軍儲三項緩急輕重原分三等漕兌第一解運次之軍儲又次之漕糧限定舊冬三箇月三限完足早先派兌區畧照數收儲嚴示不許混亂搶收不許折銀乾兌不許賒串虛報不許留頓私家蓋因包攬之人不耐心經理虧折自有原役承當纔及開收卽圖了局一味乾兌彼此混奪或將乾兌前銀妄費賄賂錢挾妓至臨兌之時米缺價昂

無夢園集

勞集一

三

旗軍探知無米乾兌倍索重價有田賣田有屋賣屋無田屋者只是一逃爲得計而船泊水次比兌牽扯遺累無辜及糧足船開仍出遊蕩官府亦以糧務結局不復管理而奏兌設處之項竟供奸役後蕩之資大可懲也

該縣實徵常額該米若干首派漕兌若干解運若干軍儲若干合數奏派每限何日比漕糧何日比白糧俱是一月一比勒令依限與漕糧一起完足漕糧上倉運糧上船勒令三月初開幫

不與漕船挨擠早到早上十月間可討批廻繳銷爲利益也至軍儲存留三倉五十年前編有斗級年常迭所交兌聽憑官軍勒指若少差欠卽將人船鎖禁勒足放回往往破家甚至戕命遂變爲赴縣領支之法豈積久弊生惟華亭鄭查將熟區派漕兌中區派運解荒區派軍儲洵良策而軍儲又必須寬限四季爲期每季一限着首名催經催按季依期每限應納米若干准將好米裝載到縣水次驗過查單照給伍軍當

無夢園集

勞集一

三

卽起批差快押全原歇家登時開載送往該所交割散給立索倉軍官批廻繳銷至若布解運役華亭三名上海二名青浦一名未有不破家者官買官解真良規既無扣除之苦更無使用鋪墊之費况三線細布入貢必須買解然一正議價入錢三分松江原價四錢五分餘皆充使費耳二線可有可無折銀買解俱可設議一線是犒軍之需都市儘有止須解銀折給軍且快心亦當酌議者也

華上地土高阜處潮泥淤塞且挑濬青浦低下
澱泖處宜修築各就高低定規華上端管開河
青浦端管修築不得仍前青浦不修圩岸反與
華上挑泥

松江自泖湖澱湖白蚬港吳淞江一帶日中提
駕飛跳快船揮颶稍旗大書巡鹽捕盜四字偵
知厚索行商或以自載私鹽撒撒商船喊叫搜
鹽捉鎖本商搶奪銀錢或偽鎖一人在船指扳
本商同盜一口咬定假扮捕快手執廣批全賊

無夢園集

勞集一

三

連鎖執稱解官願盤貨求釋後拷究真正姓名
勒寫其責扎認鹽盜乃得脫放爲幸間有捕黨
怪賊布置不周偶爾發覺止因過路水中無失
主認執遂得輕擬且多積財潑手賄買投托貴
族援結豪僕承頂宦奴稱差往某處買辦某地
取租倒換真贓扛捉失主反坐原捕爲誣盜者
有之

青浦爲新造之邑割受華上兩縣瘠區疆域編
戶不及華亭之十一上海之十二而西南隅苦

無夢園集

勞集一

三四

水東北隅苦旱歲無全熟又因四址分鉅四民
散處地無土著素封接壤鄰右如華亭上海太
倉嘉定崑山長洲吳江嘉善平湖各處星列碁
置于八隅凡青浦膏腴田畝市房得利差役照
常優免否則詭寄隱冊縣避欺瞞而差解大役
居民戶田不及百畝者皆破產承充利歸他邑
役累青民安得不剥肌吸髓以至于窮且盡乎
松江一府三縣錢糧共九十六萬華亭四十八
萬上海三十八萬青浦僅九萬六千官吏師儒
無夢園集

紀淮徐賦役

淮徐賦役乘時事之多故多假借以爲名其于
條鞭差役疊出層現有因人以增設者人去而
設不除有因事以加徵者事停而徵仍在前事
加徵後事轉引以爲例前人增設後人復倣以
爲規一時或救燃眉权出于不容已累歲緣爲
定額勢重于不可回有托名帶徵公然申請加

派者矣有假手奸胥分外多派數千者矣如徐州加增一萬四千二百餘兩邳州加增一萬八百餘兩山陽加增一萬一千二百餘兩沛縣加增七千五百三十餘兩蕭縣加增五千餘兩陽山加增四千八百餘兩鹽城加增四千六百餘兩海州贛榆沐陽宿遷睢寧桃源安東豐縣各亦不下二三千兩若較之二三十年以前求之賦役全書之外又不知加增凡幾許也以故夏秋正糧則壞如故額無創溢地無加縮而向之

無夢園集 勞集一

奎

每頃徵銀七八錢者今徵至一兩二三錢以上其所在即云地有拋荒棚沒催科未見其或竟荒闕報昔日舊案重田而戶口有變以頻少大都里書挾令徵以涸民則雖每一事加幾斗幾兩而不覺其多里甲分總數以均攤則雖每一畝加幾釐幾毫而不知其溢久之漸加漸多習為固然雖三年一開而年開月版課可謂詳察此弊失在所刊成書遇開加徵款下計銀而不計地計總而不計零故令弊實得開耳今

有法于此遂開某州某縣夏秋糧若干每頃幾石幾斗每畝幾升幾合起派其人丁戶數須勘定某州某縣上上若干下下若干總計銀若干科向舊糧地均書若干每畝幾錢幾分幾釐幾毫起派遇開加徵若干每頃該幾分每畝該幾毫刊刻成書人給家傳使小民曉然洞見誰可濶乎其里舊數多派一令一釐許微害赴院道告理重置之法或不時差人倉櫃飛提納戶入手縣票查驗仍令年終總繳見年赤曆

無夢園集 勞集一

三六

及納戶縣票磨對類發貯庫聽覆查盤有闕月已過加徵不除及有司藉公口實妄請加派者糧戶吏書究遣官以不職參論至加冊開款內所裁額外所禁如各衙門不許包占通馬如塔應不用行戶夫役不派里甲如皇簿如藩勛等項轉移措置事干典除似應附刊末簡以杜將來若夫所在田地除見種徵輸外有拋荒有水占南山畝為原隰滄海變而沃壤直候忽聞耳亦備載數目并坐落處所許有司查報擬減

額派如別有告拋荒水占除糧者許本戶查新出腴地照數相抵總之田土可升而必不可匿錢糧可減而必不可增也

各屬比照山西通省例將額解京邊錢糧徵完各照額項傾錠鑒字貯庫具數開報府州委官承批徑赴該州縣隨便順取數解至于厥驛河夫衙役等項亦徑自關支應解府州者差吏胥解不許仍僉大戶里長復滋擾累

交兌之法如淮安府詹知府平允平收原收原

無夢園集

勞集一

三七

解能有幾人聞昔年有每百兩加收二三兩者矣甚至四五兩者有之而兩邊庫吏庫書該房吏書門皂之常例不與焉銀匠火耗押差夥伴沿途歇家盤纏之費不與焉又不啻費十之五食解者以賠累為藉口于是有津貼之名衙蠹又假食解為奇貨于是有里甲之派

黃河

黃河奔潰喫緊關防惟遙縷二隄是賴往以黃加工役繁興置此不修三十餘年河衝而隄日

薄隄潰而河益淤河與岸平非潰而漂田廬則潰而梗陵運岸隨河坍今年為土埂明年為河身本不修隄而致河之決又以塞决而闕岸之修所以處處橫溢數年來狼矢三山相繼見報也今三山河工告成近三山七十里之內隄岸已築自此以下若陳鋪若秋鋪卑薄如故衝决如故尚可忘綢繆早計乎

修徐城

徐州受水患久矣先年水行濁河北去徐城二

無夢園集

勞集一

三八

十餘里東折而南出大浮橋止經城東一面順流而下河身寬廣護城堤故無恙也城不受外浸城內間有積水霜降水涸一開水關無不復歸于河而城不受內潰自開朱旺新河水繇西來直射城之西北逼迫北門小浮橋震蕩吞刷旋折南吼而東門一帶更危矣三百護城堤每歲加高數尺城垛不能過肩河身日高水發不至出岸者又其間不能以寸外之日浸日削內之日潰日穿城之不隍亦幸矣哉

據覆佈工料銀共一萬三千六百八十三兩有
奇除前見貯在庫銀兩外該 敷銀二千六百
九十五兩七錢五分九釐二毫合于淮安府庫
積餘遺稅銀內動支奏濟

淮徐唬船

動支淮庫遺稅銀三千兩排造唬船七十五隻
酌派四十二隻淮屬巡防南白黃浦北至雙溝
東及泖河黃林莊一帶每船撥管兵十二名內
以二名充舵工船頭共計調淮安大營兵五百

無夢園集

勞集一

卷

四名哨官五員選委把總統領又以三十三隻
徐屬巡防南白雙溝北至珠梅閘又西自小浮
橋至堅城集一帶每船撥管兵十二名亦以二
名充舵工船頭共計調淮安大營兵一百九十
六名徐標二營兵二百名哨官二員把總統領

南庚

割楚賦撥事例歸水充以是三者足爲南庚之
濟乎未也楚賦餉黔水充折色之日久矣卽奉
有

明旨改運改徵文移往來更番措置不抵冬則
驗春方可飛輓而至而此數月中事例零星不
過涓滴之酌又有無莫必之數十數萬官軍孰
能枵腹忍死以待也哉

無夢園集

勞集一

卷

陳太史無夢園初集

古吳陳仁錫明卿父著

答詒訪鹽法

九邊鹽法

嘉靖初年改行小鹽每引止四百八十五斤淮南納餘銀五錢二分五釐淮北三錢七分三釐候堆鹽掣盡然後挨掣小鹽

關中數多商人附帶餘鹽倍屣鹽多則消遣不盡引多則支掣不及

無夢園集 卷二

存積專爲邊警多開歷年引鹽接濟故自宣德至成化通年有支商未盡之鹽聞有差官查盤之例今查嘉靖九年止于延寧甘肅宣大遼東六鎮議發引鹽四分開邊六分存積其後又增陝西固原山西三關漸以主客二兵加增軍餉遂將各運司歲辦之鹽盡數開邊又至三十七年蘄警無鹽可開始將水鄉折布等鹽亦查開中則盡四運司之歲煎無一毫存積矣于是邊鹽比常過半又兩淮一引兼掣餘鹽二引斤重

掣多鹽法猶滯

南京戶部坐委司官專管鹽引每年計各運司合給引目預行該科將銅版盡數給發銅版在內府惟印刷本部督視刷完會同該科計張有十四片封存內府遇該運司請給刻期印給

引目必照勘合勘合一道定一萬引近減爲三千引每引一張用印年月一號印一盡是力可得七八萬顆兩淮共九十萬引以日計之亦不勝久矣運司預請關引卽呈巡鹽御史移文該

無夢園集 卷二

部依期給發仍具回文查驗遲悞查參窮灶全賴餘鹽若商人收買不盡其勢必歸諸私販須逐戶面審剩數官爲收買鹽價交割沒餘銀內上場僉四名中下場各二名免其總催等役責令管買餘鹽給以見銀添設倉夫看守每百斤或加五分三分使灶丁樂于官買國初邊商難於守支故賣引于內商內商難于開中故買引于邊商一專報中一專守支引可速賣鹽可速掣今內有支鹽上堆數年不得掣

者則不樂于買引而邊商困在邊有中引到司數年而不得賣者則掣河鹽而內商困故調停淮鹽掣五單河鹽掣三單不然邊商捐資于一二年前輸粟于數千里之外又苦內商抑勒非超掣河鹽不可然邊人中納糧草利在賣引朝入淮而暮還家情也今大不然告掣河鹽坐規厚利多係截買之人于沿邊中者無與焉河鹽既行內商堆鹽守支年久若分撥引目必八年以上方得掣賣故邊商至此引既不能賤售

無夢園集 卷二

三

鹽復不能親支亦因矣內商利重則趨利輕則散鹽斤非價重不賣餘鹽非價輕不收是專利者內商也國初正鹽之外原無餘鹽隨到隨支隨支旋掣故引目疏通今超掣河鹽所得無幾利仍歸稱貸之家邊商何樂為此惟引價一定淮南九錢淮北八錢以上分撥見引淮南八錢淮北七錢以上分撥起帛官引淮南七錢淮北六錢以上分則停河鹽于邊商不為推抑行淮撥到司勘合鹽于內商不為偏利又不許邊上管糧衙門以商人得息于五錢之外復令加納糧草

商執倉鈔勘合到司責內商照原價承買以便即日回邊仍報內商的名于官冊如遇支鹽到橋填俱行令白塔河安東填各巡司驗放鹽船如該掣鹽一百引亦要見有新引一百引方許造單呈掣驗畢印記如無新引不許過橋入單割沒餘鹽商掣正餘斤數外凡有多餘謂之割沒令其每斤納銀一分照常問罪發落近有積鹽斤多寡以為罪名輕重有一人問徒數名納銀至百餘兩者積二千斤以上即引例發遣者舛矣今議照原數追罰止擬一罪不得累徒坐割沒鹽斤積至五百五十斤者照引價等銀給與官引以便照鹽發賣無非寬商通引之意餘鹽十六萬酌量分派各省革原設拆鹽舖戶以免負累其近場二府作收買貯官餘鹽巡鹽御史給與官票責舖戶按季納值在官隨照支出官鹽市賣各邊聞中鹽糧務量彼處米價及道路遠近險

無夢園集 卷二

四

參具奏召商中納邇來邊納多不依時估及轉
運交收領給勘合私費尤多以勒借爲詞陰行
科罰糧草湧貴商人規避遂督沿邊有司或報
殷實富戶或提原商驅逼上納如捕重囚商人
招之不來而逼勒富民代之視往年權貴囑托
壓充米何如也今議于商人報納草糧減斤重
寬斗頭計時估若干量減數目若干以補倉鈔
勘合不踰時

鹽引開邊本欲商人獲利募墾塞下又各運司
無夢園集 勞集二

額鹽存積不盡開邊故鹽法盛行復有召商糴
買其鹽法沮滯屯種荒損致邊餉不足又歲增
年例銀召商糴買故有鹽買銀買二商之別其
輸納糧草在邊無異銀商上納在倉場即得領
價鹽買遠涉到司投報赴場支鹽候掣經年故
欲于時估斗頭之中量爲寬減

南贛借行廣鹽以資贛州軍門兵餉今淮鹽願
納軍餉亦何以異于廣鹽哉蓋淮鹽利甲天下
其所行之地廣也若吉安行廣鹽則袁州臨江

皆非淮商所樂就往于峽江設浮橋爲杜絕廣
鹽之路鹽徒盡行毀滅湖廣衡寶慶永柳亦行
廣鹽必待淮鹽賣盡方許廣鹽發買河南南陽
府亦准北行鹽故地初因淮鹽少到暫許解鹽
兼行其後解鹽專行于一府十二州縣惟舞陽
仍行淮鹽易銅版之舊制初云暫許兼行今則
全奪且郡人喜淮鹽惟恐其不至試思鎮江何
不食淮鹽而食浙鹽法制所限不容越也

兩淮自開中七十萬五千一百八十引外又有
無夢園集 勞集二

餘鹽解部濟邊六十萬以行鹽地方之廣也至
河東鹽課止宣府八萬廣東額解止一萬一千
餘兩其餘存本處軍餉亦無報部數目二處鹽
引皆無請發勘合引目聽其自行惡得不與淮
鹽爭利宜照兩淮長蘆山東通給勘合查填引
目

正鹽以本色開邊餘鹽以折色解部此不易之
論也

九邊供額以民運爲主屯糧次之鹽糧乃補運

入六千百十一斤先年運屯不乏故中鹽納
粮草多在缺時開中不常引價騰湧此鹽法所
繇疏通也先年鹽課開中各邊上納粮草填註
勘合赴各運司開報引目赴各場支鹽掣賣原
無邊商內商之名而常積存積未分亦無餘鹽
名色自正統四年始令運司以十分爲率八分
給守支客商二分另爲存積候邊警有中以所
積見鹽人到卽支謂之存積其分挨次與守支
者謂之常股存積價重常股價輕或分三七或

無夢園集 卷二

七

分四六混爲一矣其初掣鹽皆邊商也後因守
候始轉而分撥引目于附近之商支鹽候掣而
內商之名始分其後鹽法不過堆塩河岸內商
欲行賤買邊商不肯賤賣故告行赴場親支出
河兼掣而內商又以年月後先引目多寡爲詞
且藉口六十餘萬餘塩之課不清搭配之斤不
重割沒之價則歲掣過半而難售

嘉靖十一至十七等年盡行開中二十二年有
預開鹽引之例

舊例
正月

以三千引爲一道多給勘合自隆慶六年始
上納粮草委官查驗過于搜求數年後責賠補
宜改委查盤以防監收通同之弊

私塩未到之處莫先于設法以行官塩官塩未
行欲禁私塩不可得也官塩行到之處莫急于
嚴法以禁私塩私塩不禁而欲官塩盛行不可
得也

商人利割沒以納價輕耳若每割沒塩一斤令
納價銀二分雖賞之不割

無夢園集 卷二

八

盡行開中又不足益以兩淮工本三十一萬餘
引每引搭掣餘塩二引自此邊內商兩困洪武
初年引納八分永樂二斗五升商之利甚厚及
查各邊倉鈔每引五錢所納粟米多者五六斗
少者不下三斗以上至解部六十萬又正德以
前所未有也

各邊官價五錢甘肅四錢五分盡令中納本色
決不可更

淮塩一引實搭餘塩二引兼掣斤重且加于正

鹽之半則歲出鹽斤不啻四倍商人必欲取利
民間苦食貴鹽所以兩淮鹽引至價一兩以上
人猶爭中後減至七錢六錢而止今止以五錢
又以時估定斗頭上納糧草猶不樂趨也

無夢園集 勞集二

九

川鹽遼鹽廣鹽閩鹽滇鹽秦鹽議

川井大者皮袋汲小者竹筒汲各井有水湧水
鹹汲即可煮者水淡而滌灰洒土然後可煎者
鍾主事文傑議大寧爲上上場一引一兩郁山淦
井福興華池爲中場二錢新羅羅泉永通通海
富又上流貢市廣福爲下場九錢又下場有上井
上場有下井勢難定課井眼珊場共課七萬有
奇竈丁概攤丁糧又苦新井委查則許多開小
井以補塌井之課而月給小票三百俾分發保

無夢園集 勞集二

十

寧重夔嘉潼等處領引寫遠之商此何給陳議
也

遼東二十五衛每衛額設鹽場一處每處百戶
領百兵專管煎辦鹽觔給賞官軍戶口食用後
因有餘積召商興販在河東地方則於海州抽
分在河西則于十三山抽分每鹽計車銀五錢
廣東海北二鹽場靖寧博茂臨川等二十九場
大引正耗七萬二千有奇正統七年一大引納
米一石輪瓊州府其廿三場生熟二分自設總

府資以餉兵十萬有奇故輸京者不及一萬
上里等七場歲辦大鹽引十一萬五千有奇小
引二十一萬有奇大引二錢五分小引一錢二
分五厘惠安潯梧一引七分似傷賤歲入課三
萬而解京一萬二千豈經制有濶畧抑留不盡
于地方歟

滇鹽黑白安五四提舉司及鶴慶武定麗江三
府各井除蘭州井作麗江官吏俸鈔其各井實
計車四萬九千二百三十四引銀三萬七千六

無夢園集

勞集二

十一

百有奇遇閏車為加益

陝西河東司原額四十二萬引正德末年添二
十萬引以致通負且鹽花以天時生結盛暑撈
採淋雨倏散行鹽之地有限消者難補補者復
消河東鹽池一百廿里投以各色雜物皆化為
鹽解凍花生各丁苦寒居民因竊以為利故有
東西中三場而中場專利尤甚池南鹽花比北
所顆粒更勝路遠棄置靈鹽大池漸增加臥引
以供買馬客兵之用河東鹽雖行于西延鳳漢

而私販甚衆

無夢園集

勞集二

三

鹽法

淮浙四時掣以二月五月八月十一月爲期長
蘆山東春秋掣以三月八月爲期 四分派遼
六分存積甘肅十五萬引延綏寧夏宣府大同
遼東各七萬引正月內南京戶部領勘合刷引
目轉發各巡撫會同管糧郎中秋成召商本色
糧草專備動客兵支用不許科擾商人違者巡
按糾劾治罪以上嘉靖九年例 兩淮官蕩八
萬一千四百七頃八十一畝分給各竈蓄草煎
無夢園集 勞集二

鹽然供煎外尚堪耕種備賑濟當時竈戶以分
司爲州縣視判官爲父母事皆可爲以二萬三
千竈丁供辦一百二十萬之銀是以有辦鹽一
引賑濟五分之例弘治三年彭侍郎詔議立倉
備賑惜乎未行周尚書忱因淮揚被災巡視給
食米收買私鹽官得積聚竈得安生上下賴之
邊方報中五錢淮南餘鹽每引尚有七錢然報
中以收成之時故五錢而有餘奏討當急遽之
會故七錢而不足且報中則商任輓費在五錢

之外而坐收其全發銀則官任糴買費在七錢
之中而止獲其剩軍馬食糧不食銀惟割沒餘
鹽照舊解部則商人一意輸邊此嘉靖三十年
高御史奏也奉有既該御史具奏如何又要行
查著歸一定議之 旨於是將兩淮餘鹽七十
萬五千一百八十引照依正引每餘鹽二百斤
定價開派寧夏延綏宣府大同遼東固原薊州
并山西神池等堡共八鎮照舊五錢甘肅一鎮
照舊四錢五分俱召商與同正引上納本色糧

無夢園集 勞集二

十四

艸俱准作各邊年例銀兩之數又總在正引包
內赴掣此外若有多餘鹽斤照例掣割銀兩解
部濟邊有 旨是之 國初竈戶餘鹽二百斤
爲一引給米一石緣鈔法不行米無所出遂至
工本之制盡廢今議原課外添復工本鹽三十
五萬引不分額課工本照舊二百六十五斤淮
南七錢淮北五錢正餘連包索共五百五十斤
爲一包若夾帶多餘割沒如例淮南至一百六
十斤淮北至二百斤各追一兩以備工本之用

作者解部係本年准例

淮揚有勸借之費有修城之苦有商兵之役或曰工本興必添單添引加以割沒以虛包斤數又苦矣查各場未掣鹽一百五十一萬三千二百五十一引有奇乃議一年徵一百五十餘萬解京而商愈困矣四十年此鄂懋卿事故曰必自小人兩淮行鹽地方日加削去鹽雖有支實無賣處徒加勤掣終爲無益竈戶私置倉房名曰便倉便倉一立私實遂開自宣德至

無夢園集 勞集二

三

成化皆有商支未盡之鹽嘉靖九年六鎮四分開邊六分存積自增陝西固原山西之災遂盡數開邊三十七年薊鎮有警無鹽可開將水鄉布等鹽亦查開中一引兼掣餘鹽二引斤重加倍雖革工本淮鹽三十五萬而其滯如故於是

有停止三分存積而暫以額解承運庫抵補之

議淮南安豐諸場鹽出于煎燒必藉用盤鉢淮北白駒諸場鹽出于攤晒必藉用埤池今家家增鍋戶戶開池有家置五鍋十鍋者每鍋一

伏火可得火鹽一大桶一伏火一晝夜也一桶可二百餘斤也莫計其算數矣其官爲鑄造運司花押乎自糧草貴而商人規避督沿邊有司或報殷實富戶或提原日商人如捕重囚非法也又歲增年例召商糴買故有鹽買銀買二商之別更非法也江西之南贛吉安湖廣之衡州永州寶慶鄖陽郴州河南之南陽皆兩淮行鹽故地惟下流東南行鹽之地寬則上流西北飛輓之勢疾且兩淮又有餘鹽解部濟邊歲六

無夢園集 勞集二

六

十萬惟行鹽廣潤耳自河東每報歲勝而廣東止解一萬一千餘留本處軍餉亦無報部數目二處鹽引皆苦請發勘令引目聽其自行運司缺擇知府郎中異等陞授六年稱職升按察司布政使或京卿其同知運厥判官悉于科甲擇人三年之后一體行取考選科道有中納之名無收支之實皆起于棍徒代商包攬革之便以上俱隆慶二年龐都御史奏准例國初至成化兩淮每一邊商引鹽派定一運司未有

搭配別處之例親中親支隨支隨掣淮南歲掣八單淮北四單亦無內商邊商之別弘治間開中長蘆山東運司鹽引連年無商開中議行配搭一商而走六運司故邊商漸次賣引于近淮富民照引支鹽始有邊商內商然引鹽未壅也自嘉靖懲正德積弊停止額外夾帶廿八年餘鹽六十萬而皆自內商出辦邊商中引內商守支不相妨害三十一年行工本鹽淮壅甚邊商因營求告掣河鹽謂其在河徑自超掣也龐都無夢園集 勞集二

五

御史革之淮鹽始通及萬曆初張國用奏復行河鹽御史劾奏若再掣河鹽鹽價必賤水商承買既少六十萬之額課將焉取諸且鹽法之患不在假引而在老引引原是眞引但係遠年違例沒官之數更易年餘國用稱有未掣引目四十餘萬正老引也 巡鹽御史戴金一歲積銀百萬兩遂爲定例投引未畢卽追餘銀於是減正鹽之價賣銀納官而恐其去不復來執留三分之一以爲質召商不至行文捉拿恐非侍御

本意奉行者過耳昔有盡收餘鹽歸官一說此法未可行之兩淮且行之長蘆山東與其私帶私鬻不如自公蓄之佐一緊急邊需亦飛輓遺意也設商學示鼓舞大都商人有一分之利卽國家受十分之利游客居間裹足而不入淮則朱提白鏹貫朽而皆歸帑勿奪兩淮行鹽之地先增一切額外之課總正大公平不近務財用一路尤見大經濟耳 劉晏充鹽鐵等使爲轉運爲江淮轉運使爲河南轉運使使身在江淮無夢園集 勞集二

六

積累歲月始能成功正統以來累差大臣經理選擇而使莫如鹽官云長蘆之鹽止行于順天大名衛輝彰德四府山東之鹽止行于東昌兗州二府徐宿二州其餘地土多鹹刮土煎熬商本坐困繇此故兩淮之餘鹽悉以利商多取不如少取長蘆山東之積鹽權用官買私販不如公貯唯有識者權之而閩廣滇蜀諸鹽臣各上便宜圖裨家公家萬分但勿預爲定額以近見小欲速尤蓋臣遠慮也

嘉靖間有鹽法之壞起于多取餘鹽銀兩矣
朝廷飛輓大計以致各邊糧艸不充

兩淮餘鹽令商人收買則可納價必開邊不夫
鹽法初意若運司納價解部必量減餘鹽官價
猶之可也乃有正課未派而先估餘鹽之價者
有鹽未出場而先定餘鹽之數者有掣鹽未及
賣而先稱餘鹽之銀者使升斗米粟不景俞是
中納而腹削至盡忍乎哉 嘉靖十七年給事
中呂應祥疏各邊惟大同銀億庫四壁蕭然僅

無夢園集

勞集二

元

餘局鑰查引鹽大同止得九萬較之遼東未及
其半于是請特加數萬依擬爾時山西拖欠已
不下六十餘萬蓋從來久矣

兩淮每引倉鈔五兩餘鹽銀八錢加遼餉一錢
共一兩四錢例一兩鹽重五百七十斤袁世振
立綱法減去一百四十斤以減數三引湊一引
共增二十二萬引悉免引價餘鹽銀使帶行無
課之鹽以銷積引積引有真贗編入綱者真也
今度其期積引俱銷盡卽有之乃不准入綱之

贗引耳 梁梁場大盜王虎子被擒餘黨未殄

竄勇一營可移鎮可分練而不可革也 淮鹽

第一在去浮課如行遼行黔之等又有底馬私
填吏書包攬計斤罰分反開夾帶池中四六三
七陋規入官不過二錢私囊不可復問何不緊
于五百斤之外而私販浮課不得窺入派綱使
舊窩不出而食鹽之人漸衆水商利掣多內商
利引多邊商利中多可以資飛輓也嗟乎鹽法
屯法相表裏而在今日有不盡然者不如速理

無夢園集

勞集二

三

錢法今天下行錢所在僅十之四而不能遍通
天下者皆由變舊制不令布政司鑄錢不能遍
行州縣惟復舊制原著布政司鑄錢錢照爐數
驗收除該地方散用外散諸各州縣配發兵糧
及雜項錢糧許民間納糧亦配納銅鉛不必差
官置買只平買平賣銅商望風而至矣鼓鑄益
多而利益厚然則加派可議緩也

兩淮鹽政

海內有運司五其利足筦海內之半而運司推兩淮爲首其利又足筦五運司之半課雖煎辦自灶而實徵解自商商有三項一邊商一內商一水商邊商者在邊給糧草而中鹽引內商者在內買邊引而支額鹽水商者又買內商鹽行江廣而公販賣

祖制編單淮南拾貳單每單捌萬五千引淮北四單每單伍萬伍千引內商支額鹽不足復令

無憂園集

勞集二

三

添買餘鹽掣賣歷久掣賣不前餘銀預借每年一巡鹽御史出京餘銀陸拾萬兩春秋兩解解完復命於是始而借商商困既而借庫庫竭不得已乃設疏理道袁世振往揚革單編做聖德超千古皇風善九徵拾綱商人占窩爭先上納參拾萬餘銀壹月而完迨今七八年後浮課亂入遼鹽日加課入三年之前鹽行三年之後而商困且其私販成行官鹽日墜而商愈困因而虧損額課而國亦困甚至私販不已加以

私困乘急高招利不在商不在民并不在

徒以飽奸宄之腹而國與商民俱困他不具

論卽如食鹽一弊王府夾帶奸商私掣官船

多帶所售之地有限所發之鹽數增無惑乎綱

鹽之掣賣不前餘銀之預借莫措也向來科甲

視運司爲擅地避嫌不選司官皆銅臭納級備

員誰顧鹽法沮壞商灶之病靡日可甦矣今日

急務唯於甲科中擇數輩才優操潔者任之耳

一革食鹽以疏官課揚屬高寶江儀泰興五

無憂園集

勞集二

三

州縣共行食鹽壹萬捌千伍百伍拾引內除高寶傍湖近淮雖有夾帶不碍正課惟江都儀真泰興三縣濱臨大江一帆直抵江廣每藉官鹽爲名巨艘裝載從瓜州瓜步等處大肆通江與販綱鹽安得不阻更有勢豪之家鑽立土商名色販賣致富蠹國病商莫此爲甚合照通泰興阜等五州縣槩食功蹟鹽斤盡革舖商弗使干引食鹽致叢萬金巨蠹又江南溧陽溧水高淳句容食鹽曾刊勝永革後有好商規利告開親

至各場買築大包一引千有餘斤及過橋所至
賄放行積弊已極合遵

祖制於儀真鹽所內商掣過綱鹽中抽點千引
分發彼處舖商運賣其價一照水商則非惟正
課行而私弊亦寢矣

一趙綱鹽以儲餘銀 餘銀每年陸拾萬兩兩
季解京何故愆期蓋不特私販行也又有一等
內商觀望江廣價高方行赴掣否則故意遷延
不售水商水商銀遲則餘銀何從上納須得執

無夢園集

勞集二

五

法直指慎委廉官急掣按期趨運并請
明旨勒碑儀准二所如一商逾期索至拾數萬
斤者不必依前例問罪只將本綱鹽照數沒官
商思救本不敢遲延夾帶則行鹽數窄正額自
疏

一除積引以趙綱鹽 商有奸良之別引有新
舊之分掛掣商人每擇地之遠近近鹽支而遠
鹽積至有念年不放消折無存窮灶慮賠挈家
遠遁合無請 旨嚴革不准買補同今掣綱鹽

解細販賣仍註立版勝運司永為遵守則貴本
為重支放難羈三商流轉九塞飽騰而軍政與
鹽政俱飭矣

一核藩府以絕私販 王府親領食鹽閱登鑽
文運司串同奸商下場自買畫舫樓船蜂屯蟻
聚

令旨懸牌號旗閉日更帶領打手衆謀人等到
處明買不下千百萬引官兵莫誰稽查從江掛
帆竟達楚中恣意發賣漁利瓜分水商不得售

無夢園集

勞集二

五

其經營 王府不遵燭其奸偽崇禎四年饒院
張 訪將奸商許起擬戍題 旨今後合令道
臣於儀真鹽所綱鹽內查照 王府來文應支
鹽斤之數抽商分給容商買補嚴諭兵快巡緝
不許舟人登岸收買私鹽正課豈猶壅滯

一清衙虎以裕邊需 邊餉半需於鹽法鹽法
半蠹於衙虎如巡鹽直指兵鹽道運司庫房書
吏員缺勝如郭家金穴查鹽院書吏一名頂首
壹萬餘兩又討缺私通關節傳遞鹽政消息每

隨官一任囊積萬金出入乘輿子孫繩繼商灶
靡不切齒鹽道書辦頂首捌千兩廣盈庫頂首
貳千兩其他房科最輕亦肆伍百兩靜想此輩
重貲鑽入誠爲何意今後凡巡鹽御史出京請
於在京三考官吏中簡選善書算者數名隨役
不用土著積書復命之日仍帶回京次歲再
差再選則關節難通弊竇旋塞兵鹽道書辦止
許一班不許上下兩班別衙門壞事者不令躲
閃充役運司書辦許一年一換每房科止用十
無夢園集 勞集二 三五

名多卽裁革寬商裕灶漸可充給邊需司農何
煩仰屋

一詰漕船以清夾帶 皇都取給於漕政非緩
比來各船動多夾帶長蘆私鹽而回空糧船爲
甚舳艫千百揚帆衝關搜緝稍嚴持挺相向甚
至燒毀漕船殺傷人命誣賴官兵莫敢呵止夫
百萬淮課九邊急需而糧艘敢公然撓販日中
尚有三尺哉况回空原取輕便若夾帶太重不
惟害鹽亦且害漕此皆緣押空無官至此合無

申飭各官遇船交卸必親自押空回南迨到淮
進開瓜儀出口仍嚴行盤詰違者依律更取押
運官結狀如前途有犯一併連坐私販路絕何
愁 國課不寬然有餘

鹽政之壞人皆謂壞於改折而不知壞於掣鹽
之官與小販之商掣鹽之官非得賄若干不掣
小販之商利其不掣也而任意長價舊時江南
諸郡鹽止七八釐一斤今至二分有奇矣穀之
貴賤繇於年之豐歉海水不涸鹽何緣騰涌至
無夢園集 勞集二 三五

此皆因延推不掣引商困於積欠則赴邊者少
灶丁苦於無貲則私售者多以致私鹽行則官
鹽益滯

朝廷不得鹽利之入小民不得食鹽之惠宜特
任一精明清正官往董其事鹽必一月一掣其
小販之商本不必以萬計以千計卽以百計以
十計皆得投牙買賣

兩淮煮海輸課灶爲本商爲標邇者三十鹽場
屢因旱澇不常民多爲盜不事耕煎甯聚亡倫

千百爲羣白晝劫掠富戶奔竄總催逋亡以致鹽課羈縻卽如梁塚場大寇王虎子殺人焚劫倡亂年餘在有司不敢請蠲勦除幸天敗滅渡江被擒目今已服天刑矣而餘黨千人尚虎視眈眈盤踞一方分佈劫掠丁美舍雖有把截不過二百人一聞賊警獸驚鳥散合無移揚州灶勇營於場以備禦之灶勇營新設之營也曾議裁革未果今在城既有大營可衛國課又焉用此兵坐食城外以供其遊閒哉所當會議撫按

無夢園集

勞集二

主

不必裁革令其駐節鹽場如安豐一場地方衝繁商灶愿請保障卽以各場灶勇聽其操練分哨別場巡緝報功

淮南鹽利

南正鹽每一引值價銀五錢五分矣餘鹽銀今定爲八錢矣又加餉銀一錢矣而正鹽一引之斤數止有四百三十斤是正商之輸課重而得鹽恒輕也此

朝廷之利也食鹽每引止值價銀二錢五分耳

餘鹽銀正五錢耳而食鹽一引之觔數則有五百八十觔是奸商輕而得鹽反重此鹽政中之最不平者謂宜請于食鹽之課薄者量議增加課銀抑奸商以扶正商各運司俱照此例行每歲可增數萬金之入矣如欲清其本源則待淮南綱引行完之後新綱另起之初查出食鹽之每歲若干數照增入新綱正引凡所輸之引課所掣之鹽觔一體施行每歲三次行掣

兩淮綱法

無夢園集

勞集二

六

一兩淮額引每年共柒拾叁萬引有奇

一兩淮每引倉鈔該價銀伍錢

一兩淮每引納餘鹽銀捌錢

一兩淮每引加遼餉銀壹錢 以上三宗共筭

壹兩肆錢一引

一兩淮舊例每引鹽重伍百柒拾觔自疏理道袁世振創立綱法將每引減去壹百肆拾觔止得肆百叁拾觔遂以減出觔數復三引繫成壹引共增貳拾貳萬引有零既免其徵引價伍錢

又免其徵餘鹽銀捌錢使帶行無課之鹽以銷積引所謂積引者先年壅滯未行之引也積引有真有贗袁疏理准編入綱內者真也不准編入綱者即贗也今日皆不准入綱之贗引耳
一兩淮綱法以每年柒拾叁萬引有奇銷行本年新引而以增出貳拾貳萬引銷行先年積引所謂新舊兼行也淮南編拾綱用十箇字聖德超千古皇風扇九微使每年行一字自戊午年始迄丁卯年止而淮南積引俱銷完矣准北編

無麥園集

勞集二

三

十四綱用十四箇字天祿聖壽齊南嶽帝藻輝光動北辰亦使每年行一字自戊午年始迄辛未年止而准北積引俱銷完矣此後綱法已完更無積引可銷當時立綱有前任大堂李汝華原疏可覆按也

兩淮父老談鹽法

兩淮運司鹽課以三十鹽場灶戶官給草蕩歲輸常股鹽課柒拾餘萬引每引貳百觔報九邊聽派設立邊內水三商一曰邊商在邊上納糧

草兌給倉鈔勘合到司領引發賣一曰內商買邊引下場支鹽重細過壩過橋過關抵儀真鹽所掣賣上納餘鹽銀兩一曰水商買內商之鹽解細法觔小包認定江西湖廣河南地方發賣此週而復始極通變良法何謂餘鹽除灶戶應納貳百觔之鹽輸邊報中爲正課外因江廣生齒日盛所支之鹽不足彼處民食題

無麥園集

勞集二

手

請許內商下場買灶戶納剩餘鹽添入正鹽之內併計包索酬商募兵挑河等項其鹽伍百伍拾觔一大引筭納餘銀陸拾萬兩分爲春秋兩季解京濟邊每一巡鹽御史駐揚卽將此鹽編作單鹽前往江廣發賣必聽京掣何謂京掣水商承買內商單鹽解細小包批上江船鹽院委官一查放行故名京掣餘銀額定春秋二季解部方許復命後因商人嗜利築打千觔大包又兼魯鹽添行存積鹽伍萬伍千引夾帶什倍壅積以致行鹽地方發賣不前存積者預備邊需而該逢巡開中病國病商但餘銀催徵不起

復一年套搭套搭者預借下單有富商人之銀
奏解此例一開則灶戶鹽無所售商人銀無所
完王課及爲末務魯監按括司庫鹽引賣至七
捌兩一張鹽法大壞幸其御史革去存積削沒
夾帶有大批者加罰許退貴賣引價後部議設
疏理鹽法道袁除單立綱十字聖德超千古皇
風扇九微諭商人先完餘銀占窩者就編入某
字綱行鹽不十數日參拾萬餘銀通完後季亦
然及兵道兼攝其綱行完商人依舊觀望添捆
夾帶掣賣壅滯今又編新綱十字調和參化春
羹鼎裕鹽梅巡鹽御史急于差內銀解又行借
灶借商之例已逾三年仍是套搭之弊且浮課
又多食鹽夾帶又盛院道司官惟恐商人開戶
改業且迫於功令森嚴不敢繩之以法先完行
賞姑將夾帶未掣大鹽寬不加罰許商人割作
下呈綱鹽此亦權宜引誘之術今具疏通鹽法
如左

一禁夾帶每引除正鹽貳百觔外又餘鹽參兩

無夢園集

勞集二

三

五十觔若能遵法掣賣江廣售盡餘銀如期完
納何預借之苦惟是夾帶多掣賣不前是自愚
之術事皆掣肘官吏通同驗放開橋抵所掣
商人本利盡是苞苴援納誰顧官箴宜責商鹽
過壩高郵泰州海安三處委廉能官秤鹽上船
到揚州橋秤上鹽場另綱再上船抵開此運司
專設開橋同知驗放如五百五十觔之外卽罪
壩上官赴儀真鹽所委廉能正官秤掣多出者
除割沒外罪坐開橋官割沒者五百五十觔之
外許餘五觔也如解綱官抽小包多者罪坐掣
官設立院印號票壹張填寫過壩開橋鹽所掣
官下河解綱官各科甲官銜姓名畫結無弊字
樣聽院道親臨下河秤掣抽驗如上下河船戶
明知有數綱鹽觔兩希圖水脚替商裝載大包
者事發罪同

一革食鹽夫食鹽者乃正綱之大害也近指獻
納兵餉爲食鹽之餘銀巧立名色鑽准行鹽如
江南溧陽溧水高淳等縣畧與淮南綱鹽隔別

無夢園集

勞集二

三

雖夾帶亦無大碍惟上元江寧滁和全椒含山江都泰興高郵寶應等州縣皆臨江臨河私鹽出沒之所藉官鹽恣行夾帶重細六十觔小包惟據州縣一票闔閭繇開晝夜公行通江興販是以土商日富而綱商受困矣痛革食鹽土商不許自行支賣卽不能盡去或照例於儀真鹽所掣過內商綱鹽內抽買不許自行下場買補以圖夾帶此外如王府食鹽必從鹽院照觔兌給勿通商人下場自買亦故時一義而南監計

無夢園集

卷二

四

人月給四觔運動銀二百兩買鹽赴解已奏戶部札司將前項濟邊或可省重複乎一革兵餉今灶勇營官兵六百員名其初因購警添設神武營後遂改灶勇營名色又某道新添標下官兵某道添忠義一營俱食運司錢糧第食鹽上南謀行食鹽條陳食鹽內餘銀輸納充餉名色而正議原無此項且揚營與兵道標營近議商鹽每引多帶陸餉改食司餉倘有可裁者乎除去食鹽之餘銀則食鹽無

無夢園集

卷二

五

從設法再行矣三營有膂力弓馬者灶勇疏理二營聽補揚營其忠義營聽補泰營各條地方緩急鹽場多精勇可使也但無碍于鹽政可一革頂首衙門跟隨貼辦書吏朱名之缺號爲金穴頂首多至千萬至運司六房書手每房貳叁拾名頂首亦侈昔年御史蔡時鼎以納銀農民中考選每科止許叁名白役不准收考一年一換又因知衙書手自稱關橋廳名目副使衙目號督捆廳頂首皆可觀至於運判首領場巡等衙門皆有頂首用此一班咀嚼商灶假引假印倘如差御史壹員出京聽本官卽於異途選官內或見役及未撥京考吏典內考選能文善書朱捌名不許當地人考考中時責令每名上銀叁百兩濟邊跟隨到任旣無在外親識又除私通關節等弊差滿隨官復命再差再選如此則無術容其奸矣商人能勾引作弊耶一清火耗灶戶每引上納折價貳錢類解運司扣兌商人割沒銀兩此袁道臣所議商灶咸服

運遭場官指倚上司使用每兩加三火耗監批
不知運司解京錢糧部頒法馬每伍拾兩加銀
肆錢其餘一切支銷錢糧止照原數刊刻鹽法
事宜書冊備照運司庫吏加耗而收場官苛徵
交納應痛革秤頭火耗以蘇灶命至於灶戶上
納民間田糧州縣重收到庫及僉點灶里解銀
到府時輕出每伍拾兩借官茶果剋銀貳叁兩
又攙搭成色低銀府庫傾銷使用火耗計領解
百兩灶里賠銀貳拾餘兩是亦不可以已乎

無夢園集

勞二

三

一變官地運司所屬鹽場額丁草蕩分析既明
後因傍海漲出淤沙蔓生柴草如廟灣週迴數
百里皆豪灶霸占爲業其別場皆有畝數尙氣
悍惡用強晉利小灶未沾實惠市井官地倉基
悉歸橫占既不陞租又不辦課宜委官詣場沿
海沿灶清查除額蕩之外但係新漲或無用空
地通報估價輸官任其管業若止陞租徒費紙
筆行催又查祖制給與灶戶煎鹽鐵角或有年
久爆碎或因草貴改鑄鍋鐵前項煎鐵拋棄

內深辜給鐵初意如安豐富安豐利廟灣等場
猶盛應委官查覈到官作廢鐵變價濟邊或灶
戶願煎者作價給與通計造冊見斤則
國家漲出之草拋棄之鐵不爲無用

無夢園集

勞二

八三三

紀鹽糧

蘭州之有鹽糧也召州之民充焉原額引共九千三十四引一百二十七觔在淮者四千四百一十九引四十斤每引定價銀五錢在浙者四千六百一十五引八十七斤每引定價銀三錢五分共該折價銀三千八百二十五兩引至戶部發之餉司餉司於每年秋成時會同本道轉行管糧廳及州縣正官將米豆價值博訪城市時估呈詳定奪即督各倉上納糧料以爲軍士

無夢園集

勞集二

三六

雙月之餉年終通完報道轉移餉司取給鹽引載在令甲舊制本處召商即於本州上糧至便也自萬曆二十五年展復新疆故設常裕倉於紅水三眼二處去州五六百有餘里商人始病飛輓之苦而報攀零星百姓承納矣遂至告罄告貼紛紛不已後議立爲四十五會每會有三四十人者有五六百人者量其身家派其引數有一二引者有納十數引者各會所于年前十二月照依見年時估斗頭豫置次年鹽糧運

至紅三二堡倉上納已失秋估督買之法矣然每會貼商頭腳價銀一十二兩亦衆擎易舉兩利之術也而奸商憚苦搜運窮軍圍顧目前廳胥倉役惟賄是聞乃有易本色爲銀錢以布帛擡價值無乃軍與商兩累乎今議者條其事曰秋估之制宜復每年八月新穀既升糧價頗賤宜及是時買運上倉或遇荒年則姑分爲兩運其一運亦于本年八月照時估糴以備次年上半載之糧其一運亦于次年六月內當二麥之

無夢園集

勞集二

三七

皆熟亦新穀之既登乃買運下半載之糧誠便計也又曰各商既窆人子上糧之後即將已納過引數轉賣他人以圖近利而不思糴糧運糧所費不貲所得賣錢十不二三又未幾而復催次年之糧矣既已剝肉醫瘡何堪擢觔洞髓撐持甚苦困憊何休議將各商上過引數不許轉賣就內擇稍殷實者得三四人焉總領齋至揚州賣引得銀回日以給散四十五衛作爲糧本以買次年之糧少蘇屢年之困又曰浙引原價

三錢五分商人止賣銀一錢七分然雖折本而猶隨到隨給若准引原價五錢可賣銀五錢五分乃甲年之引至乙年四月趕赴投入勘合謂之入綱舊例每一引見發銀二錢五分其餘三錢留至丙年四月方始給之已爲濡滯矣而近日則并二錢五分槩不之發嗟此窮商何堪骨髓骨枯哉此宜調其利害一爲痛言之耳雖然商之苦於糧爲軍也苦於引爲國也而此外乃復有無藝之征責之以幣帛責之以金玉誅求

無夢園集 勞集二

三八

不少貸焉

淮揚道中紀鹽法

儀真淮安二所掣鹽賣繳截角引目不如期於是改三年一次進繳爲一年弘治二年例也總催之寫木牌以恣那移也每場分東西東堆存積西堆常股先儘存積方收常股一年鹽課既完方許徵收下年查盤止秤斤數不許丈量堆垛亦本年例也 先因竈丁逃亡定爲分數准其折色賠本色多出貧竈賠折色多出富丁於是弘治十年起至十八年止罷免拖欠鹽課二

無夢園集 考二

三七

百萬八千餘引 天順成化年間鹽引或不填年月又不剪角影冒甚衆惟限期迫則必急于掣賣掣賣速則必急于報中 掣鹽之法莫良于御史張禎該掣鹽船俱令在揚州河下次第擺幫親爲抽盤如某商鹽三五隻令自抽籤止驗一船每船止抽一倉秤掣斤數明書在簿後赴批驗所秤掣斤數相符斯爲無弊 殷實竈丁納銀候缺專累貧竈倚官爲姦又有提單之弊如淮南至白塔河淮北至安東壩各巡司次

第開單送巡鹽御史放過揚州者鈔關迤東上堆淮北者支家河迤北上堆而提單一出攬越犯禁正德十二年兩革之 商人添包鹽斤本場買補正德間勢要減價報中不次換單鹽法大壞支本場買補以恤勸電嘉靖五年例也奉有各邊開中近年定價太多今後每引以六錢爲例之旨蓋永樂間准鹽每引二千五升成化以后不過三錢五分或四錢二分正德末年漸至四錢五分嘉靖二年加至七錢五分轉增脚

照舊例

卷一

價逾一兩有奇且既搭兩浙又搭長蘆與淮浙搭中二八三七之例亦非其舊矣 嘉靖間有一御史稱收傾銷俱令商人自經手運司官吏不得干預而是年鹽利大倍 兩淮運司遇有運使員缺或于名望著者先舉推用或于六部郎中越級超遷此嘉靖戴御史奏也 兩淮三十鹽場國初立判官三員降以印信各守地方統率場官撫恤竈丁責任正與州縣司牧之意同自衙門傾圯遂羣處運司并職守而亡之數

無夢園集

卷二

四

萬生靈懸于場官吏胥之手矣愚意鹽法不必拘以功令但選舉得人令鹽官自陳利弊但從商人之便絕去請托而利自歸于公家耳 常股以收成之時開中糧草價賤故一引之鹽得二引之用以爲利不厚則商人不趨而邊儲不足何暇計錙銖之利哉今開鹽不時糧草艱貴復有處置科罰名色且昔年不許夾帶餘鹽餘必割以入官未有餘鹽納價之說其後所割餘鹽日積權豪指官買爲名始將餘鹽聽商納價

此一變也然亦未有餘鹽反多于正額者淮鹽七十萬引添引一百四十餘萬支鹽何所往時在邊中引一引運司當時支給今每引之外必加二引是欲通餘鹽反滯正鹽納價腹裏而缺儲邊方可不可也 先年存積常股積有數年至正德年來中支始盡又預開下年之課

陳太史無夢園初集卷之

古吳陳仁錫明卿父墓

荒政攷上

人主

漢景帝徙民寬大地詔 問者歲比不登民多
乏食天絕天年朕甚痛之郡國或磽陿無所農
桑穀言或地饒廣薦草莽水泉利而不得徙其
議民欲徙寬大者聽之此後世初撫
流移之始

武帝遣博士巡行詔 仁不異遠義不辭難今

無夢園集

勞集三

荒政考

京師雖未爲豐年山林池澤之饒與民共之今
水潦移于江南迫隆冬至朕懼其饒寒不活江
南之地火耕水耨方下巴蜀之粟致之江陵遣
博士中等分巡行諭告所抵無令重困吏民有
賑救飢民免其厄者具舉以聞此賑粟救
荒之始
昭帝勿出田租詔 往年災害多今年蚕麥傷
所賑貸種食勿收責毋令民出今年田租
昭帝止出馬詔 比歲不登民匱于食沛庸未
盡還往時令民共出馬其止勿出諸給中都官

者且減之

昭帝免漕收責詔 乃者民被水災頗匱于食
朕虛倉廩使使賑困乏其止四年毋漕三年以
前所賑貸非丞相御史所請邊郡受牛者毋收
責

昭帝以菽粟當賦詔 夫穀賤傷農今三輔太
常穀減賤其令以菽粟當今年賦

元帝免租賜帛詔 關東今年穀不登民多困
乏其令郡國被災害甚者毋出租賦江海陂湖

無夢園集

勞集三

二荒政考

園池屬少府者以假貧民勿租賦

元帝水災詔 問者陰陽不調黎民飢寒無以

保治唯德淺薄不足以克入舊貫之居其令諸

官館希御幸者勿繕治太僕減穀食馬水衡省

肉食獸

宣帝貸貧民詔 蓋聞農者興德之本也今歲

不登已遣使者賑貸困乏其令太官損膳省宰

樂府減樂人使歸就農業丞相以下至都官令

丞上書入穀輸長安倉助貸貧民民以車船載

穀入關者得毋用傳此入發給助之始

成帝憂郡國災異詔數勅有司務行寬大而禁苛暴訖今不改一人有辜舉宗拘係農民失業怨恨者衆傷害和氣水旱爲災關東流冗者衆青幽冀部尤劇朕甚痛焉未聞在位有惻然者孰當助朕憂之已遣使者循行郡邑被災害什四以上民賞不滿三萬勿出租賦逋貸未入皆勿收流民欲入關輒籍內所之郡國謹遇以理務有以全活之思稱朕意此省刑罰爲荒政急務

無夢園集 勞集三

三 荒政考

董卓悉亂百姓流離穀石至五千餘人相食魏武經略四方用棄祗策募民屯田許下得穀百萬斛郡國別置官田數年間所在倉廩積粟皆滿又以關中空虛用衛覬議設鹽監以其直益市犂牛以業耕者流亡競還關內富實

建武三年魏高祖以久旱自癸未不食至于乙酉群臣皆詣中書省請見高祖在崇虛樓遣舍人辭焉且問來故豫州刺史王肅對曰今四郊雨已霑洽獨京城微少庶民未乏一餐而陛下

輟膳三日臣下惶惶無復情地高祖使舍人應之曰方將遣使視之果如所言卽當進膳如其不然朕何以生爲當以身爲萬民塞咎耳是夕大雨

唐貞觀中太宗課州縣吏凶荒有社倉賑給不足爲徙民豐登州縣就食焉尚書左丞戴胄曰請自王公以下秋熟計所墾田歛穀於所在爲義倉歲凶以給民帝善之詔祿稅三升粟麥稻稻隨土地所宜寬鄉歛以所種狹鄉薄督之歲

無夢園集 勞集三

四 荒政考

收十損四者免其半損七者盡免商賈無田者以其戶爲九等出粟自五石至五斗以爲差其後洛相幽徐齊并秦蒲等州各徃徃置常平義矣此置倉義助之始

貞觀二年畿內有蝗太宗入苑中見蝗掇數枚祝之曰民以穀爲命而汝食之寧食吾之肺腸舉手欲吞之左右諫曰惡物或成疾太宗曰朕爲民受災何疾之避遂吞之是歲蝗不爲災德宗賑恤諸道將吏百姓等詔其宣武等軍

宋毫陳州等節度淄青等州節度河陽懷州節度東都畿汝等州節度潞美軍澤潞磁邢等州節度保寧軍節度成德軍恒深趙等州節度易定等州節度每官各賜米五萬石所司卽般運都于楚州分付各委本道差官受領賑給將士百姓等務令均洽以惠困窮江淮之間連歲豐稔迫于供賦頗亦傷農收其有餘濟彼不足允乎發歛之術且協變通之規宜令度支于淮南浙江東西等道量置場加價和糴米三五十萬

無夢園集

勞集二

五 荒政考

石差官般運於諸道減價出糴貴從權便以利于人
優卹畿內百姓并除十縣令詔 涇陽縣令韋滌潔已貞明處事通敏有禦災之術有字物之方人不流亡事皆辨集唯是一邑之內獨無愁怨之聲古之循良何以過此就加寵秩允叶前規可簡較工部員外郎兼本官仍賜緋魚袋并賜衣一襲絹百疋馬一匹
憲宗以久旱欲降德音翰林學士李絳白居易

上言以爲欲令寔惠及人無如減其租稅又言官人驅使之餘其數尤廣宜出之請禁諸道橫歛以克進奉禁嶺南黔中福建多掠良人賣爲奴婢皆如其請既雨絳表賀

南方旱飢憲宗遣鄭敬等宣慰賑卹將行戒之曰朕官中用帛一疋皆籍其數唯賑卹救百姓則不計費卿等宜識此意

後周廣順三年南唐大旱井泉涸淮水可涉飢民度淮而北者相繼濠壽發兵禦之民與兵鬪

無夢園集

勞集三

六 荒政考

而北來太祖聞之曰彼我之民一也聽糴米過淮唐人遂築倉多糴以供軍詔唐民以人畜負米者聽之以舟車運載者勿予

此無過糴也

真宗詔京東西河北東陝西江南淮南兩浙皆立常平倉計度多寡量留上供錢歲夏秋視市價賤貴量減增糴糴三年以上不糴卽回充糧廩易以新粟其後荆湖川陝廣南悉置焉
仁宗詔諸州置廣惠倉天下没入戶絕田官自鬻之至是韓琦請留勿鬻募人耕而收其租別

爲倉貯之以給州縣之老幼貧疾不能自存者
謂之廣惠倉以提刑領其事歲終具出納之數
上三司每千戶留田租百石以是爲差戶寡而
田有餘則鬻如舊

祥符間帝以江淮兩浙稍旱卽水田不登遣使
就福建取占城稻三萬斛分給之爲種擇民田
高仰者蒔之內出播種法命轉運使榜示又種
于玉宸殿召近臣同觀自景德來推廣淳化之
制而常平惠民二倉廣被于天下

無夢園集

卷三

二 荒政考

仁宗卽位初下詔言今宿麥既登秋種向茂令
州縣諭民務謹蓋藏無妄費遣使出懷衛磁相
邢趙鎮洛等州教民種水田充濟間置田官命
規度水利教墾田詔諸州旬上雨雪狀著爲令
皇祐中作寶岐殿于苑中歲刈穀麥詔輔臣臨
觀省按未治一本于仁厚諸州歲歉必發常平
惠民諸倉粟或平價以糶或貨以種食或直給
之不足則遣使馳傳發省倉或轉漕粟于他路
或募富民出錢粟酬以官爵勸諭官吏許書律

爲課若舉放以濟貧乏者秋成官爲理償又不
足則出內藏或奉宸庫金帛鬻祠部度僧牒東
南則留發運司歲漕米或數十萬石或百萬石
濟之賦租之未入未備者或縱不取或寡取
之或以須豐年鬻牛者免筭運米舟車除沿路
力勝錢水鄉則蠲蒲魚果蓏之稅選官分路巡
撫關津毋責渡錢道京師者諸城門賑以米所
至舍以官第或寺觀爲渚廩食之捕蝗予一升
至易菽粟三升或五升熙寧二年賜判北京韓

無夢園集

卷三

八 荒政考

琦詔經制之方聽便空從事自王安石秉政改
貸糧法爲借助移常平廣惠倉錢斛爲青苗令
民出息又詔賣天下廣惠倉田先朝良法無幾
哲宗雖詔復廣惠倉章惇又罷之賣其田如熙
寧法常平量留錢斛不足以供賑給義倉不足
又令通一路兌撥於是紹聖大觀之間直給空
名告勅補牒賜諸路崇寧初蔡京當國置居養
卹安濟坊給常平米厚至數倍差官卒克使令
且火頭具飲膳給以衲衣絮被州縣奉行過當

或具帷帳雇乳母女使糜費無藝不免率飲而富室擾矣

虞伯生集題耕織圖大意謂元有中原置十道勸農使摠於大司農皆慎擇老成重厚親歷原野功成省歸憲司憲司置四僉事其二乃勸農之官由是天下守令皆以勸農係卿憲司以耕桑之事上大司農至郡縣大門兩壁皆畫耕桑圖

吳元年六月久不雨 上日減膳素食謂近臣

無夢園集

勞集三

九荒政考

吳去病等曰予以天旱故率諸宮中皆素食使知民力艱難既而大雨群臣請復 上不許

乃下令免民今年田租

此本朝荒政之始

詔曰朕肇造丕基鎮江太平寧國廣德為京師翼郡師旅之興供億仰焉子孫百世何得忘汪左之民其并免今年田租自是蠲租之詔屢下又詔鰥寡孤獨廢疾民不能自養者官為存卹民年七十以上許一丁侍養免科錄

洪武十年五月誅戶部主事趙乾勅中書省臣

曰嚮荆蕪等處水災朕寢食不安亟命趙乾往賑之豈意乾不念民艱坐視遷延自去年十二月至今年五六月之交方施賑濟民飢者多矣夫民飢而上不恤其咎在上吏受民不能宣上之意視民死而不救罪不勝誅其斬之以戒不卹吾民者

洪武十八年詔曰嗚呼天位艱哉朕卽位以來十有八年不遑暇食以措民生柰何內外之臣數用勿當寔在予一人以至上天垂戒災于萬

無夢園集

勞集三

十荒政考

姓水旱相仍今聞山東北平雨水愆期農艱栽植歲苗有虧詔書到日今歲秋糧盡行蠲免有司如命毋擾吾民今後凡有水旱災傷去處有司若不來聞本處耆宿連名赴京申訴災錄以憑優卹朕則罪有可極刑

洪武二十七年命工部行文書教天下百姓務要多栽桑棗每一里種二畝秧每一百戶內共出人力挑運柴草燒地耕過再燒耕燒三遍下種待秧高三尺然後分栽每五尺間一壠每一

戶初年二百株次年四百株三年共六百株裁種過數目造冊回奏違者全家發遣克軍

湖廣孝感縣飢官請發預備倉儲粟以賑命

行人馳驛赴之謂戶部曰朕常捐內帑金付天下者民糴粟御凶荒誠急民也若歲飢候奏請

而後發則民飢而死者多矣其卽諭天下有司

後遇歲飢先發廩賑貸後乃聞著爲令

荆斬灾 命戶部主事趙 乾往賑期後 上

怒曰民飢而上不卹咎在上吏受命不能宣上

無夢園集

勞集三

七 荒政考

德玩視民死而不救則吏之罪也誅之

永樂初制郡邑各置預備倉官出金糴粟若民

贖罪入粟收貯備賑貸擇其地年高篤實人管

理之已詔天下郡縣於四鄉各置倉出官鈔糴

穀粟備賑元年尚書咨真定東疆民復業適旱

蝗飢流殍者衆乞覈實賑濟 上曰民困甚救

之當如救焚拯溺少緩無益也今往還覈實非

兩月不給民命在旦夕誰能待之命監察御史

速督官發賑

永樂七年 上幸北京皇太子從道所經田家

命皇太子入徧觀令知民艱難因諭以農事爲

王業之所自起作務本之訓授焉寧州同知潘

叔正言兗州東昌定陶諸縣土多曠不耕青登

萊諸郡民顧無田宜徙丁多者就田之三年蠲

其役庶地無荒蕪洛陽知縣姚弘言縣有水田

二十餘頃歲藝梗後伊河徙不能灌成陸種歲

糴梗供輸苦乞令納麥粟便民皆從之

永樂二十三年 上諭戶部尚書夏原吉曰田

無夢園集

勞集三

七 荒政考

土民所恃以衣食者今所在州縣奏除荒田得

非百姓苦于征徭相率轉徙與抑年飢衣食不

足或加以疫癘而死亡與自今一切科徭務權

節仍令有司凡政令不便于民者條具以聞被

灾之處早奏賑卹有稽違者守令處重罪

昭皇帝監國時赴召過鄒縣見男女持筐盈

路拾草實駐馬問所需對曰歲飢以爲食爲側

然下馬入民舍視之見民男女老稚皆衣百結

不掩體突釜仆不治歎息曰民隱不上聞乃一

至此乎顧中官賜鈔悉召父老前問所苦具以對輒尚食賜之時山東布政司石執中來迎責之曰民牧視民窮如此亦頗動念否執中對曰諸被災處皆奏免今年田租矣 監國曰民飢且死官尚及徵租稅耶即督郡縣上飢民狀約近地三日遠五日發粟賑毋擅擅發吾見 上奏也至京師即以聞 上喜曰昔范仲淹子猶能舉麥舟濟故舊喪况吾赤子乎賑之是也及登極詔下言郡縣水旱缺食有司即體勘賑濟其民流徙由是拋荒者為覈實除豁召別業官田聽照民田例起科 上坐西閣召大學士士奇等更詔蠲田租停官買物料學士赴前請曰三皇五帝民窮甚幸然戶工部事也當召令預聞尚止謂救困窮當如拯焚溺不可緩也 有司慮國用不足往往持不決之意牽之試也 尼不行矣呼中官具指札令士奇等就西閣樓拉書詔武曰山東地方千餘里豈必盡無收斂差別毋濫恩 上曰卹民寧厚朕為天下主

當與細民計屑屑耶書畢即用璽遣使行 上奇曰汝可語戶工部言三省糧朕悉免之矣宣德五年 上遣御南齊官召楊士奇諭曰吾欲不寬卹之令令獨與爾商之然吾未能悉知汝當効勞助益遂內命侍具楮筆 上曰免災傷稅糧當是首事聞民間虧欠畜馬驢騾所司追償甚迫民計無出亦甚艱難部官坐視而不言對曰 聖念及此生民之幸各部唯知督責民以供公家而不顧民心之離故一切民瘼不以聞今所當寬卹者尚非止此兩事 上曰汝所知者具言之對曰百姓積年負欠薪芻採辦買辦之物所司責償甚急皆當寬貸各處官田起科不一而租額皆重細民困乏蘇州尤甚郡縣以聞戶部固執不與除豁細民多有委棄逃徙者此當速與減除部符下郡縣採辦買辦之物但一槩派徵更無分別出產與否非出產處百姓數十倍價買納臣請戒約該部今後凡物只派產有之處不許一槩均派苦民年來刑

獄寃濫者多感召旱涉悉由于此請戒飭法司敦用平恕務求情實今工匠之弊尤多四方每戶不問幾丁悉徵在京役于公者十不一二餘皆爲所管之人私役不得營生以致嗟怨盈路臣請命官巡察究治及分豁戶下之半放回上嘆曰朝廷任六卿但知苛責下民而不能清察奸弊有忝厚祿矣爾所陳有益于朕有益于民此皆應行命卽草勅明早頒行

無夢園集

勞集三

上 荒政考

正統五年令六部都察院推選屬官領劄分投

總督各布按二司并府州縣處置預備倉發所在庫銀平糴貯之軍民中有能出粟以佐官者旌其義復其家

正統五年令天下有司秋成時修築圩岸疏濬陂塘以便農作仍具數繳報俟考滿以憑黜陟景泰中淮徐飢死者相枕藉山東河北流民猝至都御史王竑不待報亟發廣運倉賑之近者飼以粥遠者給之米力能他就食者爲裝遣窮者爲贖還其人卽空庾六十楹處流民之病

者擇賢四十人分治之死給棺爲叢塚瘞焉窮晝夜精慮事皆曲當所任使委曲戒諭出于至誠人人爲盡力所全活數十萬人具疏聞且待罪初流民奏至

上讀之大驚曰百姓

飢死矣飢死吾百姓矣其奈何已得茲發廩奏乃大喜大言曰好都御史不然我百姓飢死矣弘治中蓄積寡而盜繁都御史林俊乞勅省司招民輸貲入粟補散官及抵罪情輕法重者聽入贖爲常平本而募民各以其私立義倉義學

無夢園集

勞集三

六 荒政考

義塚名阜俗三義得表門示旌詔施行已定制言州縣所儲粟務三年積足周一歲之食而後已大都五十里積粟三萬石百里積粟五萬石官儲中程者爲稱職不及三分以上者罰有差少六分課殿

嘉靖三年會天下罪囚應議折贖者皆輸粟預備倉以需賑濟

嘉靖三年南畿諸郡大飢人相食巡按朱衣言民迫飢餒娶婦劉氏食四歲小兒百戶王臣姚

堂以子鬻母軍餘曹洪以弟殺兄王明以子殺父地震霧塞彌臭千里時盜賊蜂起閩廣青齊豫楚間所在成群泗州洪澤江洋盜艘動以數千上令戶部侍郎席書發帑藏截漕粟賑之又發帑金十五萬分賑淮鳳二府江盜勅操江伍文定擒捕

嘉靖四年先是蘇松常三府大飢詔緩征歲賦三千八萬有奇俟兩年後帶征至是巡按朱寔具言凶災之餘後責宿逋重爲民困戶部復議

無夢園集

勞集三

二 荒政考

帶徵錢糧有可緩者空蠲之上從其議隆慶二年江以南霪雨三月不絕田禾皆漂溺所司以蠲賑請准揚徐大水奏發運司餘銀三萬兩鈔關船料三萬八百餘兩鹽院贖贖一萬八千六百餘兩河道二千三百兩司府州縣贖贖二萬五千餘兩積貯勸借買穀十五萬石截漕三萬石以賑之

萬曆時戶部言恩詔蠲免錢糧有司不空重徵神宗諭之曰朕軫念民窮屢行蠲恤邇聞各該

有司不能奉宣德意以致吏胥作弊將蠲免之數重複催徵朝廷旨竟作虛文成何政體爾部可曉諭撫按布政司官用心查革奸弊務使民霑實惠

神宗諭戶部臣曰天時亢旱屢禱未應朕思民爲邦本小民困苦災傷地方錢糧出辦艱難殊可憐憫朕心惻然爾部便查各處奏到災傷重大地方准蠲本年錢糧以副朕軫恤民窮至意京師久雨民房多坍神宗諭曰天雨連綿京

無夢園集

勞集三

二 荒政考

師坍塌房屋數多壓傷人民甚衆朕心甚是惻然今着太僕寺給發銀十萬兩交與該科及五城御史公同查勘分明每房一間欽賞銀五錢以資修理賑濟卿等查照舊例叅酌時宜擬諭來行

神宗因水潦諭輔臣沈一貫曰朕思雨水連綿京師米價日貴着于通州倉糧暫借十萬石運赴京倉支放而該月折色軍匠米糧候新糧到日卽與補完其五城房號銀兩除舊例免徵外

再着免徵幾月以昭朝廷相宐救災之德意
成祖諭戶部尚書夏原吉曰百姓必耕以給租
稅今既棄業逃徙則租稅無出若令里甲賠納
必致破產破產不足必又逃徙則租稅愈不足
矣其卽移文各處凡有若此者悉停徵其稅若
縣官不能撫民而致逃徙者罪之還令卽招撫
復業勿復擾之

萬曆初 神宗因江北災傷諭戶部臣曰朕聞
江北地方疊災黎民逃亡田土荒蕪准留漕糧

無夢園集

勞集三

二九 荒政考

六萬石作牛種之需所在有司其盡心招輯撫
養使人沾寔惠庶不致轉徙流離之患也

宰相

後梁貞明四年吳徐溫還鎮金陵總吳朝大綱
自餘庶政皆決于知誥知誥以吳王之命悉蠲
天祐十三年以前逋稅餘俟豐年乃輸之以宋
齊丘爲謀主先是吳有丁口錢又計畝輸錢錢
重物輕民甚苦之齊丘說知誥以爲錢非耕桑
所得今使民輸錢是教民棄本逐末也請蠲丁
口錢自餘稅悉輸穀帛紬絹匹直千錢者當稅
三千或曰如此縣官歲失錢億萬計齊丘曰安

無夢園集

勞集三

二九 荒政考

有民富而國家貧者耶知誥從之由是江淮間
曠土盡闢桑柘滿野國以富强

叅政范仲淹言昔五季列藩割據遇薦飢欲乞
糴無從故各務于農以足其國臣在蘇州詢訪
高年每云曩吳越未納土時蘇州營田軍令四
郡七八千人專田功防江築堤以宣水患于時
民間錢五百糴米一石自皇朝一統江南不稔
取之浙右浙右不稔取之淮南於是慢農政而
不修江南圩田浙西河塘之利日廢今米石不

下六七百錢稍荒輒倍比于平時踊貴甚矣又京東西路卑濕積潦之地往國家特令開決水患大減今罷役數年漸復湮塞請每歲秋勅諸路轉運司下所屬吏視農田物土之宜或開河渠或築堤堰或濬陂塘諸可爲早潦備者本州選官計工歲于十一月間興役半月而罷其功狀聞如此不已數年間農利大興下無飢歲上無貴糴東南水漕之費幾可省矣

桓公曰齊西水潦而民飢齊東豐庸而糴賤欲

無夢園集

勞集三

主荒政考

以東之賤被西之貴爲之有道乎管子對曰今齊西之粟釜百錢則糶斗二升八合曰鍾二十也齊東之粟釜十泉則糶二錢也請以今藉人三十泉得以五穀菽粟決其籍若此則齊西出三斗而決其籍齊東出三釜而決其籍然則釜十之粟皆實于倉廩西之民飢者得食寒者得衣無食者予之陳無種者予之新若此則東西之相被遠近之準平矣

管子曰請以令與大夫城藏使卿諸侯藏千鍾

令大夫藏五百鍾列大夫藏百鍾富商蓄買藏五十鍾內可以爲國委外可以益農夫之事桓公曰善下令卿諸侯令大夫城藏農夫辟其五穀三倍其賈則正商失其事而農夫有百倍之利矣

李沆爲相時天下大蝗真宗使人於野得死蝗以示大臣明日他宰相率百官賀公獨以爲不可後數日方奏事飛蝗蔽天

張文忠公商英傳時久旱不雨彗出天心商英

無夢園集

勞集三

主荒政考

拜相之夕大雨如注彗星不見上喜書商霖一尺字賜之

唐乾符元年翰林學士盧攜上言臣竊見關去年旱災自虢至海麥纔半收秋稼幾無冬菜至少貧者殫達實爲麴蓄槐葉爲葢或更衰羸亦難採拾常年不稔則散之隣境今所在皆饑無所依投坐守鄉閭待盡溝壑其獨免餘稅是無可徵而州縣以有上供及三司錢督趨甚急動加捶撻雖撤屋伐木雇妻鬻子止可供所蹂躪

食之費未得至于府庫也貳租稅之外更有他徭乞勅州縣應所欠錢稅並一切停徵以俟蠶麥仍發所在義倉亟加賑給僖宗從其言而府司竟不能行徒爲空文而已

陸贄奏陛下頃以邊兵衆多轉餽勞費設就軍和糴之法以省運制與人加倍之價以勸農此令初行人皆悅慕爭趨厚利不憚作勞耕稼日滋粟麥歲賤向使有司識重輕之術弘久遠之謀守之有恒施之有制謹祝豐耗善計收積救

無夢園集

卷三

荒政考

麥必歸於公廩布帛悉入于農夫其或有力而無資願居而靡措貸其種食假以犂牛自然成卒忘歸貧人樂徙可以足食可以實邊無屯田課責之勞而儲蓄自廣無徵役踐更之擾而守備益嚴果能用之是謂長筭既而有司益恠不克將明忘國家制備之謀行市道苟且之意當稔而願糴者則務裁其價不時歛藏遇災而艱食者則莫撥之糧抑使收糴遂使豪家貪吏反操利權賤取于人以俟公私之乏困乘時所急

十倍其贏又有勢要近親羈遊之士或託附邊將或依倚職司委賤糴于軍城取高價于涼邑坐致厚利寔繁有徒欲勸農而農不獲饒欲省費而費又愈甚復以制事無法示人不誠每至

和糴之日多支絀紆乞直窮邊寒沍不任衣裘絕野蕭條無所貨鬻且又虛張估價不務準平高下隨喜怒之心精麤在胥吏之手既無信義率下下亦以偽應之度支物估轉高軍郡穀價轉貴通行欺罔不顧憲章互相制持莫可禁止

無夢園集

卷三

荒政考

度支以苟售滯貨爲功利而不察邊食之盈虛軍司以所得加價爲羨餘而不恤農人之勤勞雖設巡院使相監臨既失綱條轉成囊橐至有空申簿帳僞指困倉計其數則億萬有餘考其實則百十不足巡院巧誣于會府會府承詐以實上聞幸逢有年復遇無事吞聲補舊引日偷安若遇歲儉兵興則必立至危迫靈武之事足爲明徵臣故曰蓄歛乖宜此之謂也舊制以關中王者所都萬方輻湊人殷地狹不足相資加以

六師糗糧百官祿廩邦畿之稅給用不充所以
 控引東方歲運租米冒淮湖風浪之弊汴河渭
 湍險之艱所費至多所濟蓋寡習聞見而不達
 時宜者則曰國之大事不計費損故承前有
 一斗錢運一斗米之言雖知勞煩不可費也習
 近利而不防遠患者則曰每至秋成之時但令
 畿內和糴既易集事又足勸農何必轉輸徒耗
 財賦臣以兩家之論互有短長各申偏執之懷
 俱昧變通之術其於事理可得粗言夫聚人以
 無夢園集 勞集三 三六 荒政考

財而人命在食將制國用須權重輕食不足而
 財有餘則弛於積財而務實倉廩食有餘而財
 不足則緣于積食而畜用貨泉若國家理安錢
 穀俱富烝黎蕃息力役靡施然後恒操美財益
 廣漕運雖有厚費適資貧人三者不失其時之
 所宜則輕重中權而國用有制矣開元天寶之
 際承平日久財力阜殷祿食所頒給用亦廣所
 以不計糜耗勵贍軍儲至使流俗過言有用一
 斗錢運一斗米之說然且散有餘而備所乏雖

費何害焉斯所謂操美財以廣漕運者也貞元
 之始巨盜初平太倉無兼月之備關輔遇連年
 之旱而有司奏停水運務省脚錢至使郊畿之
 間烟火殆絕都市之內餒殍相望斯所謂親近
 利而不防遠患者也近歲關輔之地年穀屢登
 數減百姓稅錢許其折納粟麥公儲積足給數
 年田農之家猶困穀錢今夏江淮水潦漂損田
 苗比於常時米貴加倍昨庶匱乏流庸頗多關
 輔以穀賤傷農宜加價糴穀以勸稼穡江淮以
 無夢園集 勞集三 三六 荒政考

嚴糴限困宜減價糴米以救凶災今宜糴之
 則無錢宜糴之處則無米而又運彼所乏益此
 所餘斯所謂習見聞而不達時宜者也今淮南
 諸州米每斗當一百五十文從淮南轉運至東
 渭橋每斗加脚又約用錢二百文計運米一斗
 總當錢三百五十文其米既糙且陳尤為涼邑
 所賤今據市河月估每斗只糴得錢三十七文
 而已耗其九而存其一餒彼人而傷此農制事
 若斯可謂深失矣頃者每年從江西湖南浙東

浙西淮南等道都運米一百一十萬石送至河陰其中減四十萬石留貯河陰倉餘七十萬石送至陝州又減三十萬石留貯太原倉唯餘四十萬石送赴渭極細納臣詳問河陰太原等倉留貯之意蓋因往年蟲旱關輔存饑當催造作相之初懲元琇罷運之失遂請每年轉漕米一百萬石以贍京師比至中塗力殫歲盡所以節級停減分貯諸倉每至春水初通江淮所般未到便取此米入運免令停滯州船江淮新米至倉還復留納填數輪環貯運頗亦協妥不必無歲加般以增不急之費所司但遵舊例曾不詳究源由迺來七年積數滋廣臣近勘河陰太原等倉見米猶有三百二十餘萬石河陰一縣所貯尤多倉廩充盈隨便露積舊者未盡新者轉加歲月漸深耗損增甚縱絕江淮輪轉且運此米入關七八年間計猶未盡况江淮轉輸般歇不停但恐過多不慮有闕今歲關中之地百穀豐成京尹及諸縣令類以此事為首憂在京求

大賤請廣和糴以救農人臣今計料所糴多少昔云可至百餘萬石又今量定所糴估價通計諸縣貴賤并顧船車般至太倉穀價約四十有餘米價約七十以下此則一年和糴之數足當轉運二年一斗轉運之資足以和糴五斗比較卽時利害運務且合悉停臣竊慮運務若停則舟船無用舟船無用則壞爛莫脩儻遇凶灾復須轉漕臨時鳩集理必淹遲夫立法裁規久必生弊經略之念始慮貴周不以積習害機宜不以近利廢永制不責功于當代不流患于他時慮遠防微是以均濟臣今所獻庶近于斯減所運之數以寔邊儲存轉運之務以備時要期於詳審必免貽憂舊例從江淮諸道運米一百二十萬石至河陰來年請停八十萬石運三十萬石舊例從河陰運米七十萬石至太原倉來年請停五十萬石運二十萬石舊例從太原倉運米四十萬石至東渭橋來年請停二十萬石運二十萬石其江淮所停運米八十萬石請委

轉運使于遭水州縣每斗八十價出糴計以糴米與細米分數相接之外每斗猶減時價五計文以救貧之計得錢六十四萬貫文節級所減運脚計得六十九萬貫付都合得錢一百三十三萬貫數內請支二十萬貫付京兆府令於京城內及東渭橋開場和糴米二十萬石每斗與錢一百文計加時估價三十已上用利農人共米便送東渭橋及太原倉收貯克填每年轉漕四十萬石之數並足餘尚有錢一百一十三萬貫文以供邊鎮和糴臣已令度支巡院勘問諸軍州米粟時價兼與當管長吏商量令計見墾之田約定所糴之數得鳳翔涇隴邠寧慶郿坊丹延夏綏銀靈監振武等道良原長武平涼等城報除度支旋糴供軍之外別撥儲備者計可糴得粟一百三十五萬石其臨邊州縣各於當處時價之外更加一倍其次每十分加七分又其次每十分加五分通計一百三十五萬石當錢一百二萬六千貫文猶合剩錢十萬四千貫

無夢園集

勞集三

元荒政考

留克來年和糴所於江淮糴米及減運米脚錢請並委轉運使便折市綾絹絕綿四色卽作船般送赴上都邊地早寒飲藏向畢若待此錢送到卽恐收糴過時請且貸戶部別庫物克用本色續到便令折填其所貸戶部別庫物亦取綾絹絕綿四色並依平估價務利農人仍取度支官畜及車均融般送請各委當道節度及當城兵馬使與監軍中使并度支和糴巡院官同受領便計會和糴各量入戶墾田多少充付價直

無夢園集

勞集三

元荒政考

則可久以加兵則不憂所至乏食以歛糴則不爲貪將所邀恢疆保境者得以遂其謀威國跳軍者無所辭其罪是乃立武之根抵安邊之本原守土之本庇人莫急於此傾公藏而發私積猶當力以務之况今不擾一人無廢百事但於常用之內收其枉費之資百萬贏糧坐實邊鄙又有勸農賑乏之利存乎其間此蓋天錫陛下懷戎狄而安國家之時不可失也

陸贄奏近者有司奏請稅茶歲約得五十萬貫

無夢園集

勞集三

三

荒政考

卷三

堯勅令貯戶倍用救百姓凶飢今以蓄糧適副前旨望令轉運使總計諸道戶口多少每年所得稅茶錢使均融分配各令當道巡院主掌每至穀麥熟時卽與觀察使計會散就管內州縣和糴便於當處置倉收納每州令錄事參軍專知仍定觀察判官一人與和糴巡院官同勾當亦以義倉爲名除賑給百姓已外一切不得貸便支用如時當大稔事至傷農則優與價錢廣其糴數穀若稍貴糴亦便停所糴少多與年

下准平穀價恒使得中每遇災荒卽以賑給小歛則隨事借貸大飢則錄奏分頒許從便支務使周濟循環歛散遂以爲常如此則蓄財息債者不能耗吾人聚穀幸災者無以牟大利富不至侈貧不至飢農不至傷糴不至貴

成化六年九月大學士彭時等奏京城米價日貴一日在京蓄積之家因而閉糴以要厚利乞命戶部將官俸軍糧預放三月如又不足將東西大倉米平價發糴收貯價銀待豐年支與官軍折俸其德州倉糧亦宜量數發糴以濟河間之急此令一下庶幾人不閉糴米價可平

無夢園集

勞集三

三

荒政考

卷三

司農論積貯附

漢宣帝時大司農中丞耿壽昌奏言歲數豐穰穀賤農人少利故事歲漕關東粟四百萬斛以給京師用卒六萬人宜糴三輔弘農河東上黨太原郡穀足供京師可以省關東漕卒過半帝從其計壽昌又曰令邊郡皆築倉以穀賤增其賈而糴以利農穀貴時減價而糴名曰常平倉民便之帝乃下詔賜壽昌爵關內侯令邊郡皆築倉後梁龍德二年魏州稅多逋負晉王以讓司錄

無夢園集

卷三

三

趙季良季良曰殷下何時當平河南王怒曰汝職在督稅職之不修何敢預我軍事季良對曰殷下方謀攻取而不愛百姓一旦百姓離心恐河北亦非殷下之有况河南乎王悅謝之

臺諫

王永字方贊成都華陽人太宗時為右補闕吳越納土受命往均兩浙雜稅先是兩浙田稅畝三斗永悉令畝出一斗使還責以擅減稅額永對曰畝稅一斗天下之通法兩浙皆為王民豈當復仍偽國之法太宗從其說凡畝稅一斗者自永始唯江南福建猶循舊額蓋當時無人論列遂為永式永尋除右司諫終於京東轉運使有五子皐準單鞏宰準之子珪為宰相

無夢園集

卷三

三

臺諫

監司

唐憲宗時盧坦爲宣歙觀察使到官值歲飢穀價日增或請抑之坦曰宣歙穀少仰食四方若價賤則商船不來益困矣旣而米斗二百商旅輻輳

五代河南張全義頗有古循吏重農務穡之意始至鎮鎮蕩于兵民不滿百戶榜詣所屬縣招流民復業蠲租稅存撫之後五年桑麻蔚然於是選壯者教戰陳以禦盜每出行見田蚕美者

無夢園集

卷三

荒政考

馬與僚佐共觀召其主勞賜其田荒穡不治

召田作者集衆杖詬之訴乏人牛者召隣里譴責於是隣里勸助戶有積蓄百姓言張公見聲妓未常咲獨見佳麥良繭則笑耳在洛四十年高歡使劉貴請爾朱兆以并肆頻歲霜早降戶掘田鼠而食之而無穀色徒汙人境內請令就食山東待溫飽更受處分兆從其議

宋馬光祖字華父金華人縣浙東提舉常平移浙西提刑權浙西常平遷浙西安撫使歲飢衆

莊府積粟不發廩光祖謁王辭以故明日往亦如之又明日往臥客次王不得已見焉光祖厲聲曰天下孰不知大王子爲儲君大王不於此時收人心王以無粟辭光祖探懷中文書曰某莊某倉若干王無以辭遂得粟進同知樞密院事謚莊敏

宣和二年有告淮南連歲荒旱常平使者顧彥成坐視不救上大怒詔公察訪賑濟公陳八事一乞依法放免租稅二乞諸司錢斛並許支用

無夢園集

卷三

荒政考

三乞州縣停閣催民間積欠四乞常平司錢斛

已椿發未行者並截留五豪戶有願出粟濟飢民者許保奏推賞六所在官山林塘泊暫弛其禁聽飢民採食七鄰路般販米斛入本路者免收沿路力勝庶得商旅輻輳又小民有無業可歸願充軍伍者委漕司多方招刺以消懷慶之患上皇一一開允執政頗難之所陳八事從其四而已公行哉謂公曰執政不肯用公疏其意可見矣况淮南監司郡守皆出權倖之門其

財用又多供應御前爲名公其慎之公曰吾受命訪察若趣時顧避則兩路生靈寔吾殺之也借使獲罪豈敢愛一御史而輕億萬之命哉卽檄監司州縣問百姓疾苦宿守吳壽寧聞公將至令諸門母納飢民遂至城外殭屍縱橫悉差公吏穴地藏之乃申以無飢民無可抄錄真守蘇之悌夜遣兵仗逼飢民載之江中洲上悉皆致死二守皆宦官腹心專以進奉花石珍禽爲務旁連漕使孫點雄視江淮間公竝劾之縣是兩路所養飢民流移僅三十萬賑給關食入十七萬有奇振糶借貸穀三十餘萬勸誘人戶出糶及借貸七十萬有奇

無夢園集 卷三 三

明周文襄公忱奏三府之田雖廣而農力甚苦比歲朝廷屢詔勸糶以備濟卹緣早潦相仍穀價騰踊難以舉行今臣以八年分徵收之間措得前件耗米六十九萬石遇民乏食則以給之又不得以濟荒凡起運有所失損於此借償秋成還官夫役築閘岸濬河防乏給亦然庶免

貸責以利兼并悉從其言

周文襄公每遇凶荒輒以便宜從事補以餘米常賦之外無復匪役初至蘇松屬歲大飢米價翔貴忱遣人四出察米價高下江湖湖廣方大熟乃令人索金至其地故抑其直而勿糶且給言吳中米價高甚由是江湖湖廣大賈皆販米赴吳中數百艘一時俱集忱知四方米已至下令發官廩米盡出之以貸民而收其半直城中米價驟減而四方米欲還載度路遠不能乃亦賤糶忱復推牛驢酒以謝四方米賈皆大醉去米價既平乃復官糶以實廩

無夢園集 卷三 三

壬子秋諸郡歲稔會朝廷命下許以官鈔平糶且勸借儲積以待賑忱乃與蘇州知府况鍾松江知府趙豫常州知府莫愚協謀而力行之蘇州得米三十萬石松江常州有差分貯于各縣名其倉曰濟農明年夏江南旱蘇松飢民凡三百餘萬口盡發猶不足以贍忱乃復思廣爲之備先是各府秋糧當輸者糧長里胥多厚取

于民而不卽輸官逋負者累歲忱欲盡革其弊乃立法于水次置場擇人總收而發運焉細民得自送場不入里胥之手視舊所減三之一又三府當運糧一百萬石貯南京倉以給北京軍職月俸計其耗費每用六斗致一石忱與鍾等謀曰彼能于南京受俸獨不可受于此乎若來此給之既免勞民且省費六十萬石以入濟農倉農無患矣鍾等皆曰善遂請於朝廷從之而蘇州得米四十餘萬石益以各場儲積之贏

無夢園集 卷之三 手 荒政考

汲前平糶所儲凡六十餘萬有奇松常三郡之忱曰是不獨濟農凡運輸有欠失者亦於此給借賠納秋成如數還官若民夫修圩岸濬河道有乏食者計口給之如是則免舉債以利兼并之豪農民無失所者田畝治賦稅足矣是冬朝京師具以聞朝廷皆從之於是令諸縣各廣濟農倉貯焉擇縣官之廉公有威與民之賢者掌其籍司其出納每歲插蒔之際於中下三等戶內驗其種田多寡每家給與二石一齊給

之秋成抵斗還官明年江南又大旱令諸郡大發濟農米以賑貸而民不知飢

王錡曰國家儲積多倚東南惟蘇爲最永樂洪熙間徵歛制下多侵尅官得其十之四五而已宣德七年上命周文襄公來巡創立調收之法自此利始歸于上又得况公爲守奏減正額三分七邑計減正額七十二萬餘石二公旣去故朝廷每遣巡撫及守土之臣必降璽書申戒使毋輕改焉弘治二年官有喜變法者逮革調收易以新制糧胥得爲好利每石擅增無名之耗三斗盡入私家自茲利權復移于下以今糧胥所增之數衆計正與况公所減者相當是乃復徵舊額也七十二萬石之多官不得取民不得免使二公之良法大壞甚可恨也

巡按呂諱光洵開一嚴核災數查照被災輕重優免多寡府以實數驗派縣縣派都圖務要公平畫一不許那移作弊致折開不均一計疏濟富戶有田近河之家隨地挑濬如某河淤

無夢園集 卷之三 手 荒政考

塞若干丈人田若干計田給直每人挑河一日
給工食銀米若干每工挑河若干丈則無食之
人既可不飢而灌溉不通之地又可備旱一
節冗費如修造興作公會慶賀交際宴享供帳
舟輿之類一年所費奚啻千萬務要正身約禮
以端表率一應不急之用盡行革去

無夢園集

卷三

三

太守

李禹卿字君益除通判蘇州隄太湖八十里爲
渠益漕運其所蓄水溉田千餘頃歲飢出羨粟
三萬全活萬餘人官至司農少卿

富文忠弼知青州河朔大飢民東流公以從來
拯飢多聚之州縣人既很多倉廩不能供散以
粥飯欺弊百端由此人多飢死死氣薰蒸疫疾
隨起是時方春野有青菜公出榜要路令飢民
散入村落使富民不得私陂澤之利民重公令

無夢園集

卷三

三

米穀大積分遣寄居閑居往主其事問有健吏
募民中有曾爲吏胥走隸者皆倍給其食令供
簿書給納守禦之役借民倉以貯擇地爲塲掘
溝爲限與流民約三日一支出納之詳一如官
府公推其法于境內吏胥所在手書酒炙之饋
日至比麥熟人給路糧遣歸死者作叢塚葬之
強壯堪爲禁卒者募得數千人刺指揮二字奏
乞撥充諸軍時中有與公不能者持之不報人
爲公憂之公連上章懇請且待罪乃得報自是

天下流民處多以青州爲法

文忠公知青州聞河朔災卽于所部豐稔者五州先是勸分得粟十五萬斛益以官廩隨所在貯之

熙寧中淮南京東皆大飢滕元發守鄆州乞淮南米二十萬石以備賑召城中富民與約曰流民至無以處之則疾疫起及汝矣吾得城外廢營地亟爲席屋待之乃分爲屋者二千五百間一夕而成流民至以次授地并灶用器皆具以

無夢園集

卷三

三

兵法部勒少壯樵婦女汲老者休民至如歸帝遣工部郎中王古按視之廬舍道巷繩引基布肅然如營陣中古圖上其事詔褒美所活五萬人

淳熙中朱侍講熹守南康爲上言蘇軾有言熙寧中諸路支發及別路轉粟若放課稅利通計累百鉅萬舉以賑貧窮而于救荒無分毫益者則後時故也臣里中開耀鄉有社倉一所先年飢臣請于府得常平米六百石以貸夏受米于

倉秋石加息二斗計所受米以償後隨年歛散

小歛則蠲其息之半大飢盡蠲積十有四年具以原常平米六百石歸府而見儲米三千一百石有奇爲社倉止不收息石收耗三升故一鄉四十五里之間卽遇凶年人不缺食孝宗大善之詔下其法于諸路而社倉之法始于此本社倉取息不異于青苗而民獲其利者以青苗取錢責民以所無社倉取穀收之于方熟青苗在官吏緣得爲奸社倉在民主以鄉人士君子吏

無夢園集

卷三

三

無與焉故也然社倉亦一時惻隱之善非經久之利也蠲息之後止于收耗卽豐歲適足償其本一遇水旱卽欲償其本而無由民未蒙舉貸之利而先被責償之害寬息之惠僅什二而取償之急乃什九也固不若義倉歛之于平歲貸之凶歲償之豐歲之爲善矣

浙東大飢王淮薦朱熹卽日單車就道召入對陳七事帝深納之熹始拜命卽移書他郡募米商蠲其征及至則米已湊集社倉法以十家

爲甲甲推一人爲首五十家則推一人通曉者爲社首其逃軍無行之士與有稅糧衣食不缺者並不得入甲其應入甲者又問其願與不願願者開具其家大小口若干大口一石小口五斗五歲以下者不預置籍以貸之其以濕惡不實還者有罰

真文忠公勸行義倉諭 近因禱雨思所以爲

邦人久處之計在城則置平糶倉儲米數萬石歲歲出糶在諸縣則廣置社倉儲穀數萬石歲

無夢園集

勞集三

四六 荒政考

歲出貸其爲慮悉矣又念倉米有限貧民至多豈能均及于是又以居鄉之日所謂義廩規約以勸有力之家蓋欲公私協力共濟斯使民無餓殍流離之苦義廩云者非損所有以予之特出所有以糶之而已於富家無所損而于貧民寔有益今舉行義廩使上中之戶自相推排隨力出備官司不計產強歛之也自置糶場自收糶錢官司不遣吏監臨之也價值高下視時稍損官司不抑令痛減也

徐真字武卿建安人祥符中進士第一天聖初

通判蘇州時東南大水詔真與趙賀督治真周視盡得水利舊跡乃築石塘九十里建橋十八所復良田數十萬畝疏隱田者二萬六十戶得苗三十萬塘成遷兩浙轉運使封晉寧侯

常懋字長孺武康人以集英殿修撰知平江府

值旱故事郡守合得緡錢十五萬懋悉以爲民

食軍餉助蠲苗九萬稅十三萬版帳十六萬又

蠲新苗二萬八千大寬公私之力飛蝗幾入境

無夢園集

勞集三

四六 荒政考

疾風飄入太湖改浙東安撫使

洪武三年濟南府知府陳修及司農司官上言

某處地荒蕪空詔鄉民無田者墾闢戶率十五

畝又給地二畝與之種蔬有餘力者不限頃畝

皆免三年租稅其馬驛巡簡司急遞舖應役者

各于本處開墾無牛者官給開荒今日第一義復屯田今日第一

義

況鍾字伯律靖安人宣德初以雄劇十郡缺缺慎擇良牧尚書胡忠安公等遂舉鍾典蘇郡請

賜勅以便行事郡田有官民之別官田稅額特
重糧糧奏求減疏上卒得請凡奏減省重額正
賦田糧七十二萬一千有奇募民開墾荒田起
科以免遞年包荒之糧至十四萬九千五百有
奇停徵淪沒田糧二十九萬五千免舊欠糧草
鈔數百萬錠罷平江伯董漕歲取民船五百艘
免買船米十五萬一千八百石疏免詔買減額
白三梭布七百疋銀數千兩奏革倭船徵需無
度請滄淪米道淤塞辦明平民誣入軍者千八
百餘家招復逃亡至萬六千七百戶
徐屋字宗實黃巖人元末不仕洪武初應薦以
朝擢蘇州府通判奏發粟二十萬以活飢民瘠
漲病隄厚相度原隰大興築捍之役部使者數
為妨農勞民屋言他役誠妨農水不退則田不
可耕妨農孰甚焉且今有田者量募貧力飢以
得哺正所謂佚道使民易為勞哉官終兵部特
蘇文忠獻奏今年錢塘賣常米十八萬石得米

者皆叩頭誦佛云官家將十八萬石米於烏
狐狸口中奪出數十萬人此恩不可忘也
知撫州黃震約 急糶者富室也待糶者飢民
也官司既不以文移滋吏弊則通此脉絡于公
私上下之間者鄉曲好誼之士也
右請貴寓之賢學校之英鄉閭岩穴抱道未
仕之彥各以天地民物為心各以父母鄉邦
為念以義理感動鄉之富者以恩威開諭鄉
之貧者以施行之未當事宜之未悉告為州
縣之耳目之不接者其所弘濟何可諭云聞
天之生人唯有愛人人眾不能盡皆堯天
定則時加沐浴凡其飢厄之歲皆其升降之
機富室在豐年賢否未知也及至荒年或惻
怛而濟惠或頑忍而不恤富室之賢否分矣
小民在豐年善惡未白也及至荒年或堅忍
而守分或無賴而妄作小民之善惡見矣賢
否既分善惡既見天之升降生人于斯乎決
于是富者或自此而貴顯或自此而禍敗此

升降也貧者或飢過而溫厚或官刑而滅亡
此升降也天道循環自昔皆然但人只見目
前往往顛倒其中而不知此皆吾州賢人君
子所素心更請推廣其說遍諭此意

今來不以公移勸分而禮請名士朱節幹等十
員分鄉提督勸糶不以官司督促而以本心之
所同然者往來于文書之間不立官價不立官
斗而一聽蓄米之家隨時低昂接濟糶戶凡此
豈但爲飢民之計止深爲諸富室計

無夢園集

卷三

辛

荒政考

農以桑爲助撫州獨不種桑養蚕遂致中夏無
錢解債納官昔襄城縣亦不種桑自范丞相做
知縣令犯罪者種桑聽贖百姓無不競勸今太
守雖親督庸勸爾農不早近金谿知縣新到亦
常面言本州最多荒山野地纔種便成諸縣必
能次第講行爾農今後切須種桑此不容不勸
者也田須秋耕土脉虛鬆免得閑草抽了地力
今撫州多是荒版臨種方耕地力減耗矣爾農
如何不須耕田須熟耙牛牽耙索人立耙上

耙便平今撫州牛牽空耙耙輕無力泥土不熟
矣爾農如何不立耙田近溪水須逐段作埧埧
水田不近水須各自鑿井貯水今撫州一切靠
天五月不雨立見狼狽十日連雨亦無停留爾
農如何不自做个意智此皆不容不勸者也太
守兩年在任雖無力及民然與爾農曾共荒年
今次勸農又當官滿將去言語不覺苦切

予窮年餘之力經理更革以其收息買田六百
畝永代人戶納息且使常年不貸唯荒年則貸
之而不復收息凡費者皆取辦於六百畝官田
之租事撫州社倉幸皆鄉曲之自置有如文公
不立之本法然亦間有名雖文公而人不文公
其初雖文公而其後不文公倚美名以伴厚利
者亦已不少予方爲之悚然以懼何敢更以官
司預社倉之事哉大抵小民假貸皆起于貧貸
時則易還時則難貸時雖以爲恩索時或以爲
怨倘稍從而變通之鳩錢買田豐年聚租荒年
賑散不唯不取其息併亦不取其本庶乎有利

無夢園集

卷三

辛

荒政考

而無害凡皆予荅李君之說如此而未敢以爲信也未幾金谿李君沂復以社倉法來俾予爲記及閱實其始末蓋一家自爲之計而依法唯取二分之息不借勢于官不鳩粟于衆故能至今無弊利民爲溥今歲之歉一邑賴之置倉如此信能以文公之濟人者濟人矣然有治人無治法良法易泯流弊難防君能如文公更望君之子孫世世如君也因錄所報李君之說以遺之先是郡之新豐饒君景淵亦嘗以社倉求予爲說其法取息視文公尤輕貸而負者去其籍而不責其償事益省而民益安并書以遺之咸淳七年冬至日承議郎權發遣撫州軍州事節制軍馬黃震記

勞集三

三三 荒政考

縣令

常安民字希古邛州人歲旱農盜決運渠以溉田法當徒犯者且衆安民白郡守曰水所溉渠成當得賦入數十萬今未至盪舟而寘人於法坐失數十萬之入以此較彼孰利孰害請釋勿治是歲吳大旱惟長洲中熟

洪熙元年六月河南新安知縣陶鎔奏縣在山谷土瘠民貧從來薄收去年尤甚今民食最艱祿給不給公私無措獨亟驛頗有儲糧欲申明待報而民命危在旦夕已先借糧一千七百二十八石給之俟秋成還官上謂夏原吉曰知縣所行良是朕聞近年有司不體人情苟有飢荒必須申報展轉的實賑濟失時民多飢死陶鎔先給後聞能稱任使毋拘文法責其專擅

勞集三

三三 荒政考

鄉紳

天順間瓊臺邢宥守蘇時歲侵民飢宥具疏聞于朝須報乃行賑貸韓襄毅公語之曰出納有司常事必須戶部報可而行民已爲溝中捐瘠矣且擅發之罪不過收贖以數斛贖米而活百萬生靈何憚而不爲哉邢大悟卽日發粟民賴以全活者甚衆韓公與有力焉

唐順之與巡按呂光洵書曰聞南都倉粟其羨至四百萬以上可勾十年之支而有餘滄源公

無夢園錄

卷三

三 荒政考

去歲所奏平糴一法此軍民公私凶豐兼利之術奈何當事者議論不同遂使滄源公美意不竟然此法終不能罷也近聞之一戶部長官言此法有三利云縱使諸郡盡荒但得京倉糴粟三數十萬石分散諸郡諸郡每發官帑銀萬兩爲糴本輸之京倉則可得米二萬石平歲人食米一升凶歲則減之是二萬石者二三萬人百日之命也是官帑不過出銀萬兩而續二三萬人百日之命以待來歲之熟也三數十萬石而

得銀十五萬兩是國家不過錢米互換之間實未嘗費斗糧損一錢而賜五六十餘萬人百日之命以待來歲之熟也其議論異者不過以苟有緩急京儲缺乏爲說耳夫糴三數十萬之米於四百餘萬石羨餘之中特十餘分之一耳且今江東雖災而江西湖廣頗聞豐熟則京倉歲額本色之入固將源源而來也豈預憂十年之後之不足而輟旦夕之所必救哉至于有司所請速糴一節蓋慮異日穀既不登而遠商又不來則雖積錢盈篋坐而待斃矣故救荒惟是預處錢粟而變錢爲粟尤是先事預處之善者也

無夢園錄

卷三

三 荒政考

荒政考下

項襄毅公救荒事宜

景泰六年四月甲午請蠲租 先是景泰三年德慶州開建陽春二縣大旱逋秋稅一萬二千三百三十有奇而連年復罹兵荒公請盡免上從之

天順五年大賑民饑 時陝海飢斗粟千錢有司方請賑公曰民腹枵就斃矣請而賑斃將安待賑不埃請罪在臬長臬長寧以一身沾此一

方民亟檄郡邑大發粟分賑之而後 上聞民賴以蘇者百萬計

天順六年四月己未請蠲租 時西安諸郡邑衛所以昨歲大旱逋秋糧二十三萬九千一百六十石公請盡免 上從之

天順七年正月戊午覈延安府災狀 先是延安太守王瑾奏昨歲夏旱秋潦傷稼稅無從輸大司徒年恭襄公請行公覆視以聞

二月癸酉請輸粟贖罪 時關中所司藏粟以

屢賑盡公無措請令各郡邑論斷罪囚俱納米自贖儲以待賑笞一十納米五斗餘四等遞加五斗杖六十納米三石餘四等亦遞加五斗徒一年納米十石餘四等遞加五石流三等納米三十五石雜犯死罪視流加五石 上從之

辛未上西安漢中平涼鳳翔慶陽延安六府災狀 時公謁巡撫王恭毅公槩曰陝飢數年矣災非啻延安也餘五郡皆災軍民流離歿亡者不勝計除令所司勘實生存貧病者八十四萬餘驗口賑給諸死亡流移悉具數轉達王公以聞 上命大賑之用粟一百八十三萬餘石免糧九十一萬二百八十餘石草六十五萬六千六百餘束

乙卯疏議輸粟冠帶例 先是戶部奏凡文武官下舍人及爲事爲民官有能納米四百石於陝西缺糧處所者給冠帶榮身時米麥騰貴廣募莫應公請量減米數凡納百石者卽給冠帶 上從之

天順八年七月庚戌再請蠲租 陝西軍衛以
昨歲災連屯糧九十一萬二百餘石也草六
五萬六千餘束公又請盡免 上從之
成化元年三月壬子又請蠲租 延安諸郡以
昨歲旱災連稅糧八萬七千一百石有奇公復
請盡免 上從之

四月丁酉疏城西安臨洮鞏昌鳳翔五郡 時
陝大飢故公所在具興大役使民得糊其口以
免流離思亂

無夢園集

勞集三

卷八 荒政考

成化六年七月丙戌勅巡視順天永平河間三
府賑民饑 時錦衣衛指揮朱驥奏京畿旱澇
相仍內外飢民多將子女減價鬻賣勢必劫掠
又各屯營達官亦隨處群聚強借行劫乞簡文
武大臣親歷畿甸設法賑濟撫諭使各得所免
致流離轉徙暴橫作非下戶部議大司徒楊莊
敏公鼎覆從驥言 上乃勅公往撫順天永平
河間三郡而以右司徒葉文莊公盛撫真保郡
以右府李都督公旻撫屯營

十月辛卯疏請平糶 略曰今畿輔災深民居

蕩析雖蒙 皇上發粟賑濟然流移道路困苦
萬狀目今尚可苟延旦夕若薄冬臨春青黃不
接必難堪命非早為區處設有不虞即峻法嚴
絕傾廩徧救亦緩不及事請廣施糶賣之術如
宋紹興五年斗米千錢時泰政孟庾戶部尚書
章誼請按原價大出陳廩每升止如前二十五
文既濟軍民次年米賤令諸路以錢收糶復多
贏羨載在史冊足為明驗今天津涿薊通等倉

無夢園集

勞集三

卷八 荒政考

井水次官糧動稱萬計乞 勅戶部令各司屬
會計足支來歲夏初官軍俸糧外所餘糧米豆
麥俱自今十一月始各委州邑正官按月糶米
三千石每石五錢麥減一錢豆減一錢伍分凡
糶至二石至來歲三月止糶少者許就近糶多
之倉多糶等補其勸借搬運接濟者不在此數
候麥熟米賤即以所易銀布月准官軍買糧自
給其貧無糶者仍驗口賑濟大司徒楊公議如
公請而價則加所定者各一分 上從之且命

發太倉粟一百萬石於在京如例平糶

丁卯請蠲租 時義勇天津等衛梁城等所以
水災通屯米二萬九千五十餘石豆九百六十
石草四萬三千三百九十束公請盡免 上從
之

壬辰疏報賑數 時公歷順永二郡足跡將徧
給發官廩十萬石復設法勸分米二十六萬五
千餘石銀一萬餘布三萬餘牛具一萬三千二
百餘活軍民男婦二十七萬八千二百有奇

無夢園集

卷三

三

韓襄毅公救荒事宜

請行納粟備荒例疏

景泰三年八月初八日

切照江西一十三府地狹且瘠民稠且貧往年
豐收小民亦無過歲之積未免憊遷有無取給
湖廣等處今歲本處既有旱傷官民蓄積俱少
而湖廣等處亦未聞豐收況所屬長河梅花等
峒大盤等山係累年盜賊作耗今歲永新地土
陷窟恐有飢荒之兆倘後水旱相因饑饉薦臻
而無蓄積以賑濟之未免相聚為盜不知者或

以為江西係腹裡地方不足為慮臣愚以為有

備於前斯能無患於後且如近年貴州等處盜
賊猖獗倉廩空虛四川湖廣人民轉運軍餉備
極勞苦本處人民每銀一錢糶米數升亦不易
得至有人歛相食無入土者蓋因其平日之無

備故也況江西係南京之上流閩浙湘廣之樞
軸而廣東等處見亦賊情未息倘後各處警急
侵擾若無蓄積必俟其災荒之甚盜賊生發而
後為之則如貴州等處今雖欲捐美官厚爵以

無夢園集

卷三

三

勸其出粟亦晚且不能矣近年廣西等處已有

見行榜例許人民納米上倉就彼給與冠帶臣
愚以為江西雖與彼處緩急不同但當以米數
多寡為例行之而使民納米之後或赴京授官
或差人旌表未免經延歲月樂為者少臣切惟
古人救荒亦有建議先給空名告身付之以勸
人出粟者今使民間納米上倉而即得冠帶旌
表誰不樂為而 朝廷冠帶旌表一人以濟千
萬人之飢饉以濟時仁政所先亦何足以為濫

哉及照江西按察司副使陳价布政司左叅議
陳璣俱廉公有爲堪以任使如蒙 准題乞
勅該部會同多官查照前後各項納穀事例計
議斟酌定奪凡照數納米已完獲有通關者聽
臣等照依廣西等處見行事例就行給與冠帶
并旌門立石令其望 闕謝恩仍查支各衙門
官庫收貯課程贓罰等項官錢諸色物貨估計
變賣照依時價糴穀上倉俟收穀頗穀數年支
用開具會本 奏事若未完陳价陳璣不許
別項差委

無夢園集

勞集三

三

奏十三府放支倉穀疏

景泰三年九月廿八日

南昌等一十三府放支過預備倉糧米共二十
三萬五千六百三十六石八斗六升二合五勺
米九千五百二十六石七斗五升 穀二十
二萬六千一百一十石一斗一升二合五勺
勸借過大戶出穀三萬四千九百一十七石
斗 賑濟過飢民一十五萬四千七百一十九
戶大小三十五萬六千六百八十四口

賑濟江西十一府疏

景泰五年十月廿七日

江西布政司所屬南昌等十一府賑濟過飢民
一十萬二千四百九十二戶男婦大小二十萬
一千二十九口支過稻穀一十二萬五千四百
九十四石四斗一升布一千一百九十疋

會議救荒糴穀價疏

景泰六年三月廿八日

臣初到巡撫之時所勸稻穀除通年放支賑濟
之外尚有一百萬石有餘亦恐年久腐爛應合
從宜照例減價糴賣以救飢荒 隨將會議定

無夢園集

勞集三

三

穀價該糴數目案仰本司備榜發屬張掛曉諭
分委府縣的當官員開倉糴賣遇有買戶到倉
務要研審的係本處家無積穀人戶附簿糴與
每戶止許買銀一兩以下並不許縱令積穀富
家大戶舖戶客商集銀多買轉糴取利仍委二
司分巡官員設法禁革奸弊監督糴盡合將銀
兩銅錢解府印封收庫俟秋成穀賤之時糴穀
上倉務在不失原糴價數其有目今無錢糴穀
貧民仍照原行再行取勘賑濟○會議定穀價

或糴絲銀一兩或銅錢一千个俱糴穀六石官斛平量所屬南昌府等縣廣積等倉四十三處共該糴穀二十四萬二千四百石或糴絲銀該四萬四百兩或銅錢四千四十萬个二項俱有者准作并收

巡撫行過條件疏

景泰六年七月初三日

一賑濟饑荒奏

准勸借過冠帶旌表立石等

項大戶萬邦敬等稻穀一百八十萬四千石有零并原有在倉稻穀逐年賑濟過南昌等一十

無夢園集

勞集三

卷

荒政考

三府饑民八十萬一千一百二十九戶男婦大小一百二十九萬六千一百三十五口放過穀九十九萬七千九百五十二石五斗二合一勺米一萬九千四百一十石六斗八升布一千一百九十四疋

景泰三年賑濟過饑民一十五萬四千七百一十九戶男婦大小三十五萬六千六百八十四口放過穀二十二萬六千一百一十石一斗一升二合五勺米九千五百二十六石九斗五升

景泰四年賑濟過饑民八萬五千五百一十戶男婦大小一十七萬一千四十口放過穀九萬六千五百四十石

景泰五年賑濟過飢民一十萬二千四百九十二戶男婦大小二十萬一千二十九口放過穀一十二萬五千四百九十四石四斗一升布一千一百九十四疋

景泰六年賑濟過饑民五十四萬八千三百九十八戶男婦大小一百九萬七千三百八十三

無夢園集

勞集三

卷

口放過穀五十四萬九千七百六十石七斗二升九合六勺米九千八百八十三石九斗三升賑濟饑民戶口數疏

景泰七年八月廿五日

江西布政司所屬除南安府未報外南昌等一十二府南昌等六十六縣賑濟過饑民三十萬六千六百八十八戶男婦大小六十五萬三千一十六口共支米穀三十九萬三千六百三十二石五斗九升

附詩

丙子夏洪吉袁瑞臨撫建信江饒南康十
一郡大旱田租二百三十二萬勘有一百
三十八萬成災封章上聞蒙 恩俱賜蠲

免憂民之懷稍舒口占一絕

十郡青苗總似焚不才無計掃妖氛蠲租有詔
蒼生感 聖主寬仁邁漢文

按韓襄毅公在兩廣時造銀牌若干上刻旌
義二字通行各屬勸富民出穀得十六萬六
千七百六十石賑濟蒼梧縣災民每戶銀一

無夢園集

勞集三

荒政考

兩米二石大棉布一疋

于忠肅公勸助平糶告示 時官更撫

照得河南山西二省饑荒爲甚本院蒞任卽將
欽賜賑濟銀兩并各府州縣無礙錢糧及豫備
倉糧盡行賑散雖目下少甦猶恐將來不支今
本院捐俸資二千五百兩復賴賢有司王高孫
李劉楊諸公各捐俸資五百金爲積蓄粟麥之
本亦未充盈倘遇凶年將何週濟本院悉訪民
情頗知閭閻之事特出榜勸諭爾等賢良富家

巨室能捐二百金以上者與冠帶獎勵能捐貸

四百金以上者奏 聞錄爲義民建坊旌表或

本身原有官職者卽榮封其父祖或錄其子孫

衣巾寄學有笄年賤價糶粟麥肯輸千百石仍

照舊日價賣者同前旌獎或收留遺棄子女五

六口并十口以上者或肯減一二錢時價糶者

皆照前給賞旌表賢士大夫能捐貸者亦卽保

奏不時擢用本院每思富貴之家如有三千金

家資可捐貸百金有萬金家資可捐貸三百金

無夢園集

勞集二

荒政考

亦不過三十分中出其一分耳況捐一分之資

而活數千人之命陰功不淺後必有報之者本

院常見藩司官因饑荒之歲每令州縣官督察

里開勒報大戶其富豪大戶不知捐貸賑濟之

德甚洪反貪緣脫免里胥得以遂其奸脫上戶

報中戶有司不查其實又不再三開諭轉相擾

害亦何愚哉假如貪緣賄賂之資孰若移賑饑

貧上舒 朝廷隱憂下爲子孫積福中杜里甲

科需本院實勸汝等爲此好事爾等未必慨捨

及一聞僧尼說法化緣遂能捨大貲財以邀來世福澤豈非妄謬乎孰若捐數十百金以濟嗷嗷饑苦之民實有見在功德故西蜀張詠能立法捐貲濟貧子孫數世榮貴浙江蔣氏以平糶賤穀兄弟三代爲神所謂仁人者其利甚溥其報甚隆生前萬人感戴死後百世流芳多有富豪之家平管慳吝不肯捐賑嗟乎眇眇一身在世食用有限歟又將之不去且終日營營千謀百計作馬牛而不肯少輸一二爲此美事乎本院每縣置二倉一曰尚義倉一曰平準倉義倉卽賢良捐貲輸穀之倉平準卽豐年賤糶遇凶平糶者倉前立碑勒名大書某人捐金若干某人輸粟麥若干計全活人若干不但立碑建坊獎旌亦在在口碑傳誦日後有賢良仁富者見此荒年豈無惻隱有好徒不思本院推誠勸諭反設言沮塞今捐百金不難恐他日另有別樣大役又有言捐貸且不難倘又要人去買粟輸倉則人財兩爲賠累此等切不可聽本院所以

立碑勒名者一則旌賢良尚義之功二則杜後不許再將尚義之家有別樣大役索擾也本院亦思爾等富家巨室皆辛苦經營成家必不强致之但本院推誠待人諄諄勸示爾衆當以本院之心爲心待後豐熟必計數給還安肯欺謬今出示後爾衆若不體本院之誠他日府州縣官詳實報名到院是頑民也反爲不美故示河南趙守質年七十無子家鉅萬讀此示大悟願悉捐助荒其餘以貯義倉公大獎禮之

無夢園集 卷三 荒政考

旋聞於上得異旌云仍令里老擇一貧女命納之逾年生一子抱至院叩謝公摩兒頂曰天之報施善類如此之速今趙系甚衍司馬溫公救荒疏謂富室有蓄積者官給印曆聽其舉貸量出利息候豐熟日官爲收索示以必信

乙卯東省大饑過御史疏截留漕糧十萬平糶未及半而藏粟皆出其時登萊溥被災陶知府先期日等死耳趣軍民販米遼東今居

人狎海緣以餉遼尤近事之可做者

王文成公賑濟事宜

批贛州府賑濟石城縣申文

據贛州府申石城縣水旱相仍兼係僻地穀價
湧貴合令知縣林順查勘賑濟看得所申賑濟
既該府議許中戶羅買下戶給散准如所議施
行今出糴之數止及一千而坐濟之民不知幾
許附郭者得遂先獲之圖遠鄉者必有不霑之
惠近日贛縣發倉其糗可見仰行知縣林順會

無夢園集 卷三

三 荒政

同先委縣丞雷仁先選該縣殷實忠信可託者
十數輩不拘生員耆老義民各給斗斛候遠鄉
之民一至即便分曹給散仍還公直廉明之人
數輩在傍糾察如有貪緣頂冒即行擒拏照議
罰治庶幾小民得蒙救急之惠而遠鄉可免久
候之難事完具絲回報繳

牌行南昌道賑恤水災

據南康建昌撫州宜黃等縣申稱非常水災乞
賜大施振恤急救生靈流移等事看得洪水非

常下民昏墊實可傷憫但計府縣所積無多實

難薄賑其地方被水既廣而民困朝不謀夕若

候查實報名造冊給散未免曠日遲久反生冒

濫已行二府各委佐二官及行所屬被水各縣

掌印等官用船裝載穀米分頭親至被水鄉村

驗實果貧難下戶就便量行賑給為照南昌所

屬水災尤劇但居民稠雜數多頑梗若賑給之

時非守巡督臨於上或致騰踴紛爭為此仰分

守巡南昌官吏即便分督該府縣官於預備倉

無夢園集 卷三

三 荒政

三 荒政

內穀米用船裝運親至被水鄉村不必揚言賑
饑專以踏勘水災為事其間驗有貧難下戶就
便量給升斗暫救目前之急給過人戶略記姓
名數目完報查考不必造冊擾害所至之地就
督各官申嚴十家牌諭通加撫慰開導令各相
安相恤仍督各官俱要視民如子務施實惠

楊忠愍公上徐少湖救荒書

某以言得罪宜絕口不言天下之事但聞窮民
病苦之狀若割心肺日夜憂思至廢寢食故有

欲默而不容忍者而夫子抱能受言之量居能
 行言之位而某極荷相知又有可言之機寧容
 隱乎謹陳救荒愚見伏請尊裁城中餓餓死亡
 滿道人驚惶似非太平景象夫京師之民各
 有身役常業何以頓至於死而所死者皆外郡
 就食之人也蓋緣各處司民牧者無救荒之策
 之心而京師有拾米拾飯減價賣米之惠故皆
 聞風而來當其事者又不肯盡心鮮有實惠故
 每凍餓以至於死是以京師為溝壑誘外郡之
 民而填之也救荒自有均平普遍之政何必煦
 煦然為此小惠誘民以至於死乎莫若行令各
 處撫按有司作急賑濟然後出給告示諭以本
 處賑濟之故使各歸鄉里又將所拾之米預支
 二三十日以為回家盤費之資則窮民有鄉井
 飽食之樂京師無死亡道路之慘矣連年豐稔
 止有此歲之餓一郡之粟自足以供一郡之食
 特在上者區處之無其道耳官倉之粟可賑濟
 也亦可價賣也富室之粟可勸借也亦可責令

減價糶也蓋官倉除備邊急賑不可動支外其
 餘有積至數十年將腐者合暫變賣收價到秋
 易新似為兩便富室有積粟至千萬石者皆坐
 索高價以邀重利故米價至於騰踊合依少定
 價裁抑之又當以禮獎勵借官給以帖到秋償
 還則米價自可日減窮民日返故鄉矣窮民既
 無處辦米或賣產傭工止可得錢乃今分為等
 類定為價數則錢法紛亂而民益告病矣夫錢
 法之行也或朝貴而暮賤或此處用而彼處不
 用若有神以使之雖市人亦不知其所以然也
 其可以官法定之乎為今之計當為權宜之術
 不分等類不問大小俱責令折筭通行其價數
 之多寡任從民便官府不得而與焉則錢法可
 通而商民俱便矣米價騰踊日甚一日今定為
 官價似為裁抑之術然在京師則有所不能行
 者蓋各舖戶之米俱貴價糶買非若外郡富家
 田內自獲然今定為輕價彼豈肯折本糶賣且
 各處販米者一聞價輕孰肯再來外米不肯來

內米不肯糶不知其將來至於何如也如定米價亦俟春間販米至者多然後議之北地雖荒全賴南米之來使河道阻滯則來者延遲恐緩不濟事盜賊甚多或搶掠一船則後者聞風孰肯再來今宜行令各河道官使開河之時先放米船行一遇壅塞則遣官夫拽運一若轉運官粮然則米正月終可到矣又行令各處地方官使嚴加巡捕防守護送則販者無失米之憂所來者必多矣南米來者既多又憂米價之不減乎盜生於貧雖勢所必至然荒年而至於盜起斯亦可憂矣聞各處撫按分付各屬官令其暫寬治盜之法其意懼生變也以故各官於盜賊之獲俱姑息寬縱之此端一開爲盜者衆貧者日至放肆富者日不安生是民之爲盜雖起於年凶亦上之人有以教之耳夫濟荒自有長策未聞教民爲盜以救之也況漸不可長民不可逞恐堤防一撤紀綱遂壞其變有不可勝言者宜行令各處撫按有司使遇賊盜仍治之如法

無夢園集

勞集三

三
荒政考

則禁盜乃所以止盜而止盜正乃所以救荒也

無夢園集

勞集三

三
荒政考

附錄

鵬峰子曰全悰父柔使齋米數千斛到吳市易
悰皆散給士大夫空船而還白父曰所利非急
而士大夫方有倒懸之急故賑贍之柔乃奇之
此周急之仁出於子而父不禁者范文正遣子
堯夫至姑蘇取麥五百斛舟還次丹陽見石曼
卿云三喪欲葬無可謀者堯夫以麥舟與之到
家文正曰東吳見故舊乎曰曼卿三喪未舉方
滯丹陽文正曰何不以麥舟與之曰已付之矣

無夢園集 卷三

荒政考

此周給之仁有於父而子能體者今人之慢藏
者於骨肉間但知相勉以利而不知相感以義
吾見亦多矣聞斯人之風寧不爲之顙泚鵬峰雜著
李公謙值歲荒出粟千石以貸鄉人明年又荒
人無以償公卽對衆焚券曰不須復償及歲熟
人爭償之一無所受後復大荒公仍竭家貲煮
粥濟之賴全活者以萬計死者復爲瘞之人咸
曰公陰德可謂大矣一日夢紫衣人告曰上帝
知汝有陰德報在汝後言訖而去後謙百歲而

終于孫位皆通顯

續自 吳興朱承遠歲饑以米八百石賣粥
警編 朱福壽終于孫登第

張忠定公詠在成都府嘗夜夢謁紫府真君接
語未久吏忽報請到西門黃兼濟承事兼濟以
幅巾道服而趨真君降階接之禮頗隆重且揖
張公坐承事之下詢顧詳欵已有歆嘆之意公
翊旦卽遣典客詣西門請黃承事者戒令具常
所衣服來比至果如夢中所見公卽以所夢告
之問平日有何陰德蒙真君厚遇如此且居某
之上座耶兼濟云無他長惟每歲遇禾麥熟時
以錢三萬緡收糴至明年禾麥未熟小民艱食
之際糴之價值不增升斗亦無高下在我者初
無所損而小民得濟所急公曰此承事所以坐
某之上也令索公裳二吏掖之使端受四拜黃
公後裔繁衍至今在仕路者比比青紫自警編
萬曆丙子歲就試荆谿遊石亭埠時有吳風鑑
曰此縉紳吳公別業也吳公督學四省題建坊
曰四省文宗警家潛以一代人物四字覆之蓋

無夢園集 卷三

荒政考

誦公無後也公素著一術士李某者告公曰僕得種子之法專盡人事公自度家業肯捐其半爲胤嗣計乎公曰無子身皆剩物且受人侮何有於半李生曰方今歲稔固天假公以會也請條其緩急以備舉行

一荒糧大戶力或可支細民室如懸磬公查錢數兩數者代納以全民命

一獄囚大辟勿論已如追贓贖罪等項一日未完一日監候公與代完

無夢園集

卷三

荒政考

一飢民四城門各設廠煮粥

其次族屬姻黨不時饋遺

其次村落窮民親履給粟 其次置藥救疫

其次掩埋白骨 其次修整廟宇

其次城外環繞皆大河民患跋涉當悉駕大石

梁以通往來 他時義莊宜設 學田宜助

役田宜出願公觸類引伸大行方便吳公欣然如其言所行不滿數事所費不踰萬金連舉二子一發鄉科矣迨丙午南畿錄有吳彥貞者公

孫也燕及皇天克昌厥後吳公之謂夫肯萬曆丙午冬月濮企登識

楊去奢氏時偉曰此余老友濮叔豐先生筆記也

叔豐篤行高節纖介不苟是紀也特其深衷隱

厚之一端嗟嗟世寧乏喜施舍而丐福田者試

語以捐帑賑民則錙銖必較李生謹議吳公力

行其於積慶降祥之效不已章灼較著哉雖然

人間世有子者多矣將獨爲求嗣勸乎夫安懷

立達卽念卽仁惻隱慈悲無時無地果能逐事

講求隨方利濟富人以力貧士以言精誠必赴

可以祈天保世可以佐縣官而裨經濟焉

吳中荒歲射利冥報

父老言昔時荒歲米價倍增有素封貪心未也

請仙問價一天將降箕判云豐年積穀凶年羅

一倍平收兩倍錢四境蒼黎饑欲死斯人露壑

尚無厭直將民命爲兒戲及乘天災把利專若

此貪夫不重譴頭上青天豈是天着火部抄其

家立刻灰燼

萬曆三十六年米價騰貴極矣有一富戶卜之城隍向道士求詳道士曰此籤何用曰米價可再增否道士大罵抵家驟死蓋城隍殺之也朱完天文祖曰產粟之區不獨楚與江右也猶記髫年曾侍大父宦遊台州知彼處之粟常年一兩三石而由海入太倉不過一兩日之事耳又侍大父宦遊狼山通州彼處赤米甚佳其價甚賤又麥價頗廉大堪作餽大父衙齋所食類以赤米而亦時參之以麥也狼山與福山一百二十里海面之隔耳順風不半日可渡此皆於糴粟一項可備一議者

一旌善之法詳矣古有不任不卹之刑倘三令五申而素封不從則擇其最著者扁前四字於門以耻之夫刑之且可况耻之乎 一官給印票於好義之家糴米多係鬼名宜令貯城內官倉驗過發糴不許私載回家此于忠肅義倉外別設平準一倉以待平糴意也 一平糴米價止可七錢以外在富家多八百金甚小在貧窮

多出一文甚難 一素封無田者力可平糴千石捐百金特賑不得以無粟辭 一救饑不必盡粟或麥或菽皆於出產之區官糴之 一罰粟代杖見韓襄毅公疏廣其意以粟代徒似亦可行 一囤囤餓夫近多疫症亦倍可念 一商販最急移文關津蠲數道之稅其來必迅 一衙官董諸役而出納於衙役之手似屬可慮 必擇地方忠誠有能幹者數人主其事正官不時親臨論訪宜王文成公諄諄乎防之也 一

無夢園集

卷三

荒政考

設處堪動庫內兩番本銀一往一來道路不絕市中時價不禁自平且事竣銀仍還庫在那移轉換之間選委賢能家饒世職交與庫銀仍立法紀錄 一平糴官糧既竭商糧不至因一商失利百商聞風俱向膠萊等處空照時價以招商亦必自己先有接濟查得和豐倉舊貯米荳銀借動四千兩選官四員分爲二班往淮徐金益等處仍移會彼處印官發船之日開具糧價印信爲照 一衙門人役不許糴 一暫弛遠

禁遣官告糴共糧十七萬石有奇而市價驟平其糴本與費用則皆借動京邊之銀也 一糴穀之法各領糴之官自爲一團限三年內如有泥爛罪坐本官每石聽米三升亦限三年盤驗之耗如再有虧折本官認賠至於倉廩不足分爲二例如原有舊倉致令坍塌責其修補而官銀不得議動如舊倉已滿穀尚有餘設處官銀速爲創建 一動京邊銀止一萬六千餘金而用以招商糴運既還借動之原數又積現在之穀食 一招商給引往天津等處接濟 一勸借者若與官穀一槩免還則他日無人肯應宜聽其取償或願不取者給匾 一富家囤積糧食每自淮南到時糴賣微利自題通海運之後相率乘時發賣以通爲禁勝于禁矣 一印官親自下鄉逐名審實便宜粥賑 一煮粥不若委廉慎數宦分頭給散令其領回自食 一帶徵一節其害無窮官借名以加派里指票而雙收趙甲已亡而包賠于錢一朝四已赦而索騙

于暮三莫若實受免徵之爲便 一等民耳一以爲飢而賑之一以爲通而追之何異左手佯與而右手旋攫 一預給各兵兩月之餉審發頭目着令世職押往糴米照原價分散各兵蓋兵雖三千而家屬不下萬數免萬衆之買糴卽餘十萬之糧糧 一急蠲船稅以通商計寧海文登萊陽三處有船不過四五十而風聲傳聞人咸樂趨 一留德州麥折六千二百一十九兩往糴雜米其銀稍緩數月以解 一議募兵屯田號爲鄉兵既息其走險之念又可以積軍需而備不測 一起運動之以煮粥則無可抵還而動之以抵存留則自有存留可以徵還雖謂之不動起運可也 一身在縣中領穀而室內妻女已被強徒掠去則倉廩寫遠之故也亟宜各立社倉審實家溫行篤者一人爲社長管收放又擇一識字謹愿者爲社書二人俱免差徭又擇有身家之人四名爲倉夫管巡守歲給米三石六斗遇有出入卽令其搬運斗斛如放

時貴收時賤加息一分大賤層而加之不過二分如放時賤收時貴當免其息大貴層而加之亦不過二分新舊穀價相等還倉止加息半分立券之法十人同立一契一人拐逃九人代奏還倉二年一查以其餘者歸之縣倉 一委官行查積穀不必預行支會惟單騎減從驀地潛至一一盤驗 一諭諸商本府境內可用糧食二十萬石照依本商開來市價登時可完空船給引暫開遠禁聽爾載運舊有 皇稅椿木銀兩盡皆革去運五千石以上者給冠帶二千石以上者給門匾

無夢園集

卷三

七

荒政考

紀袁公大來

初袁公應泰憲准徐流移沓至徐邳海贛間蠲聚百萬人掠販婦女鹽徒乘而劫淮市弓刀購盡公發金十萬二千稻六萬四千餘石米萬石設廠作糜現計入廠三四十萬又立數百廠以待山東歲除元旦必躬巡察咨嗟流涕吏民感動又添上動漕折馬價三萬金徑行檄發聖慈慨允無埃部覆說者謂安丘逋寇將借飢民圖逞公尤慮之遠矣是年予偕計凡覲試在途公悉具弓矢人役五里一送所至換票絕盜警公爲令嘗決太行之水以灌河內之田尤奇又減淮徐額外加派銀六萬三千

無夢園集

卷三

蘇郡庚申荒政紀

距今壬申夏秋大旱因憶舊事以告同志

陳孝廉芝臺募義恤鄰事宜序

此時穀貴人饑苟可以拯救貧民者自當不遺餘力牟廉之急桑梓固然况叨有地方之責者乎唯是勸賑事實大難富者慳囊莫破貧者寸心徒矢若欲以官府一切之法行之異同滋起究竟何益即如近日查圍一事米未必旦暮鼓民之腹二三豪有力之家始迫於嗷嗷空言倡義迫持其言爲左券責實事輒及脣疾視端緒

蘇郡庚申荒政紀

卷三

二

蘇郡庚申荒政紀

四出甚至豪僕藏奸顛倒借爲射利之局而於救濟竟何如矣閱此冊秉義甚高中間條畫種種詳到是一里即可爲一邑之募一邑即可爲一郡之倡但人人各出公心處處隨力各行實事豈獨子遺之民賴之吾輩救民無策中夜起思實爲且感且愧誦首事之誼無窮而凡與俗斯冊者其陰隲之佑神靈鑒在殆遺子孫以餘慶已五湖長沈莘楨信筆題冊以歸之主者

又序

此季世也獲聞誦義之風信姑蘇多君子云哀

我民生惟茲降割不有君子蒙袂仰屋將何賴矣咏適郊集澤之章宰豈自委其擔翻令維桑者纓冠是急顧胃臆約結安所見奇區區疏請紳衿暨諸豪舉平糶若干斛賑恤若干緡已爲拙於政而遲於事閱陳孝廉高義疏敬稽首拜賜有聞風而分仁義不置之錫獨貞石於葑園郡之饑者被之賑饑者尤被之矣不寧惟是微風吹萬將天下被之累葉金張敢持爲左券蓋

蘇郡庚申荒政紀

卷三

二

蘇郡庚申荒政紀

無德不酬與其償以人不若償以天其工拙遲速陰有主者斯舉也已巧取而捷收之矣夫身窮後福雖好修君子所不計但時方嗷嗷天實恢恢何倡不和何裁不培凡百君子證此良媒茂苑令葉成章謹題

葑門荒政引

今年米價騰貴人不聊生賴郡邑諸公多方設法然民間奇窮其狀有難盡言據余所聞見有領票累日苦無糶費者有男子出糶不返婦人

自縊於家者數十年來荒歉之景至此可謂慘矣於是友人陳芝臺倡爲同里相助之說以廣諸公德意或曰末俗澆訛人知自救而已何暇及人余曰一夫向隅而滿堂爲之不樂非爲其人正以自爲也今出門四顧皆傷心慘目其爲向隅也多矣有不急起拯之者非情也或又曰凡人之好施大抵爲福田利益耳今以卹鄰爲名其誰應之余曰所謂福田豈真有操券而償者天道好還人情忌擁凡人之所爲而有合則

無夢園集

卷三

六

夫吉祥善事恒必歸之今此舉之有合天人甚矣較之飾空閒之宇繼緇褐之富者不啻勝百千萬億倍其斂福也理也非妄也或又曰今之不足者比比而有餘者十無二三助者其能有幾余曰三簋之需損其一足以活一夫矣一縑之衣遲一歲足以存數口矣推而言之凡賓筵之觴豆樓船之簫鼓得無有可省以爲鵠形者地乎仁人君子其起而應之當不待辭之畢矣不佞跋而望之封門流寓客子王志堅題

義助鄰里糴本疏

庚申二麥全荒溢雨之後繼以亢暘吳故鮮積而況經歲米珠俯仰孔亟幸仁賢在位出陳糴新多方摩恤第熟窺閭井不唯苦于無米卽糴米之本亦槁矣如南園有給官票數日而無錢可糴者如茨菇田有男子出糴不歸婦人縊死者百日之內生脈緊關當事旣任其難吾儕豈辭其易易者何各恤其鄰里是已各恤鄰里云何研審貧窶計戶散票給以糴本是已有司募

無夢園集

卷三

六

助之仁人焉奔走於烈日乞哀於朱門不辭勞辱之事有司收支之仁人焉錙銖必籍給散必親單票必覈吾里多賢敬以相懇先哲云人損有餘補不足而天下平故損其所不足丘山非吾事也損其所有餘夢寐亦堪樂也鬼神亦足欽也宋儒記平糴倉云使鄉之常得其平者君之心也使君之家常得其平者天地鬼神之心也從來救荒所望惟賢人君子相與出力爲鄉曲計萬一自吾里達之各里自各里達之一

邑自一邑達之一郡孰無鄉里孰無賢良則惠吾里者細若蟻蠊而采荒政者錄及葑菲其必以吾里旌矣雖然非不肖之言也祖我者父我者兄我者之欲言也葑門里末陳仁錫謹疏

抄錄史書中米價事

計六則蓋甚言抑價之非策也

盧坦爲宜欽觀察使值旱饑穀價日增或請抑之坦曰宜歛土狹穀少所仰四方之來者若價賤則商船不來民益困矣俄而旣雨米價一百商旅輻輳民賴以生

右事見唐書

無夢園集

卷三

七

包秀肅拯守廬州歲饑亦不限米價而商賈載至者遂多不日米賤

范文正公治杭州二浙阻饑穀價方踴斗米錢百二十公增至斗八十仍命出榜具述所增之數商賈聞之爭進遂減價還至百二十

紹興五年溫州大旱知府章誼用劉晏招商之法置場增直以糴米商輻湊其價自平

顏師魯知福清縣大稔發廩勸分有方而不逼糴價船粟畢湊市糴更平

椿爲湖北漕歲大稔官強民賑糴且下其價米不至益艱食椿損所強糴數而不過其價未幾米船湊集價減十三

黃震知撫州歲饑不抑米價價自損

六則俱載宋史

附斟酌積米積穀二議

如實占田百畝者認平糴米十石本戶自貯而報其數使貧民知地方積有多米則不憂匱乏使米舖知地方積有多米則不敢高價是矣然此令須每年收成時布示預積則可臨期實無米安能猝辦予遇荒無歲不平糴然不敢以是強人強之總歸虛名耳如官司積穀亦宜以登場爲期而縉紳素封之家更有一策歲積米數百平糴不論豐荒儲十年之糴錢以積十年之稻穀爲地方計亦爲子孫計請熟思之

無夢園集

卷三

七

錢長玉荒政序

錢長玉才可斷水決雲而韜以凝重在吳關大饑憂民色於眉宇減則寬商平糶粟乏貧士授粢隱民分金飛書上章爭元元一旦之命讀公移可槩見語云理國如理家此庸人之言非上臣之論也理家令聞長世已耳上臣規萬古以立模邇一代以審脉

二祖神武

列聖繼承獨賴洪宣天順間久任巡撫數十年

無夢園集

卷三

三

錢長玉荒政序

恤小民之依故

本朝武功文治漸洽淅澆而不焦不竭匈奴未滅臣子怒肝裂膽誰敢勦陳言第恐謀國者用民日新等勦也名實相冒上下相蒙田額愈加賦入愈減譬之理家篋無大布之衣厨無烏雀之糧而空珍祖曾之敝帝敗券曰無墜其先籍則無論遠邇上臣即理國如家予亦目爲庸人之論暨末世苟且之政亦渺乎不相及已長玉不顧一官遑問其家理家則抽理人則工自是

長玉本色余爲破除此說繫辭十三卦取離持

世大眼目取夬持世大膽力眼目不開膽力何有如作未邦作網罟自後世言之揀題目作好事已矣然諸聖人原不過作一事也取離取夬自理家論之一肢一節學問已矣然諸聖人行事原不過掉運一卦也惟能作一事而後仔肩危疑如一事惟能掉運一卦而後盤旋義文如一卦惟長玉開離明之眼出夬決之手不放此一事不忽此一卦而後不與奉法循理積日累功之俗同夫久任撫臣則忠肅文襄諸君子應之民部擢異等

詔墨猶鮮獨無長王之渙其躬者乎

無夢園集

卷三

三

錢長玉荒政序

陳太史無憂園初集

古吳陳仁錫明卿甫著

輶軒紀聞

西北水利

周定王以後溝洫漸廢而河患熾今河自關中
以入中原合涇渭漆沮汾沁伊洛瀍澗及丹沁
諸川數千里之水夏秋霖潦諸川所經無一溝
一澮可以停注而諸川又會入於河流則其性
自悍急遷徙不常勢也今並河居民得引水成
田而河流漸殺河患可彌矣

今講西北水利動稱可以寬東南非也東南自
有正供西北豈宜曠土又言募東南之農耕西
北之土亦非也今東南多游手西北動力耕往
往泛糧至山海關不可食而西北小車載地之
所出則爭賤糶南米而貴糶北粟安在其不耕
哉正苦無人導之耳且醫閭山距廣寧甚近乃
寧錦軍民多往耕者民情大可見如中尉以下
量歲祿之意授田若干使得安居而食其土其

後支庶漸繁田不再授蓋既授之以田開其治
生之端彼知田不再授則皆及其始授之時勤
儉明農於其間以歲食之餘漸墾田而擴產爲
長子孫之計其與坐食多餒散處失所者相去
遠矣此徐孺東說也

自西歷東如密雲縣之燕樂庄平峪縣之水峪
寺及龍家務庄三河縣之唐會庄順慶屯地皆
其著者薊州城北則有黃厓營城西則有白馬
泉鎮國庄城東則有馬伸橋夾林河而下河南
則有別山鋪及夾陰流河而下至於陰流淀疏
渠皆田也遵化西南安平城夾運河而下及沙
河鋪地方又鐵廠湧珠湖以下至韭菜溝上素
河百餘里夾河皆可成田遷安縣北徐流營山
下湧出五泉合流入桃林河又三里橋湧泉流
出灤河又蠶姑廟湧泉成河與灤河相接夾河
皆可田之地盧龍縣燕河營湧泉成河及營東
五泉湧漫四出至張家庄撫寧縣西臺頭營河
流亦自燕河營湧泉而來皆可田自西以東如

豐潤縣南則大寨及刺榆坨史家河大王庄之地東則榛子鎮西則鴉洪橋夾河五十餘里皆可田玉田縣青庄塢導河可田後湖庄疏湖可田三里屯及大泉小泉引泉可田其間有民所不業之地有屯地有牧馬草地屯草之地屬於官官閭之民不業者召民業之官爲助其力至於瀕海可田則自水道沽關黑巖子墩起至開平衛南宋家營之地東西度之百餘里南北度之百八十里皆隸豐潤其地與吳越瀕海之沃

無夢園集

卷四

三

區相等今佳葦彌望而繫名於勢族若田而耕之則利十倍於葦昔虞文靖公之議東極遼海南濱青徐瀕海皆可田之地今豐潤實其中境云

叻深尺許遂深二尺溝深四尺洫深八尺澮深二仞而已未有如東南轉水於數仞之深者至如京東山之湧泉溢地而出河之支流等地而平東南瀕海歲多潮患蓋海勢趨於東南也遼海以及青徐有海之饒而鮮潮之患

懷慶紀守嘗因丹沁支流疏渠成田民頗利之紀去而田亦隨廢又如真定楊中丞之家居也亦嘗募南人緣水墾田歲入甚饒及滹沱旁決桑田之變祇瞬息間耳予謂滹沱河必不可治孺東之議亦以此沮不如空此二百里則西北水利可商也

桑乾水發於渾源州經保安之境則自懷來夾山而下至盧溝橋狼窩地方衝溢爲患漫至彰義門

無夢園集

卷四

四

先朝屢經修築爲費不貲今保安境上聞有用土牛逼水成田者若督責有人使桑乾上流皆引水成田則保安之田恃以無患而懷來以下水患亦殺矣瀛海之間如元城窪羅家灣窪郝家庄窪高橋鋪窪章家橋窪皆連阡黑壤廢爲水區非不可田願以下流受黑洋等九河之水非先致力於水源未可一

瀕海之地 國初皆設墩臺分戍瞭守以備南倭今草頭沽關及水道沽關以至於新橋海口

赤洋海口等處遺址尚存遐想 國初設墩分
成固將備倭亦以南北勢懸使瀕海墩戍連絡
於其間則內地有梗此路可通惟其初設墩戍
稀少冀後漸增然無田可耕則墩戍漸廢勢必
至也今若於瀕海開田以世職之法屯駐於其
間卽內地有梗南北不至懸隔於 國初設墩
分戍之意固相成也

若於京師近地開招羅之府出令曰有能於北
方種稻爲米而報糶者其價如南米則彼之商

無夢園集

勞集四

五

販南米者相率於北地墾田種稻爭相以米求
售於官此亦孺東說矣

課有司田功之成以田功多舉而一不擾民者
爲上考田功雖未甚舉而無擾於民者爲中考
其上考者遇給繇俟當事之臣覈實具薦給與
應得 誥勅其官卑註上考者亦得移封父母
某段原係某主見係某人管佃曾否科稅某段
係荒漠曠野無主亦無人管佃並未科稅民間
自行樵採俱逐一粘圖貼說要使已耕未耕有

稅無稅大略據圖可親臣按圖踏勘相同卽與
民約民於圖內已耕納稅之田卽能改治爲水
田其科稅如舊不得一毫加增蓋以見在之人
納見在之稅而原額差徭俱據見在入田照舊
議派至於原係拋荒今漸次耕種俟其成熟酌
量起科亦均入額稅而使舊科稍減以示輕徭
薄賦之意

無夢園集

勞集四

六

著爲令凡各處田地荒棄已久科稅久不及者
不分土著凡遠來商賈及流寓之民能用力開
墾卽爲已業寬之歲月俟其成熟已久量徵本
色米若干在邊以入邊儲近京以入倉糧自本
色米之外各州縣稅役原有定額不得一毫橫
加於各州縣稅冊之外另造一冊則民不畏加
稅而爭先墾田矣

真定府志載東漢永平歷至元及嘉靖初
屢倡修築皆徒勞罔功糜費貽害

孺東原議雖復深州之故道仍存饒陽見行之
道使洪流之勢自饒陽而下者十之七自深州

而下者十之三蓋並行分流以殺其勢也

滹沱河在真定郡城南者南岸上實而勢稍高北岸沙浮而勢稍低故水之漂湃就北爲多弘治六年知府張淑開新河於郡南通不匝歲而水仍盡歸於舊河則以南高北低故今饒陽勢低若自束鹿呂彩村入深州之道濬深使平常使饒陽見行之道與深州初復之道地勢相等則雖中半十分之水亦且分流而並出此孺東斟酌之論而終以故止愚謂且止滹沱河勿治

無夢園集

卷四

七

先其易者可矣

滹沱河會衛河繇直沽以入海載在一統志漕河圖志漕河通志卽從前上流之遷改不一而其下流會衛入海未嘗有異今饒陽現行之道自河間任丘雄縣同十五河之水至保定霸州文安等處地方達龍堂淀正會於衛蓋衛與海接自大沽以上皆衛也真定河間等河舍衛無入海之路惟京東灤河還鄉等河直入海耳

治河上流議

水之宗曰黃河自西而北而東南觸山多伏自龍門砥柱而下乃其正流若逕河東北秦晉代諸山間或迸出太行與太行諸泉澗東注者百數巨爲河北九河流易濡徐平甯唐滋滹沱中高不與河通者是也與河之不與淮通淮之不与江通也昔人之意深也與河通者若秦之涇渭周之伊雒衛之淇濟自西而東曰曹濮青鄆入于海猶慮溢焉或釀而爲渠或滙而爲澤今

無夢園集

卷四

鄭國龍首通靈長豐諸陂渠廣阿圃田梁山鉅野榮澤焦濩諸數澤且田且廬且牧多湮自勝國宅燕以來有運河自衛屆潞從南亘北而潞西來之水于此漕渠弗便也宋尚書陳平江諸君子于河北九河則瀉之天津河南北之水可淪而不可激也壩開興焉一開爲一東西斗門一河漲啓一閘之斗門俾之東注啓閉以時邇來太行諸水日漲斗門日淤凡宋陳所設壩閘故蹟多撤之於是諸西來之水不東而南併十

河河併于淮溢入于回隆靈昌之津泛濫于廣
大宋沛之墟衝突于滎陽原武商丘夏邑之郊
北則踰曹犯濮逼范而潰張秋東則射陳留灌
渦口瀦懷遠而溺鳳泗上流之勢合而不分極
重而不返治之者不疏衆流而獨捍河流不理
上口而亟窒下口日堰之溝之可乎哉

無夢園集

勞集四

七

東南水利

若天目若二溪百瀆非上源之水會歸於太湖
者乎若三江若泖澱非分注之水朝宗于東海
者乎此固水之勢也今上源諸水合矣夏秋之
際淫霖之水集矣所謂尾閭洩之者則三江也
自白茅塞而非流之水無所歸自婁江淺吳淞
淤而東流之水無所入若松江則循攜李以入
黃浦而南流之水又遷遠而不得直達經流如
此而枝流陳澱三泖與黃浦合流東注寧能洩
上流之百川乎吳淞江爲經流中之經流舟直
三叉之間占利而江身逼窄可勿議乎宋家渡
口淤塞告墊可勿濬乎淞之廣之而枝流合滙
東下則水之勢可殺其五青袂江爲枝流中之
突流南引吳淞之水分流以達婁江西引崑城
流之水合注以入婁江劉河口淤沙隨潮盈滌
暢其順下之性水之勢可殺其三白茅河爲經
流中之傍流陽城巴城湖諸水引之各逕東行
開而洩之則水之勢可殺其二如是則上流滙

而下流洩而諸溪百瀆之水皆得安行矣經流暢而枝流行而南北中之水咸率其故道矣

無夢園集 卷四

土

一設官始末

永樂二年詔戶部尚書夏原吉累遣侍郎李文郁大理少卿袁復陝西參政宋 口佐之命僉都俞士吉賚水利集使講究以聞公首開崑山下浦掣吳淞江北達婁江復挑嘉定縣四顧浦南引吳淞北貫吳塘自婁江入海又浚常熟白茅導諸水於揚子江是時吳淞江濶一百五十丈公之治七浦也因作斜堰障之分其流於白茅自後決壞斜堰水遂改道云正統五年命巡撫侍郎周忱便宜處置公立表江心挑顧浦洩之七年大水先是巡按何永芳疏革水利等官公奏取曾經任過辦事官三十員准其歷俸年月修理田圩開塞河道畢日送回吏部未半年事竣此任人之效而水利官不可革明矣景泰五年大水侍郎李敏知府汪潁浚白茅諸塘天順二年巡撫崔恭分吳淞江爲三段崑山上海嘉定各董之出舊江一萬三千一百七丈成化八年置僉事於浙江專治蘇松諸郡水利成化

十年巡撫畢亨與知府兵憲開吳淞江用夫四萬六千八百三十弘治四年五年七年大水給事葉紳奏請於廷臣中選差有才力通曉水利一二員授以節鉞會同撫按指定地方分投相視何地爲山水入湖之衝何港爲太湖入海之道度其經費然後大加浚治使下流得以宣洩於是徐侍郎貫奉專勅與主事祝萃同巡撫何鑑知府史簡先開長橋入吳淞墾除江口民田并濬白茅港及斜堰七浦塘東開鹽鐵塘西濬

無夢園集

勞集四

七

尤涇七里役夫八萬八千三百六十是時六府並遵 朝旨一同開浚崇明用巨舟決海口壅沙說者猶謂奉行非人輟事太速其止開南沙洪一派自減水河達黃浦入海則黃浦專泄杭嘉湖之水尚若不支豈能又泄蘇松之水已而功成一載岸果漸崩可不鑒哉往聞常熟侯楊子器議開湖漕請於水利郎中傅潮會子器被召郎中臧麟入奏詔撫按相視知府林世遠恐妨田廬仍開白茅彼一時精心講究不厭反覆

無夢園集

勞集四

高

乃爾隆慶四年巡撫海瑞開吳淞江查舊跡自王渡起至宋家港口長一萬一千五百七十一丈濶三十餘丈今議減半開河面一十五丈底濶七丈五尺深一丈五尺六寸計工食六萬餘兩兼療飢民不兩月告成徐文貞公以是年拜相然亦嫻有司但支目前未大脩耳自水利官裁復不一或行屯田捕盜僉事帶管或設工部郎中專管萬曆十五年奏請特設副使一員專管江南水利駐劄松江以河南副使許應達來

董其事出帑十萬故道反塞吳淞至於斷流是與無人同耳故任官急矣知人尤急夫棄給事之請節鉞也猶鄉紳之言也牟都御史疏乞勅大臣一員會同臣等處置則撫臣自言之而不能兼治可知矣無已專設御史如南京巡江巡倉屯田三差可併者併之而以一員總督水利三年爲期著有勞蹟擢陞亦一便也

一尋源委尋先手水利紀事

正德十四年吳巖疏太湖亘數百里納天目諸山溪澗之水繇三江入海是太湖者諸郡水所潴而三江又太湖所洩也如白茆港七浦塘劉家河蘇州東北洩水之大川如吳淞江大黃浦蘇松南北交境與松江南境洩水之大川而吳淞南北與白茅諸港又各有支渠引上流諸水以歸其中並入海此源委也歸太僕有光云必先自源而委非開吳淞江不可開吳淞江則崑

無錫劉集 勞集四

主

山加定青浦之田皆可墾議者見沿江種蘆之利反從而規取其稅是教之塞江之道也倘不專力吳淞是猶患腹之脹不求通利徒閉戶而奪之食豈理也哉古之三江其二不可攷僅吳淞一江仰接太湖又四十年不治矣

此太僕時語恐

又數年江日涸而湖水益橫流東南之民將不食也悲夫呂御史光洵宋中丞儀望疏上未行先是李中丞充嗣顯治白茆而吳淞夏駕次之海中丞瑞專治吳淞而白茆次之李公功則未

無錫劉集 勞集四

六

終海公最爲有見蓋夏忠靖用元人周文英之議合吳淞事婁江不爲無利能以全湖之水一婁江洩之其力恒怯自海公開吳淞江數十年間雖有水災不爲大害一時隘口支川無不就理公開江專以深澗爲主不計水面丈尺最善今查如吳淞東段宋家橋真如港諸處舟行溢甚吳淞上流寶帶長橋一帶菱牧漁斷尤宜急治至開吳淞江宜併治七浦白茆蓋二浦在婁江之北向因東江塞淞江微湖水乃北折併於婁江而溢於此二浦也至無錫江陰武進常熟通江河港亦不可不議近年頻遭水患以此故吳淞治則荆溪上源亦宜並議蓋橫塘百瀆上承洮滬二湖之水二湖上承應鎮諸山溪之水並注荆溪荆溪之勢直貫吳淞又吐而弗吞建瓴不可得也前人之論大都至和塘婁江可緩以直承太湖之水無藉吳淞若嘉興之水北自運河注於吳江西北自爛溪至於太湖東北自秀州塘注於三泖黃浦故吳淞通利嘉興可鉅

侵噬初成化間葉給練紳疏云昔人於溧陽爲堰壩以遏其衝於常州穿港竄以分其勢於蘇松開江河以導其流惟入海之處潮汐易淤故前代極力浚治法久令弛致巨浸壅於中泥沙漲於外土民或堰而爲田築而爲圃此治吳淞江爲第一先手也常潤高於蘇蘇之東接海岬其地亦高蘇界兩高之間每大水西爲常潤之水所注東爲大海岸道所障若蓄不得通泄並湖之郡若常若湖若蘇蘇最下流下流之水

蘇州府志

卷四

七

吳江吳縣爲入口嘉定之吳淞常熟之白茆港太倉之劉家河爲出口惟長洲隸郡東界入口之水縱分旁溢凡數十大浸皆受太湖之水滯泓充滿而後出於吳淞江劉家河白茅港安得不困譬如咽喉絕矣非一人一家之咽喉也可不懼乎此治蘇州諸巨浸尤爲第一先手也

一設處錢糧

如夏忠靖之請廩三十萬石許副使之給帑金十萬尚矣遠之有元豐六年蘇州開江兵級八

百人專治浦閘之例有政和六年差戶曹趙霖合用錢米并解置官司奏報急迺於內侍省投進悉依御筆違者以違御筆論罪遠之有錢氏撩淺指揮之例置軍四部七八千人故錢氏之功於江南最大而五十年不被兵皆水政修明滂歸海旱歸涇也宋有天下三百年命官修治凡三十年餘蓋十年一興利云其法禁人占湖爲田恐洩水路故也張士誠亦設爬淺之夫於白茅今不治幾百年可不痛哉負擔小民至食

蘇州府志

卷四

七

一兩之貴粟且踰十年而曾無變計可乎故西北急矣東南更急屯鹽急矣水利更急西北出孔也有出無入東南入孔也上一出下百入上速出下速入屯鹽不可卒復而水利興港漬有港漬之利治尺寸獲尺寸之益何煩再計爲一凡豪富承佃漲灘名曰蕩田報官給帖其利高於田而入稅無幾可議也如沿江阻塞侵而爲田御史大夫芟治之不必拘升科之例一海上無大患水陸官兵暫移若干爲河工可

一萬曆十五年。后洶河夫銀可查。一萬曆七年。巡撫胡公有田。主自開河之令。宋單鰲水利書。華亭青龍人。戶相率陳狀。情願出資。開後本縣官吏。未與施行。今豈無其人乎。一宋朝修東南水利。轍下空名度牒二千道。給賣承修承節將仕郎官。誥各五十道。做而行之可。一有司設法興脩水利。廳專督官。令同撫按特疏行取科道。卽人才卽政事。卽財用。何憂不足哉。

無夢園集

勞四

自江

太湖說

湖延袤八百餘里。中有七十二山。其東西洞庭山馬蹟山三山。舉其大而言也。繇蘇州胥口而出七十里。至東山大十八里。其高者曰莫釐峰。又西二十里。至西山。大八十里。高者曰縹緲峰。上有八寨。嘉靖間倭寇繇胥口出。焚掠其上。故設此寨。而今廢矣。二山南去震澤鎮五十餘里。西出湖州長興。亦止數十里。北行百餘里。至馬蹟山。其山大百餘里。去常州之下埠港亦止四十餘里。此三山之槩也。嘉靖間海賊徐明山遣毛海峰詐降。欲據杭州。攻桐鄉。取路太湖。竟襲南京。賊常有是謀。則太湖往來扼要之路。洵不可不知者。若環太湖而言入湖之路。則自鎮江丹徒來者。與孟河經常州者。必出下埠港沙塘港。自江陰無錫來者。必出大鮮小鮮港。自宜興來者。必出定化烏溪口。自常熟劉河太倉蘇州來者。必出胥口。與鮎魚口。自嘉定青浦吳淞江來者。必出瓜涇港口。自松江嘉興來者。必出唐

無夢園集

勞四

五

家湖灘關口自杭湖來者必出震澤南海二鎮西出陽賈陰賈諸港而胥口烏溪下埠參港往來甚多繇其往來四出故三山皆屬於蘇常也若以湖中間道而言則自五龍橋不三十里至吳江甚便出鮎魚口至灘關口繇鴛脰湖循爛溪烏鎮出崇德長安至杭州又甚便出鮎魚口至震澤南海繇練市寒山新市出塘棲至杭州又甚便若出胥口至西山至南海又甚便若出烏溪下埠港循西山而南至長興以及湖州又

無錫圖集 卷四

三

甚便商船漏稅者每多出此以入湖州卽諸路之往來而盜賊劫掠之地有定踪矣而防盜者亦可扼要而索矣若繇沿江沿海諸港而京則自吳淞瓜涇港與胥口出者必經洞庭兩山而西自小鮮下埠諸港出者必經馬蹟山而西總百餘里而至宜興之西官河繇東西九里湖五十里至長興埠一出溧而至南京之通濟門出溧水九十里而至聚寶門此太湖縱橫間道之槩也然以三萬陸千頃之洪波巨浸而大小諸

山盤峙其中無論姦宄出没迅疾如脫兔不可追卽蜂屯蟻聚於山溢者又誰可捕詰以故萬曆十六年亡命匪逃幾成巨寇郡縣上之臺司廼特設總練一員統轄三百餘兵巡船二十九隻屯之胥口以給備禦嗣後萬曆二十八年又於元山建立衙門駐劄尋將圯矣繼改設欽依官一員事權專且重矣

太湖險要防禦說

太湖設兵自萬曆十六年因馬蹟山順天王之

無錫圖集 卷四

三十一

嘯聚招募二百二十名又調虎船八隻自此設兵三百名屯聚胥口以守太湖已而分爲四哨散派信地以守焉旋而非哨議裁衝漫兩山失守盜賊縱橫北洋今以其北而言莫險於黃茆門長沙門葉山門此三門蓋常州行商必繇之路防此三門信守無虞於北矣奈長沙門無船防守往往盜賊窺伺其虛縱黃茆兵船守於東葉山兵船守於西鞭長不及無救於長沙之險也以其西而言則石公門爲最險是湖州行商

必繇之路西山之石公兵船守於北東山之長
圻兵船扼於南石公可保無虞矣但外之三山
澤山橘山去湖州十八里而近無兵防守累年
鹽盜猖熾爲三山無兵故也以其南而言大關
口爲最險是嘉湖松江行商必繇之路僅以一
船守之殊爲可虞以其湖中而言余山最爲扼
要之險僅僅東灣兵船一隻而西灣之險勢不
及顧是可憂也而菱湖嘴兵船幸與余山犄角
二山合力余山門之險可保無虞也惟大關口

無夢園集 勞四

五

之南湖望洋無際其黃茆嘴環亘二十餘里並
無一船防守逼近吳江而太湖兵勢防禦不及
最可憂也循此轉東則爲白洋灣鮎魚口是西
塘豐涇楓橋行商必繇之路二船與行春橋木
舍二船合力往來而石湖之守可無虞矣但鹽
盜之船三櫓合綜鼓枻如飛而唬船湖船遲奔
不能迅疾一不敵也守信之船散守各處相遠
者或二十里或三十里最近者亦十餘里鹽盜
合而力雄官兵分而力弱二不敵也信守遼遠

船少兵寡卽西山八十餘里若元山龜山石公
皆守山南也北與西最爲曠野浩瀚並無一船
而衝漫馬蹟三山各處自來未嘗有兵盜賊往
來遊覘其區而欲併責之信守各地之兵三不
敵也是以題增兵一百五十三名增船二十隻
業奉

旨准行矣

無夢園集 勞集四二

五

陳太史無夢園初集

古吳陳仁錫明卿甫著

籌邊論

邊屯責人

遼之講屯也丙寅秋八月經臣撫臣或議軍屯或議民屯閣部無以應則徐曰秋防在邇姑待異日夫閫外之事苟利軍興專之可也軍不妨民民不妨軍何待卜諸朝乃決事哉議論之一事權之不一也及事權一矣而議論又不一

無夢園集

練一

顧其人何如耳雖然留萬人屯田軍將息而用之非臨敵事也

邊報責實

田錫有言禦戎在辨邊報虛實察左右蒙蔽有無所以寧寬過誤之誅有戴罪殺賊之條而必嚴欺罔之戒妄奏報殺無赦也

行邊責大臣

范文正公備邊策一密爲經畧又請材識近臣親視邊壘精究利害半年歸奏更令中書樞密

院細訪熟議今起自遼東歷宣府大同延綏寧夏甘肅平涼分爲二員領以尚書侍郎之職每歲一巡聞事必實且令總兵以下各舉所知而經撫不患乏員矣公又曰須差近臣往彼密爲經畧方可預定法制臨時不至差失至哉言乎

將材責撫按有司

范文正選將議或委樞密院三班院殿前馬步軍司進呈籍記以補本路之缺又須別選知州知縣可治兵者今撫按荐舉武臣多循故事不

無夢園集

車一

三

如專委密報的係堪戰者不拘官級草莽之士上其名于兵部部呈御覽註某撫某按所舉此卽進呈籍記之說也奇材異能之士州縣豈有不知倣古舉孝廉茂才例選達兵部以備訪求可省鑽刺之路通道府之隔

倉場草場軍器火器責成守禦

靖康入犯幹離不運趨牟駝岡天馴監芻豆山積異時郭藥師來朝得旨毬戲於是導之直趨其所都城東北鄭村壩二十四馬房昔人議築

城護之移附就近倉場而營以騰驤四衛特敷武臣鎮守故與其有事而擒奸細不若無事而嚴守禦

各邊管糧責甲科

管糧通判上自督撫下迨軍士無不仰給其權重其奸積糧米草束經月苛勒多致激變又坐罪軍吏而不與其憂且與武弁仰處漫無綱紀或云易一甲科推官懸格早為升遷出入必慎兼綜核將領使有所嚴憚為關臣按臣耳目遇

無夢園集

車一

三

有邊儆可實封上聞亦救時之奇也

紫荆關河套責邊臣

洪武初北邊重鎮曰宣府曰大同曰甘肅曰遼東曰大寧大寧革而所存者四鎮耳寧夏肇于永樂榆林始于正統花馬池等堡臨事創置惟大寧都司興營義衛等衛一移內地而昌平以東遵化永平一帶暨京師單薄甚矣然則居庸以東歷黃花鎮古北口直抵山海關能無設重兵以代大寧而潛為恢復地且復洪武中山后

帥聞之舊俾與宣大列為三鎮直達遼東亦不可後矣河套一失虜反入吾之內而吾之所守者及在其外今又有插酋往來于其間可不防哉防秦晉之流寇而不防虜未可解也

撫賞責路將班軍并責協守

各邊撫賞承委官員侵剋貨物粗惡必責成路將舉匪其人連坐參處又不如竟令客商至邊平買之為愈省直班軍備守必連坐協守凡主將年終之舉刺視客將備守之功罪以為定據

無夢園集

車一

四

蓋協守可以節制路將而不可兼督客將也

守臺并責操部

懸崖峭壁崇岡峻嶺九邊唯薊最固嘉靖庚戌以來督臣譚綸等創議修邊建臺守以南北官兵我乘高易拒彼仰面難攻可以匹馬不入自北虜內附漸失初意衝要牆臺及多濶畧且南兵以臺為家故不惜厚餉二十萬募集萬人分守千里初時臺未備其在營餘兵名曰操部俾與北兵互為聲援備六續發臺耳后遂為常鎮

建新臺輒于舊臺抽撥而不及操部于是革冗數百卽以其餉增益臺兵臺日多兵日少操部頗類贅疣况抽減舊臺兵目以守新臺則沿邊各臺漸弱而操部厚餉虛糜使該管以影射扣剋爲得計宜令三路南營操備等兵官盡發衝要臺牆固守在操兵樂省僥居之費在臺兵亦無獨守之勞甚矣薊之急也隆慶元年題准薊鎮與大衆達賊血戰臨陣斬級一名願者超陞二級不願陞者賞銀一百兩他邊不得援以爲

無夢園集

車一

五

例蓋守重戰更重云火焰山一帶數被蹂躪自史車二酋歸附稍寧至南山永寧在陵京之后鎮邊一路大石嶺外卽宣鎮懷來大川若薊鎮古北牆子二路又大舉故道慎之哉國家以三衛安插兀良哈等屬夷迨

成祖末年附阿魯台入寇致厘王師及

宣宗朝車駕親出喜峰口猶悍然罔忌舊例如遇大舉近邊在東協緊急則中協東援西協次之在中協緊急則近東者東協先之近西者西

協先之倘西協緊急而昌鎮無事則昌鎮營援其西馬蘭路兵援其東使三協兵馬不致併聚一處庶免乘虛突犯耳薊鎮兵馬錢糧原各衛屯糧及直隸各府山東河南民運又歲運漕本色十萬石折色十四萬石因屯廢虜入始將兩淮水鄉鹽九千一百四十九引長蘆折布鹽四萬五千三十三引關中發年例九十二萬三千二百八十二兩零至庚戌之變又增昌密漕糧十七萬近又分永平一路增設郎中一員皆爲

無夢園集

車一

六

此三鎮也蓋漢南北匈奴卽今薊遼三衛南匈奴也土蠻爲胡元買的里八剌遺種遠據塞地北匈奴也弘正及嘉靖初三衛夷情雖驕不至甚且自山海抵黃花鎮則藉三衛作藩司居庸抵偏頭則據林木爲固近三衛反勾連土蠻寇遼左而山水砍伐更失地險三十六家之叛所自來矣

宣府宜先自治以援薊保

宜鎮北門鎖鑰金人破遼元人取金悉自其地

故衆論薊保在宜鎮之上不知宜鎮尤重畿輔
東自渤海所黃花鎮西抵紫荆關倒馬關是謂
內邊相應專責薊保拒堵于內不得藉口于宜
鎮之應援而自失其險宜鎮東自四海治北歷
獨石西抵陽河是謂外邊應責宣府等修飭于
外不得一意于薊保之應援而自疎其防昔人
有云薊有警宜府總兵不待調遣卽先入關然
必賊已潰薊鎮之牆方可若賊趨向未定萬一
如往年舍薊鎮從滴水崖永寧入犯本鎮半日

無夢園集

車一

七

卽抵南山一日卽抵居庸何以禦之又如往年
一犯山西一犯薊鎮則宜鎮何以制之或犯薊
以西則京師爲重俱應入衛或犯薊以東與各
邊尋常入犯相同宜府宜專防本鎮止于奇遊
兵內量遣一枝代總兵入關遙振足矣故各鎮
兵將于賊之未入也乘障列戍拒之于邊于賊
之既入也分道乘間遏之于堡今宜鎮兵先期
俱布懷延而賊如入無人之境聞警俱衛陵
京不敢輕戰賊一據我門戶內鮮積貯外無重

援是坐困也

三秦先務

寧夏一鎮屯卒有挑渠採草捲埽守壩等雜差
因寧夏田土賴黃河有漢唐二壩實衣食之源
採草送壩樂供挑濬惟將領占據灘蕩湖道將
採下草柴私役軍士爲累耳延綏鎮糧額派陝
西延安慶陽三府原係本色自布政文貴奏改
折徵軍餉始虧巡撫馮清因之盡改折色而米
價騰貴都御史王遴始開黃河設置船隻輸運

無夢園集

車一

八

王崇古議復本色遡餉因延綏在萬沙之中背
居套虜無日不警馬每月給料四斗五升草銀
五錢今草豆皆乏養馬既難只得棄馬先年虜
營頗遠官軍尚有牧馬採草之時今軍馬無可
休草豆復貴其不容于不增者勢也楊襄毅督
甘肅明罕東諸屬番避居肅州境上其衆滋繁
襄毅築白城威虜等七城徙其部落數千人稍
給牛具于是離塞四五百里亦一時之盛云

遼馬

會典載 國初遼東馬四十萬匹極爲蕃庶故設苑馬行太僕二寺以經紀之其後生息虧耗以至今日歲發年例銀兩以佐其急乃任意取用唯賄是聞每萬必扣二千給馬戶而稱兌必除秤頭委官因而效尤馬盡老弱而無用今日收一匹而明日死此月收一匹而來月死夫如是三面之虜安得不睥睨而狂逞

遼餉二司

有軍而故懸缺不補以爲留餉之地有餉而故

無夢園集 車

九

留作羨不爲補軍之用自報羨餘以來原額軍馬每有勾募至送餉司一槩不補因此逃者益衆軍額益虧且該鎮餉銀原無所謂羨餘也自萬曆十四年以後陸續題增兵馬等項歲該糧料不下七萬兩未嘗以增添取給於部發也每歲通融數萬之外一官三載復報羨餘二十餘萬則何術而支餉司然則不於軍之逃故馬之倒失是取而誰取哉軍利于不補而得免勾呼則相率而逃官利于不補而得扣糧料則惟恐

不逃必使該鎮軍馬盡歸於逃故該鎮糧餉盡入于羨餘而後已耶

遼兵數不可少

他鎮有遼無腹遼則夾山海而緣處其一涯如弓背然腹徑不過數十里而邊長且二千三百里他鎮皆一面對虜而自舊遼陽失後虜插入而巢穴其中竟分遼爲兩設河西却縮於西南河東贅懸於東北又各以三面對虜矣他鎮有邊牆遼獨與虜接壤而處即使額軍十一萬額

無夢園集 車

十

馬七萬餘匹一一無缺猶不足以充擺邊之用而矧曰不補乎予往前屯一帶有汰卒五千皆壯士也拘于汰兵之例而之倘以此卒城關外至寧錦臺給工食不過需關門石灰耳又以此抵京邊召募之卒不猶愈于冗冗乎况遼人識虜旗號使居先探虜其偵必實

廣寧兵額

廣寧舊止正兵左右兩翼三營中權犄角聲勢相連將出部推人知自愛其後改爲十營委用

開將盡出私門坐占軍人半爲伴役軍視官爲
贅疣官自視爲傳令京營十萬之師亦不過三
大營而止今廣寧兵馬一萬有餘而分作十營此
何爲者且各營將領盡川廢開與中軍千把總
至用八十二員又何爲者廣寧兵馬先年原分
七營至萬曆二十五年歸併三營誠爲有見乃
至二十九年復分十營則又不止七矣迨雖移
二營於戚家堡而入營如故裁哨探火器二閑
將而六將仍存恢復之後仍其初制可也

無夢園集 車一

士

遼餉積弊

遼餉惟家丁差厚其營堡軍士月止四錢或二
錢五分每歲折色四月本色八月各倉舊儲米
豆向因鹽糧援例人等買票虛出通關情弊以
致陳者不出新者不入泥爛不堪而近牧者又
被官吏插和沙土糠粃各軍雖得糧票多不願
關領遇有前項買票者則每票賣銀四五分或
付之水火而已

遼馬失亡之故

遼各營失額不行隨缺隨補自追摺細打之法
不嚴倒死一匹遼俗官給銀十兩外又灘派閭
戶餘丁湊銀一二十兩以此軍士不加愛惜兼
之舊帥占盡夷市不論老病瘦弱一槩收買以
冒官銀又以軍馬代驛馬盡一營之馬輪流替
應而馬缺于奔馳矣十數年來專恃夷馬凡土
產者雖龍種不得售一錢遼東至今以養馬爲
戒而所市夷馬又乘我之急而匿其精壯售其
老弱舊規年例馬價解到當卽酌量多寡分發
各道買馬操備自舊撫鎮將銀兩收貯廣庫獨
爲廣寧買貨撫夷之用止將所市夷馬分俵各
道計所俵不及銀數十之二三而所欠各道馬
價有三年者有二年者及查庫又無存留銀兩
雖遺下段貨諸物約值十餘萬金濫惡壞爛減
價以售夷馬而夷人不收算價以分各道而各
道不取

無夢園集 車一

三

昔年視實數

閱視所至開原不及二百人鐵嶺不過四百人

東協不過五百人藩陽則抽選鋒者拾數人稽
意廣寧大營兵馬強壯可恃而左翼營不過千
數百人耳

不救開原之失

開原不置重兵則西虜宰賽等二十四營無所
忌憚其款不固與奴酋之交又合而於北關之
好又攜北關併而開原危北關亦必附西虜以
自固北關去而開原亦危應於開原營增兵一
千五百人以居中策應慶雲堡增兵一千五百

無繆圖集 陣一

三

人改備禦為游擊銜以彈壓西虜或靖安或柴
河堡增兵千人添一備禦以防奴衆此救開原
第一義也其次則汎河懿路各量增數百人以
守要害左山右河路寬不過二三十里一失其
據而開鐵之聲息不得南通也若遼所屬惟清
河堡最為緊要其地距奴酋住寨不過數十里
酋若侵犯必從此出若我攻取亦從此入而所
轄寧孤山散羊谷等六堡俱險阨而遼瀾難顧
丁此堡增兵千人各屬堡俱復舊額改守備

為遊擊以統之寬奠營量增五百人與清河
角相望使酋欲南侵遼而憚堅利之在前欲北
出開原而懼搗襲之在後此困虜之一奇也又
于遼陽協營二千人為專制東方之計藩陽量
增一千人西防北虜之掠東應撫順之衝而寧
前則量增一二十人以佐其弱

紀河東失亡之故

寧前一而臨虜又去大營近易為救援而開原
則三面臨虜孤挿虎穴寧前自山海關抵中左

無繆圖集 陣一

二

所二百五十里因虜警增置參游者四副總兵
者一而開原自清陽堡抵蒲河二百餘里僅得
兩游擊向以海建效順未有所增置也廣寧大
兵倏撥正安堡修改戚家堡倏移右屯修置親
兵陸續增添營路相接而河東守禦實為疎濶
且既以河西之班軍減河東之額伍又以河東
之逃故給河西之雙糧而河東兵馬錢糧則有
百減而無一增也

遼屯原額

高皇帝以遼左之地在元爲富庶列衛置戍遂因海上運饋不便令羣臣議屯田之法洪武二十四年收糧五十三萬餘石永樂十年收糧七十一萬餘石其後災荒頻仍數目虧減今雖正數三十二萬有奇而以粗折細却止二十一萬餘石版圖具在而糧數日減者土地荒也國初額軍十餘萬並無年例銀兩專恃屯糧支給至嘉靖間誌書所載軍馬猶存七萬三百有奇步軍三萬七千四百有奇屯軍一萬八千六百有奇

轉一

十五

除山東抄布花外部發年例止一十九萬八千有奇因坐食而冒雙糧者多也况自先年改屯軍爲操軍耕作之徒率歸舍餘屯軍盡廢而屯田益荒矣

遼撫賞額設

如市稅子銀原該撫賞支銷者專聽撫賞應用市稅子銀不敷者俟照各邊例會請正項應用其永寧監馬餉銀夷馬價銀專聽買馬應用邊

夫銀專聽修邊應用租課商稅各雜項及紙贖銀兩專聽賑濟饑民製造器械修理倉廩及公務應用賞功優恤胖襖等銀專聽本項正用不得槩指撫賞名色混行動支乃將前項盡數登入循環歲盤閱事各冊以便稽考凡動銀俱經該道轉行各官支用完日造冊繳報不得徑委當季等官赴庫取用其當季官卽行裁革庶幾遼左錢糧不致借撫賞之名而一槩侵漁惟本鎮原無撫賞從前當事又不據例疏請乃爲一

無夢園集

車一

六

功苟且之法而貨馬子銀之名出矣馬市會一廢于萬曆十五年之時蓋亦爲事例窘碍不得已又于二十九年而復之第不宜創爲貨馬子銀不過巧托名色展轉爲用馬價之資耳

遼馬原額

遼左年例馬價一十一萬七千八百七十五兩每年部發解遼原爲廣寧遼陽寧陽開原海蓋五道酌量馬匹多寡均發買馬而設非爲廣寧一道撫賞設也總計全遼馬驢五萬二千餘匹

頭內廣寧一道數不及二萬計馬分銀每年應得馬價不過四萬兩耳祇以撫賞故除分馬價六萬四千二百三十餘兩外又扣留各道銀一萬七千四百六十餘兩以一道獨得八萬一千七百五兩而遼陽等四道止共分得三萬六千一百七十兩又祇以撫賞外併此三萬餘兩亦不聽四道領去而仍留廣寧自用以致逐年欠下各道馬價七萬餘兩

開原老邊

撫寧圖集 車一

二

開原邊有二道一為老邊自慶雲堡西南西北正東東南柴河堡約三百里凡誌書內所載墩臺百餘座皆丟棄不守甃石皆被虜拆去夷地為板升其地任夷駐牧往來者數十年一為新邊乃邊吏縮入內地二三十里挑築小壕一道以苟且自衛者自小壕以外老邊以內全然視為夷物以此瞭守偏近往往邊烽纔舉而虜騎即至開原城下使人不及備

遼無人無食

自遼之無人也舉族被虜田土拋荒墩軍盡不得不貼以堡軍堡軍盡不得不貼以營軍額糧虧京運自不得不多說者但謂軍不必增一清軍而軍足不知遼無人可勾也但謂餉不必增一清餉而餉足不知遼之無人辦餉也則搗巢開釁以其卒予虜也

邊牆城堡擇先重要

撫寧圖集 車一

一

河西邊自關以東前寧錦義正安鎮武一帶河東自潘以北蒲沅開鐵一帶村屯已盡虜覲吾邊則邊堡為重自潘以南遼陽海蓋一帶人跡稠聚虜覲吾村屯則民堡為重凡中路驛通城舖在廣寧之間陽十三山凌河一帶得錦義為外蔽似稍緩而村屯依焉則當視與民堡並重在寧前之高嶺沙河東關曹莊連山一帶去邊僅咫尺地最稱急而軍民依焉則當視與邊堡並重在遼海之甘泉鞍山長店南沙河虎皮北沙河一帶去邊三五十里在緩急之間而遠近居民依焉則當視與邊堡民堡並重其新奠

永奠孤山鹹場漚馬吉散羊谷馬根單東州會
安白家衝三岔撫安紫河松山靖安威遠等堡
皆東夷所窺伺則當視與迤西邊堡並重湯站
鳳凰城鎮東鎮夷甜水威寧奉集析木城等堡
皆東西夷所常犯則當視與迤西民金重前寧
錦義正安鎮武等處千里甌脫而閭陽十三山
右屯等處爲必受之區則重蒲河汎懿開鐵等
處一望丘墟而遼瀋海蓋人財輻湊則尤重

遼東墾荒

無夢園集 車一

一

如河東自三岔河起至開原沿邊順長六百餘
里居民開墾荒田有抵墻下者種出亮子河外
者而秋來零竊絕跡農家樂業孰謂壕墻無益
哉

兵制內輕而外重宜矯用之京營以作邊
兵之勢

祖制自不可易而有事改用戰將六員嘉靖行
之矣文官內重外輕臺省出爲郡守固也兵制
無不重總兵輕營將倘能使京營中課三年練
成戰軍戰必勝攻必取大將擢總兵副將擢副
總兵天下總兵與副總兵不錄京營出者皆不
得與斯選則猛將勁兵皆萃于京師矣此萬世
之計也營卒素恒怯敵至奔入城城外無禦敵
之人誠能使戰將將一萬于德勝門京營文武
衙門太僕移駐焉健馬五千就水草而牧其東
則張義門盧溝橋皆可軍可牧也亦以戰將將
兵萬人騎五千兩軍遙相聲援寇至何患乎

無夢園集 車一

前

京管論

標下官員以五百計世胄百人耳武舉廿餘人耳會舉三科各四五十人耳其納級指揮加級中軍征東西千總遙授鎮撫名色把總冠帶舍人持馬牌差票聽用者納級鎮撫尤冒濫甚多以豪奴稅棍亡命無賴充之京營科道薦額不過八十人而納級居半惟明詔止之無逐革之名收簡練之實庶不至藉剗薦媒部推而舊例年冬寄耳目於將領將領寄耳目於中軍行賄

無夢園集

車一

營求惟選鋒把總爲最各營千總次之把總次之生辰彌月佳節皆有餽冬季扣糧春秋扣錢何憚而不革也選鋒以備非常設在二三百里之外將安用之人界一馬祗海盜耳挑選著一急着也其僑寓在京亦許補缺而建造營房以居跳蕩之輩雖遠在郊圻聚之輦下矣

插箇論

習令色令被揀擒歸附以東西兩哨兵馬并豐州灘大小板升獻于插板升華人也嘉靖中叛

逆趙全等爲嚮道集被虜萬人于豐州灘東西

一帶立爲板升擒華人言村落房屋也桑種飲食悉如中國所變者胡服耳自俺款後板升俺義子恰台吉所統酋納款六十年今有衆十數萬而板升富强甚習內地插以之穴能無防乎插故元裔夷使領賞賣馬必由兩哨遠在東偏積覺有年素囊物故卜失免幼且弱居河套插突于七年之冬傾巢而來陰讓奴路陽托報仇殺哈喇兔直抵殺胡堡克歸化城奪銀佛寺收

無夢園集

車一

習令色令而追迫卜失免妻其妻軍其軍十月與習令等盟歸化城以合把氣喇嘛守之東行降兀慎擺腰明暗等酋十二月扎營獨石邊外舊開平所要索賞不經崇禎元年春殺那沐兒台吉姑示羈縻勿絕而已蓋蠢蠢矣邊吏自終及夏悉寘度外不偵不禦五月十一宰生貴英恰等于新平堡初因索賞辱我將官借釁犯順二十九日從鎮川紅賜驛抵大同城下城內馬兵不滿二千步兵三五千竟以喇嘛止戰不

傳烽村屯絕無收斂非代府紳協守縣令擒
梟奸細岌岌乎彼且十萬越薊門而不知殘我
屬夷而罔恤招之使來而又戒勿砲擊重城之
內不滿萬兵大可念已

挿酋論二

奸細既獲城固難克扎四營于東堂坡海子止
李兒村四掠村屯渾源懷仁桑乾河玉龍洞劫
殺二百里婦女裸衣赤體賊衆五日酣飲道盡
推德喇嘛執鈴箭往來講賞而已虜至不傳砲
火虜去不設伏兵有六月初四日出邊九月間
與卜失免永邵卜交戰私卜五榜什娘示破走
兩家令宰生令托氣喇嘛追逐路殺祇夷都司
沽能兵馬之半又陳兵延寧邊外窮兵追十而
徯講款于督師嗟乎挿若東犯捨居庸而走永
寧南山四海治靖胡堡則陵寢急南山一帶
環甲枕戈卽敖慶之犯永寧惶惶失措况挿乎
哉

挿酋論三

挿犯鎮川竟無傳烽方報辰至邊而已已抵太

同豈十萬挿兵一刻同至皆邊外不設遠探邊
內無烽火故也宜令土著軍在墩臺者時刻燎
望否則坐參遊守把而大同兵號八萬選馬兵
一萬爲奇兵號選鋒以備冲鋒陷陣馬步一萬
爲正兵號壯丁以備安營守寨馬步一萬爲伏
兵以備設伏哨探分爲十營訓練餘五萬守城
瞭望而已雲中素號不毛通糧速給不待再計
鐵葦之后設處谷價于附近收成之處收買離
粟米豆賑濟接救勸義輸助亦急務云且兵額
計有二三萬萬曆十九年裁定八萬今堪戰萬計
草料止給春秋二季每匹月支豆九斗穀草一
十二束如折色不滿七錢夏秋則下場野牧耳
全鎮城堡俱設倉場召買主客糧草每歲戶部
分司發銀召買隨買隨放向無積聚倉廩空設
卒然饑旱何以應之

挿酋論四

挿連奴不待信其歸巢不歸巢不必論三十六

家之從捕行者在邊堡而嚮導者亦難悉數顧我備禦宜多寡如捕既讓路又不能屯兵舊大寧三帶則開平獨石逕犯薊宣之路作何遠哨作何堵截方數千里入無人之境如宜府張家口大同大市口新平路得勝堡殺胡堡係順表進貢開市講賞之處小市口鎮門堡守口堡助馬堡寧虜堡雲石堡迎恩堡滅胡堡俱係極神作何哨防宜雲石堡迎恩堡滅胡堡俱係極神

持禽論五

中國以爲藉谷不密隙矣何道而使恩威皆自我出機柄皆自我操不可不熟計也大同邊長計首四水餘里北連諸路西接套虜設大邊之邊三邊北失青山離邊七百餘里青山南爲豐州離離邊三百餘里離南黑河離邊百二十里左有雲川玉林等十二城舊設邊墩聯絡不絕今多傾圯雲中重險盡失僅守三邊於是趙全始授攻城之法秦晉燕代咸無寧日

而俺答爲最今捕禽舉動亦大可訝豐州多華人如趙全更不乏也今其所遣往來張家口者多係我降將况哨探憑通官之言通官月食糧一兩四錢以情予虜其獲甚厚似宜于文武三科及世官奇才異能立爲典屬國都護四遣出塞仍令通官爲副懸不次之賞以待奇功若起併堡齊力多備戰馬舊有戰車二百乘棄之榮滿已二十年亦宜講求而京帑之欠山西河南

通爲之奈何否道中八連嶺居庸關實無

入司其出入如旆馬林柴溝張家口內治承寧鎮川鐵門瓦寄陽和後堡與得勝殺胡新平皆緊隘也鎮川堡尤急矣東即陽和東北直接張家口西即免毫河殺胡堡過此爲大黃河折而南大同正西平刑老營之北地河流可渡若虜入套而出犯路必由此堡有五營轄地八千里三營在邊以當其衝兩營在內以爲犄角然無重山大河爲之障堡牆卑陷土皆沙礫插住牧造撓鈎挨牌而且筐茶以行奪中國之利耶雖

然二鎮自滿族二將選練堪戰各有二萬人云

揀餉論六

初講款七萬今倍溢額揀每挾賞令王子乘馬直入高索迎風金帛動數萬計張家口二虜舫舫入犯之路也

揀餉論七

京民二運缺宜雲餉以百萬計又多旱荒赤地設法徵求寬嚴互用則可自榆關至居庸長城

揀餉論八

揀餉論九

界限居庸至宣大賴邊牆耳款市以來歲修充爲節省張家口市夷之馬初以疲馬易七金餘猶得數馬予金甲辰佯減半價妄報要求今并其馬不來軍人朋合之苦每一馬給軍喂養歲給僅四月月僅四錢放青之期牧地勢占每每倒死本軍不能償波及同伍則戰馬竭矣又兄戌卒每採鮮哨役搏獸宜大所獨也急令薊鎮兩轄之地分修分防又令某邊援某邊某堡應某堡宜府急北路大同急西路西路乃山西之

垣塘實京師門戶云

海防會哨遠哨射手論

嘉靖四十二年撫臣譚綸總兵戚繼光八閩每寨設船五寨中分二哨屯大洋賊必經之處又千道里適均海洋定爲會哨之地北抵金盤南抵柘林刻船呼應不絕萬曆二十四年復有澎湖之設自額設衛軍足不踰市會哨法廢種種召募徒自煩擾請于四十二灣漁舟厚其餉令遠哨庶不至臨敵忙亂昔年以四十五司四千五百之射手恭布作勢今寨荒官惰化爲勾攝復尋初意隨地皆殺賊之人矣

急救平陽厚備中州議論

撫秦勦晉一時權宜而其禍必中于晉無他順則撫逆則勦秦晉一也亡何澤州大警下大行陷隰州驅洪洞晉禍遂烈平陽一郡數百萬財賦三關兵餉所自出救師不宜後于登萊而太行直下中州殷鑒不遠予過磁州每爲深念云名爲毛兵其實何有河流方決又恐異軍蒼頭

特起憂不在山以西下

無夢園集

卷一

六

屯任法鹽任人

屯冊藏南京後河先取抄呈至戶部一省直巡撫各一而先以可行易行者試之一方業有成則以例其餘先定原額徐酌變通以從前侵占私賣等弊一切赦之仍寬兩年子粒而後諭各行半金半粟之令此謂屯任法霍公韜曰九邊擇廉而才者爲屯田都御史兩淮廉而才者爲塩法都御史俾兩人如左右手攷昔年多以待郎以中丞似宜復舊而其餘改用甲科總之塩臣絕恩說數十萬可解于國如前傳塩院願携十萬監貴州軍足風矣此謂塩任人

無夢園集

卷一

七

京師防禦

今之畿輔卽燕之故地也當時之君非防胡西敵秦東南備齊與趙無日不奔走盟會於中原又捐千金以養死士其民飲酒擊筑蹴鞠馳馬相樂相泣金臺碣石之間利饒粟粟支數年未嘗動稱匱乏也今乃地利如故生齒日繁而蕭條之景實倍於他郡邑焉縣官一月不脩庾或折色焉而穀價湧貴矣貧瘠若此何以示重天下其弊皆起於本土賦役不均防害無策

無夢園集

車二

興利不實也何謂賦役不均輦轂之下土著有商役之累焉凡宮中府中之用一以需之貂璫又逞其血詔焉吏胥又巧其科掊焉故中富之家不歲而鬻男析產者累相若也近郭之縣公侯戚畹之莊田在焉或豪民投獻或憑恃吞漁地歸大族賦則民償故窮簷有無地一隴而賄納及累世者民何繇聊生也何謂防害無策郊邑之害有三曰渾河曰响馬曰馬政渾河古所謂桑乾其改徙固無定矣然因其勢導其

流預爲堤堰以防之禍猶不烈當事者輒漠然

視之及秋濤一作邑井爲波而脩築之費又置

不敢問也响馬成羣公行城市然與其虛言捕

緝何如平居而嚴行保甲之法至於馬政固有

定制矣然馬一落貧民之手倒灰日聞而追賠

之令無日不下又甚者富連阡陌不無漏籍牧

之民者其害也甚矣內郡有司莫若約其丁稅

所出而歸之於官官爲之擇地立羣長以牧之

法關陝監苑之制民困不少蘇乎何謂興利不

無夢園集

車二

實今畿輔之縣無處不有拋荒之田東南一帶諸淀鉤連會于直沽如武清有三角淀寶坻有七里海足以浸灌數千頃今皆棄爲汙池誠師虞集海田之議用脫脫管田之規處處核實處處開墾歲可得粟百萬斛一以省京儲一以歸遊惰賦不必加派而自足矣今者日講興屯足不履其地手不畫一規千言縷縷何裨實用耶所謂弊不去利不興利不興國用感無籍之民饑寒日迫必轉而爲盜漢唐之盜皆起於關

下往者流賊之變亦起於文霸之間若永平保定河間卽漢之扶風馮翊也今皆不宿重兵於此故寇賊縱橫蹂躪毫無顧忌耳誠倣三輔之制置名將礪土著耕屯孳牧於其間東西有事借以爲犄角之勢無事則分巡遠哨晝地而捕歲計所獲多寡一如邊功敘之則聲靈赫然盜不期息而息矣可以衛京師可以爲沿海聲援可以收亡賴爲我用可以警服邊兵驕悍而使之不起將見精神振而氣勢張根本固而肢體健矣

韓二

天生五材民並用之誰能去兵兵者聖人所以討強暴平亂世夷險阻以拯危殆者也故曰有文事者必有武備周立司馬之官因井田以制軍王國六軍大國三軍次國二軍小國一軍以守則固以戰則克有發則征然要不過二三百里之內而已自後世始有調援之役東或于西南或于北然亦未有馳羽檄于五六千里外而致勝者頃奴孽匪茹羽書旁午天下勤王之王之

師悉集京師甘肅兵西北號稱最勁而主者又稱非邊良將旣赴援行且至安定諸軍皆不勝內顧藉口餉薄譁然而返奪金殺將大中丞按轡至蘭乃始安輯其衆斬渠魁四人半率之而東而以其餘西歸然勢已岌岌乎殆矣粵稽祖制師京大約宿軍三十餘萬畿內約二十餘萬盡諸邊之兵不能過此而括諸省之兵不能當此也故宜守則國固戰則國威乃馭之無制稽之無法訓之無方或占役於私家或借工于公府或買閑而輸月錢或隨役而備役使其聽操練者大率其老弱不勝甲冑者也且馬多羸瘠器非犀利欲以折衝禦侮也得乎若得其人整蒐訓練毅然攷軍制一切以軍法從事萬計有警又安所事四方九邊之士乎哉且國家之有真保河間薊永此卽古者三輔之制所稱漁陽燕趙則又古之強兵勁卒在焉今宜於其原衛原營或清補原額或召募新添每二三百里設一遊兵營或一千二千或三千營設一遊

擊中軍千把備焉各爲操練彼此擊應一遇烽警隨即赴援內外固守遠近合攻羽檄不煩而風馳雷驟飛輓不費而士飽馬騰千里之內有百勝之功矣此兵東西應援辛苦倍多人馬餉料似宜加厚則又所以均勞逸而勸忠勤也且良孫保定之間爲京城扼塞若不備守使狡虜一旦得以萬人奪居於此是斷吾南北東西道也即使徵天下兵使盡赴調亦安能從天而下哉今有新營重兵屯駐則近戰遠援惟吾所縱

橫耳

關門布局分防

當以兵二萬馬一萬夾關內外而守之一鎮一道一廳儘足矣南北二部若可廢也似宜改北部分爲北協轄沿山一帶以至關外一片石止又改南部爲南協轄沿河一帶至關外中前所止其守之必夾關內外者何也蓋關城東邊一面延袤二十五里城分四段住城與南北邊城而不通羅城又與住城斷而不通議添木梯

之可乎今以萬餘兵擺城堞猶難遍况攻南邊城而北不能接攻住城而兩邊城不能接攻羅城而住城又不能接故謂夾關內外以守也關外自北沿山三十里至一片石稍北而鐵場堡自南沿海而芝蔴灣及中前所亦三十里實相峙爲關城外護焉若遇賊不能堵截則放之來關以一片石中前所互堯其後爲背擊再以船兵忽從關內放出芝蔴灣與八里鋪合爲腰擊如此賊潰而過西則關矣潰北則山矣潰南則海矣不爲絕地此時預探則砲砲舉賊能久耶顧尤恐三十五里之關城地曠而堯難則再於八里鋪設爲腰接蓋八里鋪稍東自北山三道關起至南海芝蔴灣止比建關地面轉狹僅二十里耳當時有欲於此添一帶土城者是又一城矣安得多兵守之現有建五臺者然臺稀砲不及放止須以一營兵住八里鋪添臺十五座而爲三十臺品字布之可令臺上打砲臺下卽握週迴三四丈深廣之窖亦品字布之夫一

管三千人每二百人掘窖兼築一臺就此窖上而砌之不過月餘可辦自臺窖以外止剩路二條通行走每臺五十人守之空心四面高低打砲止用千人不已愈於關之萬人乎且三千人以一千人守臺五百守八里舖皆爲練兵矣不可以一千五百爲屯乎一兵歲食糧六石人止收其十二石而三千兵之本色不可量省乎且於路之南北每五十丈品字植棗柳二行如此以達片石中前三十里隔絕馬足使必繇此路關宇不益嚴耶猶恐奸細內伏平日可設舖總清之猶恐潰民之忽混則臨時開一片石以放之

前屯之中前旣轄于關則促而前之蓋前鎮原轄中後今可轄及中右而止焉兵一萬七千馬八千儘足矣本鎮兼馬步五千船兵一千兩所兼馬步兵各三千所隸邊堡十餘約四千驛站及衛所千餘然以堡分隸于營管則直隸于鎮斷不必再設干協也道卽關道可兼之加一腰

可也寧遠之中右旣轄于前屯亦促而前之蓋鎮原轄中左今可轄杏山松山而止焉兵二萬馬一萬儘足矣本鎮兼馬步五千覺華島船兵二千中左杏松兼馬步各三千所隸邊堡十餘約六千以有撫夷口應多設防也驛站及衛所千餘亦以堡隸于營管統于鎮更不必再設協也一道一廳可也至松山而爲內地一大門牆矣自此正東而往小大凌河者則爲中衛防焉賊渡三岔河從高平沙嶺至廣寧而壯鎮堡間陽驛十三站雖尚望百里遙固受敵之正冲也自此稍北而往錦州者則爲北冲防焉若較中冲少迂然從瀋陽出黃泥窪渡西繇廣寧邊徑從義州達錦亦最捷也自此稍南而往右屯者則爲南衝防焉其繇杜家屯東至三岔河亦百七十八十里路北凌河不甚異但出海口止二三十里其從二夾溝渡娘娘宮徑襲益耀而固守之是爲扼吭而守金復在其後矣然冰泮而渡則爲絕地胡以濟應水堅而渡則爲共地我憂奔

突前經略閣部皆管積於此非無意也。議者移撫於義州之大康堡者不爲無目。其防凌河也此爲正冲與右屯錦州各止隔三十里犄角互用其妙無窮卽是十三站間陽以及莊鎮就地制用其防右屯也我渡之於冰泮嘗不易彼渡之於冰堅實甚易但就葦莽而設伏就坑塹而設險就曠漫而設疑就冰凌而設陷。謂於此三處決須設三副總爲三協焉然要仍隸三鎮之下以凌河協隸于寧鎮以右屯協隸于前鎮以錦州協隸于關鎮或提衡不使徑於此另設一鎮加一道一廳分則各守合則互用嚴之功令使信地不能踈尺寸策應不能遲啓刻而戰守之機在我矣其凌河協則與馬步兵一萬餘十三站間陽驛壯鎮堡以至廣寧處處布設且練且屯且防焉右屯協則與船兵三千又馬步兵七千東自杜家屯至西寧南沿海處處布設且防焉錦州協亦與馬步兵一萬餘處達寧各邊堡處處布設且練且屯且防焉本鎮

則與馬步六千以爲中權出奇之用統計三冲防止用兵三萬六千合之寧鎮之二萬前鎮之一萬七千關鎮之二萬止用兵九萬三千於十萬之數尚有餘也如此畫地而分布之卽如此畫地而責成之以此爲守是有重重藩籬之守方爲實守以此圖進是有節節後勁之進方可實進

蘭州備禦

蘭州備禦都司二員原爲甘肅鎮統領臨河秦鞏洮岷甘蘭八衛所班軍者也軍大約一萬有奇始設于莊浪等處分派兩班輪流防禦自恢復松疆以來奉文議革免其上班將各軍原舊上半年在倉月糧銀內折半扣解莊涼名曰班銀在彼召募土著充前班軍以備防禦其扣剩班銀並原在地糧石仍給各軍支食以聽差操而二都司駐劄蘭州每歲防秋發防於道屬邊堡冬春放回此項班軍舊不隨營操練迨甲午刀且不知爲何物卽奉調防範亦每視爲故事

疆者在家弱者撥發正身在家替者撥發及至防禦處所亦不過以補工程修水口爲名耳以有用之軍置之無用之地以有額之餉糜之無用之人無裨實事今既已議將甘蘭二衛之軍盡數入蘭營之內又以臨河二衛之軍揀半湊景古之營其餘選剩則臨衛宜歸臨營河衛宜歸河營各隨大營以成操練又再將各衛所州縣原額備禦民兵暨鞏昌見在遊兵盡數查出其二都司既以一員改蘭州參將今仍以二員

無邊關集 車二

二

防禦土尾

加遊擊職銜統秦鞏洮岷四衛所官軍駐鞏昌或秦州克爲遊兵營在彼操練專備調遣應援之用焉以上改用班軍月糧俱准全給其扣解班銀行令河西五道查處抵補馬匹各於所在茶馬內依給如此則官不外設兵不外募捐不外增一轉移間而兵與餉兩有實用矣

河北防禦

自流寇震隣以來大河以南所當密布而設防者無如黃流兩岸大河以北所當扼要而制奇

無邊關集 車二

二

者無如太行一脊查輝北八十里接林縣界古名林慮是也此邑正西鄰山西壺關縣西北鄰山西平順縣西南鄰山西陵川縣賊從陵川來則林之陸嶺小落店二地其賊所出入之境此處宜各布鄉兵晝夜守之賊從平順來則林之斷金橋魯班寨尖湛口三處俱賊所經繇之地此處宜各撥鄉兵晝夜守之賊從壺關來則林之嘴子村花園村二處皆賊所必入之境此處宜撥鄉兵晝夜守之而離縣四十里更有一山

折而北行八十里遙涉縣界涉西鄰山西黎城縣西北接遼州界西南聯和順界相距各數十餘里而黎城頗近皆有高山峻嶺若天塹之限然至匹馬不能飛渡者若西南地名响堂舖離涉二十五里有邊牆一路兩岸夾山峻絕此地設鄉兵守之真以一可以當百矣牆外卽黎城地方行二十里名小山口又有邊牆一路再行五里許兩邊大山中有大邊牆一路關門一座額碣刻中州外翰四字詢之故老云嘉靖二十三年間因北虜入犯時河南撫臣李公諱宗樞疏請燕豫晉三省錢糧而創之者惟河南工費倍多約金錢以數萬計彼時該縣曾設守備宿重兵以守之今承平日久人不知兵爲何物矣但今磁旣宿兵則涉之守備官兵似不必另設也折而西北離涉四十里至鐵脚峪裏夾岸兩大山相對俱有邊牆中河口相距二百步舊有關門近被山水衝塌又行十五里至毛嶺山頂尚有巡簡廳今無官又下坡里許有大

路東西有敵台尚存東南有舊關券門長約里許俱被山水衝壞此皆涉之險要隘口俱當派布鄉兵盤詰防禦倘有狡啓不妨赴磁請兵可朝發而夕至者也則涉可有恃以無恐矣從涉而東北卽武安之內地也武距磁頗近在涉之腹裏故武又視涉爲外藩而涉視武爲內翰矣武安城西抵山九十餘里地名高冠堂四山壁峭高可千仞中有邊牆一路此地以十數人守之賊不能翅而過矣再迤而西有十八盤路更險峻亦係要口再折而西北去縣三百餘里有摩天嶺路近北直順德沙河地方山愈峻絕俱與遼州接壤以上皆係武安衝口似當設兵防守第山中枯無人烟棲止恐官兵到彼無處安身得一適中之地名陽邑鎮爲該縣三路要區居民千有餘家此處團練鄉兵百餘人可以照管三路再同固鎮巡簡弓兵相爲呼應則武安可保無虞矣此守輝北一帶信地之布置也

瑞金縣備禦紀事

辛未二月二十二日巳時流賊數千從長汀賴坑小路突至瑞金縣南門岡札營關旗放銃焚屋攻圍城池汀州府昌羊角營援兵不及至王學博魁春署邑事激諭鄉田排門兵埋伏廿五日辰時與賊交鋒多設疑兵生擒三十餘名斬首四十餘顆賊營盡行焚燬奪馬銃鎗刀鑼鼓旗鉞硝磺鉛彈禽書圖書等項奔潰福建古城地方奉有以署職能鼓勵兵民多所擒斬雅與

無夢園集 車二

記錄之 旨夫一教官尚能禦賊及是時各

屬備何至壬申之流毒也

金陵防禦

金陵設立教場大小管神機管巡邏巡營新江口營邇因關白之亂添設陸兵水兵管又以妖變添立標營京營兵舊十萬有餘後乃日腹月削今大教場見存兵止六千三百有奇小教場九千一百有奇神機二千五百有奇巡邏巡三千六百有奇新江口五千八百有奇總之不盈三萬內則徒手寄操居十之三老稚疲癯居十之九所恃者止陸營之一千八百水營之

無夢園集 車二

五

一千七百標營之一千三百餘人而邇亦非其舊矣且逃亡住糧詞訟作缺避勞就逸隨時掣去有缺無補一去不復數年之後寧復有兵江非門戶浦口營兵二千池河三千名在實以萬曆十一年兵部於每管題補至一萬一千三十五年題 推選壯丁以充缺伍而當行不行耗而益耗者又五年查出十一年舊額將五十餘衛軍不論正餘盡數挑選少年膂力壯健心神朴茂精彩煥發者儘作營兵最上為選鋒次即

爲常伍有餘則補作駕船守門諸役于各管內
汰出懦弱矮小力差弱年未衰者充夫小衙門
官府跟隨導衛之用法行自土始舊有仗財管
窟投托隱占者助功卿第各自清查但係衛軍
送還本兵一體審發用此法選補于大小教場
各宜補足一萬一千神機合巡邏遊巡亦然新
江口總不能復舊額一萬七千之數亦宜選足
一萬二千五百人浦口池河亦先選各五千連
絡犄角聲勢相援至于

無夢園集

車二

上

孝陵原額三千今亦宜千本衛軍餘挑選足
千寄操諸軍此空勢應撤回彼空自爲簡補
祖陵何地每管仍預取壯丁二百名爲聽補軍
遇有事故兩管按籍取補無煩拮据擇外衛內
策無踰此

祖宗執府衛爲兵戰則領符散則歸衛者爲子
孫練兵之良法也卽月米爲餉正軍一石餘正
六斗者爲子孫省餉之良法也卽各營精兵六
萬六管水管亦各補足二千則彼此協力合城

一體新江口船舊四百有奇今存者百十隻耳
風雨朽壞薄板稀釘竟難衝浪水營兵船多不
滿百貪弁染指柳質易腐近更修飭載兵無幾
篙師舵工手疎目炫膠舟可虞合無以造船職
掌總屬兵曹專督歲修更有宜議復設者諸營
外列江口最要

無夢園集

車二

六

成祖屯重兵江上以文武重臣統率之舊例官
軍住宿早晚點開陞步難離今厭薄險遠如禦
魑魅官棄伍而家居卒捨舟而城處纜舟漂泊
寂無人知詰其所以則江岸傾離營場圯壞將
臺軍壘湫淋瀉湍重鎮軍機廢弛至五六年矣
嘉靖年間兵部因事預防有四面營盤選鋒伏
場之建南如石子崗東如土山西如望江樓北
如仙鶴觀麒麟鋪東山寺等處墩臺疊疊一以
控扼地形一以埋伏人馬承平日久或土民侵
占或荒蕪積草今西尚有而東南北三面曠然
失陷舊趾可尋可不亟行查復整立守望春秋
閱視播威武以攝不軌之民乎新江口抵江浦

驛三十里程耳近開新河相望頗近一輩可渡
宜有重險以限長流孰若新江口船額告復其
舊分支船以衛浦口東西兩岸對守戒嚴賊從
水則夾擊之便從陸則摧遏之易乎

嘉靖中倭亂招集義烏江陰靖江崇明人爲兵
費用甚多却專在畱都作賊吳悟齋目擊其事
盡汰遣之昨壬辰倭侵朝鮮於中國未有一矢
相加遺也而本兵與操江四出招募羣不逞之
徒麇至戊戌北部調二千人往戍旅順矣復招

無夢園集

車二

七

集以補之旅順兵還又增一倍此時工部造房
屋承甲戶兵二部給糧餉糜費不貲地方何嘗
得分毫之力今羣聚城外夜則羣至人家劫其
財物亂其婦女居民盡移入城中然羣盜亦隨
以至矣

倪文毅公嘗疏乞復漕運以足兵食而紓民力
略曰今關陝所需皆山西河南所給而二方之
地俱近黃河其間雖有三門析津龍門之險然
昔漢唐糧餉繇此而通卽今鹽舡木筏往來無

滯今令戶部所計山西米豆必運貯榆林及保

德州縣諸倉河南米豆必運貯潼關衛及陝州

諸倉其諸州衛地皆瀕河可通舟楫踵往古故

跡而行免當今陸運之害公私之利奚啻萬萬

况今河道當潼關之北數十里接連渭河可通

陝西及鳳翔鞏昌渭河西流數千里接連洛河

可通延安及北上源可通邊堡渭河西流三百

餘里接連涇河可通涇陽河可通慶陽又龍關

之上舊有小河徑通延綏備加修濬必可行舟

無夢園集

車二

七

此宜相度地形按求古跡某處避險可以陸運
某處可以立倉倒運某處可以造船裝運如是
則不但三方之困可紓雖四方之物無不可致
矣

澹泉鄭公云南都水軍勝于陸卒營馬壯于江
舟此論非也顧整頓何如爾

國初起運船皆造于南京龍江關提舉司永樂
年間省直糧米運淮派撥軍船因改建清江廠
于淮安宣德間各省糧俱改本地交兌船亦撤

無夢園集

車二

三

回團造惟南京軍船不過江止寄泊瓜儀二壩江南糧米仍民船裝至壩交卸故船仍在淮成造至萬曆元年改瓜州壩爲通江關南京軍船徑過江直抵水次領兌漕運都御史王廷瞻題請工部覆議遂將南京各衛運船復歸龍江廠脩造緣各衛軍住南京費出南部木繇南關抽分以便就便故費省而船固二十八年淮廠匠作鑽謀運總條議改歸清江廠木價既多且匠作不堅板薄釘稀不久輒壞兼以軍士守候經

年運官監督不便而空舡回塢看護尤難南科

祝世祿隨疏其苦下部未覆邇年丁甲疲累日

甚萬曆四十三年南大司馬黃鍾梅公乃上疏

請復歸龍江廠聽南工部自造此誠甦軍救運

之急務乃

命下未覆

萬曆四十三年武選郎王宇議將各衛船甲酌量下力通勻增減以救之蓋諸衛運船不齊有踰百六十隻者有少不及二十隻者向原隨丁力而派日後人戶消長衛事變更昔繁今簡者

無夢園集

車二

三

雖增之不病其厲昔殷今乏者非減之莫甦其困矣况增者僅數隻而減者聞至數十隻酌盈濟虛實急救運困第一議南京起運漕船南京之險唯在長江夫倭寇入海抵龍江關但四五百里設中原有警從襄樊順流而下直擣建康或自淮揚而來只一水之隔使守在江上猶有險可據若已渡江奄至城下則我已失其險而朝廷所設重兵十萬之衆如鼠在穴中坐而待斃耳今江上之守獨操江有少兵亦甚單弱南京兵部略不予與而宿重兵于無用之地甚非長算或云操江都御史當開府于儀真督率江儀真等衛兵專一校閱水戰南京于京營中抽選一萬餘人給以行糧以兵部一侍郎領之亦在江上教習水戰苟一時有事彼此策應則長江之守庶幾如常山之蛇首尾相救而根本之地始爲有恃矣料中建白後下南京大小九卿議報有阻之者其議遂寢用兵先得地利耀南京倉米者買軍家籌到倉會支初至時每

支米一石量出一斗米皆精好至丙辰年止數
正數後漸減少一石只九斗四五升矣而糴穀
幾半遂啓庚申之變繼此呂沃洲爲總督知其
故遂較勘斗斛時時至倉巡視各管倉主政初
皆遵守約束收米皆不苟

倉米減少

太祖順流自采石取金陵

成祖逆流自儀真入金陵長江險矣而江防爲
要宋人之言曰屯兵據要雖在于江南而挫敵
取勝多在于江北

江防

乙卯年倭從浙江嚴衢過饒州歷徽州寧國太
平而至南京纔七十二人耳南京兵與之相對
兩陣殺二把總指揮兵士死者八九百此七十
二人不折一人而去南京十三門緊閉傾城百
姓皆點上城堂上與各屬分守各門雖賊退不
敢解嚴夫京城守備不可謂不密平日諸勲貴
騎從呵擁交馳于道軍卒月請糧八萬正爲有
事備耳今以七十二暴客扣門卽張皇如此寧
不爲朝廷辱耶倭既殺敗官兵卽日宿于板

橋一農家七十二人皆酣飲沉睡此時若有探
細人偵知其實當夜遣一知事將官潛提三四
百人而往可以掩殺

無夢園集

卷二

卷二

楚吳防禦

楚故有僞漢餘孽今變爲戈陳二姓家世興國大治蕃衍實甚而好勇倔強不服國法尤其本性近雖有緝捕府之設而尤難制馭彼其人共一族則其心同居聯二省則其地利設爲不然之慮則首禍興斬次及江鄂伸足向吳會旁及豫章此順流之勢也法當于興斬之間請置遊擊官一員宿精兵教練使彼掣肘畏望而又勅有司撫馭得宜則自不敢爲難首也

無夢園集

車二

三

試觀楚邊辰沅鎮筸流賊蜂起時而遊劫四郡則曰鉅盜時而潛入苗巢則曰內逆南過桂竹而羅鬼椎結爲之輔車西至夜郎而焚醜雕題爲之唇齒憑恃叢箐驅使諸苗下而洞庭則九江一帶五谿雜處更便於狂逞憑嘯飄忽風濤頃刻千里卽岳陽守備鹿角巡司然一隅之防豈遠馭之略也又下而金陵每恃長江爲天塹往者嘉靖壬子乙卯間捷如風雨暴如雷霆波濤荻草反爲盜區矣安所畏江矧徐邳以南皆

咽喉之地中州以北又交錯之方每見此間響馬猖狂鳴雞夜發設使遠通寇近通盜連橫約結斬木揭竿則今之荻港錢家山三山夾等處皆可依爲穴禦江則趨陸禦陸則趨江萬一直指留京患可勝言哉故采石必設沿江之屯則金陵之門戶可固馬家渡永河等必添防戍之卒則金陵之肢節可寧

無夢園集

車二

一

楚地廣人多素稱澤國田瘠賦重加以衛所單弱急宜擇清廉縣令悉心撫字清查衛兵挑選訓練至若蘄黃之間與戈陳接壤不時盜發猶爲地方之憂今宜勅各郡於凡鄉村之中戶編壯丁每村離五六里總路處建一高樓上置大鼓一家有事則鳴鼓本村壯丁各執器械救護一樓鼓鳴則各樓皆應各村壯丁皆持刀于各路守把

揚州防禦

揚州古維揚地也其地南拱留京北以長淮爲委流迤西有上下二江抵鳳泗寢陵在焉直

浙寇新防議一

邊海自廣闊漸迄遼一萬四千里之遙盜賊多起於閩中彼地窄民稠以海爲田凡商於海者屢被漁船劫掠亦不必專在於盜故漁船可用也不可恃也今敵亦用之矣且閩多通倭之船或有遭風失利卽帶賊倭幾人帶倭衣倭器回至海洋卽奪漁船取漁船人爲當分一二人管一船始不過十餘船在海洋行劫不敢登岸肆毒漸而奸民附之者衆其勢遂張尚多不過滿

無夢園集

卷二

七

百其大船止烏尾船釣船小則水底艗船耳官船則有大冬船大福船大烏船俱可勝之賊尚不能得志於我至崇禎元年周三老李魁奇鄭芝龍等有大船動以百計及芝龍撫而周三老李魁奇皆就殲滅壬申七月劉香老具有廣東極大之船每船紅夷大銃十餘枚大小船三百餘號總之沿海隨地設守湯信國建置衛所城池戍卒水陸爲防計至周也嗣後軍弱備單益以民兵戰艦夫亦兵守於外而海軍尚與之

浙寇新防議二

也近時海邊競習於文多青衿家包蔽冒食軍糧而荷戈者非雇替卽殘弱虛名無實遂成疲敵且欲盡將出海之軍更立團練於陸而水備益單查星署備蓄之糧盡或不司輕議重議

無夢園集

卷二

七

寧區惟昌關爲首衝之險南與台區隔數百里之洋北與定海隔數百里之洋止以千餘兵外遇海寇之流突內護象山縣之生靈頻年多亂今議洋遊兵千餘協守再議建敵臺設伏銃險要庶可保一隅耳

寧區舟山獨懸海上相近普陀與定海一潮之隔設叅將居此以爲寧波府之外藩其山極大而有七十貳畧恐大盜思據爲巢穴此不可不加意深防也

紀遼海運米五議

一疏海口以避風濤海颶掀天運艘必須收套奈海口一帶礁石頗多獨娘娘宮以東小聖廟以西有一套可以泊船二三百號離倉一箭而近但前有淤沙稍爲之阻向設沙兵一百八十名原供決沙之用今因各衙門供役僅存三十餘名祇足倉內雜用能望其濬淤沙以疏海口哉謂宜復歸原伍令沙兵千總督率朝夕專疏海口則運艘得以進套而不苦於風濤矣

無夢園集

車三

二補版倉以貯糧料海口版倉止有東西南三面共二十七間北面竟缺未建糧料多貯於露囤雨水不時地氣上發往往泥爛况前高後空亦地輿之所忌合無於北面補建一層以便貯收則所收之糧粒米有實用矣

一增剝船以救淺閣運艘收洋尚未泊岸常病淺閣向原有剝船二十隻以濟其窮今海口止有朽爛剝船三四隻其何能濟謂宜修舊增新預備小船二十隻接濟剝運庶無淺閣之患矣

一別陸運以便稽查向來陸運料豆原貯南倉自太府取其自便移貯海口不惟車輛增幾許往返而海陸混淆莫可稽查謂宜今後陸運料豆仍貯南倉而海口止收海運則民省搬運之遠兵樂支給之便矣

一因礁石以議運船天津派撥運艘原無成心派山海則山海派寧遠則寧遠但此中地利迥別在寧遠則一望沙漠大船或堪泊岸在山海則逼近山嘴礁石參差水底觸之幾無完舟合

無夢園集

車三

二

無以後天津派船擇其小者約容四五百石撥派山海夫舟輕則入水不深庶免於礁石傷舟之患矣

紀遼海運道

遼陽至蓋套約二百五十里連雲島稍近二十里北汎口約四百五十里三俱牛約六百二十里旅順口約七百四十里此遠近之大較也蓋套連雲島途路坦平可以徑用車運北汎口三俱牛旅順諸處峻嶺深澗崎嶇難行止有水剝方抵蓋套此水路之大較也北汎口剝運至蓋套每石約費銀三分旅順則費五分三俱牛則費一錢二分此難易之大較也登萊糧船自皇

無夢園集

車三

三

城島開帆一篷順風徑達蓋套若三俱牛旅順口盤剝先向西南行至鐵山然後轉東北而鐵山嘴一處最險倘風不便利又回入皇城島此險夷之大較也又查旅順諸處兵船民船堪任剝載者不過四十二隻近報傷壞又居什之二三卽日夜銜尾而行能運幾何如大船竟達所省良多也便一金復小船盤剝官兵疲於奔命應接不暇究竟無裨海蓋分毫若金復不行奈卸則以其全力幫海蓋陸輓而海蓋受益矣便

二旅順去海蓋五六百里本道遙制猶曰長鞭馬腹惟定於蓋套則儲精保無疎虞便三緣事關軍務未可草率

旅順三面大海而四山環峙一口通舟實出天設乃從古之運道也三俱牛距金州城僅十餘里商船貿易極稱省利如往歲登萊告稜泊此市糧乃一時之便道也北汎口去蓋套止爭半帆蓋套去連雲島不過一望諸島相連可行可泊乃近議之運道也相厥地勢蓋套坦夷寬濶

無夢園集

車三

四

既便通舟尤便起陸可以不再計第兵者糧之衛也當茲徵調未集遽議重兵或難卒辦量增陸兵一枝添設遊擊一員無事駐防蓋州以護糧儲兼遙鎮岫巖諸處有事則移之海州以爲遼城聲援成犄角之勢矣再設水兵一枝分防三岔河及旅順一帶以一將統之不獨浮梁隘要守險有人且大洋哨聚之盜有所凜畏不敢雄行異日勦奴之舉從鴨綠沂流而上出其不意亦一奇也

紀海運

勝國時朱清張瑄輩所明海道有三其在至元三十一年者命長興羅璧造平底船自太倉出海轉北經通州黃連沙頭沿山澳行月餘至淮河口過之罍山膠山牢山轉成山而行過劉公島沙門島約兩月餘抵直沽至二十九年復與長興李福四又開一道自楊子江開洋落潮東北行離長灘至白水綠水黑水大洋望延真島轉成山而行入沙門島開萊州大洋共月餘抵

無夢園集

車三

五

直沽三十年千戶殷明畧又開一道自劉家河出海過崇明三沙放洋向東行入黑水大洋徑取成山轉西過劉公島至登州沙門島過萊州大洋入直沽不過半月夫此三道雖有遲速之分然計其里程約有一萬四千里經歷許多險惡守候許多日子蛟龍虬蜃之變現精妖怪魅之狎侮扶搖羊角之風吞天浴日之浪長亘百里之海鰕四面旋繞之颶母然終元之世則有利而無害元史食貨志以海運爲一代良法

丘文莊公亦云作元史者皆國初史臣必習見海運之利故筆之於史如此蓋

太祖都金陵則海運可以緩行

成祖遷北平則海運必不可廢故也若戰道則或自登萊或自天津風順一帆可倒卽今軍門塘報商賈販鬻日夜往來不絕豈比海運自太倉揚子江開洋之艱難哉或曰元世祖命文虎將舟師十萬伐日本而盡葬魚腹此亦不可不慮曰此因信砲太早驚起蜃龍之故非海能溺人人自溺耳故今之下海皆于五六十所而竿猫不敢用鐵亦懼有龍變也

無夢園集

車三

六

紀海運用船

通年以來津庫告匱補造久停總計運艘僅存五百有奇不當天啓元年之半舳艫缺乏飛輓難繼莫有甚於今日者查閩鮮三餉共該米豆一百五十餘就餉計船約需千號方可克濟航海之用而見在船隻寥寥若此議者非曰造補卽曰召募第造之於官則官帑如洗造之於民

則民力已竭募之于北則巨艦有限募之于南則越在還方查天津海運之餉皆截湖廣江西之漕糧又查湖廣漕船一隻官價銀九十三兩江西八十三兩每運行坐月糧銀七十五兩每船裝正米五百石耗米六十七石五斗運至天津止交米三百三十石且三年一修五年改造約用 朝廷三百餘金而僅得米三百餘石及交卸回空苦關津之阻滯畏守凍之艱難反以贅耽視之往往售之民間以供燎爨之具而津

無夢園集 車三

門不得其片板寸釘之力切照楠木杉桑油麻釘箸悉產湖廣其價極廉合無召募慣海南人之殷實者帶領匠作前往荆襄地方即將漕運船價耗米之費買料鳩工打造海船二三百號裝運漕米直抵天津徑運關鮮等處交卸回空之日其船即留天津以供轉輸來年仍往彼處打造裝運照例留用則津門之船源源不絕陳陳相因不惟以漕運之費濟海運之乏而且以海運之力代漕運之勞信能舉行兼有十利查

補造運船一隻例給官價銀二百四十兩造及百號該銀二萬四千兩若如所議則前項銀兩皆可節省利一一年省銀二萬四千兩十年可省二十四萬利二損一船補造一船請價給價累月經年尚難就緒若如所議則前船未損後船踵至循環不絕絡繹無休利三運船損失多在秋高風勁之候向苦船少糧多故遭此患苦如所議則緣鱗鱗集春夏即可運完保全百千之糧餉利四北地物料湧貴承造無力每每潦

無夢園集 車三

草塞責以致船糧損壞若湖廣打造較之天津一價可買三倍料作既富船隻必堅藉以衝風當颶可保無虞利五報糧一石遠近不等用價六七八錢湖廣糧料每銀一兩可買三石有餘若多造百船兼裝五六萬石每年即可省銀五六萬兩利六漕船挨幫牽挽關津羈遲每至八九月方抵天津二時海運不足勢必召買接濟若造海船則另設官旗隨裝隨發邊餉不致愆期利七津門建造雖曰就近然那惜金錢查派

富戶議論三年竟同築舍若將漕船改建則錢糧額設無埃另處人情樂趨刻期可就地雖遠而功實近名雖緩而濟實速利八南人乘舟北人駕馬技各有長若往湖廣打造則舵工水手俱用南人破浪乘風如履平陸便於撐駕利九改漕船爲海船萬一內河有梗可繇成山而直抵京師利十然不特利于海運也利于漕運者更有五漕船板薄釘稀經關過閘內河亦多傷損若改造海船則工料堅緻可免船糧飄失之

無夢園集 車三 九

患利漕一漕船旗甲皆係貧軍掛欠逃亡致累衛官賠補若海船裝運則交卸虧折照例扣其脚價可杜追賠波及之害利漕二燕楚相距幾及萬里漕船往返難于上天若海船徑運關鮮則原裝原卸既有一勞永逸之安而運過卽留且免回空跋涉之苦利漕三漕運耗米俱屬浪費若海船裝運則所載米豆照數交納顆粒不致破耗利漕四漕船官價運過化爲烏有若改造海船則所用料價銀兩照例

悉歸實用利漕五或謂漕船官價九十三兩豈能建造海船今查漕船名雖裝運六百石止交正米三百有餘而海船力勝千料之外是一船而裝三船之餉也若以三漕船之價備一海船之用便可得銀二百八十六兩比之天津補造之例寬然有餘而料作之便易又無論矣又謂南船裝載漕米自淮至津每石例給脚價銀二錢四分若從湖廣至淮又豈無水脚之費乎今查漕船一隻原有行坐月糧銀七十五兩若以

無夢園集 車三 十

三漕船之糧餉抵一海船之脚價便可得銀三百二十五兩而耗米之在外又無論矣又謂一年打造二三百號三年便集千艘積久愈多將何用乎今查登萊山海等處兵船梁頭七八尺者每年給稅銀一百二十兩歲費帑金數十萬若海船漸多不妨分派各信防守以省無窮之糜費而且以備他日三方進剿之需此復遼之二大機括也至於事平可以變價還官又無論矣

金陵理餉

金陵官軍不及數萬所需諸倉月糧以爲生耳
今錦衣旗手等倉所餘不足以支一月而老庫
銀不過萬金其外輸渺然也甚至倉屋俱盡耗
棘爲場瓦礫不存馬牛作圉前此世職譁起矣
廼必不得已而留北運以濟南窮北運一石抵
南糧十石南糧十石不足以致北運一石也養
官軍一年費官需幾許始得米粟入載出江而
廼從權以留之留之以濟噬臍之變似矣而胡
不更請等需索至每船使費數千金以至旗甲
載謀殊不知諸甲因運糧以資生非有資而樂
運糧也除漕糧外更有何物可以爲使費要去
無粒卽虧漕糧一粒官旗費糜於彼卽來取償
於此如是而欲餉之足何可得也再則軍之撤
而兵之驕矣軍則大小神巡江標等營兵則水
陸遊兵奇兵太平等營數其人儼若貔貅詢其
實皆如土梗最可哂者大小諸營之防守因防
守一事每軍添月餉六斗鹽菜二錢防守之始

固善也晝則習藝夜則俟警而今則晝聚而
博未夜則嬉散而亡歸徒糜餉何謂也各軍離
家夜出乘業居營原出不忍仍其舊而省多餉
便計也水陸之兵原以備倭待敵也初之招募
非義烏人不入伍而今則強半土人屋閭室家
子孫世守日醉心於厚餉而橫目於跋扈銷之
不可銷汰之難遽汰徒爲養癰何謂也急宜調
之浙正有事方需招募今以浙歸浙用便計也
留都稽餉有三可問黃馬快船設之爲御用
以待差遣者也其船水夫皆因祖軍之名而食
糧於平昔庸詎知祖軍流浪生死盡爲子虛而
廼以月糧歸之豪右猾胥矣出水之日自有行
糧腳價水手等銀足以僱人而平時何用此金
錢以飽胃濫若輩耶此當問之江淮三衛者一
鐘鼓二樓日夜有軍以司漏下玉壺也每日官
軍輪次而今寂無人矣鐘鼓不靈司昏何在而
廼以軍需衆無影之夫耶此當問之旗手衛者
三 皇城各門侍衛軍日入以守之每夜宿衛

者果皆其人乎卽僱覓以代替已無法矣况以
 二影十者更多乎衛誠包攬無其人而有其名
 衙門影占食其餉而問其役侍衛何事假以叢
 奸此當問之羽林府軍等衙者三此三者清餉
 當不下數萬何憚而不爲也若夫各衛所之錢
 糧有屯田也蘆課也馬政也地租也草場也貧
 軍拋荒者十之三貪弁花費者十之五反以催
 科之督過查剝之頻仍而虧耗者十之七何也
 欠糧五百監追矣倏而監倏而縱欠糧三百者
 撫責矣倏責而倏不責一事而兩其罰誰爲之
 上下其手者非有大破費何以得此就知夫爲
 國課行罰遂有費國課爲弭縫者也孰知夫因
 國課查卷遂有耗國課完卷者也
 以餉之厚薄定隊之前後誰肯不前以餉之增
 減定士之勇怯誰肯不勇以十萬之餉養五萬
 之兵以三年之費爲一朝之用可矣
 新兵未到新兵之增餉何存舊衛已沒舊餉之
 額設安在

東南漕

夫東南漕輓之敝敝於漂流守凍其小者也而
 敝於運官之匪才以致漂流守凍則其大者也
 南京之衛五十一而安逸無運者有上直諸衛
 此上直諸衛任則臚事則簡地則逸故謂之上
 缺有運諸衛事皆繁而任頗勞故謂之中缺每
 年考選恒以官之有才者補上缺而以中才者
 授中缺是有才者反得簡逸而中才者反膺盤
 錯豈不任與才左敷誠使以有才者領漕運則
 其自愛之念重必於修船無冒破矣船既堅固
 安得漂流乎其急公之心勤必於過淮無濡滯
 矣開行既早安得守凍乎咨行南部如龍江左
 右衛廣洋水軍左龍虎等風稱疲繁之衛預於
 先三年專委上直諸衛見任掌印官料理次年
 出運諸務刻期令其赴兌刻期令其過淮運事
 有不霍然振起者愚不信矣第此諸衛印官久
 享安撫關鍵最熟一遇僉運勢必乞靈錢神而
 逃脫規避無所不至律例云規避漕運者與臨

陣脫逃同罪

漕運積滯議

夫船回卽修刻期而兌刻期而前卽漕河有阻
剝船接運不過半年卽可完事今回空之船無
不滿載棗梨之類在彼置貨在此脫貨或自販
或攬商勢必延遲修驗過期及交兌之時上無
期限下無催督恣其勒贖乾折延挨日月以便
置貨滿載而往復滿載而還是以運糧而兼商
販也萬曆初年亦以凍阻稽遲之故准示板榜
通行刻日交兌日註行程所到地方不許停泊
越宿不行者隨處地方卽斷其纜姑容不督者
所在地方官民叅罰所以積弛之船一年振頓
而卽如舊轉運今不加罰加督而長其情以民
代之運愈不前矣

今三吳歲供折銀之內有金布絲絹之額是布
縷之征也軍運民運米折麥折兵餉邊餉等項
是粟米之征也北運南運京庫京磚王府輕齎
役扛均徭諸項編入條銀又編點解戶五年一

輪者今皆三年一輪是倍加力役之征也用三
而離素稱民困議者尚當置實恤民力司而復
加贈代運加額增役大戶力竭于供輸何以資
小民之耕耨農時盡費于輓載何以望秋成之
獲畬土地荒蕪人民離散不特一年之害一方
之苦也

一面具題奏請必復舊制一面照舊催償回空
水次交兌卽有凍阻修驗尚是十分之三其
間可以轉運者必居過半嚴令償前船大者分

無夢園集

卷三

頭帶運先兌民戶其官大戶自貯者派兌後幫
阻者自阻行者自行先兌先行後兌後至增押
運之官分頭而進其兌遲到遲者乃于淮上貯
倉轉般一面小船接運一面大船趕回早兌蓋
淮以下之水路寬大則大船無阻而易行而淮
以上之水路淺狹則小船接運易通此南北大
小之便也其向來各衛所缺額運船諭令作速
修造補缺以充次年接運其或船阻不下破壞
全修者次年并運蓋運船向來素多乾折未嘗

滿載則并運可議也若或軍糧可折亦可議改折幾分以足本年之數目下則設法備催來年則預計早運乃可無悞然法令不一軍民無可適從觀望失時將不獨悞一年之運矣

一輕費銀原爲漕兌之折耗卽直與運官亦甚直截但古制必解淮而後給與運官者必有不可早給之故也近有言有司交與運官帶往淮上甚善

一解戶之賠累皆光棍包解與運官交通侵盜之故而淮書與淮上歌家又多索使費此當今所最苦者

一在首擇運官官有體面殷實者彼思自保身家一在擇運軍之殷實者彼亦有身家之念一在查衛船之遠近以定水次毋使其管幹揀擇紆迴道途

一在查今歲船到之早晚分明年水次之遠近一在查衛船之遲速爲截留之定額一在查起剥之時欠米若干運軍補足毋使之逃去獨累

運官其過堤原數車戶交足屯頭如少米屯頭承認

漕運積弊議

國初漕河之外別開海運循咽之有雙穴然余既隻矣而又哽焉太倉無隔歲之儲京邊有待哺之急不幸而會通一線早魃爲虐豈能激西江乎徐充之間綠林嘯聚實繁有徒萬一復爲蓮妖所隔絕羽林伏飛兒立槁矣卽不然而漕艘之凍阻爲常運軍之骨髓已竭可不爲寒心哉傳曰琴瑟不調必解而更張乃可鼓也今譬運爲瑟豈特不調絃殆將絕而更張不議徒督促回空嚴治通於謂足療救實竊憂之亦知漕困之深與所自起乎漕之困一曰天西北氣亢三春多風長夏始雨故漕艘之入也春夏之交南薰可乘而風水不足以載夏秋之交兩涘方滿而西風又不利於行徘徊濡滯人力無如之何此漕之困於天者也一曰地黃河湍急之處名曰溜頭逆流而上每舟必百餘人挽之謂之扯溜漕卒舟僅乘數人扯溜皆沿河貧民入索米一升方肯羣集水大或索至二三倍計扯一溜

費米數石皆所載之糧也今駱馬湖開河道雖近然溜頭尚不下十餘處處處用糧糧安得不欠此漕之困於地者也一曰法法諸生免役三人武舉監生吏員承差皆免其身民間戶口繁多優免不覺也軍伍耗亡一衛之戶多者不滿三千少者僅足千餘其間殷富又不過什一耳殷富者誰不能爲監生吏承以自免卽諸生武舉近亦可以賄得故上中戶盡得解脫而惟中下戶乃受役管船家產既輕作奸不憚始卽畏法而賄累難恐侵蠹遂生是以十年來無不欠糧之旗甲矣此漕之困於法者也一曰有司欠糧在於旗甲而賄補責於指揮指揮獨賄於京而旗甲衆償於家法也亦情也乃有司漫不追比衛官自比稍嚴羣起告訐故指揮之京債終不得完而旗甲之侵糧益復無忌於是掛欠愈多借賄無路指揮以押運爲死差旗甲視本官爲鬼朴一題參雖厲掛欠轉深此漕之困於官者也一曰科索漕事之官曰千百戶指揮曰把

總參將總兵曰督糧漕儲道曰監兌驗糧管倉部屬曰巡漕巡倉御史曰總漕總倉部院文武大小雖各不同而衙役吏胥之囊皆潤於漕其領水脚也有費其領修造也有費其領纏纜輕齎也有費其坐派水次也有費其過堂派幫也有費其飄流酒派也有費其截留通德遼糧也有費其絲聞過壩也有費其派給剝船也有費其坐厥撥車簸揚淋尖也有費千百戶指揮之鹽菜餽送把總之心紅紙劄執事刑具關津之筦驗各上司差役之過幫皆有贊貧者賣糧以應賣多糧欠富者傾囊以應囊盡糧亦欠此漕之困於科索者也一曰奸民水次倉廩豈盡鄉宦之糧宦糧上倉豈盡雜糶之米無奈奸猾糧長買囑生事家人將倉廩盡指爲宦糧將糠粃雜混於糧內勢勒旗軍不容不允有司不察動稱擾民各軍兌去中塗汜爛與上倉簸揚往往什損二三總皆歸於掛欠此漕之困於奸民者也一曰自困漕卒之餉先經建議止以什三給

旗軍扣留什七於衛官之手以防欠糧賠補其欠者固無辭矣其不欠者應全給卹欠不足數者亦應找給而近來衛官竟一概不給使應給者代爲欠多者補令多欠者徐爲應給者償者見錢償者烏有人懷不平於是船船預先將米食用如其扣留銀數而止曰吾不爲他人墊脚也始則窮旗甲欠既則富旗甲亦欠然則扣留之銀衛官不無那移比及人人皆欠無可展轉衛官亦自欠矣此漕之困於運官自困者也運船裝糧各省不同然極多者不過七百石少者僅四百石安用大船旗軍之入也希圖載貨出也指望攬差故類作雙捲官座望如木山行動極難淺閣極易濡滯漏損且如此太船計路三千里魚鱗而泊僅容三十隻漕舟萬計自首至尾卽不間斷已差三四百里矣後船之入既阻於前船前船之回又阻於後船前後相妨致官糧滯而私費滋此漕之困於運軍自困者也除漕之困有不必責法而但當責人者三一曰遺

監兌以制奸民監兌之設專以稽查米色美惡
斗斛足欠必親臨水次方得真切而勢有所不
能則請設一印信號票給與應兌官軍各赴派
定水次公同驗米較斛米堪斛准竟自兌支而
填米堪斛准四字於單繳報存案至京有差責
在官軍其不堪不准者即填不堪不准字樣於
單飛報監兌親臨按視責換責加有司偏護勢
豪把持登時奏聞徇情面而抑官軍許官軍
赴巡漕巡倉御史衙門申訴責在監兌如此而

無夢園集

車三

三

奸民之困漕者可除矣一曰責糧道以飭有司
糧道奉專敕而理漕凡漕之弊皆當清之不
特一督促已也官軍郡邑皆其所轄豈可坐視
有司怠緩運官賠累今後各衛欠糧除照例
留衛官外仍令將本衛拖欠各軍姓名石數開
送巡倉衙門題行各該糧道嚴行附近州縣追
比償還假如元年者務於二年內報完本道不
時提比參治必須本軍真正貧窘家產淨絕
准註銷如或徇情寬縱慢不經心許賠過衛官

揭奏責在糧道如此而有司之困漕者可除
矣一曰責各官以清科索蓋支領之費弊在放
給之無期派撥之費弊在分派之不一交納之
費弊在收納之不均千百戶指揮等官之費弊
在考察之不核今誠責放給者以定期貢分派
者以定法責收納者以定數責考察者以定評
而又責權關者毋上一而下十責司漕者毋借
翼而長奸如此而科索之困漕者可除矣有當
責人而亦當責法者二一曰優免之法宜慎也

無夢園集

車三

三

監生吏承之納不能禁而當禁正軍之納以存
戶口之數生員武舉之免不可議而當議賄得
之路以留富戶之役衛掌印官悉力清查風勵
糧道力主持而漕不困於法矣二曰扣存之
害宜慎也把總與指揮雖均為武官然把總
欽依而指揮世襲且指揮任賠糧故利於槩扣
把總則否指揮欠糧留京故不畏物議把總則
否如將扣存艘卒工食歸之把總聽其找給惟
將應補欠數者歸之指揮聽其湊賠則完欠分

明富軍樂完而漕不因於運官矣有從新設法不能經久而可暫濟者非直臣同接運漕船此時尚未過淮者比及入閘河水已合明歲回空較今又遲今宜行令各運總於十月後將重船守凍者開送各省直糧道先通行令衛所喚集各軍家屬給與本船明年應支水脚著令僱倩民船卽照全單各赴水次兌支糧石明春早運過淮迤運北上抵閘而止候本船回空到彼責令就彼修葺裝運前去催舟之費在各軍雖有

無夢園集

車三

三

祖制土宜六十擔及旗甲舵工外水十餘人合之千石止矣今內河糧食民船裝千石者其大僅半於漕船而平面低稍進退便利撐駕省力風濤不驚宜令自後應造漕船皆改此式而運軍自困之困可除也且七百石之載通天下爲一則漕船止用七千艘而足河路行泊省三千餘艘之紛紜各衛旗軍免三千餘名之苦役而以三千餘艘多餘之水脚糧纜輕齎錢糧洒益各船卽受役者亦不甚苦矣此又與功令之困

無夢園集

車三

三

免運每歲貢令幫貼固亦樂從之役也難者又曰風濤不測漂沒之虞夫漂沒之患卽漕河往往有之豈專在海今之高牙大編揚帆而走居宋香山琉球日本者豈非中國之人歟何獨性於海運但如法打造蒼山漁船楨具堅完舵至得人豈畏風濤哉漂沒洒派全幫漕河有例無煩區處也難者又曰遠涉鯨波將領畏避夫張清朱瑄東南一劇盜耳當胡元之世尚能爲其王開百年之利况聖明在上才武濟濟但優其廩餼而速其推遷天下且竭廢而赴矣難者又曰勝國虜習食稻者希每歲轉輸疑不如是之多今以四百五十餘萬石行於海中設遇孤嶼小島卽棲泊無地矣此言良是然亦未嘗微竟廢河而專倚於海也目前止將浙直濱海衛所凍阻不能如期者先爲疏通自後亦止於濱海地方撥運四五十萬石耳故四難不必憂也而又有五利省內河千艘之壅塞利一免衛所千家之賠累利二清明後乘東南風開洋用趁

可抵津門足應京師緩急利三濱海衛所凍阻遲緩之船卽爲疏通則自江以南之漕糧舉無過年交納者矣利四海道旣熟萬一江淮有阻能於喉咽之外別濟生命利五

揚衛北運議

揚衛南北二運轉輸船糧較他衛獨多惟北運最酷先年軍船隨缺隨造不聞催一民船運旗家溫戶足未聞註一虛名各船守法駕送幫官潔已關防初無重累不料至今缺船過半底料任其浮沈併不到廠衛所聽其遷延運苦無旗又苦無船苦民船難僱又苦官船大偷軍領行月糧數不足以給水脚之半而支糧交糧費孔百出更有版籍實軍仗財閃脫父祖逐丁操運而子姪詭寄州縣不應衛所額差黨習刀筆買布要津祖制本衛五千六百餘戶今不滿四五百丁供運不足備操不足何生息日蕃而戶口日縮耶其故可思也有司不恤武職操運艱苦凡買民田輒更民籍民霸軍屯者何不入

戶耶新例漕糧需旗急如水火運官迫於憲限只得按籍申勾賂囑有靈坐令勾攝中沮赤貧應役

河西務剝船通州泓船議

能制者旗軍不能制者船戶軍船抵河西務告剝每旗起剝船二隻則漕米轉入剝船戶之手矣而本旗仍押餘糧於後抵通州每旗請泓船五隻則漕米又轉入泓船戶之手矣一旗一綱勢難分管漕例各執樣米封鎖記印星夜牽挽赴邊甚速米色有差經紀賠補邇來經紀藐不畏法專倩乞兒駕船應役瓜分工食授以偷盜之法暗鑿水縫倉口任其私盤以軍國之儲糈充經紀之囊橐東河五里鋪等處其發賣之巢窟也遷延近臺和水插糠米色盡溼印封全無頂倉曬碾每船虧折四五十石曬夫斗役稍不滿慾滿斛高糧多籌立欠誰非泓剝等船之貽害乎且受米時彼自斛受交米時又彼自斛交及查米色不對原數多虧各船遠繫一方而運

官之糧單具在升合不完終屬掛欠斯時窮苦船戶欲追不能經紀居中奸展衙門情熟無可奈何以故揚衛十餘年通關未撤幫官降罰追賠此第一苦役也

天津截糧

漕自南而北本以爲京師根本之計乃當事者慮遼餉之不繼一則曰截留某幫數十萬再則曰截留某衛數十萬意良苦矣不意衛弁奸旗利於津不利於京通往往資緣鑽刺銳銳題留而各署奸胥因而上下其手每艘索至二三十金瓜分潤橐以致沿津上下漕艘擁塞數十里不前者京運愆期職此之故甚有金入胥手而舟始次臨濟輒與報截者大河一衛三歲三截豈非以暎徑熟耶

揚州漕堤

一揚屬爲古名郡地連吳楚襟海帶江國家命脉全賴一綫漕運河防最爲要著邇者洋寇猖獗侵掠可虞高寶瓜儀遂迎漕堤在外河關

通淮引泗在裏河則有百萬民田高下不啻十數丈經界不過五七尺萬一盜賊竊發奸細偷決河堤上洩漕水下沒民田莫若嚴飭督河官吏查舊有堤夫之設撈淺濟運每名日食三分近人人坐食私家應點故事何不沿堤搭設窩舖著令淺夫輪流防守遇大風雨多備土木于各舖不時繕修不惟河無決潰之患亦可當沿堤一路烽燧矣

論揚衛

楊衛苦南北運更苦北苦軍船久不造苦雇船苦實軍詭亡不應額差至于今不滿四五百丁距初制本衛五千六百餘戶何如哉一按冊申勾而有力者夜半藏冊竊之以去奈窮舟何無旗無官茹荼甚矣河西務之剝船通州之泓船毒未已也樣米差而經紀賠補令如星日懸哉泊家門鑿水縫發賣于東河五里舖等處且若何而虧折之數每艘不下五十石本衛六十七艘亦彌天布網矣况又有曬夫斗役如鬼如蜮自斛受自斛交但據糧單責升合凡掛欠軍官獨受之經紀居中衙門情熟莫之控告者乎

白糧差議

最苦爲白糧差以數萬石之白糧責成于一通判兩縣佐羣七縣一州數千有力之家朋名幫貼竭終歲之力途中橫被漕軍欺壓故有建議欲灑派漕船帶運思爲變通奈何近議因回空凍阻乃欲募民船代運漕糧抵淮交兌哉漕糧議單云有糧無船責在軍衛有船無糧責在有司年來水旱頻仍又欲代軍衛官募船運糧且東南民無蓋藏皆賴客米餬口商販若無差則集

開縣被官募累足不前誰爲應者而一斗之耗糧長食用軍衛抑勒浪費皆取給于斯復何所餘以活水手之命乎
 宗破船畱淮廠修艦欲以求速也據稱釘灰蘸油皆令各府通判隨糧帶來不知通判一官耳既要完糧又要辦料况凍阻原係情軍罪過因凍阻而反安坐以累民則明年運船孰肯向前者

社倉議

唐隋以來民立社倉社倉者一鄉公集之倉也一畝貯稻一斗合鄉之千畝萬畝無不公貯然必擇一產業富足者爲之社長許以年終放種生利如是則倉穀積倉穀積則荒年有所恃荒年有所恃則民有所歸從而盜源繇此清請自山東山西以及河南等處命立社倉則腹裏何患不濟

無夢園集 車三

三四

紀備留都六議

今戶部食糧之軍四萬餘兵部所操之軍二萬餘布置江上惟三四千之浙兵護衛府寺惟一千之標兵倉廩雖實計日可盡三部之庫合之不過百萬守城之具百無一備乎合池河一帶爲北來關鑰南唐之亡繇此失矣則添兵設將築關置堡宜議一也瓜儀爲江北之門戶而海門一帶巨盜出入龍潭一渡直接儀真宜各置臺立軍戍此宜議二也安慶太平據都之上流宸濠攻安慶不下故不得直抵舊京太平乃開天首郡城高不能勝中人之垣六合聚羅之地縣尚無城能無增築宜議三也東壩爲古來通吳越之路吳越盜發自當取道於此創堡設兵以防其決宜議四也京城太廣而定淮金川儀鳳神策諸門宛如山林故靖難之師從此而入不如自鍾鼓樓一帶至清涼山後止橫築城一道勢既直捷守力簡省則宜議五也六朝屢有城下之師而不遽覆滅以城統一如烏林新江

臺城清溪彼此相援今苟被一牆便曠然百里不如於下關上河等處多立城堡分處營軍宜議六也

陳太史無夢園初集

古吳陳仁錫明卿甫著

序

磁州備兵序

嘗讀易豫與兌而用兵思過半矣豫言人心和樂以應其上而先王以之作樂兌言說以先民民忘其勞悅以犯難民忘其死而朋友以之講習夫作樂講習于用兵無與也然古今兵法非藉此悅樂之意討論之實使人赴湯火蹈白刃

無夢園集

馬一

如取諸父母之抱懷得乎余以冊封道磁州一見某公神色閒暇襟度坦平心異之輒問曰中州何事最急公曰民生急予大遑其言天下事惟寬可以布局惟靜可以養神惟簡可以牧衆惟備可以應敵昔程大中先生官此地一意拊循今與宗元帥並載磁譜嗟乎非宗公不能作兩河之氣非程公不能回既剝之元識治體者所深慨也公出本州事畧及應援涉濟所條上秉燭壯觀苦心哉予往過磁蓋壬戌之十月云

無夢園集

馬一

見路傍引澁澆田傍種池昉于牛令慨然欲興作傳以諷循吏今去之十年而牛公行事未入州志停驂歎息有美弗傳惜也無法以貽後勸公梓行此書序之簡端而予更職思其外也公身在事中職思其居言也詳予傍觀當局職思其外言也迂猶記丙辰偕計鄒魯溝溝白骨二東一危症也利用補而蠹蟲蓮妖行路爲梗海內衣冠悉道中州奔命不暇一危症也利用補謀國者不盡然或築爲京觀或扭若泰山蓋兩省實天下之樞兩省安則天下安動靜之際不可不謹非寬大簡靜真長者以豈弟行乎其間恐易動難安漢人之言宜亟思耳且磁州有勁兵之名而志稱良弓勁弩銳甲多在汝洛間曰毛兵曰勇兵曰武兵或散處或合操或重兵而壘供或休夏以節餉大費調劑且河以南急黃流兩岸河以北急太行一脊其要害林也涉也林與晉之壺關平順臨川鄰而蟻穴寨最險昔年流賊據其巔土田水泉累數年不拔營房巡

司今安在哉涉與晉之黎城鄰界遼州河順間山口邊牆衝潰不可問彼大書中州外翰于關門貌虛名耳嘉靖虜大入撫臣疏用三省金錢設守備宿雄兵其重如此漫云流賊易與一磁州足以鎮之耶蓋亦岌岌矣涉之西北谿谷河口瑕隙四出備多兵少公擇要于陽邑鎮與固鎮相策應而以練鄉兵擇守令爲主均救時之策大都昔之流賊饑兵爲之倡今之流賊逃兵爲之倡其使民畏兵如畏賊而兵驅民以從賊

無夢園集 馬一

也邯鄲城外二百人劫殺馳蹂又見告矣皆徵調爲之崇哉公又合練新舊兩兵如額而止兵精餉自足統之一將革冗而冗兵清法無論其事頃心澤連兵竄入濟源界踰七百里出援危哉磁也狃之役師武臣力矣夫兩河以爲左右手三輔以爲腹心涉千里而救人古謂之急尚孜孜盡乃心殫乃力輜軒所至敢以葑菲之言進

李座師陟南大司成序

國家不可一日無重臣有重臣不可不處重地鼎鉉之地重而師儒之地尤重是以重臣之任其跡潛其神藏其體靜而任重臣者暇以橫經優以人師德成教尊而後相之

皇上天縱勵精法祖視學大觀乎辟雍爰簡先生先生不妄言不妄交尊嚴如神人而開誠布公推人倫冠冕云自爲孝廉雄文昂呂聲施漢魏間况味蕭然自遠束髮登朝公輔之望

無夢園集 馬一

四

赫于禁近請假歸里登高賦詩恬如也壬戌較禮闈篝燈夜讀精迓氣迎索其人之天桐封駿使與里中素心人停雲話舊淡如也亡何再奉聖書俾長宮寮甫出山尋拜大司成說者謂金陵周豐鎬漢西京誠重之也夫天下太平以臣主相知上作而下應其相知也如響應聲矢拔弦也然必腹心先之手足後之坐論之公孤先之作行之士大夫後之士大夫之作而行也慶然以趨耄然以鳴公孤之坐而論也如耄

子操藥衷苦貌恬早見審計不泄謀于神鬼故
精氣以召奇譎至誠以應倉猝必然之數必至
之機所貫乎潛也藏也靜也如止水不波而相
其機勢之必赴且任天下之重者提知覺之先
天下知之則欲與天下同苦樂之

天子踐祚朝夕無逸咨爾有位曰拓國百里者
誰敵王之懷者誰戰氣未復同仇未賦瓜牙不
足將延跂乎腹心而先生以論思重臣設蘇湖
教販有德有造如叔如虎雖繫單于之頸在洋

無夢園集

馬一

五

獻誠未足多也何也

天子虛鼎鉉待公不在一隅在天下粵稽三代
當無人不學無地不學矣夫庠塾黨序師氏保
氏司訓司諫游倅宿衛皆學也而一人元良必
於太學故天下之教化樹於太學而後型範立
天下之道衍正於太學而後源本治天下之人
材萃於太學而後光華聚

高皇帝欽定學規祭酒胡儼請加申飭
文皇帝曰此條約耳爲師範者當務正已以先

之講學漸磨以養其心以淑其身是爲切要煌
煌寶謨也哉

上幸太學遵洪武十五年例仰法開天立極之
聖祖維茲南國首善

上若曰正道統端士習釐文體無崇非聖之書
無蓄亂苗之莠往欽哉

上好學日新爲天下知有身知有家不知有正
學也簡先生訓迪之夫學者覺也學莫大于事
君而上臣事君以人在養之豫教之素范文正

無夢園

馬一

六

之宿南雍也得一富丞相而相業並光異日者
先生有聲于揆席也必得人志學人物躋文莊
又康而上之一壯羊城庾嶺之色哉

賢郡守况公考序

吳自泰伯風以至德仲雍繼之推爲讓國宜萬
世祀季子入聘言氏北學澹臺南遊采風觀樂
學道得人宜萬世祀黃池之盟吳先晉撞鐘舞
女嘻其甚矣子胥張以節烈宜萬世祀其後楚
漢爭子弟隨項滅秦非不勇懷顧陸名家多出
吳下非不文章或亦殫精巧于物力耽田宅以
低回於是是有公忠體國義莊瞻族如文正范公
其年者聘胡安定主學蘇學爲諸郡倡宜萬世

無夢園集

馬

序

明興日漸于詩書而苦賦重正統間况太公奉
勅守郡減糧百餘萬疏請文襄周公撫吳次
公以十三載興利除害法施于民勤事而死宜
萬世祀屬者賢良方正謀祀文昌與公于吳庠
以公移學後鼎元施振黃衛三百年之曠至今
大魁不絕壽斯文世世宜並司命稱尊耳然是
復庠之舊也愛其入思其樹公憂民面貌乃泚
倉廩勿剪勿伐徒虛語耶惟至德享大奉非宏

構不可繼况太公大興學有邑父母三山楊公
濮陽蘇公上梁越明日胥臺表公以發解報何
異一莖三花之瑞哉茲大賢秉鈞况公來矣學
祭酒推安定之望諸君子敦子羽之操必有繼
文正高躅者仁列編氓宜共尸祝每戢况太公
書語人曰父老子弟讀此而不大慟者非情也
嗟嗟况太公其可謂至德也已矣謹弁數語以
佐崇德報功之議云

無夢園集

馬

人

楊具翁著秩序

夏忠靖之博大周文襄之敏慎海忠介之果決皆著于治水故布衣徒步盛暑揮蓋則賢忠靖詣度江上立表江心則勤文襄決開吳淞不撓旁察則勇忠介說者猶謂忠靖舍吳淞事婁江以一婁洩全湖非計文襄僅治江之北耳今江以東止水蘊藻不能舟而太湖遡竇帶長橋由龐山湖直趨江茭牧葭莢其急什伯忠介夷攷錢繆王撩淺數千舟置鏡帚乘風下上江無壅

無夢園集

馬一

流而益樹江壘國不被兵其時水政修務歸海旱歸涇惟濬吳淞一江彼偏安猶爾今東南殫竭減額必不得之朝緩徵必不得之部惟有興修水利范文正不云乎蘇常湖秀宜擇精心盡力之吏今胡大中丞特疏水利非公不可攷正統文襄以廷臣奏許便宜處置首濬吳淞江天順初崔中丞分江爲三崑嘉上海董之深丈一尺廣十丈二尺底廣四丈出舊江一萬三千七百一丈江大治成化畢中丞丘郡侯之役

無夢園集

馬一

廣溢四丈深溢一尺江分爲二僅崑嘉任之自夏家角至西莊家港長一萬二千七百七丈三尺用夫四萬三千六百四十江又治其后徐何中丞決長橋之積引湖及江壅江口壅占田而或以文襄耐久成功此舉嫌于欲速然亦未可少也隆慶四五年水不被災實忠介開江之力相距僅朞明効顯著今去五十年江流侵蝕彌望如港夫忠靖自夏駕浦掣吳淞北達婁江以四顧浦南引江水北貫吳塘由婁江赴海浚白集塘導諸水入楊子江吳主遣大中丞賁亦剏集賜之故忠靖稱焉江自嘉定直流百里東沿海西引湖而北滋蔓故治其北而功大于崑山之顧浦則文襄稱焉弘治諸涇港首尾皆貫於白茆而獨導此江白茆次之則忠介稱焉萬曆間胡中丞有田主自開河之令宋中丞倣成化置僉事浙江有水利兼屬嘉湖之疏許憲使歸給諫有估計工程之疏頃直指查部減征東隱糧議興未就功公能無意乎往河使者多治自

沛七浦矣蓋江受震澤故崑常接三十六浦殺其怒而二浦瀕海易塞趙文毅急福山卽此云吳淞治二浦皆治矣何也婁江乃吳淞之子江忠靖掣吳淞入婁江其力勞故治浦急也余婁江直承太湖無藉吳淞功力專議論一無如此時但濬荆溪上源不至吐而弗吞則常鎮事耳宋史松江分流之大者曰吳淞黃浦蓋范蠡圍田護塘東南道塞春申以之開黃浦其水不東而北屈與吳淞會故吳淞利則松之黃浦亦利也非並論也江秀文脈忠介開江徐文貞以是年拜相是蘇松兩利也卽嘉湖亦利也河道隸兩浙豈無見哉歸震川曰開吳淞則崑嘉青浦之田皆可墾議者不究其本以沿江種蘆之利反規取其稅是敎之塞江之道也郊氏云猶見江旁濶二十五丈今復何如大槩倣海忠介浚令深濶據今河影伐葦斷漁使自崑之夏駕至嘉之柵橋入海之路宏深而上流如寶帶長橋盡闢其積則江水駛矣江水駛則與海潮勢

敵而渾潮不能深入夫常潤高蘇瀕海之地亦高郡介兩高故遇大潦西爲常潤所注東爲海所障水渚不泄常鯁鯁難之范文正上呂相書江流若高必無姑蘇則海畔積沙壅之而高耳無憂下海之不迅也試問攘其旁以爲田決其堤以爲涇者不獨一江也先務孰急此者天下有人材何患無政事有政事何患無財用且爲國家億萬年根本計財用安可靳哉

賀雲南李年伯晉封銓曹郎予襲世勲壽序

高皇帝之初下滇也率三十萬衆檄潁川永昌西平三侯平烏撒烏蒙東川諸部所在開設府治銓除流官今選曹若虛李公十世祖率族衆歸附潁川侯授土官百戶歷戰功陟揮僉暨伯祖諱朝臣凡八世云當是時摧敵點蒼山下金齒不戰而歸檄百夷之種來八百之邦蕩曲靖之寇萬里納忠一心歸命以大開厥祀

無夢園集

馬一

七

世知人安民日嚴銓政課其最予封父母而李封翁居嫡次之長併予世襲文武爾承緒紳後爲盛事翁食淡持誦三十餘載余乃望祥雲泛橫流操椎不文之詞以侑爵如躋公堂納公履益滇之賢士大夫靖共正直巖巖名高庸詎誌所稱氣厚風和已者數十年來防緬防交防東川滇亦勞矣至于今處蜀黔勦撫之間廉蔭垂功之際出全力取烏撒蜀人拱手難寇引水西聯鎮雄以窺滇更急矣然滇日夜苦心勞力異

釋宵旰萬分憂不惜張空拳冒白刃以塞天聖天子獨斷于上諸大夫運籌于中師武臣恃而不恐也洪武之役首烏撒次東川竭三十萬雄兵將三微侯乃受戎索今七月耳洗十年逋寇威行萬里之外築城繕塞招集流移黔急而滇亦急蜀緩而滇不緩他人以筆舌爭而滇人以血誠戰天下忠臣孝子銅肝鐵膽孰有如滇者封翁宣力扞圉大吏上其事輒報可酬德報功恒典耳大哉

無夢園集

馬一

七

高皇帝之言力有不給則設而不修勢有未可卽畱以待後蓋然於兵將分合之機攻取前后之勢尤念山阻上瘠道里遼遠每令開其善端謹守地界非曰示羈靡弗絕而已所以固居圉甚連遠夫緬有三宣爲之藩在九長官司之外而東川連蜀曩爲添營置屯烏撒惠黔今也增城樹幟可不念乎關以外未有一城一堡之復而掛大將軍印凡幾疆以內名撫而實叛陽勦而陰縱毒天下又凡幾有如滇將士秉心塞淵

於貧薄之墟此亦不可不熟計矣若虛屬王爵
佐統均平衡而舊遊之地所爲集沙普勁兵練
廣南統手備省城之三倉張牛叢之萬戟壯猷
卓然必有爲深山荒服棘矢挑孤樹德焉以傳
告種人者矣若虛甫四齡萬太守奇之府堂勸
若祖歸課孫口授四書于抱懷復日抱之左膝
以遺祖母太翁以是偕公母夫人攜持訓告茹
齊上事其膏母下玉子于成書不云乎乃祖乃
父從與享之世篤忠貞在此舉也葉榆西抱洱
海地雄于南詔興王以爲輕重代有賢豪長者
余爲列其大以賀太翁若西南兩關之矯首檻
尾而從龍也四十八川之西會于洱也
天子曰俞爾滇滇卿士大夫嘉謨嘉猷則以入告
漢武爲爾滇重關峻嶺習樓舡水戰鑿昆明于
其庭未聞有緣崖蟠石而至者與水謀孰若與
黃髮謀之長也

張司李篤棐考滿敘

廟堂得一明允之佐而旃裘不足繫也郡國得
一廉平之李而鍛鍊周納之風寢以遠何也漢
郡守自課第刺史課郡國守相而丞相御史雜
攷郡國計書天子受丞相之要今之司李操吏
殿最上之臺臺上之鈐衡得其人卽臺政肅而
鈐政清篤棐張公簡稽師聽棘木之下無冤伏
陵窘者刑罰旣中則能征不義冠帶之倫孰不
惕息無冢宰司馬司寇之事任報其要於天子
無要圖集 馬一
以此官人斷無軼材蓋無軼清恬束修之品易
無軼博大沉深之品難董仲舒不云乎天之四
時天之四選然則刑亦一選也乃云天之大陰
不用於物而用於空夫舍大殛小則刑空政平
訟理則刑不空刑不空而選人之位不空王嘉
爲相首疏郡國或謂是時憂在朝堂不知郡國
治則朝堂何患不治 神祖季年言路苦塞而
郡國信其法則治數年以來吳郡瘡痍日積訛
言屢起不壹創無法也盡一切繩則無民翁寬

博廣易寂然若無聲而所割中理解消弭姦充
門以內無得求索自快與翁接若春之中人親
其色至忘肌膚之痛此愚所謂博大沈深士習
一變而忠公體國澹焉循溪谷奏萬里而必至
則旃裘果不足繫也

賀趙太室年伯序

李贊皇曰清而粹者天也高不可測清而徹者
泉也深亦可察其粹者必身名俱榮福祿並泰
夫贊皇饒幹辦持論若此太翁始令潞川表冶
父於羣崕萬壑間爲建歐冶鑄劍亭遷繁琴川
古虞卿剡胸南沙信義郡也誌稱泉出山澤作
氣積爲長流合濛汜苞扶桑自公之暇乃翫天
祿外閣抱琴臥花高枕相待天葩照而高月落
邀虞仲周章范冀神翁輩於龍祠海日登高作
賦惠訓不倦始推選人唯善舉類其庇寥廓之
林美蕭條之蔭則向爲堂以延蓋公者也樹之
竭必去姦之蹊隧必犁則向陽躋而驅車不顧
者也東南力孔竭矣祈進民心從容而鋪德義
惟良顯哉在郡國猶出入禁闥也矧嘉湖大關
天下匈屢中倭燹如鳬飛鴈集殘費已先避風
雨禦燥溼當在未寒暑乎翁率誠澹然所至乘
愛景以字人其爲政也如瓶之受水水之浮薪
農之思畔去邊幅而人自寬捐網罟而人自信

克詰戎兵而尤崇訪先民飭新俎豆所造士如
元和長慶間達官開設戶牖主張後進以磨定
文章種蘭滋蕙翕然一變翕若曰維仲山甫舉
之愛莫助之念人士之少也山甫推其類以新
美天下士內修政事外討不庭故有新苗之頌
焉已未重陽又九日維嶽降申其矢歌固宜夫
漢臣自許奇策材力而人主一曰賢士大夫
曰嘉與賢者樂知其人被羣庭掃穴競雄衛霍
而武帝方策賢良研詩書且博士循行存問孤
無夢園集 馬一 二九

家後獨行君子詣行在非元封元狩詔書耶則
車旗擊畜戈船下瀨盡郡國能耳三從四從揚
威絕幕盡文學事耳翕忽使物近震用民安爲
令以來冠理人之策集醴泉之禱高黃霸之車
師朝集之榻而亦知翁所則倣如董子之長吟
傾愷之頌史王衍之積更乎而亦知翁所擬壇
如募士懸法池魚削木飲水還珠息桴鼓而帥
百城凌冰柱而平繇役乎儒者言學道易耳假
六當事任矯矢理輪輕鑿修鈎則蜩蟬之音誰

車寬輦之所誰斤斧案牘吹蜩毛而起誰氣發
星辰之際雷行指顧之間庶民貧鄉誰春日爲
機芳板綸錯餌誰風雨動魚龍博賽好修士無
行媒誰亦宵可接而及少康之未家俗流失世
壤敗誰萼合兄弟而麇服老弱自翁爲政闢草
萊以省贖物登明堂春之中人藹然無言大慙
而立捕誅之蟲賊而朱絲脅之其余也已夫槩
平量吏平治福莫大于平息事寧人是百福之
宗也贊皇曰身名榮福祿泰有以夫水經吳萬
水所觸地成川而海虞壽山連福山鸞鸞苕
霄通引天日日進南山樂只之觴益賦不出其
志云說劍篇曰蛟龍鑄鑑天帝捧炭梓如芙蓉
爛如日星之行此神劍也惟學道者佩之劉向
較譬天祿真元授以靈書而旨歸錫民之福夫
向號極諫要在用賢去佞此亦紫微之祕笈也
謹誦虞山三賦及亭鑄劍閣天祿之盛美而敷
揚之若此

代續順德黃大司成序

上綱紀四方省注南國南國太學

高皇帝命孔先仁等授諸子經及功臣子弟肄學地且諭之曰朕諸子將有天下國家之責功臣子弟共分職任之寄教之以正心爲本
文皇帝詔工部臣曰太學成就人才於國體甚重爾尚書侍郎亦頻往督理頃南臺以樂舞失倫跛躄不莊亟止其事

止左右顧諮爾黃某撤宮案論思以往於其行

無夢園集

三

也宜辭侑表清卿莊贈符太宗本山川人物地賦不出其志夏月撤帳供蚊蚋懼噉母非番禺之羅威歟安數畝之居仍非已有却四方之饋惟畏人知非濂州之劉瞻歟詩如百丈懸流洒落千山澹翠澗清雄奔放非孟賓于之在水部歟公皆饒爲之龍巖飛石南海橫琴公自此遠矣古稱天子所入之學即太子所入之學豫儲訓焉漢破匈奴諸侯郡浪家子即諸功臣裔也天步侈艱止書發憤修由太學生且也六月出

師張仲孝友剛燕喜在錦旋之會矣四方來同辟雍鼓鐘則獻賦屈薪標之始矣簡書是急直南自北無思不服固鎬京元學之詩讀公序南錄慨遼左發難近益披猖

高皇帝實惻懷之爲思淮甸草澤及渡江後所聘儒耆而又以所儲者爲陳錫留遺之人蓋角弓束矢克廣德心正不在文墨間且能爲奔奏禦侮也者是以能爲疏附先後也者能爲干城也者是以能爲腹心也者多士德心公孝友克廣之矣人材大小不可強而其精理筋骨必勉之於政事安定在湖州必先治事有宋採爲學規然有安定之品而後可以教

高皇帝遣國子生與里甲耆民躬度田畝繪爲魚鱗是試之以事也命御史臺曰北方鮮知學令太學諸生年長學優者往各郡分教是作豐伊匹也

憲廟嘗曰太學以教育賢才冷出錢穀古無此法夫法之相沿不可頓革而惟得古法發源

之師則一時人才不變。有如公所云理明氣
完適於實用者復便道歸里。大海波濤必有擎
舟而來儀度甚偉風義卓然。南海區冊也夫。

夢園集

馬一

錢司農劉念劬考最行序

生初臨御躬節儉方隅告警祭幣數百萬有奇
念關禁未游賦供膳服然且扎荒不征其擇秉
心塞淵與民休息之吏於是農部念劬劉公以
中州卓異主錢穀往游墅夫唐宰相判度支卽
周冢宰制國用也宋三司使位亞執政與參
同卽周司會也任重故品重今則不然課其事
承課其人宣德遣御史暨本郡官主關政收隸
於部自景泰始顧其人何如耳恭讀 二祖寶
訓兼商略 恭 慈 際以風有位史氏職洪武中
請復鐵冶 宣 旨朕聞治天下當使無遺賢不
聞無遺利永樂間淮徐兩東飢隴上坐西閣召
太學生士輩等下詔蠲田租停官賣物料士奇
請曰當召莊主預聞曰撥民窮如拯焚溺有國
慮國用不足中足不行矣呼中官其楮札冷法
命等就西角還書詔書畢卽用璽遣使行已顧
士奇曰敗節歸矣立部言三省糧朕悉免之遂
不禁司農且唯恐司農阻格明詔而亟行之

余交劉大夫察其行事宜薦馨 二祖抑可以
 事君也可以事天矣漢時縣官自漁魚不出加
 海租亦不出弛與民而魚出豈魚以有司之鼎
 爲沸火以小民之口爲江湖受大不取小是蓋
 天道使君嘗大開關門恣行舟凡數日屬又築
 漕梗塞蕭然苦不給此其局度有過人者矣忠
 臣愛君思貽令名均輸青苗凡以禁賈貪與豪
 息也及令人主代之至創增鎮柵財賦所入分
 御前朝廷戶部爲三上溢下漏其數各不相知
 利歸已怨歸上竟何裨於國如公寬其索求掌
 其平秩以恤民爲稱職而國儲不少詘且蓄美
 庀工樹垂圯之塘不作無益昔賢告君曰江山
 故國所至如歸父老遺民與臣相問明明
 天子所寶惟賢臣方皇皇求義以倡卿士之不
 暇而言利乎哉

張叅軍擢發川令序

天下惟公論最尊而爵秩不與焉公論惟循良
 廉平吏最尊而資格不與焉說者憂用人不能
 越格然如張叅軍之擢發川也臺使者暨選人
 何若桴鼓哉東坡有云樂於小吏而潔爲之惟
 潔故樂安往不得潔則安往不得樂哉吏自囿
 於格耳漢下詔多取經行公起明經事節母敬
 恭其兄爲政有根本而夷攷漢奇才異能出使
 絕國大都經明行修之士如陸賈說尉陀相如
 喻蜀新語可以甲兵片檄可以將帥遠巡文墨
 可威行阻深之海微而捷於猿鳥不飛之蜀道
 彼所挾爲說者祖墓在真定非有戎索之素
 也武帝窮兵西蜀甚苦丁男丁女非有桀驁之
 罪也黔坊用兵吐夷世奉正朔乘間爲賈爲相
 如不賢於簿書期令耶叅軍吾蘇甫下車憫冤
 書而肉其自滑饑民縱火及犴徃漏三更挺身
 熄之民廬獲全奉公賑饑自出錢卹老幼歡沸
 五龍之池毋敢猷喘號於途匍匐救之還其人

杭州此數者如神龍一勺耳怨非潔於其宦而樂爲之誰肯哉東省不憚於役遶餉戴星以行躬冒刃矢而官帑不虧至揭債補其羨夫廟堂以非常待公公豈不以非常自待世道理亂視吏治浮實吏不患俗患不俗言化俗不言去俗惟真實心可以救亂翁真不俗詔造物酬在三嗣知已卜此一行

無夢園集

馬一

送萬父母入覲序

任天下大事必觸之不動凡風起而雲飛濤鳴而浪吼皆大塊之體也非用也豪傑嗔焉聖賢默焉始余讀侯制義喟然曰朝端浮而不實以此鎮之郡國華而不樸以此靜之繼令我吳從都人士後見公沈重剛決少言多斷若不得已而見才事定寂然識量有過人者侯生道義之鄉毓忠節之族耐煩理劇一意不擾益吳苦賦重苦役繁賦重不可乞之于朝而減省縣役自侯爲政民力大省予嘗誦撫字心勞催科致拙兩言私竊疑之撫字之心宜樂不宜苦催科之政宜便不宜拙侯不用鞭扑歲輸獨先民間止有此數不費之于鞭扑則歸之度支也有拙于催科者必有不拙于催科者日管以千數日費民間以百數合天下計即日費公家以萬數而其拙愈甚余見侯之樂也不見其勞也歲維甲子吳大水侯請于當事疏議獨議折天子是之司計難之昔賢講筵諍折花枝動

無夢園集

馬一

生氣以爲迂其實事君應爾侯今以入告
天子下明詔何異生莫莢于階而雨甘露于庭
哉

無夢園集

馬

三

寒宗叔全讓產卓行亭

叔慷慨好義其性生甲子均產千金子姪如一
直指按部葉邑侯以善人聞叔不屑扁舟泛湖
去之惟恐不速強而後可曰吾何慕名高哉姪
史氏操簡紀之以風世非爲一姓光嗟乎范大
夫使少子不使長子以賈人權子毋故于是乎
失言矣史遷亦有廉賈之說叔不嘗游金陵之
市乎安在其不賢豪長者且叔善人以上人也
宜逃之而不就張潤八世同爨一婦歸寧衆婦
共乳其子不知孰子孰母潤兄顯卒以家事付
姪聚曰姪宗子也宜爲政雖然俗之無良提耳
蔑聞矣況力行乎況嫡繼乎況立兄子而又分
兄之諸子乎抑有感于兄弟之和也趙孝弟禮
皆篤行孝拜諫議禮爲御史中丞天子嘉焉常
以十日大官供養相對極歡抑有感于閨闔之
睦也異乎李克妻之逐其弟餘杭一婦人歲荒
賣子以活夫之兄子武康兄弟之婦各孕歲饑
乃棄其子而活弟兄以弟遠行故太守孔嚴並

褒薦之今甲子襁褓也叔若此豐年之玉耶凶
年之穀耶叔諱允昌號叔全先中丞六世孫父
諱文周號玉溪以學易著長庠九入鄉闈篤行
不怠今兩係宗錫祖錫世敦孝讓咸彬彬膠庠
天之報善未有艾也若夫生子十歲而又嗣仲
兄之子既嗣兄子而又析產以均伯仲未嗣之
姪及于外父張翁生子田成力塋可謂賢矣僉
宜世有令聞哉

無夢園集

馬一

三

送吳伯昭陳情歸序

唐人有言茅焦解衣於二十七人之後難乎其
心哉難乎其言哉予曰不然二十七人之口一
人之口也二十七人之心一人之心也焦又不
借二十七人之口不貸二十七人之心也吳先
生七試文闈學老筆酣楊左不言能無言乎楊
左既言能無評乎評矣能無死乎死矣能無生
乎孰生之

無夢園集

馬一

三

堯舜在上能生之有子伯昭文學調雅碩果而
獻之吾君既得請闇然怦怦然予見而哀之
夫長子出東方之震而蒼筤青天地之心故貞
臣觀言孝子觀色貞臣不必自言也爲厲鬼以
殺賊起怒濤以壯觀皆是也夫人不殺賊鬼可
以殺之鬼不可殺厲鬼可以殺之勸志節之宜
厲也濤不怒於賜劍之日而怒於血食之後戒
後世爲人臣爲人子者莫以履平地而忘怵惕
也有一家未了之事人子補之有天下未了之
事正人君子補之皆此志也然則濤何時而不

湧鬼何日而不屬于其行也賦松栢爾承以勉之夫松栢樹之難也承之亦不易矣

東甌紀勝序

滿四之役項襄毅軍騎見之神色不動馬端肅執其手不意東南亦有此人余聞而笑之公何量人之淺也公亦知生同時產同里仕同籍有吾鄉之韓襄毅乎東南豈無人哉今非無人之患直無備耳余嘗走浙東象山沿海建置信國不負任使匹馬馳寧錦多中山王之蹟蓋

高皇帝神謀妙算以掣海之勢屹作遼薊長城密制倭乃精偵虜今也詳於防虜疎於防海虜

益東西橫屬夷明爲嚮導其無賴寇賊佯撫陰驚招之使入亦何尤焉余武闡取士徐生一鶚用軍善嚴備天啓二載守滄北以正月斬三大王勒石得勝嵯當是時左營中立高山引吳越導閩廣地僻兵少徐生能已見於東浙今舉進士官海上綽遇大敵必有掀髯得意如項襄毅神色不變爲我東南吐氣者蓋余嘗游天台之赤城云其地較晝舞龍夜吟羅漢白鐘自鼓自明誦余作記云逢虎於山陰深處一於鴈蕩坡

嶺一逢豹於檀栢寺一逢人未之有生赤城人也虎耶豹耶人耶于其行書此詢之

雲龍山書令序

子瞻子繇多兄弟之樂及其浮海渡江聯牀亦不多得蓋仕宦之羈人也三晉韓臞公來守是邦其弟雨公築書舍面雲龍山予顏其堂曰噓氣額其齋曰吹節取諸壺笈云二公皆精于樂夫兄弟之樂不擊石拊石而吹竹何居竹有節士風磊砢自成音律噓氣所成若高山峻嶺焉非凡樂能譜也江淮河漢謂之四瀆以獨能入海故翕爾兄弟一乃心力然後天神格地祇出黃河之水天上來則是比節而吹之靡不中也子瞻在潁州觀几席之溪湖雜簿書于魚鳥何樂哉守徐則不然邇王氣之所鍾識人傑之所在收悍卒以散賊盜無日不申儆而聊放鶴以舒其泮渙之意况今日之徐有十倍子瞻者乎其上游河狀云吏失其防而非天意至哉斯言君家兄弟試比節而吹之子瞻來子繇亦至矣以此書額并序其一家言

丁義士序

漢下詔徵奇材異能可使絕國者欲得豪傑而用之予于寧遠得武進士王子振遠陳子國威于天津得義士漢冲丁子王與陳予所取士也漢冲從予宦學十年矣予使寧錦至高臺堡王陳二生穿草履佩短刀密計請前屯卒二千夜取速不的首于市地絕秋冬勾引壯之初漕津丁子製巨艦式轉輸二十萬以先士卒無升緝沈溺者津大飢飛粟三萬如雨金玉居亡何虞猝入王生冒白刃邀逸卒數萬統關兵二萬入衛神京逆虜陳生國威自京入關檄兵數萬四城克復往返十日耳丁子一聞檄乃盡棄生產募壯士三千自龜自甲自騎拒虜咫尺之地嚙指不敢犯天津于是士民號呼言狀擬古田疇云而閭部以入告曰丁貢士素懷忠義自負請纓諸如練鄉兵製器械夜遇流賊數百首先夾擊擒巨魁孫住兒等津賴安堵誠不靳錄而人以示天下余乃操簡賀之將賀丁子之終其

用也又嘗道永遵素封崇崇若有三義士明而熟于計亦何至賣盧龍之塞今強虜耽耽惟在練鄉兵用遼人二策而以官長練鄉兵不如以鄉之豪有義者自擇其子弟而用之以遼人復遼土不如以遼將將遼人俾遼世官逃在它省者悉赴遼自擇其塞外島中父子兄弟之仇而用之噫丁子一家募三千廩食不煩官得十人焉則精兵三萬可以無敵夫丁子何可少也予為揮汗書其事

杭州孫太守序

主爵者得人如得西湖則大治西湖耐人思者也或謂湖杭之眉目也荇刺中譽才濃抹譽守澹粧眉目不種種歟曰獨不耐人思耳愚束髮游湖當其鳥聲亂溪水殫基落燈花天空響泉風雪夜歸自以樂湖甚不如歸而思之尤樂也於是爲明聖湖觀爲補帆集甚矣其多事也思彌不置偶謁孫先生於吳關使我不思西湖者累日翁自吳擢守杭州操觚采蓮贈之僕我思

無夢園集

馬一

三

西湖卽思先生者累月耳先生之聲而思之者夥矣未有若愚甚者何也塗巷歌襍舞舞榜桡謳泝大思殫矣金石縱律呂頌循良傳君子之思亦竭矣乃使我一見公遽奪其西湖之思舍公又割思西湖之半以思公天下之思公者孰有若愚甚者也常對人曰蘇白不借西湖重西湖亦不借二公重俱各耐人思耳雪消春水來達君發花萼太守醉也痛飲真吾師矣

梅骨周子北征序

余讀太史公傳淮陰何酷及李將軍廣數奇何菲薄英雄甚淮陰沈毅能忍乃云未聞道且欲與散宜生閔天爭烈不亦論世迂疎夫漢王之臣惟韓信可屬大事幾幾識人而又躡足附耳奚皇恐不丈夫李將軍束髮當虜斬虜首如縛雞飲虜血如啜蔗快心極矣何數之奇何侯不侯何假侯何真侯豈世多肉眼亦多肉筆筆肉於他人則可肉於司馬太史不可太史公之筆肉他人則可肉真將軍不可彼才氣無雙漢天子知人哉嗟乎丈夫亦爲君父一出耳不受人知梅骨周子余戊辰取士虜薄城鉅帥失利三士書生應詔書突圍得當報長身玉立夾紵袍良承間且偵且戰碌碌隨行八十輩舌喏不敢出氣則徒步請益護間行良鄉設疑遁走虜比格鬪北關從者四人戰死生戰不休虜太怒引滿中生左腕左執刃提虜首虜怒益甚復出其胸又中其脅出膺墮馬僵臥冰上虜不加

無夢園集

馬一

早

抽矢去晨起扶創跡四人屍拾部文於骸骨草
莽中抵西山龍泉寺逢掠騎剝衣裳瀕歿不滅
者再生乃衣死人腐衣俄穿神衣生亦有神哉
居亡何虜驅萬羣入良鄉襍生其中陷虜益偵
虜尋計脫婦耶僧耶枕婦臥者虜提刀亂砍解
婦繩繫犬羊首者生耶澈板昇者鬼耶人耶肩
輿入司馬門者省耶臺耶漢庭公卿舉酒相賀
者幸不失壯士耶虛左延叅謀者楊公不莽莽
耶惜其梟常常尾護之嗟乎楊公有心人深州
無夢園集 馬一
忽役晝夜披重甲立雨中所克城邑手斬二虜
而活無罪無辜甚衆再復遵城於是生名震天
下委巡邊牆從昌平抵山海復得當報然足者
生應舉未入闢走巖險兩月皆其風雨疾書而
襟帶紛珮以是知生功最奇心最小着最密是
學問中人恨不使司馬太史見之又恐見之而
訝其不聞道或奇其不封侯也生初加級已授
神樞佐擊俄都司僉書俄游擊皆以累功顯融
司馬材之願沙休其功俾官定海時余入

語當事曰所以爲周生則善矣爲國家則吾
不知已復思之所以爲生亦未善生磨厲以須
旦夕藏虜安能少忍須臾道遙乎海上乃生治
海嚴肅此行亦不可少今赴部將有事衝邊殺
虜生長技無事余言易不云語以其功下人者
也勞謙有終勉乎哉

劉元博洛游序

吾聞善游者其神氣清以肅如白日朝鮮息心之交望風遙集元博挾淺汗之桃花徑之洛陽可謂放神青雲外君行至明月山訪元僧持泥丸柏子彈滿山谷者今高幾十仞否虛潭送響幽澗開筵如平樂石淙堪次韻否醒酒臺千丈珠簾噴冰酒雪持稜稜石骨傲劉伶日日如泥否王喬洞石化樹樹化石而復產柯可折取一枝騎牡丹大富貴否東望海岱西眺崑丘北顧析城南俯黃河如線嵩山少室面河而峙此王屋之鉅觀也爾時跳舞能似雲花蹀躞否世傳折城之山升日氣於天落五峯化爲雲自石竇滴太乙池可邀孫登共嘯否池故有神靈浮藥仙盡雲篆石鏡半規大地如照王屋天燈燦若流星真否幻否白茅三鳳參差翔舞能成一翅負絕海否天壇之影旦則在西掃天日高臥與海接暮影在東先臥后立大世上孰形孰影孰形影贈答能作如是觀否君行日暮過龍潭讀

堯叟水昏烟暝自成畫句能添一墨否嵩山石獅自行三鴉引光武北趨河朔可作一博物譜否讀平淮西碑朗吟一過吏部文章日月光亦可着片語贊段文昌否丹崖山石皆亦可與酬一掃否硯有餘墨能圖魏桀艸堂上天子於汾陰否先賢嵩山之遊師魯語怪永叔子聰歌俚調幾道吹洞簫往往大笑絕倒不知道路之長此處定留元博一席也

送友人簿暨陽序

先君子云頑而難禦患在山鄉直而易扶感而易入亦幸在山鄉其必饒爲之故置弗論而試與評大山川暨有五泄焉至青口巖出雲際忽轉若無徑有溪憂而鳴隔溪一竇入兩山屏數十武一轉溪隨縈之疑一山而天工斧其脊以中劃君往問劉龍子乎青口十里抵五泄寺寺右緣溪復折至瀑布所水懸千尺於削壁君往問白峴鼓腥乎黑白二龍井穿谷中入巖如繪溪如駛石門石困各形態於厓松竹箐君往探雲霧乎宋景濂先生云諸泄惟第四級不可至或以絢圍腰擊巨楫俯而瞰從嶺上下君往響鐵嶺四瀑盡出不將倣匡廬鴈宕之一級水乎從嶺而頂十里方下山溝厓組織墮而爲泄地名紫閭君往覓桃源乎繇五泄三十里到洞巖寺玉京洞中有大溪石橋頂上聞櫓聲是錢塘江也君往支短策乎江令君淥羅尺牘云西施美人生於諸暨嫁于長洲二百年來香魂當往

來兩國間吾輩以簿書鞅掌幾幾失之君往問東城一片浣紗石乎并爲余語父老曰毋訐訟毋淹女毋情七十二堤水衡毋賦唐之蟋蟀惟令君豈弟和平輯柔其心以長越國余言爲籍氏云

錢君穎奇症序

我生之初與父母近與醫王遠父母大醫王也
我生之後與父母疎與藥右近終身一嬰兒也
猶幸其爲嬰兒呼父母不遠卽呼醫王不遠矣
乃舛髮而后傲然成人因之採藥甚則見烏紗
治以烏紗見大烏紗又治以大烏紗竟忘其爲
嬰兒也而大人先生殆矣此醫於人者誤也醫
者又自忘其身之亦嬰兒也習一三兒方則兒
醫焉習一三女方則女醫焉習一三外方則外
醫焉偷取方書數緒則儼然大方焉而號爲大
入先生醫者殆矣此醫人者誤也錢君穎穎生
也切脉之後不多言不多劑山澤之間倘有得
歟宜其色若孺氣若冲類有道者

施君序

嘗與海內好古者談古好今者談今不得一今
古雙好者施君其人矣又與楚君子語云山川
之精神出則人物之精神出吾嘗三過若雲臺
大嚼其湖夜行堤上手招月出一峯中宵放舟
叩碧巖山踉蹌問渡大都山川之精神盡出及
見施君而人物之精神亦欲出矣君相題如握
矢馭題如發矢輕明者能與造化俱殆有意承
問序于愚何愚少鬻子四十七歲然鬻子云使
臣捕獸逐麋則老矣使臣坐策國事尚少也故
序可屬也頃有規我者曰當屏謝古文辭專心
八股低眉下氣若仍復使丈夫口吻名儒精髓
當今無伯樂騏驎安所用之愚作答云卽如兄
言果能以八股破敵否噫嘻士貴通用耳不在
文字上商量況科第乎施君好古欲與坐策國
事矣

王山人星言序

君相不言命是邪非邪知者不言言者不知邪
 爲者不言言者不爲邪心玄生於其間言君相
 之不言可忽乎哉至於今天下皆言命王公貴
 人尤甚所靳乎王公貴人者以造命不以言命
 然欲富欲貴欲壽欲安佚是卽王公貴人所造
 之命也彼不自造其命何以造天下之命罕言
 命孔子也可不孔子又不言命是亦夢夢也夫
 莫夢于求仙乃率童男童女而之海止夫亦勞
 焉莫夢于丹煉乃取諸明水八采藥深山大亦
 瘁焉有人于此不蹕而馳如取如攜口大如箕
 我生有命命實爲之天作地作時作我不作命
 也夫命之不講是吾憂也奚怪乎間亦怪遣帥
 也日將軍命若何策虜也日醜虜命若何則亞
 然笑噫無庸笑也遣帥窮制虜窮計無復之論
 之不講是軍國憂也又奚怪乎嗟嗟願天生好
 人好人不可恃願人行好事好事真難做意者
 願天生好命庶乎其要无咎歟率天下之人而

言命非心玄始也率天下言命之人作而不止
 勉脩職業心玄又可忽乎哉

三原溫孝濂序

聞中得一卷首篇可雄視中原斑孟義結語置之反覆三塲灝氣吞吐出詢同人知爲三原溫子偉然玉立解衣盤礴登高作賦並藹藹不俗也示我行卷典要神奇十之七豪猛之句肯自流溢不盡軌於雅馴十之三夫山川出雲與人土作文章共之三尺法亦與八股共之大都裁豪士於一幅思得金玉圭璋之士而用之廊廟溫子勉乎哉

平湖萬如上人序

余未至平湖嘗數數焦山也未叩平湖之鐘堂於水晶夜半訪雲聲菴雪封其門煮橘湯相煖寒也主人爲誰萬如也萬如歸空山不響響落平湖萬如無忘家鄉抑豈忘故山請待我於雲聲也

酌壘懷貞集敘

詩不云乎我姑酌彼金壘維以永懷嗟嗟我
 終自外室無適我之公姑之何其不思且室無
 不適我之人又如之何其不思茲集也貞揚夫
 人而義金天樞銘有道於閨房不媿也夫余與
 天樞周道如濡謠誄出袖中自古行道難貞夫
 淑女顧瞻愴歎大都不忤不求澹泊其神明登
 身崔魏之巔三致意焉況生死愁澗能不悲哉
 天樞具丈夫骨出入必以兄弟隨帝制孝子劬
 婦現息夫人夢祚之高年志將父也我瞻四防
 戎馬在郊鴈叫長空雞舞征旅七尺惟所志不
 皇將父也酌金壘寬抱懷可乎雖然廓落天地
 義夫罕矣學義夫而過則恐懼學義夫而不及
 則狎侮天樞艱於抱子不以故置天樞父其
 兄猶子父其叔盡誠宣所致夫卿夢之神車
 還之夫人告語之生也棘入樂樂既迨冰之泮
 逝也勞人草草乍驚一葉之秋於是歸麗共讀
 之書聲靜藩餘之釜如雲非我思存綦縞亦安

史大夫送行序

史大夫之行也維清維惠諸君子爲文頌之先
 是廟堂信法以裁級而公願移過以伸法然
 風霆雨露堯舜之世何患不白哉易于比之初
 九吉則他之益之六三凶則固有之其實二者
 皆固有也俗以爲固有則他之以爲无妄則固
 有之耳大夫所以服官與所以去官皆可置不
 道予獨慨吏治寬嚴之尚持論紛紛皆非也諱
 不云乎宜民宜人宜大夫卿士宜則便則思
 思則寬與嚴無所不可大夫無不宜亦無不宜
 大夫而門以內否其來也恐暮其去也恐速而
 門以內否意者門內之不宜所以宜民人歟未
 門內之人不憚嚴而憚別大夫以別故嚴而裕
 清帑清門內之所懼也然則清帑無他法清閑
 內而已子游宰武城澹臺不至于是擬之議迄
 姑爲無聊之詞夫夫也意者爲公事一來益祭
 未嘗見之也余自卽一見自剗一見至郡三四
 見嫵昔賢多矣言不及私也然大夫造士及我

在焉夫人未廟見服姑喪三年此謂禮始憂致疾鄰不戒於火心中冲冲續息之強寬翁此謂禮終視諸衿馨浩然去矣琴瑟之友終身學焉鼓宮遠聞君子樂之是以日邁月征苦口兄弟靖其正直箴言友生而提朝氣於昧旦弋鳧鴈於詩書知子之來之操其名以來非爲子來則戒勿交嚴乎季女斯饑師氏詔漸所從來矣天爲降棺鳳集其屋豈偶然哉

馬一

三

家子弟尤廣德心昔人不以口腹累安平世界有真澹臺亦決不以子弟累郡侯也然則予言私乎曰不私也大夫有遠神有遠識薊門一見決矣心知可屬大事而孰知大夫冲然學道中人也哉孔門之學異于人者三潤身則不焦根心則不撼生色則不凋其榮此三者仕宦之途零落最甚孔孟日携此酣適之味遜以與人舉世不受微于色見于面四體言亦不喻于是孔孟身自浮沉用舍之間一種清虛平遠之趣悠然獨享而造物不吝仕版不爭皆謂識量不可強實有學以勝之也公得之不驚失之不驚其神澹矣其氣暇矣可屬大事矣予每讀唐人贈使人名利之心皆盡其于宰相中書黃門節鎮也則斷爛之章也其于幽人遷客召還忠蓋也則星辰之燦也無他此有色彼無色也且其能爲贈遷謫者卽其能爲贈通顯者也然言之不同彼無味此有味也予言出而文章有色矣公卽日還朝有孚中行告公用圭而廟堂

馬一

三

有色矣

永平罵賊死韓烈士序

予登永平釣臺有魚甚美與韓公子烹而食之
 卽今罵賊死開西君諱原洞故名侍御西玄子
 也西玄按甘肅効汲長孺按齊曾師于定國四
 十七而辭官陰行善猶子鵬南公諱原善提兵
 直擣開原有成謀忌者沮不行其子太學生子
 有諱廣業沈毅饒父風其弟諱原性拒奴榛子
 鎮闔門死之存者庠士脩業一人賊圍孤竹開
 西登陴戰氣酣大捐鏹募死士歸揖母夫人及
 夫人葛而別同社灤士張汝恭是夜之半亦不
 謀于妻子持槊直上開西曰吾與張子生同師
 死同義遂裹創力戰仰天大慟痛罵死購屍以
 葬胸前之文不傷乃生平所著忠國論曩者固
 曰吾見祖宗于九原以文贊也我師收復灤永
 督師疏生員韓原洞城上罵賊死
 天子旌焉君師吾弟和卿雄文慨慷所恨者吾
 弟和卿早捐館不獲以睢陽之血與常山之活
 隨也嘗與子有言邊兵重且驕禁旅不堪戰

國家以邊陲爲畿輔赫然自帥使中軍有居
重馭輕之勢而後威靈震叛竊意者分戍遼之
銳以備宣雲滌遼餉之冗以蘇百姓固關薊之
壘清寧錦之野遠偵探明烽燧使勿窺天塹即
間闖河西野無青草能久牧馬乎當事者禁秣
酒以賤馬芻甚善正風俗秩名分汰淫濫謝干
謁籌邊莫工于此子有吶吶而能洞曉大計嗚
呼吾弟偕開西余願偕子有

無夢園集

馬一

三

永平縣志

長洲慕同葉翁考最序

頃主銓者條上郡國舉廉吏不舉卓異卓異可
僞清畏人知不可僞也必首我葉侯昔有嘗處
城之井者既苦且清足符吾志蓋不苦則清不
真能以苦自予必以苦予人其所予者苦也非
甘也而猥云化國之民長樂不亦過乎苦心何
盡心平心而已盡心則無媿平心則無偏如保
赤子喜心多苦心少中赤子之欲恒難喜心少
苦心多中赤子之欲恒易夫上與下相苦以功
能以行義絕去其可喜如杜甫曰今天下得元
結輩十數公參錯爲治斯海內又安矣于侯亦
云若然舉廉吏可也舉卓異可也

無夢園集

馬一

本

止勵精求索外吏詔書屢布乃甫登卓異之筵
而一隅有事夾袋已虛無人得無矯矯名高不
可恃歟天下可恃緩急之人則平心與盡心之
人請以我侯應詔書益姚希得之却錦幕也以
而易之侯不易寒士之布而所急不在此侯意
風俗急人才急民瘼清而不耀直而不激所謂

人情不甚相遠苟澄其源何患不治侯之政也
執法有餘地德盛不狎侮以儉常足以無欲
尊侯之品也諸人士聽鞫于侯之庭每出語云
可使慾心平躁心釋侯與天相知而斯言也
如與天語今雜舉陟明之典游登崇廡以祝侯
侯固有之又循考功氏之故也夷然不屑矣侯
嘗自署陽城氏之考矣越帥督稅煩苛熊克知
諸暨曰寧我獲過不忍困民部使歎服表薦之
侯以特疏報可

無夢園集

馬

三

知人之明也大中丞薦人之公也侯何知焉
今纔指殊尤則濬河塘數千丈築圩塍十餘萬
丈清隱田三萬冒荒不混真荒上田不藉下田
侵帑者成驕印者辟揭竿之饑民侯出入伏跪
呼不敢譴殆史不勝書矣啓聖之建也兩廡之
秩也宦賢祠之壯也憲濟寶帶之鎮于巨流也
火耗之革也驛馬之禁也勾擾之罷也無以入
命市也入悍母之囚室而生其二子于冰韁凍
狴也皆法施于民興利除害于百年之計也

而碑之不如爲善于家戶而祈之不如爲善
里意者勤侯之急茹侯之苦力本務農業共
風俗人才之憂庶幾可乎侯旣生塵釜生魚而
吾儕裘馬歌呼侯戴星出入而吾儕晨夕以嬉
侯恬靜不擾登延俊乂而吾儕之教不先如賢
父母何昔衡湘以南士皆北面稱弟子故可以
爲弟子也可以事父母矣謹介侯門下士貢
言于侯以苦且清勉吳人士愈自勉也

無夢園集

馬

三

陳太史無夢園初集

古吳陳仁錫明卿甫著

序

劉士翁年丈五十壽序

蓋法象立所以爲君子法象莫大乎天地天地莫大乎義命義命莫大乎職業日月星辰受職於天江淮河海受職於地股肱腹心受職於君皆受職焉而三才有主皆盡職焉而萬國咸寧自古論道經邦惟經邦而後可以論道惟士大

無夢園集

馬一

夫皆作而行之而後三公可以坐論終日乾乾行事也天有事君有事相有事惟事事乃其有備枚卜功臣惟吉之從論道亦論事今夫元者善之長無不施無不生也至于義而天地自有所不敢天地之所不敢而聖賢豪傑又敢乎哉義也乃所謂命也顯諸仁藏諸用義者用也藏用則根深寧極命斯宅焉君子知微知彰知柔知剛以望萬夫非靜確而明決不能也辛酉除夜余泊舟寶應夢神授金函書榜首劉昇之壬

戎與士微同榜恍然憶前夢公澹而端勁而和碩厚而博大每與余言得失命也職業義也以義立命以職業盡義自造造士一時譽髦如立雪於嚴寒大冬之門而操以壽公執爵者有辭矣余昔與公同年今與公執筆而記言動是記註關職業也

高皇帝諭楊訓文曰起居之職非專事紀錄而已要在輸忠納誨致主於無過之地而后爲盡職也吾平時於百官所言一二日外猶尋繹不

無夢園集

馬一

已今爾在吾左右可不盡言且爾素稱謹厚當始終一致譬如馳馬能戒於險阻則不墜吾每以此自警故以勗爾等也何以垂法後世鼎對

上恭於羣議斷以睿見誠爲允當請俟書成更與廷臣看詳而後頒之去煩就簡減重從輕繕居多又語起居注王禕曰兵爭之後法度縱弛當在更張使紀綱正而條目舉其要在明禮義正人心厚風俗以爲本復建起居注吳林魏觀

等以幣帛求遺賢於四方夫與之圖任賢能明

刑政責輸忠納誨而其職業可易盡歟

上又覽起居注宋濂歸省金華所上世子進修

書喜 召世子諭之曰宋起居之言有益爾其

味之人臣念及此也而職業又敢不盡歟靖共

爾位正直是與有職業斯有義命有義命斯有

法象士徵生平無求亦近無欲然於郡邑興除

世運往復必先天下之憂而憂異時包荒馮河

天壽平格之良相也公門下皆矯矯獨立之士

無夢園集

馬二

其吳君梁君宋君業以余同籍而知公深素不

善諛謀祝於余余直書居恒所聞於公者百爾

君子各修職業以躋二世於仁壽焉

壽李夢翁大司空年伯序

天下治平注意將相尤不若將相自爲計也是

平格之上算也引而伸之觸類而長之不過畢

天下之能事士大夫自度所能者何事所能平

格者何事大觀在上惟順與巽夫決在和惟惕

與號其孰能與于此哉枚卜從功功從吉西陵

夢翁李年伯功而吉者也幾動于微吉先見焉

天下事自其先而圖之天且弗違是謂能事

君易耳兄將相間注意交驩乎若是人才取精

無夢園集

馬二

凡取淵識取沈度取廣氣取寂萬夫之望取介

取確取惕取厲大臣惕厲則號呼之朋自來君

父順巽則中正之極懋建其在人無咎也無譽

也與人無爭其在天吉事有祥也吉無不利也

與天爭一先莫之或先先天弗違矣翁將出膺

輔宰將相重寄燕居深念何者最先蓋有味乎

其弼直之一言坐而論道三公事也廷臣言之

爲議論大臣言之爲德業心膺思誰不思股肱

直誰不直彼乘載荒度馳驅之勞中智宜弗道

神禹曰否胼胝何勞之有顧今河患未息詢謀
底績萬世功孰大不明白曉曉入告我后何取
知四方艱難維汝克勤克儉帝若曰下止昏墊
金錢大可念至哉言乎慎儉德懷永圖江之永
矣漢之廣矣庸詎足漏卮是以儉德貴也儉德
而懷永圖尤貴也竊覽

國朝用兵大都農部運籌什居五六凡調遣屯
集大司農主之樞部受成事不唯如左右手抑
如手足之仰腹心而農部拮据持荼足當如雲

無夢園集

馬二

三

姬雨之半是謂計臣若夫蒿目而已何計哉翁
轉漕津海間其爲榮陽成臯也大矣曾未數年
盈詘勞逸靜譁矣若不宜齋而諫乎

肅皇帝龍興于楚暨我

皇上再中興四征弗庭竊惟

神廟相江陵風行四海粟支九年營伍精嚴廩
馬充斥崇墉密雉行萬里不持寸兵其時賜租
賑荒劔出而星辰皆動禹甸再闢於西川王果
泣政之關初年在入力也

上念往功予殊典况生吾世而价人猶在湘楚
諸君子如雷霆于江漢間翁也應期首出續武

功昌文敷以次將楚相楚銓憲楚耳自楚
聖祖實式臨之茲楚大夫授簡吳儂意乎翁聞
而彌惕也惕則號惕號則自備諸君子交相惕
交相呼交相備則宵旰之焦勞什而坤土異風
皇建其有極順而巽生道也爲龍爲光三壽作
朋天下和平也夫

無夢園集

馬二

六

壽李老師序

上御極之六年我師東粵李夫子誕申五十有
 一十生數也生胎於一生生胎於五之一五
 有二三生數也天地之盛德在夏歲丙寅六月
 是月閏昭顯大地之光明以生柔嘉材實挺我
 師上嚮明而治五事在南三德在北自南而
 北厥位賓師於卦觀觀五上觀我生觀其生皆
 君子也至上九曰志未平古今相業在此一言
 仁錫嘗讀宋史仁宗之爲君韓范歐富之爲相

無夢園集 馬二

歷年多及考行事西夏一隅瘁天下而犁虜庭
 者絕罕意名臣碩輔聽慶曆之頌微翹然自喜
 世未平而志若平歟夫觀我生觀民觀民觀東
 南師入相具陳疾苦軫東南以暨海內盡復
 章皇帝以來久任度阨興利之政而旁也

三祖赫濯聲靈大恢疆土

皇上之大觀也師燕居深念曰觀其生觀已古
 太臣克勤小物卽食息戶牖之防式嚴式恭益
 萬古此乾惕萬古此進修若然志安得而平太

臣之志平必有受其不平者大臣之志未平必
 有受其平者試近論之丘文莊上衍義補於
 孝宗皇帝讀其書大喜賜黃金采穀詔大宗伯
 頒祭酒書於天下進秩尚書旋拜相師品業萬
 文莊而生于東粵同官祭酒同嘗聞宋端平中
 連宗急戒事衍義一書不之讀正未必急戎事
 耳而文莊與師遇堯舜之君同所異者文莊官
 歲均時七非師距之尚斷有九年卽又計有九
 年而新蔡之劬動乃安攘浩然如一日也其最
 平範身於規矩準繩而人材政事皆取型焉金
 甌無缺官府一心豈不體輕而意舒乃導窾察
 幾正如其始生芒乎忽乎其難其撫相臣之
 志未平而億萬斯年與天無極錫福輔臣師龍
 受之哉

無夢園集 馬二

壽文年伯母叙

天地之道恒久而不已也曰師曰友鼓鐘於宮
琴瑟友之琴瑟者友之義也爲文年伯賀益友
焉歸寧於家言告師氏保姆者師之義也爲文
鐵菴賀嚴師焉師友斯恒家有淑媛國有大年
瞻雲紀瑞覽揆冬日史氏登臺觀焉在衣冠藪
澤在文物與區及搦筆紀之纒文賀之其說維
何賀之以師友江漢朝宗於海師道也江至夷
陵而平友道也屬簡某何東連吳會在師友之
間二葦分吳楚千春燦彤管既和且平庶幾雖
雖之奏焉且萬物之有宗庶事之有衡視其所
取翁取廉平以爲令取貞方以爲師取節儉正
直以爲羔羊大夫之友鐵菴取中正和平以教
國子皆有所取也而餘者還造物造物悉以還
壽母夫鐘鼓樂矣友之以琴瑟何因心則友宜
爾室家協其民人胥此焉出友之象古載之矣
稱夫人爲益友自老伯翁始積善在身如長日
加益而人不知也天施地生益者皆不可知而

益獨歸之友友亦明操其長日之權以默作風
雷之勢唯遷善乎太白不云乎操刀若風雷益
道也母奚以益之益之以龍潛益之以鴻漸翁
起家孝廉政成解組泊如也龍方見而潛矣鴻
高翔而達矣損益盈虛天道也益道也鐵菴和
而斷靜而正腸甚赤而色不輕假氣甚毅而言
不妄發惟重惟厚思皇式儀型之異日觸幾於
先剖決如流斷天下之疑成天下之務者必鐵
菴也其奚以益之益之以尚論古之人尚論者
與天下之善士共論之麗澤之兌朋友講習豈
與一鄉一國士嘗試湧論哉於是鐵菴恂恂若
不及也請益吾儕遂巡避席旣而對曰吾有以
益君矣益之以母師母半七廟見今年冬月正
七十採菱江漢之濱又將從母問道焉廿載辛
勤開顏丁卯以暨壬戌光華旦旦鐵菴以母教
教國子教同人漸而論道經邦錫類不置稱觴
如林其以師友壽則自某始

賀高明杜壽序

黔明杜高公累以司空報最書蹟屈初度修酌者詞公自萬里訪余交譜中數十年道義相摩切公至吳門家兄弟執經而叩余至白門君家玉樹琳瑯子若嬌竟夜論文不倦大都奮廓埃瑱破開濤浪每構一義梓如芙蓉公鑄才式弘鍊物惟遠滋蘭之九畹亦樹蓮之百畝而操刀風雷之意行于落筆綺繡之中率誠澹然條風執窺愜喜哉所至乘愛景以字人姦無蹊隧食惟之鶚化為好音益節孝家訓內恕以量物登明堂而肅黃矣宜氣發于星辰之際而不懈攸暨非捍大災禦大患不以煩巨斧耳歛挿天而赤霄接不亦稱其龍從羸崔之山川宜爾大夫庶士歌南山頌樂只賡保艾乎先是大司空上公廉能狀奉煌煌

達藝亦不可少也在所習而已說者謂虞廷諸臣不兼長也然其人豈生而習神入習統均習兵農哉習于一而後無所不習也破庸人之論開功名之門唯不拘資格乎

聖明在上斷行之矣今夫富邦國任百官生萬民非事典不與焉彼胼胝荒度瘠其身呱弗子告有辟而錫玄圭貢賦惟則使堯舜富與天無極使堯舜壽然後知司空一官計生民遠斯計國家遠也漢武帝元光中始筭商車其後又筭民軍及船則前史誌之凡民不爲吏不爲三老騎士有輕車皆出一筭與漢高抑末重本困賈人不得衣絲馳騎者遠矣于是隱度率貨鬻買之政紛紛焉公獨仰體

聖明急寡孤慈商旅至意及于寬政亦無虧冰衡額乃知人情聖王之田士大夫不患情有餘而患情不足萬水所湊觸地成川得人情而善用之緩急足相使傳中丞堯俞不嘗憫積次之苦申帶納之令乎朱紫陽不嘗條止輸過公歟

版曹住惟之政乎此二公者豈不念國家之急哉能用情小民而後能用情社稷嘗讀古詩一曰媚天子一曰媚庶人媚庶人所以媚天子耳不然帝王豈受臣下之媚而蓋臣肯獻媚于君也哉公之見及此于養生亦善矣精神者物之貴盛者也造物之真氣不費則善計無窮如大雅歌萬有千歲以昌厥後至于公皆質言也哉

無夢園集

馬二

壽文湛持年丈六十序

天子御極之六載湛持文年翁初稱六十醵吾吳先達暨同紳皆有祝也徵言侑爵乃及樸愚踧而辭者再因彭君辭者再益曰詩之善頌也一曰正直是與一曰好是正直好之必祝之其磐石之安而勁松之茂也古之高士聞賢者生日爲裁新曲紫裘腰笛快作數弄嘹然有穿雲聲則愚謝不敏而先達以和平廣大之音頌天壽平格天保孔固之盛維仁錫式克欽承哉既辭弗獲縉紳間傳瑤焰時翁見于夢充閭賀客張六十錦屏覺而以爲异今遭逢

無夢園集

馬

古

聖明徵書屢下日升月恒始基之矣愚謂翁公相當不遠以其德以其品以其時以其數以其夢考之而皆可天地交泰輔相裁成陽三十畫陰三十畫而後泰其數六屆癸酉春王月寶曆六太階之符亦誕甫申六引而伸之百千萬億與金甌無極厥惟顯哉翁正直忠厚忠厚本諸性篤諸君親初以天下第一流人物狀元及第

臚傳之日仗馬高鳴正人奮而正論昌然翁恂恂抑抑坦衷好善泊如也間嘗憤跳梁之戎夷慨節鉞之禮數誓心報國獨立淵思未幾瑞寺暗姦煽處羽翼已成四顧在廷蟒玉迷其躬金華障其目拱手熟視一聽宵人之所爲翁曰如振如瑾如直竊國耳乃併朝講而寤之可以諫矣於是抗疏摘姦究極微隱笑充階之傀儡搜在陰之窟穴翁爲最先攻發元愍之人日夜中翁不置賴上帝有赫時時擁護翼戴以事我皇上而自此濃雲撥霧衆正藉手芟除壅闕繼自今梧鳳矢音咸知正人可恃清議可憚者以有翁也夫樹大君子于衆君子之上是彼蒼之碩果也復之繇曰君子得與吉之先見也早斯不民之戴之也重唐虞枚卜從功從吉其法最簡其得人于萬夫之望最先孰吉于幾之先見也疏再疏如懸天鏡者孰功于先後諸君子奮發敢言一意尊主庇民惟翁是則是倣者若然羣變稷契莫與之爭一先况其他乎宜三詔還

無夢園集

馬二

朝朝夕啓沃受非常之知係非常之望也哉自古賢王每有過舉問其相臣知否古大臣亦曰但道臣以爲不可道不可而始尊相必知而始密不冠不見廟堂嚴憚而敵國之謀寢矣中國相司馬亦惟邇英講讀君父素所信任蠻夷聞之悚服國不患無親臣患無重臣相重臣非翁其誰哉然翁之重也以論道重皇上發強剛毅行溫柔寬裕之仁大哉乾乎乾斯斷斯斯執乾以君之而體元長仁厯居四德之先務俾邪正如日明斷如山上終用公言虛懷聽受翁精誠激發杜漸愛明益素所嚴重久矣文皇帝曰爲人君者不可不知易內君子而外小人一語所關治道不小至哉言乎拘儒之詮易也曰包容荒垢夫包容得尚于中行以光大也廣漠大荒浩浩無窮而已豈荒垢包容之謂哉此調停之說專設人國翁獨炳幾先扼要力

無夢園集

馬二

靜惟妙于用復而後傾否保泰總歸定斷復見
 天地之心純粹以精至平陂往復界限一分示
 泰否而內外消長之幾有識者凜凜焉翁稟忠
 存之家傳本道義之性塞敦靖共之豈弟佐明
 作之惇大俾邊海肅然紀法之中閭閻寬然功
 令之外固已饒焉之翁太山萬仞壁立而風旨
 必依忠厚春風引入長日加益惟先天地而不
 違自天佑之聲無不宜熾昌單厚祥光起而燭
 天鳳毛蒸其異彩海內仰光輔之蹟甚偉而翁
 無夢園集 馬二
 論道則有本矣嘗與愚私語曰圖治之道察于
 事則愈察而愈細研于理則愈研而愈精蓋細
 則煩而精則簡用形用神之別也若然不必左
 顧右盼曲防壅蔽之虞而坐致蕩平翁之論道
 如此太平可冀也敬因彭君以復先達先達曰
 然予又憶過庭之誨令北面事文先生好是正
 直所從來久矣以五年差長呼爲小友得侍同
 朝說易報國長松命作松下談易歌紀之今翁
 乾乾行事默符易理欣逢初度藉手先達未能

裁高士之新曲混有道聽聞也生生之謂易倘
 亦松下說易之意乎

奉壽如岡陳翁暨姚恭人八十華誕序
 堯舜在上皋夔稷契不必朝署也肥遯斷其疑
 高尚則其志鴻漸儀其羽皆是也古帝王舊學
 之臣不載行事大約圭組弗榮其君亦弗強第
 不若洗耳之客因以爲名高耳間亦竊疑恭嘿
 旁求商庭臣無可入夢者何居中不自亂大易
 僅許幽人而不許通顯豈有亂其中者歟愚讀
 前輩陳如翁 聖學 聖政紀要二書及反覆
 上章天壽平格保世滋大盡在此 國家有道
 無憂國集 馬二
 之長以治以察以惇大行其明作莫如嘉靖萬
 曆 兩朝如 郊廟必躬尚衣停織賞邊二百
 萬 賜環什百輩則稱嘉靖又如十年前操天
 下以整齊之法十年後養天下以平康之福懲
 初政束濕恩劑之寬大則稱萬曆列 聖學于
 聖政之先次第倫要大哉王言在家不忘獻納
 咨爾百辟卿士無諾諾公學有原本其出處也
 正有切琢其磨礪也精有嚴翼其律度也審且
 班聯非乏也而旁求徵海內簪筆非乏也而文

章虞詭誕 絲綸虞繁縟碩人之寬衡門之樂
 非乏也而 詔書申飭鄉大夫俾身先表率就
 有通籍以來強半里居閉戶謝干請稟理學于
 梅岡考 累朝之故實介然萬夫望如翁者哉
 以三母並封爲至榮以一歲超遷爲深取先君
 令語溪推翁人倫之表曰陳先生困公車久獨
 坐靜室手磨書几凡三年而魁壬辰又憶孝廉
 時蔡虛臺先生語曰陳太史宦稿不可不讀嘗
 同賀年伯銓部登翁堂傾聽法語且令文孫恂
 從之游以是習道義卓然風旨務依忠厚嘗謂
 士大夫有追琢珪璋之功能然後有渾雅淵穆
 之識力有光明俊偉之文章然後有靜深悠久
 之事業唯學有家法而農用猷畝工用規矩百
 世不能易也翁感礦稅苛猛同輩躍冶賦歸猶
 壯善政府力陳時政冥鴻矯矯屢徵不起迨
 我而褰裳愈亟矣其家訓曰志薄贏金心先愛
 鼎是以論孟貫義孔孟首肯寒暑總持手珠生
 蓮若誠壹所致夫中丞御史大夫以理學名

再賀文湛翁壽序

錫類者壽錫忠義之類恒久而不已也壬戌之秋吾鄉正人或尊宿詞林或肅清銓政湛持海內一人六廷獨對余幸朝于松柏而夕于薑桂也顧翁獨懷遠慮携手殿陛必稱伏蒲披鱗代若而人固知高岡將鳴及渡江泊京口傳翁疏燈下讀之排逆擊憖惟出入起居是誌是凜庶清明康強臣言效而首科擢士報禮斯重當是時璫刺恨留中徵福清師引二羅節義狀

無夢園集

馬一

七

元陽之幾回測翁自爲存廉介性直節篤孝著聞及里居益務恬肅謙穆杜戶精修華萃恤民禦虜碑研碩畫道味冲然余再出山逢人率爾對曰湛持忠厚有至性奚憚之甚哉璫客銜之疑受翁使坐翻局謀主繼日以夜余大笑自翁還一朝直諫權要肆蜚謀中翁而復令錦衣嚇余貽書詈余余更大笑不令惡言入耳亦不屑白其眼也於是自喜束髮與翁交三十四年同榜同下公車同謫同升又同謗而其間下第良

久渡淮涉江酣適之味反過于登第更似遷謫之趣雋永于賜環兩人於世態之外殊落落相得也今逢初度僅隨同紳執簡侑爵胸懷能已乎君臣相知自古難之如讀其文而凌虛聞其言而前席貽諸子孫而歎奇才亦文學議論云耳又如欲相鄴侯匿之他所而府兵一議已不能力行奚益哉翁于講筵引書極論固宜注嚮側席而所論斥悉俞昌言則翁之受知渥矣文毅文恭之第以言顯也時也夫我

無夢園集

馬一

計

高皇帝大有爲之主也創禮賢館而桂公上萬言書以寬仁爲主則稱大儒一人今我皇上大有爲之主也恢疆土復舊章務華養元元翁駕車而入輔理茲其時哉萬有千歲自詩人言之則不諛余所云錫忠義之類是已彼三時昌言自翁世道重炳此一時也小人何恃藉不懲君子何畏而不果無爭往復之小數共結忠義之大年惟雷風並行剛柔皆應乎長我陸王國受天之祐萬有千歲謂之善祝也宜

應加郵送存問請有以哉姚恭人衣敝食粗維
安婢操作幾不辦象服斯煌也年八袞相敬如
賓治家有體要仁而嚴厚而密翁以是殫于讀
百予桐封歸里曹別駕暨陳文學叔姪以侑爵
之言請三君穆如藹如味之皆蘭誦尊兩人如
坐春風而長日加益披讀光裕祿別駕子壻也
泰寧嗣子也悽惻恂恂情皆孫行以文行世其
家而幼者頭角嶙嶙青雲競爽矣翁艱于嗣既
選擇得人又申命之曰惟爾孝根天性雖外兄
弟當如真兄弟嫡從娣弟當如胞娣弟神之聽
之和平矣別駕愛壻入侍長安時以後翁者
請筮仕肇慶念翁不已即日解組七齡就館踰
月辭官東粵至今高之昔張掖太守之徙弘農
也漢天子屈法以近女別駕舍官以近翁不媿
曹忠靖公後翁文子文孫館甥宅相並進眉壽
之觴而嗣君篤孝子壻廉敬天鍾此兩人盛德
昭讀書忠孝之報豈偶然哉抑卿士咸懷一切
莫肯遠慮翁每念不忘

君父繼自今贊贊襄哉相率盡忠補過與民休
息以寧
聖天子好生之德所錫類遠矣

奉賀張太守伯翁暨老年伯母太夫人壽叙

有嘉謨入告我后猶之人子擊鮮而陸賈日持
書劍就諸子養日數見不鮮然則如霞之在
藕之在雪桃之在水甘泉之吐清峽擊鮮而
樂之仕者以手拮据口撝茶兵燹驅馳身試湯
火不遑將父將母之狀上告

天子其言如實鑑之在千秋麗日之在五雲
九泥之在秦關二十四橋之在揚州何異洗

無夢園集

馬二

注

修禮哉予是以壽張年伯蓋壬申嘉平之九
稱七十也年伯母少二齡而生同日具慶也
宜爾難老宜爾福星太平在險能夷宜爾廣
濤先八月如沸或曰精動水波王尊其勇威
鋤奸張堪其義餉新米則示以麥飯新派
卽饋果者退三舍劉懷慰蘇瓊其廉是能
于堂一宿盈尺者乎雲氣如盖當廳事絢五
者耶余曰唯唯父老知古未知今也今天下
冠起秦漢晉通海大失注于晉壯于秦吳維

此三惠者身受之太平履祀

注然太夫人嚴責封疆吏揚州積欠

上又然太夫人言申徹御史中丞試不云乎平居
僅能守法緩急何以使民秦寇門庭晉寇堂室
海寇與交劍履動而河山霽甲兵洗而鯨鯢消
此非臣子椎牛饗士釀酒祝師之辰耶飲至而
躋公堂舉兕觥獻萬壽無疆于

聖天子傳徵焉垂白老親携杖見德化少蒼
華簡書也垂白是秦寇深而晉亦繁有徒也秦

無夢園集

馬二

注

饒晉復不飽也或勦或撫賑秦不逮晉軍實
頓功令嚴而欺罔熾太夫人安得不言平陽安而
山右安山右安而京師安太夫人擊鮮壽其親
者三也

堯舜在上好生受盡言以太平一邑告而全晉
千百萬之生靈皆入于好生之耳以一太守昌
言百兩卿士呼天貫日之鬱忱三緘百詎之謹
議以大夫人言無罪而苦心極慮希入受謚之聽
于是乎錫類二親在堂聞斯言也山乎水乎絲

乎竹乎此大夫擊鮮壽其親者二也愚嘗持節
二東兩河間盜所過大吏檄有司率弓巡驅出
境其入于海卽阜囊飛上捷書如報首功不知
羣不逞嘯滌濱中安之乎不之秦晉矣又不之
燕趙矣若然必之吳越之淮揚且東江之未易
弃也一葦則登萊再葦則淮甸也脫登州不爲
障淮揚更岌岌矣狼山等十三營及三衛四所
之操軍運軍十萬金錢越在他屬大夫所謂勢
處千必窮卽法有所難通此開今日敬輿之口

無夢園集

馬二

三

也况所在調兵移防鹽城廟灣能無有瞞虛揚
驅者乎意者漁船灶勇可使也信國公臺墩可
釐也旌旗壁壘儼然成一軍彼榮笑瓊花鋪錦
江都葦銀爾戈矛保爾家室喚醒迷樓一意乎
大夫剛而明廉而敏辨此不難也大夫擊鮮壽
其親者三也

又序

蓋聞羣鳥卽鼓集顏孝子之居欲令聾者耳聞
余讀張襄海叙兩尊人及里居被寇官舍瞻雲
提吾耳何异震雷破寐太公字惕中日乾夕惕
雖厲无咎履至險而不驚有以夫別號慎吾慎
不害也七就道試未青其衿然是者適以老學
識而鍊氣志太夫人山河象儀金玉比德卽貴
顯無忘輓汲于是壬申嘉平之臘十有九日太
公稱七十觴差長也而並日齊德也而偕壽令

無夢園集

馬二

三八

子襄海擢守揚州過家寇至從刀劍烈焰中負
二親以出旣因水土異宜太公返晉壽母念子
製錦寫衷言非知已不授簡公筮仕寶雞介萬
山中廉勇得民單騎與賊力戰獲首級十餘邑
數年不被盜吾聞太公骨立矯矯號癯仙辨細
書世武外褰裳徒步日行四五十里壯者躡之
謂學邯鄲今觀張仲孝友膂力方剛詎非貽謀
之善乎人臣腹心事主嗇用其膂力宜弛擔之
勇望敵之怯也太公性警敏圓若珠流鋤強字

弱天性使然例困廩弗恤也田父邀素心良苗
懷新意啜茗代酒杜門息浪俗與子偕老左琴
右書知子之來之多長者車轍也漢郡守入爲
公卿以次陟御史中丞丞相大都治辦具捕盜
鬼典水利寬繇賦辟召所舉賢能其躬親戰陣
如武都太守輩下戈瀨之船分護羗之任僅若
而人今次公皎然不欺其志興舉事功汰蠹除
蛆雖微侯賞彤弓錫饒爲之而公輒念二人不
置日邁月征中夜以思一官兩地抱懷鬱鬱也

無邊園集

馬二

三

公恬澹尤感憤時事繁調整屋入覲屆考選輒
不顧欲解組者數矣翁曰明哲保身盍待時乎
太翁趣然言覽洞理數今其言猶信將之官金
陵晉諸大夫推賢讓能交疏改北樞料二虜如
鏡未雨之謀不盡行而慷慨見諸疏毀室以全
邑保親而幹國所濟啜熟嘗也逋賦饑軍惠此
維揚屹然淮海一柱咏歌所自太翁爲深山大
澤焉太夫人雖肅孚盛母師之門皆下拜吾有
感于天道趙咨守燉煌語盜曰少置衣糧以養

老親它無所請盜慚跪謝太守消行于此可見
鮑出義于賊而還其親兄弟樂之或共與或獨
負青龍十年百餘歲孫恩天飛潘綜求其父潘
驃求其子賊兩什之以薦舉辟召有司奏改純
孝里張太公一門有隱德歟徐孝克侍宴納果
于袖以遺親帝密訪中書管斌勅賜孝克前
驛并遣送家門榮之若然祿養與善養何二

無邊園集

馬二

三

賀李海翁雙壽序

聖天子踐位之年徵仕郎兵科給事中東莞晚
湘李先生用 覃恩加封其太公官如秩越明
年晉封文林郎戶科都給事中鄧太母再封孺
人今太公六十有七太孺人六十有八遙舉壽
觴受辭于余余與先生同讀書中秘先生治春
秋余治易歲辛未較天下春秋士從先生問經
諸生相應以義理之文漢儒學有專師而先生
師尊人雞未鳴篝燈呼起以玉子于成少而諷

無夢園集

馬二

三

誦壯而論議廓然樂饑志廣博而色不伐蓋以
坐春風操澄秋水皆稱海雲先生余又將從太
翁受業焉夫壽以衆多爲象以和平爲義卷阿
之士取其多天壽之格尚其平若是者南山壽
翁北海壽母予聞鄧太夫人幽閒靜端食淡而
好施宗黨化之宜而室家協比民人貽厥子壽
其國億萬斯年而後操簡有生色執爵有舞容
是歲也

天子擴雷雨之解先生寔長刑垣賢者立於本

朝而天下之豪傑相率而趨之一言回天冲然
若谷先是首排璫虎明罰勅法及其相機旋斡
中外頌

天子好生直聲彌震靈雨既至四海從欲時乃
風先生職思其居言必擇要惕如也兩尊人春
秋雙高里巷長者車填堦下引滿勸太翁曰活
千人後世當食邑以翁少負奇穎中樂泌饑海
膺 寵誥令聞長世不亦樂乎先生語余棘闈
日惠而好我子宜有同心之言余曰孰同于易

無夢園集

馬二

三

春秋哉大哉乾元春王正月天地大德曰生而
係王于春明乎元善長萬物矣二人同心易春
秋同之也易自同于春秋天使之合也先生受
春秋于翁翁使兩人之合也春秋萬世之春秋
與夫以八千歲爲春八千歲爲秋者孰多乎易
萬有一千二百極之引伸觸類畢天下之能事
先生操萬世之春秋以壽余操萬有一千二百
引伸觸類之易以壽而又金操春王正月大哉
乾元元會運世之紀以壽非臆說也當閱藝時

一室常開皇皇靡及先生剖析疑義字櫛句比
大臣同德則同心同心則同力有如此者雖然
翁治春秋而詩格高古吾儕讀書中秘而兼習
一經經同則心同力同德同畢天下之能事同
先生材秋獲于春官行春政于秋令除惡取耒
轉園取復拔芽取泰太翁築菴郊外亦釋亦玄
曰吾非求仙學佛也聊避世緣耳古之至人蕭
然高寄大都胸中浩浩然其神不係開心天玄
身命激素飛清理感誠至然後青來祝餘之草

無夢園集

馬二

奎

穀開四照之花當其一脫儒冠燕吳楚越各山
水多履跡有時披溪蔭渚有時分風擘流撰登
高之賦采色駿犖歌肄三之雅開勢遠明美酒
生蘭陵之香白雪度羅浮之曲選詞張錦以佐
肆筵于是振振繩繩膝下咸戴仁而負義賓抗
手曰都日南至兮葱葱舉善惟類兮如珖明德
著海內兮清節徹穹窿夫不匱載錫對揚嘉命
始基之矣兩尊人泊如也非向遙祝曰臣雖老
聾敢屬臣子盡忠極懃使

聖人壽則老臣幸甚此春秋教也職在簪筆謹
紀盛事

無夢園集

馬二

香

宋修宇偕壽序

今年辛未春王二月余在禮闈揣量當世魁戴禮無如宋仲晦未放榜拆卷得之與同年許仲嘉歡呼達曙客曰子何樂之甚也余曰有天道焉蓋里閭間以孝章德行相師友垂四十年久而淡好者莫吾兩家若也先王父常云此間有一玉人年方壯其識老其氣和晚節必貞先君子亦云余靜觀而深味之大都措一語動一念于世必有所濟心手拮据能緩急人君子凡人

無夢園集 馬二

三

盡然余因論次華裔明經篤行推坦菴公吏治清白高北都郎濂川公名噪上庠美見吾公位宇章華文品相伯仲今在于朝褒然兩榜進士令申仲晦又相伯仲更有雄文俊逸超乘而上未易材也天之積善也積一月始成一陽豈偶然哉乃于坤著積善之說蓋乾坤合德云惟寒與水惟霜與雪可以著教于是乎操簡壽朱母洵有辭矣宋朱之先世有闕德母既漸于杜太孺人之訓迪又自廟見淑慎之儀則倣于陸太

孺人春秋八十媳婦白頭孝事割奩具佐公私

獨女也不分嗣子之家尤皎持大誼非兒女子所知夫門外車跡深而賢夫婦有懼色寧負釜斷戴任器當是時左嚮右書不以容膝之安易其曳柴之高隱意者感時撫事姑托而而遜焉更遇明天子或如安世母之勵諫也房景伯之母呼所部母子同居視溫清也牟繡母辛氏之訓仁恕以慈軍旅也富貴何足辭又竊怪更木推警相從賃春提甕出汲近矯矯豈閨行之

無夢園集 馬二

三

在猶歟位宇持門戶卽精復賦愛父母卽習醫藥憂軍國卽策兵民軫東南卽究水利憫風俗卽防子弟恂恂粥粥不言而躬行不怒而威信不要約而誠明乃夫人亦生而安之安處豐安御窮安于八十之兩大母車不必輓甕不必汲舊衣敝裘不必更第有而不居推而與共非天作之合歟昔程母寬于婢僕嚴于子母曰子之過皆母隱之以蔽其父以是二程不解嗔怒此母之教于家修者晉鄭表官司空子居朝列曹

毋慮太盛食無重味廩祿班親黨此母之教于
服官者矧嚴父正已君子令聞珪璋其行尤積
善之報也時方長至自一陽浸而長乳坤合德
家可長久非獨天道也有人事焉

壽王侍御封翁序

侍御玄珠王公按西粵西粵古桂林地也被山
帶江驄馬所至挿獨秀之嶺銘伏波之石文武
吏士父老子弟諸夷酋部咸上御史大夫頌公
辭曰家大人之教也夫秦越人之技不若其兩
兄而名不出宗里微越人自言兩兄名弗顯家
大父教不佞曰吾聞桂管風尚清淑而俗醇古
見百年之老試停車問之士知經術乎絃誦爲
嶺南最乎民訟簡乎兵賦鮮乎樂音聞美乎山
深水濶漁歌吟答乎楚黔交廣之衝徵調不乏
或蠶蠶焉其地曰始安無擾也靜江無撓也何
灼然功哉灼然而功熾然而名越人自末之矣
不佞尊行之於是文武蕃漢率上太公壽柱史
行萬里歸而翁開七袞於明年之春王諸大夫
曰綵舞方新嘉平始臘盍少停驂乎先生曰
天子萬年麟趾百世重華兩作萬里呼嵩上金
鏡歲丹宸邁行哉柱史入 朝補闕禁近直言
無隱

天子嘉乃績柱史拜手颺言曰臣父之教也臣何力焉

上方視太學憲老乞言屬萬年家室壯聲飛鳥華之觀一索青陽肇竹苞松茂之盛覃恩及乎殊俗尚猶詢茲黃髮吾儕執爵之詞不其侈歟常試問先生冰雪也而綽約松栢也而桃李鶴而不癯仙有道乎志有之食靈飛夜光總左右御史之任可得聞歟先生曰所貴乎神仙者至樂也至便也不擇味而易牙不選色而西子不

無夢園集

馬二

三

審音而簫韶奚敝敝焉勞身苦形孑然於山谷哉宜其教子以忠教孫以文協氣澹如由由焉舍者與之爭席歟昔賢詮山海而停雲思親友夢軒轅而素心偕田父有以夫諸大夫聞柱史公之言可以采風曰先生之教也聞先生之言可以養生曰廣成子之教也爰授簡於余酌而賀先生賦南山有臺再酌而賀柱史公賦皇皇者華

壽劉天和年伯母序

天子御極之二年放榜首景陵劉天和粵攷邑之魯文恪公距弘治壬戌一百二十年又序宗拔擢第一人也應期以出舉朝慶得端士樂爲歌壽母蓋天和飲江海心揖山岳德初念伯母成老夫人屆六旬稱觴辭不就館試仁錫爲援引熙朝盛事

文皇帝初臨御簡用文學之臣七人俾佐宥密召七命婦入覲中宮惟金公幼孜以母行宴

無夢園集

馬二

早

賚隆加有冠服之賜壽至九十餘歲子爲母夫人願之乎天和始聽然莫逆也以所聞父子兄弟同居共箸三世天和齒及弟昆屑頰間如鈞天自奏伯母處兩姑之間不矜素封事栗烈之姑而煦其顏癸卯以後媳兼子伯有聲於庠不困以米鹽出粧佐之夫出粧以佐夫持籌易也寬伯咕嚕難也以樓舍居其兄難也讓中分之業閭無間言尤難也甲寅伯登貢貧滯京邸丙辰天和偕計御以歸母實命之尤難也恭儉樽

節退讓純純常常家有芝蘭門無襍客天和挈
三弟於一館讀書丹臺觀者二疑則考舊分別
然否想見讀書之樂如踴躍雲中游觀滄海天
壽平格五丈夫子其千霄之勢如旭日之升乎
夫侑以辭而不腆其幣何也趙司成類菴過魯
文恪公邸持二帕爲西涯壽魯公入索帕不得
會里中餽魚食過半矣家無他物持以祝西涯
烹魚沽酒卽事倡和此景陵家法也宋祖微時
渡景陵漁人辭不受錢卽位免漁課今余亦將

集

卷二

三

持一物爲壽可乎曰讀書詩不云乎罄無不宜
受天百祿是以吉祥善事不一惟讀書無所不
宜宜爽曙宜深夜宜高山流水宜薇垣玉署宜
春日載陽宜雨宜雪宜少宜壯宜弟宜兄宜獨
宜共宜將宜相宜君宜師蓋天下和平之上瑞
所集轅也自天啓首科始建極錫福景陵百祿
聚賢母一門矣載賡曰懋哉天和靖共爾位王
直是與懋哉四君子博學強識令聞表世

壽錢長玉年伯母序

始放榜見長玉錢年丈如龍之翰于天而栗其
鱗也望其氣山大者雲多族族然也聽其語歡
而不媒簡練于學也文如星月澹雅沈鬱新鮮
自求黃菌之俟也龍渴求飲而河伯捧漿也叩
其學夢寐之久而足也誦其詩肆心廣意物咸
迥而迎之也問其所與交黃心鴻翼矢升羽集
也質其德行高而長之蓋閭石赤不奪節士之
必瞻肝主仁主仁以膽斷長玉內恕以量毅然

無夢園集

馬二

三

有色何也有肝膽者必有勇也原本山川可以
壽親乎曰奚爲不可沔陽湖來太白禹過三澨
沙隨流湧以玉其腕濤其手筆咳唾乎雲夢文
章可以壽親乎曰奚爲不可物能候天之春不
能爲春生人不然有吾春而已天無筆墨安寫
圖春假我文章大塊在手此吾春也應 天子
求賢首科取上第可以壽親乎曰又奚爲不可
陸賈新語每奏一篇高祖曰萬歲誠見其美歡
氣發于內凡以文字賞主司皆壽章也讚歎皆

歡氣也王充不云乎天宴賜者星文曉爛人性
奇者掌文藻炳雖然有材母焉有學母焉有奇
識之母焉有修身正行不憊於鄉曲四十年銳
精其學之嚴君焉有年踰艾而事其姑如初奉
姑婢之孝母焉夫長玉急交伯母夏太夫人典
鬻以急子之交所以急子之交者朋友何法法
水合流相承也材母也四十年不得一第則怡
然蚤歲賢書則惕然有質性乃有文章學母也
老其材材大須老奇識之母也伯母五十長玉

無夢園集

馬二

四三

舉於鄉又十年登進士揣伯母深衷視一第飲
之食之吾子深山坐臥所自有也鄉之同升秩
在賓筵者東三峽緯七澤吐奧區之靈秀所自
有也勉勉我王綱紀四方論思天地動應樞機
是嚶鳴和平之友吾子山居坐臥之所求也人
亦有言命長在結友斯言也萬有千歲永錫爾
類如江如漢皆壽厄也夫

壽鄭年伯母序

天有顯道彰爲人倫倫至而道至人至而天至
人至天至而歲月至計歲月以筭莫先一畫一
畫者理人之書也爰之象之六十有四六十四
者理天之書也天人至而歲月交適當太夫人
之週甲也萬有一千二百五十古之人筭而知
之余何以知夫人知夫人之能策其子也憶壬
戌歲大白年兄登第余與握手中秘拂塵也篝
燈也擊劒也余維音翹翹而太白澹遠深厚望

無夢園集

馬二

四四

之肅穆味之冲寂真孝友中人然早背嚴君終
鮮兄弟依依母子耳夫人世家子通女史事其
姑且不欲以孝聞夫內言不出梱禮意也在中
饋潔靜精微之義也夫人願學焉机杼其聲珪
璋其行脫簪珥修澹肅抑未嘗動色戒而青燈
熒熒掩映霜月皆太夫人教引而伸之祖祀司
理式崇廟貌下撫呱呱小星行南國頌聲作夫
人可以壽矣皇哉修上理佐太平旣以德壽其
年貽厥子壽其國於天也取理亦取數於人也

多與而少取箕稱五福康彊其身以當六十四
之全數極于萬有千歲焉前乎此者皆夫人學
易之年大白於是學乎人也後乎此者皆夫人
達天之義大白於是學乎天也夫人學可以訓
子大白學可以事君婦道也臣道也太白試江
右士貢於廷陟中允會

覃恩晉

封太安人中允維何圖書從一中毓萬化而夫
夫健決則能於其官萬有千歲可策而知已太

皇朝集

卷二

聖

白名史也其言曰母性類烈丈夫輕財物惟緩
急人茹人荼苦中有不平必直其是非而後已
頌母德莫質于此余從太白後敢以質言壽

陳雲怡母夫人七十序

始余交雲怡自謂得之及讀已未行卷津灝沈
雄再讀問心贖有古名臣風夫致身之與竭力
也竭救水之力致涓埃之身而子臣道盡于此
孰知戰陣之勇所以孝簿書期會之間所以忠
也哉什之數語無奇特稱漢庭長者故其時號
寬大而下詔每嫉深刻之吏然則暑給之藥冬
給之苦勤紡績飯犴狴如雲怡母夫人而除夕
放囚囚至如歸天表之應其在期願茲七十也
日始旦也矧十七事姑有無黽勉伯叔受成而
已四十長齋片帆航海夢邪醒邪給諫可以榮
親乎曰其子無忤也親始安焉壽可必乎曰爲
大臣可必之于其君爲人子可必之于其天焉
雲怡靖共正直必得諸君介茲受福必得諸天
五行之爲土也比于忠臣孝子土竭其力而生
氣常旺壽者忠孝之券也夫

看翁陳先生七十壽序

虎豹之文燦於華金玉之品重於鼎鼎華之會
文章出焉品行樹焉余嘗云逢虎會稽一天台
二鴈蕩一逢豹潭柘寺一逢人則未有聞者迂
之夫近在百里之內如看公先生未逢也何謂
迂哉讀遜世編序與先生疑疑信信在逢不逢
之間讀呂覽序掀髯長嘯於竹林深處我逢先
生哉遜之肥也無所疑而識見漸之羽也不可
亂而學見先生澄懷觀道性行潔白席松枕石
臥論文義今年正七十耶余卽以先生之言賀
先生曰放言危論爲風雷奇節獨行爲電電所
謂疑疑信信者也先生曰秦燒文學百家語甚
刻急而有暴其書於國門者此丁卯夏語也天
下諱言先生以言高之當漢武時天下尙言申
公九十老矣獨以行高之謂言風雷而行電電
猶之雲上於天飲食宴樂也可余今信矣隱德
莫貴於中庸管也河汾今也泖湖其人皆有元
氣焉古今遊客非張廌乎逃之竹林不與相見

右軍也孫登不言而文帝使人觀之伊何人哉
阮步兵也不幾過歟惟右軍可不見竹林可不
語右軍竟去而步兵迫之使言聊以復帝命耳
申公篤行而漢家四百載之行事光先生敢言
而中興千萬年之言路關一士謬謬旣多受社
國有黃髮日方升矣

賀周闇昭父母偕壽序

今歲辛未

上開文武闡右武闡也與文士等六月銓選以文士試邊方僅若而人周子闇昭與焉周子余器之春秋初擬首及館選高論蔚起蓋鳳凰于飛剴剴其羽爲之賦嘉賓至樂也將父將母迫之以簡書練之以戎馬壯之以吉日然後其親左右顧先後禦侮無非士也其親左右顧戰陣愾勇民人悅樂無非子也于是萬里之遐不見兵革嘉我二人泰山四維之矣闇昭尊人子亮起家太學與母陶竝躋五十闇昭旣成進士以粵西宣化令捧觴厥高祖恭肅公白川翁冢宰初官給諫督兩粵闇昭筮仕亦在粵西允宗乃世今吏道之所事者簿書期會刀筆筐篋耳過此超然遠矣闇昭不俗其吏卽不俗其親况分疆土之愛耀明光于海隅日出兩江之間實預有徒隣趾連僅自古憚遠莫如清禦敵莫如備導利莫如便故曰耐煩訪是道爲政之道最戒

擾民次則聽民治生之道最戒多欲次則屏欲然而大道不貴何也耐煩是道聽之則愚寡欲是道屏之則固子亮翁世名宦也而澹若處子習紛華也而素心若田父乃至五十稱字未著別號不虞廣大而侈也以寡欲進闇昭道心坦白高才若虛不虞憑高而倨也以耐煩進嘗謂國有珍瑞家有師保莫如封君吏而廉者什之一封君而賢者千人之英萬人之傑翁汲水灌花邁征課子里薰長者之行宣化新政不踰馳

吳江試倚長橋聽之何異張樂于洞庭哉

叔祖紹翁八十序

吳文定先生撰東湖記云吳在長洲邑東南可
六七十里其涯多良田余凡再游焉而再樂皆
以訪陳氏而有汝器玉汝昆仲爲之主也今越
二百餘年叔祖紹翁以碩德長湖上垂八十年
髮白心赤不忘百姓之急也更不忘邊陲之急
也語人曰終日乾乾行事也可自暇逸哉蓋正
九不云乎不事王侯高尚其事雖不事亦有事
焉非進德修業歟展閱帆堂是白陽翁所題齊
太公八十也而奮鷹揚衛武公九十也而勤磨
琬能無惕乎停雲思親友也翁愛親朋如停流
雲而親朋捧觴於堂如迎春目無他天之道以
不足補有餘翁以不足不足與天地相似大
年如之矣翁儉於入不儉於出言入善不言起
長卽之愈溫咀之愈味清以律已也唯恐然如
在猷猷之中每念不忘忠義文定云與務僧堊
叟掉扁舟舉杯酒出入渚雲汀月之間浩然而

歌悠然而醉我家東湖之樂更有大焉易曰其
羽可用爲儀吉修更老之儀思得力田行義以
孝弟聞於鄉者予秩賜酬祥光起而燭天其在
陳湖之濱乎

陝西溫母趙太夫人六十序

余不佞分較春闈得一卷豪雄甚而以結語置心乎愛矣已見其人乃三原溫與恕云就暱之神儀韶令如玉山上行與深談腹笥輪囷洵名家子也與恕之尊大人御史大夫恭毅公起家世廟朝欲勲亮節勵操寒肅給事中廚無多婢僕而賓筵立辦關中傳爲美譚賢媛可知也與恕忽造余長跼請曰愚也有母已介六袞輒不自揆乞立言君子鋪爲英章俾得歸而壽諸堂上因出斐牘則生母趙太夫人之徽音擬諸彤管昇哉笄禕中人也與恕內舉母德言宜不妄夫以恭毅公之賢與宋太夫人之嚴重洎與恕兄弟之璘珣玉立也太君具爲之後先蓄縮搏抔教義可以觀母德鳩室庀事效績訓紅下迨酒漿肉醢浣濯儲精之節咄嗟治辦可以觀母才授經課讀禮塾勸施可以觀母儀峻拒私饋至豫享田數十畝資兩丈夫子筆耕不家于官也可以觀母識與恕英齡擢備余偵其墨彩奮

發扇揚宗風其季與亨復稜稜露爽第五之名不減驃騎太君之有以壽也此何必還丹鍊景脯鳳植麟而後可稱隤趾錫羨哉與恕名滿中夏若雲衣不蠶大木不陰尋當華輶繡轂端冕紅雲侍從交戟之下接武恭毅公肇敏介祉太君育自鎮宗濯芳華沼與恕歸手詩誦數十百篇伐鼓檠金稱觴席上余史官也圖所以壽太君者如此

張雲來壽序
醫者意也立象以盡神而明之存乎其公易也卽醫也伏希君也而易神農皇帝君也而醫二者有君道焉苟非尊於君重於天曷名醫王友人張雲來能爲君者也醫三世而名其祖以醫外顯父兼以善醫內顯至先生以外顯更以內顯其實醫無內外猶之陰陽非二物也他人視外先生謹司其內猶之一畫自分爲兩而內之而外之而內外兩奇之何居於是有云賈生知脉不知方董生知方不知脉者果爾何方何脉也莫善于病莫不善于不病曰善病病斯善矣曰貧病貧生人之寶也非病莫埒也是病者神農黃帝之所尊也而安得不自尊且古聖人療世不以方以品不以術以望不以實以名不得已而用方用術用實斯末已失舉世趨名趨品趨望惟恐不及皆有病之人也而其人自喜不病猶幸其病而趨名者趨品者趨望者愈甚於是疏生處尊嚴之地不苟錯趾望之儼若神

人入其戶扣其聲如奏天樂與天語病夫一見驟爲霍然是乃仁術也大抵先自治後治人有取舍然後有士品有出處然後有醫道今似有出而無處有處而無所挾以處張君爲俗客常處爲俠奇常出彼富貴而慕義何處不勉以勤君之轍跡病亦瘳矣是日謹司其內抑何內外之有君行潔志芳秋爽撲人菊始華申甫誕登公之堂醉看茱萸詩不云乎清切絲桐會縱橫文雅飛

郭符禺尊人壽序

先生世家婁陽日載其德舒而遠聞仲嗣君符禺定宅葑水畫講夕序取弋於飛垂近之敦彝余儕厠解珮之末藉納履之行合其嘉好觥籌伊始授管不文辭焉諸君子曰若稱典不忘其祖子也宜有聞矣不稔郭之先疋邑而家之宰賦而身之瘠土而膏之爾王父頌夢椿翁者乎不稔潔然盛服行有枝叶戒薄繪而厚朱璧不爭鄭人之年而與與雅雅爾大父高隱峰翁者

生夢園集 馬二

圭

乎劍門先生光祿難弟也子爲外宗不稔先生寬外里中穊而疏遜而無孤謝機事實榮名漢陰丈人鹿門隱士之所倒屣者歟且夫居寬地行廣塗唯輶之和有勸登而無契需得全於天者也余乃颺言曰諸君子不聞夏后氏之璜乎其詞曰嘉量既成以觀四國未啟厥后茲黃鍾之月五聲爲宮含元處中夫鍾大不出鈞重不盈石律度量衡於是乎生侈矣斯平夏之璜聲中黃鍾孤颺乃綿沮豆釜之微公私之量入出

幾何昔以占其家之興厥有令聞况維素及梓

之頌敬止者乎其爲嘉量也大矣隱峰翁身自樹也不微其餘明耀以昭之繼者如附天大美報焉美周而復期願券諸夫遷其地而良此神工異質不能更竽瑟者也吾黨兄事符禺其龍起太行而二三兄弟蟬語八風者耶曰乃不若伯季之深山大澤也符禺有子玉立類凌空之鶴杲杲出日曰乃不若猶子之劇劇其羽也余儕篋其言功諸先生先生曰余不敏式承乃祖乃父維先民有訓譬則穀也甲外城內若孺子若成人庶中原之菽已於是諸君颺言曰黃鍾之律次太簇金奏之導陽也夫余以瓦鳴諸君子以金奏樂備矣繼自今偕諸君子歲仲南也之祝

生夢園集

馬二

圭

周司李母蔡太宜人九十壽序

上御極之辛未闢門禮士余分麟經有旨互
閱與觀戴禮同年許孟二翁持人倫鑑俊又先
在穀中因思諸儒同異罔覩指歸莫如禮記有
大儒出精治身寬治民敬治刑禮教燦然中興
乃觀八閩五溪周公實李我吳吳秉禮之國也
公宦學事師涖官行法咸有肅心于是平反之
聲自百花洲下九曲溪雜旨甘進而戒無擊鮮
母其晨夕朝太清祇釋迦拜起如少壯也吳越

無夢園集

馬二

三

之嫌不以御衣大布之衣我思古人食粗而澹
服御也久之積治行高等太宜人春秋高九十
聞之齒欲白髮欲玄行不索杖手製菊枕寄贈
吳門悠然南山佩之芳發矣今年冬十月誕惟
迪吉士大夫同父老躋公堂樞金陳樂而予讀
公自序何其簡而質忠而樸無過勞無誤藥物
凡爲人子皆作是觀錫類遠矣乎孟母學禮婦
姑相戒閨內之修無馳境外如爲政靡越畔子
行義母行禮浩然之氣一來萬仞壁立止乎禮

義學禮之効也夫臘日過家止于閭外則夫失

言之君爲證母師雖伏臘也有出處矣身可不
敬哉不疑遵母考引經淑問漢庭推爲法式劉
安世一拜母命明目張膽號稱直諫若夫覽四
冊而長嘆其母述之歐陽文忠佩以終身母訓
之嚴切也如是孟母學孔子者也教子從養氣
入而生齊去其憂色一之義命蔡母學孟母者
也教子從攝生入而在吳寬其內顧一之忠盡
雖然蔡母所願則學孔子何以知其然也孔子
學夏殷之禮而從周蔡母訓子大小戴之禮而
從

集

馬二

三

高皇帝也初嚴事姑鄭年十七歸三日督入饋
飪不愠見越五載天寧翁舉于鄉又十五載就
選人旣貳贛州奉肖嚴以老風節卓然衆人襄
其廉又襄其義獨持家秉不以煩叔伯而爛其
盈門叔也得僂兩擇佳兒嗣之三姑以時宗族
觀禮焉未合卺而孫女矢靡武門間表義焉太
宜人之子三吳孺人之子三分產均而鍾愛公

倍已子曰忠信可以學禮公負奇才挾仙骨深
 山面壁參先天之氣機然出而訪道蓋世奇文
 驚人事業泊如也入事父母至德要道約之以
 禮問奇談玄莫之逾也服官以來母子脉脉萬
 里蒸動而出手紉以高其節清其神意思深長
 矣吳孺人笄而進諸南雍類關雎進賢士君子
 也琴瑟之友中心之貺后夫人珍之愛之而詵
 詵而螫螫矣蛟龍產于達州西蜀之氣皆紫會
 劔履公謁則太宜人躬自調產恩斯勤斯劬勞
 良苦方署教順昌吳孺人七齡耳昇哉吳心全
 以幼女代石脫友梅于尼太宜人感而以女
 畜也又不欲凡女畜也才若女德若女吳孺人
 同心訓迪身爲國士以報抑產國士以報孰謂
 無天道哉
 章聖皇后作女誡十二篇閨閣中未有習誦者
 太宜人乃命參考孝慈錄得洪武七年爲其所
 生母服例以御製序文爲據而薄拘儒之泥
 古附則先吳不以已在嫌太宜人可以議禮可

以彙諸儒同異成禮經一書外內和順國家理
 治行事堪垂師法與覆載無極可也

陳太史無夢園初集

古吳陳仁錫明卿甫著

序

四書講意序

致知在格物大學第一義也喜怒哀樂之未發謂之中中庸第一義也患不知人論語第一義也必有事焉而勿正心勿忘勿助長也孟子第一義也學者不知身心意知家國天下爲何物此亦一格物解彼亦一格物解解說浸滿帙矣

無夢園集

馬三

終身不格一物謂之何哉不格一物則亦不知一人女得人焉爾乎危之也患不知人不列爲政第二待爲政知人焉急矣爲政不急知人焉痛矣知人在磨琢之後自琢自磨共琢共磨而後知之舍此無他學也其學維何喜怒哀樂之未發謂之中說者謂系庸於中中庸一書堯舜以來相傳之意不知邇中于未發先天戒懼惺惺疊疊攝情歸性此乃堯舜以來相傳之意也此意既失似昏似醉渾若一無事事之人已治

已安漠若一無事事之世俟焉欲速見小三五可期未幾昏庸厭敷昕夕罔覺張皇標幟浸淫功利苗已槁而猶視轍旣靡而詭張若然其疾未易瘳也以碣石舒先生解書瘳之聖賢深長意思心不平氣不和脈不靜則意思不出亦繇訓詁繁衍如入百戲之場其號爲高文老筆多以偏強講張環觀斯世報君父薄也報聖賢亦不厚矣事父母須竭力事君須致身事聖賢但不失其意而報已厚矣所厚者薄無所不薄靜

無夢園集

馬三

夜思之雄悍沈鷲皆犯上之語也離奇變幻皆作亂之具也風雲月露皆巧令之態也夫闢辨不可也而手搏于父母之前叱咤不可也而反肩於聖賢之側忍乎哉若然讀書之時與聖賢爲敵去之惟恐不速則親民之日蔑赤子若仇虐之惟恐不甚必然之理勢也先生憫焉爲一世撥開濃障輕挑淺喚畧用一二語一二字光氣深隱旨趣活躍覽者如從他鄉歸見父兄如向田父話桑麻如片片桃花自洞口流出不亦

悅不亦樂乎請勿遽悅也遽樂也還尋先生苦心天地常不失其正何煩貞下起元赤子常不失其初奚芳剝後尋復先天而天弗違先乎天可與天俱先矣天且弗違況于人乎況于鬼神乎人在天之下鬼神之上何也君子戒慎不覩恐懼不聞鬼神則視之矣聽之矣視之不見猶有見聽之不聞猶有聽體之不遺猶有體所以後乎人也夫人已超鬼神之伸屈而三乎天地矣能先斯立鬼神之上不能先遂屈禽鳥之下

無夢園集

馬三

何也鬼神與禽鳥皆分三才之先而人不能先故曰可以人而不如鳥乎哀之也得此意以與天地迎不憂祁寒暑雨得此意以與君父迎不憂人適政間一失此意縱萬分補救亦何益于絲毫雖然大人必正己尤先潔已礪石先生正而潔者也聞諸姜燕翁及茹茶萬年友云姜先生正直直曉天下大計殫心經筵舒先生蒼松古栢著書精約萬茹茶以存友爲政潔已愛士輟軒所至敢辭小引茹茶其聞諸姜先生倘有

二言之近乎道乃付廟氏否則噴飯擲之勿以玷佛頭也余言畢矣更有質於礪翁礪翁嘗以易知余去年九月病臥牀著易同患淺言一書蓋讀乾而歎進也得也存也六龍之出游退也亡也喪也六龍之真穴入于穴出自穴故曰遯世無悶不見是而無悶噫嘻世自知我我自遯世世益見我不一見我之是則是其所是而我乃獨抱退藏之是庶乎藏身之固也可以潛矣凡卉受歲寒之利故浸向于元亨松栢凜歲寒之嚴故益保其貞固先生然吾言乎哉

無夢園集

馬三

四書語錄序

大學者大人之學也不知其人可乎每輯論人物自伏羲而下皆爲立案至四配乃閣筆或曰孔門十哲七十二賢非歟周程張朱非歟何默然也愚曰爲子貢一案至今未了吾儕不能了子貢一案奚取不可知之人物而上下之昔者顏子亦足以發子思淵淵其淵曾子身體忠恕至于貢而多故曰君子多乎哉不多也此痛下針砭語也顏淵死于哭之慟慟顏子不多也築

無夢園集 馬三

室於場三年乃歸痛多之一字孔子死而根未淨盡則天下萬世之多孔終未塞也或曰孟子才高不可學非也孟子才大而守約第一嚴密人也噫茫茫千載得道者幾大半犯一多字則是孔子之慟子貢築室一段心事與世人冷冷不相涉而何必又雖黃其以下者此余所以投筆歎雖然其嚴乎其嚴乎嚴則不敢多不能多不欲多愚也拜之爲師可矣

中庸淵天述序

乙卯冬日聞吾師入淵之誨乾九三上不在天下不在田中不在人何在乎在淵丙辰下第扶友視舟中輒成書蓋六十四卦皆學問也訟天水合一之學繇詞曰不利涉大川入於淵中庸一書大都涉大川事無聲無臭卽欲涉而不能子思于是有淵天說淵淵之天常浩浩也天德在淵固聰明聖知天水未分天德達矣天載上矣元直言習坎愚謂習坎則通流有孚室則惕

無夢園集 馬三

中不能習坎且惕中乎需下體乾入于穴爲主人知敬客而不知爲入穴之主必有大失矣不能淵且穴乎李延平先生云賴天之靈道理常在心目晚得元晦憶別羅仲素幾乎放倒朱子末年深造自艾辜負此翁噫士可一日無師友哉淵在是天在是仁也敢不肫肫藏密于是丙辰孟冬日述于小言齋

以名
吾齋

鄭峯陽年兄詩序

余與湛持峯陽同登天啓壬戌榜入館讀書以
何余以艱去湛持昌言留中叵測峯陽疏救摘
其弊並嚴譴余既服闋閱一載餘丙寅七月
入邸承匱講筵天大申傲于王恭殿正人屠
割魏忠賢竭土木不休耽耽立于側余罔識忌
諱初佯忍之繼而忿三而詬誶最後以不撰寧
國勅欲死我三人久矣是年十月廿日事也選
者偵邸第里門不得間喉誣妖書上元殺孫文

無夢園集 馬三

新顧同應立杖斃其友四人三生皆蘇人以作
策論朝時瑠刺骨無賊無證遽罹梟刑問所指
妖書韓文公原道篇欽天監步天歌而已逆案
中稱羅織究斬及詞連余三人除名炳如日星
而其友四人之死冤哉亦宜少雪也嗚呼乾坤
何等時哉許顯純獄詞成一月餘矣余在長安
咫尺罔聞知歲將除循故事二十八日踵先輩
苦服封館閣中喧甚俄傳削奪忽報四隣玉赤
棒大聲矯傳吏部除名永不叙用噫削奪所同

無夢園集 馬三

也除名所獨也此後兩三人之除名所同也此
日余三人之除名所獨也三十日瑠仍致日
講年宴曰不發科抄事秘密若從平直語其人
曰無官可削有死已耳于是元旦今走館某脅
曰已往蘇常逮某某矣聞諸某中書云仍馳急
報金陵曰繫某同訊矣余家人爭就縊孕者子
死腹中峯陽則向匡廬羅浮投詩鏡坪聽天雞
之唱曉遯而肥何其潔哉彼必于封館之日絕
救疏耳不發科抄疑似驚怖速三人死耳孰知
有嘯傲徜徉詩句壯雪浪者出國門崔呈秀領
較尉百輩偕赴潞水行三百里漕監遣藍旗白
牌環擁余舟婦人爭投水余避一小艇飛騎往
來二更許咎長年數人始釋假使太乙峯看雲
瀑布泉坐石其何涉世之波憂患與君同處憂
患與君異君知天者耶屈大夫之沈于江也知
無可奈何而安之若命君知興矣紅本匿示
鎮撫司

聖天子立追出之復三人官戊辰初旦峯陽還

次飛來峽以草莽禮觀

明聖而后喜可知已初當事傳檄追奪三人交
無以應始入館不敢請及余赴補又不欲請也
悉召里鄰師生保之巡卒乃退其退也徐覽追
奪檄文前列貴官後頌厥臣而獄詞首指余與
湛持同縣同年日夜思圖翻局誓爲謀主未及
峯陽也于 旨始見噫豈有獄詞不及而 旨
及之未給半通之綸湯言削奪者且知兩人同
縣同年不知與峯陽兩世同年亦疎矣皆往事
不屬論然余病甚將分端溪之小隱終已不言
逆璫無故梟兩人斃四人於上元與以私憾謀
殺三詞臣于除夕孰爲一吐憤懣者奈何云史
余以史史君以詩史固宜並傳峯陽詩格高妙
而詔獄黃芝歌流傳兇閹幾以賈禍危哉峯陽
子之爲詩也

春秋同門稿序

文以性情貴得百才士不如得一性情之士何
以知性情之士其文不達于性情者是 本朝
得性情之正莫如薛敬軒先生得性情之達莫
如王陽明先生得性情之端莫如陳白沙先生
皆吾師云今歲辛未承匱麟經格稟功令精氣
蒸而神鬼語本房從論表取士十從策場取士
四錄二十三人如例益三人加額曠典也會擬
首卷反覆抽繹殆得性情之正者乎援筆批之
學術醇正風度端肅拆卷爲會稽章生自先達
長者及同人輩驚喜傾歎不已出見之面有嚴
寒之色神識沉毅其蘭陽富順經術奇士王生
劉生以下磊砢多異徐扣臂懷或終日面壁無
一語或先君之思若嬰孺談疆場而齒牙盡震
恥溫飽而肝膽皆紅大槩多情性中人也凡人
一生作文有一語與性情相近者此一語必不
朽一生行事有一事與性情相得者此一事必
不朽又當鎖闥拈題構思苦索之候如有一股

一句快舞性情必快主司觀覽何也有性情斯有奇正有步驟有起伏有位置有開闔有結構大都其人面目正脉理正文體自正矣房稿佳者千餘姑約之三百有奇夫作聖之道知化窮神與天地相似而已作文之道日新富有與題目相似而已集中如周吳江之博大左萊陽之粹精鮑麻城之神奇王宜興之古卓劉仁和之大雅程孝感之古奧何崑山之淵博艾米脂之簡勁史金沙之雄渾丘寧武之孤峭吳淳安之深造劉內江之邃密趙麻城之爽霽孫鳳翔之蒼健項徽歙之神解陳大名之芳鮮于金沙之靜微衛韓城之奇秀張汝陽之澹逸楊江安之神穎楊詔安之玄微熊麻城之簡寂李永年之潔雋登眉作一猶人語彼皆有所自得也逢年在其中矣余夙不慧神謀鬼謀與多士心手謀而自與其心手謀入或占一題追風影于尺幅出或撰一藝分杼緯于七裏豈敢持弱毫禿穎誤入流水花源庶幾朝斯夕斯神者告之耳

無夢園集 馬三

二

又與多士分題督課有出闡商藝錄并未刻藏稿懸之吳門余耐煩場屋頗知辛苦誠不願多士敝帚其文因執簡從之耳雖然此文也孔子思狂狷狂者常簡狷者有所不爲簡也有所不爲也皆情性之極便而鄉原有大不便者矣鄉原痛讐狂狷無他焉本冠易繪精神難貌也當其時既過我門將入我室有一士焉神嚴氣立挺血性以寒之五步之內嗟乎性情足恃哉今鄉原僞種盡浸淫于文章致墮聖天子獨憂而有僞子書亦有僞經術以經術反之莫若先以性情正之若此者衡文之途一操行之途亦一旦而多士不聞南京好官有薛卿乎文清處冷署而不卑登樞要而不戀介如石焉斷可識矣文成剖大疑不惑自然臨大事不懼終日紫綰高論奚益白沙獨坐小樓靜中養出端倪賀給諫欽一見輒舍其官讀書遼陽義州數十載一出戶初見戶外桃花開形之詩句其感人至此多士試尋省性情最攝調處顯官邪雄文邪

無夢園集 馬三

七

德業邪性命邪多士自得之矣余何言若猶未也靜修而力學焉可也

海峽叢書

馬三

黃慎軒先生集序

先生曰文章真無今古矣真則可今可古先生真人也真人能事其君故曰火附上乃同乎天人臣明白其意若火附天久不見亮無之矣真人能孝其親以藥餌代甘脆以陳情獻明信真人能敬其親之友太翁所善若李若樊良友也蓋亡隱身視殮挾孫子嬉頌容陳說大司命一生死頃之告某計又頃之告皆計翁驚往問木若何附于棺若何則告故強收淚曰汝能事若友耶某友嗜飲不嗜賢豪間飲輒令酒太私醉以老既死過其家必下夜過之弗下則返而哭盡哀竟夜不去蓋吾友高明柱與余言時三更蕭蕭風雨明柱聲漸震鏤肝析膽諦聽之或泣或歌環柱走余兩人潑龍舞蛟劍氣鳴躍于彼乎呼先生于此乎呼先生之友既而飲酒淋漓洗盞賓日獨呼先生曰祖于楚遷于蜀神氣所之奚楚乎奚蜀乎人而佛之咳而經之筆而書之七歲演大乘而禪之十三賦栖樂山而仙之

插泉泉出而仁孝之嘉陵之夢手扶文筆而明
 神之於是家藏一怡春稿明柱向余言先生與
 馮宗伯王給諫商 國本給諫頌先生羽翼
 儲官如漢綺園承歡子養如李令伯指畫時事
 如張子房忠誠不妄如司馬君實及歸寄宗伯
 詩有鄉心去南郭回首愧 東朝語大節可概
 見明柱景公若此又刻公集以行宜潔于其宜
 而頌權聲亂江上洪濤也哉嗚呼愚生也晚生
 字狀先生曰真真必不爾政府如策武關
 中盤不貶謫伴耳其人知時務之急籌寧夏
 將則曰若三千苗有一還者吾不復策天下事
 蒸江敗而攻黔料播無能爲宜扼要勿輕敵已
 皆驗讀公集洒然若不欲言其落紙上者山之
 雲樹之烟大海迴風千萬折之紫瀾當丑辰開
 士大夫能作西京語抑亦太模西京先生不磨
 古乃無不古哉

王覺斯初集序

嵩山天地之中覺斯生焉中虛中實乎乃化以
 正以斷業乃成中也易也知虛實而不知中誰
 風水遭者知太極而不知易誰儀象生者風水
 不遭儀象不生則其文不古其文不古其人可
 知所以貴天下士者交相游於未足之中唯論
 古一法伯夷叔齊古之賢人也孔子賢之皆古
 聖人也吾未能有一焉孟子聖之矣賢之可也
 聖之可也而其人不可不古不可也老變少不變此
 論文字之祖故又曰夷齊爲二老云且夫求仁
 得仁今之文求名則有之矣有求仁者乎其文
 不仁也而傲然古誰古之不仁者不中之象先
 儒云胸中不可着一中字而亦有求中於未發
 顧求之何如爾王子之文求仁不求名王子之
 仁何以見其人赤子也於文殆於以身近之也
 殆於身之矣且夫受天地之才卽受天地之節
 日月星辰可儀象也江淮河漢可囊括也言結
 之囊地平天成則无咎无譽今有日星而無江

海有江海而無囊括不仁莫甚焉天地之大也於其半全也於其缺中也於其陰陽之會陰陽不會則不仁有進退斯有變化矣有離合斯有交道矣進必退也離乃交也自然之數陰陽之會也天地掉一筆畫山川又掉一筆畫未了之山川每於奇峯靈洞爲停筆剩水殘山兩儀自尋自想而作者求全以得損求譽以得毀求中行以得鄉愿無他不儀象不囊括受才弗受節人才而天不才吾所以貴王子者貴其才之節

無夢園集

馬三

三

易簡錄敘

愚讀書獨不解發憤云何輒廢書浩歎曰如是讀書何爲哉觀彖象知憤觀繫辭知發憤天生一伏羲以原始生一仲尼以要終而天地之事畢何以曰文不在茲乎蓋聞文王更設八卦乾一下西北之首滿局變動繫爻者曰見羣龍无首孔子謂之易謂之神謂之有太極而四聖人之精脉聯繫于此又聞震龍在下不爲首坎龍在中不爲首艮龍在上其首見矣不止于面而止于背不止于六而止于五无首也故有五則成變化行鬼神有太極則生兩儀四象八卦孔子序次河圖卦位之際不言土而安土敦仁柔歸神易苟神易不在手漫說乾坤易簡如之何其有五有太極此孔子一生大憤之所在及其發憤而卦可以十三可以九可以雜爻可以七可以十一可以一夫七爻提榮辱之主而十一爻尊一君首提威君象也最後三言民則一民一民五位如寄故一爻獨崇大有之上九履信

無夢園集

馬三

三

思順者安土以敦仁一君之道爲極盛也世乃
 譏盤旋孔周文脚下夫舉念卽先天豈患無義
 皇心地正患不肯周旋三聖步履致一失脚成
 千古恨耳抑吾孔子明明示人下手處矣帝出
 乎震曰鼓之以雷霆萬物出乎震曰震無咎者
 存乎悔无首之龍以震出夫坤者乾之隱身非
 消體亦无首也故以大終焉如是而乾坤一神
 易在我嗟乎人無隨五夜半之雷革五千銀之
 次則乾五人位皆虛乾道乃革太入虎變補過
 無夢圖集 馬三

而後不過惕矣哉序易統始庖犧至堯舜迄無
 聞焉賢孔子于堯舜不賢于伏羲微矣哉愚幼
 服庭趨長承師訓謹輯所聞就正海內共發孔
 子之憤若曰立言則愚豈敢

羅宗伯易序

少習易學在天在田在人孳孳焉長讀易學不
 在天不在田不在人孳孳焉學需之利涉大川
 而不恒懼應乎天哉未能也學訟之不利涉大
 川惟幾惟深入乎淵哉未能也中庸一書大都
 涉大川事無聲無臭欲涉而不能子思窺入淵
 之旨於是有淵天說淵淵之天常浩浩也天水
 合天德達矣屯雨蒙泉滙於心坎乾坤始交而
 遇坎利建侯建侯必於五人心自有侯昧建侯
 天水合一之卦天在淵中此三不在所以洗心
 退藏于密居中而宅五也楚羅宗伯之言盡棄
 其學卒以學易誰敢哉神無方而易無體故曰
 易无體而有用乾坤其易之門邪爲乾坤門內
 之人無爲乾坤門外之人爲乾坤在我門內之
 人無爲我在乾坤門內之人如是何方體之有
 嗟嗟天地求坎而我不知坎天地習坎而我不知
 習坎需下體乾入于穴飲食宴樂知敬客不知
 爲主知爲主不知爲入穴之主必有大失矣不

能淵且穴乎屯以下無一卦無主人餘皆敬客
 事也天地以生物爲心人以生天地爲心孰生
 之易生之是故易有太極易之故有之有之故
 生之在止於中五皇建其有極大哉易乎終日
 乾惕終日反復不惕不反不反不復不復不乾
 離坎之間卽中五乾坤并力五位相得而各有
 合神武不殺生生之謂易也以木巽火不極火
 之力亦不盡木之用故曰坎離周流六虛奚爻
 位之有哉入乎淵則巽乎水而陸出其水始交
 而險既交而泰水上于天天地細繹艱貞於震
 復之際以雲雷心下經綸手故曰剛柔相易欲
 變而熟習之也日三復乎斯編

易經來注序

余事毘陵錢啓新先生先生嘗挾之過馬跡山
 深言易彈白碁六象陽彈黑碁六象陰碁動聲
 高几案間無他物而舟中載一帙視之則來梁
 山書以此知梁山氏易先生嘗稱之旣而人士
 稍稍誦習之或曰參伍錯綜一家言變之書耳
 余聞大笑旣已參伍錯綜其人胸中具天地何
 一家言哉庚午二癰病枕說易余凡七著書未
 就其一二災木皆不足道亡宅焉知理不知數
 知卦不知變知象不知像易難言哉孔子曰加
 我數年五十以學易可以無大過矣此讀易律
 令也六十而耳順虛受之學七十而從心所欲
 不踰矩小心之學此學易紀年也知無卦不變
 無爻不變不知變之者人也人之有易也是故
 易有太極是生兩儀兩儀生四象四象生八卦
 惟其易然後有太極惟其人然後易今不易而
 標太極須以無極補之非也天且弗違況於人
 況於鬼神非天地合德也何能先乎天也於行

變化成鬼神無涉奚參伍奚錯綜於天地雷風
 山澤水火無涉奚八卦相錯從無有執一端求
 易者萬物之紀必有數也一身之動必有象也
 是故易逆數也象也者像也按之而無數象之
 而不像則易道幾乎息矣梁山高隱窮年博觀
 近取以孔子爲準與張皇絕學殊此義弗明遂
 有不取卦變不信繫辭者又烏可無我郡侯
 史念翁之表章昔常蘇州蕉集吟詩吏道不俗
 大都吏不可俗學不可俗超然章句之妙無俗
 學超然簿書之外無俗吏念翁守居蘇廉清高
 雅誠信於賢士大夫清心省事窮潛處之其冲
 浩浩然有以自得余故樂爲之序山谷云居平
 不求甚異而臨大節不可奪天下不俗人也
 翁起家毛詩其達於易若此孔子一曰賜也
 與言詩再曰商也可與言詩未嘗呼一不與
 言易豈比類深遠詩卽易耶

無夢園集

馬三

卷三

毘陵四先生稿叙

荆川先生論作文之法曰一闔一闢耳故其文
 善於應變薛方山先生所著古今書整嚴有體
 裁凡制度義理之文以方山爲正故其文善於
 守經今更得四先生而兩先生不孤又得文學
 薛少公世其家法選帙付梓明詔海內作者屬
 精更始而四先生不孤甚矣今之人知唐先生
 不知一闔一闢知薛先生不知直方大又或揣
 摩以爲變非唐先生之變錄督以爲經非薛先
 生之經何以明其然也讀漢書封禪郊祀而知
 之無法之議難以定吉凶道有變動變則定定
 則經不經而能變未之有聞秦諸儒旣黜不得
 與封禪知始皇遇風雨卽譏之此不知變也漢
 羣儒旣已不能辨明封禪事又拘於詩書古文
 而不敢騁此不知經也詩書古文可謂經矣似
 之而非也文章有起有束起以景光勝束以結
 構勝此兩者今之文匪獨不如古卽如封禪郊
 祀之恢諧恍惚不可得矣何以明其然也史

無夢園集

馬三

卷三

稱神仙若將可得夜若有光白雲見盡庶幾髣髴之祠廟有白鶴有鳥五色有青鳥世宗殿上有鐘音庶幾聽觀之寶雞五來二十六來甚至七十五來自高帝暨初元元年間庶幾日月可數今文不如也漢天子既出無名乃禱萬里沙過祠泰山還至匏子自臨塞決河留二日湛祠而去是猶有名也今文不如也自匡衡一疏而王褒劉更生輩真憤憤矣不知上古聖人已提精氣游魂爲幻妄拘泥之徒點破鬼神情狀總之曰神無方而易無體噫四先生之書義其可遠乎哉

無夢園集

馬三

卷三

王文肅課孫稿序

辛丑之役余泊淮上一儀部持闈卷寄先君語溪且移書云滔滔莽莽之意勝卽遇不過得魁以彼其才何所不到不若稍加剪裁以元作爲之標他不必學他皆養勝其才不足學學才養兼到一覽躍如如荆石相公者足矣越明年就儀部問藝余每構一篇搔手不可徐語之曰君何不閱課孫稿試覽敢問何謂浩然之氣無一字一字不是題目今人能之否余乃悟才養兼到一覽躍如認題而已認題則有步驟不爲學識所使且才勝養不可卽養勝才豈可哉學會元洵當以先生爲法惜海內人士耳而目此稿者少辛未夏日與巽之璽卿談宜廣傳肯已梓於家蓋巽之雅負奇藻退然自下食課孫之報矣先生常叙會錄漸進也每兩立貞悔之爻最後鴻漸于逵歸之不可亂而吉仕進之不可亂猶文章之有步驟故曰魁枕參首平旦建者魁魁海岱以東北也先生當之吾里王文恪公未

無夢園集

馬三

卷三

刻稿盈三百并勸行二公勲名爛然各嚴毅有
出處從此學人亦步亦趨才養兼到必稱二先
生云

無夢園集

卷三

輜軒錄序

方燕及先生之使朝鮮也屬以使更屬以閱視
鮮故弱國其不折入倭與虜恃箕子典章在先
生每之以禮易服降位不令喪新而儀廢也峻
絕餽遺罷八道供數萬於是車輶不得行已行
祠之藉征倭師武臣暨島帥皆作是念惠此不
侵不叛之國顧不壯哉先生放舟蓬萊閣下摩
崖弔古豁如也中流憤發見奴卒遮殺磨劍大
書氣可吞鯨以作遼山遼水之色如王輔張攀

無夢園集

卷三

六

之死濡毫記事情詞悲壯諭國王食遼餓民漸
成巨鎮于爾邦不啻翳桑也折島帥勿以故悉
索于鮮道殛咨嗟聲淚俱發鮮于是有汎舟之
役島兵稱十幾萬先生與王給諫覈三萬有奇
或詐言鮮奴將不利使請駐節觀變先生哂之
力疾入關諭毛師高嶺曰將軍頻言牽制要領
安在蓋先生言皮島不可撤但牽制不能耳一
撤兵淮揚青登無寧宇而不聞金襲宋總管李
寶回風石曰縱火燒虜耶其後有大凌河之役

則一帆可下登萊且雲從島直指淮安兩晝夜抵廟灣先生臨流而戒意思深長時有攻奴寨之議先生曰渾河一也杜將軍以陷唐李秉趙輔討董山以捷何哉杜之役適三岔河入渾河自長白老寨而李趙出渾河越石門土木河總分水嶺一由鴉鵲關過鳳凰城摩天嶺渡潞豬江其中軍別從薄刀山枯魚嶺過五嶺渡蘇子河入古城形勢一也杜輕入鮮繼故敗耳予承乏寧錦詔使歷覽山川异乎前聞乃知恢廣寧

無夢園集

馬三

三

復四衛漸進漸感與奴不長舟楫其謬悠一也不合廣寧四衛之師則遼未易復不訓練寧錦生聚數年則廣寧四衛之師無從出且未可形格而勢禁也密爲而不見其形聚兵而不見其狀嗟乎前車可鑒已遼人善兵遼世官善將兵頃者沙河門之戰灤之戰及萊州黃縣之戰能已見于天下蘄通昌粹然之微各有募也不如分遼兵萬使三將軍將之遼兵隨關隨補食以額餉其在三方者予新設廩食蓋兵不可募而

遼兵可募也各邊兵可無趣入衛而遼之銳士可佐緩急也卽遼銳未可輕撤而一撤仍急補也當遼陽弗戒請特設撫臣專撫流民如郎陽故事必不以遼民累鮮以遼官廩祿累藩省又必無登州之倉猝矣噫一誤也且自奴而外揅與三十六家及卜石兔永邵舊隸撫夷重臣服我戎索者也撫得其人揅必不西奴道無從假而卜永諸酋豈至近者遼河套遠者奔甘肅風鶴驚竄于插漢咄嗟之間可不寒心哉且自開

無夢園集

馬三

三

原入關二千餘里而從開平獨石大寧抵宣府僅六百里尚令意東而東意西而西步步避奴實步步引奴哉噫再誤也予登山海之角山寧遠之首山望青齊墩埃相接所惡于撫賊者賊撫而無兵無將無器械無樓船之師所在鳴張亦旣食撫戎之報矣我瞻四方以鄰國爲壑不知誰之鄰國也以海爲壑不知誰之海也登津咽喉于斯而我衛所無軍則汎軍不下海寨游無兵則汎兵不下海船戶貪津貼則汎船不

下海恃一撫耳以此聲鼓亦不鳴且夫信國公之經畧海上也自絕倭貢獻始夫倭則絕之鮮則培之介倭與虜之衝懷保小邦輯寧海國然後知高皇帝之慮遠也

孟肖形年兄夢覺言序

陰陽立而人物生一陽初復二陽咸臨草木生焉故草木之本居下陽在下也三陽既交四陽漸壯鱗介羽蟲生焉故魚蟲橫身飛鳥兩足而昂首陽未全也五陽健而決膏脂生焉故獸形近人至六陽全而人道立矣陽生氣也無陰氣以維吾之陽而可以化天下之陰故人能自生能生人又能生天地所生之萬物肫肫其仁斯淵斯天而魚鳥不亂于上下肖形孟君集戒殺

書題以夢覺言夢與陰相索而覺以陽爲徒陰返于陽攝天下人物存息于炯炯不昧之中小往大來大者壯大者正人修君子之行此銓衡大指也予與肖形同譜曾泊舟于其邑稔聞贈君崇野公莘莘好生自字以汝慤至誠感人世有令德是集也紹庭聞益光大之予爲評閱稍益數條蓋閱餘慶錄多出平湖陸冢宰云叙之者大司農汪公稱平生不以飲食殺一物至親賢保善恒如不及蒿目時艱不啻在己其心誠

仁故也肖形廉而敬慈而毅取士必端其言曰
四凶之罪兩觀之誅自是中和一大榜樣至矣
與戒殺並叅旨哉天地之大德曰生智始之勇
終之而仁藏其中顧力行何如耳

王孝子俟後編敘

六七齡時先君提耳訓之曰吳俗輕薄然思不
修行耳如王孝子誰敢非之哉十齡時先祖曰
王孝子心乎愛矣儀文之間一毫亦不敢略也
是以告終之朔尚謁其先屬續之時必端其首
云旣而聞先生之家有俟後編亟取讀之先生
邃于易嚴于禮訓學詩曰士人所急在躬行須
要吾心種子真人不見中存戒懼聖賢事業此
爲尊又曰唯暗室屋漏閨門衽席不媿甚難其
序四禮也曰予年幾耄每慨禮教不行于當時
思欲及未填溝壑稍申明之又曰晉人譏絲竹
于期功可見晉代風流一時清議猶知喪禮爲
重憤士習之不振則曰宋朝試錄二本僅傳有
朱文公文文山二人在也其餘千百本安在哉
此之謂大丈夫當更增一句云詞章不能奪方
足憤邊事之將壞則曰一通馬市而邊防遂弛
世宗皇帝享國長久中國不受夷狄之禍惟其
寧與戰不與和蓋公之籌邊至今猶信矣嘗謂

學者每略躬行之實念實傷之而于易尤深惜焉讀賁之初喟然歎曰享小人之奉處潤澤之中非所願也至哉先生之論政也國家之害莫大于名分之不明邊防之不飭用人事好惡之差悞其所以處之者在豫在速而已是以真道學之名王曾子之號袁安節君子儒之疏薦公皆若躬聞也者其用心遠矣

馬三

題斗酒堂集

無政事則財用不足予謂無文章則政事不足不學詩則文章不足先輩有云丙夜繙閱經書理道精熟詰朝坐堂皇理簿書判決公移便有生氣飛動對百姓殊不俗其言甚可味也是以長吏愛文章必愛百姓自昔名賢詩筒往來縣東越逮蘇杭馳驛不絕未嘗有刑名錢穀簿書期會之事但鳥啼花落欣然命句而已於時百姓甚樂故百姓愛官長必愛其詩句豈諸公錢

題斗酒堂集

馬三

三

畫之苦專以愁花鳥不以窮小民間有肇修如大堤雲橫老葑席捲鏡湖飛梁白堤掛月民惟恐其不將作也故使民在歌誦之中猶不如在詩句之中予友貢二山博雅公勤于禮聞見文章于轉漕見政事于斗酒見詩篇公之言曰聞有所作必心之所許時之所追興之所至其詩多得之酒遇佳山水勝友名流卽是詩詩不更作亦不多作噫斯言也神之聽之終和且平矣公又爲文云自版章煎熬之而民不得安日暇

親民長吏督責之而吏不得安公車多惜民之言科條有剝民之事噫斯言也神之聽之平者不平和不和矣公豈無法而處于此如所云方隅復觀省刑薄斂之舊驅車皇華古勞臣任士人謀鬼謀與海若河伯謀兼與山水謀者也予今乃觀公之政事矣

康弱孟艸序

衡拔立楚峯而瀟霍爲副軒轅以並嶽夫嶽奚可並也凡山川峻者不必幽楚祝融高方廣遠而石菌芙蓉諸巒九向九背故其文奇且曲雄者不必媚若武夷金簡君山美酒與孤帆共隱約於江流飛花蒲洞庭故其文尊竦而爭娟麗者不必蒼太和南巖側身黑虎有人焉烏帽紫裘正襟雪堂故其文秀而整泓者不必遠邇巫峽極瀟湘岫嶠絡絲相峙鳴故其文起伏後先如蒸湘兄弟國曠者不必韻郎官可湖魚龍悲瀟而姑鉅石渠之泉乍大乍細故其文磬齡幽沈無垠際山川性逶迤而蒸雲夢撼岳陽不極澎湃不止故其文如蛟龍不可嚮邇嘗怪掄文者曰才情不可極夫才情不極皆庸才也偏才也要之才情者武侯云吾心如秤不能爲人輕重是已非衡也而何五岳之有衡也猶吾心之秤也知人難知山川亦難稱子厚不記淡山而山谷更以大溪勝之要之其人之精神出則山

川之精神出矣戊午幾入穀而造物故遲之一
片君山筆端盡出世有軒轅勿副滯霍以貳岳
哉

朱秋崖先生稿序

中丞之被謗也威福移於私評是非亂於野史
今去公數十年閩紳疏於朝曰使嘉靖之季
早嚴海禁則王直徐海輩豈敢復蹂躪中土累
數十年以此思朱中丞曲突徙薪之策當追錄
祀之而名將威繼光俞大猷一體賜謚中丞埃
命辭吉凶禍福命而已矣命如之何丹心青史
其埃此疏也哉公又曰仰承廟筭之成不死於
盜賊之手惟慮妖邪之售或死於筆舌之鋒死

於盜賊之手尚存忠義之魂死於筆舌之鋒長
作冤號之鬼繇今觀之公固不死於盜賊之手
矣亦曷常死於筆舌之鋒耶公又言一日未死
必以紀綱爲重國是爲憂公千百年之身也千
百年之紀綱國是何日不憂耶又言閩外大臣
兼官守言責之重巧爲身謀附勢之徒方且談
王伯談循吏酷吏惑世誣民公之憂安底止耶
謂江左養亂獨有投江加鞭之事患難中以甓
餘題稿故曰奉命討賊不奉命開市救焚極溺

非雍容揖遜之時除蠱解酖非參耆烈肉之瘳
於是革窩船嚴保甲令甚嚴決公稔有司惠奸
豸繡中制直以各寨責海道以海道責中丞而
御史勿與禍卒胎於此從來公與私仇盡忠報
國與全軀保妻子仇何絲公行兵以坐困為主
深入爲戒海上互相傳檄輒先事調實最持重
所至馘斬絲善知人盧鏜俞大猷皆樂爲之用
入漳州甫三日賊起計平之在寧波夷館投書
鎮坐定海援韓魏公在軍中有乞相公頭獻西

無夢園集

馬三

聖

人者延頸示之臨大事決大疑須得此氣象嗟
嗟公卽斷頭陷胸甘之若飴况明主待以不
死加秩請謚論大定於今日哉先輩稱公不偷
官而外交不棄事而簡業集以永感終感於太
宜人久擁絮稱公呂仲木比之趙姬云

序太淳試草

非陸生不能悅高帝非長卿不能悅武帝非子
雲不能悅成帝三君皆文章負俊眼漢家奇士
也漢文首賈陸一曰新書一曰新語昺取新也
東漢以后大都患舊賈生云有先醒有後醒有
不醒故其文最醒吾觀太淳置之二新間其先
醒者乎夫文之至者可以逢當壚美人卽可以
逢漢天子且蹀躞金馬爲頌較獵如高皇得陸
賈文千秋萬歲安用賦長門哉

無夢園集

馬三

四

張澹斯文序

文章大槩如女色好惡止繫於人山谷語不甚然也雪後園林纔半樹水邊籬落忽橫枝山谷笑歐陽公鑒賞未到但詫疎影橫香爲絕倒耳宋大內徵梅千種一本得自張公洞極奇謂此梅之遭耶洞口何嘗不佳絕吾輩作文正要看得澹澹于遇則可澹于文章之得失則不可楚張澹斯澹人也思奇而能法神揭而能凝骨藏而能振脉動而能鮮昔賢謂攻厲於園藩之外

無夢園集

馬三

聖三

摧陷廓清不惟不隨衆而已且必以其文易天下而後止元結穆脩是也然亦苦矣作古文卽爲元結穆脩可若時藝則微肖聖賢之精心嚴事帝王之功令咎賢所云得失寸心知其猶有千秋心也夫有千秋心則有得還有失此事可有工拙豈可有得失雪後水邊巖廊洞口得意於荒寒平遠得趣于木石瘦硬烟雲遠近蓋天桃艷李大都刺譏而梅花無彈文此花中之無蹉失者澹斯高才卓識精色內白善自護持讀

其草用墨不豐而韻自傳清壯頓挫旦夕必售何暇達付百年家世清白於文章乃見之矣

無夢園集

馬三

四指

徐仲美草序

有廟堂之文雄渾博大是已徐仲美沈思積學
始貢 大廷河海文之冒關塞文之春其渡江
北砥千仞呂梁爐山神勇梯金航壁截海以來
於焉操管龍象蛻出狼餘喙息黃龍痛宴餞收
暢輟雲屯雷鳴於焉作賦鵠首噴霧綠水黑水
轉漕挑渚遙望直沽給振賜酺於焉吐辭訂謨
辰告洛食星纏日廊月廡捧盈輯瑞於焉作詩
卷阿車馬韎韐有儀敦弓交張海鐔山鐔布彰
無夢園集 馬三

卷五

神武於焉勒銘如雷如霆凡此皆廊廟之文仲
美文章自宜一變若震澤之波蕩台雁之奇蔚
君熟游爛煬紙上故置弗道也

吳賓王稿序

吳子賓王才士也予負相人眼賓王不以詩書
見而以甲冑見豈謂相當封侯姑舍是習戎行
又豈目攝予久汨汨鉛槧中耀武而觀之兵以
生龍活虎爲掃案頭蠹蟲耶揅酋未西余有宜
大先憂一書戊辰入關余策奴必入入必勸上
告

天子下誨多士余又慮稅民深盜四起撰武錄
序云小民受加派之苦貪吏吸加派之實 國

無夢園集 馬三

四六

家空擔加派之名不幸言而中者屢矣吳子今
備兵浙之溫處當事才且賢之薦剡方砰砰擊
耳而吳子日椎牛饗士疾思一戰世重武武亦
雅自重以重世將軍廉不受私疇曩莫作一書
生良壯吾今乃見子之心矣

了義叙

經學家苦易甚非苦易也苦易解之繁且晦也
居而安樂而玩盡利盡神至易至簡天下始不
畏易之難咸受易之用於是乎奇之偶之報失
報得終日言之不盡而一言可了終身行之不
盡而一事可了揮塵談玄塵飯充棟不盡而一
舉目一舉口可了夫作者不一述者亦不一要
以讀其書而繁之晦之與鼓之舞之者奚若一
再讀了義如水沅花開夫乾坤成列六子嬋繼

無夢園集

馬三

四

繼如子父相繼繼則善成則性日旦旦出東方
天下文明子曰相見乎離坎離陰陽之分限也
離麗也已麗人以見人麗已以見人人相麗而
成相見斯義出皆見之矣了義出而開心天關
心地震固中天大明允亦長夜俱旦自古聖人
立言不煩立事不泛儼農以來一人作一事又
皆利用厚生艱食鮮食垂衣裳通舟車衛生死
辯書契無甚難行難知之事及其至也百官以
治萬民以祭蓋取諸夬易譜也卽理人譜也匪

獨易也易以決陰陽書以決政事詩以決性情
禮以決治亂春秋以決各分若決江河決之至
也易不決象數耳書不決陳牘耳詩不決聲韻
耳禮樂不決度數鏗鏘耳春秋不決編年耳天
下之能事至於易而始畢不決惡乎畢乎讀是
書一覽卽決一決卽了神而明之存乎其人

無夢園集

馬三

四八

東粵李老師集序

某荆吳腐儒受知東粵李師五六年來事師最久師之知弟子與弟子之知師甚矣丁卯秋中師官南少宗伯函寄文若詩盈數百有奇命集而序之曰勿勦勿諛以爾言垂信也蓋三代以上心口一德業一未有三不朽之名不暇修辭而實以修辭爲居業出一言告不媿之衾影告不作之明廷告揭白日行江河之天下萬世未聞有剪刻造化深愁花鳥可以責天文爛星日

無夢園集 馬三

四元

者也自三立聞而立德衰於偏至立功墮於小成妄意千秋托宿聊寄楮墨於修辭若暇而修辭之誠幻不可憑矣避人焚草抑有激乎則未聞削墳典之牘抑拜颺之歌可以責人文顯化成者也夫風與水相遭而成文不相遭而亦成文無他誠有之也彼絲竹之聲出藏經於石壁豈天空之籟遇妙響於行雲吾師山嶽品也翕河度也龍光望也自體闇分較成均德造度常訓迪皆力挽浮靡思得寧靜澹泊之士與共持

風教示人易示人簡示人超然無欲之文心故其文沉雄奇奧矢爲詩歌莊讀之和平之心生靜對之名利之腸去夫修詞一也誠不試異惟因時而惕乎三代而下知因時而不知惕故其業薄其詞浮至宋似知惕而不知因時故其心非不誠而其辭費立誠於先剖幾於早存義於徐赴時於敏以左右飛龍而後先天地唯此耳師署農部僅越旬直陳留都大計若曰豐鎬如此郡國可知教時之急大聲疾呼平生所學立

無夢園集 馬三

五

誠而已海內喁喁然拭目相告曰司計若爾論道可知也庖代若爾久於揆席可知也噫宣公封事強半理財卒不與劉晏等則宣公立其誠也豈謂晏等盡不誠哉顧盟心何如爾

代觀風序

唐李戡云元和以來有元白詩體非雅人莊士多所破壞吾無位不得操法治之余讀而歎曰元白才士也詞賦聊以寄諷戡又無位尚勤感愴況才不及元白殺亂文體維風者能無奮力墾闢焉余改巡方往牒數稱引王唐瞿薛四公式茲多士然吳季子之歌風也舞韶箭頌覆載則他樂不敢觀轍跡所至見子產如舊交悅晏平仲稱遽史規叔向彼諸君豈皆有政有事慎

無夢園集

馬三

卷三

詞以定國將文學卽其政事政事卽其言語耶孔門德行重矣有文學然後有政事故墮都却萊誅聞人孔子一生大政事所在乃一生大文章所在游夏不能贊一詞也文心日新借先民舊織之錦裁多士方爛之霞恐不心服故願各極其才情格法不必局局故步惟文學最急以漢士之勤於學也把管齋油素鉛摘異語次之槩天子時陳發秘藏尚病分文析字信口說是末師保殘守缺挾恐見破發憤如此夷改西漢

如寢園郊廟冊儲分藩備邊使虜屯田穿渠治河理財一切西漢之政事皆西漢之文章歛所移讓豈政事遠遜故托文章以寫不平之感耶多士倘雕虫自薄何關世風而勤李戡無位者之扼腕況時義以聖賢神胙疏淪肺腑有如情不肖才不極格法不諳非弓燥手柔而托之熟非秋氣折膠而托之勁非聲光符其解會捧心飾面而托之妍好總謂無文字學史漢而窘於筆之弱逃莊老釋莊老而窘於質之喧逃楚項

無夢園集

馬三

卷三

學梵唄而窘於習之粗逃諸俗總謂無文學夫學人至於時義密氣冲心舉詞賦頌記編述論辨之才寂然退聽如田之有疆朝夕以思惟恐離之矣唐宋韓歐陽二文公皆以文章爲已任昌黎與裴晉公同行請問道入淮西在李愬夜擒元濟之先於是膽落王承宗割德棣以獻鎮州之亂詔公宣撫單車疾趨卒就削平夫執筆而窘鯉魚叱白日公之政事也服官而肉視虎狼水顧鼎鑊公之文章也歐陽公感陳隋之陋

也以唐太宗致治之盛獨於文章不能少變其體此公之政事也所上劄子宮闈典禮之大百折不迴則公之文章也噫嘻晚唐之詞賦熾而宋曷能以詮什矯之胡元之艷曲行而許吳諸公曷能以訓詁正之彼且以拙易巧以庸易奇無政事焉得有文章在正其浮而束之學耳陳同甫曰誰是文中之龍文中之虎則自許過而學浮矣放浪之際頗著文章自娛而學迂矣必如甦廢虛遠之懷以救倒懸之急庶幾寓政事

無夢園集

馬三

三

於文章劉邵論人物自偏才而下爲依似爲閒雜時義多有之此文章之無政事者也士逢時不如先時時者士所自開士能開時學能開士厚植其學立時之外以相時之變而後發之于文章尚克禎我王國如雲是則嘉禾秀艸皆出亦在奮力墾闢而已

吳音序

文章之道在天成象而在地成形夫如是變化生變化成江淮河漢口可囊也不稱文日月星辰見于天地平天成煥乎文爾其道用奇不用偶文用偶而極弱邇之生心推之政事用偶而大壞地二生火火不戒若焦若熾文情日炎而金玉之體弗溫剛柔之節弗著自昔作者每于承起伏呼含蓄旨趣或全用奇或用奇半或偶中藏奇無有純用偶者蓋天數五地數五地亦

無夢園集

馬三

三

五也五十有五五無極也其神之所爲乎此法一失橫襟矢口臚列遽盡肉眼眼怖其言若河漢無極奚與乎文字之觀前輩有云一闕一闕有云一篇如一股一股如一句終不若道破天奇何也一破一承一開非三奇乾象而何起用虛不用實用小不用大以虛比小比依稀清虛天一而居中四陽生殺互用顯藏不測神龍結束寂然收聲此謂文體卽天體日月星辰見於天而江淮河漢安其流以此立人是謂第一品以

此作文是謂第一義以此純粹精宅中而處是謂第一心術夫始于奇終于奇餘于奇一篇總是乾局故單提也單收也數行不整齊也皆用奇之妙也前輩作文一起一束龍勢躍然今來不知其所始去不知其所往場中百篇無一佳破佳束蓋用偶不用奇耳天文時變人文化成明乎有天文自有人文也觀天之神道聖人以神道設教明乎有天之神道自有聖人之神道也作易者絕去此偶以易準天地不以我準天地猶之乎策布乾奇也偶乃緝緝乃俳俳乃夷故曰陽一君而二民君子之道噫修辭立誠乾業盡矣安定辭安民哉禮經該矣修辭之忤忤况其他乎按吳而刻吳音若曰近文章砥礪廉隅文有廉隅焉與廉隅遠與文章弗近說在爾吳澹臺滅明之斬蛟也風礪遠矣係以吳音何學也博服也鄉蓋自古以文造士莫如成周司諫所載勸朋友強道藝巡問觀察之以時書其行藝辨其能而可任國事者夫文章需之以肅

藝文類聚

馬三

卷

學震之以巡方巡方痺惡之權重而痺文章淫邪之惡功尤速而大彼謗謗者奚足辱白簡爲正唯高才生落想波靡無極宜以此錄拔正之用如雷如霆如江如漢之意施于珪璋追琢之間是觀風采耳目而吳音範久遠也

藝文類聚

馬三

陳二何稿序

昔哉同人於門出門同人壬戌予與二何並出東粵李師門二何品真而淡故文勁而和嘗謂今日品與文之患患於魔魔品集於濃魔文集於浮不真則魔來真而不淡魔去復來讀二何文是魔王見而啼者抑有慨焉同人天與火火日降爲男子乘乾睽火上澤下火日炎爲女子居室澤火有同異天與火無同異君子同而異不得已也張弧脫弧屢見於睽同人何有焉離

無夢園集 馬三

三

然號咷後笑求之至也友朋之際未有不相求而相入者也士不號咷以求大師以遇日以中直也同而異可爾此睽也非同人也睽則女同人則男睽則小事吉同人則大有元亨何居夫樂有統同而無辯異之跡出門同人何異之有澤與火不得強同之天與火亦得而強異之耶旨二何稿因極論同人之義云

玉稠山房大題選序

文章之道太上神聽和平其次終風暴笑顧我則笑使不和平暴而不笑則無有宇宙安有文章今詩家擬陶者日侈未必陶也然何以不學李學杜學漢學魏而學陶蓋猶有和平之思焉甲寅秋十四日臥和靖先生樹下見孤山放燈聚族而哭余謂西湖笑不如西湖哭越明日中元雲騰萬艘徹夜歡伯哭者亦笑故曰吉凶以情遷今之爲文有畢世之怒而無破涕之笑何居十九日踏蓮花數畝晤貞父黃先生于寄園先生曰文章渾厚一脉如鄧文潔輩遂絕響惟於雕鏤中不失情法斯善耳以此知前輩用心之苦朱子懸急追余舟至北星關索序玉稠書此授之

無夢園集 馬三

三

金太守問心稿序

且夫心之同然宜問心之所不然尤宜問也不然乎人之心宜問不然乎已之心尤宜問也雖然爲政有異焉不謀已而謀人不謀人之心而謀人之面何也人心卽已心鳩鵲之面卽樂無知樂無家之心予於金太守有感太守吳人也而樸余以使至順德酒不設樂肴幾豆幾約而甘之余問公于鱗守此土元美訪之邇上鼓樓賦詩一月致足樂也公徐曰此間甚佳處曉起

無夢園集 馬三

七

登城一望惟樹與烟耳余笑謂公曰邢丘如舊家子金錢田宅皆不如人但家家好骨董多藏詩畫差不俗大都橋梁剝院皆饒古色及步豫讓橋眺飛流百泉坐一樸太守于其中人地皆古太守之子方產痘對客不恬遂捨之去去復思之君亦思余不置復以數帙來問序大都吏散鳥啼之暇或拈題或詠詩附以案牒爲問心錄其言曰問天乎天高而不荅問人乎人荅而未悉俯仰懷疑意方寸吐茹于天人當亦不遠

故還問之家有八旬雙親將携此錄以還問我生身之人且以當甘旨并問可否于君余旣歸補此序噫藥石也非甘旨也石能生我君其石此言哉太守諱之俊

無夢園集 馬三

六

社稿序 毫社

孔門傳道自曾子始其曰夫子之道明以道屬之夫子不任傳道之名以文會友亦自曾子始道不可言文可會也道歸之師文會之友程門識得此意以誠敬存之與明道先生處如坐春風此仁伊川先生講筵正論此仁方春和勸人王勿殺一草一木新法行責吾輩之過亦此仁文行忠信子以之教故曰博學于文約之以禮天曰博博地曰廣博學斯博博斯文文斯約比

無夢園集

馬三

三

輔親仁天下文章莫大乎是予十年前過歸德見鄭玄翁年友書院壯甚周列號房悉做場屋推賢者之意會文切理卽是道學師帥以時較閱式遒功令雖百世可也規摹宏遠矣辛未之秋持節再至太守萊陽凝始董公司李南昌茹茶萬公正已訓俗太舉書院文社噫與士親與民亦不疎矣所選士如_某萬公令各携制義商余公署中余謂今日之文不論奇正而論步驟貢分剛分柔步驟之說也初父舍車而徒止

于義上父白貢无咎得于志志也義也篤實輝光其爲人也不苟嘗笑其爲文也不苟馳驅可以志道可以輔仁諸君子之文人格嚴吐辭秀大都靜深多力其中浩浩皆有所自得一見決矣易不云乎同聲相應同氣相求要之相求之意必不可少相求斯不失人亦不失言蘇子曰知人之明不可學此言一出二程先生亦付之不知一失人則失言隨之矣晏平仲不知孔子孔子許以善友意節儉恭敬亦論交之一端乎

無夢園集

馬三

三

是之取爾交春秋之大夫失天下萬世之一人惜哉余也既見君子敢交臂失之耶愛其人思其樹樹也卽道也諸君子勉矣鄭玄翁之創二公之守必有采安定遺法頒爲敎版者道以文傳先賢以正文體爲已任任仁也任道也皇華之役附聲施不朽翳惟不失人亦不失言矣

謝學博稿序

吳庠謝學博宦也而操觚勤於士師也而下帷苦於弟子神暇氣和經濟中人也噫文學不講天下無政事久矣河汾以後推安定爲嚴師故其教治事爲先而王仲淹初語魏房杜諸公曰先輩雖聰明特達逢明主必媿禮樂且告之曰久久臨事當自知之貞觀太平禮樂不興諸公臨事不得力以生平問學疎也噫使安定居太山十年而不以師道聞則鴻漸於陵不孕不有

無夢園集

馬三

卷三

也已然居十年而后師甚矣師難言仙居都有道者紫籙修峰半雲雨儻見之歟

香象集序

求心必顧儔託庇惟清陰停雲四章不云競用新好以招余情乎情一也新好能招之則敝舊能牽之故文而新好斯今矣敝盡不爲惡斯古矣日夕佳日夕清古人妙悟人亦有言念我意中人友無藥石之規是古人意外人也不爲古人意中之人其人必顧不爲今人格內之文其文必俗夫今人之格正不出於古人之意故文無溢格而後奇情雙亮心欲素言欲抗文欲盡

無夢園集

馬三

卷三

總之不離體要者近是否則荒塗無歸人天下事究竟未有不以才情踴躍敗者奚疑於文章之道

曹魯川文集引

先生以經學以政學以諫學以數千里學以室學以少壯學以耄耋學以統一三教學先生之學終其身焉余生也晚然與翁同里開歲甲寅秋既半以講易行期歲晏百日坐翁頷之及歸翁歿嗚呼翁在吾里而若不早知之而翁已不及待太息累月然翁交滿天下易簣之日以序屬知余不薄矣夫典墳以後字櫛句比汪瀚浩衍不可紀極辭費也士如婁人拾遺簪乞

無夢園集

馬三

卷

殘絮以文其淺陋不擇善也昔者庖希氏之王天下也書王猶春秋書天王卽位也書歿猶書天王崩也庖希氏歿則神農以前伏羲持世神農氏歿則黃帝堯舜以前神農持世顧不及見知之禹誅殘之湯武必有說矣將其王不必紀其歿不必錄乎曰史臣既已書之原道者不書可矣堯舜不更八卦文王更之何居讀其詞曰天王聖明蓋至是而八卦不可見乾坤幾乎息文王於是整而更之重觀伏羲面目故曰文王

既沒文不在茲乎今學道者宗堯舜而遺伏羲宗孔子而遺文王日用而不知之之百姓也翁學本明德而旨肝江序弟慈之義體要弘瞻愷切溫厚昔者子思嘗作八卦矣天地山水是也邵子更之爲水火山土石日月星辰夫子嘗言太極矣元公益之爲無極致使說邵說周無慮累千萬言皆辭費而不擇善之過也聊爲詮次以謝哲人於地下耳

無夢園集

馬三

卷

王宇皆集序

表兄王宇皆清真君子也下帷攻苦多流鬱之思可與細論文余里居有年嘗啓扉見之終日危坐寂無人聲嘗試語之曰所欲乎富貴者安已耶住也坐也臥也曠已耶畫也山也水也快已耶茗也香也之三者今有餘矣何欲所惡乎貧賤者車馬希也語言無味也漠漠然不足緩急恃也之三者今更有餘矣何惡宇皆默然自喻則又語之曰清風明月不用錢買古人富

無夢園集

馬三

卷

序

君自此遠矣

傅三雨詩序

余觀古今文章家能擊強又能使民作鄒魯此爲第一讀三雨詩益信庾開府云寧律不諧不使句弱寧字不工不使語俗其言是矣以當吾門必鋤山谷笑世俗譏坡老字畫無法正不知法所自出荆公論文必先體制裕陵好宣獻之書而凡蛛絲蜂尾無不軸以象玉觀蕩漿撥棹乃覺少進總是新婦裝梳了無烈態高林不洗雲翻不矯文如販夫婦其沸久矣不承吟謝後永青秋何必遠付百年公論自出高明深遠然後見山見水眉目貸人安問嘖笑淮陰之兵水道上下擊石天下莫知乃曰此在兵法蓋陸斷水截革挾拔芮漢兵風雷猝焉奪將士之所矜而律以法其氣必老其陣必固此佐漢大略故淮陰一語千古將略千古文鵠世人不識曰文必莊馬兵必孫韓裂文法與兵法爲二譬之木人舞中節拍舞罷索然奚法以示人六籍無六親靖節懷世儒之趨于剝也大人不倡游言

無夢園集

馬三

卷

序

集也殆六籍之一觀乎躡冒頓之區落焚老上之龍庭所謂能擊強能作鄒魯非耶

無夢園集 馬三

卷之三

彭原樂詩稿序

襄毅公跋馮士定聯句曰諸公皆能詩意氣亦相入而武功乘興揮灑落落有長史之態然士定與予同鄉同門知其人品甚端料事甚明處事甚善臨大事甚不怯惜諸公未及也嗟嗟賦咏若彼託寄若此先達用心良遠使見我原樂之人讀原樂之詩與其臨池澹蕩之意能不悲夫三君子每于寒雨深更手摹原樂墨妙泐之石遺詩零落亦如美人肝膽望之皆冰玉色嗟無夢園集 馬三

主

樊大夫稿序

公卿大夫咸懷一切莫肯遠慮此無他故焉當其執柔管弄時文望望將去之既得雋敝帚耳束書不觀耳其有湛思淵微用儒雅文字章句之業一衆人心力耳目如風雨豈待吏事錯投操刀風雷乃逝全刃哉楚樊大夫澹叟閉戶造軌襟期開遠朗朗如玉山寧一第讓人母千秋讓已而生平片言隻字珍惜秘護若有神焉行事適機宜風采可畏愛其表於蘇也固宜故曰

無夢園集

馬三

三

文章如珠玉能珠玉其文必風雷其政夫先資可以告君父裏言可以對赤子凡案牘間低頭問疾苦皆一片空靈境界與捉筆時靜氣深心揣摩聖賢之指歸一也書不盡言言不盡意知不盡可以語學可以語政可以語文矣所謂最遠而獨爲宗其衡也耶大夫以漕軌行先國家之急無與俗同文章也乎哉

吳進士經書義合刻序

唐宋有明經有進士或曰明經卽今之經生家言進士雅重詩賦名臣將相繇是出夫謂名臣將相出於進士可也謂必出於詩賦非也謂昔之詩賦等於策論則難乎其爲唐謂今之時義等于明經則難乎其爲宋何也唐人詩律一冷人文格襍宋人經學明今人經學晦以其雜且晦者施之政事且不可況刑官乎予入闈有懼心焉得吳子喜可知也視其藏稿比闈藝

無夢園集

馬三

三

視其詩翰又一變館試無踰吳子吳子寂然簡穆不問世乃亦雅自許不以第一讓人坐談間忽憶母夫人動色徑出城闕明年謁選歸過余商曰有母在踰嶺五千里將攜母以就官乎將舍官以事母乎余正告之曰子刑官也必原父子之親立君臣之義以權之又曰悉其聰明致其忠愛以盡之平反加淪藻繪吏治語活人有徽光近謬罔徂務盡其心耳且子將有造士之責經義之拙也謂之明經詩賦之艷也謂之進

士初意驅學究爲進士不意驅進士爲學究古人悔之矣然得士如歐蘇山谷輩雖以五丁驅之肯屑爲學究否顧教化何如爾今余自驅已爲學究而驅所舉士爲悉聰明致忠愛之賢李不亦可乎

無夢園集

馬三

萊陽左進士稿序

文章之道孔子概之學詩興觀象也樂羣儀也怨慕衷也忠孝性也辨物名也文之可喜者多而可怨者少可以悅耳目者多而可以事君父者少始余讀左子文如見其人焉出觀之子如見其心焉既讀陟岵篇如見其事父事君焉以春秋高撥庚辛而起家毛詩世其父傳經也精于易禮改春秋法然曰孤子不更名已竟卒萊家左氏書手澤存焉爾則陟岵斯名左子之於

無夢園集

馬三

吉

諸經也無弗治儒者原本經術左子原本事父事君君親一也邇之遠之者何意義深遠臣子有極思焉文之有遠近也亦然夫文人操題如孝子事其親忠臣事其君侈辨論逞學識於君父之前敢乎哉蓋自用倒用逆用反名不正而渾雅之意浸失邇者無所不嫖未可以事父遠者驚河漢之無極未可以事君左子以經治其身也而身善嘗試觀左子之文于題神有迎而無距如孝子瞻岵瞻屺下上於雲山縹緲也而

題肖彼津涉九流句炊雲烟所性不存焉嗟乎
 文之衰也一誤于用史再誤于用子最先誤于
 用經用子史誤執經以彈之用經誤操忠孝以
 彈之何也有事父事君之心然後有經術有經
 術然後有經濟心術偏經術必偏經學誤經濟
 必誤子不云乎隱居以求其志志可求也經濟
 不可誤也如或知爾則何以哉神而明之默而
 成之有一物焉兵農禮樂挾之以趨禮讓之風
 微而治效罔觀況其下焉者乎今時文不提不
 議不變不化未有不引經語號爲典雅者卽無
 不高談經濟尊爲書生識時務者此二痼疾在
 勦子史之上特舉左子藥之夫經句不妄用矧
 子史乎經濟不妄談況冥冥決事乎溫厚而斷
 詩教也春秋教也左子勉乎哉

集 卷三

錢與立草序

余年十六讀書外家喜飲酒時時著書間弄文
 字姪婿與立性慧而文善變能古文亦能詩余
 與之語讀書解語文義解語飲酒輒不解坐小
 圃水流花開強之飲弗飲久亦弗強之矣今年
 九月卧疾邸中藥餌旣罷俗物不來欣然著易
 篋中無書向友人借易不肯與隣有學館無易
 本賴天之靈炯炯心目得意遂書忽復滿帙將
 問世之善病者并問世之號不病者與立焉
 聞義閱竟最喜其不辭費也修辭立誠終身用
 之不盡作檄愈頭痛七發起沉痾病卽瘳矣辭
 無乃侈乎寥寥數語政自不俗與立不辭費余
 向者不酒費解此可以尊生可以說易

集 卷三

楊維節進士稿序

君子行此四德者故曰乾元亨利貞此乾可道
勅書也天命之矣行事可已哉進德修業可已
哉大人謂之造聖人謂之作今人動誇著作手
是天自予而聖自命也唯內自訟乎大哉乾元
首出庶物卽庶物之首亦盡出矣蓋未有一物
不首出而能咸寧者也居深山之中人見之鹿
豕舜見之龍象知愚皆龍也靈蠢皆龍也避世
金馬之門何異闕提終南之徑顧行事何如耳
一日與維節言御天之龍不可見亡其爲行地
之馬而已矣洗心之至而同患同患之至而神
武神武之至而齋戒不見是無悶善補過也龍
德而隱颶風震雷不触其纖毫誰拔之哉維節
澹泊而勇決必能任天下事浩然之氣見于文
章今將服官敬哉有士

景瓦編序

文章之道情性爲主知塗巷之歌可風不知可
雅可頌皆是物也兩司馬才情一也子長情至
長卿情侈夫能使人主讀之凌虛而文章之道
不尊難言哉挺翁原本六經故確疏淪淪雪以
虛靜出之故雅馴擇言故簡少言故精而是非
軌于正風旨依于厚如三都賦排二國尊篡賊
詮次人才及儀祿則掩口笑之論次儒行曰君
子守正不回特立不懼毀方求合亦無所不至

矣行不反合而著書以景瓦名善乎鄭註之註
乎尹也謂王之滑澤如女膚緻密如筠膜也今
夫家擁萬卷曰吾能藏書戛牙鋸舌曰吾能著
書二者先生夷然不屑高冠長劍中情好修倣
立於冰崖雪巘間發爲文詞爾雅深醇抑先生
愛楚詞茲蘭樹蕙將効之國家耳過上下而求
索思自達於君不可得且柰之何每述蘇倬語
曰今所爲者譬如張弓非平世法也後之君子
誰能弛之東南民力旣竭不知稅駕矣謀國者

桑孔之不如也思深哉

宛陵游草序

文士之不得已而用筆猶畫家之不得已而用墨長年之不得已而用篙譬如登萊海市峨眉聖燈非樓非閣疑烟疑霧正須箇中著想又有舉而失之者嫖母之不得已而塗脂支離之不得已而僂僂樗木之不得已而屈曲皆矜嚴而可憎者也予觀先輩大都法炭則神拙神曠則法軌斯道中極心折負甫黃先生法之所不得已而神生神之所不得已而法生每披一義

無夢齋集 卷三

二

焚香靜坐不敢褻視宛陵劉君爲高弟子偕先生之武林道吳門出琬琰而待余湖上其指蓄其詞潔其服邃筆墨之徑別無可尋酷似秋月所寒潭蓋由先生之法以入先生之神精微又豁然先生既有評矣

小題先範序

今日之文患有情而無式倡之自上始宋真宗
語大臣曰自今乘輿服御塗金繡金之類亦不
須用於是富公喟然歎曰自此更無犯者矣司
市爲國君夫人廿二命夫婦進行之法既損
曰苟有過用於上則大臣盡規苟有過取於下
則有司守法而後人主常立無過之地信乎凡
事有成法而鬼神之道行乎其間則八比之文
可與聖賢酬酢矣司文者禁淫哇而未嘗與之
無夢園集 馬三

習風雅怒鵠梟而未嘗與之學鸞鳳惡稂莠而
未嘗與之播嘉種於是法長苦而情長奢其初
法不足情有餘究竟尺幅之內情亦少矣何也
法可久情不可久也性理一書談鬼神費數千
萬言無敢迂之者賈生乙夜之談前席相對又
不知作何語輒橫苛之曰生不能用漢文夫人
臣而敢用其主是謂蔑法亂紀可質鬼神即可
對蒼生何謂不問哉乃又以昇日新垣平誕幻
併坐生不亦議事無法論人不恕乎今之文何

何以異是快心事不可過矧狠心詈古人駁經
史耶文章惟法可以御情唯恕可以行法沈子
于陵其文練而潔爲題所評隲先範以示意焉

管進士稿序

余弱冠謁東溟管先生先生與余講鄉黨朝廟章小心大節言旨而遠評余鄉卷宜速售遲須入格未易歲月計也既讀從先維俗議先生謂我矣困公車廿六七年悔不用先生言然不入格速售奚益自余有知矻矻窮年未嘗不土苴一第以爲一日有千秋一夕亦有千秋孰知爲未見行未成潛龍勿用誰敢哉凡此者昧先生于鄉黨之戒且一第正未易副也高一鄉之趾

無事齋集

馬三

全

白當世之眼局外必張局內必縮誠意正心所學何事凡此者昧先生在朝廟之戒憶從先君令兩浙久之乃知善作事莫如令善讀書莫如令善積德莫如令余故曰未有不可將而可相者未有不可令而可將可相者今年辛未與同門王昆華相天下士禮闈昆華滇中名宿上疏言兵事稱旨簡收奇雋其最爲管君則東翁振振繩繩之裔也余與君家叔姪習文字交君年甚少閉戶讀古書欲一望紫芝之不可得君全壘

初出余枕上臥閱未竟躍起曰此西京文字也疇昔管先生嚴文之格進我歲年君何修提入柳家傳耶君之先辛未榜不以木天重抗諫著書顧其人何如耳若氣粹神密撫民人如對賢聖超然簡遠鄉黨朝廟之訓既聞耳矣澹無所芬華在朝廟風節可具見哉

無事齋集

馬三

全

擬鹽臺觀風後序

歲乙卯某公權醴頒法執秩序肄惟水鑑樹厥
 械樸歌周行以先鳴鹿迄今載書天府多公造
 焉用是具區縹緲之秀與天目茗雪之英訓辭
 爛雲漢矣不佞備有司之責微言末簡以肄業
 及之也乃颺言曰古稱海王之國謹正鹽筴男
 丁女口吾子皆計鐘釜給之故曰海之鹽唇而
 望守焉又攷和羹之訓曰濟其不及洩其過君
 子食之以平其心詩不云乎亦有和羹既戒

無錫圖集

馬三

全

平寧鐘釜祈望已哉竊計文章淳漓之故不越
 和平兩言崩濤駭浪盲風霾雨見者駭慄及其
 天青日空魚龍隱伏則汪洋之極也蘆書竹簡
 詭音窠句駸與帖括比偶之業垂而肺腸亦日
 遠于人修詞立誠漸老漸熟則絢爛之極也說
 者謂吳自春秋弗齒上國而文學以言游特若
 古揚厥土下下今三州之賦甲懸寓其俗撞鐘
 舞女用之日新夫人才物力有所耗必有所竭
 而吳亘千百年不少衰持危定傾往往輩出意

其深醇醴厚之氛雖有疾風弗之能殫而夷攷

言氏之訓曰學道夫非其在璞不珣在冶不曜

者歟夫非君子食之以平其心者歟震澤五湖

南國一巨浸焉而不列于四瀆意者造物予以

實蘄以名鎬秘其山川俾人材物力酌之不盈

而五湖歛百川以入海非四瀆之旁洩者比故

海內莫跂焉不然以吳之大豈其不若曹檜耶

鄘之封國也而詩弗傳及提衡四始又出于吳

季札之入聘觀其揚確風雅多所賡譏卒歸

無錫圖集

馬三

全

地如天此卽學道愛人之壯其根莖如朱絃洞

越也乎公務振其弱以強其幹大要澤于和平

而每致嚴于眉目之序位置之間呼吸頸領之

際格必適時陶韋沈宋母諱而兼以蹈兩瑕才

必適體拾遺供奉毋貪而合以賈二弊蓋祭祀

其苦鹽賓客共取鹽王之膳羞共飴鹽夫濟不

及以洩其過公所秉心獻于王與多士共平其

心者也栗氏爲量聲中黃鐘銘曰嘉量既成以

觀四國自越及吳斥鹵沮洳幅幘千里夫非

之嘉量而抑嘉餐以飭象德以形說在周使之
聘魯蓋虎形以獻其功曰文昭武畏備物焉在
昔賈辛之舉于魏子也曰女有力于王室行乎
敬之哉母墮乃夫任天下以力運力以心昌歟
白黑公如鏡懸不佞敢附于旄之忠祈望之守
布告作人大指多士尚黽勉學道以光吳乘哉

張爾緼徵羽篇序

孔子詩書刪之春秋作之憤不存焉昔江上歸
著書數卷爲青衣所竊方譴之遽曰吾市無用
者耶迺發憤爾緼行卷或柱之材或斧之梯殺
生相午鈴然有穿漢人有言和氣所生物皆不
朽抑珍其澤之卑而願有質也兩漢晉魏諸儒
信孔子之言太過故以不齊之見傳會于孔子
之見其過陽宋儒信心太過故以中心之疑傳
會于孔子之心其過陰人心不同至理學家而
極宋之于前人也驅虎豹而寢其皮今日之于
晉魏也龍鳳而魚之不可食鮮可飽漢晉陰露
而蒙霧宋儒采中原之菽雜以莠稗至今日露
亦不食菽亦不采龍而毒穀而石矣願言共勗

夢鹿堂易義引

友人葛吉甫銓吾黨數年易既成書曰夢鹿仍伯健之未竟方伯健歿予在西湖爲文哭之茲吉甫索題又理湖上棹以此黯然閣筆已而歎曰山者文之骨水者文之脈人無骨則僵無脈則絕佳朋友如佳山水其捉筆爲文章則千山動鱗甲萬谷酣笙鐘處也自易義有夢鹿而耳目一變然伯健年來較閱不貸昔眼吉甫氏又討而新之歐陽文忠公東園亭記相與逆數昔

無夢園集 馬三

全

時則于今七閏矣不知再至城南登此亭復幾閏幸而再至則東園之物又幾變也王介甫文公褒禪山記云予所至比好游者尚不能十一然視其左右來而記之者已少蓋其又深則其至又加少矣方是時予之力尚足以入火尚足以明也既其出則或咎其欲出者而予亦悔其隨之而不得極夫游之樂也二公惟能文章故言文章之變如此亦惟能山水故言山水之變如此嗟乎吾見有不能山水而能文章者哉

元震王侯臨塲藝敘

壬戌初放榜與二三同志商略將相材相不必秉樞劉忠宣于忠肅何常相何常不相將不必授鉞郡國之守土鄉大夫之勤王何常將何常不將雖然未有不可將而可相者未有不可令而可將者名將皆名相也廉令皆廉將也時對元震王侯言嗟然以解出其止戈賦大饒將畧侯廿年苦學澹無嗜好一意當世之急選人授吾郡昆山奮而往於是擇拳勇有股肱力秀於

無夢園集 馬三

全

衆辨而書之矢無離服日與民接膝語不啻囑市德而摩之若痛薄形貌叩精理大都骨勁而神靜氣味高邁力闢新體予嘗謂一落造物之窠再織天孫之軸雖縞素不若而况山龍華虫之盛夫令實居將相之位行將相之事令而迂選練則司馬法振旅菱舍惟長吏以時輯睦嘗相簡修其政器亦迂乎哉

王曙翁年伯遺稿序

經世之妙莫過于易用易之奇莫大于神大律
循良以神易未易幾也然名臣必從此出蓋有
安社稷臣者必知社稷之所最關切以全力儲
之以急智赴之以神勇蹈之曙翁王年伯權關
其門子以故人子見手書篤學承家顏其讀書
處余喟然悟曰新城之有王如永服之有冠冕
其教人若此嘗目擊子大夫之治吳關矣滅賊
料汰浮課庀賢祠橋興福時時坐余前帳中
發郊原之外曰十年後奴患未有抵也爲臣鵠
爲子鵠無老鉛槧而廢弓矢乃近觀蓼莪公兩
令邊邑所至摧鋒破敵豈有異聞耶徐出翁所
若平賦志殫心錄計遼瀋檀城廣司溟疏暨各
體滿帙彙成一書問序于余余聞之矣初翁在
母腹而啼捧父足而語聽大人基子欲落衆山
皆響而跪請罷局志量宏遠試舉令澠池令桓
鄉令寧晉令密雲守開封守平涼及三爲計部
卓政之大者反明智草場之風擒晝伏夜行之

無夢園集

馬三

卷三

七

盜預策遺餉六萬緩滇金急箭樓皆得俞較然
獨行其志矣樹秦關壯壙辨熊耳占賦表月川
理學平潮河衝決連城峙夾道纍纍若貫珠蘇
輪蹄之困戢噪糧之軍嚴保甲之令未可更僕
數也在開封新有宋之辟雍在平涼勤鄰壤之
協濟華陰石人之夢扶雲氣超躋矣始翁鹿門
偕隱鑿井同炊身歿浩然床無遺金可青視渤
海自祝千古有子蓼莪大竟之嗟乎翁每念不
忘遼左也督餉之役察數十年遺兵倍息債豪
貴于是按名鑒封照冊呼名而以餘貲招軍買
馬釀酒勞壯士今去翁幾何時仰屋竊歎能不
能之數可概見嗚呼戰陣無勇非孝也律循良
以戰陣似又未易幾也然戊辰自春徂夏挿犯
大同營城東海子難二十九日桂英妻兀浪哈
丈挾憤喉相向昇撫喇嘛謀飾款局急下止戰
之箭非蓼莪公力守南城門懸一燈人持一刃
鳴砲驚營與宗族生徒示士卒必死虜安得從
帳去一縣令屹不少挫卒保封疆回視陽和左

無夢園集

馬三

七

衛西路之將逍遙道路卜挿交証我兵閉城門
不敢偵勝負何如哉卽永清再調奴騎驟來出
罪囚而自歸泉強賊以救衆黃旗夜豎固安之
野壯士北會海子之師非方體空而神易炳何
以若是噫嘻挿之憂豈在奴下金元史不稱會
州之北有木葉山乎層嶺茂林毒蟲猛獸二虜
不相通者此山爲之限也今挿明以舊遼陽讓
奴出入而自蹀躞宣雲寧夏延綏上下數千里
遠至甘肅銀夏等亦借避挿爲名彼三十六寨
無邊圖集 馬三

半投奴半歸挿而卜夷一成一旅瞻烏爰止如
彼築舍此社稷臣臥薪嘗膽之時忍泄泄乎哉
瞻望父兮式穀似之然後知向者曙翁先生之
慮遠也

高明柱三草序

吏不可俗未有俗吏而能愛民者壯哉岳池侯
之言奈何食土之毛而不思光照山川精神簿
書期會未俗也蘇子云雜簿書於魚鳥真俗矣
烏知簿書非魚鳥耶誦集聯懷古或曰明柱文
學人也覽其政書或又曰明柱政事人也予總
題之不俗邑故隸州改府而便此建置之大者
使車所至以六言易河東粟二千石化出其漏
丁糧不煩鞭笞墨帖之禁吏戶之禁貪夫之禁
無邊圖集 馬三

皆去其害馬者夫民不能言馬亦不能言所謂
以鄉人爲馬以因園爲廐因田起馬不如無馬
因馬累生不如無生者募金一出而人馬相得
猶之納溪合不致三十鍾之一粟也乃修文事
坊以表之乃儲戎器官以總之歲之不時兵車
如織皆恃以不恐城與山連雄峙西蜀深思遠
致不與俗同而改一議上厯宸顧以御史不
能得之昔者縣令能得之蓋余交明柱最深有
識有骨可備緩急故曰臨大節而不奪天下之

不俗人也清溪橋上月明如洗夫非坐蘭亭泛
赤壁少長咸集酒肴雜陳君於其間指點如繡
山川暢敘幽情乎哉

李山人詩序

詩之道難言大都胷中無宿物眉宇間使人名
利之心盡其人可與言詩韓文公之送區冊也
儀觀英偉與語文義卓然孟賓宇詩集陳堯佐
敘之曰如百丈懸流洒蒼翠間清雄奔放區與
孟海南名士二公交必有道予遇李君有異焉
夫總百越連五嶺南負重溟而又遇之濟上人
物與山川其精神互隱見是夕也夜珠既來明
月不去下上遶觀文義卓然卓然於品其文
不媚卓然於文其人必不弱剛腸勁骨世道恃
以嚴栗文章恃以澹老自古文章無所恃而長
存未之有也然必奪其自恃而後可以奪物之
恃說在負壁與蛟鬪夫淵蛟之恃也壁非我之
恃也蛟恃淵而敗我恃壁而存有一物焉出於
壁之上則神者勝之集不云乎雄文萬古光若
在滔滔衆壑終朝海似此襟期掀髯酒樓未知
誰賓誰主君自謂書生說劍與山僧釀酒別是
一種風味蓋已自叙淋漓慨慷處清雄英偉使

韓陳見之何異丈人在浮丘也

荆溪饒侯文序

余最善荆溪山水仕宦僑寓多名賢而好風吹
任昉之句殺虎賦與慙之篇俗師永和舊國平
陵山長水遠賢者樂游焉饒侯江右宿望海宇
嗜其文如獨孤瓊樹日日思也奇山水非奇人
不傳奇人非奇文字不傳猶之政必卓異而後
循良孰有如侯人奇文奇山水人文之相遭更
奇纔讀侯文一過已在春山綠茗間藤花映水
雪積寒崖天遠夕陽清溪無底而誌新載校訂
無夢園集 馬三 全

剖子龍可携穀雷書可醫瘡可畫蘆可葦青
泥可飯侯文盡有之何洞賦無極哉余所期於
侯嘗誦太白落筆生綺綉操刀振風雷句贈其
從孫李銘宰義興也今人類知滿江紅一詞而
建炎數語忠武提兵金沙寺作宜碑銅官絕頂
李白稱其孫雪會稽恥奔宛陵道忠武題壁云
使我宋中興得勒金石重過此豈不快哉皆壯
士真實不欺而風雨空山時聞甲兵斬蛟人呼
之卽出嘉靖年至飛蟲張旗幟搖拽樹杪以怖

寇侯政暇登長橋雲生泉窟雷落劍峯舉酒醉
孝侯次則披單鏐水利書伍堰爲首荆溪爲咽
百瀆爲心震澤爲腹大江以南咽喉重地侯多
嘉蹟白不云乎能文變風俗謂侯也哉

消喝集序

賢者固不可測文亦如之江陰夏茂卿用才也
遜公車而養母宏詞也灑褻言以悅心人與文
豈可測哉公所交多天下士而余嘗師晉陵錢
啓翁啓翁之學本朝第一流啓翁之易自漢以
來迄今日未之有也公所交如此賢者之人與
文不可測而其交固可測矣丙辰借計啓翁見
而規之曰萬物各有首出公屹屹孝廉何不早
尋出頭予驚問曰孝廉何以首出師曰陳白沙

其人與是年授淵天之易余故有紹易測一書
已又規之學者當今深潛之意多而發揮之象
少以爲潛谷易爲白沙難也今去三十二年不
能隱又不能默深媿師言欲如茂卿公之浩然
曠然其可得乎既取公所纂述讀之窮子雲之
札燃稚川之火擊玄女之鐘苑龍荒以牧駿半
天步而無旅何瑰麗也既又取公自爲文讀之
不效廷論局趣亦不屑山林寒儉英風發于天
骨玄論駛于懸河婉孌幽靜駁娑駘蕩抑何肆

而隱曲而中哉身隱矣焉用文之此言非是果爾何以藏之名山大川且夫鐘鼎市朝造物之同人也泉石山林造物之私人也惟造物之同人混而後造物之私人顯然造物者私之耳伊人自不私坤之冰霜厚德在一身乾之雲雨文明在天下有冰霜無雲雨是有坤而無乾出處語默無一可者以文明施雲雨以修詞居大業方軌白沙誰曰不可茂卿抱膝毘山之麓邦君大夫于旄過之詩賦相餉而已 聖主興真儒

無夢園集

馬三

五

出名山大川惡得私其人并私其義乎

西湖觀序

十六年不到西湖相對惘然如何下一語聞諸杭之有西湖如人睂目余曰不然金吾之鑰捷迂鳴榔辭孤山雲曉髻零亂謝若耶鏡晚粧落寞湖上之意往往從他郡客旁湖濱聊得之是此邦人睂目也以他郡睂日代之又不然參寥六一斷橋孤嶼昔賢所陳尊土苴升芻狗於蠹簡殘編斷碑荒塚之餘欣然跡古人而摹其句以此一副真睂目空留西湖雖然忠武肅而悲

無夢園集

馬三

五

宋宮慟忠武而泣忠肅郡史為政遊客何知夫夫夢寐之中亦可作氣而弔其故宮以相慨慷固哉遠於遊矣吾尊一人以領湖山曰林處士白與蘇吏於杭而營西湖自其職西湖不借二公重若以留連堤畔解俗吏嘲二公又不借西湖重以今古兩不相借之景中之人強置風雨晦明之間且吏治禘鄴侯文正忠定無少讓宜往來湖上稱伯否就以詩論西子比西湖雨可晴可西子可西湖可使其可雨之可可晴之可

無異指西湖而比之曰西子也其不村殺西湖者幾希雖然不許處士以一丘一壑占又不許後之爲處士者占處士之一丘一壑也何也山歸然而峙水淵然而流則神卻立不視崖缺石斷雨驟風來悄然而思非其故也孰知造物者顯此幻相等於棄燼若人了是則處士諸公皆殘雲剩霞點綴睂目者耳茲來也無相逆無相笑毋以月白風清笑湖濱寂寞且笑十大大年何事不一到西湖相笑且余截決以相笑爲相笑也所得者亂雲孤燈漠漠平湖而已矣此西湖之糟粕也夫

無夢園集

馬三

夏

西湖

西湖補帆集序

余讀歐陽文忠有美堂記大都錢塘不可及者四窮山水於寬閒之野覽人物於都邑之雄而錢塘兼有之羅浮天台衡嶽廬阜洞庭三峽僻在下州小邑以私窮愁放逐之臣而師是邦者必皆朝廷公卿大臣若天子之侍從又有四方游士爲之賓客其山川流麗與金陵等然金陵以后服見誅荒烟野草過者悽愴此邦自五代時尊事中國及其亡也頓首請命不煩兵戈民幸富足安樂俗習工巧十萬餘家環以湖山左右歌帶而闌商嶺賈風帆海舶出入于江濤浩渺雲烟杳靄之間此所謂錢塘不可及者四也余以十六年塵蒙之面目與山川相滌復何言哉湖上賓朋如雲間有酬對聊以避酒歷歷諸態未見一帆耳因題其集曰補帆

無夢園集

馬三

夏

冷泉集引

少游記西湖明嶺岍湖之山誘而不泉錢塘潮海門一日再湧岍江之山脅而不泉始躋之以爲生人之有所誘有所脅者類是泉也旣而思焉若岍江能脅之岍湖能誘之特潦耳西湖百泉之滙深靚空濶泉之墅也菱芡荷花泉之類也龜魚鳥蟲泉之齒也潮發莽蕩而礪龜黿則借徑九溪坐佛石山房水淙淙下蒲冷公詩語泉曰君不岍湖而懼誘乎不岍江而懼脅乎

無夢園集

馬三

卷

七箋引

淵明不善琴東坡不善飲悠然南山意已遠矣而高其韻於無絃坡尤甚焉曰見人飲酒余輒浩浩汨汨天下之飲酒無在予上者夫飲不踰一升而使天下善飲酒之人皆出其下豈不謬哉登吳山江海日月並出杭西湖其一肢記所云引湖水灌田者爾而謂其山川不深不亦迂乎宋汴都失守尚席西湖老翁之陰乃比于尤物豈不悲哉夫陶與蘇能言則升量也而石絃也而琴聚天下之好美而自歸之西湖不能言則尤之言之而不怨可哂也此中許才甫貧善病病輒游游輒問花譜曲以酒消之其品茶云簡器弗精招朋非類妄投溺入茶之劫也類道者言故冠諸箋焉誦之齒牙俱冷無一字屑西湖者西湖能言如二公矣噫嘻雖謂葯房七箋作西湖一佳史可也

無夢園集

馬三

卷

錢兼山先生廣川集叙

余猶及事錢兼翁壯懷篤志白首一日而口未嘗言遷謫自翁曾孫與立啓篋中藏問世而廣川集先之表翁大節也予乃得竟讀嘆前輩襟期宏遠如此胸中浩浩豈可測哉公位不酬望而享大年憲老乞言興利除害三吳水利役賦有諮必以告蓋博聞彊識陰行善唯恐弗及云夫青詞當

旨非公意也諷也分宜憚甚昵之不得乃用察

無夢園集 馬三

三

貶嗚呼愚哉嘗誦東坡海上謝表而有訝也初子作快心之文門生躬治椽之役生平得意莫過于此魑魅奚迎子孫奚勸又見它文字中咨嗟泣少游而恨播遷諸公之弗永也意者亦若翁借青詞諷耶子嘗謂遷謫居官所時有也積日月取高爵持券而碌碌靡豎則生人不幸耳唐人不謫官一部唐詩皆可廢試閱送黃閣上將喉舌斗柄之司絕鄙俚可刪而餞別逐客遂能令詩格長進以我利鈍使他人之文爲之巧

拙仕宦何必將與相雖然左遷又非難也左遷而無聞與樞要而速謗等耳兼翁所以居此者善矣與立進士少年高科而慨然遐慕在翁不苟錯趾與立素工詩如集中澹遠真寂每落句伸太華之掌非繇削成令子令孫博雅以世所繇來遠矣嗟嗟快心之文彼得于其子而快心之詩翁得之于其孫皆天之所以光逐臣也與立事親孝家貧僦屋而居日不併食能擊鮮無已時此豈世味中人哉行矣聿念爾祖

無夢園集 馬三

三

包少卿蒙泉公稿序

肅皇帝容直之聖主也中於權相忠愍死中於姦璫蒙泉公當公按楚疏劾廖斌爲斌所先有旨逮問已得戍湟浚谷不云乎止因羞惡二字罹此法網先生笑領之快讀劉華容綠野悔離三畝地白頭重過六盤山句笋饌荳花甚適也居湟十二年聞太夫人訃慟卒又十一年穆廟褒之在

無夢園集

馬三

卷三

肅皇帝時王端毅彈中人李敬有旨蒙泉

南幸則爲端毅不幸則爲蒙泉丈夫從其是豈顧問哉公以遺詔褒諸死諫之臣翳惟穆廟知之卽

世廟亦知之矣公行莊浪見甘涼諸山奔泉惜土人不善溉田嘗一叙甘肅志懸嘉峪酒泉張掖間壯心未可量也僅以志節顯嗟乎男子一副勁骨爲沙場用一片烈膽爲社稷用一段苦心爲三湘七澤用至榮矣卽使頭顱如許爲斧鑕用至愜矣獨恨璫禍之熾上累聖明辨之

於早可不慎諸嗚呼富貴可暫不可久造次顛沛夷狄患難可暇不可忙吾儕去一忙字占一暇字履虎不啞入穴必出矣憶昔偕計常留連詔獄諸君子間語之曰人生事業閉戶第一閉戶事業獄中第一公等莫如著易慎勿挫過後當思吾言公於鎮撫嚴鞠代人措荅何略也范同知獨躬睡其與公久而俱化者耶讀素難錄銓次人材政事雖執干戈如在禁闥也文章古勁雍容慨慷作詩歌呼自得剛大養吾氣豁然

無夢園集

馬三

卷三

思古人可誦也五臺先生序曰予兩人皆藉閣相徐文貞公營救微文貞俱藎粉矣故人主以知人爲急宰相以救人爲急在詔獄戍邊海以讀聖賢之書究當世之務爲急

崑易社序

少讀易輒解迨苦心有年杜戶靜參於易半解
半不解偶披時藝則茫然不解且易其心而後
語作易之指南也題目有嚴君焉父母之謂也
文如晨昏定省柔怡甘旨逞才情鬪學問甚則
叫號嘻笑於二人之前可稱佳子弟否又可稱
佳文字否宦稿不協于格則子弟冠成人方廟
見而跳舞狂躍甚於嬰兒猶見父之執掩口胡
盧者乎拈義經題更難之難矣如父母掩關焚

無夢園集

馬三

三

香默誦故作慢聲以亂之甚無謂也同年葛魯
生邃于易宦轍所至如赤子愛父母此治易之
効已兩嗣君以事易事其嚴君出入有度文皆
合轍爰集勝朋哀成社刻各暢其所至各不誣
其所未至是謂知至至之吾今讀易藝而解矣


冒宗起詩草序

已未識冒宗起於燈市氣不可一世而恂恂下
人文特秀挺茲集又一變矣蓋游蜀作也險阻
增壯未嘗論文字如美人浮香掠影皆其側相
亦須正側俱佳今文字日媚日薄可斜視不可
正觀如美人可臨水不可臨鏡宗起鏡中人也
所著山水影鏡中影也宗起自此遠矣

無夢園集

馬三

三



崗東五劉稿序

落筆生綺綉操刀振風雷吾見操刀者矣未見落筆者也崗東升之文餘于性望之寶氣如衡拔立諸峯上銓德鈞物伯子孔實囊武夷之金簡似禹獻君山之美酒似樂巴于郁爾涵季延則濤霍爲副軒轅以並嶽而雜其一家之言于紫蓋石菌芙蓉諸峯所謂九向九背然後不見山窮林盡漁翁大驚者也豈必祝融高方廣德哉客曰柳文得力于永州夢奇山水諸記不及

無夢園集

馬三

運

淡山山谷又以大溪勝之或嘲昌黎不到武漢子何臆度其山川焉余曰記載何必盡是文章之賤操刀而貴落筆也不在有字句而在無字句今吾未嘗識五劉而讀其文若升之深沉雄渾利斬夷饒能自爲而出之莫爲孔實蒸雲夢撼岳陽秩宗天子巨人力士高執雲幢于郁長江流天際隱約孤帆玉鏡自開明湖不掃爾淫壁起溜垂神駿矯矯季延烟波江上娟娟妙舞飛花蒲洞庭則余既習五劉甚而安知操觚過

之嘗試陟太和眺南岩側身黑虎四顧迅冥駟車而下烏帽紫裘于雪堂之上非升之之文也耶若夫濯足八荒吹雪五峯北邙巫峽南極瀟湘必孔實也方夜永月舉酒酌江郎官可湖魚龍悲嘯必于郁也姑鈎石渠之泉乍大乍細俯飛鳥之背而行其上必爾涵也積雪縞地霓裳羽衣快哉斯亭必季延也夫峴山臨漢上山之最小而以其人特著况廣濟大石林立于江中形如積布者哉必族也而雲西陽三桂大者二

無夢園集

馬三

寓

十二圍岫嶺之相峙絡絲之相鳴激合蜀具區之波波相續而古稱蒸湘兄弟國則余既習君家山川甚而又安知一見其人與山川脉脉了無言竟無從着字句耶石簣云善畫者鳥獸飛伏花木翩舞人之舉止指顧必于其動取焉丹青畫出是君山則君山焉已矣惡知五劉落筆之異也哉

吳兩階文草序

風雷者天之力乎烟雲者天之力也於堯峰於華頂觀日出知之日未出人寐天不寐大經鑄造要之掉出日一輪雲五色能事已畢故烟雲有力風雷無力動靜無力一動一靜之間有力無母無力佳人有力量士無力謀夫有力題目無力題之先題之外有力兩階認題極透行文雋而膏味無窮而炙愈出真絕代佳人夫作文不致力於題目猶法吏不勤觸邪彊吏不勤悍

無夢園集

馬三

五

敵雖然文士賈勇與題角自謂聖賢忠臣不知已非鄒魯孝子讀兩階文味腴寧芳如文甲絳毫剽筋壽革繹並所至而貴曷知其中有自得不以萬世換人一朝也哉李觀不云乎執者如仙御者如夢吾願舞兩階之驂也

岳天一詩文合彙序

出言以鄂鄂行身以戰戰記所云慮勝氣也求忠臣必於孝子余謂求文章亦必於孝子何也孝子之道色難盡之矣記又云身勿爲可能色勿爲不可能夫不可能者色也孝子能之若日用飲食焉文章事事可辨色不易辨如孝子之色而文章之能事備今立言之家輕于抨擊似爲忠臣者多略於紬繹似爲孝子者少余故曰求文章必孝子請以是序天一文并序其詩贊

無夢園集

馬三

五

諸石翁先生石翁與余深譚易余爲孝廉時着耆求退甫受官忙思乞休翁累勸經世乞孤山片雲未贈也以此疑甚日夜思之有文章必有武備今文章之不備極矣是亦未可以戰有備無患文無備其患彌多何暇武且論詩乎天一生忠孝之門其翁昌言 國本抗疏擊璫童而習焉有孝子之色必有其文矣有孝子之文必有其詩矣天一詩與文並高宕與雲霞爭色微哉記之言孝矣孝子惟巧變故父母安之是以

終日言不在尤之中遂宜薦登 廊廟載其副
於孤山石室

無夢園集 馬三

湯漪亭文稿序

始予游陽羨而樂記得杜鵑樹下最不去懷者
啣茶之白蛇澗蘇蔣瓊林宴上預訂婚田竟以
此老何不便挈入山省多少議論汰多少文字
息多少譽謗所之既倦浮晚之軀能與白雲共
住乎坡愛山水予愛茶入頭既別蘇訂婚于瓊
林余與荆溪友人以茶戶爲姻家乃在荻蘆最
可笑者余二十六年三朝老書生強綴易妙于
其首夾道女郎連袂新釵一老婦人婆娑其間
暢敘幽懷而尤喜與荆溪湯漪亭盧建斗二兄
隣二兄不言皆茶態也言皆茶味也予猶神許
而未親一日窺其茶至急叩之二兄面而皆玉
色貴不可言嗚呼小困我以數十年之公車而
大酬我以兩陽羨之茶友天其不薄也哉故余
非能敘文也乃敘茶也

無夢園集 馬三

夏入

昭華琯敘

文字山水也評文遊人也夫文字之佳者猶山水之得風而鳴得雨而潤得雲而鮮得遊人閒懶之意而活者也遊人有一種閒懶之意則評文之一訣也天公業案惟胡亂評文字爲最何也山水遇得意之人固妙遇失意之人亦妙緣其人閒懶之意而山水活者亦必不因其人憔悴之意而山水卽灰總于山水無損也借他人睡餘裝自已咳嗽而妄以咳嗽乎山水山水不

無夢園集

馬三

三

大厭苦之乎嘉禾仲展項君靈心異骨拈花微笑而評文之切一開一日極已未選而問序適携至洞庭從千萬頃巨浪中讀一篇浮一大白讀一快評浮十大白酒盡浩歌歌曰有山方得地見月始知天須臾仲展之評化爲湖潮化爲酒獨不使籍中諸君子和吾歌也其中有山水之句也又獨不使仲展氏痛飲吾酒也其人乃山水之人也夫曹所可而項否曹所否而項可項所生平可而今否項君非敢得罪于人不

得罪于天也凡以文章浪得名者罪在竊國之上項君不惟識閱文之悔而亦爲海內懺作文之悔也

無夢園集

馬三

三

關社序

事大君如父母交朋友如弟兄兄弟能禦其侮
 交王四友亦曰禦侮昆弟也朋友之交也能禦
 侮則一今日大計莫如兄弟其朋友而父母其
 一人則朝野心力無絲粟不殫之君當漢之季
 君臣渙而不親朋友各甚尊品甚貴議甚清而
 其君弛若不繫之舟夫以其尊甚清甚貴奉一
 孤君將伯助予終鮮兄弟即朋友之誼何居壯
 繆經綸妙手窺天下大勢不在無君臣在無朋

關社序 馬三

馬三

友不在無朋友在無兄弟故略堂陞之高而兄
 其君卒維漢祚宣尼券士曰兄弟朋友要之以
 文會友近是夫一腔忠憤常叫萬里之帝關八
 比精誠已通尺幅之天地翳唯事君邇也事神
 亦邇矣和平者八比之元雅一奏而天神出地
 祇降人鬼可得而禮此千載孝子忠臣之極思
 也今文滿天下可以享帝享親有幾吾社諸君
 子在此盟也罔有不恪夫爲千流萬派之澤不
 爲兩兩相麗之澤則泛而難合爲千秋萬里之

鄰不爲輔車協比之鄰則廣而不親惟有壯繆
 之兄弟斯有朋友然後有君臣而力禦家國之
 侮遂書之

無夢園集

馬三

馬三

尹序廉易解序

天下理而已矣予謂天下之理惟數而已矣易象而已矣予謂八卦之象惟數而已矣有理而無數知理而不知數作易者其有憂患乎始于一中于五虛其一用其四十有九數止矣不知胸中可以凡天地之數乎富萬物之數乎予直非無徵也治錢穀不知錢穀之數治兵馬不知兵馬之數其理故在也理可恃耶嶺南尹序廉之易小心之易也其言近其旨約數之可數而天下之理得可以觀象玩占矣同門年友盧本潛出此書相示漫題簡端不敢以無數之理逆天地之序又不敢以無數之數托于理以誤國家之事願同心者皆作是觀

馬三

書

楊去奢維桑三議序

讀三議感奴風曰熾何以明其然皆慾無厭奴餐也淫詞數布奴書也昔人賤隸書爲奴如日食萬錢真奴才口腹耳夫奴奴之黠也足反在上賈生歎其倒置誼表餌之術疎然生所以治匈奴者在明禮義不在表餌亦循去奢先生減膳羞梓經史救其本根犯者以奴法治之匈奴破亡可立待也曰維桑議可曰破奴書可

無夢園集

馬三

書

戴同得選藝敘

友人沈去疑博聞有道君子也一日持同得選稿索敘今日之文章頗似今日之交態故曰文章有神交有道文之神也卽交之道也交態多而交之味少文態多而文之神亦薄矣往歲吳饑同得常扼腕民窮思賑救之今日之文章又頗似今日之民生唐人有云三王醫也民疾也五霸工也民材也兩漢隄也民水也今泛溢無隄空疎無材膏肓無醫振斯集乃事醫王庶可無憂國事焉三

直隸

采藥旨矣

鳩工庀材捧薪塞隄乎夫論文如論交采藝如

韓氏一家言敘

子瞻子繇多兄弟之樂及其浮海渡江聯床登宿亦寥寥不多得也三晉驪公來守是邦其弟四公築書舍旁政事堂面雲龍山予頌其堂曰虛氣額其齋曰吹節蓋取諸壘簾云夫兄弟之樂不擊石拊石而吹竹何居竹有節也磊砢多槩不偶俗而偶天虛氣所成纍纍若若自爲高山流水焉非凡樂之所能譜也江淮河漢謂之四瀆以獨能入海故雖然龍不自爲海安能人

無夢園集

馬三

真筆

海力專而氣和然後天神格也祇出黃河之水天上來則是比節而吹之靡不中也子瞻之在潁川也曰觀几席之溪湖雜簿書于魚鳥何其樂哉守徐則不然遡王氣之所鍾收強卒以散盜賊無日不申傲而聊放鶴以紆泮渙之意況今日之徐十倍子瞻乎子瞻子繇大率快心作文細心讀書人也所著易傳論語可見其人徐州治河狀云吏失其防而非天意此今日治徐之大略也君家兄弟所見略同比節而吹之可

保甲鄉約書序

夫保甲鄉約治天下大題目此書治一邑以治天下之大文章古有以文章不工并咎題目者王介甫是也介甫能文手也游記叙述何嘗不佳而踴過兩大題目惟無真實心耳如以德行充正副而首素封右力士操練紀錄責成其長月一按覈之安富民所以安貧民使富民知自衛所以衛富民於是量道里較生齒又徵宋弓簡社令富戶延教師居民備戎備而少其劇然民衆則成城劇少則易備講鄉約者皆謂高皇帝於大明律外作聖諭六條與愚民熟于耳儆于心今以六條各按之律使依于法以服習其教每見入鄉社而霽顏登堂皇而作色木鐸之聲雜於鞭笞靡所適從亦自土羹之矣於今鄉約勸處懸和息牌片楮不罰儒者之論曰本朝有治法無治人又曰無事致亂難有事定亂亦難皆非也祖宗立此治法是以生此治人平居不肯釀亂

之人卽當場自能定亂之人而何患有法無人
不釀亂反不能定亂哉

二洪文章序

蓋聞之先輩云文章天地之元氣得之者其氣直與天地同流雖彼其權足以榮辱毀譽其人而不能以與吾文章之事而爲文章者亦不能自制其榮辱毀譽之權于已兩者背戾而不一也久矣故人知之過于吾所自知者不能自得也已知之過于人之所知其爲自得也方且追古人于數千載之上太音之聲何期于折揚皇華之一笑大哉言乎已知之過於人所知此種

無夢園集

馬三

事

滋味誰堪共嘗讀二洪兄文到極得意處真如十里空江青簑曳雪雖然二兄自知正不能禁我不知詩家擬竹儒寒道瘦梳翎碧天而此見一道人題云游武夷巨廬見竹樹極奇惜畫者局于格法乃放筆圖此具高眼寬胸當自得之噫嘻識二兄之文便無難識此竹矣

序但園草

嘗坐無夢園題壁云同人於野爲已灌園力穡其不出於已也嗚呼一草一木不以付天壤而以付不知何許之人夢哉夢哉文章之夢十九人品之夢十九有無夢之文則文醒有無夢之人則人醒有無夢之夢則夢醒讀畢亮四制舉義而醒也觀其人而愈醒矣前輩云胸中無一物然後可以作文字太上無一物其次苟非吾之所有雖一毫而莫取噫清風明月亦天地之

無夢園集

馬三

重

本但園草

一毫也如之何取諸彼云胸中有丘壑也丘壑非一物乎哉或又謂作山林之文不如作廟堂之文廟堂與山林均一物也均夢也見紫芝眉字名利之心皆去當擗管而勤思廟廊去密靜幾千萬里不與聖賢脉脉隔絕乎亮四面壁若心秀句天落時以垂世之見寫空世之胸其人乎其文乎

江陰鄧克生文序

文有方圓動靜無奇正八比方也方卽圓操刀動也動原靜知圓不知方知動不知靜是學執乾柄而不法一刀兩斷之坤不冰霜曷雲雨故論人莫使膽字出頭論文莫使奇字出頭膽與奇皆蕭蕭不足之象人無餘地文無餘品世儒有王用心霸用意之說每尊心而賤意試讀其文豈能稱霸哉何不用意之甚也立象盡意此吾聖人事雖帝亦不能悉用初學乎克生其人也真文也惟人文並真可與定方圓動靜之宗也已夫方圓動靜一意攝之矣奇正一用意攝之矣大都有成竹於胸中其手腕定無佳竹循之好文字不可留影於胸中作文使已與聖賢脉脉翁受之意無所附麗曷奇曷正乃此脉脉翁受之意將不如坤之細細貼切一味靜本而能了然於手口乎克生解深局靈神於變化觀其一字一句皆有八面蓋燕公說唐大手也其言曰方若棋盤圓若棋子動若棋生靜若棋死

嗟乎靜能死棋動亦安能活棋不若鄴侯之賦動靜也動若發機靜若得意世人惟得意於動故每以嘻笑怒罵行文家之順局動則生而靜則死鄴侯惟得意於靜故恒以一擒再擒布文家之逆局動於難措手處真措手靜於常用意處真得意噫文字於困衡逆順之間共爲一再摘者多矣知用意則知方圓動靜矣江上奇文淵藪試問此言未有不笑雖然方圓動靜聖於此道如克生者吾知必不易也

合刻兩先生稿引

兩先生之品不以畫重兩先生詩格多以畫掩之或曰解畫易解詩難予謂正坐解畫者少耳其實詩中原無畫畫中原無詩何也詩與畫皆寄也若寄之中又有寄焉則空庭之影爲之不落水上之波爲之不縐不知畫鳥知詩哉故兩先生之畫不與其詩謀詩不與其畫謀詩與畫兩相高而兩不相知又烏意乎人知予謂一念不及物便是腐腸一日不做事便是頑漢二者

無夢園集

馬三

畫

朝士犯之十五隱士犯之十九蓋必中情澹漠而負義慷慨激烈如兩先生者其人可以隱故每每於筆墨間微示其磊砢偃仰之色豈易言哉豈易言哉吾觀一代始興聖君賢相之景色未開已有人埋畎畝之光及其衰也人林政事煨燼無餘而又有入從畎畝收之此隱士與氣數相爲終始吾所稱淡漠而激烈者紫陽猶知此意故書晉處士陶潛卒則不拘其官書管寧卒于魏則不拘其地史臣無識往往以山野

夫克隱逸傳隱士之統遂亡夫不爲貞松必爲槿花朝榮夕殞矧其蒹葭蓋二先生之所必剪矣石翁與先中丞同在成弘之際官大理時爲贈姚江十二詠瑞蓮有圖分竹有吟予讀書東禪觀翁遺像有留與清溪伴月痕句遂以伴月題其齋既編先白翁集購翁稿合授之梓而謀廣于錢先生成若干卷嗟乎吾耳天下名人熱矣未有垂老讀書絕俗邁行介然不欲如先生者也

無夢園集

馬三

畫

湖上題腕談

天壤間不大常不大怪不大怪不大常非聖人不消大怪非聖人不生大怪何也濃雲潑霧而天怪于上龍怒蛟腥而水怪于下凡怪者盛氣之所生必有物挾之而起者也挾大物者曰聖人消消息息之所不能已也大哉乾元百物尊之百怪尊之至于坤而有不可勝言者矣然聖人無如之何也曰以順承天而已夫四象兩儀大常之所起大怪之所生也係詞言情僞言善

無夢園集 馬三

要

惡言凶悔吝孟子執一性善以格之故環受諸氏之駁而孟子自力救其窮止于闢楊墨凡縱橫刑名老佛之徒樂置不較庶幾大易廣矣大矣之旨其曰聖人復起不易吾言而挽回剔蕩之術自有聖人言遜而局寬序書以黜三墳汰八索爲功則謬矣審如是義一畫怪矣二畫怪矣甚且龍耶馬耶出聖人之口筆之書文王爲穆雷風水火之局而倒更之豈非怪之怪乎儲者之患嗜易而樂淺大一已而小世界若然則

周孔之外無人物經史之外無問學堯舜之外無事功孔不必讚猶龍而記所稱兄弟各萬八千年十日並出燭氏補天之事皆以盲龜幽怪屏置之一已之耳目情性疇非怪端其認爲怪者不怪而宇宙之真怪不顯不惟無以處天下之事雖聖人復起亦不能操吾言以埃之故天下大亂不起于不知常而起于不知怪噫此腕談之所以作也嗟乎海外謫而春夢醒至強僞耳人說鬼非強也誠也不惟是也眠高楊火漆

無夢園集 馬三

五

猛獸而敢擾之羅襦并夾懸星辰于天鳥之巢以牡槓貫象齒而殺水神其神死淵爲陵救日弓救月矢非聖人爲之則天下後世皆怪之矣聖人以爲寧天下後世怪之而不可使怪之理不傳夫勃然沸然者怪之所生卽怪之所息也大怪而大常者也知此者可以處世可以盡性可以審機而成務



傷寒指南序

順湖葉長者有恒德

上登極 詔書以賢太醫官之命服斯煌矣子
庠士諱翹宗泰用儒起家世其孝謹讀傷寒指
南一書佩之服之昔賢評人清而寒其清足以
貧其寒足以死予觀名利之途大都死熱者多
死寒者少噫豈寒可療熱不可療耶近中州刻
傷熱書豈亦有所感耶夫陰陽之患熾于白髮
予特爲富貴人拈破然以傷暑配傷寒得無太

無夢園集

馬三

夏

奇是謂五經之後又有五經也是謂張仲景之
外又有無數張仲景也自古有小心之人無放
膽之人放膽者其人必粗有小心之文無放膽
之文放膽者其文必俚近世醫家好用奇好用
偏每欲駕出于古聖賢之上其心已不平安辨
君臣佐使耶順湖小心人也惟先賢是述而更
廣之皆垂世之言也書必傳